

Lat 42° P 10.

M

IN SANCTVM

IESV CHRISTI EVANGELIVM

SECVNDVM MATTHAEVM

COMMENTARIVS.

*Authore D. Ioanne Hesselio Louaniensi,
Sacrae Theologiae, dum viueret, Regio
Louanij Professore.*



LOVANIÆ.

Apud Ioannem Bogardum, Sub Biblijs Aureis
Typograp. lurat. Anno 1572.

636 B 722

PRIVILEGIUM.

Regia Maieſtatis Privilegio cōceſſum
eſt Ioanni Bogardo, Bibliopola Iurato,
ut intra ſex proximos hoſce ſequentes an-
nos imprimat quosvis Ioannis Heſſels à Lo-
uano, Sacra Theologia (dum vineret) in
Academia Louaniensi Profeſſoris libros,
tam eos, qui typis excuſi ſunt, quā qui poſt-
modum excudentur, (è quorum numero eſt
hic In ſanctum Ieſu Chriſti Euangelium
ſecundum Mattheum commentarius). Et
ſimul quoque interdictum eſt alijs omnibus,
quicunque demum illi ſint, ne eos impri-
mant, aut alibi impreſſos in ditiones Regia
Maieſtatis diſtrahendos importare ten-
tent, ſub grauibus pœnis, quas litera expri-
munt.

Datæ Bruxellis, die 12. Decembris.

Subſig. De VVitte.
Anno 1567.



REVERENDISSIMO
IN CHRISTO PATRI AC
DOMINO D. GVILBERTO DON-
GNYES TORNACENSÍ
EPISCOPO.



T Librum hunc tuo
nomini dedicare An-
tistes amplissime, fecit
in primis singularis il-
la animi tui erga parē-
tem nostrum beneuo-
lentia atque propensio,
qua eum nō modò an-
te susceptam dignitatē
istam, sed & posteriùs
quoque evidentissima dilectionis & amoris testi-
ficatione semper prosequutus es. Quod vel ex eo
intelligi potest, quòd cū frater meus istic ante an-
nos aliquot in Collegio Societatis Iesu bonis lite-
ris operam daret, ita adolescentem amplexatus es,
vt cū tibi filium adoptare cuperes, datis hac de re
non semel ad patrem literis. Pro quo tuo erga nos
fauore atq; affectu quātum tibi debeamus, intelli-
gere potius, quàm verbis exprimere possum. Quā-
quam enim paternus pudor & verecundia nō pa-
teretur oneri se tibi esse, praesertim cū hic in

Atrebatensi collegio, in quo & ego tunc temporis habitabam, bursam vt vocât, filio suo nactus foret, grata nobis tamē esse debet tam prompta & vltro-nea in parentem nostrum pietas & beneficentia: & si notam ingratitudinis effugere cupimus, non verbis tantum, sed & rebus quoque ipsis, aut certē officio aliquo agnoscenda & testificanda, idque non modo priuata, sed & publica testificatione: præsertim cum eodem te animo esse intelligam erga studiosos omnes, in eis nimirum tuendis, fouendis, iuuandisque promptissimo. Quod cum iamdudum facere in votis esset, nec habere tamen quicquam tam eximia tanti patroni beneuolentia munificentiaq; dignum, venit tandem in mētem quod scribit ad sodalem suum quidam huius sæculi sapiens:

*Donarem pateras, grataq; commodis
Censorine meis ara sodalibus,
Donarem tripodas, præmia sortium
Graiorum: neque tu pessima munerum
Ferres, duâte me scilicet artium
Quas aut Parrhasius protulit, aut Scopas
Hic saxo, liquidis ille coloribus
Solers nunc hominum ponere, nunc Deum.
Sed non hac mihi vis, non tibi talium
Res est, aut animus delutiarum egens.
Gaudes carminibus, carmina possumus
Donare, & precium dicere muneris.*

Etenim cum & ego illarum rerum inops forem, & pietatem doctrinamq; tuam scire non magnopere his delectari, sed sacris potius literis, ac ijs doctorum virorum scriptis quæ ad religionis nostræ studia, & ad dignitatem hanc qua in Ecclesia Dei præful-

præfulges, exornandam propius faciunt, huius
 generis munusculum quoddam præparavi, quod
 etsi meritis tuis, animoque nostro nulla ex par-
 te respondeat, futurum tamen humanitati tuæ
 non ingratum confido, præsertim ubi & quod-
 nam & quale illud sit probè cognoris. Est autem
 Commentarius in Beati Matthæi Evangelium,
 opus planè recens ac novum, quodque nunc pri-
 mum opera nostra in lucem prodit: conscriptum
 autem à Domino Ioanne Hesselio, summo nimi-
 rum illo & incomparabili Academiæ nuper nostræ
 Theologo: quem celeberrimæ famæ virum tibi &
 notissimum & charissimum fuisse non dubito, ut
 in eo commédando pluribus apud te verbis opus
 non sit. Porro si ab authore commendationem
 opus meretur, habebit sanè istud longè maximam.
 Nam etsi non ignorem, neq; diffiteri velim, inter
 studiorum eius initia enatum formatumque id
 esse, dū videlicet in celebri hic Parcensium mona-
 sterio prælectorem ageret, quando necdum ad per-
 fectam & absolutam illam, quam postea conse-
 quutus est, rei Theologicæ cognitionem & doctri-
 nam peruenerat: ea tamen est nunc viri illius apud
 omnes gratia, opinio, & existimatio, ut quicquid
 ab eo profectum sit, nemo non gratissimè religio-
 sisimèq; excipiat. Sic olim Xeuxis & Apellis tabu-
 las, etiam quæ non haberent eam artis elegantiam
 quæ pictores illos postea nobilitavit, in magno ta-
 men precio vetustas habuit, non ob aliud, quàm
 quod à tam egregijs artificibus deformatæ essent.
 Sic Homeri Batrachomioumachiam magna reli-
 gione conseruavit posteritas, non tam ob carminis
 illius eruditionem, quàm quod profectum ab eo
 viro putaretur, qui summam eruditionis laudem
 & commendationem apud omnes obtinebat.

Sed quemadmodum tabulæ ac poemation illud
 quanquam longè abessent à reliquorum ope-
 rum excellentia, non tam procul tamen hinc re-
 cesserunt, quin ex talibus initijs quid expecta-
 ri tandem posset, haud difficilis esset coniectura.
 Ita & opus istud etsi non omnino eam habeat eru-
 ditionem, quam in posterioribus huius authoris
 scriptis deprehendere licet, planè tamen eiusmodi
 est, ut ex eo, tanquam messis ex herba, præ-
 clara summæque omnia sperare oporteat. Adeo
 etiam inter ipsa laborum initia felix sese illud exe-
 ruit ingenium. Sed malo de his lectorem iudicare,
 nolo enim in adornâdo hoc munere nostro proli-
 xior esse, ne nimia commendatio ingrata fiat, atque
 adeo in suspicionem veniat. Porro tametsi parum
 pudens ac decorum esse videatur, de alieno offer-
 re ac liberalem esse, id tamè obiectare desinet, quis-
 quis nôrit, quanto nobis labore molestiaq; consti-
 terit hanc æditionem instituisse, præsertim autho-
 ris autographo destitutis: illud affirmare ausim, au-
 thorè minus in scribendo, quam nos in restituendo
 desudasse. Qua in parte non est mihi sua laude
 frustrandus D. Iaspar Simonius Tileanus, pastor
 Ecclesiæ Cortracensis, qui exemplar nobis suum
 liberalissimè communicavit, adeoq; ad huius ope-
 ris excusionem non parum nos extimulavit. Atq;
 hanc vnam habes dedicati operis causam: altera
 est quod summa sit apud bonos doctosque omnes
 nominis tui gratia, opinio, atque autoritas, nō tã
 ob externū splēdorem istum, generis dico nobili-
 tatem, stemmatum splendorem, maiorumq; titu-
 los ac imagines, quàm propter insignem in primis
 eruditionem cum pari pietate, modestia, candore,
 morumq; suavitate coniunctam. deinde ob singu-
 larem in rebus gerendis prudentiam atque indu-
 striam

DEDICATORIA

striam : in arduis autem rebus aggrediendis , mo-
 lestisque perpetiendis fortitudinem Episcopo di-
 guam : in Ecclesia verò gubernanda & admini-
 stranda curam , studium , sollicitudinem multò
 maximam , ut summa hæc præfulatus dignitas
 non solum te ipsa exornet decoretq; , verum etiam
 quod in Oniæ filio scriptura commendat , plurimū Eccle. 50
 ipsa splendoris & gloriæ à virtutibus tuis vicis-
 sim accipiat , iamque apud multos non tam ipse
 ob cathedram quam illa ob insidentis virtutes a-
 pud quos in contemptum venerat , magnæ nunc
 venerationi esse incipiat . Id demum sanè est quod
 ait Apostolus , ministerium suum honorificare .
 Cum itaque librum hunc exire cuperem quam or- Rom. 1.
 natissimum , nec sufficere illi hoc sæculo autho-
 ris sui nomen commendatioque videretur : tum
 quod vnus is esset , tum quod nullius de seipso
 reciperetur testimonium : sed externum præterea
 subsidium accersendum foret , id non aliundè mi-
 hi commodius quam à celsitudinis tuæ amplitu-
 dine , virtutumque splendore petendum esse iudi-
 caui , certissimè persuasus , addita ad Hesselij no-
 men tam gratiosi laudatque Præfulis inscriptio-
 ne , tantum huic operi gratiæ splendoris & orna-
 menti accessurum , ut iam hominum oculos &
 publicum formidare amplius nihil debeat . Hanc
 ergo alteram ob causam librum hunc ad te mitte-
 re visum est : quod ut facere auderemus ipsa nos
 tua inuitauit exposita omnibus humanitas . Acci-
 pies itaque ornatissimè Præful chartaceum munu-
 sculum , partim quidem gratitudinis ergo , ut nos
 intelligas tuorum erga nos beneficiorum esse mi-
 nimè immemores : partim verò ut quod offeri-
 mus in tutelam tuam recipere digneris , & com-
 municato nominis tui splendore ac authoritate ,
gratiam,

DEDICATORIA

gratiam fauoremque ei apud studiosos omnes conciliet. Quod si abs te impetrare poterimus, neque laboris neque consilij huius nostri nos poenitebit. Quid vult facere digneris etiam atque etiam rogo. Incolumem te diuque florentem Ecclesiae suae Dominus Iesus conseruare dignetur. Louanij, ex secundo
Theologorum Collegio.

R. P. V. *addictissimus.*
Henricus Grauius Louaniensis.

PRAEFA-





PRÆFATIO.



RIVS QVAM ad explicandum Matthæi Euangelium accingamur, opere pretium fue- rit aperire prius, quis eius fuerit ac cæterorū Euāgelistarum in scri- bendo scopus, mens, & cōsiliū: deinde quod nā sit inter eos discrimen

ac differētia. Id enim ad rectam eorum intelligen- tiam haud parum profuerit. Matthæus igitur toto hoc libro suo id agit, vt doceat Iesum Mariæ filiū Christū esse & illū Messiam quem ad humanū ge- nus, à peccatis & æterna morte redimendum, Lex & Prophetæ venturum esse promiserunt. Non fuit autem eius propositum & primarius finis tradere historiam, & res ab eo gestas describere: alioqui enim multò plura referre potuisset, nunc autem ea tantum collegit quæ sufficere existimauit, ad decla- randum, quòd quæ per Legem ac Prophetas de Christo erant prædicta, ea omnia in Iesu comple- ta essent. Idem est & cæterorum etiam Euange- listarum argumentum. Hinc Ioannes in libri sui calce. Sunt & alia (inquit) multa quæ fecit Iesus in conspectu discipulorum suorum, quæ nō sunt scri- pta in libro hoc. Vbi se ostendit minimè conatum

*Quis euā-
gelistarum
in scribendo
scopus*

IOAN. 21.

B

esse

P R A E F A T I O

esse factorum Christi historiam contexere: sed institutum suum aperiens, subdit: Hæc autem scripta sunt, vt credatis quia Iesus est Christus filius Dei, & vt credētes vitā habeatis in nomine eius. Id est: tam multa ex Iesu historia vitæq; collegi, vt satis superq; ostenderim, ipsum esse Christum promissum, per quem credentes vitā æternā consequamini. Sic & Lucas in Euāgelij sui procemio ait visum sibi fuisse scribere narrationē rerū, quæ in nobis cōpletæ sunt. cōpletæ inquā, secundum quod erant in lege ac prophetis promissæ, q. d. Propositum mihi est ostendere completum esse in Iesu quicquid & Lex & Prophetæ de venturo Messia multo ante prædixerunt. Marcus quoque ita euāgelium suū exorditur, Initiū euāgelij Iesu Christi, filij Dei. Cuius hic est sensus, Scribēdum hic suscepi latum nuntium, quod nimirum promissus ille Christus & Messias Dei filius, sit Iesus de Maria natus, qui venerit ad saluandum genus humanum. Quin & ipse Matthæus, Liber (inquit) generationis Iesu Christi, filij David, filij Abraham. Hoc est. Audistis in lege & Prophetis venturum esse Christū ex Davidis & Abraham progeniæ ad peccatores saluandos: eum ego nunc vobis & natum esse, & in mundo ad salutem hominum conuersatum, atque aded illum esse, qui Iesus dictus est & de Maria genitus, in hoc libro meo demonstrabo. Est igitur vnus hic Euangelistarum omnium scopus describere Iesu historiā, vt ex ea intelligatur verus esse Messias & Saluator hominum, iam olim in lege & prophetis promissus. Cæterum non esset Iesus saluator, nisi & mediator foret inter Deum & homines, vtramq; habens naturam, & humanam & diuinam. Ex harum autem in Christo diuersitate, oritur differentia inter Ioannis & trium cæterorum Euangelia. Ille enim ita Christi narrat historiam

storiā, vt diuinitatem eius potissimum commēdet, vnde & ab ea euangelium suum auspicatur: In progressu autem sublimiora quæq; persequitur: definit verò in incomprehensibili eiusdem maiestate dicens mundum non posse capere libros, si Christi facta per singula scribantur. Quò factum videtur vt nec ascensionis Christi meminerit, eò quòd diuinitas Christi cœlo non comprehendatur vt-pote vbique existens. Vide Augustinum de consensu euangelistarum lib. 1. cap. 4. & 5. & lib. 4. cap. vltimo. Reliqui verò tres euangelistæ, quanquam diuinitatem etiam Christi commendent: tamen ijs maximè immorantur, quæ pertinent ad declarandam eius humanitatem: Vnde conuenienter in visione Ezechielis & Ioannis designatur Ioannes ipse per aquilam, tanquam super humanæ infirmitatis nubila volitās & lucem veritatis incommutabilis acutissimis atque firmissimis oculis cordis intuens. Reliqui verò tres, designantur per animalia quæ in terra gradiuntur, nec volare in altū possunt, vtpote in ijs præcipuè occupati quæ Christus in carne operatus est, & in explicandis exigendæ mortalis vitæ præceptis, quæ carnem portantibus tradidit. Vnde etiam conuenienter in Ezechielis & Ioannis visione aquila constanter locum quartum & inter quatuor animalia postremum obtinet: Reliqua tria stabilem non habēt ordinem, sed eorum quodlibet, nunc primum est, nunc secundum, nunc tertium quia videlicet diuinitas Christi ad quam postremum admittemur immutabilis est, in humanitate verò Christi fuit mutatio. Porro in humana natura Christus rex est & sacerdos: sacerdos quidem ad nos expiādos, rex ad regēdos. In sacerdotio Christi exponendo maximè eminet Lucas vnde & appositè per vitulum siue bouē (qui est sacerdotis victima) designatur. Euangeliiū enim

*Discrimen
Euangelis-
tarū inter
se.*

Ioan. 1. 1.

*Ezech. 1.
cap. 10.
Apo. 4.*

P R A E F A T I O

suum incipit à sacerdote Zacharia, sacerdotio in tē-
 plo fungente: Mariam cognatam tribui sacerdotali
 dicit, atque ita aliquo modo Christum ad sacerdo-
 talem stirpem pertinuisse, recenset cantica seu psal-
 mos Zacharię, Marię, Simeonis, encomium Eliza-
 beth, quo matrem Domini Mariā celebrauit: psal-
 lere autem Domino, sacerdotum est, Refert prate-
 rea & hymnum angelicum, Christum oblatū Do-
 mino in tēplo, & hostias pro eo datas Deo, matrē
 purgatam sacerdotum ministerio, Annam in tem-
 plo perseuerantem, Christo testimonium perhi-
 buisse: Simeonem in templo eum agnouisse, ac pa-
 rentibus eius benedixisse, Christum singulis annis
 in festo Paschæ ad templum venisse, eum in tem-
 plo sedisse sacerdotum doctrinam audientē. Ver-
 bum quoque Domini dicit factum super filium sa-
 cerdotis, sub principibus sacerdotū Anna & Cai-
 pha, latius etiam cæteris explicat sermones Ioan-
 nis baptistæ, sciens ad sacerdotes pertinere con-
 cionandi officium. Genealogiam Christi recenset,
 at non per regalem stirpem: dicit Christum in Sy-
 nagoga lectoris functum officio, describit vocatio-
 nem sacerdotum nouę legis, pisces captos miracu-
 lo, ruptumq; rete: Septuaginta quoque discipulos
 ad prædicandū missos dicit. Frequentissimē Chri-
 stum describit (quod propriē sacerdotum est) oran-
 tē vt ca. 5. Secedebat in desertū & orabat, ca. 6. Erat
 pernoctans in oratione Dei. cap. 9. Cū solus esset
 orans: & ibidē, Ascēdit in montē vt oraret & ca. 11.
 Cū esset in quodā loco orās. ca. 22. dicitur prolixius
 orasse vsq; ad sanguinē, & in cruce vbi maximē sa-
 cerdotē egit, nō inducit Christū conquerētē quod
 sit derelictus, aut quod sitiāt, aut cōsolantē matrē:
 sed orātē pro crucifigētibus se, vt consolantē quē-
 dam secum morientem, eumq; peccatorem ac la-
 tronem: & quod maximē sacrificantis est, animam
suam

suam in manus patris offerentem. Idem quoq; præ
cæteris explicat doctrinam Christi, de oratione, vt
patet cap. 11. & 18. tot propositis parabolis: singulari-
ter autem ea prosequitur quæ concernunt dulcis-
simum Christi amorem erga conuersionem pec-
catorum vt patet cap. 7. de muliere peccatrice: ca.
9. de non perdendis igne cœlesti Samaritanis: cap.
10. In suauissima parabola Samaritani medentis
vulnerato: cap. 12. dum conqueritur Christus dif-
ferri mortem suam & per consequens ignē S. san-
cti: cap. 13. in historia Galilæorum occisorum à Pi-
lato, & in sequenti ficus parabola: cap. 15. in tribus
dulcissimis parabolis: cap. 18. in historia Publicani,
& Pharisei: cap. 19. in historia Zachæi: cap. 22. in re-
spectu Petri: & 23. in susceptione latronis & ora-
tione pro inimicis. Huc spectat quod Lucas toties
inculcat Christum esse saluatorem hominum, vt
cap. 4. in prophetia Esaie, quæ est maximè peccato-
ribus consolatoria: & cap. 5. virtus Domini erat
ad sanandum eos: & cap. 6. Virtus de illo exibat &
sanabat omnes: cap. 10. in parabola Samaritani: c. 19
Venit filius hominis quærere & saluū facere quod
perierat: & ibidem legitur fleuisse super peccatores.
Ponit Lucas ca. 17. Christum ad sacerdotes misisse
decem leprosos: & cap. 16. docet vt Moyses & Pro-
pheta audiantur. Ipse præ cæteris latius describit
vltimam cœnam Christi dicens, Christum dixisse
Desiderio desideravi &c. Docēs etiā vsque ad
finem sæculi hoc sacrificium frequentandum, Hoc
facite (inquit) in meam commemorationem. Ipse
inducit Christum Cleophæ, & socio eius expla-
nasse Scripturas Moyfi, & prophetarum: & aperuisse
Apostolis sensum vt intelligerent scripturas
Moyfi, prophetarum, & psalmorum. Explanare au-
tem scripturas, sacerdotis officium est. Cum cæteri
narrent Christum post resurrectionem primo ap-
paruisse

PRAEFATIO

Ucb 9.

Proœmio
in mattheu
or exech.
Cap. 6.

paruisse mulieribus, ipse illis omisissis refert eū apparuisse Simoni Petro summo futuro sacerdoti. Ipse dicit Christum eleuatis manibus benedixisse apostolos, quod est officiū sacerdotis. Perducit autē euangeliū vsq; ad ascensionē in coelū, vt ostendat Christiū pro nobis introiisse in coelū tanquā in sancta sanctorū, vt vbi tanquā pontifex appareat vul-tui Dei pro nobis, & interpellet pro nobis, sicut di-cit Apostolus ad Hebręos. Sicut autē Lucas incœ-pit euangeliū suū ab ijs quæ acta sunt in tēplo, à sa-cerdote veteris testamēti, ante Christi cōceptionē, ita illud finit his quæ noui testamenti sacerdotes post Christi ascensionem in templo gerunt, dicens eos semper fuisse in templo, laudantes, & benedicē-tes Deū: quæ sanē sacerdotalia sunt: & more Eccle-siastico per amen finit euangelium. Huc etiam spe-ctat, quod per totum euangelium suū libenter vo-cat Christum Dominū. Christus enim specialiter est Dominus noster, quia pretio sanguinis sui se sa-crificando nos sibi emit. Satis igitur ex his constat Lucam optimē designari per vitulum. Sed difficilē est videre, vtrum animal tribuēdum sit Matthæo, homōne an Leo, propter diuersas hac de re docto-rum sententias. Hieron. enim (quem etiam pictores in hoc sequuntur) Matthæo tribuit hominē, Mar-co leonē. Sed August. lib. 1. de consensu euangelist. Matthæo tribuit leonē, Marco hominē, quem se-quitur Venerabilis Beda in proœmio commenta-riorum in Lucā, & in Apocalypsim. Hanc sententiā tanquā probabiliore, nos amplectemur, & reddita ratione explicabimus. Nā August. in attributione istorum animalium, considerat non tantum exor-dia quatuor horum euangeliorum: quemadmodū facit Hieronymus, sed totum eorum corpus, ac scribentium intentionem, quæ magis sunt atten-denda quam nuda librorum initia. Per Leonem igitur

igitur designatur Christus, quia quemadmodum Leo fortissimus est bestiarum: ita & ipse potentissimus est victor, Rex omnium qui nos regit, & ab hoste maligno defendit. Vnde in Apocalypsi, dū commemoratur regia tribus Christi, & eius victoria Leo dicitur: Vicit (ait Ioannes) Leo de tribu Iuda. Quemadmodum & in Genesi vbi Deus nasciturus prædicitur de tribu regia: Ostendamus itaque Matthæum descripsisse Christum præcipuè vt potentissimum Regem, quo manifestum fiat Leonem esse illi attribuendum. Describit itaque Regiam Christi stirpem, eum statim filium Dauidis appellans: & dum Dauidem (cuius sedem regalem Christus accepit) in Genealogia commemorat, notanter nomen Regis ei adijcit, Dauid autem Rex &c. nec per Nathan qui Rex non fuit, sed per Salomonem Genealogiam contexuit. Deinde Genealogiam distinguit in tres thesseredecades quia regimen, siue gubernatio populi, ter fuit mutata.

Primo enim fuit sub iudicibus, Secundo sub Regibus, Tertio sub Ducibus: donec venit Christus, qui fuit Dux, Rex, & Iudex. Ad hæc reddens rationem nominis Iesu: Ipse (inquit) saluum faciet populum suum à peccatis eorum, hoc enim regium est, populum saluum facere. Profert etiam prophetam dicentem Christum vocandum Emanuel, quod est nobiscum Deus.

Decet enim Regem populo suo adesse, quod Christus fecit cum factus est homo, vt in substantiali nobis natura, regnaret super nos.

Capite secundo describitur natus in diebus Herodis Regis, & eidem formidini esse. A magis ex oriente venientibus quæritur recens natus Rex Iudæorum: Ipse Dux populi Israel resturus populum à Michæa prædicitur, tanquam Rex ado-

P R A E F A T I O

ratur, & aurum ei offertur, Regem cœli se demonstrat, nouam stellam in ortu suo apparere, faciens, Regem Herodem fugit Ioseph: Archelaum Regem timet: ab impio Rege masculi infantes trucidantur. Capite 3. annunciatum à Ioanne Baptista regnum cœlorum, similiter & à Christo cap. 4. quæ à Luca sunt prætermissa. Cum imperio dicit Christus diabolo, vade Sathana, accedunt ad eum Angeli, eiq; tanquam Regi suo ministrant. Cap. 5. describit latissimè beatitudines, quibus ad regnū peruenitur, in prima & vltima beatitudine nomen etiam regni cœlorum exprimens, atq; in hoc capite, ac duobus sequentibus latius cæteris præcepta legislatoris Christi profequitur, dicens eum cum autoritate dixisse, Ego autem dico vobis: & dum per Hierosolymam peierare prohibet, magni Regis meminit, multaq; de præmijs ac pœnis disputat. Regis enim est præmium retribuere, ac punire. Cap. 9. exigit à cœcis vt confiteantur quod possit eos sanare, à quibus dicitur inuocatus tanquam filius David. Libentissimè autem Matthæus toto passim libro suo, inducit mentionem extremi iudicij, & pœnarum inferni, gaudij cœlestis & eiectionis Iudæorum, quæ omnia ad regiam Christi potestatem pertinent, vt supra cap. 4. & tribus sequentibus. Rursus cap. 8. Dico, inquit vobis, quod multi ab oriente & occidente venient &c. Filij autem regni eiicientur in tenebras exteriores, ibi erit fletus & stridor dentium. Cap. 10. Tolerabilis erit terræ Sodomorum &c. Et ibidem: Qui perseuerauerit in finem saluus erit: Et rursus, qui potest animam & corpus perdere in gehennam: & infra, mercedem Prophetæ accipiet. Cap. 11. Tyro & Sydoni remissius erit in die iudicij &c. Cap. 12. Reddent de eo rationem in die iudicij. Viri Niniuitæ surgent in iudicio &c. Et cap. 13. insignes duas

parabolas proponit de Zizanijs, & Sagena missa in mare, ad extremum pertinētes iudicium: vbi meminit separationis iustorum ab impijs, bis meminit camini ignis, & fletus & stridoris dentium, vbi etiam ponit præmium iustorum. Tunc, inquit, iusti fulgebunt sicut sol in regno patris eorum &c. Adducit ad declarationem præmij duas parabolas de thesauro abscondito in agro, & de pretiosa Margarita. Rursum cap. 18. Bonum est tibi ad vitam ingredi debilem & claudum &c. vbi etiam adfert insignem parabolam hominis Regis qui ponit rationem cum seruis, & seruum immisericordē tradit tortoribus, &c. Et cap. 19. Illustre præmiū habet eorum, qui sequuntur Christum, quod sedebūt in die iudicij tanquam iudices: Cap. 21. Solus parabolam illam narrat de duobus filijs, qua Iudæorum reiectio significatur. Et in sequenti parabola solus habet auferendum ab ijs regnum Dei, &c.

Cap. 22. Solus iterum recitat parabolam ad excidium Iudæorum pertinentem, vbi rursus commemorat poenas inferni, ligatis (inquit) manibus & pedibus &c. ponitq; hanc parabolam sub nomine Regis. Cap. 23. Grauiissimas habet comminationes, identidem inculcans. Vē vobis, & concluditur caput reiectione Iudæorum. Cap. 24. Rursus inculcatur illud, Qui perseuerauerit vsque in finem &c. & toto illo capite nihil aliud quam Iudaicum excidium, & futurum iudicium pronuntiat. Cap. 25. duæ sunt insignes parabolæ ad declarandum terrorem extremi iudicij & præmia iustorum, concluditurq; caput diserta ipsius iudicij, æterni in æterno igne supplicij, & vitæ æternæ descriptione: vbi & Iudex Regis nomine appellatur. Tunc dicet Rex &c. Cap. 27. Solus ponit horribilē reprobationem Iudæorū, & in sui condemnatione clausisse Iudæos, Sanguis eius super nos. Narrat etiam luben-

P R A E F A T I O

Iubenter Matthæus illa miracula Christi, quæ facta sunt pluribus, & sæpissimè vna narratione multa miracula conglomerat, Regiū enim est multis benefacere, & Rempub. saluare. Sicut cap. 4. circuibat Iesus totā Galilæā, sanans omnē languorem, & omnē infirmitatē in populo &c. & obtulerūt ei oēs male habentes, & c. 8. obtulerunt ei multos dæmonia habentes, & oēs male habentes curauit: Et eodē cap. narrat, duos dæmoniacos curatos à legione dæmoniorū: Cū Marcus & Lucas præcipuū dæmoniācum, tantum ponant. Et ca. 9. Solus ponit duos cæcos illuminatos à Christo, & subdit, circuibat Iesus omnes ciuitates & castella &c. curans omnem languorē &c. Videns turbas misertus est eis, quia erant vexati, & iacentes sicut oues non habentes pastorem. Et cap. 12. sequuti sunt eum multi, & curauit eos omnes, vbi allegatur prophetia Esaiæ. Et dicitur Christus nuntiaturus gentibus iudiciū, & gentes in nomine eius speraturas, & quod ejiciet ad victoriam iudiciū, designaturq; clemētia Regis dum dicitur, arundinem quassatā non confringet, sicut & capite superiori vocat ad se omnes laborantes, & oneratos, promittens requiem omnibus volentibus iugum eius tollere, hoc enim planè regium est omnes confugientes ad se refocillare. Capite 14. obtulerunt ei omnes male habentes, & quicunq; tetigerunt fimbriā vestimēti eius &c. Vbi etiā ante narrauit, quod Christus aduerso vēto laborantibus subuenit tribuens etiam Petro, vt ambulare posset super mare. Et cap. 15. accesserunt, inquit, ad eum turbæ multæ, & curauit eos ibi, & capite 20. Dicit duos cæcos illuminatos à Christo, cum alij vnum tantum ponant. Capite 21. Dicit in templo cæcos & claudos sanatos ab eo. Similiter cap. 28. Dicit Christum multis mulieribus apparuisse: cum alij Euangelistæ Marcus, & Ioannes nō memi-

meminerint nisi apparitionis factæ Magdalenæ: Inculcat etiam Matthæus apparitionem Christi in Galilæa, prætermiſſa apparitione facta in Hieruſalem, quia apparitio in Galilæa fuit magis frequens. Capite 16. & 18. Solus Matthæus ponit Petro & alijs Apoſtolis, datam eſſe poteſtatem ligandi & ſoluendi: Quæ poteſtas planè regia eſt, quam Ioannes poſt reſurrectionem ponit quia planè diuina eſt hæc poteſtas. Promittitque Petro clauſes regni cœlorum, id eſt, regimen Eccleſiæ ſicut Ioannes dicit Petro datam eſſe poteſtatem regendi, quia regere populum chriſtianum in his quæ ad religionem ſpectant, diuinum & regiū eſt. Promittit inſuper quod portæ inferi non præualebunt aduerſus Eccleſiam: Regis enim eſt omnes aduerſarios populi ſui debellare. Cap. 17. Oſtendit Chriſtus ſe eſſe filium Regis Regum. Ideoq; ſe longè magis debere eſſe exemptum à cenſu ſoluendo, quàm ſunt filij Regum terræ. Capite 20. Ponit præmia operariorum quibus pro beneplacito ſuo dat paterfamilias æquale ſtipendium quamuis inæqualiter laborauerint: Regium enim eſt hoc, vel illud pro placito ſuo dare. Solus illud bis habet 8. ſcilicet & 22. cap. Multi ſunt vocati, pauci electi ad declarandam Chriſti maiestatem. Magnę enim poteſtatis eſt vocare & pro tuo arbitratu quos velis eligere: Cap. 21. Recenſet prophetiam de Rege mæſueto, quę extat etiam apud Ioannem. Cap. 26. Solus refert Chriſto adeſſe poſſe pluſquam 12. legiones angelorum. Ponitur ibi etiam vltio eximentium, & percutientium gladio. Cap. 27. Ponit præ cæteris Euangeliftis Chriſto arundinem datam eſſe in dextera tanquam ſceptrum regale. Solus etiā ponit terram motā, ſepulchra aperta, petras ſciſſas, & munitionē publicę poteſtatis circa ſepulchrum. Ipſe ſolus dicit cum Ioanne Chriſtum emiſiſſe
vel

P R A E F A T I O

vel tradidisse spiritum : quod planè significat diuinam potestatem & regiam, cum alij Euangelistę Marcus & Lucas, simpliciter dicant Christum exspirasse &c. Cap. 28. Solus ponit terribilem terremoto, aspectu angeli custodes turbatos, ac mentientes, & corruptos à populi rectoribus, & in fine regnum Christi quasi describens, data est mihi (inquit) omnis potestas &c. Et sicut in principio euāgelij sui dixit Christum vocatum Emanuelem, quod nobiscū factus sit Deus assumptione humanę naturæ : Ita in fine Euangelij sui dicit Christum promississe quod nobiscum erit, tanquam Rex pius & potens vsque ad consummationem sæculi.

Ideo autem Matthæus non perducit historiam vsque ad Christi ascensionem, sicut neque Ioannes quia regnum Christi cœlo non concluditur sed & quæ in terris regnat, & in cœlis. Hactenus explicauimus quòd à Matthæo Christus describatur, vt Rex noster, liberator, & protector: eoq; rectè illi Leonis tribuatur effigies. Superest quartū animal, homo videlicet, Marco nimirum assignandū : Nō quasi Matthæus & Lucas non describāt Christum vt hominem : sed cum id hi tres ex æquo faciant, & Matthæus, quidem ac Lucas aliquid eminentię in humana natura Christo attribuant, regnum videlicet & sacerdotium, nihil autem peculiare Marcus præ Matthæo & Luca, hinc factum est vt homo cesserit Marco, tametsi tribus omnibus commune animal: Solet enim species, vbi proprium ei deest, generis nomē accipere. Quia autē Christus secundū humanā naturā, & rex est, & sacerdos: hinc appositè Marcus collocatur inter Matthēū & Lucā & quāuis plurima habeat cū solo Matthæo, multa tamē cū solo etiā Luca, docens Christum hominē esse simul & Regem, & sacerdotem : neque tamen regnum eius peculiariter commendans, vt mattheus,

thæus, neque sacerdotium vt Lucas. Quod verò cum Matthæo plurima de Christi regno dicat, satis est manifestum: declaremus ergo quid cū solo Luca describat. Et imprimis quidem quod habet cap. 1. de homine dæmoniaci in synagoga curato, & de eius doctrinæ admiratione, quæ haud dubiæ est sacerdotis: & de euangelizâdo alijs ciuitatibus. Toto cap. 5. Lucæ quam Matthæo similiior est. Cap. 9. refert cum solo Luca, quod prohibuerit cuidam Ioannēs ne faceret miracula. Cap. 10. In illuminatione cœci magis ad Lucā accedit, quam ad Matthæum. Cap. 12. Refert historiam viduæ quadrantē in templo offerentis. Cap. 14. Cum Luca ponit hominem portantem lagenam aquæ, Christumq; à ministris Iudæorum velatum. Denique cap. vltimo cum Luca recenset apparuisse Christum post resurrectionem, duobus discipulis euntibus in Emmaus, ac deinde in cœlū ascendisse. Ideo autē historiam suā ad Christi ascensionē vsque perducit quod Christum simpliciter describat secundum humanam naturam, secundum quam exiguo loco in cœlo circumscribitur. Vt ergo nobis vbi sit Christus secundum humanam naturam, dicit eum corporaliter in cœlo esse in summa felicitate, & gloria. Quemadmodum autem euangelium suum exorsus est à Ioannis prædicatione, quia cœpit Christus in Iudæa innotescere: ita & claudit illud apostolorum prædicatione & miraculis, quibus vniuerso orbi paulatim inclaruit. Quod enim Ioannes Iudæis, hoc gentibus fuerunt Apostoli. Atque hætenus quidem de animalibus, quod cui tribuendū sit. Pulchrè autem apud Ezechielem quodlibet quatuor animalium, quatuor habet facies, quia quilibet euangelistarum, quatuor hæc scribit de Christo, quod sit Deus, homo, rex, & sacerdos, quamuis finguli in vno reliquo eorum declarando magis
ver-

PRAEFATIO

versentur. Eleganter item ab Ezechiele, & Ioanne, dicuntur omnia in istis animalibus plena oculis ante & retro, intus & extra quia nihil est in euangelijis quod non luceat & splendore suo illuminet mundum, vt etiam quæ parua putantur & vilia plena sint intelligentia & spiritus sancti fulgeant maiestate. Per oculos enim designatur illustratio spiritus sancti spiritualis intelligentiæ, sicut patet Zachariæ 3. & 4. Describuntur etiam hæc animalia alata esse, & pennata, nec cessare à laude Trinitatis, neq; reuerti vnquam dum ambulant: quia per totum orbem volitant, & omnes incessanter ad confessionem & laudem excitant Trinitatis, sequentesq; impetum spiritus sancti, semper ad futura faciunt festinare, ne ad omnia semel temporalia reuertamur. Sub quatuor istis animalibus dicitur esse manus hominis, quia gratia Christi incarnati subleuat euangelistas, vt per totum orbem discurrant. Planta quoq; pedis eorū, dicitur esse quasi planta pedis vituli quia oīa eorū in sacerdotio & sacrificio passionis Christi fundantur. Pulchrè etiam aquila inter quatuor supremo loco ponitur: quia Christi diuinitas super omnia semper eminent, quæ ad humanam eius pertinent naturam. Leo & homo dexteræ tenent, quia Christus in gloria sua semper homo erit, semperq; regnabit: Bos autem in sinistris constituitur quia per miseriam suam, quam in cruce, dum sacerdotem ageret sustinuit, nos à peccatis expiauit: & postquam aduenerit futurum seculum, & sinistra mortalis vitæ transferit, neminem amplius per sacerdotium suum ad poenitentiam vocabit, nec à peccatis suis expiabit. Hæc de sanctissima quatuor animalium visione dixisse sufficiat. Nunc Mattheum loquentem audiamus.

mus.

COM-



COMMENTARIVS
IN EVANGELIVM SECVN-
DVM MATTHAEVM, AVTHO-
re D. Ioanne Hesselio S. Theologiae
Professore.

IN CAPVT PRIMVM.



LIBER generationis Iesu
Christi filij David filij A-
bram Hebrei frequen-
ter libros quos scribunt
ab eo nominant, quod
in principio tractatur: vt
visio Esaiae filij Amos. *Esaie 1.*
Hunc morem Mat-
thaeus Iudaeis scribens
liuat vocans euange-
lium suum librum ge-
nerationis, cum tamen primo capite tantum, agat
de generatione Christi. *christus* nomen graecum
est quod Hebraice Messias dicitur, latine autem
vnctus: nomen conueniens filio Dei secundum hu-
manam naturam, in quantum fuit vnctus a spiritu
sancto praeter omnibus hominibus, vt esset Rex omnium *Psal. 44*
electorum Dei & sacerdos, per quem omnes electi ex-
piareretur. Nam haec duo hominum genera Reges & Sa-
cerdotes in veteri lege sollemniter vngabantur. Ab *Leuit. 8.*
hoc nomine appellamur Christiani, quasi dicas *3. Reg. 19*
vncti-

IN MATTHAEI

vncticij, id est, aliqua parte vnctionis illius qui plenè fuit vnctus seu delibutus spiritu sancto, cōsortes. *Filij David*, id est, Ex progenie & posteritate David, secundū quod ei fuit promissum: de fructu ventris tui ponā super sedē tuā: de qua promissione Iudæi omnes satis erant edocti. *Filij Abraham*, id est. Qui Christus etiā filius est Abraham, cui etiā est promissus, dum dictum est ei: In semine tuo benedicētur omnes gentes s. benedicendæ. Non rectè quidam hoc ad Dauidem referunt vt is Abraham filius hic dicatur: Id enim nihil ad rem præsentem facit, nec quicquam habet energix, vt prius illud, quo Christus etiam Abraham promissus insinuat.

Abraham genuit Isaac. Mirantur interdum quidam hanc Christi genealogiam in missis quibusdā Beatae Virginis euangelij loco recitari: propterea quod aliud nihil quam diuersa nomina habeat, nec admodum ad pietatem excitare videatur. Sed si cogitemus quam ardens fuerit horum & qui eis cōxtanei fuerunt aduentus Christi desiderium, facile intelligemus non sine fructu pietatis, & recitari & audiri posse. *Iudam & fratres eius*: Quæritur quare meminerit fratrum Iudæ, cum & Isaac fratrem habuerit Ismaelem & Iacob Esau, quorum non meminit. Respondeo ideo id factum ab eo esse, quod posteri 12. Patriarcharum, quorū non meminit participes etiam fuerint promissionis Christi, et de Dei populo, non item Ismael et Esau.

Iudas autem genuit Phares & Zaram de Thamar. Horū meminit euangelista ob singulare mysteriū, quod in eorum partu fuit significatum, scilicet Iudæorū et gentium. Iudæi per Zaram intelliguntur, qui vt ille, ad seruiendum Deo manū protulerunt priores, sed coccinum ligatum in manu habuerunt, id est, sanguinem pretiosum Christi, sicq; retraxerunt se à seruitute Dei et nondum nati sunt, sed in fine tandem

tandem sæculorum ad fidem nascetur. Sed Phares, populus gentilis prior egressus est quia doctrinæ euangelicæ se prior subiecit.

Phares autem genuit Esron. Hieronymus notandū ait in Genealogia saluatoris nullam assumi sanctarum mulierum, sed tantum eas quas Scriptura reprehendit, vt qui propter peccatores saluandos venerat, de peccatoribus nascens omnia peccata deleret, vnde & in consequentibus Ruth Moabitis ponitur & Bethsabea vxor Vriæ, cū dicitur ex ea quæ fuit Vriæ. *Aram.* Fuit hic in Aegypto natus, vt & Aminadab pater Elisabeth vxoris Aaron Naasson item & Salmon, vnus inter principes populi Israel. *Booz de Raab* Hæc fuit meretrix

illa quæ exploratores populi Israël hospitio suscepit & abscondit, de qua legitur Iosue 2. Eadē postmodum conuersa est ad Deum Israël & cum parētela sua populo Iudæorum coniuncta: vt clarū est ex 11. cap. epistolæ ad Hæbræos vbi sic dicitur, fide Raab meretrix non perijt cum incredulis excipies exploratores cum pace. Hæc itaque Raab populum representat gentiliū qui prius cultui idolorū deditus, velut meretrix quædam fuit, vtq; ad illam, Iosue exploratores suos, ita ad hunc Christus Apostolos suos misit: funiculus autem coccineus in fenestra ligatus sanguinem Christi in frōtibus significat. Putant multi eandem hanc esse de qua loquitur Dauid, cū ait: Memor ero Raab, & Babylonis scientium me. Verū Hieronymus aliter sentit, dicens illā apud Dauidē interpretata superbā, qua significatur Aegyptus, seu populus Aegyptiacus: eam verò cuius hic fit mentio, interpretari latitudinem. *Booz autem genuit obed ex Ruth.* Ista conuersa fuit à gentilitate ad verum Deū sanctissimēq; vixit, & coniuncta fuit Booz seni. Nominatur autem hæc ab Euangelista, quia similiter representat

Iosue. 6

psal. 86

IN MATTHAEI

gentilem populum, qui relictis idolis ad veri Dei cultum conuersus est. *Ioram autem genuit oziam, ozias autē genuit ioatham* Omittuntur hic ab Euāgelista Ochozias, Ioas, & Amasias: neq; enim Ioatham proximē ab Ozia genitus fuit, sed ab Amasia. Idēq; propterea, quia propositum Matthaei erat cōtexere hanc genealogiam per tres thesseradecades: hoc est per ter quatuordecim generationes, videlicet ab Abraham vsque ad Dauid, à Dauid vsque ad transmigrationem Babylonis, & à transmigratione Babylonis vsque ad aduentum Christi. Deinde etiam in detestationem sceleris Ioram, qui filiam impijssimae Iezabelis in vxorem accepit, cuius & impietatem egregiē est imitatus. Præ cæteris autem impijs regibus qui hic recensentur, hi tres prætermisī sunt, quod nō ita perpetua, & pertinax aliorū fuerit, atq; horū impietas: nec cum domo Iezabelis fuerint coniuncti. Nam in primis Ioas Zachariam sacerdotem Domini inter templum et altare occidit: Ochozias quoq; secutus est domum Achab, Amasias autē postmodum etiam declinauit ad idololatriam, & prophetiam Dei audire noluit. *Iossas autem genuit iechoniam, & fratres eius.* Meminit hic fratrum Iechoniae, tum quod pares fuerint in impietate, tum quod omnes post patrem Iosiam regnārint. Fuēre autem Iosiae tres filij, primus Ioacaz, Iohanan dictus: quem vbi tres menses regnasset Nechao rex Aegypti captum abduxit in Aegyptum. Secundus Eliachim quem rex Neoach fratri substituit, imposuitque ei nomen Ioacim, qui in secunda hic thesseradecade Iechonias dicitur. Fuit ergo trinanius. Hic filium habuit Ioacim, qui in proxima thesseradecade (quo modo & 1. Paral. 3. & Ieremiae 22.) Iechonias appellatur. Quem cum patri successisset, Nabuchodonosor vna cum matre & seruis in Babylonem capti-

2. P ar. 24.

2. P ar. 22

2. P ar. 25

1. P ar. 3

captiuum abduxit, postea autem Euilmerodach è carcere eductum regaliter secum habuit. Tertius Iosix filius fuit Mathanias, quem Nabucho- donosor fratris filio substituit, imposuitque ei no- men Zedechix, quem tandem ob rebellionem ex fuga captum erutis oculis abduxit in Babylonem, substituto ei Godolia, quem aliquanto post His- mael obruncauit. *In transmigratione Baby'onis,* id est, circa tempus quo populus Iudaicus trans- migravit è Iudæa in Babylonem. *Et post t. ans-* *migrationem,* id est, postquam migravit in Babylo- nem. *Iechonias,* diuersus est hic à superiore, filius nimirum eius quem & Ioachim appellatum esse diximus, *genuit salathiel.* in captiuitate: atque ita esse intelligendum annotat Epiphanius in libro de Hæresibus. *zorobabel genuit Abiud.* Post Zo- robabel nihil de reliquis in aliqua Scriptura cano- nica reperitur: sed dicitur Euangelista horum ge- nealogiam habuisse, vel ex reuelatione spiritus sancti, vel certa traditione. Multi siquidem tunc temporis Dauidis progeniè diligenter describebāt ob factam illi diuinam de Messia promissionem.

Iacob autem genuit Ioseph uirum marie. Conciliandus hic est Matthæus cum Luca, qui Ioseph ait filium Heli fuisse. Omisissis igitur varijs sententijs, eā am- plectemur quam August. sub finem vitæ suæ cæte- ris omnibus prætulit: Iacob videlicet & Heli fra- tres fuisse: defuncto aut sine liberis Heli, Iacob iux- ta legis præceptū vxorē eius accepisse, vt ex ea fra- tri suo prolem suscitaret, genuissetque hunc Ioseph, at- que ita fuisse eum naturalem quidem filium Iac- ob, sed ex præcepto legis adoptatum, ac suscita- tum ipsi Heli. Sic ille vtrūque Euangelistam con- ciliauit. Pro cuius rei, ac totius capitis clario- re intelligentia, consule Damascenum lib. 4. ca. 15. de Orthodoxa fide, vbi genealogiam Christi,

L. II. 2. 2. et
cap. 7
Deut. 25.

& Deiparae Virginis pertractat. Quærat fortasse quispiam quomodo ex hac genealogia ostendatur Christus ex tribu Iuda, atque ideo ex Davidis progenie ortum fuisse, cum hic non Mariæ ex qua natus est Christus, sed Ioseph tantum genealogia texatur. Respondeo non esse consuetudinis Iudeorum, nec scripturæ sacræ genealogias foeminarum aut per foeminas texere, Lex autem erat apud Iudeos, ne quis aliam duceret uxorem, aut ne qua alteri nuberet, nisi de tribu et cognatione sua. Præsupponit autem Euangelista, quod apud Iudeos notissimum erat, matrimonium istud inter tam sanctos, & religiosos, legitimè fuisse contractum. Quare ostenso quod Ioseph sit de domo David, certissimè sequitur, Mariam quoque uxorem eius de eadem fuisse, nam non solum iungi debebat eiusdem secum tribus viro (nam alioqui ex ea genealogia nihil aliud sequeretur quam Christum esse ex tribu Iuda, non autem ex Davidis familia) sed de genere, & cognatione sua, ut liquet ex ultimo capite Numerorum, atque omnino ex proxima, ut nos docet liber Ruth, ne videlicet possessiones tribuum permiscerentur. Sed unus hic & alter obstat scrupulus. Nam in primis Elizabeth Zachariæ uxor, quam Maria cognatam habuit, fuit ut ait Lucas ex filiabus Aaron, eoque de tribu Leui, unde videri queat de eadem quoque tribu Mariam fuisse, licitamque tunc temporis fuisse tribuum permixtionem. Respondeo. Elizabeth patrem, auum, aut proauum habuisse sacerdotalis generis, qui uxorem acceperit de tribu Iuda, ex cognatione Mariæ quo factum ut ex utraque tribu orienda esset, & ex altera tantum parte Mariæ cognata. Siquidem lege illa quæ est Numerorum ultimo non tenebantur sacerdotes, quod nulla eis esset hereditas, quæ accepta ex diuersa tribu uxore, confundi posset, sic Ioiada Pontifex & Aaronici haud dubie generis,

Num. ult.

Luc. 1.

generis, vxorem habuit Iosabeth filiã regis Iorã, 1. Paral. 12
 sororem Ochozię regis, vtiq; ex progenie Dauid.
 Similiter Aaron vir de tribu Leui vxorem accepit Exod. 6,
 Elizabeth filiam Aminadab de tribu Iuda: sed id
 factum ante legem. Sunt qui putent Elizabeth ma-
 trem Ioannis Baptistę ex genere etiam paterno de
 tribu Aaron fuisse, sed ex materno ex tribu Iuda.
 Alter scrupulus est de Iacobo fratre Domini, filio
 videlicet sororis Marię, qui de tribu sacerdotali
 fuisse videtur. Sed eum facile eximemus. Mater e-
 nim Iacobi, quę soror erat B. Marię, & proprio no-
 mine Maria Cleophę dicebatur, viro nupsit gene-
 ris sacerdotalis. Vnde ex patre tribus quoque fuit
 Leuiticę: quanquam quod in eius vita ex Hegesip-
 po Hieron. refert soli illi fuisse licitum ingredi in
 sancta sanctorum non de ritu veteris legis intelli-
 gendum, quasi summus fuerit sacerdos, sed de mis-
 sę celebratione, quam is cū Episcopus Hierosol-
 ymitanus ab Apostolis constitutus esset solus illic
 solemniter celebrare consueuerit: nam alioqui no-
 rat Iacobus eum iam euacuatū, qui venalis quo-
 que esse iam dudum cœperat, nec nisi annuus tunc
 tēporis erat. Quin & quādo occisus fuit Pontifex
 ibidē nominatur Anani quidā Aniani filius. Reij-
 ciendū est ergo quod eū quidam legalem volunt sa-
 cerdotem, atque adeo summum pontificem fuisse.
 Sunt qui putent aliquem ex Marię progenitoribus
 contra legem cum aliqua ex tribu Leui contraxisse
 matrimoniū, atque ita ex vtraque tribu esse oriun-
 dam: eoq; Christum & regalis & sacerdotalis pari-
 ter generis fuisse. Sed non est eorum recipiēda sen-
 tentia. Siquidem pronuntiat Apostolus Christum Heb. 7.
 non ex Leui, sed ex Iuda ortum esse. Vnde & collig-
 it sacerdotij translationem de tribu Leui ad tribū
 Iuda, quę nulla est consequentia, si Maria & Chri-
 stus ex vtraque fuerit tribu. Ad Augustinum autē

IN MATTHAEI

qui alicubi in hanc sententiam descēdere, videtur. Libro 2. de conse. Euangelist. cap. 2. & quæst. 47. in lib Iudic. Quid respondendum sit, vide Librum 83. Quæstion. 7. Quæst. 61.

Cæterum in præcedentibus, quatuor occurrunt concionatoribus obseruanda. Primo quod Christus fuerit patribus promissus, in primis apertis verbis, vt quando dictum est, in semine tuo benedicentur omnes gentes. Item, Non auferetur sceptrum de Iuda &c. Et de fructu ventris tui ponā super sedem tuā. Secundo historijs, exempli gratia, Noe, Iosue, Dauidis, serpentis aenæi. Tertio cæremonijs, vt agno paschali, hirco, agno quotidie immolato, & similibus. Explicabunt deinde quam fuerit Christus, patribus desideratus, quemadmodum & ipse ait: Multi Reges, & Prophetæ voluerunt videre &c. Item: Ostende nobis Domine misericordiam tuam. Item: Rorate Cœli desuper. Vbi per Antithesin opponetur tepor, & frigus nostrum, cum tamen aperta iam sint & longè clariora mysteria omnia, & pateat sensus misericordix Dei. Addetur negligentix huius causa, quia videlicet intenti ferè sumus omnes ad ea quæ mūdi, & carnis sunt: vnus ad lucra, alter ad voluptates, tertius ad honores aucupandos. Tertio quod Christus inter maiores suos habuerit non tantum bonos & electos, sed malos quoque & reprobos: vnde intelligi detur nihil profuturum impijs hominibus, quod bonis sanctisque parentibus orti sunt, quod filios & nepotes habeant religiosos, & à Deo electos, quod cum pijs conuersentur, frequentes sint in templo, sæpe verbum Dei & missam audiant, Sacramenta suscipiant: nisi malam vitam corrigere studuerint. Quarto quod virtutes Patriarcharum omnium in beata virgine longè quam in illis fuerint excellentiores,

Genes. 22

Genes. 49

Psal. 131

Luc. 10.

Psal. 48

Psal. 45

res, vt exempli gratia: fides Abrahæ, Daudis mansuetudo, humilitas & charitas etiam erga inimicos, sapientia Salomonis, Spes Ezechix, Iosaphat erga Dei prophetas reuerentia, deuotio & pietas Iosifæ, Zorobabelis in instauratione templi Dei zelus & ardor. *Qui uocatur christus hoc nomine celebratur quod sit Christus, quod sit verus ille CHRISTVS & Mefsias Iudæis promissus.*

Omnes itaque generationes ab Abraham usque ad Dauid, generationes quatuordecim: Et a Dauid usque ad transmigrationem Babylonis generationes quatuordecim: Et a transmigratione Babylonis usque ad CHRISTVM generationes quatuordecim. Tres hæ thesseradecades triplex significant Iudaici populi regimen, & gubernationem.

Primum enim sub Iudicibus fuere, vt Iosue, & Samuele: Secundo sub Regibus Dauide, & Salomone, Tertio sub Sacerdotibus, de quo habes libro primo Machabæorum capite secundo & sequentibus. Quod ideo factum est ab Euangelista; ad significandum noui gubernatoris Christi aduentum. Cùm enim hac triplici Reipublicæ commutata forma nihilo facti essent Iudæi meliores, omnino necesse erat nouam exoriri regiminis formam, qua ab hac seruitute peccati (quæ per captiuitatem Babylonycam significata fuit) liberarentur: id quod soli Christo reuerentum esse omnis prophetia docebat, qui simul & Iudex, & Rex, & Sacerdos esset.

Sed quærat hic quispiam, cur Lucas generationem CHRISTI describens, multo plures ponat quam Matthæus? Ad quod respondeo, ipsos non eosdem, sed diuerfos homines comprehendere: & sic non mirum est eos in numero discrepare, quandoquidem vnus homo diutius

IN MATTHÆI

altero uiuat, & vnus serius altero generare incipiat. Quod verò Matthæus ab Abraham deducit Christi generationem, & Lucas vsque ad Adam ascendendo, fit quia Matthæus Iudæis scribebat, vnde æquum erat à sanctissimo eorum patriarcha (cui peculiariter Christus promissus erat) exordiri, Lucas verò gentibus scribebat, quocirca decebat, vt generationem Christi ad primum parentem deduceret, per quem vniuersum genus humanū in hāc incidit necessitatem, vt opus habuerit Salvatore.

Potest & alia reddi ratio, quia videlicet Matthæus ostendit Christum regem; quare bene ab eo incœpit, ex cuius promissi sunt reges posteritate orituri, Lucas autem docet eum sacerdotē: proinde deducit vsque ad Adam, per quem in eam genus humanum infirmitatem deuenit, vt sacerdote pro se sacrificium offerente egerit. Harum generationū mysticum sensum explicat Hieronymus.

Epist. ad Iacob
biolam tom
3. de 4. m.
tionibus.

Christi autem generatio sic erat. Lectorem instruit, ne ex eo quod Christum de Maria vxore Ioseph natum dixit, arbitretur eum ceterorum infantum more genitum esse, quasi dicat: Cognosce, quod generatio qua Christus genitus est hoc modo contigerit. cum esset desponsata mater eius maria Ioseph, id est, matrimonio iuncta ipsi Ioseph, per verba de presenti. Quare Christus ex virgine desponsata nasci voluerit, aperit Hieronymus in hunc locum scribens, item Ambrosius in Lucam, & Thomas de Aquino. Vocat autem Matthæus eam desponsatam, cum tamen iam instaret tempus partus eius, non quasi matrimonium per verba de presenti nō contraxisset, cum hoc Lucas clarè exprimat dicēs: Ascendit Ioseph cum Maria desponsata sibi vxore prægnante, & Augustin. ad Valerium comitem scribens, sed ad discretionem aliarum coniugum, quæ carnalem copulam erant expertæ. In hoc autē

In 1. cap.
Lucæ.
P. 1. 2. quæ.
29. art. 1

Lib. 1. de
nup. & con
cup. cap. 11.

omnes

omnes doctores conueniunt, quod B. Maria vouerit virginitatem: verum quo tēpore, id factum ab ea sit non vna est oīm sentētia. Thomas enim, & Hugo de S. Victore asserunt eam vouisse, postquā esset Iosepho desponsata, Augustinus verò dicit eā *De Virginitate* Deo vouisse virginitatem, antequam ad eam mitteretur Gabriel angelus. Nec tamen in hoc peccauit quod post votum emissum viro nupserit, confidebat enim, & diuinitus sciebat, quod ita Deus suum matrimonium dirigeret, vt virgo permaneret: fieretq; simul vxor, & mater. Nec quisquam ob id in admirationem trahi debet, cum simili quid B. Cæcilix contigisse legamus. *antequam conuenerent, inuenta est in utero habens de spiritu sancto.* cap. 4.

Priusquam carnaliter commiscerentur, deprehensa est à Iosepho liberius eam tanquam vxorē considerante, esse grauida. Erat autem hoc de spiritu sancto, cui singulariter incarnatio Saluatoris nostri tribuitur. Quamuis enim eam tota trinitas vna operatione operata sit, nihilq; vna persona trinitatis agat, quod non simul omnes tres personæ: propter nos tamen aliqua opera singulis personis aptissimè tribuuntur, vt hoc modo in aliqualem trinitatis cognitionem ducamur. Siquidem dum creatio creaturarum patri tribuitur, aliquo modo per hoc innotescit nobis Deus pater, dum filio, quod sit incarnatus, passus, & resuscitatus, innotescit nobis Deus filius, dum verò spiritui sancto tribuuntur oīa dona, omnesq; gratiæ quas à Deo recipimus, innotescit nobis Deus spiritus sanctus. Quoniam igitur inter omnes gratias, & dona quæ Deus nobis præstitit maximum est quod pro nobis Dei filius sit incarnatus, tribuitur incarnatio spiritui sancto, cum tamen eam tota trinitas operata sit. Quomodo verò spiritus sanctus nostram iustificationem, & dona quæ à Deo consequimur operetur, ex

IN MATTHAEI

nebi. c. 35. tur, ex Augustino liquet.

36. & seq.

& lib. 1. d.

predestina-

sanct. c. 15.

& lib. 1. de

bono perse-

ne. c. ult.

Ioseph autem uir eius cum esset iustus, & nollet eam tra-
ducere, uoluit occulte dimittere eam Quia uir erat iu-
 stus non audebat cum Beata Maria, quam adulte-
 ram suspicabatur permanere, ne adulterium fo-
 uere videretur: noluit etiam eam infamare ne
 crimen occultum proderet. Quia tamen non fa-
 cile sibi persuadere poterat, quod adulterata es-
 set, nec quomodo grauida esset sine adulterio
 valebat intelligere, uoluit occultum cum ea di-
 uortium facere: occultum quidem, ne eam tra-
 duceret, diuortium uero, ne eam in fornicatio-
 ne (de qua valde male suspicabatur) foueret: vo-
 luit (inquam) hoc, sperans Deum cum tempore in
 hoc negotio sibi subuenturum.

Hæc autem eo cogitante. tacitus secum omnia
 perpendente, utri uidelicet Virginis suæ tumo-
 rem, & eius vitæ innocentiam, atque purita-
 tem, quo etiam pacto hoc in negotio citra Dei
 offensam se gereret, & diuortium prudenter oc-
 cultaret: Hæc (inquam) iterum atque iterum a-
 nimo uolente, *Ecce Angelus.* Quando ab o-
 mnibus exterioribus motibus & passionibus qui-
 escebat, *Apparuit ei in somnis.* Ita clarè Ange-
 lum Domini esse cognouit, ut nullatenus visio-
 nem somnium reputaret, sed Dei reuelationem.

Quis autem Angelus ei apparuerit, non habetur,
 sed piè Gabriel angelus fuisse creditur: cum is
 quicquid ad natiuitatem Saluatoris pertinet nun-
 ciauerit, qui etiam nomine proprio expressus à Lu-
 ca ad beatam Virginem missus describitur. fuit
 idem ad Zachariam patrem Ioannis Baptistæ mis-
 sus, & ad Danielelem, ut eum de aduentu, & tem-
 pore aduentus Messiae instrueret, dicens: *Ioseph*
fili David, noli timere accipere conjugem tuam. No-
 lebat Deus Mariam ullius peccati suspitioni apud
 Iosephum

L. 10. 1.

Danie. 9

Iosephum subiaceret, quapropter Angelum mittit qui ei omnem mali suspicionem adimat dicentem: Recordare ô Ioseph te de stirpe Dauid natum, similiter & Mariam coniugem tuam, & Dauid esse promissum, quod ex eius progenie nasceretur Christus, quem Scriptura ait ex virgine nasciturum: noli ergo timore ac perturbatione adeo exagitari, non eam adulteram suspiceris, aut de eius dimissione mediteris, sed audacter cum ea conuersari, ac cohabitare minimè verearis. *Quod enim in ea natum est, de spiritu sancto est.* Proles enim quæ in ea concepta est, & perfecta, non est ex aliquo adultero nata, sed ex authore spiritu sancto, qui ineffabili bonitate sua hoc dedit proli huic secundū humanā naturā vt Deus esset, idq; sine omni opere bono præuiuo aut merito: quod eximiū opus fecit pro genere humano. Nullo tamen modo existimandū est spiritū sanctū patrem Christi fuisse, etsi Christus de eo natus & spiritus sanctus eius author esse dicatur, quod eleganter prosequitur in Enchiridio Aug. & D. Thomas. Dicitur autem in ea nata proles, quod statim à suæ conceptionis exordio perfectā fuit in corpore, & anima, ita quod in momento habuerit corpus perfectè formatū, animam rationālē, & diuinitatē cōiunctā. Sic Basilius, Fulgentius, Leo papa in epist. ad Iulianum episcopum Coensem. Item de natali Domini. *ipse enim saluum faciet populum suū a peccatis eorum.* Ideo dico tibi vt eum appelles Iesum, quod interpretatur (Saluator.) Iste enim filius Marię habebit quendā populū, nō alienū, sicut habuerūt principes veteris testamenti, sed optimo iure suū, cuius ipse (licet iā per peccata sua à Deo separatus, & ideo miser, & infirmus factus) Dñs erit, quēq; à peccatis suis saluū faciet, tū ignoscēdo tum ne vitia ex peccatis relictā, ad illa denuo pertrahant adiuuādo, & tandē omnes tā animi quā corporis

cap. 17. & sequent.

Tho par. 3.

quest. 32

Basil. serm.

de humana

christ. gene.

ulg. lib. de

fide ad Pet.

cap. 18.

Leo epist. 6

et ser. 8. de

nat. Domini.

cor-

existimauit. Dicebat enim impossibile esse tantam molem imuiolabili manente vtero, elabi inde posse: vt clarum est ex August. de Hæresibus, & nuptijs & concupis. & contra Iulianum. Similiter ex Ambrosio in epistola quæ est multorum episcoporum ad Syricium papam. Respondeo cum Scriptura, quod virgo manens virgo conceperit: & cum symbolo Apostolorum (natum ex Maria virgine) quod in partu virgo permanferit. Quod autem Iouinianus cauillatur tãtam molem, sine claustrî virginis violatione, vterum egredi non posse, nō aduertit Christum ianuis clausis ad Apostolos intrasse & super aquas ambulasse, nec tamen esse submersum. Sed obijcitur, apud Lucam habetur: Omne masculinum adaperiens vuluam, quod etiam de Christo intelligitur: verum si vterum aperuit, integer non mansit. Respond. Aperire vuluã, nihil esse aliud, quàm ex vtero prodire, & nasci: sicut Aug. pulchrè docet contra Cœlestinum, & Pelagiũ. Itẽ lib. 3. de ciuitate Dei ca. 14. ostendit vteri apertionem virginitati minimè repugnare. Quæritur tertio, an B. Maria post partum manserit virgo, nec postea saltem cognouerit virum? Respond. Certa fide tenendum esse, semper eam etiam post partum virginem mansisse & si huius rei nulla scriptura apertè meminerit: vt docet Augustinus lib. de Hæresibus, Epiphanius, Hieronymus, Ambrosius, Chrysostomus, & Hilarius.

Hæres. 82.
lib. 2. cap. 5.
Lib. 1. ca. 1.
Li. 1. epi. 81

cap. 2.

Li. 2. de
pec. origin.
cap. 35.

Hæres. 84.
Epiphanius in
hære. Anti.
Hier. cont.
Hæli.
Ambrosio epi.
epist. 79. et
Lib. de inst.
uirg. cap. 5.

6. & 7.
Chrysostomus in
commen.
Hilarius in 2.
cap. Matth.

IN CAPVT SECVNDVM.

CVM ergo natus esset Iesus in Beth-lehem Iudæ, Beth-lehem Iudæ, oppidulũ est in quo Dauid natus fuit: quod alio nomine Ephrata nuncupatur.

In diebus Herodis regis. meminit hic Euangelista Hero-

IN MATTHAEI

Genes. ult.

In cap. 2.

Mat.

Lib. 2. Par.

cap. 12.

Sermo. 1. de

Epiphania.

Herodis tum quia Iudæis scribebat, quorum tunc Herodes rex erat, tum etiam quia diebus Herodis regis impleta est prophetia Iacob, Non auferetur sceptrum &c. Et addidit (regis) ad distinctionem Herodis tetrarchæ, qui Ioannem occidi iussit. *Ecce magi.* Isti magi philosophi sunt chaldeorū, qui (ut refert Hierony.) de astris, cōstellationibus, alijsq; rebus philosophātur. Vtrum autē hi tres Magi reges fuerint incertum est: constat tamen tum exurbatione Herodis regis, & Hierosolymæ, tum ex ipsorum thesauris, eos admodum diuites, & nobiles fuisse: videnturq; tales reges fuisse, quales amici Iob, apud Tobiam fuisse describuntur. Videntur etiam isti præfigurati fuisse per Principes à Chaldæis missos, ut Ezechiam interrogarent de portento quod in sole acciderat. Quot autem fuerint numero non tradit scriptura: Leo tamen papa tres fuisse asserit: qui his nominibus Iaspar Melchior, Baltazar, vulgo nuncupantur. *Ab oriente uenerunt Hierosolymam.* Tanquam ad regiam ciuitatem, ut ibi inuenirent quem quærebant: dicentes propotentibus, & nobilibus Hierosolymitanis, quos natum regem nosse æstimabant, *vbi est qui natus est Rex Iudæorum?* Dicite nobis vbi puer ille sit, qui nūc recens natus est, quique non hominum creatione, sed ipsa natiuitate Rex Iudæorum natus est. Notanda est hic magna Magorum fides, qui alienigenæ Herodis regis crudelitatem & ferocitatem non verentes, alium regem confiteri præter Herodem ausi fuere. Christus rex Iudæorum dictus est, quia illis specialiter promissus, ab illis expectatus, & præsignatus, & ad eos tandem specialiter missus: alioqui & noster, id est, gentilium rex est. *vidimus enim stellam eius in oriente.* Ipsius natiuitatis indicem, ideoque eum quærimus. Quæritur an stella hæc fuerit Christo fatum, & an aliquis

quis hominum sub fato alicuius stellæ nascatur?
 Respondeo nullo pacto hoc fieri: eosque grauissimè peccare, qui ex constellationibus futura prædicere nituntur.

Pro huius quæstionis intelligentia diligenter legatur Augustinus contra Faustum, & de doctrina Christiana, iterum de Ciuitate Dei. Rursum lib. de Genesi ad literam: & in Hæresi Priscillianistarum, item Gregorius in Hom. Epiphaniæ. His enim locis demonstrant quam grauiter delinquât, qui stellas obseruant, vel astrologos consulunt. *Et uenimus adorare eum.* Insignem protestantur fidem, quod neque propter iram populi, nec propter regis tyrannidem, omittût huius paruuli regis confessionem.

cap. 5. to 6
 lib. 2. de doctr.
 christ. c. 10.
 21. 22. 23
 24. Li. 3. de
 ciuit. cap. 1.
 2. 3. 4. 5. 6
 7. Li. 2. de
 genes. c. 27

Audiens autem Herodes rex cum de aduentu Magorum intellexisset, & quod nouum & naturalem Iudæorū regem quærerent, itè quod indicio stellæ eum natum esse magi didicissent, quodq; eū adoraturi ex oriente venissent. *Turbatus est*, metuens regni sui in alium translationem. *Et omnis Hierosolyma cum eo*, præcipui ciues: tum quia metuebant ne Herodes rursum turbaret Iudæam, & seditionem suscitaret. *Et congregans omnes principes sacerdotum, & scribas populi.* (Scriba) duplicem admittit significationem. Primò enim significat, qui literas & actiones publicas scribit, & nusquam in nouo testamento sic vsurpatum reperitur, præterquam in actis: ubi sic habetur, *Et cum sedasset scriba turbas dixit: viri Ephesi, &c.* In veteri autem testamento sic acceptum sæpius inuenitur: vt in libro Hester, vocatique sunt Scribæ regis mense primo. Secundo verò theologicæ eruditionis professorem denotat, quem Lucas iurisperitum nominat. Hoc modo ergo hic vsurpatur, vt scribæ sint iurisperiti: qui nō solum ex sacerdotibus, vel ex tribu sacerdotali verumetiam ex alijs tribubus constituebantur:

act. 19

cap. 3

1. par. 12.

Quando

Quando autem cœperint esse, incertum est : probabile tamé est , quod post reditum de captiuitate Babylonica . *suscitabatur ab eis ubi Christus nasceretur.* Qui Iudæis ex lege & prophetis erat promissus, quē Herodes temporaliter regnaturum suspicabatur, si modo veræ sint Iudæorum Prophetiæ.

Et tu Bethlehem terra iuda, nequaquam minima es in principibus iuda. O Bethlehem quæ es in terra fortis tribus Iudæ, non es infima inter principales illius tribus ciuitates, sed maxima. Per figuram autem quæ apud Rhetores (Liptote) vocatur minus dicens, plus intellexit. *Ex te enim exiit dux.* Eximius & tantus in te nascetur, vt te minimam ciuitatem, sua natiuitate inter omnes faciat nobilissimam. *Qui regat populum meum israel.* Qui tanquam rex verus populum à me electum regat, id est, veros Iudæos & Israhelitas tam secundum spiritum, quam secundum carnem. Reget (inquam) eo modo quo pastor suum gregem, pascēdo scilicet eos quos reget. Hoc Christus postea de se testatus est, vbi proprietates omnes veri pastoris merito sibi ascribit. *Tunc Herodes. clam uocatis magis.* Habita responsione scribarum Herodes, cū magis negotiū clam discussit, extra cœtum Iudæorum, metuens ne à se auerterentur & Regi suo recens nato adhererent. *Diligenter didicit ab eis tempus stellæ quæ apparuit eis.* Exactè perquisiuit tempus stellæ, quādo scilicet eis apparuerit, vt sic puerum posset dignoscere, & occidere. *Et mittens eos in Bethlehem, dixit. Ite & interrogate diligenter de puero.* Misit Herodes Magos, vt exactè puerum quærerent: nec ipse cum illis iuit, quoniam primò non existimabat rem sic sese habere, sed phantasma esse putabat, præsertim cū sciret in Beth-lehem nullam esse nobilitatem.

Vsq̃ue dum ueniens staret supra ubi erat puer. Specialiter

ter per descensum suum locum natiuitatis Christi commonstrando. *inueniunt puerum, diu quæsitū & per spiritussancti reuelationem cognouerunt, quod idem ille esset, qui prius per stellam designatus fuerat. Et procidentes adorauerunt eum, tanquam verum & vnum Deum. Et apertis thesauris suis obtulerunt ei munera, aurum thus & myrrham.* Postquam in terram prostrati puerum adorauerunt, sarcinas suas in quibus thesauri reconditi erant dissoluerūt, & puero reuerentiæ & honoris munera obtulerunt, quibus protestabantur quam magnificè de eo, tametsi secundum speciem vili & abiecto sentirent. Singuli autem ei hæc tria obtulerunt, aurū, thus, & myrrham: aurum quod inter metalla est pretiosissimum, & quod subditi regi suo pendunt. Thus quod incensum suauissimi odoris est, quodque Deo, tanquam vero Deo, ac sacerdoti summo offerri solet, in signum, quod quandoque igne charitatis accensus, seipsum oblaturus esset Deo patri in odorem suauitatis, & seipsum consumpturus in ipsa oblatione. Myrrham tertio, quæ siccitate sua à corruptione corpora conseruat: qua etiam Iudæi mortuorum cadauera condire cōsueuerunt, Christo tanquam homini quandoque morituro (qui tamen in sepulchro non computresceret) obtulere. Mysticam huius rei expositionem habet Gregorius in sermone de Epiphania.

Et responso accepto, id est, oraculo, pro quo Deum saltem implicite rogauerunt, dum pro felici perfectione eum deprecarentur.

Qui cum recessissent, à puero scilicet & B. Maria. Ecce angelus Domini apparuit in somnis Ioseph, dicens, surge & accipe puerum & matrem eius, & fuge in Ægyptum. Hic expendendum occurrit quare angelus nō ante aliquot dies quam fugere debebat Ioseph indicauerit, & quare ipse demum nocte qua fugere debe-

bat illi iudicârit. Deinde quare domum, & omnia relinquere debebat, nec de suis rebus propter acceleratam fugam disponere, nec secum multum conferre valebat? Insuper quare Herodes totum regnum suum fuit scrutatus. Rursum quare nō fuit prædicta itineris longitudo, quæ fuit à Bethlehem vsq; ad AEgyptū? Deniq; quare in terra aliena, inter gentiles cum cōiuge sua peregrinus, esse debuit, & proprio labore ibidē victū quæritare. Postremo cur temporis longitudo futuræ in AEgypto peregrinationis non fuit reuelata. Ad hæc dicendū est, oīa Dei ordinatione accidisse, vt semper, & in omnibus à diuina prouidentia penderent: & vt nobis omnibus in exemplum, & consolationem forent.

occidit omnes pueros, masculos. a bimatu ex infra etc. à pueris duorum annorum vsque ad minores, *secundum tempus quod exquisierat a magis.* Variè hoc interpretes accipiūt, facillima interpretatio est, quod occiderit oēs pueros bimos, & minores bimis: nō tamē quoslibet, sed eos duntaxat, qui circa tēpus quo apparuerat stella nati erant, vt quemadmodū locū in quo occiderentur pueri vltra locum natiuitatis Christi, ita & tēpus extēdit, vt pueros etiā Christo seniores occideret: & hoc maioris securitatis causa, metuebat enim ne Christus maior seu maioris quantitatis appareret, quam pro ætate sua esset.

vox in rana audita est. Vox in excelsis audita est, quia longè latèque dispersa: vel quia exaudita est, vox matrum plangentium à Deo in cœlo vt vindicaret mortem infantium in Herode & tota eius posteritate. Lamentatio muliercularum Bethlehemitarum mysticè significat lamentationem Ecclesiæ super animabus in æternum pereuntibus: ideoque vt hoc in festo Innocentium representetur cessant oīa cantica lætitiæ, vt, Gloria in excelsis Deo, & Alleluia. *Rachel plorans filios.* Per Rachel, mulieres,

res Bethlehemitides intelliguntur, & quæ in finibus Bethlehem morantur: quæ quidem sub illo nomine exprinuntur, quia Rachel in Bethlehem sepulta est: vel mulieres de posteritate Rachelis, videlicet de tribu Benjamin, quia quamuis Bethlehem ad tribum Iudæ pertineret, vicina tamen erat tribui Benjamin, & in omnibus adiacentibus locis occisi sunt infantes, quos mœrore ac luctu incurabili, omniq; consolationis spe adempta planxerunt.

Defuncto autem Herode Herodes (dictus) magnus, sub quo & Christus natus est, octo filios habuit, quorum tres ante mortem suâ occidit, Archelaû qui annos nouem regnauit, saltẽm tâquam tetrarcha, qui postea Lugdunû in exilium missus est: reliquit quoq; filium nomine Antipam, cognomine Herodẽ, qui Ioan. Baptistam occidit, & Christo saluatori veste alba in passione illudit: quiq; à Caro. Cæsare cû Herodiade adultera Viennam Galliæ in exilium missus, in Hispanias fugit, vbi mœrore interiit. Philippum quoque Traconitidis & Iturię regionis tetrarcham reliquit. Item Lisaniam, Abilinæ tetrarcham, & Antipatrum etiam tetrarcham. nam Archelao defuncto, Tyberius ad imminuendâ iudaici regni potentiam misit in iudæam præfides seu procuratores & singulis quatuor filijs Herodis dedit tetrarchias, quamuis Antipas & Philippus etiã tetrarchę fuerint regnãte Archelao. Aristobulus vero à patre Herode magno occisus, reliquit filiû Agrippam nomine, de quo in Actis. De his prolixior cap. 15. 27
extat apud Historiographos tractatus, præsertim 16.
apud Iosephum, de antiquit.

Defuncti sunt enim qui quærebant animam pueri. Qui vitam corporalem auferre nitebantur, iam tanta paruulorum cæde facta, mortui sunt. Non est dubitandum quin paruuli isti pro Christo occisi, in cœlis, martyrio sint coronati, quum hoc tanta,

IN MATTHAEI

totq; patrum autoritate confirmetur. Hoc enim docent Origenes, in Matthæum, Cyprianus, lib. 4. epist. 6. Irenæus, lib. 3. contra hæres. cap. 8. Hilarius, in Matth. Leo, Augustinus, Fulgentius in Serm. nibus de Innocentibus, siue de Epiphania, Prudentius, Hymno de Epiphan. Bernardus, super cantica. Hom. 66. & serm. de innocent. Quod autem etiam paruuli non baptizati, si pro Christo occidantur sint martyres docet Augustin. de ciuitate Dei, lib. 13. cap. 7. & de expositione symboli, lib. 3. cap. 4. Item Fulgentius lib. de fide ad Petru cap. 3. & 39.

IN CAPVT TERTIVM.

IN diebus illis in illo tempore quo Iesus habitabat in Nazareth: vel in certo quodam tēpore Christi. venit, de occulto loco deserti, in quo hætenus latuerat manifestans seipsum in publicis eiusdem deserti locis, *ioannes baptista*. Baptista appellatus, id est, lotor, ab officio admodum nouo. *predicans in deserto iudææ*, vbi non perstrepebat insolens populus, nec infideles eius prædicationem deridebant, nec illi qui Dei cultum negligebāt venire dignabātur. Iudæa, hic specialiter dicitur duarum tribuum. *pœnitentiam agite*, pœniteat vos malè actæ vitæ, veterem Deo displicentem vitæ trāmitem, in nouum Deo acceptabilem commutate & Deum propter peccata iratum, per pœnitentiam quam prædico omnino placare studete. Hæc autē pœnitētia, sicut omnis vera, tria complectitur, dolorem, nouam vitam, & studium placandi Deum. Quod autem dolor in qualibet verā pœnitentia includatur, ex Augustino probatur. Quod etiam noua vita comprehendatur, patet ex Luca, vbi Ioannes particulariter exponit generalem hanc suā prædicationem. Quod denique studium placandi Deū requi-

Hom. 7
Inter. 50
Cap. 3

requiratur patet ex prophetis, qui quodocunque homines hortati sunt ad pœnitentiam, intellexerunt de pœnitentia cum studio placandi Deum per dolores: Vnde apud Ioëlem: Nunc ergo reuertimini ad me in toto &c. Item leguntur Niniuitæ cōuerſi eſſe à via ſua mala, ieiunaſſe, induiſſe ſe ſaccis, & cinere, hac intentione vt placaretur Deus peccatis offenſus. Deinde ipſe Saluator pronuntiat, quod Sidonij in cinere & cilicio pœnitentiā egiſſent, vbi nullo pacto ſufficit exponere, reſipuiſſent, vel nouā vitam inchoaſſent, quemadmodum perperā Lutherus fecit, quem doctè D. Io. Roſſenſis, angulus, noſtri temporis martyr Episcopus confutauit.

Cp. 2.

Art. 7

Appropinquabit enim regnum cœlorum. Ideo nunc pœnitentia eſt aſſumenda, quoniam imminet tempus quo regnum cœleſte ijs, qui pœnitentiam egerint tribuetur: ij autem qui hanc reiecerint, illo regno excluſi in æternum damnationis ſupplicium detrudentur. *Hic eſt enim* &c. Auguſt. de conſenſu Euangelistarum dubitat vtrum hæc verba ſint Ioannis Baptiſtæ, an potius Matthæi, poteſt tamen verifiſimiliter dici quod ſint verba Chriſti.

Lib. 2. c. 12

Vox clamantis in deſerto. Tætæ gratiæ erit præco ille vt rectè appellari queat ipſa prædicatio, ſiue vox: Et hic quaſi ſurdus in ſpiritualibus clamabit, & cū quadam indignatione, & feruore (his enim de cauſis ſolent clamare homines) in corporali deſerto hac voce vociferabitur. *Parate uiam Domini.* Pœnitentiam agite, corda veſtra per puritatem vitæ, & iuſtitiam præparantes, vt Dominus purus, & rectus in cordibus veſtris, puritate & ſinceritate nitentibus ambulare, cōuerſari, & inhabitare valeat. Quæritur an locus iſte (vox clamantis) propriè de Ioanne ſit intelligendus, ita vt non de alijs præconibus excellentibus, quales fuere Petrus, Paulus, &c. Reſpond. quod propriè de Ioanne vt patet ex

IN MATTHAEI

voce(in deserto)quam vrgent omnes Euangelistę: interim tamen quod Ioannes apud Iudęos egit, hoc Apostoli, alijq; boni cōcionatores in grege suo egerunt, & agunt. Desertū autem corporale in quo Ioannes agebat, mysticē populum iudaicum designat, qui desertus, & timoris Dei expers, sine cultu immundus, asper, & per iustitię inæqualitatē contortus erat. Vt autē hoc significari intelligeremus per desertum corporale, subitō propheta repetit iustitiam dicens. *Rectas facite semitas eius*, scilicet in solitudine rectas facite semitas Dei nostri: & perseuerans in Metaphora subiicit de vallibus, collibus montibus rectis, contortis, asperis, & planis, quæ omnia ad peccatores tanquam *ad spiritale* desertum referenda sunt.

ipse autem ioannes habebat uestimentum de pilis camelorum, & zonam pelliceam circa lumbos suos: Quasi dicat: Hunc vobis describam, vt cognoscatis quod non fuerit vulgaris, sed magnus verbi Dei præco, vnde etiam vox clamantis, vocari meruit. In primis uestimentum de pilis habuit contextum, vt contra molliem, & uestimentorum pompā prædicaret: Esca autem eius erat locusta, & mel sylvestre, vt ciborum luxum & gulam reprehenderet contra quæ carnis vitia hoc nostro proh dolor seculo, esset adhuc Ioannis prædicatio pernecessaria. Aduerte autem dum euangelista refert Ioannē prædicasse poenitentiam, eū non totum sermonem Ioannis narrare, sed summam duntaxat, vt docet Aug. lib. de fide, & operibus, tractans quomodo Paulus prædicauit tantum Iesum, & hunc crucifixum. Notandum quoq; est quod Ioānis prædicatio Iudęis noua, & inaudita erat, quapropter ad eum vndiq; cōfluebant, prædicabat enim appropinquare regnum cœlorum: quod erat eis admodum nouum, siquidem vita æterna, resurrectio ex mortuis frequēter fuerant

cap. 8. 9.
et 10.

fuerant eis in patribus promissa, nunquam tamen regnum cœlorum, vt August. ait contra Faustum. Locustas August. in lib. confess. intelligit nō de surculis vt quidā, sed de animalibus, vt etiā satis colligitur ex Leuit. & ex Ambrosio. Quicquid sit, cibus in deserto obuius erat, non magnam requirens ad sui præparationem, sollicitudinem, nec ita delicatus erat vt gulam irritare posset. *Confitentes peccata sua.* grauius se in Deum peccasse vitæ correctionem, & de commissis pœnitentiam profitentes.

Li. 19. c. 31.

Li. 10. c. 31.

Cap. 11.

In cap. 3

Luc.

Videns autē multos Phariseorū & saduceorū uenientes ad baptismū. Phariseus dicitur à Phares, quod significat diuisus: Pharisei ergo diuisi & separati dicebātur, quia haberēt vitā ab alijs distinctā & diuisā. Saduceus verò idē est quod iustus à Sadoc, quod iustum significat, Sadduceos ergo sese appellarunt quod se solos iustos dicerēt ceteros autē oēs errare. Atq; hoc quidē genus instituti totū impiū erat, ac damnanda professio, docebat enim præter alios errores Deū non habere prouidentiam, animam hominis esse mortalem, deinde non recipiendos nisi quinque libros Moysei ceteros verò reiiciendos: nullos præterea angelos, nullōsque spiritus esse. Incœperunt autem Sadducei eo ferē tempore quo secundus liber Machabæorū scribebatur, cuius acta libri primi gestis sunt anteriora, qui & videtur contra eos iam tunc suos errores seminare incipientes esse conscriptus. Recenset enim sæpe visiones, & apparitiones Angelorum: refert quomodo Iudas miserit Hierosolymam offerre sacrificium pro peccatis mortuorum videlicet contra Sadduceos, Angelos & mortuorum resurrectionem negantes. *Dixit eis, progenies viperarum* hominum impiorū filij. Quemadmodū enim de serpētibus nascitur serpētis, ita de viperis viperę sic de impijs parētibus plerūq; nascuntur impij filij.

IN MATTHAEI

Quis demonstrauit uobis fugere a uentura ira? Quis poterit efficere ut euadatis venturam iram, & iam iam ignis æterni imminentem uobis vindictam? quasi dicat, nullus, ob insignem uidelicet uestram malitiam. & acite ergo fructum dignum pœnitentiæ. Quoniam impij venturam iram effugere nequeunt, uobis suadeo, ut tanquam arbores frugiferæ non in deserto, sed culto horto positæ, fructum bonæ uitæ afferatis, qui deceat homines pœnitentes, hoc est, profitentes se uitæ transactæ odisse iniquitatē, quales modò vos esse uideri uultis, dū à me queritis baptizari. Et ne uelitis dicere intra uos, Patrem habemus, Abraham. Non cogitetis in cordibus uestris quod in illo confidentes citra omnem pœnitentiā saluari poteritis: Quod enim Abraham pater uester fit secundum carnem, cui scilicet promisit Deus semen eius, & posteritatem se saluaturum, non erit uobis gloriæ sed confusionis. nam illa promissio manebit, & certissimè implebitur, & nihilominus vos si veram pœnitentiam non egeritis, indubitèter peribitis. Nolite ergo ita gloriari in carnali generatione Abraham. Nam potèst est Deus de lapidibus istis suscitare filios Abraham, corporalibus scilicet quos uidetis: vel etiam intelligi potest de Iudæis instar lapidum in malitia obduratis, quos tamen Deus Abraham filios secundum spiritum & imitationē suscitare, & efficere potest, in quibus promissio Abraham facta impleatur.

Et ego quidem baptizo uos in aqua in pœnitentiam. Aqua vos tantummodo lauo, ut dum non modo uerbis, uerum etiam lotionem externam ad pœnitentiam uoco, ad ueram, & sinceram pœnitentiam agendam inducamini. Qui autem post me uenturus est fortior me est. Qui posterior me tempore uenturus est ad uobis prædicandum, & seipsum manifestandum, me multo potentior est: quippe qui corpora tantum abluc-

abluere possum, ille verò etiam mentes. Quod autem Christi baptisma remissionem peccatorum conferebat, non Ioannis, docet Cyrillus in comment. super Ioannem. Item Augu. in Enchiridio, & lib. de Baptismo contra Donatistas. Et Magister Sententiarum. *cuius non sum dignus calceamenta portare.* Tantæ hic excellentiæ est, ut ego quem tantopere admiramini, dignus non sum illi aliquod etiam vilissimum exhibere ministerium: ne quidem calceos portare, vel extrahere. *ipse uos baptizabit in spiritu sancto, et igni* potestate propria & principali vos abluet. Si enim ad ipsum refugeritis non solum vestra corpora exteriori ablutione lauabit, verum etiam mentes per spiritum sanctum inuisibiliter purificabit, qui tanquam ignis velocissimè, peccatorum vestrorum inueteratam putredinem consumet & penitus exuret, mentesque vestras in Dei amorem eriget, atque succendet. Volunt quidam non esse hunc locum de baptismo aquæ intelligendum, sed spiritus sancti, quo Apostoli baptizati fuerunt in die Pêthecostes, de quo legitur in actis: Vos autem baptizabimini spiritu sancto non post multos hos dies. Verum veteres omnes hunc locum de baptismo aquæ interpretâtes sequédos esse iudicamus: Durat enim baptismus aquæ quamdiu viuimus estque ipsa baptismi spiritus sancti causa, ut habet Aug. de nupt. & concupis. & contra Iulianum Pelagianum.


Cuius ventilabrum in manu sua. Cuius iudicium, in propinquo est, quo impios, qui tanquam sancti bonis commiscuntur, à congregatione iustorum separabit, quemadmodum paleæ leues ventilabro à tritico secernuntur. Horumque iudicium ita est propinquum, quasi iam opere compleretur: veluti propinqua est separatio palarum à tritico quando rusticus habet ventilabrum in manu sua. *Et per-*

mundabit aream suam. Perfectè mundabit Ecclesiâ suâ,

Li. 2. ca. 37
Ench. c. 49
Lib. 5. cont.
Donat. c. 9.
et sequent.
Magist. sen.
lib. 4. dist. 2
P. D.

A Cor. I

Lib. 2. ca. 33
Lib. 6. c. 5



IN MATTHAEI

nullumqꝫ amplius in ea relinquet impium. Et congregabit triticum suum in horreum. Bonos in regnū cœlorum colliget. Comparantur autem boni tritico, & mali paleæ, quia quemadmodum per ventilationem paleæ, quia leuissimæ à tritico separantur, & eijciuntur, tritico in ventilabro, quia graue est permanente, ita impij in ventilatione extremi iudicij, quia defectu & inopia virtutum leuissimi sunt, euentilabuntur, & à bonis secernentur: boni verò quoniam virtutum pondere graues sunt persistent & in regnum cœlorum congregabuntur. *Paleas autem comburet igni inextinguibili.* Paleas impios vocat qui bonis commiscetur sacramentorum, & fidei communione, eandemqꝫ sicut paleæ radicem cum tritico habent: Ignis inextinguibilis significat corpora damnandorum semper sine consumptione arsurā. Putat August. quod hic ignis futurus sit corporeus, quem & alibi docet ætium fore vrentē, & penetratiuum. Argumenta autem infidelium contra huius ignis æternitatem, & perpetuam corporum combustionem idem diluit, Augustin. de Ciuitate Dei lib. 21. ca. 1. vsque ad c. 9. lib. de Hæresibus ad Quod vult deum, in hæresi Origenis, & lib. ad Orosium. Item Hieronymus in Epistola ad Ioannem Ierosolymitanum in erroribus Origenis docentis esse hæreticum quod ignis ille sit æternus, & quod animæ ibi æternaliter cruciabuntur.

Ioannes autem prohibebat eum dicens. Petitur hic quomodo Ioannes prohibebat Christum, cū Ioannes Euangelista dicat Ioannem baptistam non cognouisse Christum? Verum hanc quæstionem soluit August. in Ioannem, & lib. de baptismo contra Donat. Item de consensu Euangelistarum. Deniqꝫ Cyrillus super Ioannem.

sic enim decet nos, Vt tu mihi in hoc pareas, & vt ego humili-

De ciuitate
lib. 21. ca. 9
et 10.
in psal. 31.

cap. 5. 6.
et 7.

Tract. 5
lib. 5. c. 13.
lib. 2. c. 15.
lib. 2. c. 2.

humilier. *implere omnem iustitiam* efficere vt alij humilitatis meæ exemplo permoti, meo baptismo baptizentur, & vitam suam rectè instituant. *Tunc dimisit eum* cessauit à prohibendo.

At ecce aperti sunt ei cæli. Ecce nouum & admirabile signum: cæli in gratiam & fauorem Christi aperti sunt, & separati, vt ipse secundū naturam humanam cum omnibus ab eo baptizandis eos ingrederetur. Vt autem intelligatur quod baptizamus Christi ex cælo virtutem habeat, & quod illo baptismo baptizati cœlestia intueri possunt, obseruandum quod ait Lucas, capite tertio. Apertum est cœlum ipso orante: ad designandum quod fidelibus post baptismū oratio sit magis necessaria, & quod hoc ipsum quod per baptismum cœlū credentibus aperitur ex virtute sit orationis Christi.

Et uidit spiritum Dei descendentem sicut columbam. Ioannes baptista quandam veram columbam oculis corporeis ex cœlis apertis super Christum descendentem conspexit, & super eum requiescentem vidit. Hæc columba designabat spiritum Dei perpetuo à Deo emanare, & perpetuo super humanam naturam Christi venire & requiescere: quam significationem Ioannes ex Dei reuelatione intellexit. Descendere autem spiritus sanctus in speciem columbæ dicitur, non quasi antea non descenderit: semper enim à Deo patre ex illo tempore quo Christus homo factus est, in eum descendit: nec etiam aliqua speciali gratia ipse spiritus sanctus iam in eum descendit, qua ab initio incarnationis super eum non descenderat: verum duplici de causa ita in eum nunc descendit, Primo, quia suam diuinitatem quam antea non ostenderat manifestare cupiebat. Secundo quia Christus hic figurabat Ecclesiam suam, in qua spiritus sanctus per baptismum in baptizatos descendit.

Ioan. I.

Quod

IN MATTHAEI

Cap. 11. Quod autem hæc fuerit vera & corporalis columba habet August. lib. de agone christiano: nec fuerit tamen ipsa à Spiritu sancto in personæ vnitate assumpta tractat lib. 2. de Trinitate. Cur autem hæc columba, sicut & multa alia Spiritui sancto peculiariter non autem alijs personis tribuatur, quū tamen indiuisa sint opera trinitatis idem profequitur lib. 7. de trinitate.

Cap. 6. *Et ecce vox de cælis dicens.* Sonuit vox de cælis patrem representans tāquam eam efferentem, & dicentem. *Hic est filius meus dilectus,* non Ioānes, sed super quem sedet columba: ideo enim super Christū ea descendit, vt sciretur vocem emissam nō ad Ioannem, sed ad Christum referri. Hic ergo est filius meus vnigenitus, & naturalis. *In quo mihi complacui* propter quē magnum me iudico, vel secūdam August. de consensu Euangelistarum, in quo constitui placitum meū, id est, per quem statui gerere quod mihi placet, nempe genus humanum saluare: quod Dei propositum illi contrarium est, quo olim dicebat: Poenitet me fecisse hominem. Proponit enim iam instaurare quod prius proposuerat euertere.

IN CAPVT QVARTVM.

Cap. 1. **T**VNC statim post baptismum (inquit Marcus) à Iordane scilicet regressus, actus & instigatus est, vt iret in desertum omnino inuium, & hominibus inaccessum, vt ex Marco colligitur, qui ait eum ibi cum bestijs fuisse, id est, vbi bestię sine hominum infestatione liberè permanebant. *Ductus est in desertum* quod iacet inter Hierusalem, & Iericho, vbi quidam inciderat in latrones. Non autem tractus fuit, sed spontaneè se duci permisit. *A spiritu sancto* videlicet, ut tentaretur. Hoc sine, vt ibi ieiunijs & orationibus intentus, ac absq;

Luc. 10

absq; omni hominum consolatione remanens, inuidum diabolum confunderet, & tentadi occasionem illi præberet: vt tentatus tentationem vinceret, & tentatos confortaret, modūq; vincendi diabolū doceret: quia nemo tentationibus carere potest. Vnde Iob Militia(inquit) est vita hominis super terram. *A Diabolo.* Lucifero videlicet qui in summo choro Angelorum supremum ordinē tenuit, cui tanquam principi, magna de singulis ordinibus multitudo adhæsit, quos omnes secum in perditionem pertraxit, quiq; primum hominem tentauit, & vicit: Christum autem tentauit, & victus cum confusione recessit: & ex tūc potestatem suam amisit, quam in vltimis temporibus recuperabit. Vult Christus à diabolo tētari propter tres causas: quarū prima est vt nos in tentationibus positi in eius adiutorio cōsideremus: Alias verò duas causas assignat Aug. Statim quoque post baptisimū tentatus fuit, vt ostenderet diabolum tunc maxime nobis insidiari, dum nouam vitam inchoamus. Diabolus nomen principis est, pro principe dæmoniorum Lucifero positum, & sic frequenter in sacra scriptura reperitur vsurpatum, vt ibi: Ite maledicti in ignem æternum, qui paratus est diabolo & angelis eius. Item: Et proiectus est draco ille magnus serpens antiquus, qui vocatur diabolus. Vnde non temere colligitur Luciferum ipsum fuisse qui Dominum tentauit. Propriè autem diabolus accusatorem, & criminatorem significat, vt in illo loco Psalmi. Diabolus stet à dexteris eius. Quatuor autem rationes ob quas Christus in desertum ductus, vt tentaretur, & non in domo sua tentatus fuerit assignantur, quarum prima est, vt magis diabolum prouocaret. Ideoq; ad desertum, tanquam ad certaminis locum iuit: solitarij namq; magis sunt tentationibus expositi, quemadmodum

cap. 7

Apo. c. 12.

De trinitate.
lib. 4. ca. 13.

Mat. c. 25.

Apo. c. 12.

IN MATTHAEI

dum scriptum est. Væ soli quia cum ceciderit nō habet subleuantem se. Secunda quia nos saluaturus erat alio, & planè contrario modo (cōtraria enim contrarijs sunt curanda) quam primus parēs Adam agere voluit, qui in loco deliciarum & societate fuit per diabolu separatus, & eiectus. Christus verò in loco omnino ab hominibus deserto, diabolum expugnare voluit, vt sic homines ad locum deliciarum, qui est vita aeterna perduceret.

Tertia vt vitam eremiticam approbaret, qualis fuit postmodū Anthonij, Pauli, & sequaciū. Quarta ratio mystica est, seu potius moralis, vt videlicet nos doceret prauorum hominum contubernium, & sæculi iritamenta fugere, atque ieiuniorū, silentij, & vigiliarum deserta sectari. Quarritur an hoc in facto Christus sit imitandus, vt scilicet nos tentandi diabolo occasionem demus? Respond. in hoc nos posse Christum imitari. Cæterum aduertendum est duplicem esse tentationis occasionem, vna enim est per se ad peccatum ducens, quæ omnino est fugienda, vt si quis cum flagitiosis & impijs hominibus conuersando, præsumat pietatem & sobrietatem se posse custodire: itē impudicarum mulierum contubernio & familiaritate etiam mentis castimoniam tutam sibi fore confidat. Qui enim hoc modo diabolo tentādi occasionem præbet, peccat, siquidem pro huius tentationis à nobis auersione, Deum quotidie in Dominica nostra oratione rogamus dicentes: Et ne nos inducas in tentationem. Alia autē est, quæ ex se mala non est, nec ad peccatum ducit, nisi ex parte diaboli inuidentis: & talis tentandi occasio fuit, quam diabolo Christus dedit, & in hoc eū laudabiliter imitatur. Ratio autem quare Christus statim post baptismū ienunauit vna est, vt nos doceret post baptismū intentos nō debere esse securos, ^{non} sed

sed parsimonix & ieiunijs disceremus aduersus tē-
tationes optima ieiunorū esse munimenta. Tertia,
vt eos instruet, qui alios docturi essent, & alijs præ-
dicaturi: qui enim talē suscipiunt munus, prius seip-
sum mūdare debet, & carnē suam castigare & tum
demum ad alios docendos procedere iuxta illud **1. Cor. 5.**

Apostoli: Castigo corpus meū, & in seruitutē redi-
go ne fortē cū alijs prædicauerim reprobū efficiar.

*Et cum ieiunasset quadraginta diebus, & quadraginta no-
ctibus.* Non more Iudaico, & aliorum hominum,
qui post solos occasum ieiunium soluebant, sed ip-
se tam noctibus quā diebus à cibo abstinebat: sic
contemplationi Dei, precibus, & similibus intētus
vt totis quadraginta naturalibus diebus famē nul-
lam senserit: tātaq; fuit illius contemplationis dul-
cedo & suauitas, vt naturam alioqui infirmā per
hos quadraginta dies à morte seruauerit: Exactis
autē quadraginta diebus, vt naturę humanę veri-
tatem quam assumpserat ostenderet, & diabolus
tentandi occasionem haberet. infirmam natu-
ram sibi dimisit, & grandem famem passus est:
Vnde *Accedens tentator* in specie humanę naturę,
qui per prophetas, Christum verum Deum, & ve-
rū hominē fore sciebat: quā ob rē nō vltra quadra-
ginta dies ieiunauit, vt diuinitatē suam diabolo ce-
laret: si enim in ieiunio diutius perseuerasset, potu-
isset diabolus colligere eū esse Christū: nunc verò
quū Moyſes in monte, & Helias in itinere, totidē,
diebus ieiunārint nihil certi colligere hinc potuit.
Diuersa tamē fuit hōrū, & Christi sustētatio. Moy-
ses enim colloquio Dei est sustentatus, Helias verò
in fortitudine cibi cuiusdā panis subcinericiij semel
sumpti confortatus, at Christus nō aliena, sed pro-
pria virtute cōseruatus fuit. *Et assumpsit nō portā-
do, sed ducēdo, quēadmodū Christus Petrū, Iaco-
bū & Ioā. assumpsit in mōtē corā eis trāsfigurādus.*

Ne-

*He. x. hinc ad Pa-
Matth. 17. quod dicitur*

IN MATTHAEI

Nequaquam autem mirum videri debet quod se ab iniquitatis authore, & capite duci permittit, qui & à membris illius, Pilato videlicet & Iudæis eorumque ministris capi, & crucifigi sustinuit.

si filius Dei es dic, iube ut lapides isti panes fiant. Hoc diabolus utebatur argumento. Si lapides in panes transmutare potest, verè filius Dei est, sin minus, homo tantum.

scriptum est, non in solo pane uiuit homo, sed in omni uerbo quod procedit de ore Dei. Petitus est hic locus ex Deuteron. cap. 8. ubi Moyses ad populum sic ait: Afflixit te penuria, & dedit tibi cibū manna, quod ignorabas tu & patres tui: ut ostenderet tibi quod non in solo pane uiuat homo, sed in omni uerbo quod egreditur de ore Domini. Per panem, intelligit omnem illum victū quo corpora nostra quotidie aluntur. *uerbum*, Hebraico item more pro re aliqua ponitur. Est autem hic sensus. Non solus panis & vulgares cibi isti sunt quibus homo alitur & sustentatur, sed quicquid à Deo destinatur, ut homini sit alimentum loco. Generaliter decreuit Deus panem ut cor hominis confirmet, sed non ita ut in solo pane sit hominis vita. Quod panis pascit non aliunde habet quam ex prouidentia & dispositione Dei, quæ tantæ est virtutis, ut etiam si mortiferum cibum ad uitam ei destinet, iam non sit mortis, sed uitæ cibus. Quicquid ergo voluerit Deus homini cibum esse, eo non minus aletur quam solito cibo, siue in eius locum aliud quippiam substituat, ut manna patribus in deserto ministravit, siue nihil, ut Moysen, Heliā & Christū ipsum, sine ullo cibo per totos quadraginta dies conseruauit.

Tunc assumpsit eum diabolus in sanctam ciuitatem, Ierusalem scilicet, quæ sancta dicebatur, ob verū religionis cultum, quo Deus in templo ibidem magnificè constructo à Iudæis colebatur.

et statuit eū super

Assumpsit autem, et de Hierosolymis.

super pinnaculum templi altum quoddam deambulacrum ex quo sacerdotes populo prædicabant: et dixit ei. si filius dei es mitte te deorsum. scriptum est enim quia angelis suis mandauit de te ut custodiant te, &c.

Quæritur an diabolus, intelligat sacram scripturâ, & verum eius sensum cognoscat? Respond. Eum tantum de sacra Scriptura scire quantum illi à Deo permittitur. Malè autem scripturam hanc allegauit, nō quod psalmū qui de homine iusto scriptus est, Christo saluatori applicare voluerit, sed in hoc quod eam cōtra sensum psalmi allegauit, sine vllō tropo, qui tamē tropicè intelligendus est. Secūdo, quia promissiones psalmi, ad homines sui ipsius occisores, Deumq; tentantes pertinere voluit: & hoc genus allegandi scripturas perniciosissimum est.

Tertio, quia ita scripturam allegauit, vt illa quæ ad verum Scripturæ intellectu ducere poterant omiserit, id videlicet quod continuo sequitur. Quoniā in me sperauit, liberabo eum, &c. clamauit ad me, & ego exaudiam eum, &c. Quarto, quia verba quibus ipse describebatur prætermisit. Nā sequenti versu vocatur aspis, basiliscus, Leo, & draco, quorum proprietatibus pulchrè depingitur. Psalmus autem iste promittit speranti in Domino, & ad eū per preces cōfugienti, perpetuam ab omnibus malis angelorum protectionem; vt si saluti eius expediat, ne in lapidem quidem vsquam offendat. Vnde ex hoc loco colligi potest, quod homo Deo in timore seruiens, multos in sui custodiā habeat angelos, vt etiam patet ex Elisæo propheta, qui (cum vellet eum rex Assyriorum capere) puero suo dixit, plures nobiscum sunt quam contra nos: & per orationem Elisæi vidit puer montem plenum curruum, & equorum in circuitu Elisæi.

Psalm. 90

4. Reg. 6. 6

Non tentabis dominum deum tuum, Non quæres experimentum de Dei virtute citra necessitatem:

E. quan-

IN MATTHAEI

Quando enim humana via periculum vitari potest, non licet eo omisso miraculosè à Deo auxilium petere. Quando ergo à Deo aliquid petimus, non iusta, ac iëgitima causa exigente, vtpote quando nec necessitas, nec vtilitas vrget, Deū tētamus. Est istud populo diligenter inculcandum, qui frequenter hac in parte delinquit.

cap. 4. Et ostendit ei omnia regna mundi in temporis momento, vt ait Lucas, digito omnes terrarum partes in quibus erant regna demonstrauit. Et gloriam eorum. Ostensione hac in ipso dominandi libidinem concitare cupiebat, aq; in auaritiam, ac terrenorū amorem pellicere, vt hoc modo ad apertū Dei cōtemptum pertraheret. Cōstat enim quod diabolus hic à Domino tāquam omnium regnorum mūdi Dominus, atq; dispensator (quod soli Deo cōpetit)

a. Ap. 1.

cap. 4.

adorari voluit adoratione latræ, vt sic cōtemptus, & vilis Deus haberetur. Lucas addit eum dixisse: Quia mihi tradita sunt, & cui volo do illa, in quo impudenter mentiebatur, nec mirum quū ipse sit mendacij author & pater. Hæc omnia tibi dabo. Non addidit hic, sicuti in prioribus tentationibus, Si filius Dei es, quia quodammodo certus erat quod nō esset Christus: Videbat enim in eo magnā simplicitatem, eumq; inniti alieno auxilio, scripturæ scilicet sacræ, vel fortasse existimabat eum hoc pacto responsurum, Adorabo ego te pessimè dāmō? tu me adorare debes, qui filius Dei sum. si cadens adoraueris me. Si tanquam inferior coram superiore in terram procidas, tibi (quem dignum, & ad totius orbis obtinendū imperium, atque moderandum conspicio idoneum) hæc omnia dabo: Tantæ enim potestatis & excellentiæ sum, vt per meipsum hæc non digner administrare, sed per mihi subditos: Pro tanto autem beneficio quod tibi impendere volo, nihil omnino peto nisi vt me (quod exiguū est

est, factuque facillimum) horum omnium largitor
rem agnoscas & in terram procidens adores. Ecce
quanta fuit diaboli superbia. Cultum diuinum si-
bi vsurpare nititur, nec mirum quā ab initio Deo
similis esse cupiebat: vnde merito in infernum de-
turbatus est.

vade sathana. Audita hac tanta blasphemia, nō tu-
lit vltra Christus Sathanam, ac eius peruersita-
tem superbiamq; cognitam sibi esse declarans, cū
ira, & graui increpatione à se repellit, & abire iu-
bet, tāquam omnis boni & veritatis aduersarium.

Quod autem in hac tentatione, non autē in dua-
bus prioribus indignationem & vehementiā ostē-
derit, admonet nos, quam patientes in priuatis esse
debeamus iniurijs, in Dei autem & Sacramentorū
eius blasphemijs acres & seueri. Obseruādum etiā
est, optimam esse rationē superandi diabolicas ma-
chinationes, atq; tētationes, si cū Christo dicamus,
Vade Sathana, eas videlicet contemnendo, illisq;
non immorando: Nam cum eas animo reuolui-
mus, quamuis nō consentiamus, in hoc tamen dia-
bolus gaudet, quia honorari videtur, dū quod pro-
ponit tāti facimus, vt illud in anjmo nostro reuol-
uamus & expendamus. Huius rei exēplū habemus
4. lib. Reg. vbi refertur quod cū Rapsaces obsedis-
set Ierusalē, & Deū blasphemasset, populus ex prae-
cepto regis tacuit, & non respondit ei verbū: simi-
liter facere debet quicunq; à diabolo tentatur, vt eū
prauas cogitationes suggerentē non audiat, nō ex-
pendat, sed statim repudiet, atq; contemnat: qui cū
contemptum ferre non possit cum confusione vi-
ctus abibit. *scriptum est enim, Dominum Deum tuum a-
dorabis.* Solum patrem, filium & spiritum sanctum
vnum Deum adorabis, qui omnium regnorum
mundi potestatem habet, & vnicus est bonorum
omnium largitor, & principalis Dominus.

IN MATTHAEI

et illi soli seruiens, tanquam omnium regum Domino, ea scilicet seruitute quam Græci latrariam vocāt. Sancti quidem venerari possunt, & orari, sed non proprie adorari: venerari inquam possunt veneratione dulci, quæ creaturæ debetur, veneratione quoque hyperdulci quæ B. Mariæ virgini tribui solet. Reliquit eum diabolus, consummata omni tentatione cōfusus abiit, & ab eo tentando non quidem perpetuo, sed ad tempus (vt refert Lucas) cessauit: Nā & postea varijs armis, & machinationibus instructus, ad tentandum Christum prodijt, & præcipuè in eius passione in qua nec ipsam diuinitatē eius adhuc deprehendere potuit. Et ecce angeli accesserunt et ministrabant ei. Veluti serui ad Dominū suū Iesum Christum in humana specie accesserunt, & in victualibus, cibo, potu alijsque necessarijs ministrarunt. Hic quæritur cur non potius sit ciuitatem ingressus, aut amicorum suorum potius ministerio, quam angelorum vsus fuerit? Respon. Id propterea factum, vt nobis significaretur, quod quoties diabolus vincimus & eius tentationem superamus, mox ad nos Angeli accurrant, victoriam nobis gratulantes, & necessaria subministrantes. Quæritur etiam utrum istæ tentationes fuerint continuæ? Et apparet quod sic, nam in primis Euangelista dicit in secunda tentatione, Tunc assumpsit eum diabolus, absoluta scilicet responsione. Ad hæc Angeli, non ante peractam tentationem ad Christum accesserunt: vnde si inter has tentationes magna mora fuisset, prius accessissent, quandoquidem Christus ante primam tentationē valde esurierit, ciboq; indiguerit. Denique quia post tertiam tentationem dicitur, Tunc reliquit eū diabolus, quasi diceretur, primo accessu vsque ad consummationem harum tentationum eum non reliquit. Quæritur rursus cum Lucas secundam

tenta-

Luc. 4.

c. 4. 4.

tentationem ponat, quàm hic Matthæus tertiam, quomodo inter se concordent? Respond. Matthæus verum seruauit historiæ ordinem, non autem Lucas. Secundo dicit, iterum assumpsit eum, ergo prius eum assumpserrat, ideo assumptio in sanctam ciuitatem secunda tentatio est. Tertio Christus iubet Sathanam in tertia tentatione abire, ergo tunc abiit. Quarto idem ex hac ratione cognosci potest, diabolus enim pedetentim à peccatis minoribus ad maiora progreditur, ergo de ipsius adoratione tertia tentatio fuit, quod nimirum est maximum & grauissimū scelus. Cæterum Lucas vt omittam quod in quibusdam codicibus idem cum Matth. reperiatur ordo, quoniam nullā temporis dat significationem, vera refert, sed non habita ordinis ratione. Matthæus verò vt tempora annotauit, ita & ordinem seruauit. Diligenter quoque obseruandum est quod Christus per sacrā scripturam semper diabolo responderit, vt discamus & nos semper ad scripturas sacras, & Dei verbum respicere, eorumq; præfidijs tentationes diaboli superare, ad quod & Paulus admonet, inquit, Accipite armaturam Dei, in omnibus sumentes scutum fidei in quo possitis omnia tela nequissimi ignea extinguere. Scripturas autem omnes quibus diabolo respondit ex Deuteronomio sumpsit, quia secutus est communem Iudæorum Deum reuerentium morem, qui præ cæteris hunc potissimum librum legebant: quod satis ex ipso libro constat, Præceptū enim erat eis vt semper in illo libro meditentur. Hic autem liber præ reliquis ipsis commendabatur, quia in illo gratia Dei, sine qua seruari lex non potest maximè prædicatur & ostenditur: quod ex Paulo patet, qui iustitiā fidei probare volens, hanc ex Deuteronomio scripturam desumpsit, Ne dixeris in corde tuo quis ascendet &c. Item

xphes. 6.

Deut. 17.
Ex. 17.
Iosue 1.

Rom. 10

IN MATTHAEI

in eodem capite, prope est verbum tuum in ore tuo &c. Et pluribus alijs locis. Auget hanc commendationem, Deuteronomij vocabulum idem nimirum significans quod lex secunda, qua parte legem nouam præfigurat.

Cum autē audisset Iesus quod Ioannes traditus esset. Cū intellexisset in Iudæa baptistā à Scribis & Phariseis in manus Herodis tetrarchæ traditum esse, intellexisse quoque eos quod multo plures ad ipsum, quàm ad Ioannem confluere: ideoq; magis sibi à Christo metuere quam prius à Ioanne, Iudæa relicta in Galilæam secessit. Obseruare hic oportet, quod inter tentationes Christi & aduentum eius in Capharnaum, intercedant omnia quæ Ioannes habet Euangelista tertio, & quarto capite. Qui solus ea à cæteris omiſſa prosequitur.

Venit & habitauit in capharnaum maritima Posita in littore maris Galilææ, in terminis terræ duarum tribuum.

Via maris trans Iordanem Galilee gentium, qua itur ad mare Galilææ, & qua Iordanis à mercatoribus transitur: quæ terra est Galilæa gentium, vel ad Galilæam gentium pertinet: viginti enim oppida Galilææ, à Salomone Hiram regi Tyri data sunt. *Populus qui sedebat in tenebris*. Quasi dicat, per hæc intelligo populum in his locis habitantem, qui ante Christi aduentum præ cæteris Iudææ partibus, in magnis ignorantia & peccatorum tenebris versabatur: tum quia remotus erat à templo Dei quod erat Hierosolymis, tum quia gentilibus Tyrijs & Sidonijs impijsimis permixtus erat.

vidit lucem magnam. Spiritualiter & corporaliter cognouit Christum Dominum, qui solus est lux spiritalis, & lux magna. *Et sedentibus in regione umbræ mortis, in densissima caligine, lux orta est eis.* Christus ortus est eis, singulari scilicet, & speciali modo,

do, præ alijs Iudæorum ciuitatibus, eo quod ferè Saluator suam prædicationem, & miracula maximè apud istos fecerit: per quod mysticè significabatur quod esset Iudæos relicturus, atq; ad duras, & excæcatas gentes transiturus.

Exinde cepit Iesus prædicare, ex quo Ioannes traditus est, absoluto iam tanquam nunciij, & præcursoris officio, Christus ipse veluti Dominus principalis à Ioanne prænuntiatus, manifestè & continenter prædicare cepit. Prædicauerat quidem & antea, sed non assiduè & indefinenter. Et dicere. *Pœnitentiam agite.* Istud supra expositum est, in prædicatione Ioannis. Eadem quoad doctrinam vtriusque prædicatio est: in hoc tamen differunt Christus & Ioannes, quod hic tantum prædicet, ille verò quod prædicat etiam præstet.

Vidit duos fratres, corporalibus & spiritualibus oculis *simonem qui*, nomine ab ipso Salvatore imposito, *petrus vocatur*, id est saxum, siue rupes. Mutatio nominis quæ in Scripturis, à Deo facta legitur, doni spiritualis alicuius gratiæ significationem habet. Sic legimus Abram & Iacob nomina esse mutata, quorum ille Abraham iste verò Israël vocatus fuit. Est autem Simon à Domino saxum, siue rupes vocatus, quod super eum tanquam super firmum fundamentum, Ecclesiam esset ædificaturus. Quæritur an ista sit prima Petri vocatio, qua à Christo vocatus est? Respondeo nō esse. Hęc enim in Galilæa facta est, Ioāne in carcere misso: alia autem quæ prima fuit ad familiaritatem in Iudæa accidit extra Galilæam, antequam Ioannes in carcerem mitteretur. Secunda autē vocatio ea fuit de qua apud Luc. ca. 5. Hac verò tertia & vltima vocatione ad Apostolatum accitus fuit. *venite post me* corporaliter me comitantes, mihi que adherentes atque spiritualiter me imitantes, & ego

cap. 3.

Ioan. 1.

Genes. 17

Genes. 32

Matth. 16

Ioan. 1

IN MATTHAEI

cap. 16

tantam vobis gratiam impertiar, vt euangelij mei annuntiatione, vestra conuersatione, sacramentorū deniq; administratione, hoīes profundissimis peccatorū tenebris immerfos educere inde atq; eripere possitis: Siquidem *faciam uos fieri piscatores hominum*, qui sic in peccatorū sordibus, vt pisces in aquis volutantur. De his piscatoribus prænunciauit Hieremias: Ecce ego mittā piscatores multos dicit Dominus & piscabuntur eos.

illi autem statim relictis retibus, & omnibus bonis inter quæ retia, & nauicula erant præcipua, sequuti sunt eum.

IN CAPVT QVINTVM

Matthæi.

Videns autem iesus turbas Hoc est: Cum & corporalibus & spiritualibus misericordiæ suæ oculis turbas vidisset, ratus adesse doctrinæ suæ explicandæ tempus, in quendam Galilææ montem ascendit.

Accesserunt ad eum discipuli, vt essent corpore vicini, qui erant animo propinqui. *Et aperiens os suū*, qui aperire solebat ora Prophetarum. Hac circumlocutione significatur sermo prolixior, & vox clarior quæ ab omnibus exaudiri possit. *Docebat eos*, discipulos suos videlicet, vna cum circumstante turba: docebat (inquam) non tantum hæc quæ sequuntur, recitando, sed idem varijs modis inculcando, vt & discipuli, & turba capere possent.

Beati. Sermonem incipit à beatitudinibus, quia sermo omnis inanis est, qui ad beatitudinem, quæ totius bonæ vitæ finis est, non ordinatur. Et licet omnes illam quærant, multi tamen in ea dijudicanda toto cœlo aberrant: & ideo saluator ne error circa illam committatur tam diligenter inculcat.

Beati

Beati ergo non in re perfecta, sed in spe iuxta illud, Spe salui facti sumus. Nec subtiliter hic de beatitudinis definitione agendum est, præstat enim nos scire modum perueniendi ad beatitudinem, quam subtilem & philosophicam eius definitionem. Scripturæ autem sacræ pronuntiâtes aliquem beatum ex vnica virtute, vel duabus, intelligendæ sunt quantum est ex parte illius virtutis, modò aliunde non sit defectus. *Pauperes spiritu.* Locus hic non male à quibusdam de humilibus accipitur. Verum si ad sextum cap. Lucæ, & antithésim beatitudinibus illic oppositam respiciamus, ad inopes & diuitijs carentes potius pertinebit. Etenim primæ huic beatitudini, maledictionem opponens, Væ vobis diuitibus inquit, qui habetis consolationem vestram. Pauperes ergo spiritu sunt qui voluntate & affectu pecunijs carent, hoc est, qui nō sunt eis affecti, nec inordinate eas prosequuntur: diuites contra spiritu sunt, qui diuitias concupiscunt, ijs tanquā magnis bonis afficiuntur, & spem fiduciamq; suam in eis collocant. Neque enim omnes diuites miseri sunt, sed illi duntaxat qui ex diuitijs consolationē sibi quærunt, vt ibidem addit Lucas. Ita non omnes pauperes beati, sed illi soli (vt Christus dicit) qui spiritu, id est, corde, ac volūtate pauperes sunt. Rectè ergo adiecit *spiritu*, quia paupertas per se nos Deo non commendat, sicut nec diuitiæ per se inimicos efficiūt: sed animus ordinatus, nos ad Deū ordinat, inordinatus verò ordinem ad Deum perturbat: Vnde animus circa diuitias inordinatè affectus, & cupiditate plenus in multa peccata erūpit, nam radix malorum omnium est cupiditas ac omnium maximè hominem à veralectionis euangelicæ perceptione præpedit. De diuitibus spiritu habes & apud Prophetam Amos ca. 6. & Iacobum cap. 5. & in cantico B. Mariæ virginis apud Lucam cap. 1.

Rom. 8.

1. Tim. 6

IN MATTHAEI

cap. primo. *Quoniam ipsorum est regnum cœlorum.* Rationem reddit superioris beatitudinis ac si diceret, licet isti non afficiantur terrenis, & nullam ex illis recipiant consolationem, in rei veritate tamen admodum felices reputandi sunt, quia etiam nunc cum adhuc in miserijs isti versantur opprimiq; videtur, regnū illud quo in cœlis regnatur ad eos Dei ordinatione pertinet: suntq; tanquā reges quidā super omnes Dei diuitias constituti: iuxta illud. Super omnia bona sua constituet eos, & fecit nos regnum seu reges & sacerdotes Deo, & patri suo. In singulis beatitudinibus ponitur pro præmio regnum cœlorum, & vita æterna, quæ pro correspondentia virtutum variè nominatur, in duobus quidem locis expresse: Primo loco, quatenus in regno cœlorum diuitiæ considerantur. Secundo, in octaua videlicet beatitudine, quatenus in illo superioritas cōsideratur. Ipsorum autem esse dicitur regnum cœlorum, quia iuxta liberalem Dei ordinationem tam magnum eis præmium debetur: est enim in pronomine (ipsorum) emphasis quædam.

Beati mites, lenes, qui non reddunt malū pro malo sed in bono vincunt malū. Quia ipsi possidebunt terrā. Licet nunc per potentiam diuitum deprimantur, nec pro terrenis rixentur, postmodū tamen hæreditario iure soli plenè & pacificè totā terrā possidebunt, tanquā ipsius Domini, cuius possessione nunquā poterunt eijci: atq; hæc beatitudo plenè exprimitur in Psalm. Noli emulari in malignatibus &c. Terra hic sumitur pro terra proprii nominis super quā purgatam & renouatam regnabunt sancti quāuis in cœlis existentes. Sic enim & B. Petrus intelligit. Nouos inquit cœlos, & nouā terram expectamus, in quibus iustitia habitat. Aug. verò de serm. Dom. interpretatur de terra viuentiū, id est soliditate & stabilitate hæreditatis perpetuæ vbi aīa per bonum

Matth. 14

Apoc. 1.

Rom. 12

Psalm. 36.

2. Pet. c. 3

Lib. 1. ca. 3.

Psalm. 141

bonū affectū tanquā loco suo requiescit, sicut corpus in terra. Infœlicitas autē, & v̄æ quod huic beatitudini correspondet est istud, V̄æ immitibus quoniā ipsi ab hæreditate exterminabuntur. Similiter potest dici in ceteris, nā singulis beatitudinibus sue possunt opponi infœlicitates, vt patet ex 6. illo supradict. ca. Luc. *Beati qui lugēt* qui ordinatē animi sui dolorē gemitu, lachrymis, voce, gestu, vel aliquo externo opere produūt: dolorē (inquā) quē cōceperūt ob propria peccata, & aliena, ob absentia, & morā Dñi, æternę fœlicitatis dilationē, ob misérias proprias, & alienas. Debēt autē ordinatē dolere ita scilicet, vt per Deū à peccatis liberentur, & deinde à miserijs iuxta illud, Cōuertimini ad me in lachrymis, fletu, & planctu. Et defectio tenuit me pro peccatoribus dereliquentibus legē tuā. Quod etiam aliorū peccata lugere oporteat hinc discimus, quod in scripturis luctus iste cōmendetur, vt apud Psal. Tabescere me fecit zelus meus, quia oblitī sunt verba tua inimici mei, & in eod. Psalm. Vidi prauaricantes & tabescebā. Et apud Hiere. Quis dabit capiti meo aquam, & oculis meis fontē lachrymarum: Zelus Dei facit me tabescere, Item apud Ezechiel. Quis dabit oculis meis aquā. Quū autē in alijs beatitudinibus deficiamus, in ista nos permanere, & quodāmodo perfectos esse oportet. Quoniā ipsi cōsolabūtur in resurrectione post hāc vitā, quando id ob cuius defectū lugebāt assequuntur: aliquā tñ etiā in hac vita accipiūt consolationē. Cōtra autē, V̄æ ridentibus qñoniam lætitia eorū vertetur in luctū.

Beati qui esuriunt, qui quemadmodum famelici cibum & sitibundi potum, ita iustitiam quam non habēt, id est, perfectam diuinæ legis impletionē, vitiorum suorum expurgationem & peccatorum remissionem, auidē ardentēq; desiderant. Quoniam saturabuntur, perfectē in futuro seculo id quod desiderāt ob-

100. l.

Psall. 118

Hiere. 9

ibidem.

Ezech. 9.

Luc. 6.

Esa. 12.

sap. 2

IN MATTHAEI

obtinebunt, ita ut nullam passuri sint esuriem, sed iustitia omni replendi atque saturandi: ita ut penitus in eo quiescant quo saturabuntur. Esuries & spiritalis sitis eadē sunt. Iustitia autem est id à quo quis perfectē apud Deum dicitur iustus. Iustus ergo est qui pro modulo suo implet diuina mandata, & quotidie in ijs proficit. Vnde sequitur iustitiam hominum in hac vita non esse perfectam. quamuis enim vera sit, tam exigua tamen est, ut magis remissione peccatorum, quam vera virtute constet, ut ait August. de ciuit. Dei lib. 19. cap. 27.

Beati misericordes siue in corporalibus eleemosinis siue spiritualibus erga proximum. *Quoniam ipsi misericordiam consequentur.* Veniam peccatorum, & alia dona. Contra autem, ut immisericordibus. Ex hoc loco hæretici quidam dicunt eum damnari non posse, qui misericors fuerit etiam si alijs peccatis intricatus sit. Eum errorem refellit August. compluribus in locis. Potest tamen hoc dici quod is ex parte illius virtutis quam habet damnari nō possit, at non ob peccata quæ habet, Eleemosinam largiens, peccatum immisericordiæ euadit, minusque peccat, non tamen ad vitam æternam hoc sufficere potest.

Beati mundo corde non dixit interpretes (mundi corde) est enim is sermo amphibologicus, eos etiam significans qui mundo corde esse desiderant. Sensus ergo huius est: Beati qui mentem quantum fragilitas humana permittit, à criminibus, & peccatis alijs mundam habent, nec longè sunt à plena munditia cordis: quod autem deest, quotidie adipisci conantur, & de die in diem magis proficiunt, ac spiritu renouantur. *Quoniam Deum uidebunt* mente plenè mundata in futuro seculo intelligent sanctā trinitatem, id est, essentiam diuinam sicuti est, nō per aliquod ænigma vel speculum, sed facie ad faciem:

quæ

quæ non nisi à corde plenè mundo videri potest, in qua visione consistit tota hominis fœlicitas. De qua pulchrè D. August. lib. 3. de libero arbit. capite vltimo. Cæterùm quomodo finis Deum visuri an oculis etiam corporeis, tractat August. de ciuit. Dei. lib. 22. cap. 29.

Beati pacifici qui student vbique reddere omnia pacata. Isti sunt zelatores gloriæ diuinæ, qui homines cum Deo, & inter se secundum Deum pacare student, & ad veram pœnitentiam, veramq; Dei in Christum fidem inducunt, & pro delictis eorum apud Dominum intercedunt: & sic pacem veram componunt. Alia autem pax, hominum scilicet impiorum, non pax, sed conspiratio potius nominanda est, vt ait August. lib. 19. de ciuit. Dei. c. 13. *Quoniam filij Dei vocabuntur*, nomine ab ipsa re desumpto. Ab omnibus hominibus perfectè & plenè adoptiui filij vocabuntur, & pro talibus agnoscẽtur, Christi naturalis filij Dei nomen habentes.

Quia enim in hac vita fuerunt ei similes in conuersatione & opere, erunt etiam similes in nomine: nam sicuti præcipuum Christi officium fuit pacificare homines cum Deo, & inter se, ita vt & pax nostra, & princeps pacis nominetur: sic etiam horum præcipuus in hoc fuit conatus. Aduertendũ diligenter est (Vocari) in Scripturis significare non tantum qualemcunque appellationem, sed eã quæ est à re ipsa desumpta, vt Propheta altissimi vocaberis, & vocabis nomen eius Iesum. Quod autem ab omnibus cognoscantur & filij Dei vocabuntur, ex Sapiente manifestum euadit: qui refert impios in futuro sic dicturos: Ecce quomodo computati sunt inter filios Dei. Qua verò nominis significatione filij Dei appellandi sunt, docet August. cõtra 2. Epistolas Pelagianorum lib. 3. cap. 3. Et quod videlicet erunt non filij naturales (quoniam vn-

cus est

ephes. 2.

isa 9

Luc. 1.

matth. 1

sap. 5

IN MATTHÆI

cus est Iesus Christus naturalis Dei filius) sed ad-
optiuus, qui propter imitationem operū Christi filij
Dei, nominis etiā eius participatione donabūtur.

Beati qui persecutionem patiuntur. In corpore, fama,
& externis bonis, & animo forti & patienti aduersa
quæq; propter Christū tolerant, siue propter iustitiā,
id est, mandatorum Dei obseruationem, quā vel
ab alijs impleri cupiūt, vel ipsi eā defendūt: In quo
genere martyres eminēt, ipsorum est enim regnum cœ-
lorum: et si in hac miseriarum valle, quodammodo
miseri esse videantur, & ab alijs opprimi, nihilo-
minus tamen veri hæredes sunt regni cœlestis, &
super omnes inimicos suos, definito à patre tem-
pore in cœlis regnaturi. Septem hæ beatitudines
septem donis spiritus sancti, ordine retrogrado
ab Esaia enumeratis respondent: vt pulchrè Aug.
declarat li. 1. c. 9. de ser. Domini in monte, & de do-
ctrina christiana lib. 2. cap. 5.

Beati estis. Hactenus Saluator noster generalia
contra vulgi opinionem paradoxa posuit: nunc
verò sermonem suum ad Apostolos, eorumq; suc-
cessores conuertit, inquiens. O vos Apostoli mei
qui hæc alios docturi estis, *beati estis* propter eximie
virtutis occasionem, quam accipietis cum maledixe-
rint vobis homines carnales, iniurijs, conuitijs, atque
contumelijs vos, afficientes. vosque persecuti fue-
rint in rebus famæ aut corporis. Et dixerint omne
malum aduersum vos. Vobis absentibus detraxerint.
Vnde patet quod præcedens maledictio de con-
tumelia in faciem irrogata intelligi debeat, ista ve-
rò de detractio in occulto facta. *mentientes pro-*
pter me. Falsum dicentes, quia me prædicatis.

Hunc locum explicat Paulus dicens: Non so-
lum autem, sed & gloriamur in tribulationibus
&c. Item Lucas capite sexto, Væ vobis cum be-
nedixerint vobis homines: quia cum plurimi sint
mali

Ms. A. II

ROM. 6.
LUC. 6

mali oportebit vos illis similes esse. *gaudete interius & exultate gestu exteriori, quia merces uestra copiosa est in cœlis.* Quia propter hæc gloriam cœlestē consequemini. *sic enim simili modo, odio videlicet, falsis nominibus, pessimisq; criminibus prophetas veteris testamenti, Iudæorum impiorum scelera reprehendentes, persecuti sunt.* Non igitur propter hæc contristari debetis, quia maxima fœlicitas & gloria est talibus hominibus assimilari posse. Quomodo autem prophetas persecuti sint Iudæi, videre licet ex lib. Regum de Helia, Michea Zacharia. Id quod tractat & Esaias à cap. 23. ad finē.

vos estis sal terræ. Quemadmodum sal cibis saporem præbet, eosque à putredine conseruat, & tuetur, sic & vos cum successoribus vestris, insipidos & infulsos homines per doctrinam vestram, conuersionem, orationem, salire, & à vitiorum corruptione & cōtaminatione seruire debetis, vt quodāmodo diuino ori sapidi exhibeantur: nihil enim Dominus in os suum immittit, nisi sapidum fuerit: vnde tepidi ex eius ore euomi dicuntur. *Quod si sal euauerit.* Quia vos sal terræ estis, maximè cauere debetis, ne persecutionis metu, salis vigorem, & acrimoniam amittatis: ne vel vita vestra, vel doctrina, labe quadam contaminetur, quia si sal insipidus fuerit, inueniri nihil potest per quod condidatur, & sapidus reddatur. Ideoq; qui salire debet, si à veris virtutibus, aut doctrina deuiet, non inuenietur qui eum possit conuertere, & saluare. Hæc per se intelligenda sunt, nā doctor insipidus alium, nō autem seipsum docere potest. *Ad nihilū ualet ultra,* id est, ad nullum vsum valet sal, nec ad finem quidem aut sterquilinum, *nisi ut conculcetur ab hominibus* tanquam res nullius valoris & momenti quæ abijci debet: atque hæc causa est, cur sacerdotes à laicis vilipendantur. Qua de re vide 2. cap. Malach.

Apo. 3

vos estis lux mundi: Sic ex officio per bona opera & sanam doctrinam hominibus lucere debetis, vt per vos illustrati, peccatorum suorum tenebris eruantur. Vnde duas subiungit parabolas, quibus ad hoc Apostolos hortatur, quarum prior hæc est, Non potest ciuitas abscondi supra montem posita. Quemadmodum ciuitas in alto monte ædificata omnibus est conspicua, nec occultari potest, ita vos quos spiritalis cuiusdam ciuitatis meæ sanctæ Ecclesiæ super me tanquam montem ædificadæ, præeminere volo ita vt conspicui sitis, nec latere possitis: ego enim semper vti mons in sublime eleuatus conspiciar, & cognoscar, siquidem gloria Christi nūquam occultari poterit. Nata autem ista Dei Ecclesia est, in die Penthecostes in Ierusalem.

Neque accendunt lucernam & ponunt eam sub modio. Sic nec ego ideo in vobis doctrinæ, boniq; spiritus lumen accendo, vt illud timore aliquo humano abscondatis, sed super candelabrum, ut luceat omnibus qui in domo sunt, in hoc mundo, vt clarè videntes vestrâ bonam conuersationem in admirationem trahantur, vt sic tracti glorificent patrem uestrum qui in cœlis est qui tantam miseris hominibus dignatus est largiri gratiam. In cœlis pater singulariter esse dicitur quanquam vbique sit, quia in cœlis tanquam in creatura dignissima residet, & se ibidem angelis manifestat, ostensurus etiam se quandoquæ hominibus, ibique effectum suum gloriam suam manifestâdo ordinariè operatur. Deinde supremo Deo conuenientissimè suprema debetur creatura.

Nolite putare quoniam ueni soluere legem aut prophetas. Quoniam plurima noua præcepta traditurus est, præmunit auditores, vt non existimetur præcepta Moyfi abolere velle. Ne putetis (inquit) quod in hunc mundum eo fine veni, vt tradita in quinque libris Moyfi vel in prophetis præcepta, velle eis con-

contradicendo, vel ea irritando euertere velim, etenim *Non ueni soluere, sed implere*. Veni omnia exhibere, quæ ibi prophetata & præsignata sunt, & opere præstare quæ ibi moralia sunt: non solum autem in meipso verumetiam in alijs, qui legē Dei propter prauitatem, & infirmitatem implere non valentes, gratia mea sic conuertentur & sanabuntur, vt eam implere queant: & si quid minus impletum fuerit per me ipsis ignoscetur. Soluere hic, siue destruere, est per doctrinam contradicere, & contrarium docere: infra autem vbi dicitur, Qui soluerit vnum de mādatis istis minimis, idē valet quod legem & mandata transgredi. Lex etiam ambigūe ponitur, quandoque pro tota Scriptura veteris testamenti: quandoque vt hoc loco & sequenti, pro quinque libris Mosi. Idem de nomine Prophetiæ, dicendum. Interdum enim generaliter totā complectitur scripturam veteris testamenti, pater Moyse, vt hoc loco: interdū verò specialiter vsurpatur, vt etiam contra Psalmos distinguatur, vt apud Lucam, Necesse est impleri omnia quæ dicta sunt in lege, prophetis, & Psalmis de me. Lex hic sumitur vt tam legem cæremonialem, quam moralem complectatur: nam apud Lucam vbi idem quod hic traditur, de vtraque agitur, quanquam Matthæus solum de moralibus mandatis agere videatur: qualia sunt. Non habebis Deos alienos. Honora patrem. Cæremoniæ verò sunt lotiones ante cibum, esus agni &c. Quomodo lex impleatur, tractat Augustin. contra Faustum Manichæum, impletur (inquit) lex cū fiunt quæ ibi præcepta & prophetata sunt. Similiter lib. 19. con. eundem cap. 7. 8. 22. 23. 27. Non est autem hæc impletio, sic intelligenda quasi per additionem alicuius ad præcedentia, quomodo tritici mensura per aliquorum granorum additionē

Luc. 14.

Luc. 16

Lib. 17. c. 6

IN MATTHAEI

impleri dicitur. *Amen* duo significat, verè, & fiat, vt nunc asserentis, nunc optantis sit, vt patet ex Lucae cap. 4. Quando optantis est opponitur apud Paulū ei verbum, Absit. Apud Ioannem verò semper geminatum reperitur: in alijs euāgelistis tantū semel positū. *Amen* in veritate dico vobis me ad demolendum & infringendū legem vel prophetas non verisſe, sed omnino ad implendū. Etia vobis hoc assero tantā esse Deo obseruationis suorum mandatorum curam, vt nec minima quidem illis contenta pereant, vel differantur, ita vt nō omnino, & perfectè compleantur. *v num iota, aut unus apex.* Hyperbolicus, & figuratus sermo est. per hęc enim minima mandata, & minimę promissiones intelliguntur. *Non prateribit a lege*, id est, non peribit. Metaphora est à viatoribus sumpta vel à rebus successiuis quæ dū transeunt, pereunt, quales sunt tēpus & motus. *Donec transeat cœlū & terra*, vsq; ad interitū cœli & terræ. Si propriè istud intelligatur erit sermo per impossibile. Simile aliquid habemus apud Esaiā. *Leuate in cœlum oculos vestros, & videte sub terra deorsum*: quia cœli sicut fumus liqueſcēt, & terra sicut vestimentum atteretur. Vel intelligi potest vsq; ad transmutationem sæculi, id est vsq; ad diē iudicij: nō tamē quod tunc aliquid peribit, sed particula, vsq; sumetur eodē modo quo, donec, vbi dicitur donec peperit filiū suū primogenitū. Donec ponam inimicos tuos scabellum pedū tuorū. Omnia autē mandata reputantur impleta, inquit Aug. Quando quicquid non fit ignoscitur.

Esa. 51.

Matth. 1.

Psal. 109

1. Retract.

cap. 9.

Qui ergo soluerit unum de mandatis istis min'is. Cum tanta sit Domino dege sua cura, vt ne minimam quidem eius partē perire voluerit, audiāt doctores vocē Domini: *Qui soluerit*, inquit, vnū &c. id est, qui transgressus fuerit vnū de mandatis istis minimis, et sic do. uerit homines transgredi scilicet, minimus vocabitur

vocabitur in regno cœlorum quantumuis hic magnus, & magno tituli honore insignitus existat, vilissimus tamen in vita futura apparebit: quia partē & locum in inferno cū damnatis sortietur. Particula (in regno cœlorū) cū verbo (vocabitur) iungenda est. Alij hoc modo interpretantur. Minimus vocabitur in resurrectione mortuorum, quando iustis regnū cœlorū manifestabitur. Mādata minima dicuntur quæ sua generalitate pauca complectūtur, quæq; nō finem, sed media præcipiunt: vt sunt nō occides, non furtum facies, Non falsum testimoniū dices. Maxima verò mandata sunt quę media nulla, sed finem immediatē præcipiunt: quale est: Diliges Deum tuū ex tōto corde tuo. Gregorius per minima mandata intelligit ea quorum transgressio non est magnum peccatum: per maxima verò, quorum violatio magnum est delictum. Docere autem peccatum quantumuis paruum, nō esse peccatū, in docente peccatum mortale est: ideoq; talis in regno cœlorū minimus vocabitur, quia diuinam legē peruertit, eiq; aduersatur. Omnes quoque damnati vocantur nouissimi & minimi regni Dei, non quod in regno aliquam hæreditatem habituri, sed quod ab eadem excludendi sint.

Qui autem fecerit opere, vel diuina suppletionē, omnia legis, & Prophetarum mandata. Et do:uerit hoc modo alios, vt sic faciant, is quasi honoratissimus in regno Dei erit, Aduertant hic & intueantur omnes Præpositi & Doctores magnum in officio suo bene se gerentiū præmium, & contra magnum malē in officio se habentium detrimentum & exitium.

Dico autem vobis ne putetis me frustra præfatū esse de hoc quod nō veneri soluere legē, aut prophetas: itē de eo q̄ de legis doctoribus dixi: nō inquā existimetis me in vanū vobis docēdis fuisse occupatū

IN MATTHAEI

quasi totā à vestris doctoribus legē audieritis dico enim vobis *quia nisi abundauerit iustitia uestra plus, quā scribarum & phariseorum.* Nisi iustitia vestra, & vite vestrae conuersatio, maior, exactior, & plenior quā docent, & prestare cōtenti sunt pleriq; ex Phariseis fuerit, *non intrabitis in regnum cōlorū:* non enim tales ad tantam regni hāreditatem admittuntur. *Audistis à vestris doctoribus, Scribis, & Pharisæis: quia dictum est antiquis patribus vestris Non occides vllum hominem innocentem.* Peccatores siquidem & sceleratos, publica autoritate interficere licet. *Qui autem occiderit, hominem aliquem autoritate propria, & priuata, reus erit iudicio* obnoxius erit iudicio decernenti vtrum ipse etiam sit occidendus. Dixerunt vobis Doctores vestri, externum homicidij actum hic prohiberi, ac politicam pœnam in lege præsriptam vos docuerunt. *Ego autem* tanquā verus legis doctor perfectam eius intelligentiam habens. *dico vobis* quos erudire, & eruditos ad prædicandum ceteris mittere cupio. *Quia omnis qui irascitur fratri suo. q. d.* Non solum externa cædens vetita est, sed sub illo præcipuo hominis nocumento quodlibet vitæ humanæ nocumentum, omnisque nocendi appetitus prohibetur. Sed nec politicæ tantum legis pœna in lege Domini præscripta & à doctoribus explicata per legis violationem iucurritur, sed æterna quoque à Deo infligenda. Dicitur autem quis irasci fratri suo, quando aduersus fratrem, hoc est, hominem quemlibet vindictam expetit. Quilibet enim homo propter vnum spiritalem patrem Deum, ac vnum carnalem Adamū frater nuncupatur. Nam quum quis iusta ex causa irascitur, non peccat, sed peccatum destruit, non enim fratri, sed vitio irascitur. Pro ira cæterisq; animi affectibus intelligendis legendus est Augustin. lib. 14. cap. 7. & 8. de ciuitate Dei. *Reus erit iudicio.*

Ob-

Obnoxius erit: nō vt ab hominibus iudicetur, sed à iusto iudice Deo, cuius inflexibilis iustitia quēcunque ad iudicium suum sine misericordia adduxerit, ad gehennam cōdemnabit. Neminem enim Deus (quemadmodum homines interdum vel ex ignorantia, vel malicia faciunt) innocentem ad iudicium pertrahit. Notandum autem hic est nullū esse iudicio reum præter eum qui mortaliter irascitur: agitur enim hic de ira quæ mortale peccatū est, cuius ad Ephes. & Galath. Meminit Paulus: quod etiam ex eo patet, quia loquitur Christus hoc loco de illo, qui proximo nocere intendit: omne autem proximi nocumentum charitati aduersatur, hoc ergo spectare & intendere peccatum mortale est.

ephes. 4.
galath. 2.

Qui autem dixerit racha. Qui iram suam non cōpresserit, sed aliqua voce foris indicauerit, non aduersus vitium, sed hominem commotus, *reus erit concilio*, hic apud Deum non erit simpliciter iudicandus, & condemnandus, quomodo ille qui iratus, iram tamen compressit: verum longè maiori supplicio afficiendus: qualiter solent illi apud homines, qui non statim ad certū supplicij genus dānantur propter nefandum crimen, sed cum certum sit quod mori debeant, iudices in tribunali cōgregantur, vt de irrogandi supplicij grauitate disquirant & decernant. Ita, inquit Saluator, punietur qui iram suam non cōtinens in externum aliquod signum passus est eam prorumpere. Nihil Dominus aliud significare vult quam peccati grauitatē. Racha, fatuum significat, estq; talis vox apud Hebræos, quales sunt apud nos irascendi & indignandi interiectiones.

Qui autem dixerit fatux: Qui aduersus fratrem cōmotus expressam contumeliam vel conuitiū protulerit: cum fatuum, insensatum, stolidum, truncū,

IN MATTHAEI

asinū, bestiam, vel aliquo simili ignominioso nomine appellando.

Reus erit gehennae ignis. Longè grauiore poena, quàm priores afficietur. Dicta est autem gehenna a gehennom, valle in sorte tribus Benjamin, à filijs Ennom possessa, vt videre est in libro Iosue. Eadem aut pars eius, Tophet est appellata, in qua gentes idololatræ filios suos ignibus concremantibus solebant eos idolo Molech (quem verisimile est Iudæis fuisse Saturnum) deuouere & immolare. Idem sacrificandi genus imitati sunt & Iudæi ad idololatriam deficientes. Vnde legitur de Achaz, quod adoleuerit incensum in valle Benhennom, & lustrauerit filios suos in igne, iuxta ritum gentium quas interfecit Dominus in aduentu filiorum Israël. Locus hic tametsi esset amœnissimus, tamen ob crudelia & execranda hæc sacrilegia, factus est summæ abominationis, in eumq; cadauera & sordes quæque de Hierusalem iussæ sunt eijci. Quod inter Iosue laudes nominatim refert Scriptura. Contaminauit quoque Tophet, inquit, quod est in valle filij Ennom, vt nemo consecraret filium suum aut filiam per ignem, Molech. Id quod futurum aliquando prædixerat Hiere. A Edificauerunt inquit, excelsa Tophet, quæ est in valle filij Eunom, quæ non præcepi, nec cogitavi in corde meo. Ideo ecce dies venient dicit Dominus, & nō dicetur amplius Tophet, & vallis filij Eunom, sed vallis interfectionis, & sepeliatur in Tophet, eo quod nō sit locus. Ab hoc tā infami loco infernus in quo de impijs post hanc vitā supplicium sumitur, & Tophet & gehenna cœpit appellari: qua significatione, cū vulgari lingua vteretur. Dominus hic eā vsurpauit: ad quorū illic cruciatuū incredibile vim exaggerādā addit vt hic, ita & alibi subinde, ignis vocabulū, dialecto Hebræa, pro

Iosue. 1.

1. Para. 18.

4. R. 2. 13

Hiere. 7. 19.

Esai. 30.

Matth. 18.

pro gehennæ incēdio, seu gehenna ardente. Apud Mar. eplicat gehēnā per ignē inextinguibilē. Porro hoc loco nō simpliciter pro ęterna dānatione accipitur, sed pro peculiari & grauissimō aliquo ei' sup-
plicio: significatur enim hic, vt peccati, sic & pœnarū gradus, quæ cū in superioribus æternæ sint, singularis hic erit earū acerbitas intelligenda.

Hinc intelligimus quam non sit peccatorū grauitas humano æstimanda iudicio, qui hæc cū sint coram Deo grauiā & mortifera, censent tamen leuia esse, nec magnopore fugienda'. Qua de re vide Aug. lib. 2. cont. Dona. cap. 6. & lib. 4. cap. 19. lib. 3. contra Parme. cap. 1. Annotandum tamen, quod Diuus Bernardus priora duo loca, non de mortali, sed veniali peccato interpretatur, de ira videlicet ac indignatione inuolūtaria, aut volūtaria quidē, sed cuius excessus ob iustitiæ zelum vnde proficiscitur, excusationem habet. Nam alia illa ira qua quis ob iniuriam verē vel apparenter sibi illatam, firmo ac deliberato animo vindictam exposcit, aut sumere aliquando proponit, mortale peccatum est. Qua de re consulere licebit B. Thomam in secunda secundæ. Quæst. 158. artic. 3. & quæst. 72. artic. 2.

Quærat fortē quis, quomodo non peccarit Christus contra hoc suum mandatum, vbi agens aduersus Scribas & Phariseos, Stulti, inquit, qui fecit quod de foris est, etiam fecit quod de intus est? Et iterum: Stulti & cæci quid maius est, aurum, An templum quod sanctificat aurum? Ac rursus increpans discipulos illos euntes in Emmaus: O stulti & tardi corde ad credendum in omnibus quæ loquuti sunt Prophetæ! Similiter & Apostol. Paulus, quando ad Galatas scribens: O insensati Galatæ inquit, quis vos fascinauit non obedire veritati? Et paulò post sic stulti estis,

Mat. 9

Serm. 291
super can.

Luc. 11.

Mat. 23.

Luc. 24

Galat. 3.

IN MATTHAEI

vt cum spiritu cœperitis, nunc carne consummami-
mini? Respond. Licere disciplinæ & correctionis
causa, vt irasci ita & conuitio aliquo proximū feri-
re, vt videat peccati sui turpitudinem, seq̃ emen-
det, fit enim hoc ex charitate & amore eius. Eoque
cauendum hic quoque vt ne nimium simus acer-
bi, & christianæ modestiæ limites egrediamur. Vn-
de tametsi non addatur in textu nostro (temerè,
vel sine causa) est tamen subintelligendum.

*Vide Aug.
epist. 134.
ad Publico-
lan, & Am-
bros. lib. 3.
officio. c. 4.*

Rursum quærat aliquis, peccet ne, qui pro sui
defensione quempiam interfecerit. Respon. Al-
terius mortem, vt vel eam ipse euadat, aut aliud
quodcunque beneficium consequatur, nemo licitè
expetit. Neque enim fas est alienam mortem, tan-
quam eius malum, ad bonum aliquod consequen-
dum ordinare: nisi coram iudice, vbi nec ipsa ta-
men nisi sub ratione iusti & boni consideratur, nō
ipsi quidem, sed Reipub. At contra latronem ac in-
uasorem, seruato moderamine inculpatæ tutelæ,
defendere se licet, in cuius ferrum aut tormentum
si latro incurrat, sibi imputet si quod inde dānum
& incommodum aut mortem etiam subeat, inno-
cens enim est, qui gladium vibrauit, aut tormentū
disposuit: quandoquidem non hoc agebat aut spe-
ctabat, vt alterum interficeret, sed vt eum à se ar-
cendo ac repellendo, sese contra inuasoris vim de-
fenderet. Vnde si mors alterius consequatur, non
magis id illi imputari debet, quam si fur in foueam
incidat, aut ex muro decidat, quam domui suę cir-
cumduxerit. Vnde in lege Moyfi, si quis nocturnū
furem effracta aut suffossa domo, interfecisset, non
erat sanguinis reus. Id si ad externa bona tuēda li-
cebat, multo magis licebit vbi vita periclitatur.
Cæterum qua iustitia nocentes & facinorosi ho-
mines occidi possunt, tractat August. lib. 1. de ciui-
tate Dei cap. 20.

Exod. 12.

Quæ-

Quæritur an peccari etiam possit lædendo aut interficiendo bestias & muta animalcula. Respon. Possè, vt quādo id fiat cædis & crudelitatis potius delectatione, quam victus, aut honestæ alicuius vtilitatis gratia. Nouit iustus, inquit Sapiens, animas iumentorum suorum, impiorum autem viscera crudelia. PROV. 12.

si ergo offers munus tuum ad altare. Si in sacrificio Deo offerendo occupatus fueris. *et ibi recordaris quia frater tuus habet aliquid aduersum te.* iustam querelam, quia tu eum in aliquo læseris, quod sæpe ex hominum malitia & infirmitate cōtingit: facillè enim homines conuitijs & contumelijs se mutuo petūt: Quod si hoc acciderit, *Relinque ibi munus tuum ante altare, & uade prius reconciliare fratri tuo.* Quantum in te est pro iniuria commissā satisfaciendo. *Et tunc, reconciliato fratre tuo, ueniens offer munus tuum ad altare,* & erit Deo gratum, qui in iniquitatibus suis permanentium & fraternam charitatem violentiū munera respuīt. Vnde ei qui fratrem læsit necessaria est reconciliatio, non autem ipsi læso, quanquā & ipse magnum Deo offerat sacrificium, si prior ad eum à quo læsus est, vel per se, vel per intercessorem, ad pacem cum eo obtinendam accedat. Qui autem læsit, si læsum non placat quantum in se est in iniquitate manet, violauit enim iustitiam commutatiuam. Hæc enim duobus modis violatur, Primo per ablationem rerum alienarum. Secundo per inæquales, seu iniuriosas actiones, & passionēs: & quamdiu quis hoc non reparat, in iniquitate manet, & sic ad sacrificium & munus offerendum est inidoneus.

Esto consentiens aduersario tuo Hactenus de illo qui proximū læsit, nunc verò ad eum qui læsus est descendit, instruens eum quomodo erga eum à quo læsus est se gerere debeat: vnde dicit ei, esto cōsentiens,

IN MATTHAEI

tiens, id est, beneuolus & lubens propter Christum omnium iniuriarū obliuiscaris, & ei ignoscas *cito* antequam mors te præoccupet, & coram Christo iustissimo iudice appareas, *dum es in uia* in hac vita, quæ est via ad tribunal Christi, *ne forte tradat te aduersarius iudici* Deo de tua duritie, & austeritate cōquærendo, qua noluisti fratri qui te læserat ignoscere. *Et index* Deus, *tradat te ministris* angelis tam bonis quàm malis iustitiæ suæ executoribus. *Et in carcerem mittraris*, id est, in infernū *non exhibis inde donec redas nouissimum quadrantem*: donec minimorum tuorū peccatorum pœnam persoluas propter quæ Deo debitor es effectus, id est, nunquam exhibis, quoniā nunquā totā, ne minimorū quidē peccatorum, pœnā exolues. Nunquā (inquam) inde exhibis prorsus liber scilicet, quia quilibet damnatus accepta in extremo iudicio sentētia eò rediturus est unde exijt, eundē ad modū quo captiui ē carcere ad iudiciū deducuntur, illuc postmodū redituri. Simili modo intelligendū est illud de seruo tradente suum debitorem in carcerem, cū tamen omnia prius fuissent ei dimissa. Sunt autē qui hunc locū aliter intelligant, ut Dominus uidelicet adhuc lædentē alloquatur, præcipiatq; ei ut à læso, qui aduersarius eius est, veniam petere acceleret, ne fortē contra eū ad Dominum clamet: & sic quodammodo litem ei coram iudice Christo intentet.

Mat. 18.

Audistis quia dictum est antiquis, non mœchaberis, nec aliud docuerunt Scribæ, & Pharisei circa materiam libidinis venereæ. Quia omnis qui uiderit mulierem non suam uxorem ad concupiscendum eam, ut illius concubitu fruatur, etiā si prius de illa nihil cogitārit, unde (ad) dicit circumstantiam non finis, sed euentus mœchatus est eam in corde suo iam eo ipso quo concupiuit, cum ipsa adulterium commisit, & ita grauissimē contra sextū Dei mandatum peccauit. Quod
hic

hic de viro dicitur, etiam ad mulierem est referendum. Notandum præterea hic est, quod de subitanea concupiscentia, quam inuiti patimur, idem quod de ira subitanea prædiximus, sentiendum est. Semper autem adulterium est quando fidei coniugalis solutio fit. Sub adulterio etiam intelligi debet in lege Moyfi omnis illicitus genitalium vsus, &c. Et omnia quæ ad talia ordinantur vt inhonesti corporum contactus, oscula, & ipsorum concupiscentia: quod explicat Aug. super Exod. cap. 20. Et perinde est siue ex vtraque, siue ex altera tantum parte fiat violatio: sicuti furtum dicitur omnis illicita rei alienæ vsurpatio.

Quod si oculus tuus dexter scandalizat te. Hic præscidit omnes in peccatis excusationes, sciebat enim humanum ingenium ad delicta sua defendenda valde cautum, ideoq; omnes prætextus quibus peccata obtegi possunt amputat, dicens: si oculus tuus dexter, id est, optimus amicus, qui tibi tam charus est atq; oculus dexter tibi occasio concupiscentiæ est, erue eum, & proiice abs te non ei parcas, tolle potius eius vsum quam sustineas abusum, expedit enim tibi ut pereat unum membrorum tuorum quoad vsum delectabilem, quam totum corpus tuum integrum, & cui nullum perijt membrum mittatur in gehennam. Tam mali quam boni in resurrectione omnia membra sua, integra habebunt, etiã si hic ea non habuerint. si dextera tua scandalizat te, quocumq; modo sub prædictis duobus membris reliqua membra, hoc est quæcumq; nobis vtilia necessaria sunt, & iucunda nos scandalizant intelligenda. Vnde Mar. etiã latius de alijs membris idem specificat. Hinc intelligimus mortaliter etiã peccari, quando quæ ad mortale peccatum impellunt, & incitant, non evitantur, qualia in semetipso facile quisque experitur.

Abscinde eam. Mutilatio, quæadmodum suiipsius occisio prohibita est: ideoq; erutio oculi abscissio per tropum intelli-

Matth. 18

Matth. 9.

IN MATTHAEI

Coloss. 3.

intelligi debent (vt prius explicatum est) vt res tūc
perdi abijci, ac destrui dicatur, quando eius vsus
perit: vnde Paulus: Mortificate ergo mēbra vestra
quæ sunt super terram fornicationem, immundi-
tiam, libidinē, concupiscentiam malam, & auaritiā
quæ est simulacrorum seruitus.

cap. 19.

Dictum est autem, à Phariseis: *Quicumque dimiserit
uxorem suam, det ei libellum repudij*, hoc est, Qui de-
derit vxori libellum repudij, liberè poterit eā di-
mittere, alias non. Hæc doctrina perniciosissima
est, quia quod in lege Moyfi de foro ciuili diceba-
tur, ita docuerunt Pharisei quasi idem pertineret
ad forum cōscientiæ: ita vt qui liberi essent in foro
ciuili, liberi essent in foro conscientiæ, non intel-
ligentes etiā esse hoc permissum ad duritiā cordis
sui. Sic eo cæcitatis nostro hoc sæculo deuentum
est, vt comessari, inebriari, Adolescentibus loca, &
tabernas inhonestas visitare permittatur, nec im-
probetur. Prius Dominus, & Moyfes dimissionē
vxorum permisit propter malum vxoricidij,
& propter duritiā cordis ipsorum, vt dicitur in-
fra. Et adiunxit Dominus (det illi libellum repudij)
id est, diuortij, ita vt alteri viro nubere possit, &
nnnquam postea amplius priorem maritum reci-
pere: vt non facilè ad istam ignominiosam dimis-
sionem procederetur. Deinde etiam ad maiorem
confusionem, scriba aliquis libellum repudij scri-
bebat, qui maritum eo placabat, nec dabat, nisi ex-
tremum perciperet adesse malum. Causa autem in
generalis non in particulari scribebatur, nam tunc
maritus eam probare debuisset, & sic inter eos per-
petua lis extitisset.

*Ego autem dico vobis, omnis qui dimiserit uxorem suam
(ex epta fornicationis causa.) Quocumque tempore, tã
nouæ quam veteris legis. Ab hac sententia vni-
cus est casus exceptus, qui est fornicatio: hoc enim
casu*

casu, pro iniuria contra fidem coniugalem illata, qua mulier corpus suum quod mariti est, tradit alteri, maritus eam tuta conscientia dimittere potest. Idem sentiendum est de vxore respectu mariti fornicantis, teste Paulo. Licet mulier in veteri testamento lege viri hac, gauisa non fuisse videatur, quia lex Moyſi fecit mulieres ferè seruas, idq; ob maledictionem Euæ, vt ait August.

2. cor. 7.

Quæst. 33.
sup. Deute.

Quæritur an vir posset eam proprio iudicio, nō implorando iudicis auxilium dimittere. Respon. Thoro suo eam bene priuare potest negādo ei debitum: sed eam domo sua citra Iudicis auctoritatem eiicere non valet, quia illa est pœna publica, quam infligere propria auctoritate nemini licet. Ad dicta autem exceptione etiam exceptiones sunt, vt si mulier potius passa sit adulterium quam fecit. Deinde si illa certo putauerit maritum obiisse. Itē si ignoranter alium pro viro suo cognouerit. Secundus casus est quando maritus est causa, vel occasio adulterij vxoris, eam vel prostituens, vel in illud consentiens, & quandocunque maritus est equè culpabilis, atque vxor. Tertius est quādo post adulterium maritus eam in thoro matrimoniali cognouit: res enim tunc ob nascituram inde prolem continuationem requirit: nam sic rursus eā ex lege naturæ sibi reconciliauit.

Quæritur an vir vxorem dimittere teneatur si sit fornicata. Respon. Si ex illa dimissione emendationis spes appareat, nec aliter videatur posse emendari tenetur, alias verò non. Item quæritur an vxor taliter dimissa, & postea correctā teneatur iubente marito redire? Respond. Eam in foro conscientia teneri, nam marito semper manet æquè obligata: maritus autem eam redentem recipere non tenetur, quia non est illi obligatus.

Notandum quoquē est quod sub fornicatione omnes

IN MATTHÆI

omnes aliæ libidinis species grauiores contineantur, quæ tamen non exprimuntur, quia raræ sunt, & innominabiles: qualis prolicidium, vel sumptio veneni vt procuretur sterilitas: nam hoc lôgè magis bono matrimonij aduersatur, quam fornicatio. Quæritur quoque an maritus teneatur mulieri, ad hæresim furtum, vel latrocinium, pellicere eum laboranti cohabitare, & contra? Resp. Ad tempus eam dimittere posse, sed cessante illa causâ, vel malo, tenetur ad illam maritus redire. Simile est de patre volente filium suum in hæresim protrudere: quo casu tenetur filius fugere, ita tamen vt patre correcto ac emendato redeat, quia tunc à paterna obedientia exemptus nequaquam est. *facit eam moechari.* Ipse causâ est, quantum est in se, vt vxor alteri nubat: quia autem illæ nuptiæ erunt adulterium, siue mœchia, causâ dicitur adulterij vxoris suæ: ideoq; eam dimittendo grauissimè peccat. Dixi autem (quantum in se est) ex parte mariti dimittentis, quia contingere potest (quod rarum est) vt mulier se contineat, nihilominus tamen à peccato nō excusatur. Et quanquam talis dimissor à lege ciuili minimè punitur, iudicio tamen diuino postmodum relinquitur, puniendus. *et qui dimissam duxerit, adulterat,* qui vxorem videlicet à marito dimissam (siue illa ob fornicationis causam sit dimissa, siue iniquè) ducit, & illi commiscetur, adulteriū cōmittit, quia habet rem cum non sua. Dixi qualitercunque dimittatur, siue ob iustam causam, siue iniustam, ne fiat melior causa fornicariæ, & pessimæ mulieris, quam bonæ, & castæ: etenim sunt quidā qui eum non peccare dicunt qui ob fornicationem dimissam ducit, atq; matrimoniū indissolubile esse asserunt (nisi ob impudicitiam soluatur) conanturq; falsum suū per Euangelistam Matthæum tueri errorem, qui ait: Dico autem vobis, quia quicumq; di-

mise-

miserit vxorem suam nisi ob fornicationē, & aliā duxerit mœchatur, sed Matthæi verba perperā intelligunt. Quicūq; ergo dimittit, vel dimittitur cū modestia, & patientia se metu gehennę coërceat, & contineat, nec cum alia matrimoniū iure attentet, nā tale matrimonium nō cōiugium, sed adulteriū est nuncupandum. *A udistis quia dictum est antiquis: non periurabis, seu peierabis, expressè per nomē Dei, vel per creaturas, vestrorum doctorū auaritię seruiētes: vt per aurum templi & altaris donaria. Reddes autem domino iuramenta tua.* per Dei nomen, aut supradictas creaturas concepta: nam qui per alias iurasset, altare, templū, Ierosolymā, caput &c. Docebant pharisæi ad reddendū minimè obligatū. *Ergo autē qni legem Dei melius quā Scribæ & Pharisei vestri intelligo. dico uobis: non iurare omnino sic videlicet vt te non putes obligatum ad soluendū quod iuraueris, hoc est, ne per quamcūq; creaturam licitum tibi putes peierare.* In hunc sensum sumitur vox iurandi Zacharię 5. & Ecclesia. 9. Quasi dicat: docuerunt vos Doctores vestri non peierare, sed obseruare iuramenta tanquam Domino debita, verum in hoc defecerunt quod vobis quę sint iuramenta verè obligantia nō explicuerunt: quinetiā vera quædā iuramēta nō obligare, planèq; nihil esse docuerūt. Horū errorē Christus reprobatur infra dicēs: Væ vobis duces cæci qui dicitis, Quicūq; iurauerit per tēplū nihil est, qui aut iurauerit in auro tēpli, debitor est &c. nō enī intellexerūt id q̄ subiūgitur, Qui ergo iurat in altari, iurat in eo, & in oībus quę super illud &c. Et paulo post: Qui iurat in coelo iurat in throno dei, & in eo q̄ sedet super thronū: nā omne iuramētū per quācūq; creaturā fiat, per Deū fit in illa creatura relucētē: imò creatura nūquā secundū se in iuramentum assumitur, sed secundum Deum in ea relucentem, qui infallibilis veritas est,

ideoq;

IN MATTHAEI

Quest. 1.
Lib. 1. § 31.

ideoque cuiuscunque iuramenti violatio periurium est & tale, quale est iuramenti expressè per Deum facti. Quod ergo dicitur, non iurare omnino, non solum prohibetur periurium iuramenti per Deum facti, sed per quamcunque creaturam. De qua re vide Augustinum super Leuiticum, & de sermone Domini in monte. *Neque per cœlum* peierare licet, quia dum quis per cœlum iurat, non per illud secundum se sumptum iurat, sed quatenus in illo diuina veritas manifestatur, atque relucet. Manifestatur autem, & in eo relucet, quia ipsum est regalis Dei omnipotentis sedes. *Neque per terram* quoniã qui per terram iurat per illum cuius pedum terra scabellum est, iurat. Dicitur autem cœlum Dei thronus, & terra scabellum pedum eius, non quasi Deus porrectis corporaliter super cœlum ad terrã vsque pedibus sedeat, quia secundum humanã naturam membra habet sicut nos in certa quantitate extensa: At ista sessio gubernationẽ, iudiciumq; diuinum significat: & quia cœlum in mundo maximam habet pulchritudinem, & sublimitatẽ, terra autem minimam, ideo in cœlo sedere & terram calcare dicitur, tanquam plus in pulchro, & sublimi operans, quam in turpi & infimo. *Neque per Ierosolymam* quia est ciuitas magni regis, id est, mea ciuitas qui in illa rex magnus sum (de seipso in tertia persona loquitur.) Suam autem dicit ciuitatem, quia omnia sacrificia, quæ ibi oblata sunt, & quotidie offerebantur, item lex quæ ibi exponebatur eum præsignabant, & quia in Hierusalem erat redemptionem generis humani cõsummaturus, & ex illa tanquam ex capite gloriam suam in omnes fines terræ dilataturus. *Neque per caput tuum iuraueris*, quia non potes unum capillum album facere, aut nigrum. Quanquam caput tuum vile, & in potestate tua videatur constitutum, reuera tamen non est tuę po-
testa-

testatis, sed à Deo singulariter gubernatur, tu vero pro placito tuo ne minimum quidem capillum, album, vel nigrū facere vales, sed Deus vt vult colorat. Hisce exemplis docere intendit, nichil tam vile in creaturis exillere, quod sine peccato in peierando assumi possit eo quod à summis vsq; ad infima omnia diuina reguntur prouidentia atque ideo in omnibus diuina eius relucet maiestas, quicunque ergo per aliquam creaturam peierat, assumit nomen Domini in vanum. Non prohibet hic ergo Christus ne vnquam iuremus quemadmodum hæretici quidam voluerunt: qua de re vide Augst. epi. ad Hilarium, tametsi paulo aliter locum hunc ibi interpretetur, videlicet ne passim, ac temerè iurando in periurium incidamus. Vt autè iuramentum legitimè fiat tria requiruntur, vt docet Diuus Thomas. Primo, vt verum sit quod iuratur, secundo vt iuramentum cum reuerentia diuinæ maiestatis impleatur, tertio vt grauis subfit iurandi causa, his enim omisissis conditionibus iuramentū illicitum fit: & quoniam hæc omnia raro simul adsunt, ideo raro iurare licet. Qui autem per Herculem, Iouem, & Gentilium deos iurant, longè grauius peccant, diuinum honorem idolis deferentes.

sic sermo autem uester est est, non non, id est, rem ita esse pronūcietis sicuti in veritate est. Quod autem his abundantius est, id est, quicquid in assertionem aliquam plus quam de re sit dicitur, a malo est, id est, ex diabolo originem habet, qui est mendax, & pater mendacij. Primum (est) & primum (non) à parte subiecti adiectiuorum locum tenent, secundum verò (est) & secundum (non) ex parte prædicati: Sic has voces vsurpat Apostolus ad Corint. Fidelis Deus quia sermo noster, qui fuit apud vos non est in illo, est, &, non, sed est in illo Est &c. id est, nihil ibi

G

promis-

secunda sc.
cūda quest.
89. art. 7
ut idem
Hierem. 4.

ose. 1.
Hier. epist.
que incipit
beatitudi-
nis &c.

IN MATTHAEI

promissum est quod nō sit cōpletū, Dei enim promissio in Christo cōpleta fuit. Omne autē mendaciū est peccatū, vt patet ex Leuit. & August. contra mendaciū & Hieron. in Apolo. aduers. Origenistas Platonem sequutos in hoc quod mendacium docuit non esse prohibitum. Errauerūt & in hoc Casfianus, & Erasmus in suis annotationibus.

cap. 19.

In cap. 6.

ad Hebræos

Audistis quia dictum est, oculū pro oculo, dentem pro dēte. Vulgari sermone fertur apud vos, vestrosq; Doctores, vnumquemq; lædentem talionis pœna debere puniri, vt si quis alteri oculum eruerit debere quoq; oculum eius erui, & similiter in cæteris læsionibus, quasi cuiilibet liceat talem retribuere vindictā, quū lex Dei hoc tantum iudicibus, nō priuatis hominibus demandauerit. Ego autem dico vobis, doceo vos qualiter cū lædentibus viuendū sit. Non resistere malo homini scilicet, aut malo per hominem illato resistere non licere, malū pro malo rependēdo. Cæterū homines malos eorumq; iniurias, & conuitia, patienter sustinere, & amplius ad maiora mala toleranda parati esse debetis. Nunquam licet sub ratione mali expetere vindictā, hoc est, vt nocenti nobis etiā noceatur, quia hoc ad odiū vergit, & directē contra mandatū Dei de dilectione proximi est, at bene licet sub ratione boni ad vitæ ipsius emendationē, vel à peccatis cohibitionem, vel ad aliorū qui in eius delicto scandalizati sunt edificatiōē, idēq; solo iustitiæ zelo, & ita vt irrogata pœna, & vindicta scelus perpetrātū neutiquā excedat: hæc autē vindicta à superioribus, & iudicibus, nō à priuata aliqua persona est infligēda. sed si quis percusserit te in dexterā maxillā tuā præbe illi et alterā. Si ab aliquo vna sis affectus iniuria, secundā ferre paratus sis: istud enim tropologicè dicitur. Dimitte ei et palliū id est, adde ei plura quā petit. Et quicūq; te angariauerit mille passus, vt ministres ei in via. vade cū illo alia duo, du-

Exod. 21.

Leuit. 24

Deut. 21.

duplo lōgius quā à te petit. Primū exēplū de genere iniuriæ est, quod nequit nisi per vindictā reparari, secūdū est, de iniurijs reparabilib⁹, tertīū est, de mixto genere ex vtrisq; prædictis iniurijs : & ista oīa debēt dici esse præcepta, nō cōsilia, quæ secūdū animi præparationem intelligi debent. Non tamen ea propter putādum est illicitū esse iustē causam suam in iudicio agere, & sua repetere, quinimo interdum ad hoc obligatio esse potest, vtpote si quis hæreditatē sibi cōpetentem nō repetēdo faciat proles suas pauperes, hoc enī casu ad repetēdū obligatur. *Et uolenti mutuari a te ne auertaris.* Quicūq; cupit mutuari à te, mutua ei, hoc est, sis aīo ad hoc paratus, & casu necessario occurrēte idē quod aīo geris opere præstes, vt si inimicus tuus sitit pota eū, si esurit ciba eū &c. quod etiā mādati rationem habet sicut & sequētia. *Et odio habebis inimicū tuū,* dictū est istud ab antiquis, id est, à Phariseis perperā istud mandatū (Diliges proximum tuū sicut teipsum) intelligētib⁹ quasi per proximū nō intelligeretur oīs homo sed tantū amicus: Dñs quidē in Exodo inimicum excludit, nusquam tñ odio haberi præcipit, verūm Pharisei per locū quē Dialectici in ipso, à contrarijs vocant, hanc construxerunt ratiocinationem: Præcipitur diligendus amicus, ergo præcipitur odio prosequēdus inimicus. Erāt tñ quidā scribē benē prædictā legē intelligētes, vnde apud illos problema erat quisnā dicēdus esset proximus, vt ait Lucas: Et quis est proximus meus. *Benefacite his qui oderūt uos,* nō tantū ijs tēporalia bona impartiēdo, sed Deū orate, vt ipsis spiritalia bona, quæ vos dare nō potestis elargiatur. Istud mandatū in extrema, imò & arcta necessitate obligat, quam boni viri sinceritas, & prudentia, ac vnctio, & donum spiritus sancti dijudicabit. A generalibus tamē charitatis officijs inimicū nostrū nūquam excludere possumus,

Aug. ep. l. 7

Rom. 12.

Exod. 23

Exod. 23

Luc. 10.

Hic. 5.

quanquam multis casibus amicis, & non inimicis
 succurrere cogamur, vtpote si amicus in carcere
 positus sit, eū si valemus liberare debemus, quod
 charitatis officium, inimico impendere minimè
 tenemur. *vt sitis filij patris uestri vt possitis per imi-*
tationem Dei esse eius filij, qui etiam si cum non
imitemini pater vester negari esse non potest, sem-
per namque creatione, gubernatione & religionis
professione pater vester existit. Qui solem suum o-
riri facit super bonos & malos, qui etiam inimicis inul-
ta beneficia præstat, vt pluuiam, terræ fœcundita-
tem, solis ortum, & alia innumera beneficia, pro
quibus gratias persolvere debemus. Suum solem
appellat quia eum creauit. Si ergo ipse bona quæ à
se habet, inimicis tribuit, quantò magis vos mu-
nera quæ ab eo accepistis inimicis gratuito im-
pendere debetis? Quare autem Dominus qui dis-
pensator equissimus est inimicis, & iniquis hæc be-
neficia tribuit, è contra verò, pios & amicos suos
inediam, multasq; misérias pati permittit, tractat
Augustinus, & causam hanc adfert, ne videlicet bo-
na hæc temporalia nimis magni æstimentur, quū
illa Deus etiam inimicis impartiat: ne item ma-
la ægrè à nobis tolerentur quum amicos Dei eadē
sustinere videamus, deinde vt fides etiam locum
non amittat, quæ si secus fieret euacuaretur, & ex-
perientia foret. si enim diligitis eos, qui uos diligunt, quā
mercedem habebitis? q. d. Nullam inde à Deo merce-
dem reportabitis. Nonne & publicani hoc faciunt? qui
nullam mercedem à Deo habent: quocirca nec
vos mercedem estis habituri, si hoc tātum quod illi
faciatis. Publicani sunt qui certa pecunia vectigalia
publica à Principibus redimunt, alias Telonarij
dicti, qui olim in primis Iudæis, mirè contem-
pti erant & exosi, tum quod illi tanquam populus
Dei semper solent libertatem prætendere, tum
 quod

quod eos admodum difficiles & iniquos experirentur. Et sanè rarum est, vt impositio & exactio istorum vectigalium citra iniustitiam fiat, proinde indirectè, & mediata iniquitatis ministri erant. Quod autem etiam indebita sæpe extorquerent, intelligimus ex verbis Ioannis Baptistæ, qui eos admonet, vt nihil amplius, quam eis constitutum esset, facerent: id est, ne plusquam eis deberetur exigeret. Venerabilis Beda hanc scripturam interpretatur de mercatoribus lucro nimis inhiantibus: & pulchrè D. Thomas in cathena super cap. 2. Marci circa vocem (Publicani) & super cap. 9. Matthæi, ex Glossa ordinaria dicit Publicanos eos vocari, qui publicis negotijs implicantur, quæ citra peccatum vix, aut nunquam tractari possunt.

Luc. 3.

Luc. cap. 3.

Estote ergo uos perfecti in dilectione, & bonitate, malis benefacientes. sicut & pater uester cœlestis perfectus est, qui malis, & inimicis suis bonitatē suam impendit.

IN CAPVT SEXTVM.

A*t tendite ne iustitiam uestram faciatis coram hominibus, ut uideamini ab illis. Tractat quomodo sine inani gloria, & avaritia (quæ Phariseorum sunt vitia) opera nostra bona exercere debeamus. Attendite, id est, diligenter cauete, ne hoc sine uestra bona opera corā alijs faciatis, vt iusti & sancti ab eis reputemini. Alioquin non habebitis mercedem apud patrem uestrum, qui in cœlis est. Hæc est grauis comminatio, nullam post hanc vitam expectare mercedem. Iustitia huius vitæ (teste Saluatore) in tribus his, eleemosina, oratione, & ieiunijs consistit: Quemadmodum eleganter docet Augustin. lib. de perfect. iustitiæ: Ieiunare quidem vniuersam*

r/s. 42.

IN MATTHAEI

corporis castigationē intelligens, Eleemosina, omnem dandi vel indulgendi beneficentiam, Orationibus, omne sanctum desiderium quo in Deum ferimur, aut eius cultum.

Quum ergo facis eleemosnam. Nunc per partes explicat prædictam iustitiam. *Noli tuba canere ante te, sicut hypocritæ faciunt in synagogis, & in uicis, ut honorificentur ab hominibus.* Hoc est, non conuoces populum ad spectandum. *Te autem faciente eleemosnam, nesciat sinistra tua quid faciat dextera,* ita Deo placere studeas, ut nullo modo intentioni tuæ, humanæ laudis se commisceat appetitus, qui per sinistram significatur, sicuti per dextram studium Deo placendi intelligitur. Vel sic: Vsq̃ue adeo eleemosnam tuam volo esse occultam, ut si possibile sit illam vna manus faciat altera ignorante: ut hyperbolicè magna operis boni quoad gloriam humanam occultatio significetur. Et pater tuus qui uidet in abscondito reddet tibi. In occulto opera tua facias, ut in propatulo mercedem in die iudicii recipias. Non prohibet Saluator in publico, utpote in foro, in templo, eleemosnam dari, verum à nobis laudem humanam tantum remouet, ideoq̃ est tantum mandatū ex causa, quomodo docet ac præcipit orare, & eleemosnam in occulto elargiri.

Et quum oratis, non eritis sicut hypocritæ. Hypocritæ vocantur omnes simulatores, aliud quam reuera sint præferentes. *Qui amant in synagogis, & in platearū angulis stantes orare,* id est, in finibus platearum, ubi multæ concurrunt plateæ: alias in compitis. Dicit tamen Dauid, Vota mea Domino reddam coram omni populo eius. Et, in medio Ecclesiæ laudabo te, scilicet ut placeāt Deo. Et clauso ostio ora patrem tuum in abscondito, duabus de causis, Primò, ne alij te videant orantem, secundo ne tua oratio varijs distractionibus interrumpatur: quēadmodū D. Thomas

Psalm. 115.

Psalm. 11.

secunda secundæ quæst.

83. art. 1.

mas

mas tractat. Quæritur an si bonum, opus quod in propatulo ad placendum soli Deo sit, semper aut frequenter inanis gloria comitetur, debeat prætermitti? Respondeo nullo modo esse prætermittendum sed diaboli suggestionibus, fortiter, & intrepidè resistendum.

orantes autem nolite multum loqui, sicut ethnici. Non prohibetur hic orationis prolixitas, quia Christus suo exemplo nos prolixas orationes facere docuit, ipse enim in montem exijt, & in oratione pernoctauit: verum prolixæ ethnicorum orationes ventantur, qui per eas linguam magis polire, & ornare, quàm cor mundare studebant, quiq; dijs suis obsequiū prolixis suis, & ornatis verbis præstare se exultimabant, ac persuadere quod petebant, & petita ab ipsis impetrare. de quo argumento cōsule Aug. epist. 123. vbi ait aliud esse sermonē multum, aliud affectum diuturnum, Item lib. 5. de Trini. cap. vltimo. Nullo pacto etiam prohibetur eiusdem orationis iteratio: nam & saluator in passione sua idē ter repetiuit, & Daniel, tribus vicibus Deum per diē orabat. Fuisse autem & olim distinctas orationum horas intelligimus ex Actis Apostol. vbi Petrus & Ioannes ascendunt, ad orationem horę nocturnæ. Vide August. lib. 1. Retra. ca. 11.

sic enim pater uester quid opus sit vobis, antequam petatis eum. Sentit non debere nos orare, vt Deus ex oratione nostra discat quo indigeamus, sed vt donorum quæ Deus dare paratus est capaces fiamus: quia oratio, siue sanctum desiderium, ad gratiam Dei recipiendam cor nostrum aperit, iuxta illud: Dilata os tuum, & implebo illud, vt habet Augustinus epistolâ prius citata. vnde oratio facit nos vasa aperta: quæ prius eramus clausa.

sic ergo vos orabitis, vt emini sine superfluis verbis, & persuasionibus, hac orandi formula: sub qua

Luc. 6.

Mat. 26.

Dan. 6.

Psal. 80.
Epist. 123
cap. 8.

IN MATTHAEI

quicquid conuenienter petitur, continetur, vsque-
adeo vt peccatū foret aliud petere quam quod hic
continetur. Non mādāt hic Christus vt precise his
tantum verbis utamur, sed ne quid aliud quā
hic præscribitur petamus. Quemadmodum expli-
cat Augustinus Epistola prædicta. *Pater noster.*

*Epist. 133.
cap. 20.*

Exordium à beneuolentia, quo per Patris appel-
lationem, gratiam & misericordiam eius erga nos
prædicamus. Mirè quoque affectum nostrum
in amorem Dei excitat, quod à nobis pater vo-
cari velit. Nec quicquam magis augeat impe-
trandi quod volumus fiduciam. Reddimur præ-
terea hinc admodum supplices, dum beneficio-
rum eius reddimur memores: vehementer de-
nique solliciti ne tam benigno & benefico patre
reddamur indigni. Quanto nos multum so-
licitos efficit, ne tanto patre indigni simus. Latius
de hac re agit Augustinus in sermone Domini in

1. ib. 2. ca. 8

mon. Itē Cyprianus in expositione orationis Do-
minicæ. Plurimis autem de causis Pater noster di-
citur. Primum creatione, secundo, tam prouida gu-
bernatione: tertio, redemptione, ac regeneratione:
per quam perfecta adoptio nostra facta est, secun-
dum quam æterni eius regni hæredes sumus. Ac-
cepimus enim, vt inquit Apostolus, spiritum ado-
ptionis filiorum, in quo clamamus Abba pater. Ip-
se enim spiritus testimonium reddit spiritui no-
stro, quod sumus filij Dei. Quæritur hic an Cate-
chumenus & peccator orationem hanc dicere pos-
sint. Respon. Quod sic, modo peccatorum suorum
pœnitentiam agant, & filij Dei esse cupiant, tales e-
nim spe filij sunt, propter futuram peccatorum re-
missionem. Vnde & filius prodigus ob conuersio-
nem cordis non veretur dicere, Pater peccaui in
cælum & coram te. Qui verò sincero corde con-
uerſi, & pœnitere nolunt, ritè hanc orationē dicere
nequeunt,

*Rom. 8
Galat. 4.*

*1. sa. 64. c.
66.
Luc. 15.*

nequeunt, vt docet Augustinus in Enchirid. Cyprianus in explicatione orationis Dominicæ. To-
to isto sermone, ac oratione, pater sic exponi de-
bet: & (Pater) dicendo, Deum patrem (teste Cypria-
no, & Euangelista Matthæo) alloquimur: Vnde
quælibet persona omnium hominum pater est, v-
nico excepto homine qui simul Deus est.

cap. 73.

Matth. 18.

Vocatur autem (Noster) non (meus) quoniam
Saluator vult, quod quotiescunque pro nobis
oramus, simul pro alijs ex charitate oremus, de-
inde vt cognoscamus omnes proximos esse fra-
tres nostros: etenim oratio ex charitate procedens
dulcis est odoris in throno Dei, nam plus mutuis
agimus precibus, & alterius, quam proprijs. In
hoc etiam nomine (Noster) omnium hominū cō-
munitas continetur, vel in qua nunc sunt filij ad-
optiui, vel sperantur futuri, non autem alij verum-
tamen quia de nemine quamdiu hic viuit despe-
randum est quilibet homo in particulari compre-
hendi debet, licet in genere multi excludantur.

Qui es in cælis. Admonet nos relictis terrenis aspi-
rare ad cœlestia. In hac oratione tres primæ peti-
tiones ad præsentem & æternam vitam pertinent,
reliquæ verò (secundum Augustinum) ad præsen-
tem tantum. De ordine autem septem petitionum
habes apud D. Thomam, & ostendit primo loco
esse petendum, quod primo loco ponitur. *s. æt. 1. fi-
cet nomen tuum.* Sanctum sit, summè purum, & di-
uinitus bonū, hoc est: Ante omnia & primo loco
precamur, vt tu sanctus habeāris, & ab omnibus ta-
lis esse agnoscaris. nomen enim ipsum ponitur
pro re nominata. De (nomine tuo) in Deuterono.
habemus cap. 28.

Ezech. 115

secunda se-
cūda quæst.

83. art. 9

A dueniat regnum tuum, hoc est, regnum quo tu su-
per omnes res mundi regnas manifestetur, licet e-
nim in veritate nunc regnes, nondum tamen re-
gnum

IN MATTHAEI

gnum tutum agnoscitur, neq; nos adhuc perfectè regni tui participes sumus, precamur ergo vt id omnibus reueletur, & sic eius participes oēs fiant:

Fiat uoluntas tua sicut in caelo & in terra. Hæc pars (sicut in caelo) iungi debet cum parte hac (fiat uoluntas tua) non autem cum ista (& in terra) vt huius petitionis sensus sit: Oramus vt fiat quod tu vis fieri siue mandando, siue præmia retribuendo, seu de toto vniuerso disponendo, fiat (inquam) ita apud homines in terra, quemadmodum apud Angelos in caelo. Per voluntatem Dei hoc loco, mādāta eius quæ fieri vult intelliguntur, quod patet infra. Pro ijs quæ Deus fieri vult orare possumus: vt si velit nobis famem, pestem aliâsue misérias immittere, pro beneplacito suo faciat: pro illis enī rogare debemus pro quibus factis gratias agimus, quare Saluator patri pro voluntate rerum dispositiua gratias agit: ex quo patet quod nos pro eadem orare debemus. Deinde in passione Dominus patrem rogauit dicens: Non mea, sed tua fiat voluntas. Qua de re vide August. seu potius Prosperum ad articulos falso impo. artic. vltimo. Dicitur autē Deus velle quod præcipit quia in eo sibi placet.

Habes hæc fusè explicata in Magistro sententiarū. Quocirca nos in malis constituti & afflictionibus pressi, Christi orationem, quam in passione ad patrem suum fudit, imitari debemus. Sed obijcitur. Voluntas Dei beneplaciti semper impletur ergo non debemus petere illius impletionem. Respondeo. Duabus de causis nos debere petere, & orare, vt impleatur: Primo, vt illam approbemus. Secundo, vt per preces nostras impleatur, alias non implenda imo nec futura. Semper autem Dei voluntas dispositiua, seu beneplaciti impletur, quanquam voluntas mandans non semper impleatur, quam mali & impij frequenter infringunt, & violant, quan-

Cap. 11.

Mat. 12.

sent. lib. 1

distin. 47.

quando mandata eius transgrediuntur.

Panem nostrum quotidianum da nobis hodie, quo quotidie indigemus, non enim nostra desideria circa res terrenas in longum extendimus, scientes à te mandatum esse: Nolite solliciti esse de crastino. Sub pane tanquam parte principali, totum intelligit, id est, vitæ nostræ vniuersa necessaria, & ad vitam transigendam conuenientia, qualia sunt vestitus, hominum amicitia, sanitas cæteraque bona temporalia: quæ petere non debemus nisi quatenus Deo per ea seruiamus, ad eum enim finem à Deo data sunt: vnde quodcumque illa nos à Deo retrahunt continuo abiicienda sunt. Panem nostrum quotidianum, coëxistentem intelligimus, hoc est, qui nobis quotidie adesse debet. Alij legunt supersubstantialē, id est, oēs alias substantias superatē. Et quia de re temporali hæc petitio est, doctores dāt huius petitionis mysticū sensum: aliæ autē sex quæ de rebus spiritalibus sint, nullū sensum mysticum admittunt. Huius ergo sensus mysticus est. Pater, elargire nobis tempore huius vitæ corpus tuū quod omnē creaturā excedit, pro quo vide Aug. de verbis Domini, Serm. 27. Et Cyprianum in expositione orationis Dominicæ. Item Ambrosium de Sacramentis, ex quibus apparet antiquos quotidie communicasse. Quam rem tractat Aug. Epist. 118.

Et dimitte nobis debita nostra, id est, peccata nostra, quæ debita vocantur, quia debitores, & reos pœnæ sustinendæ nos cōstituunt. *sicut et nos dimittimus debitoribus nostris.* Istud dicit, vt in oratione discamus quales esse debeamus, & qua ratione, quoue modo à Deo misericordiam, peccatorumq; remissionem impetrare possimus, alijs nimirum, qui in nos peccauerunt misericordiā, eleemosināq; vti nobis impedi cuperemus impendendo: si enim misericordiā cōsequi volumus, misericordiā exercere tenemur.

Duabus

IN MATTHAEI

Duabus autem de causis, hanc particulam huic potius petitioni quam alijs, subiungit. Primo, quia peccatorum remissio maxima est gratia, vnde de-
cuit memorari nostram misericordiam, vbi nos maximam petimus misericordiam: licet enim remissio peccatorum nō sit maximum Dei bonum, siue donum, maximē tamen gratis datur, ~~Quam~~
~~rationem habes apud~~ August. lib. 1. Retract. Secundo quia principale bonum est, quod in hac vita habemus: siquidem huius vitæ iustitia præcipue, vt ait Augustinus, in remissione peccatorum consistit. Non autem aliam recensuit Eleemosynam, vt vestire nudos, pascere esurientem, sed id quod minimum est, & quoad res externas nisi humani cordis obstaret prauitas, factū facillimum. Propter prædictas autem rationes latius postea profequitur & explicat hanc petitionem. Omnes autem quotquot à mundi exordio extitēre sancti, Christo & Maria exceptis (de quibus inquit August. nullam prorsus quā de peccatis agitur habere volo quæstionem) hoc à Deo oratione sua semper petiuere: Vnde colligimus nullos à peccato immunes fuisse, quod contra Pelagianos passim asserit B. Augustinus. Vnde Apostolus Iacobus, in multis inquit, offendimus omnes, & Salomon, Non est homo, qui non peccet: item Dauid, Non intres in iudicium cū seruo tuo Domine, quia non iustificabitur in conspectu tuo omnis viuens.

Queritur hic quorum peccatorum remissio petatur, an videlicet solorum venialium, an etiam mortalium? Respondeo, primò & principaliter, vt Augustinus dicit, scribens in Psalmum, Beati immaculati &c; ~~p~~ Peti remissionem venialium; secundo verò mortalium, quando videlicet ea deferuntur, & vita in melius commutatur: vt liquet ex Augustini Enchiridio. Queritur si quis nolit remittere al-

*De natura
cap. 25.*

*Lib. 19. de
ciuit. Dei
cap. 27.*

*De natura
cap. 24. c. 36*

*Iacob. 3.
eccl. 7
Psalm. 142*

*Psalm. 118
eccl. 3.*

cap. 71.

re alteri peccata, vtrum hac oratione petere poterit à Deo sibi propria peccata remitti? Respondeo nullatenus, quoniam in hac orationis particula mendax conuinceretur, nec vllū est ei aliud relictū remedium quam vt ad misericordiam animū suū inſectat. Sed quis si is, qui iniuriam intulit remissionem petere nolit, an non licebit tunc læso hanc præcationem orare? Respon. Posse, si petenti paratus sit remittere. Circa hanc partem tres sunt errores: quorum primus est, Quod quicumque hominibus dimittit peccata, saluabitur, quātumuis malè vixerit. De quo Augustinus lib. 1. cap. 21. de ciuitate Dei. Item in Enchiridio, & lib. 3. contra duas Epistolas Pelagianorum, Secundus error Fabri est Stabulensis qui hinc statuere conatur, conuertendos omnes ante mortem, quōtquot alijs in se cōmissa remiserint: Id quod sanè non semper verū est, nec id Scriptura hæc docet: intelligi enim debet modo nō sit aliunde aliquis defectus. Tertius error est eorū qui dicunt eum qui proximo peccata remittit, iā hoc ipso suorum peccatorū remissionē à Deo habere.

Et ne nos inducas in tentationem. Non sic induci nos patiaris, vt tentationi cedentes, malo ad quod tentamur cōsentiamus. Aliud est enim tētari, aliud in tentationem induci, id est, à malo quo tētamur superari. Petimus ergo hic vt Deus nos à peccatis præseruet, docemurq; neminem sine singulari gratia Dei (quod directe contra Pelagium est) vitare posse peccata. Quum igitur semper ad tentationi resistendum, diuina opus sit gratia, erit & magna huiusce petitionis frequentandæ, Deoq; funderidæ cura ac diligentia.

sed libera nos a malo. Per malum, Græci diabolum intelligunt. Augustinus omnem rem malam: quomodo & Ecclesia accipit, quando post hanc orationem

l. 2. de str.

domin. in

monte c. 16.

in can. n. 15.

nem

IN MATTHAEI

nem, subiicit, Libera nos quæsumus Domine ab omnibus malis, præteritis, præsentibus, & futuris, vel iuxta Augustin. à re mala. Amen, hoc est, fiat: estq; quodammodo totius orationis dictæ repetitio, quia prius noster in Deum excitatur affectus.

Nolite fieri sicut hypocritæ tristes, id est, tetrici ieiuniorum ostentatione humanam laudem quæritantes. *Exterminant enim facies suas destruunt. Vt appareāt hominibus ieiunantes*, vt homines, ipsos ieiunare cōspiciant. Erasmus autem legit, ne in hoc obnubiles faciem tuam ad pallorem, & tristitiam, quo vel ipso corporis habitu conspicuū sit omnibus te ieiunare. *Quum autem iuiunas, unge caput tuum, & faciem tuā laua*, hilarem vultum præbe hominibus ieiunium tuum ostentare non cupiēs, vt metaphora sit à Pa-lestinis sumpta, qui capita sua in templum conue-nientes, ne calor solis squalorem efficeret liquore dulci, ac distillato, & odorifero vngebant. *Et pater tuus qui uidet in abscondito reddet tibi.* Expendendū est hic ieiunium nō minus esse meritorium quā eleemosina, & oratio. Secundo ieiunium non esse tantū sobriè viuere, sed corpus per cibi, & potus subtractionem affligere, Tertio, non minus diligenter aduertendum, locum hunc vnū esse ex quibus August. rectè colligi dicit Ieiunare mandati esse diuini licet tēpus ab Ecclesia sit statutū, & determinatū. Haecenus docuit Christus procul depellendā esse ambitionem, & gloriam inanem, iam verò vsq; ad finē capitis reprehendit auaritiā, docēs nō minore labore, ac diligētia eā esse superandā. *Nolite thesaurizare thesauros uobis in terra: Nolite auaritiā diligere: sed thesaurizate uobis thesauros in cælo, sed accumulate vobis per bona opera, & maximè pro eleemosinis opes, & diuitias, id est, bona merita in cælo, in quo merces est incorruptibilis: Vt autem hoc fiat, cor vestrū ad cœlestia erigite.* *Vbi est enim thesaurus tuus ibi est*

ibi est & cor tuum, quapropter vobis præcipio nō thesaurizare in terra, sed in cœlo, quoniam plerumq; contingit, vt illuc homines omnem suam cogitationem, solitudinem, & amorē dirigant, vbi thesaurum suum seu principale bonum, siue copiosas diuitias repositas habent: vt ergo cor vestrum non sit in terrenis rebus sepultū, sed semper ad cœlestia eleuatū, thesauros in cœlo condite, & non in terra. Quæritur an peccatū sit, thesaurū aliquem in terra habere reconditum, cū præcipiatur vt in terra non thesaurizetur! Resp. Istud mandatū de nō thesaurizādo esse mādatū ex causa illa (vbi enim est thesaurus tuus ibi est cor tuū) quare illa causa nō subsistēte nequaquā peccatū est, non enim aliud hic Christus mandat quā Psalmographus dicens, diuitiæ si affluāt, nolite cor apponere: hoc enim solū malū est vt Paul. pulchrè ostēdit. Aduertēdū quoq; est quod nō solū diuitiæ thesaurus est, verumetiā véter gulosi, lasciuī libido, superbi ambitio, & sic in oībus alijs vitijs. Quod autē illicitum non sit seruato modo thesaurizare, patet per Iob, Iacob & Abrahā, nā Abraham magnas opes congeßit, qui tamen vir iustissimus fuit, Deoq; acceptissimus, qui nō modo pro Deo amittere, & cōtēnere diuitias paratissim⁹ fuit, verūetiā propriū filiū Deo offerre minimè dubitauit: deniq; Scriptura cōmendat Ioseph quod omnē pecuniā Aegypti, in grariū Regis cōgregauit. Ex his ergo liquet nō omnē thesaurizādi modū à Deo esse vetitū. *Lucerna corporis tui, est ocul⁹ tuus*, hoc est, quēadmodū res se habet in oculo corporali, ita etiā se habet in oculo mētali: oculus autē corporalis lucerna corporis est, siue director, qui si san⁹ fuerit totū corpus illuminabit, & bene diriget, si autē fuerit excecatus, totū corpus in tenebris relinquet simili modo si ipsa mens quę totius humani operis directrix est, pura, & simplex fuerit, vnamquamq; rem

Psal. 61.

1. Cor. 6

Genes. 47.

IN MATTHAEI

rem pro sua dignitate liberans, nec ita res terrenas affectet, vt illorū amore aliquē decipere velit, totā hoīs vitā benē diriget, atq; splēdidam reddet, si verò ipsa fuerit excoecata, & ad dolos pro terrenis acquirendis, vel conseruandis processerit, tota hominis vita mala erit, & in tenebris posita. *si ergo lumen quod in te est tenebrae sunt, ipsae tenebrae quantaerunt.*

2. Tim. 3

Aug. lib. 4.
cont. Iulian.
cap. 3.

Si ergo mens tua, quae omnem vitam tanquā lucerna, vel lumen dirigere deberet sit diuitiarum cupiditate, quae omnium malorum (vt inquit Apostolus) radix est, obtenebrata, ipsa peccata quae tanquam tenebrae à mente dissipari debebant quā magna, & multa erunt, dum non erit lumen quod dissipet illa? Aliam Augustinus huius loci habet expositionem, qui per oculum intentionem intelligit, quae si bona fuerit, omnia alia opera bona: si autem mala, omnia opera erunt praua.

Nemo potest duobus dominis seruire, contraria scilicet iubētibus, nā si idem iubeant pro vno Domino habendi sunt. *Aut enim unum odio habebit* primum dominum nempe diabolum, & secundum diligit, id est, Deum. *Aut unum sustinebit*, diabolum scilicet, et alterum contemnet, id est, Deum. *Non potestis Deo seruire & Mammonae*, quoniam contrarij Domini sunt: aut eum necesse est Deum contēnere, & Mammona diligere, vel Deum diligere & hoc odio habere. Vult ergo fieri non posse vt quis obseruationi mādarorum Dei addictus sit, & simul congerendis diuitijs inhiat, quia cupiditas diuitiarū hominē impedit ne Deo seruire possit: vnde diuitias habere non prohibet, sed eis seruire: is autem diuitijs seruit qui eas in Dei honorem, suam vel proximi necessitatem, vel vtilitatem erogare non audet. Māmmona seu Mammon sermone Syriaco idem est quod Deus diuitiarum, qui deinde, per tropū pro diuitijs ipsis ponitur.

ideo dico uobis ne solliciti sitis animæ uestræ quid manducetis, neque corpori uestro quid induamini. Quia non potestis Deo seruire & Mammonæ, ideo studiosè inculco ne animæ uestræ solliciti sitis, id est ne pro uita uestra, unde uiuatis, nec pro corpore, unde uestiamini more vulgi, anxij sitis: quia eiusmodi sollicitudo ad seruitutem Mammonæ pertinet. Anima hoc loco, pro ipsâ anima quatenus vitam vegetatiuam cõseruat accipitur, animæ tribuitur cibus, corpori autem, uestimentum. Nonne anima plus est quam esca, & corpus plusquã uestimentu? Qui præstitit id quod maius est sine uestra solcitudine, id est vitam ipsam dabit id quod minus est, cibum & uestimentum, vita enim corporalis præstat cibo & nutrimento qui ergo illam dedit hæc non negabit. Respicite uolatilia cœli quoniam non serunt, neque metunt, neque congregant in horrea, & pater uester cœlestis pascit illa. Deus mirabili sua prouidentia vilissimis animalibus, cibum & potum, sine vlla anxietate, uel solcitudine ipsoꝝ prouidit, quanto magis uos pascet, & ea quæ uobis sunt necessaria suppeditabit, quos pro filijs suis habet, quiq; longe cætera animalia præcellitis? Per uolatilia cœli, uolucres aëris intelligit, ad quas respicere debemus, ut sic ad ea quibus nulla cura impenditur oculos eleuantes, anxietatem, sollicitudinemq; istam procul à nobis repellamus.

Quis autem uestrum cogitans potest adijcere ad staturam suam cubitum unum? Quis uestrum anxius, & sollicitus potest per suam sollicitudinem seipsum vno cubito augere, si ergo hoc paruum uestra solcitudine præstare non ualetis, quare anxij estis quomodo ex rebus quas apud uos non habetis alendi sitis? quasi dicat, ea sollicitudo magis uobis obest, quam prodest: Simile ergo Deum uestri curâ gerere, qui pro beneplacito suo staturæ uestræ ter-

H minum

IN MATTHAEI

minū præscribit. cōsiderate lilia agri quomodo crescūt: nō laborāt, neq; nent, sicut hoīes, nulla adhibetur industria humana. Dico autē uobis quoniā nec Salomō in omni gloria sua coopertus est sicut unum ex istis. Tamen magis decorata sunt, & maiorem venustatem habent quā Salomon in omni potentia & gloria sua. si enim jace-
num agri quod hodie est, id est, stipula ipsa, in qua crescunt Lilia, iam lilijs decerptis exsiccat, & igni struendo apta redditur. Et cras in cilibanum mittitur, valde igitur vile est, quoniam statim comburitur, & in cinerem, & vilem fauillam redigitur. Deus sic uestit, tamen Deus tam insigniter ornat, & varietate colorat. Quanto magis uos modicæ fidei Vocat modicæ fidei quia is qui parum Deo fidit, & credit, parū ab eo sperat, & expectat.

Hæc enim omnia gentes inquirunt, in istis principale bonum consistere putantes, nec à Deo illa, sed per suam duntaxat sollicitudinem præstolantes. Ego autem nullo modo vos patior facta gētilium imitari. scit enim pater uester quia omnis his indigetis, non debetis igitur putare à vestra sollicitudine ista dependere, & tātam curam vestri gerere: Pater enim uester optimè vestram necessitatē pernouit, & cū pater sit (quod nomen Emphasim habet) vos filios suos in necessitate minimè relinquet. Querite ergo primū regnū Dei, in quo deus regnat. et iustitiā eius quā ipse dat, id est, bonam vitam, & peccatorum remissionem, per quæ ad regnum illud peruenire possitis: atque ita non eritis operum gentilium imitatores. Et hæc omnia adiicientur uobis, non sollicitantibus vobis victus, amictus, & cætera necessaria tribuentur, modo regnum Dei, & eius iustitiam quesieritis. Sed quærat hic quispiam quomodo Paulus in fame, siti & nuditate à Deo relictus fuit? Ad quod respondeo temporalia à Deo quæri non debere nisi in quantum ad spiritalia conferunt, atque

eatenus tantum à Deo promittuntur: quando verò sancti in bonis temporalibus deficiunt, & in hoc mundo vilescunt, in bonis spiritalibus abundāt, atq; in regno cœlorum ditescunt. *sufficit diei malitia sua*, satis affligitur homo præsens malis, ita vt opus non sit quod angatur futuris.

Ex prædictis diligenter obseruare debemus Deū omnium rerum etiam minimarum scientiam, curam, gubernationem atque prouidentiam in particulari habere, vt sic à vitijs retrahamur, & consolemur in miserijs nobis aduenientibus eum cōfidentes, in omnibus suis esse æquissimum sapientissimum prouiso-rem ac summum gubernatorem. Sciendum etiam hic est quod nullo pacto hominis labor, & industria prohibeatur, nam (teste Paulo) qui non laborat, non manducet: verum noxia anxietas, & humani cordis inquieta sollicitudo vetatur. Est autem quædam bona sollicitudo, quam qui nō habet semifatuus, otiosus, & iners est, de qua D. Thomas agit, quæ est mentis vigilantia ne peccetur, aut vsquam delinquatur: & est ad exequenda bona opera sedulo intenta: Tali sollicitudine fuit D. Paulus detentus, dum pro Ecclesiæ Dei gubernatione quiduis attentauit & quasuis misérias subire non dubitauit. Sollicitudo verò de terrenis in tantum prohibetur in quantum est superflua: atq; ista triplicis est generis, quidā enim principale bonū in rebus terrenis, atque caducis cōstituit. quidā etsi in ijs non ponant, principale bonū: per eas tamē à principalibus abstrahuntur, & remorantur: alij verò ita superflua reseruant, vt Deo aliquo modo diffidant. Contra hos præcipuè hic agit Saluator & omnem merum inaniem excutit, atque inhibet præoccupare debitum sollicitudinis tēpus, vtpote tēpore sementis cogitare de messe, & de illa anxari, non autem simpliciter de futuris cogitare,

*secunda se-
cūda quæst.
47. art. 9.*

IN MATTHAEI

nam in sua familia loculis, in quibus aliqua pro futuro recondebantur habuit, deinde Apostoli ingruente fame frumenta congregauerunt in futurū vt testatur Scriptura.

A ct. II.

IN CAPVT SEPTIMVM.

HOC capite agit contra superbos, qui alios ita contemnunt, vt se solos magnos, & bonos existiment.

Nolite iudicare quenquam scilicet tanquam malum, *ut non iudicemini*, vt non condemnemini à Deo tanquam mali, quod proximum iudicaueritis. Mandatum istud simile est precedenti illi, Si dimiseritis hominibus dimittetur vobis, & intelligi debet nisi aliunde obex ponatur. Latè hoc à B. Thoma explicatur. In iudicando autem proximo vt iudicium non sit illicitum tria vitanda sunt, Primò, ne innocens, & absque crimine reus iudicetur, aut ei grauior poena quam crimen meretur infligatur. Secūdo, ne temerariè iudicetur, ne id quod incertum est certum esse proferatur, quod maxime hoc loco vetat Saluator: atque istud maxime superborum est ex incertis ad certa iudicia procedentium. Tertio, vetatur ne iudicium vsurpetur. Iudicium autem vsurpatum dicitur, quia in non subditos exercetur. Quisquis in aliquo horum triū errat, peccatum mortale committit, etiam si sola voce, corde, aut mente iudicium proferat, non enim solum non oportet de proximo maledicere, verumetiam nec male de eo cogitare, vel sentire: quisquis enim de proximo male sentit, si iustā non habeat causam, infert ei iniuriam, bonam de eo estimationem reiiciendo. Augustinus enim aperte dicit, peccatum esse mortale in rebus huiusmodi obscuris definitiuas proferre sententias. Quanquā inquit

secunda se-
cūde qu. est.
60. per om-
nes articul.

Tracta. 90.
in Ioan.

inquit in his rerum tenebris humanarum, hoc est cogitationum alienarum, & si suspensiones vitare non possumus, quia homines sumus iudicia tamē, id est definitas firmasq; sententias continere debemus, nec ante tempus quicquam iudicare.

*In quo enim iudicio iudicaueritis, iudicabimini, & in qua mē-
sura mensi fueritis remetietur uobis,* id est, propter iudicium temperarium quo proximos esse malos iudicaueritis, iuste à Deo condemnabimini, vt eadem mensura, qua eos mensi estis & vos metiamini: nā temeritas qua illos iudicastis, eadē ipsa apud Deū vos iudicat, atq; condēnat. Nō ergo Deus temerē quemquam iudicat, etsi temerē iudicauerit homo. Vnde Augustin. lib. 21. cap. 11. de ciuit. Dei. Qui iudicat inquit, & condēnat iniuste si condēnatur & iudicatur iuste in eadem mensura recipit, quamuis non hoc dedit. Iudicio enim fecit, iudicio patitur. Quamuis enim fecerit damnatione quod iniustum est, patietur damnatione quod iustum est.

Quid autem uides festucam in oculo fratris tui; & trabē in oculo tuo non uides? Quorsum magni facis minima fratris tui peccata (quæ per festucam designantur) eaq; diligentissimē consideras, tua autem grauissima (quæ per trabem designantur) non aduertis, aut si aduertis, animaduersa parui facis, & in tuis cum sis tam cœcus, quomodo in alienis tames oculatus? nisi quia ad aliena vitia conspicienda oculos tibi aperit inuidia, & ad tua cernenda eos tibi claudit superbia. *ut quomodo dicis fratri tuo, sine eijs festucam de oculo tuo: & ecce trabs est in oculo tuo.*

Quomodo de paruis peccatis fratrem tuum corripere tentas, quum in maiora prolapsus te non consideras, hoc certē non zelo iustitiæ, vel proximi charitate admonitus facis, alioquin à te correptionem aspiceris, sed magno inuidiæ stimulo vul-

IN MATTHAEI

neratus. *hypocrita* iustitiæ, & charitatis simulator.
et ecce primum trahere de oculo tuo, et tunc uidebis eijcere festucam de oculo fratris tui Tum demum idoneus eris,
 ut de minoribus peccatis fratrem corripias, si te gra-
 uissimis exueris sceleribus.

Quæritur an in maiori peccato existens non potest
 in maiori peccato existentem corripere? Respondeo, si
 is qui corripit, & in maiori peccato existit, æqualis
 illi sit, qui corripitur, potest corripere, si modo de
 suo peccato graui, penitentiam agat, si autem fuerit su-
 perior, & in crimine publico existat, inferiorem in
 minoribus peccatis existentem propter scandalum corri-
 pere non potest. Pro hac quæst. cõsulatur Thomas, Se-
 cunda secundæ. Et in materia de corrept. fraterna.

Quæst. 60.

art. 3.

Quæst. 33.

art. 5.

Nolite sanctum dare canibus. Nolite infidelibus san-
 ctam Christianæ religionis proderere doctrinam, neque
 apud eos de diuina sapientia sermones facere *ne ipsi*
forte eas conculcent pedibus suis, et conuersi diripant uos.
 Ne vos obtrectationibus persecutionibusque dila-
 cerent, non enim homines sed potius animalia bru-
 ta videntur, ita enim carnalibus dediti sunt, ubi
 brutorum more omnia sua eo dirigant. Vnde A-
 postolus eos tanquam canes esse dicit qui non sunt
 digni accumbere mensæ. Dat Christus præceptum
 istud ut Apostolos instruat, quibus istam sanctam
 doctrinam aperire debeant.

Phil. 3.

Sed obijciat quispiam: Paulus infidelibus hanc
 proposuit, & aperuit, ergo non videtur istud prohi-
 beri hoc præcepto. Respondeo, hoc quidem Paulum
 fecisse, at prius corda eorum ad excipienda salubria
 documenta, & tam preciosas margaritas preparas-
 se: Istud deinde præceptum tantum ex causa man-
 datum est, nam si contemptus periculum non subest
 sanctum dare minimè vetatur, quoniã illi qui non
 cõtinentur, iã caninam aliquousque sceditatē deposuerunt.

Act. 4.

Sed contra: Christus Phariseis panem ut cani-
 bus

bus porrexit. Respondeo, nullo modo eum sic porrexisse, sed illis porrexit in quorum vtilitatem dedit, cum quibus simul aderant canes, id est, Pharisæi, quod illicitum nō est, nō enim fructus & promotio filiorum impediri debet, propter malitiam impiorum.

Petitur an istud intelligatur de Sacramentis, quemadmodum de sanctis eloquijs? Respondeo, non, si primam Domini intentionem respiciatis: quia nec in præcedentibus, nec in sequentibus sit sacramentorum mentio, præterea Aug. de Adulterinis coniugijs dicit Dominū hic agere de spiritualibus doctrin. non de sacrament. tametsi generaliter loquendo etiā de his accipi potest, quo etiam ipse lib. de fide & operibus ait, sacramenta non danda, nisi verè ad Deum conuersis.

Petite, & dabitur vobis. Istud subiungit, quia in præcedentibus plurima dedit mandata, quæ homo suis viribus implere nequit, demonstrat igitur à quo petere debeat, & per quem prædictorum mandatorum adimpletionem obtinere queat. Hæc autem doctrina eadem est cum doctrina de fiōe Deum patrem per Christum inuocante & petente, quam omnibus epistolis suis Apostolus Paulus commemorat. Precibus Christus vt præceptorū suorum impletio petatur quoniam ipse dare omnino statuit, vnde dixit: dabitur vobis, id videlicet quod petitis oportuno tēpore, nō negabitur: Per hoc autē quod subiūgit, *Querite & inuenietis, pulsate & aperietur vobis.* vult continuā & seruētē esse petitionē: Idē enim omnino hæc tria significāt, nā postea sequitur. *omnis enī qui petit accipit et qui querit inuenit & pulsanti aperi- etur.* Hoc est, Quicumq; sit, siue iustus, siue peccator, qui à Deo petit, omnino, & indubitātè obtinebit, qui autē ab hominibus petunt interdū nō accipiūt, sed Deus infallibiliter petitionem exauditurus est.

in fine libri

IN MATTHAEI

Aut quis est ex vobis homo, quem si petierit filius suus panē, nunquid lapidem porriget ei? Omnis qui petit à Deo accipit, Pater autem carnalis interdum filium negligit, sed pater cœlestis nunquam in filij sui trahitur obliuionem, nec quicquam ei negat, igitur omnis qui ab eo petit indubiè accipit, alioquin non esset magis misericors erga filium quam homo, quod omnino à fide alienum esse debet: quod si nō creditis, respondete: Quis est ex vobis homo quem si petierit filius suus panem nunquid lapidem porriget ei? aut si piscem petierit nunquid serpentem porriget ei? quasi dicat nō, sed petita filio porriget. si ergo uos cum sitis mali, noſtris bona data dare filijs ueſtris quanto magis pater ueſter qui in cœlis est dabit bona petentibus se. Vos igitur cū mali sitis & nihilominus filijs bona datis, quanto magis pater ueſter, qui ſummè bonus est imo ipſa ſumma bonitas dabit filijs ſuis, & quāto patre carnali melior eſt, tātō filijs meliora dabit? Magna ſanè hæc petētū promiſſio, ſicut magnū eſt, à Deo nō petentū impropriū. Malos autē appellat Apoſtolos ſuos, tum propter concupiſcentiam in quæ nati ſunt, & peccata quæ quotidie cōmittunt: Priorem interpretationem habes apud Hilarium in Pſal. 118. quem ex eo locum citat Aug. lib. 2. contra Iulianum. Poſteriore lib. 1. contra aduerſar. legis & Prophetarum. De tribus iſtis pane videlicet lapide & serpente tractat Auguſtinus lib. 2. quæſt. Euang. & myſticè per panem intelligit charitatē, cui lapidis durtia opponitur, id eſt, odiū, per piscem, fidem quæ latet & inuiſibilis eſt: quem admodum enim piſcis in aqua latet, ita fides in aqua baptiſmi, quæ eſt ſacramentum fidei. Ruſſum ſicuti piſcis in medio mari tutiſſimè natat, ſicet homo in medio huius turbulenti ſæculi per fidem tutiſſimè conuerſatur. Per ſerpentem verò infidelitatem intelligit propter venena fallacia quibus pri-

mos

cap. 8.

cap. 11.

mos parentes interemit. Non est hic prætereundū, quod quatuor, vt oratio efficax sit & impetratoria, requirantur. Primo, vt ea petantur quæ animæ salutaria sunt, secundo, vt perseveranter, seu constanter oretur, Tertio, vt pro se, Quarto, vt pia intentione. Vnde Augustinus tractat 73. 81. & 102. Et Prosper senten. 252. & 362. Male inquit vsurus eo quod vult accipere, Deo potius miserante non accipit. Proinde si hoc ab illo petitur, vnde homo lædatur exauditus, magis metuendum est, ne quod posset non dare propitius, det iratus.

omnia ergo quæcunque vultis faciant vobis homines, & vos facite illis vt ego summatim omnia mandata comprehendam, de quibus hætenus loquutus sum, dico quod quæcunque vultis bona voluntate, vt faciant vobis homines, & vos facite illis. Vsq; adeo generale est istud, vt mandata, & consilia cōplectatur, nam si exigam ab aliquo mihi aliquid fieri, ex debito iustitiæ teneor idem illi præstare: similiter si ex debito charitatis quicquam exigam, debeo illi idem præstare. Hæc est enim lex, & propheta, id est, hoc mandatum de dilectione proximi. Vniuersa mādata, quæ in libris veteris testamēti habentur, cōplectitur: siquidem omnia eo fine præcepta sunt, vt homo in charitate viuat. Consule Aug. de doctrina Christiana lib. 1. cap. 35. Quæritur quomodo dilectionis diuinæ mandatum hic cōtineatur? Respondeo duabus illud cōtineri rationibus, Primo, quia istud præceptum diligendi proximum sine dilectione Dei impleri non potest. Secundo, in hoc mandato intelligitur Deus tanquam finis dilectionis proximi: quia dictum est, Quæ vultis scilicet bona voluntate, hoc est, propter Deum vobis fieri, eadem bona proximo præstate. Quæritur rursum, quare Scriptura legem & prophetas in mandato dilectionis proximi potius pendere dicat

IN MATTHAEI

cat quam in mandato dilectionis diuinę? Respon-
deo, Scripturam interdum dicere legem, & pro-
phetas in mandato dilectionis diuinę pendere, sed
rarius, sapius autem in dilectione proximi, quia
hęc nobis notior est, & ex illa facillimę conuinci
possumus, vel nos diligere, vel non diligere Deū;
non autem ita possumus scire ex dilectione Dei,
vtrum eum diligamus, vel non, atque hęc eadem
ratio est cur saluator hactenus, parum aut nihil de
mandatis Deum concernentibus dixerit, plurima
autem de mandatis ad proximum ordinantibus.
Cap. 5. Consulatur Augustinus in expositione epistolę ad
Galatas in eum locū Omnis enim lex in vno ser-
mone impletur, diliges proximum tuum sicut te-
ipsum.

Intrate per angustam portam. Istum locum etiam Lu-
cas adfert, sed ex alia occasione, Matthæus autem
Luc. 13. ponit, quia Christus hic hortatur Apostolos suos
ne preceptorum difficultate deterreātur, vel peccā-
tium multitudine ad deferendum Dei mandatum
illiciantur. Sensus igitur huius est, assumite modū
viuendi quem iam supra posui, quantumuis asper
videatur, & difficilis, quia per istum solum patet
ad vitam introitus: porta enim ita angusta est, vt
nemo nisi admodum gracilis, coarctatis, cōpressis,
& contritis prauis concupiscentijs intrare possit:
quemadmodum qui crassus est, si per angustam
portam ingredi velit, necesse est vt multum conte-
ratur, & comprimatur: itē qui in arcta via ambulat
quę vtrinque est periculoso mari circumdata, vel
vtrinq; prærupta, necesse est vt admodum sit circū-
spectus, ne à via declinando, in certum incidat ex-
itum: ita etiā perpetua secundum mandata mea
viuere cupienti, necessaria item vigilantia, quia si
à via mādatorū defleat, mox in perditionis viā
& foueam incidit. *Quia lata porta, spatiosa via est quę
ducit*

ducit ad perditionem: Nullo igitur modo viam facilem quærat, in qua homo tanquam in loco spatioſo non multum ſe obſeruare debet: nec latam portam per quam poteſt homo ſine ſui arctatione ingredi, quoniam illa via, & porta ad certam æterni ignis damnationem perducit. Ad iſtud alludit Virgilius, ſeu quicumque eſt illius carminis author de litera Pythagoræ. Vide Baſilij quæſtiones breuius explicatas, vbi has parabolas exponit. *Et multi ſunt qui intrant per eam.* Potius hîc dolor eſt aſſumendus, quam locus exponendus. *Quam anguſta porta, & arcta uia eſt, quæ ducit ad uitam.* Sed quæ anguſta eſt cupiditati, lata eſt charitati: ſuaue eſt enim Chriſti iugum, & onus eius leue: & mandata eius grauiſima non ſunt. *Et pauci ſunt qui inueniunt eam,* non enim obuiſa eſt, ſed multum quæri debet, vnde pauci eam ingrediuntur. At viam ſpatioſam quæ non quæritur, ſed paſſim manifeſtatûr, & offertur plures ingrediuntur, & ſicuti plures capit, plures etiam ad perditionem perducit: contra ſicuti via illa anguſta pauciores comprehendit, ita ad ſalutis metam pauciores perducit, vt patet ex Geneſi, vbi impius Cain ſtatim ſub initium fratrem legitur interemiſſe: & aliquanto poſt vniuerſum genus humanum, exceptis octo animalibus propter iniquitatem diluuii periſſe. Porro quanquam pauci hic eſſe dicuntur, qui arctam viam inueniant & ingrediantur, atque ſaluentur: multi ſunt tamen per ſe conſiderati. Eſt ergo paucitas iſta comparatione reproborum intelligenda. Dicit tamen Auguſtinus contra Donatiſtas exceptis hæreticis & ſchiſmaticis, inter Chriſtianos paucos ſaluandos: nam fornicatorum, ebrioſorum, iniuſtorum hominum, & cæterorum, qui vitam ſuam ſecundum Dei mandata non inſtituunt, inſinitus eſt numerus.

Ref. ad int.

240. & 241

Matth. 11.

1. Ioan. 11.

Genef. 4.

Genef. 7.

Atten-

IN MATTHAEI

Attendite a falsis prophetis. Quia quosdam homines scio futuros qui viam mandatorum meorum peruertāt, & homines ab ea, mala doctrina sua, vel vita impediāt, moneo vos, vt cautē eiusmodi obseruetis, ne vobis noceāt: sunt enim, falsorum dogmatum falsi prædicatores, & assertores, qui haberi volunt veri Prophetæ, & sacrorum dogmatum sinceri expositores, cum tamē falsitatis assidui sint fautores. Prophetæ interdum pro futura prædicente vsurpatur, interdum verò pro cōcionatore, vel dogmatum professore: vnde qui sacrum dogma rectē explicat, Prophetæ verus & bonus dicitur, qui verò falsò, prophetæ falsus nuncupatur. *Qui veniunt ad vos in uestimentis ouium.* Venire dicuntur quia missi non sunt: verorum namq; prophetarū est à Deo, vel vicarijs eius mitti multi falsorū autem, spontē & vltro currere: vnde Hieremias: Ipsi currebant, & ego non mittebam eos: atque hæc vna est hæreticorum nota. In uestimentis autem ouium venire dicuntur, quia cum quibusdam operibus in specie bonis, vtpote eleemosinis, ieiunijs, orationibus & varijs alijs modis, allegationibus sacrarum literarum, quas Prophetæ & Apostoli contexuerunt, tanquam vestimenta quædam Christianorum quibus se muniāt, prodeunt. Vide de his Vincentium Lirinensem in libello suo pro Catholicę fidei antiquitate & veritate aduersus hæreseon nouitates. Maximè autem ideo cauēdi sunt quia non apertē oppugnant, sed occultē insidiātur, veniunt enim vestimentis ouium testī quasi oues essent, id est, sancti & simplices Christiani, nulli nocere cupientes: quod optimè dici potest de nostri temporis hæreticis, præsertim de Anabaptistis, eorumq; ministris. *Intrinfecus autem sunt lupi rapaces,* Hoc vnum in conuiuijs, itineribus, & quibuscunque locis omnibusq; suis sermonibus, & actionibus

bus semper agunt ac meditantur, vt gregem dispergant, & oues aliquas à grege abstrahant, & abstractas per falsam doctrinam dilanient. Primo enim hæretici affectum hominis à vera fide seu Christi Ecclesia, vel Christi fidelibus abstrahunt, postea verò eum falsæ doctrinæ veneno interficiunt. Quia autem lupi ab ouibus non faciliè discernuntur, præsertim quum illarum vestimenta assumant, dabo vobis certissimum signum quo eos ab illis discernere poteritis. *A fructibus enim eorum cognoscetis eos*, sicut enim arbor mala, ab arbore bona ex fructibus dignoscitur, sic lupus ab oue, & falsus propheta à vero, ex proprio videlicet fructu, id est, ex mala doctrina, quia proprius Prophetæ fructus est doctrina: Si ergo propheta verus fuerit, doctrinam veram & sinceram proferet, sin malus falsam. Per (fructus) hoc loco vita intelligi non potest, quoniã ex vita discerni non potest falsus propheta à vero, nam interdum accidit quod Doctor bene viuens malam doctrinam depromat, quemadmodum fecit Origenes, & è diuerso malè viuens, bonam & sanam: vt Scribæ, & Pharisei, quos Saluator quòd malè viueret, reprehendit, eorum doctrinam à vita secernens: vnde Paulus non curat qua intentione doceatur Euangelium, dummodo bene doceatur. Deinde plurimæ scripturæ, Doctores ex doctrina, non ex operibus cognosci docet, vt, Si surrexit in medio tui propheta, aut qui somnium vidisse se dicat, & prædixerit &c. non audies verba prophetæ illius. Item: Si quis aliter doceat, & non acquiescat sanis sermonibus Domini nostri Iesu Christi, & ei quæ secundum pietatem est, doctrinæ, superbus est, nihil sciens, sed languens circa questiones, & pugnas verborum. Rursum. Attendite vobis, & vniuerso gregi, in quo vos spiritus sanctus posuit &c. quoniam intrabunt post discessionem

Mat. 23.

Phil. 3.

Deut. 18

1. Tim. 6

A. Cl. 20.

nem meam lupi rapaces in vos, non parcentes gregi &c. Loquentes peruersa is est fructus &c. Propterea in hoc cognoscitur spiritus Dei: Omnis spiritus qui confitetur Iesum Christum in carne venisse &c. Et paulò post: Qui nouit Deum, audit vos, qui non est ex Deo, non audit vos: In hoc cognoscimus spiritum veritatis, & spiritum erroris. Consulantur venerabilis Beda in Episto: 1. Ioannis cap. 1. & Vincentius Lirinensis in libello contra hæreses. Sed iam quæstio est quonam modo cognoscetur vera, vel falsa doctrina; Verum hoc etiam tradit nobis scriptura: si enim aliqua doctrina hætenus Christianis ignota proferatur pro falsa haberi debet. Certissimè autem catholicæ ac veræ doctrinæ, notæ sunt, Christianorum vniuersitas, & antiquitas, ac plurimorum consensus, vt fusè declarat Vincentius Lirinensis. *Nunquid colligunt de spinis uuas aut de tribulis ficus.* Parabola (inquit Dominus) declaro Pseudopphetas cognoscédos esse ex doctrina hætenus à fidelibus ignorata, & diuersa ab eis hætenus tradita: etenim sicuti spinæ non proferunt uuas, nec tribuli ficus, sic sincerus doctor, vt talis, non potest malam tradere doctrinam, nec malus bonam. Et sicuti arbores non facientes fructum bonum exciduntur, & comburuntur, ita omnis doctor cuius doctrina non est bona separabitur à visione Dei, & sanctorum societate, ac in ignem gehennæ mittetur. Ista eadem parabola scilicet de arbore fructus bonos non faciēte, ab alijs Euangelistis de bona vita intelligitur, vt patet de ficu, à Christo maledicta. *Igitur ex fructibus eorū cognoscetis eos.* Id est, ex ista parabola satis liquet quod dixi: nimirū quod malū doctrinæ fructū cōmuniter malus sequatur cōuersationis fructus & qui malè docet semper aut ferè semper malè uiuit, & in apertis sceleribus per suā hæresim volutatur:

nam

nam via Dei est arcta, à qua quum non dirigatur à Deo, facile in aliam deflectit, vt ait Iacobus, vir duplici animo est inconstans in omnibus vijs suis & Paulus, Tradidit Deus eos in reprobū sensum, vt faciant ea quæ non conueniunt: Omnes enim suas cupiunt explere libidines, & acquirere diuitias: atque hæc est contemptæ fidei pœna, atq; vindicta, quemadmodum & Augustinus docet libro de Hæresibus. Id quod de Apostatis etiam ait Bernardus. Eorum (inquit) qui post conuersionem suam peccatis, & vitijs implicantur ingrati acceptæ gratiæ, & post missam manum ad aratrum retro respiciunt, tepidi & carnales facti aut post agnitam viam veritatis retro eunt apostatæ manifesti: eorum vtique perpauca inuenias qui post hæc redeant in gradum pristinū, sed magis in sordibus positi sordescant adhuc.

cap. I.

Rom. 14

serm. 35

Luc. 9.

Non omnis qui dicit mihi Domine, Domine, intrabit in regnum cœlorum. Vos etiam moneo ne à malæ vitæ Christianis impediamini, quanquam enim illi non sint pseudoprophetæ, & recta dogmata habeant, tamen multum impedimento sunt, quia non rectè viuunt. Non omnis ergo qui verbis me honorat & pro Domino suo agnoscit, & de doctrina mea rectè sentit intrabit in regnum cœlorum, sed qui facit uoluntatem patris mei qui in cœlis est, intrabit in regnū cœlorum, id est, qui seruat mandata: igitur scandalizari non debetis nec malæ vitæ Christianos imitari, sic enim excluderemini à regno cœlorum. Ex his satis patet quod vera Dei agnitio, & fides, etiam consistit cū mala vita, quod quidā hæretici negant dicentes nō esse fidē bonā, aut verā, vbi non est bona vita. multi dicent mihi, Christo scilicet iudici futuro. In illa die quando veniā ad iudicandū viuos, & mortuos, quod tēpus diē per Antiochiam vocat, tanquam maximam in qua omnia patebunt.

Nonne

IN MATTHAEI

*N*onne in nomine tuo prophetauimus? Volentes ostēdere in quo confisi sint, quasi per illud sine vitæ emendatione in regnum cœlorum intrare possint: dicentq; Domine, Domine, quare nos condemnas quum tantas à te acceperimus gratias, nam per virtutem tuam futura prædiximus, vel doctrinæ tuæ præclari doctores extitimus? *Et in nomine tuo uirtutes multas fecimus, miracula plurima: quæ virtutes videntur quoniam magna ad ea facienda requiritur potentia. Et tunc confitebor illis.* Apertè dicā quod latenter in Scripturis prædixi. *Nunquam noui uos.* Nunquam approbaui, nec illo tempore quo magna per nominis mei virtutem faciebatis miracula, quod iniquæ viæ vestræ erant. Nunquam nouit quia nunquam prædestinauit, & elegit. *Discedite à me omnes qui operamini iniquitatem.* Omnes citra aliquā differentiam, quacunque gratia fulgeatis, prophete eieectores demonum, & magna miracula facientes. Ite in ignem æternum, etenim adhuc iam iniquæ voluntatis estis: nam mors & resurrectio non malefaciendi voluntatem, sed tantum facultatem abstulit: vnde Psalmista: Superbia eorum qui te oderunt ascendit semper. Iniquitas hoc loco generaliter accipitur, vt virtuti generali opponatur. Nec illi hoc dicentes, videlicet nōne in nomine tuo prophetauimus? &c. mentientur, quia alias istud dictum non cōpeteret proposito Christi. Nec mirum videri debet, quod impij habeant prædictas gratias, cū illud de Balaam & falsis prophetis Pharaonis constet, & de Iuda Ischariote, qui quamdiu cum Christo mansit multa miracula fecit: istud etiam conuincit 24. cap. huius Euangelij.

Circa hunc locum, Discedite à me &c. Dicit Chrysostomus, grauius esse carere aspectu Dei, quā mille gehennæ ad quam grauiissimam pœnam omnes damnati adigentur: & sicuti omnes, qui tem-

pora-

Num. 22.

Exod. 7.

poraliter occiduntur, principaliter patiuntur id quod grauissimum est, videlicet mortem, quanquam in genere mortis per accidens sit diuersitas, quod vnus per ignem moritur, alius laqueo, alius gladio, sic quicumque peccauerit id quod grauissimum est, carentiam nimirum visionis Dei, quam D. Christomus morti assimilat, patietur: præterquam adhuc quod igne gehennæ iuxta peccatorum suorum demerita torquebitur.

Quomodo autē pseudoprophetæ isti Christum interrogaturi sunt vtrum videlicet verbis corporalibus, an mentalibus, nō est vna omnium sententia: quidam enim dicunt quod verbo agant, vt Richardus in 4 Sententiarum, quidam negant vt D. Thomas. Pro hac re consulatur Augustinus lib. 20. de ciui. Dei cap. 16. & 24.

omnis ergo qui audit uerba mea hæc, & facit ea. Conclusio est huius sermonis eiusq; cōmendat o, quasi dicat: Vt semel sermonem istum concludam, vobis dieam quanti hic momenti fuerit, idq; per parabolam ab ædificantibus desumptam: Qui ergo facit hæc, id est, quæ in sermone isto posita sunt complet. *Assimilabitur uiro sapienti, qui ædificauit domum suam super petram,* id est, rupem firmam, & immobilem. Hic certē comparandus est viro sapienti, quē admodum viro stulto comparatur qui super arenam ædificat, quæ vento statim discutitur, & loco suo mouetur.

Quæritur an saluator polliceatur prædictā implenti bonitatem? Respondeo quod sic, sed eatenus quatenus ea facit. Vir sapiens est Christus, qui Ecclesiam suam ædificauit, super seipsum. *Et descendit pluuia, & uenerunt flumina.* Descendit autem persecutio, & sæculi prauitas, id est, perfectæ persecutiones, vel sæculi voluptates, quæ flumina nūcupantur.

IN MATTHAEI

I. COR. 3.

Et flauerunt uenti, id est, hæreses, & adulationes, aut alij hominum rumores, Et irruerunt in domum illam, id est, in Ecclesiam, Et non cecidit, sed firma perman- sit fundata enim erat super petram, etenim firmum ha- bebat fundamentum, ipsum Christum scilicet, qui solus fundamētū esse potest, fundamētum enim aliud nemo potest ponere, præter id quod est positū. Et omnis qui audit uerba mea hæc & nō facit ea simi'is erit uiro stulto qui ædificauit domum suam super arenam, & des- cendit pluuia & flauerunt uenti, & irruerunt in domum illā, & fuit ruina eius magna. Vir stultus mysticè diabolus est, qui super arenam, id est, errores varios non si- bi coherentes mundum impium ædificat, qui per- sequutiones, voluptates, hæreses, & adulationes sta- tim cadit: & ruina eius est magna quia vsq; ad eter- næ damnationis barathrum ruit, ita ut nihil super sit amplius quo possit domus viri sapientis mole- stari. Ad literam autem saluator demonstrare intē- dit quod is qui facit ea quæ in hoc sermone conti- nentur, verè sapiens est, & quamdiu in hac obedi- tia est contra omnes omnino impugnationes mu- nitus permanet, qui verò nō facit, verè stultus est, & facillimè à quolibet oppugnante superatur. Et fa- ctum est cum consummasset Iesus uerba hæc, admirabatur tur- bæ super doctrinā eius, quia insolita erat, & supra mo- dū excellēs, ita ut in sui admirationem omnes per- traheret, & vsqueadē, ut inquit Marcus, conqui- rerent inter se dicentes: Quidnam est hoc? quæ- nam doctrinā hæc noua? quia in potestate etiā spi- ritibus immūdis imperat, & obediūt ei. Et proces- sit rumor eius statim in omnem regionem Galileæ. Erat enim docens eos sicut potestatem habens, & non sicut scribæ & pharisei. Ista erat admirationis causa quia in mirum in docendo non adulantis, non ad os lo- quentis, sed apertè vitia & mores cum auctoritate redarguentis personam gerebat, non enim dice- bat,

Marc. 1.

bat, hoc dicit Dominus, vel propheta ille, sed ego dico vobis: quod etiam sæpe repetiuit, vt se tantæ potestatis esse declararet qui hominũ corda ad bonum conuertere posset, & præmia benè operantis in cælo, & supplicia malè agentibus in inferno retribuere valeret.

IN CAPVT OCTAVVM.

Matthæi.

Congruè Matthæus ad confirmationem præcedentis doctrinæ multa consequenter miracula à Christo facta refert: boni namq; magistri est, doctrinam suam factis comprobare. Hinc consummato sermone suo in monte, atque omnibus præceptis quibus Christiana vita perfectè formatur, ad signorum operationem descendit, vt per virtutem miraculorum sermo firmaretur.

*Quum autem desc. endisset de monte, sequutæ sunt eum tur- L. xii. 13
bæ multæ, & ecce leprosus ueniens, qui se ab hominũ cõ- Marc. 1.
sortio seiungere debebat, secundum legem. A dora- Luc. 5.
bat eum genuflexo in faciem suam procidendo, vt
patet ex Luca, & Marco, dicens, Domine, si uis, potes me
mundare, quasi dicat, agnosco Domine quod tu, qui
omnium medicorum Medicus es, saluare & sanare
me possis, etiam si morbum lepræ incurabilem ha-
beam, vnde peto si meæ salutis expediat, & tuę pru-
dentia conformis sit, vt me sanes. Instruimur hîc
quod quicquid à Deo petimus, eius voluntati sub-
mittere debeamus, dicentes, fiat voluntas tua.
Et extendens Iesus manum, tetigit eum dicens, uolo. Prius
dixit: (Si vis) vnde Dominus ei respondet, vo-
lo, & addit mundare, id est, mundus esto.*

Obseruandum hic est Dominum non violasse legem quę prohibebat leprosum tangere, quoniam lex illa eos duntaxat obligabat qui ex tali

IN MATTHAEI

cōtactu inquinari poterant : quod Christo periculum non erat. *et confestim mundata est lepra eius* verbo prolato curata est lepra eius. Noluit autem Dominus eam solo verbo sanare (quod equidem potuit) sed etiam corporis tactu, vt carnem suam ratione diuinitatis vnitæ viuificam esse ostenderet. Sicuti enim in ferro ignito non tantum ignis vrit, sed etiam ferrum cuius poris ignea vertus inheret, sic & in Christo non tantum diuinitas ipsa operatur, sed etiam humanitas : Vnde Theophylactus, Per hoc (inquit) quod Christus se Dominum legis ostendit, & quod sancta eius caro ijs, quæ tagit sanctificationem cōmunicet mysticè ostēditur, quod etsi Deus potuit saluare hominem sola sua voluntate, nullū tamē saluare vult nisi mediante humanitate Christi, & mysterio incarnationis eius: quod etiam pulchrè explicat Thomas in tertia parte.

*Quest. 40.
art. 3. ad secundum.*

et ait illi Iesus: vide nemini dixeris inhibeo tibi ne alicui dicas quod te curauerim, scilicet eo fine vt ego priuatum gloriam inde mihi comparem, volo enim veræ humanitatis meæ ostendere exemplum. Non prohibuit Christus miraculum istud ad gloriam Dei propalari, vnde nō peccauit is propalando, statim enim (inquit Marcus) cœpit prædicare, & diffamare sermonem, ita vt iam nō posset manifestè introire in ciuitatem, sed foris in desertis locis esse & conueniebant ad eum vndique.

Marc. 1.

Quod si certè prohibuisset vtique non permisisset: verum ad nostram instructionem fecit, siquidem eius vita & actio, nostra fuit instructio. Ergo nos quandocunque alteri quoddam beneficium præstamus, aut præclarum quid facimus, nostram nūquam gloriam inde conquirere studeamus, licet is cui beneficium præstitum est, sui benefactoris nō debeat filere laudem, vt in hunc locum annotant Theophylactus, & Ioannes Hoefnesterus.

sed

sed uade, ostende te sacerdoti veteris legis, vt te mundum esse videat. et offer munus quod precepit moyses in testimonium illis. mundatis scilicet à lepra. Præceptum erat à Moyse, vt primo die duos passeres Leuit. 14 offerrent, & sequente die octauo duos agnos. Obseruari legem Christus volebat, quia illa, sicuti & sacrificia veteris legis cum ipse nōdum esset mortuus omnino obligabat, eoq̃ tunc Christus eā approbabat, quod patet, quia (vt ait Theophylactus) in comment. nisi sacerdos mundum pronunciaisset extra ciuitatem illi manendum fuisset. Tribus autem de causis ad sacerdotes à Christo missi sunt leprosi teste Hieronymo) quorum vna hic tantum exprimitur. Prima est vt sacerdotibus honor deferretur. Secunda, ne legem Moysei infringere videatur. Tertia, vt sacerdotes eius potentiam admirando & credendo qui leprosos mundare posset, saluarentur, aut non credendo inexcusabiles omnino redderentur. Vide August. lib. 2. quæst. Euange. Theophylact. qui hoc pacto interpretatur: Quando me arguent vt destructorem legis tu mihi testis eris qui missus es à me ad ea offerenda quæ in lege præcipiuntur. Et hæc est ratio vna ob quam iste, & alij decem leprosi à Christo ad sacerdotes missi leguntur. Per lepram mysticè intelligenda est erronea doctrina, quemadmodum enim leprosus pustulas varias subinde locum suum mutantem habet & vnā corporis partem sanā, alterā corruptā, eamq̃ varij coloris, ita erronea doctrina multa bona, & vera, falsis permixta habet. Sed quærat quispiam cur missi sint soli Leprosi ad sacerdotes vt se illis ostenderent, & nulli alij à Christo sanati sint? Respōdeo quia sacerdotum nouæ legis est de doctrina utrū catholica sit an hæretica iudicare, & Deuse eorum ministerio veram doctrinam tradidit iuxta illud: Si difficile & ambigum iudicium

Deut. 17.

esse apud te perspexeris inter sanguinem, & sanguinem causam & causam, lepram & non lepram, & iudicium intra portas verba variari, surge, & ascende ad locum quē elegerit Dominus Deus tuus, veniesq; ad sacerdotes Leuitici generis &c. Sacerdotum etiam ministerio sacrificia offeruntur.

LUC. 7.

Cum autem introisset Capharnaū, accessit ad eū centurio non in propria persona, sed missis Iudæorum senioribus vt ex Luca patet, qui sic ait, Et quum audisset de Iesu misit ad eum seniores Iudæorum rogans eum, vt veniret & sanaret seruum eius. Centurio iste, vir gentilis erat, à Romanis in Iudæa constitutus, militum præfectus, qui postea ad cultum vnius veri Dei videtur fuisse conuersus: rogauit enim pro sanitate serui sui, qui acerbè vsque ad mortem cruciabatur, vsq; adeò vt moriturū eū non dubitaret, nisi Deus subueniret: quod etiā cōfirmat ibidē Theophyl. Nō attulit (ait) puerū ad Iesum in lecto, credens quod & absente curare posset. Ait illi Iesus, qui ab eo missus fuerat. Theophyl. putat ipsum prius alios misisse, deinde periculo crescente, vltimò per se accessisse, ac dixisse, Domine, puer meus iacet in domo paraliticus, & male torquetur. Ait ergo illi Dominus: Ego ueniam, operatione scilicet diuinitatis, & accessu corporali versus domū eius veniā, & curo eum Non hoc dicit iactanter Christus, sed vt Centurionis fides illuceat: promptissimèq; se offert ad eā declarandā, & quodāmodo illi præmium reddit. Non rogauit eum Centurio, vt ad ædes suas veniret, sed amici ab eo missi sine mandato illud petiuerunt. Et respondens centurio per alios scilicet, secundo missos: Domine non sum dignus ut intres sub tectum meum. Propter quod ait Lucas, & me ipsum non sum dignum arbitratus, vt venirem ad te. Item debet hic modus loquēdi quo quis aliquid facere dicitur quando per amicos vel seruos facit, quen-

ibidem.

quenquam, frequens enim est: Deinde ponit Matthæus Centurionem tanquam corporaliter Christum accessisse, quia secundum fidem magis ad Christum accessit, & cum eo colloquutus est, quam qui ipsius iussu, vel rogatu corporaliter accesserunt: siquidem hi non tantam de Christo fidem habuerunt quantam ipse. Sic ferè Aug. de consensu Euangelist.

sed tantum dic uerbo.

lib. 2. c. 50.

Impera, non enim opus est tuo corporali accessu, sed virtute imperij tui, & sanabitur puer meus, seruus meus Nam & ego homo sum sub potestate constitutus, vilis & Cæsari adhuc subiectus licet aliquot milites mihi subiectos habeam, & tibi dic: obuiua, & uadit, quanto magis tu me longè superior es, nec ullius subiectus imperio, angelis tuis mandare potes, ut eum per virtutem tuam à sua paralyfi sanent, & dæmonibus, ut ab eo discedant, imperent, vel etià morbo imperare potes qui quodammodo tibi famulatur, etenim quod quis infirmatur fit ex Dei imperio & nutu: unde Theophylactus, Corporales (inquit) morbi milites sunt, & ultores Dei ut patet de peste &c. Audiens autem Iesus miratus est, id est habuit se modo admirantis: impropriè enim admirari dicitur, admiratio namque aliquam præsupponit ignorantiam, quæ in Christo esse non potuit. Admiratus autem dicitur Centurionis fidem quia illam hominibus proponebat admirandam, Admiratio propriè dicta hinc oritur, quod aliquis effectum videt, & eius causam ignorat, aut quando causa facultatem virium nostrarum, vel cognitionem nostram excedit: quod Christo contingere non potuit, ipse enim omnia etiam secundum humanam naturam sciebat, quia ipsemet tantæ fidei in Centurione causa erat: secundum quid tamen in quantum videlicet admiratus, dici potest secundum experimèntalem scientiam, noua & insolita fuit ei fides eius, qualem nunquam verbis

in hunc locum.

Quest. 15.
art. 8.
Lib. 1. ca. 8

corporalibus expertus fuit vel audiuit. Vide Thomam 3. parte & Augustinum de Genesi contra Manichæos. Et sequentibus se dixit: Amen dico vobis, non inueni tantam fidem in Israel. Non sum expertus in vulgo, & communi Iudæorum populo, tantam fidem quantam in isto gentili Centurione experior. Nomine Israel non comprehendit patriarchas, & Prophetas, quales fuerunt Abraham, Isaac, Iacob, Esaias, nec B. Virginem, & Ioannem Baptistā, sed loquitur duntaxat de presenti populo ac vulgo Iudæorum. Magna est autem hæc populi Israëliti incrépation, quoniam multò plura per quæ meritò ad fidem prouocari deberet isto Centurione, accepit beneficia. Mysticè in isto Centurione fides Gentilium fidei Iudæorum præualitura præsignatur, vnde saluator subiungit: dico autem vobis quod multi ab oriente & occidente. Vobis turbis sequentibus me prædico, quod multi ex toto orbe vbi nunc habitant tantum gentiles infideles, uenient & recumbent, scilicet perfruētes visione diuinitatis, cū Abraham, Isaac, & Iacob in regno cælorum, hoc est, cum patribus Iudæorum, qui singulariter in fide excelluerunt, propterea quod istorum fidem imitati sunt, veluti etiam Centurio iste: qui tamen de stirpe eorum secundum carnem non fuit. Erat hæc Prophetia Iudæis tanquam paradoxon, & reuera admirabile altissimi consilium fuit quod gentilibus tantam gratiam impenderit. Non dixit saluator quod multi gentiles cum Abraham, Isaac, & Iacob sint accubituri, ne Iudæos ipsos de magna fide gentiles laudando exasperaret, sed rem adumbrando, & per periphrasim illud ipsum dixit. Sub duabus autem orbis partibus tanquam principalibus, totius orbis intelligitur. Quod etiam multos venturos dicit, & cum Abraham recubituros, citra comparisonem ad reprobos dicit, nam alioquin eorū

com-

comparatione nō multi, sed admodum pauci sunt. *Filij autem regni eijcientur in tenebras exteriores*, Iudæi ipsi in quibus regnabat Deus & quibus regnū cœlorum præ gentibus specialiter erat præparatum, atque promissum (Israel enim filius primogenitus appellatur) à societate sanctorum patrum ex quibus secundum carnem nati sunt, propter infidelitatem suam ad extremas & novissimas inferni tenebras condemnabuntur. ponitur enim (exteriores) pro (extremas) quemadmodum hic. At horum maior charitas, id est, maxima. Istam prophetiam nunc compleri conspiciamus, quando multa Iudæorum milia ad infernum descendere videmus, & multa gentium milia per Dei misericordiam ad regnum cœlorum possidendum assumi. Per tenebras istas exteriores, corporales tenebræ inferni intelligendę sunt: quæ extremæ, siue maximæ dicuntur, quia à lumine remotissimè distant.

Queritur vtrum nihil ibi sit luminis? Respondeo, nihil lætificantis, sed plurimū cōtristantis, quo propriā suā miseriam, etiam corporalem damnati interpretatur, ait Basilus quod ignis qualitates hic coniūctas, illic sit Deus separaturus, vt beatos quidem illustret ac lætificet: damnatos verò adurat atque contristet. *Erit ibi fletus*. Communis sententia habet quod ibi nulla sit lachrymarum resolutio futura, sed tantum capitis, & oculorum perturbatio, sed hoc incertum est. *Et stridor dentium* ex indignatione scilicet, & nimio frigore. Lucas etiā stridoris dentium & fletus meminit, verum hic Euangelista solus meminit tenebrarum exteriorū, quarum nō meminit Lucas, qui tamen omnibus membris puniri damnatos iudicat.

Et dixit Iesus Cēturioni: uade, & sicut credidisti fiat tibi. Hoc est, Vobis dico, quod secundum fidem Cēturionis huius, fiet ei, non enim personam eius alloquitur

Exod. 4.

2. cor. 13.

In Psal. 28

et in 10. ca.

Esaie.

Luc. 13.

IN MATTHAEI

quitur, sed alios ab eo missos, vt supra dictum est.
cap. sequēti *Et sanatus est puer in illa hora.* Hinc patet plurimū alienam fidem prodesse: quod latius infra circa curationem Paralytici dicitur.

Et cū uenisset iesus in domū Petri. Addit Marcus, & Andreæ: quia uidelicet quondam ibi habitauerunt. vel eandem domum habuerunt contigitq; istud in Capharnaum. In Scriptura sacra de solo Petro inter Apostolos legitur quod coniugatus fuerit. *Et dimisit eam febris, & surrexit, & ministrabat ei.* Hinc elucet miraculi magnitudo, & excellentia prout infra de paralytico similiter elucebit quem saluator iussit lectum suum tollere, & in domum suam abire ad irrefragabilem miraculi euidentiam: videmus enim communiter febre recedente magnam remanere corporis debilitatem, at in opere & miraculo Christi, non tantum febris repellitur, verum etiam perfecta sanitas citra debilitatem recipitur.

Vides autem iesus turbas multas circum se non eodē tempore quo miraculo suo socrum Petri sanauit, vt patet ex Luca & alijs Euangelistis, nam post hoc miraculum in desertum abiit. *Iussit ire trans fretum discipulos,* vt ipse à turba declinaret.

Et accedens unus scriba, ait illi: magister, sequar te quocūque ieris. Et dicit ei iesus: *vulpes foueas habent, & volucres cœli nidos, filius autem hominis nō habet ubi caput suum reclinat,* id est, filius hominis in hoc mūdo nihil proprij habet, sed vsqueadeo pauper est, vt nec tectum nec diuerforiū quod diuertere possit habeat, tu igitur quod me propter huius seculi lucra & eommoda sequi vis? Notantur hic omnes qui propter terrena religionem ingrediuntur, vel sacerdotiū suscipiunt, vel Catholicis adhærent, aut etiā Christiani fiunt.

Quod ait, *volucres cœli,* occultè significat scribam

bam hunc altitudinem sæculi quæsiſſe, in qua ſunt volucres volantes : Vulpium nomine cultè indicat eum falſum promiſiſſe obſequium, fraudulentiam in hoc imitando vulpinam : Reclinatione autem capitis humilitatem ſuam ſignificauit, quæ in illo ſimulatore ac ſuperbo non habebat locum ſic Auguſtinus in Quæſtionibus ſuper Mattheum. *Queſt. 5.*

*A*lius autem de diſcipulis eius ait illi: Domine permitte me primum ire, & ſepelire patrem meum iam defunctum vel, permitte me patrem meum ſenem ſuſtentare, donec eum ſepeliam. Hominem ſepelire eſt infimum opus miſericordiæ, quod homini non ſentienti exhibetur, vt miſeria eius tegatur: quod ſi illud homini Chriſtiano impendatur, magis erit pium quam ſi homini infideli exhibeatur, ſiquidem hic ad mortem reſurrecturus eſt, ille verò ad gloriam: ſepultura etiam Chriſtiani hominis eſt quædam fidei reſurrectionis noſtræ proteſtatio, & quod à Deo, teſte Prudentio in hymno exequiarum, ex puluere facti ſumus. Quia igitur Euangelium annunciare longè præſtantius opus eſt, ſaluator iſtum ad patrem ſepeliendum ire noluit, ſed ad euangelium prædicandum ſicut ex Luca patet vbi dicit ei Dominus: Tu vade & annuncia regnum Dei. *Ieſus autem ait illi ſequere me, & di-*
mitte mortuos permitte eos qui in anima & in corpore mortui ſunt ſepulturam impendere infidelibus, & impijs, tu verò ſequere me, qui filius hominis ſum .i. miſer, & creature peccatrici ſimilis, quia filius Adæ. Chriſtus filium hominis ſe vocat ad oſtendendam ſuam humilitatem, ſeu humanitatem, aſſumptam. Vnde Ezechiel ſe miſerum & mortale ſignificare volens, filium hominis ſe appellauit. *Lnc. 4.*

Et aſcendēte eo in nauiculā ſequuti ſunt eū diſcipuli eius, & ecce motus magnus factus eſt in mari ita ut nauicula operiret ur fluctibus. Iterum Chriſtus hic ſuā diuinitatem oſtendit

sunt, vel discipuli sunt, vel alij qui in eadē naui cū discipulis erant, vel in alijs nauibus quæ cum illo ibant, vt ait Marcus: Obseruandum est diligenter Euangelistas non discordare quauquam in quibusdam concordare non videantur, sed exponendi sunt, & ad vnitatem reducendi, eundem namque sensum ponunt, tametsi verbis discrepent: quod Chrysostomus circa hunc locum diligenter annotauit.

marc. 4.

Et cum uenisset trans fretum in regionem Gerasenorum. Alij legunt (gergesæorum) de quibus in Genesi habemus: Atque ita Hieronymus legit in libro de locis Hebraicis, dicitq; (Gergesa) locum esse vbi porci de quibus paulò post habemus, erant à dæmonibus iuxta stagnum tyberiadis præcipitati, Gardara autem, alia vrbs est licet in alijs Euangelistis legatur (Gardarenorum) Gerasa verò vrbs est Arabiæ teste Hieronymo. Facilis autem est nominum in talibus transmutatio, & diuersis locis eadē nomina conuenire possunt, imo eadem regio interdū tribus diuersis nominibus à tribus diuersis locis appellatur.

Genes. 15

ibidem.

occurrerunt ei duo habentes dæmonia. Duo dæmoniaci. Alij Euangelistæ vnum tantummodo ponunt ex familia, vel sæuitia, vel aliquo alio modo notiozem. De monumentis exeuntes. Cupit dæmon opinionem illam confirmare qua putatur, quod spiritus, seu animæ defunctorum in dæmones vertuntur: vnde dicuntur Magi aliquando occidere pueros, vt eorum animas habeant sibi cooperantes, quibus vaser dæmon persuadet se esse huius vel illius pueri animam in dæmonem versam, dicitq; se cogi ad illis perpetuo famulandum, sed in veritate non anima pueri, sed dæmon cooperatur. Quid nobis & tibi, quid tibi nobiscum est negotij, vel (Hebraica phrasi) quid nobis tecum. Iesu fili dei Legitur istud

IN MATTHAEI

istud affirmatiuè, & sine interrogatione. Iudai magis ex suspitione, quam ex scientia hoc dixerunt, vt saluatorem ad inanem gloriam tētarent, alioqui enim si eum verè cognouissent nunquam crucifixissent. Innotuit autem eis Christus quantū voluit, & tantū voluit quantum oportuit, vt ait Augustinus. *venisti huc ante tempus torquere nos.* Opinabātur quidem hoc futurum, quod videlicet condēnarentur, sed non tam subito, vel prodicionem suā intelligunt, qua cogniti quam primum spernerētur, de cuius acceleratione conquerunt, opinantes non debere fieri ante tempus iudicii, quo æterna sunt dānatione puniendi, sic Augustinus. Hieronymus vero dicit quod dæmones cernentes Dominum versari in terris cum ad se iudicandos venisse existimārent: vnde apparet diabolus nondum in tanto esse suplicio in quanto erit post iudiciū: cōsulatur Augustin. lib. de ciuit. Dei, & de nupt. & concup. Vel ideo etiam dici possunt torqueri, quoniā tanta est eorum inuidia vt multum affligantur, si à læsione hominum præpediuntur: quam subinde Deus fieri permittit, vt discamus quanto nos odio prosequantur dæmones. quorum pars maxima in nostro aere inferiore versatur *Erat autem non longe ab illis grex multorum porcorum pascens, dæmones autem rogabant eum dicentes: si eijs nos mitte nos in gregem porcorum.* Quasi dicant, Rogamus te vt non ex istis hominibus nos eijs, veruntamen hoc si non obtemus saltem hoc impetremus, vt non impideas nos quominus gregem porcorum ingrediamur. Nō autem dicunt, mitte nos in gregem ouium, vel aliorum animalium, quia sciebāt hoc se nō obtētuos quod oues, boues & eiusmodi munda sunt, quæ in sacrificium Deo offerri possunt: de porcis autem quia, naturaliter animalia immūda sunt, etiā ipsa significatione, & quia forte aliqui Iudæorum legem Dei trans-

lib. 4. de ciuit. Dei c. 21

lib. 8. de ciuit. Dei cap. 23.

in cōment. Lib. 14. de ciuit. cap. 3. de nupt. & concu. lib. 1. cap. 23.

transgrediebantur carne suilla vefcentes, ſpem habuerunt. Et ait illis, ite non præcipiēdo, ſed permit-
tendo: quo ſignificare vult ſuper impuros, & im-
mundos homines porcinā vitam agentes dæmo-
nibus conſeſſam eſſe poteſtatem. At illi exeuntes ex
hominibus abierunt in portos qui erant duorū miliū
numero: Et ecce impetu abiit totus grex per præceps in
mare, quia ita ab ijs vexabatur. Paſtores autem fugerunt
& uenientes in ciuitatem nunciauerunt hæc omnia & de his
qui dæmonia habuerant. nuntiauerūt quod dæmoniaci
illi ſanati eſſent, & quod grex ille in mare ſe præcipi-
taſſet. Et ecce tota ciuitas exiit obuiam Ieſu, & uiſo eo roga-
bant ut tranſiret a finibus eorum. Poſt quam totus grex
in mare ruiſſet, & vidiffent quod dæmoniaci eſſent
curari rogauerunt Ieſum vt à finibus eorum diſce-
deret: quod (vt volunt) ex humilitate petiuerunt,
qua etiam Petrus dixit: Domine, diſcede à me,
quia peccator ſum. Verum alij probabilius dicunt
eos id rogaſſe maioris damni metu, ne fortè per al-
liud miraculum alia animalia, aut bona ſua perde-
rent, nam ſi ex humilitate id petiſſent, non dubiū
eſt quin Chriſtus omnem ab eis futuri damni me-
tum amouiſſet conſolatusque eos fuiſſet: nec eſt ex-
iſtimandum iſtud miraculum indecenter fuiſſe fa-
ctum quia cum magno illorum ciuium detrimento
factum eſt, etenim dānum cum tamē aliter dæmo-
niacos ſanare potuiſſet Chriſtus permiſit, quod ad
ſaluandos homines venerat, quos multipliciter
hoc damno inſtrui volebat inprimis vt intellige-
rēt quantum adhibeant dæmones hominibus no-
cendi ſtudio, & ſic nullam cum illis contraheret
familiaritatem. Ex hoc enim patet eorum homini-
bus nocendi ſtudio, nam quando eis in corpo-
re nocere non potuerunt, in bonis & ſubſtantijs
eorum pro poſſe ſuo nocuerunt. Secundo, vt di-
ſceret quod dæmones ne porcis quidē niſi ſingulari
Chri-

IN MATTHAEI

Christi permissione nocere possunt, quoniam ut hoc facerent Christum rogauerunt. Tercio ut intelligeret quod multo maiori nocumento duos illos dæmoniacos affecissent quam porcos, nisi diuina, prouidentia illos, protexisset: at Christus dænum duorum milium porcorum permittere maluit quam, vnius animæ detrimentum, & perditionem. Verisimile autem est quod plures dæmones portum vnū vexauerint, huius miraculi sensum mysticum habet Augustin. lib. 2. quæst. Euāge. cap. 13.

lib. 2. quæ.
euang. c. 13

IN CAPVT NONVM.

ET ascendens Iesus in nauiculam transfretauit à Gerasenis per mare Tyberiadis, nam ista in Galilæa contigerunt. Et uenit in ciuitatem suam scilicet Capharnaum. Suam autem vocat, quia initio prædicationis suæ relicta ciuitate Mazareth in Capharnaum habitauit, ibique signa plurima fecit, & multa docuit, ut dictum est supra. De hac ciuitate apud Marcum habemus. Et ecce offerebant ei paralyticum iacentem in lecto. Quatuor viri scilicet, qui quū præ turba eum Christo per ostium domus offerre non possent, tegulis depositis per tectum domus obtulerunt. Mysticè hoc modo intelligi potest quod anima bonis operationibus destituta Christum quærit, & per turbam impeditur, nec eū inuenire potest, nisi ipsa tecta aperiat, id est, scripturarū operta, per quæ descendendo ad Christum venit, id est, humilitatem eius amplectendo & fidei pietate ad incarnationem, & humanitatem eius descendendo. Paralyticus autē, ex eo aliquis dicitur, quod immobiles sunt vires animæ eius ad bonū, nec quicquam operantur, nisi eas Christus gratiā sancti spiritus bene operandi infundendo reparet.

In cap. 4.

Mat. c. 1.

Et uidens Iesus fidem illorum. Oculo interiori misericordix suæ, & exteriori, magnam fidem eorum intuens, quatuor videlicet baiulorum: quod de potentia sanandi paralyticum non dubitarent, nec de bonitate eius desperarent: denique quod nullo labore deterrerentur, sed mirum suam petitionem insinuandi modum excogitassent: quibus (inquam), omnibus delectatus saluator, Paralyticum curauit. Per quatuor istos baiulos boni doctores, & quatuor præsertim Euangelistæ intelliguntur.

Quod autem cum lecto portatur significatur quod ab homine existente in ista carne debeat Christus cognosci quemadmodum Augustin. mysticè exponit. Quod vero iubetur ire in domum significatur remissio peccatorum, & quod anima portet, id est, prorsus tollat carnis suæ affectiones, & vadat in domum, id est, in requiem secretorum cordis sui. *Dixit paralytico* ante se in lecto iacenti: *confide fili,* id est animare, & spera te obtenturum quod optas, & de gratia quam tibi præsto multum cogita, magno enim munere te dono. *Remittuntur tibi peccata tua.* Hinc discimus quantum valeat fides aliena: nam eius intuitu remittit peccata. Aliorum igitur orationes sæpe petere non negligamus quæ non solum ad temporalia bona (quemadmodum male asserit Philippus Melancthon dicens quod alias inanis esset passio Christi) consequenda, sed ad æterna obtinenda plurimum profunt. Nulla hic fit mentio fidei paralytici, habuit tamen verisimiliter magnam fidem, alioquin non voluisset, nec permisisset se tractari, si de potentia diuina, & bona Christi erga se voluntate dubitasset. Peccata autem fuerunt causa infirmitatis eius, ideoque benedicit saluator, *Cōfide,* id est, non dubita te sanandum: si enim causam id est, peccata tua auferre possum, & talis causæ effectus auferre, id est, morbos inde proueniētes pote-

*Li. 1. quest.
Euangel.
cap. 4^o*

IN MATTHAEI

Deut. 28.

1. Cor. 11.

10. am. 11.

Can. 22.

10. am. 5.

10. am. 5.

Matth. 15.

ro. Hinc colligimus peccata nostra sæpe morborū causas esse quod etiam Paulus contestatur dicens, Qui enim manducat, & bibit indignè, iudicium sibi manducat, & bibit, non dijudicans corpus Domini. Ideo inter vos multi infirmi, & imbecilles, & dormiunt multi, id est mortui sunt: quæ admodū dormire etiam in verbis Christi sumitur Lazarus amicus noster dormit & verbis Pauli: Nolumus vos ignorare de dormientibus, id est, de defunctis: ideoq; prudentissimè in concil. Lateranensi 3. statutum est, vt priusquā ad infirmū corporalis medicus admittatur, medicus animæ sacerdos vocetur, sic enim canon habet: Quū infirmitas corporalis nonnunquā ex peccato proueniat dicēte Domino languido quem sanauerat: Vade, & amplius noli peccare (seu vt vulgata æditio habet, ecce sanus factus es, iam noli peccare, ne deterius aliquid tibi contingat) decreto præsentī statuimus, & districtè præcipimus medicis corporum, vt cum eos ad infirmos vocari contigerit ipsos ante omnia moneant, & inducant, vt medicos aduocent animarum, vt postquam infirmis fuerit de spiritali salute prouisum, ad corporalis medicinæ remedium salubrius procedatur, cum causā cessante cesset effectus. Sed quærat quispiam quomodo Christus homini tantum corporalem sanitatem quærenti peccata remittit, & vt apparet ad remissionē peccatorū indisposito? Respond. Eorū qui à Deo corporale sanitatē petiuēre, multi fuerūt ita diuinitūs illustrati, vt corporale sanationē spiritalis sanationis figurā esse intelligerēt, & sic hāc simul peterēt: sicut patet de Hemoroissa, & decimo leproso ad Christū vt gratias āgeret reuerso, & de paralytico, iuxta probaticā piscinā Ierosolymis iacēte, rursum de muliere Chananæa igitur mirū videri nō debet si hic paralyticus etiā spiritalē animæ suæ sanitatē petiuerit.

petiuerit. Istos cuncti Christiani imitari debent, vt quodcumq; temporale aliquod eis accidit, desiderio etiam spiritale prosequantur: & quando temporale petunt spiritale semper præferat, Deus enim per tēporalia ad cōlestia nos reducere cupit: quod patet per Patriarchas, & Prophetas Noë, & Abrahā qui per terrena ad diuina prouocati fuerunt: Atque hæc est vtilissima Christianorum exercitatio, vt per bona terrena prouocentur ad cōlestia, & per aduersa, æterna euitare conentur supplicia.

Et ecce quidam de scribis dixerunt intra se, hac videlicet sententia Christi audita (remittuntur tibi peccata tua.) Sub Scribis etiam Pharisei comprehendendi sunt, teste Luca, qui in magno numero con-

uenerant ex omni castello Galileæ, Iudææ, & Ierusalem, quos Dominus singulariter per istud miraculum in anima sanare cupiebat: virtus enim

(vt ait Lucas) erat ad sanandum eos. Isti autem Scribæ & Pharisei occultè in corde suo dixerunt.

Hic blasphematur attribuens sibi potestatem diuinam cum Deus non sit, sed homo tantum: Nullus autem remittere peccata potest nisi solus Deus.

Marcus clarè ipsorum Scribarum & Phariseorum malas exprimit cogitationes. Hic virtute, mortis sententiam, & damnationis, contra Christum proferebant, iuxta id quod scriptum est in lege Domini. Omnis blasphemans lapidabitur. Pul-

chrè Theophylactus istud explanat in Lucam scribens. De concordia huius Euangelistæ cum alijs tractat Augustinus lib. 2. cap. 15. de consensu euangelistarum, Mysticum verò sensum miraculi præcedentis ponit 2. quæstionum euangelicarum.

Et cum uidisset Iesus cogitationes eorum diuina sua virtute, dixit eis, ut quid cogitatis mala in cordibus uestris?

Quare vos Scribæ & Pharisei me blasphemare Deū iudicatis, quasi ego Deus nō essem? hæc intelligite,

IN MATTHAEI

quod eadem potentia qua occultas vestras cogitationes cognosco possum remittere peccata: sicuti enim solius Dei est remittere peccata ita & solius Dei est scrutari corda. *Quid est facilius dicere*, id est, imperare, ita ut imperium sortiatur effectum. quasi dicat: Istud aliud est meae diuinitatis argumentum, quod profero vobis, quo probo me peccata remittere posse: non est facilius remittere peccata quam *dicere surge & ambula*. Quod huic paralytico qui ante nos prostratus est impero. Per hoc nihil aliud Christus significare vult quam quod vtrumque istud soli homini impossibile sit, vtrumque autem Deo æquè facile licet alterum sit maius. Vel sensus esse potest: dicere ista cuilibet facillimum est, ut autem intelligatis quod non tantum dixerim, remittuntur tibi peccata tua, quomodo & blasphemi dicere possunt, sed quod in veritate remiserm, aliud quod æquè est homini inuisibile non tantum verbis dicam, verumetiam modo opere præstabo. *ut autem sciatis quia filius hominis habet potestatem in terra dimittendi peccata*. Hoc est. Quatumvis videar vilis, & cæterorum hominum more vobiscum in terra conuerser, tamen potestatem dimittendi peccata habeo tanquam Deus, quæ nullis concessa est hominibus: Atque hoc sensu (in terra) iungitur (filio hominis) si autem iungatur cum hominibus existentibus in terra quemadmodum Marcus huic lectioni patrocinarì videtur, tunc sensus iste erit: *Ut sciatis filium hominis habere potestatem dimittendi hominibus in terra existentibus peccata* siquidem non dimittit peccata mortalia hominibus nisi in terra existentibus, ut doctè annotat Theophylactus: *Quamdiu (inquit) super terram sumus, poterimus delere peccata nostra: at postquam è terrâ migrauerimus non ultra nobisipfis poterimus per confessionem peccata delere, clausa enim est*
ianua.

ianua. Tunc ait paralytico: surge, tolle lectum tuum & uade in domum tuam. Non amplius languentibus membris, sed optimè solidatis, portans coram omnibus lectum tuum. Istud miraculum satis ostendit Christi diuinitatem, nam sanauit paralyticum solo verbo, & propria autoritate, nihil remedij externi adhibendo, non sicuti Apostoli, & Prophetæ orando: quod fecit, ut Deus esse cognosceretur. Non est autem verisimile quod Deus illi assisteret, qui ad blasphemandum faceret, ergo reuera tanquam Deus autoritate propria paralyticum sanauit.

vide ites autem turbæ timuerunt. Timore nimirum reuerentiæ eum propter tantam misericordiam, qua dignatus est filium proprium mittere, laudantes, & glorificauerunt Deum qui dedit talem potestatem hominibus peccata videlicet remittendi, & infirmos sanandi. Hanc autem hominibus dedit dum Christum ad homines misit ut illam in hominum utilitatem exerceret.

Et cum transiret inde Iesus ab illa domo scilicet in qua paralyticum sanauit uidit spiritalibus misericordiae suae oculis hominem sedentem in Telonio ad uectigalia recipiendum Matthæum nomine: De seipso in tertia persona loquitur, & ait illi, sequere me, gressu corporali, & imitatione spiritali, tanquam vnus ex discipulis meis mihi perpetuo adhærentibus. Et surgens sequutus est eum Corporali gressu. Matthæus duobus appellatur nominibus nam ab alijs Euangelistis Leui vocatur, Alphæi filius: quorum illud Matthæus scilicet erat communis, hoc rarius. Lucas, & Marcus propter verecundiam ipsius quando malæ vitæ ipsius meminerunt eum Leui appellauerunt: propter honorem verò ipsius quādo apostolatus eius meminerunt, Matthæum vocauerunt. Ipse verò tanquam iustus primò sui accusator dū Te-

IN MATTHAEI

lonij meminit, Matthæum se vocat, & quando se inter Apostolos recenset Matthæum publicanum nuncupat: vt hac ratione librum suum legentibus ostēdat quāta gratia à Domino sit præuētus quādo ex publicano est Apostolus factus. Deinde vt cordibus hominum imprimat, nullum peccatorē debere de salute desperare, modo ad meliora non recusauerit se conuertere.

Et factum est discumbente eo in domo Matthæi scilicet, Extruxerat enim Matthæus de legitimis suis bonis Domino & discipulis conuiuium, nam iustē quādam bona possidebat: vnde iusta conuiuia facere poterat, quemadmodum Zachæum fecisse legimus. *Ecce multi publicani & peccatores uenientes discumbebant cum iesu & discipulis eius.* Publici peccatores veniebant quia Publicanum Matthæū ad meliora conuersum, & pœnitentiæ locum inuenisse conspiciebant, ideoq; etiam ipsi de sua salute minimē desperabant. Erātq; isti verē Iudæi, non autē vt delirat Tertullianus gentiles.

Lib. de publicis

*Beata 146. 9
Barnab.*

Ex hoc loco refutatur dogma Nouati qui relapsis pœnitentiæ locū negabat, de quo Hieronymus in tractatu de filio prodigo, & frugi, qui incipit, *Beatitudinis tuæ &c.* Sed quærat quispiam quare Christus erat in conuiuiio peccatorum? Respondeo non ciborum causa sed impendendæ doctrinæ gratia, pro corporali namque cibo, conuiuus spiritalem præbuit. Si autē mysticē illud intelligatur, tūc Matthæus Christo, & discipulis eius, & peccatoribus conuiuium parare dicitur, quando Euangelio eius in Ecclesia lecto, & prædicato iusti consolantur, & iniusti ad pœnitentiam conuertantur. Sed rursus quæritur si omnia reliquit quomodō Christo conuiuium præparauit: Respondeo eum statim sequutū esse saluatorem, & se oīa velle relinquere professum esse, veruntamē Dominū rogauit

vt prius semel ei esse conuiuia dignaretur sicuti fecit Eliseus qui antequam Eliam vocantem sequeretur, socijs suis duos boues coxit. *Et uidentes Pharisæi eum uidelicet cum peccatoribus discubere existimantes hoc grande peccatum esse (hominem enim ex contactu & cum peccatoribus conuersatione immunditiam contrahere putabant.) Dicebāt discipulis eius tentantes eos tanquam infirmos murmure contra Dominum eorum facto, & non ita sicut Saluator respondere potentes. Pari modo infirmo-rem sexū Euam serpens tentauit. Quare cū publicanis & peccatoribus manducat magister uester? quasi dicant, in hoc malè facit magister uester, & vos similiter eū imitantes. Idē Scribæ illis exprobrârūt, per quod eos à Salvatore auertere volebant.*

At Iesus audiens, murmur eorum, ait, non est opus ualentibus medicus, sed male habentibus. Id est, sani nō indigent medico, sed infirmi: ego autem in hunc mūdum ueni tanquam uerus medicus, vt humanæ naturæ per peccata grauius tam in corpore, quàm in anima vulneratæ mederer, quare mea conuersatione, doctrina, auxilio, atq; medela non indigēt illi qui sunt sani, sed ij tantum qui peccatorū vulneribus sunt sauciati, quales sunt isti peccatores, & publicani. Cum ergo mei officij sit eiusmodi vulnerum generibus mederi, certè scandalizari non debetis si me cum eis videatis conuersari: quin & ipsi sauciati meritò ad medicum currere debent sanandi. Hinc discimus omnes omnino homines tā paruulos, quam adultos malè habere, sauciatos, & corruptos esse, nec aliquē dicere posse se verò Christo animarum medico non egere. Quidā (vt Christostomus, & Theophylact.) ironicè hoc modo interpretantur, Qui putant se bene valere, putant se medico nō egere, vos autē, Pharisei tales estis, vos iustos esse creditis, ideoq; medicum non queritis:

*in hunc
locum.*

IN MATTHAEI

at illi qui sciunt se malè valere, intelligunt medici cura sibi opus esse. *antes autem discite quid sit: misericordiam volo, & non sacrificium.* Discedite hinc, & discite, quid sibi velit Propheta dicendo: Misericordiam volo, & non sacrificium. Si enim hoc intelligeretis, mihi nequaquam obmurmuraretis, quod cum peccatoribus, vt misericordiam eis impendam, eosque à peccatis retraham, & ad bonum cōuertam, conuerfer. Discite igitur prius quid Propheta velit & tū demum facta mea discutite.

Discite, inquam, non sola scientia quæ inflat, & peiores efficit, sed opere, obedientia, & legis dilectione. De hac scientia habet Augustinus contra Pelagium, de gratia Christi. Item de prædestinatione sanctorum. Vult ergo Propheta dicere Deum magis cupere hominem erga proximum esse misericordem, & cor alienæ miserix compatiens quam munera externa, vt oues, boues &c. quæ offeruntur. Aduertendū hic est, quod Hebræi vnū alteri præferre volentes per negationem loquuntur, vt pro eo quod nos dicimus. Misericordiā malo quā sacrificium, dicunt, Misericordiam volo & nō sacrificium: Vnde patet hic Hebraicā esse Phrasim. Quod enim sacrificium non prohibeatur, clarum est ex Michæa propheta, Indicabo (inquit) tibi ô homo, quid sit bonum, & quid Dominus requirat à te, vtique facere iudicium, & diligere misericordiam, & sollicitum ambulare cum Deo tuo. Vnde Ambrosius lib. 1. de poenitentia verba prophetæ exponens: Quia misericordiam malo, quam sacrificium.

Quæritur an ne sit nobilioris virtutis actus colere Deum, seu sacrificium offerre, quam proximo misericordiam impendere? Respondeo, quum illud sit vnum de mandatis primæ tabulæ, hoc vero secundæ, non dubium est sacrificium misericordiam

Lib. 1. c. 13.

et sequent.

Lib. 1. c. 8.

Mich. 6.

Cap. 2.

dia præstantius esse, sed loquitur hic Dominus de vero sacrificio externo, non de vero Dei cultu interiori, contra Phariseos, & similes qui neglectis præceptis diuinis de proximo iuuando externis suis sacrificijs & cæremonijs Dominum placare putabant: *Non enim ueni uocare iustos, sed peccatores* Ideo, dixi, non esse opus valentibus medico: ego autem verus medicus in mundum ueni, vt ad pœnitentiã, & salutem peccatores vocarem non iustos, quum nulli sint: si autem essent, medico nequaquam egerent. Porro vnica est aduentus mei causa nimirum, vt peccatores qui varijs peccatorum languoribus sauciati, medici opera opus habent sanem: & ad hoc ultro, & gratis, nullis bonis meritis prouocatus per exteriorem & interiorem doctrinam, voluntatisque immutationem vocare ueni eos ad sanitatem, & regni cœlestis hæreditatem. In hoc gratuita nostra electio includitur quum nulla nostra præcesserint merita quibus Deus prouocatus fuit: vnde Paulus se Apostolum vocatum esse dixit.

Sed quærat quispiam anne vocauerit, & inuenit virginem Mariam iustam, & Abraham &c. Respõdeo ipse adueniens in hunc mundum nullos dicitur inuenisse iustos, quia quoscunq; inuenit gratia vocationis suæ iustos fecit, & aduentus sui misericordia illos præuenit, si quidem agnus occisus est ab origine mundi, quandocunq; enim vo-
A pœc. 13.
cavit & iustificauit aliquos, hoc fecit quia pro illis moriturum se præsciuit: etenim pro omnibus venit, & pro omnibus mortuus est. Alia huius loci interpretatio quæ à quibusdam datur est. Non ueni vocare iustos, hoc est, eos qui se iustos arbitrantur sed eos, qui se medico egere putant, vel qui de salute sua nihil omnino cogitant. Tam autem gratia incarnationis eius exuberans est vt etiam ad
pœc-

IN MATTHAEI

pœnitentiam vocet se egere gratia Dei non putantes, ex omni enim genere peccatorum multos vocat. Quod verò dicitur non venire ad vocandum eos, qui se iustos arbitrantur, verum quidem est, quamdiu tales permanent: verumtamen venite eos vocare ad peccatorum agnitionem. Sed prior interpretatio quæ generaliter de omnibus intelligit, Domini maiestatem magis cōmendat.

Tunc acceſſerunt ad eum Diſcipuli Ioannis & cum eis aliquot alij dicentes interrogantes: Quare nos & Pharifei ieiunamus frequenter, diſcipuli autem tui non ieiunant? Quos tamen tu doces, & in quo malè agere videntur, non imitantes Pharifeos noſtri temporis religioſos, & magiſtrum noſtrum Ioannem Baptiſtam. Et ait illis Ieſus. Nunquid filij ſponſi poſſunt lugere quamdiu cum illis eſt ſponſus. Hoc eſt, quamdiu ego in hoc mundo cum Diſcipulis verſor maximam Eccleſiæ meæ quam tanquam ſponſus in ſponſam meam accipio, celebri nuptiarum ſolennitatem: ad hoc enim, quemadmodum Magiſter veſter vobis dixit, hunc in mundum veni: Apoſtoli autem mei harum nuptiarum ſpirituales filij, & præcipui ſunt, quos perpetuo ſponſo aſſeſſe decet: Nullus ergo luſus, nulla decet eos aſperitas, ne aliqua triſtitia, nuptiarum obnubiletur ſolennitas & lætitia. Ab initio incarnationis Domini vſque ad Penthecoſtem fuit iſta cum Chriſto nuptiarum ſolennitas tunc enim ſponſam ſuam Eccleſiam duxit. venient autem dies quum auferetur ab ijs ſponſus. Id eſt, poſt aſcenſionem meam in cœlum, vel in paſſione mea cum ab eis corporaliter auferar. et tunc ieiunabunt. Ex quo intelligere poteſtis, quod non propter ieiunij improbationem, vel intemperatiam diſcipuli mei non ieiunant.

Ieiun-

Ieiunamus nos ex præcepto primitiæ Ecclesiæ ante passionem Domini vt repræsentemus luctū dominicæ passionis, non autem post, quia resurrectionis lætitiā, & spiritus sancti missionē figuramus. Vnde patet quod ieiuniū scripturæ, siue Ecclesiæ non solum in cibi, & potus sobrietate consistat (istud enim philosophicum & non Christianum ieiunium est) sed in luctu & corporis afflictione. Præterea dicit hîc Christus fore quod Discipuli sui aliquādo sint ieiunaturi. Loquitur etiam de illo ieiunio de quo discipuli Iohannis loquebantur, non autem de ieiunio, (vt volunt hæretici) propter cibi inopiam assumpto.

Nunc duas parabolas adducit quibus probat Discipulos non debere ieiunare præsentē sponso, quarum prior est: *Nemo immittit commissuram pannirudis in uestimentum uetus, offensus videlicet propter panni dissimilitudinem. Tollit enim plenitudinem eius a uestimento* abrumpit commissuram nouam à uestimento veteri, quemadmodum clarè habent Lucas, & Marcus.

Posterior verò parabola hæc est: *Neque mittunt homines uinum nouum* valdè fumosum, quale in Palæstina est, *in utres ueteres, alioquin rumpuntur utres*, efficacia scilicet, & commotione vini. Quibus parabolis docet Saluator hominibus carnalibus, iam recens conuesis, magnæque adhuc uetustate laborantibus, non esse imponenda ieiunij onera, ne per nimiam austeritatem benè inchoatam deferant conuersationem: nam Neophyti leuiter ad perfectiora, paulatim adducendi sunt.

Sed cur ergo Ioannes Discipulis suis adhuc carnalibus austeram imposuit ieiunia? Respond. Quia Christo eos præparabat, atq; ad eum qui mitia & suauia faceret omnia transmittere studebat.

Vnde

IN MATTHAEI

cap. 17.
cap. 18.

*in commēt.
lib. de heres.*

Vnde B. Augustinus locum hunc paulò aliter exponens lib. 2. de consen. Euange. & lib. 2. quæst. euangel. Duplex hîc distinguit ieiunium alterum luctus, quod præsentē sponso negat Christus Discipulis suis conuenire: alterum gaudij spiritualis mēte in spiritalia suspensa, atque alienata ob hoc quodammodo à corporalibus cibis. Ioannes itaq; qui pœnitentiæ erat prædicator, luctus & humiliatio- nis ieiunia conuenienter præscribebat. Hieronymus verò, Hilarius, & Epiphanius aliter locū hūc accipiunt, & per vestimenta vetera, ac veteres v- tres intelligunt, non Discipulos Christi, sed Scribas & Phariseos: vinum verò & pannum nouum, E- uangelica præcepta quæ quod eorum capaces non essent, tradere eis noluit. Nouos verò vtres qui Euangelium mistim capere possent, discipulos esse, ac noui testamenti filios. Sed videtur hæc senten- tia non ita conuenire, ac prior.

Hæc illo loquente adeos, ecce princeps unus accessit, hoc est, Synagogæ præfectus, quæ magna tunc tē- poris dignitas erat. A dorabat eum procidens in terrā: & sic externo gestu maiestatem eius agnouit dicēs interius, scilicet cogitationē, & voluntate, exterius verò voce: *filia mea vnica*, annorum iam ferè duo- decim in extremis est: vel augēdo calamitatem suā dixit *modo defuncta est*, hoc enim omnino existima- bat propter morbi vehementiam. *sed ueni impone mā- num tuam super eam, & uiuet*, tuæ virtutis efficacia ad vitā redibit. Magna fuit huius principis fides, mi- nor tamen fide Centurionis.

Et ecce mulier quæ sanguinis fluxum patiebatur duodecim annis, laborare enim cœperat quando filia Iziri na- scebatur: accessit retro & tetigit fimbriam uestimenti eius. Dicebat enim intra se: *si tetigero tantum uestimentum eius salua ero*. Non hoc ex superstitione sed magna ad- modum pietate fecit, non enim æstimauit fimbriā per se

per se alicuius esse virtutis, sed ex Christi reuerentia omnia eius etiam viliora magni existimauit, idq; sapienter: vnde magnū suæ prudentiæ à Christo saluatore recepit præmium. Discant hic Ichonoclastæ suam impietatem detestari, & huius mulieris pietatem imitantes, imagines & sanctorum reliquias, atq; sanctos ipsos in veneratione habere. Iudæorum mos erat fimbrias in vestimentis gestare, vt ex Deuteron. intelligitur: quorum morem Christus sequitur. Erant autem fimbriæ ipsis ad portandum traditæ, vt fidem suam à reliquorum fide distinctam profiterentur, & mandatorū Dei perpetuo haberent memoriam. Vnde Dominus per Moysem dicit. Loquere filiis Israël, & dices ad eos, vt faciant sibi fimbrias per angulos palliorum ponentes in eis vittas Hyacinthinas, quas cum viderint recordentur omnium mandatorum Domini, nec sequantur cogitationes suas & oculos per res varias fornicantes, sed magis memores præceptorum Domini faciant ea, sintq; sancti Domino suo. Ipsi autem Pharisei has fimbrias faciebant latissimas vt sanctiores viderentur, & magis mandatorum Dei recordari: quod latius cæteri Euangelistæ explicant. At Iesus conuersus ad turbam scilicet sequentem, & comprimentem, vt illam videret quæ fimbriam corporaliter, & spiritaliter fide tetigerat, vt etiam se scire ostenderet quid illa occultè fecerat, & quod sanata fuerat, quinetiā, vt ipsa deprehensa miraculum coram toto populo non sileret, vt sic Iairus magis Deo confideret, & vt ipsa fidei suæ multos pareret imitatores, nullaq; teneretur anxietate quod cum immunda esset, corporaliter eum tetigisset: multum enim metuebat ne saluator eam increpaturus esset. *videns eam dixit: confide filia*, quasi dicat, Tu per fidem tuam qua non modo corporalem, verum etiam spirita-

Deut. 22.

Num. 15.

lem

IN MATTHAEI

lem petijſti ſanitatē, per gratiam meam facta eſt
 filia mea, & in hac fide & ſpe tua progreſſum fac, &
 metuere noli, quia immunda contra legem (vt pu-
 tas) veſtimentum meum tetigiſti, in dō multū gau-
 de. *¶* *ides tua te ſaluam fecit* ego enim propter fidem
 tuam, qua inconcuſſe ſolo ſimbriæ meæ tactu in-
 curabilem morbum tuum ſanari credidiſti te ſalu-
 uauit: & quia tā humiliter te geſſiſti, vt verbis ne-
 ceſſitatem tuam exprimere non auderes, nec ante
 conſpectum meum venire, aut carnem meam tā-
 gere, ſed tantum ſimbriam veſtimenti mei con-
 tingere, tibi corporalem ſanitatē & ſpiritualem
 quam petijſti contuli. De muliere hac & ſtatua
 quam Cæſareæ Philippi Chriſto ædificauit, habes
 memorabilem hiſto. apud Euſebium, & in tripart.
 hiſtor.

Lib. 7. hiſt.
 eccle. ca. 14.
 lib. 6. c. 42.

Et cum ueniſſet ieſus in domum principis. Cæteri E-
 uangeliftæ tradunt nuncios prius veniſſe dicentes
 filia tua mortua eſt, noli magiſtrum vexare. *Et ui-
 diſſet tibicines lamentatores,* qui alios ad luctum ex-
 citabant de quibus Ieremias ait: *Comtemplamini,*
 & vocate lamentatrices, vt veniant &c. Vnde Ita-
 li & Hiſpani adhuc hodie (vt fertur) hos mores re-
 tinent. *Recedite* non amplius parentes ad luctum
 prouocantes. *Non eſt enim mortua puella.* Mihi ſcili-
 cet mortua non eſt, licet vobis hominibus verē
 mortua ſit, ſed dormit, mihi ſcilicet quoddam tam faci-
 le eam ad vitam reſuſcitare poſſum, quam vos ex-
 citare dormientes & deridebant eum, quod diceret
 eam dormire, quum eam mortuam eſſe ſcirent.
Et cum ieſta eſſet turba intrauit in cubiculum, vbi
 cadauer iacebat cum patre, matre, & tribus Apo-
 ſtolis Ioanne videlicet Petro, & Iacobo, & dixit,
puella, ſurge, Animam corpori reddidit.
 Huius hiſtoriæ myſticum ſenſum tradit Hierony-
 mus qui per puellam duodecim annorum, popu-
 lum

cap. 9. C
 23.

lum Iudaicum : Per mulierem verò fluxum patientem, gentilem populum intelligit. Quod autem prius mulier sanata fuerit, significatur quod populus Iudaicus ante gentilem, qui tunc quando populus Iudaicus natus est ægrotare cœpit, sanari cupiuerit, quemadmodum mulier illa morbo corripit cœpit quando Iairo nata est filia: saluator, autem primò ad populum Iudaicum venit, sed gentilis prius sanatur, & synagoga per puellam significata penitus per cœcitatē moritur. Tibicines verò sunt synagogæ ministri, carmen lugubre canētes, turba verò tumultuans est turba Iudæorum non credentiū, sed Saluatorem deridentium. Augustinus de verbis Domini, de morte puellæ aliū sensum mysticum tradit annotans tres tantum in scripturis à Christo resuscitados legi. Atque per hāc idem in domo excitatam, eum significari ait, qui mortale aliquod peccatum solo interno consensu perpetrārit. Per adolescentem autem qui extra portam Naim portabatur ad sepulchrum, eum intelligi, qui malam voluntatem externo etiam opere complērit. Per Lazarum verò quatrduanum, eū designari qui longa peccandi consuetudine astrictus pressusque teneatur. Quorum primus non ita difficulter resipiscit, secūdus difficilior: tertius difficillimè: is enim quasi lapidem super se habet, hoc est, prauam ipsam peccandi consuetudinem, quæ eū tanquam lapis quispiam premit ne facile surgere queat. *Creditis quia possum hoc facere vobis? Hoc est, vobis reddere visum, sicut petitis? Dicunt ei: utique Domine: Sine hæsitatione omnino credimus. Tunc tetigit oculos eorum.* Eādē omnino ratione, & causa horum oculos tetigit, qua leprosum, *dicēs: secundum fidem uestram fiat vobis, quia hoc me posse creditis.* Fides autem quam Christus à sanandis exigit erat de omnipotentia sua.

Luc. 7.

vide.

IN MATTHAEI

videte ne quis sciat, vt inde meam priuatam gloriam quærat. Non autem absolutè illis miraculū propalare vetuit, alioquin eius famam in tota terra illa diuulgando peccassent. Hi duo cæci, inquit Hieronym. genus humanum in duobus populis, Iudaico nimirum, & Gentili significant, quod trāseunte Iesu, id est, Christo incarnato, & secundū carnem ad patriam trāseunte per fidem in Christum, à profunda cordis cecitate liberatum est.

Et miratæ sunt turbæ dicentes: nunquam apparuit sic in israel. Mysticè in turbis mirantibus, & Deum laudantibus fides gentium, à Phariseis verò blasphemantibus, perfidia Iudæorum præsignatur.

Pharisei autem dicebant: in principe demoniorum eiecit demones. Per principem dæmoniorum. Capite sequenti simile adhuc habemus miraculum, ex quo obseruare debemus saluatorem multa fecisse miracula quæ sunt similia non tamen eadem: cuius rei obseruatio multum ad docendum Euangelistas sibi inuicem non esse contrarios valet, quamuis enim subinde eandem historiam describere videatur, fieri tamen potest vt non eandem, sed similem describant.

Et circuibat Iesus omnes ciuitates, & castella pagos, & vicos, pauperes, & viles homines non contemnēs, sed docens in synagogis eorum. Veram redemptionis generis humani doctrinam. videns autem turbas misertus est eis magno miserationis permotus est affectu quia erant uexati. Varijs erroribus, & peccatis illaqueati, et lacerantes disperfi sicut oues nō habentes pastorem, quæ tamen maximè pastore indigent: nam pastore destitutæ à lupo inuaduntur, atq; sine aliqua resistentia statim ab eo prosternuntur, & occiduntur.

Tunc consideratis malis turbam modo apprehendētibus dicit discipulis suis, nescis quidem multa mul-
ti ho-

ti homines parati sunt, vt verè ad pœnitentiã cõuertantur, & adducantur tanquam quædam messis in horreum regni cœlestis. *operarij autem pauci,* at boni magistri qui eam verbo, & exẽplo in horreum congregent perpauci. Si ergo diligitis Dominum Deum, cuius est messis, omnibus modis agite, ne operariorum defectu pereat. *Rogate ergo Dominum messis* quod melius facere non potestis quam intentè rogando Dominum, vt ipse qui omnipotens est, & facilè operarios multiplicare potest, populo suo placetur, *et mittat* misericorditer operarios suos in messem, vt eam colligant. Dicit Euangelista (& mittat) etenim vsque adeo sègnes sunt operarij, vt ad metendum ituri non sũt nisi compulsi & quodammodo coacti.

IN CAPVT DECIMVM.

ET conuocatis duodecim discipulis suis. Quoniam messis multa erat, operarij autè pauci, Christus saluator noster discipulos suos in messem suam misit, vt ibi operarentur, *et dedit illis potestatem spirituum immundorum,* ut eijcerent eos ex hominibus, & bestijs. Et curarent omnem languorem, *et omnem infirmitatem,* quemlibet morbum, & debilitatè. Aduertendum est hoc loco proprietatem dæmonum esse immunditiem, quemadmodum proprietates spiritus sancti est mundities. Quemadmodum enim ex inuidia, & superbia, atque ex eo quod homines peccatorum sordibus inuoluere nituntur, eorum immunditia nascitur, atque immundi esse dicuntur, ita spiritus sanctus quia peccatorum sordes eluere conatur propriè mundus & munditie author esse dicitur.

duode im Apostolorum nomina sunt hæc, Hactenus nulla huius nominis (Apostolus) facta est mentio.

L

Signi-

IN MATTHAEI

Significat autē legatū siue miſſum, & (per Antonoſiā) his duodecim tribuitur, quoniā Chriſtus ea po-
teſtate quā habebat eos donauit, & ad prædicandū
in vniuerſum orbem cū illa poteſtate plenaria mi-
ſit. Tribuitur tamen etiā Paulo, & Barnabæ, quo-
niam ipſi vniuerſales Chriſti legati fuere. Subinde
etiam generaliter pro nuncio uſurpatur, vt hic: ſa-
lutate Andronicum, & Iuliam cognatos, & conca-
captiuos meos, qui ſunt nobiles in Apoſtoliſ, qui &
ante me fuerūt in Chriſto. *primus* inter Apoſtolos
eſt *ſimon, qui dicitur*, id eſt, vocatur *Petrus*. Quod
nomen illi à Chriſto impoſitum eſt propter fidei
firmitatem, & quia ſuper eum tanquam fir-
mum fundamentum Chriſti Eccleſia ædificanda
erat, fuit hic cum Chriſto, ſeruore, fidei, deuotio-
ne, & familiaritate primus, atque primus à Chri-
ſto poſt reſurrexionem factus eſt Apoſtolus, *ia-
cobus zebedei, & ioannes frater eius*. Vocatur Iaco-
bus Zebedæi ſcilicet filius, ad diſtinctionem alte-
rius Iacobi, Alphæi filij, qui Iacobus minor à Mar-
co vocatur ſicut filius Zebedæi, Iacobus maior, vt
poſtea patebit. Marcus alium ordinem ponit, præ-
ponens tres Domini familiares, Petrum, Iacobum
& Ioannem: quibus duobus vltimis etiam ſalua-
tor peculiare nomen impoſuit, Boanerges quod fi-
lios tonitruī ſignificat. Quartum autem Andream
ponit, qui poſt tres illos videtur Chriſto fuiſſe fa-
miliarior. Eundem ordinem huc uſque ſeruat Lu-
cas in Actis excepto quod Ioannem Iacobus fratri
ſuo præponat: in Euangelio verò eundem proſus
ordinem retinet. Quintū locum apud omnes obti-
net Philippus, qui fuit Petri, & Andreæ conterra-
neus, & vtcunq; Domino familiaris. Sextum locū
in tribus Euangelis ſtis tenet Bartholomæus, de quo
nihil in Scripturis, niſi ſolum nomen in catalogo
Apoſtolorum legitur: & in actis ei Thomas præ-
poni-

A. 13.
Philip. 2.
Rom. ult.

Ioan. 1.

Ioan. ult.

ibidem.

C. 13.

Mar. 13.

Ioan. 12.

A. 1.

ibidem.

ponitur fortasse nō sine mysterio. Sūt qui putēt eū-
dē esse cū Nathanale, Thomas autē, & Matthæus eo-
dē quo hic ordine, in actis ponūtur excepto quod
Bartholomæus Thomæ & Matthæo interponitur,
quē Marcus & Lucas postponunt: Verū Matthæus
humilitatis causā se in hoc suo Euāgelio illis post-
posuit. *Iacob* a *ph.* ei scilicet filius. Hic à Marco voca-
tur Iacobus minor, ad distinctionē Iacobi maioris
Zebedæi filij. Minor autē dicitur, aut statura, vel ge-
nitate, aut quia ad apostolatū, aut ad familiaritatē cū
Christo vocatione posterior: atq; hic est quo in ac-
tis mirifica legūtur, cuius etiā toties meminit Pau-
lus, deniq; qui canonicā epist. scripsit, & primus in
Hierusalē ab Apostolis est cōstitutus Episc. quē ad-
modū refert Euse. Et *Taddæus*, *simō cananæus*, & *Iu-
das iscariotes*. Tres isti fratres fuerunt, & Christi cō-
sobrini, ex matertera eius, videlicet Maria Cleo-
phæ: qui vbiq; recēsentur vlt. loc. excepto Iuda Isca-
riote. Aug. legit hoc modo, & Lebbæus, qui cogno-
minatus est Taddæus, & Iudas: & hoc modo vocāt
eū Ioānes & Lucas, vltimū nomē est eius propriū,
reliqua autē cognomina. Dicitur, autē Iudas Iacobi
scilicet frater, nō ille Iscariotes qui fuit filius Simonis.
Ex enumeratione verò Euangelistarū, & ordi-
ne quē in recensendis Apostolis seruant, ordinem
sanctitatis qui soli Deo notus est colligere nō pos-
sumus. Aduertēdū est hoc loco, quod soror beatæ
virginis Maria Cleophæ quatuor hos habuit filios,
Iacobū minorē, Iudā, Simonē & Ioseph, ex quibus
duo Iacob^{us} scilicet, & Ioseph Nazaræi fuerūt, id est,
religiosē admodum viuentes, ita vt ab omnibus
iusti cognominarentur: erant enim valde noti in
populo: Simō autē, & Iudas nō ita excelluerūt attamen
boni & simplices fuerunt: vnde populus à filiis
iustis imposuit Marię nomē dicēs, illa est Maria
Iacobi, & Ioseph, scilicet mater, similiter ille

Mat. 13.

1. Cor. 15

Galat. 2

Lib. 2. hist.

Eccles. c. 1.

IN MATTHAEI

est Iudas Iacob, scilicet frater, quo nomine etiam se ipse initio Epistolæ suæ canonicæ nuncupat, dicēs, Iudas Iesu Christi seruus, frater autem Iacob, &c.

Quia autem tres fratres erant Apostoli, visum fuit Apostolis quod quartus frater, scilicet Ioseph, ad Apostolatū loco Iudæ Iscariotis ascisceretur, quia iustus erat: sed inscrutabile Dei consilium nō eum

Act. 1.

Ioan. 1.

Act. 1.

sed Matthiam elegit. *simon cananeus* à Cana, vico galilææ nuncupatus, vbi nuptiæ, de quibus (ait Ioannes Euangelista) factæ sunt. Alij hunc Simonē zelotem appellant, vt Lucas ait in actis. Cana zelus interpretatur, & Chananæus vocatur vt à Simone Petro secernatur: videturq; probabiliter Lucas eum appellare zelotem non tantum propter patriam, verumetiam propter magnum eius zelum: Matthæus & Marcus hunc post Thadæum ponūt, Lucas autem post Iudam loco vltimo. Et *Iudas iscariotes* sic dictus, vel à loco natiuo, vel à tribu Isachar, qui e tradidit eum, licet ad tantam dignitatem electus esset: vnde meritò vltimo loco ponitur, licet æqualem cum ceteris Apostolis fortitus sit potestatem. Quanquam tamen vltimo loco ponatur non propterea imaginandum est, quod in honore minimus fuerit, nam illi loculos Dominus credidit: vnde non rectè inter duodecim Apostolos vel in cœna Domini vltimo loco sedisse malè pingitur.

Mat. 6.

Hos duodecim misit Iesus, Binos videlicet vt ex Marco patet: præcipiens eis dicēs: *in uiam gentium ne abieritis*, id est, ad ipsos gentiles. *et in ciuitates samaritanorum ne intraueritis*, sed potius ite ad oues ad Iudæos siue Israëlitas quæ perierunt domus israel, qui propter defectum operatorum, per peccata damnationi æternæ obnoxij facti sunt. Notanda hic est inscrutabilis consilij Dei altitudo, qui gratiam suam gentibus propalari noluit, sed tantum Iudæis, cū tamē
nunc

nunc Iudæis relictis se ad nos gentiles conuerterit. Cuius causam Paulus & Barnabas assignant in-
 quientes, vobis oportebat primum loqui verbum act. 13.
 Dei, sed quoniam repellitis illud, & indignos vos
 iudicatis æternæ vitæ, ecce conuertimur ad gentes,
 sic enim præcepit nobis Dominus. *Euntes autē præ-*
dicare pœnitentiam addit Marcus. Prædicauerunt
 Apostoli idem quod Christus. *Infirmos curate*, atque mar. 6.
 vt prædicatio vestra non cōtemnatur propter ve-
 stram humilitatem, & vilitatem do vobis potesta-
 tem faciendi miracula, *mortuos suscite*. Quæritur an
 ante Christi mortem mortuos aliquos suscitaue-
 rint? Respondeo nullam historiam (quod equidē
 sciam) hoc tradere, nec tamē propterea aliquod in-
 conueniēs est, hoc dicere, quia verba sunt potesta-
 tem dantis, & ea vti quando opportunū erit man-
 dantis. Præterea in hisce præceptis saluator nō tan-
 tum ad illam prædicationem respicit ab Apostolis
 ante mortem suam factam, quin potius ad eam quæ
 post spiritus sancti missionem facta est, vt ex his
 sequentibus verbis clarum euadit, tradent enim
 vos in consilijs, & synagogis suis flagellabunt vos
 & ad præfides & ad reges ducemini propter me in
 testimonium illis, & gentibus. Post Christi autem
 ascensionem plurimos Apostoli suscitauēre mor- act. 9. &
 tuos. *Dæmones eiicite* hoc etiam fecerunt Apostoli 10.
 teste Marco ante mortē Christi *gratis accepistis*, Ego mar. 6.
 hanc potestatem ex gratia & liberalitate mea vo-
 bis, sine meritis vestris contuli, quapropter inter-
 dico ne aliquo pretio eius vsum vendatis, sed *gra-*
tis date gratis alijs impendite vt potestatis vsus suæ
 origini, id est, gratiæ ipsi minimè repugnet. Simo-
 nia enim peccatū est non solū quia ea quæ vèdun-
 tur pretio æstimari non possunt, qualia sunt, Ba-
 ptismus, Eucharistia &c. Verum etiā quia eorū vè-
 ditio origini seu gratiæ ipsi repugnat, quandoquidē

IN MATTHAEI

omnia spiritualia gratis donata sunt.

Nō ūte possidere aurum, neque argentum, neque pecuniam in zonis uestris. Quando ad prædicandum accingimini, non est opus ut uobiscum aurum, aut argentum, aut pecuniā comportetis, quoniam sicut operarius iuste stipendium, & sustentationē suam ab illo pro quo operatur exigit, neq; pro cibo, & potu anxius est, ita etiā & uobis dū prædicatis omnia necessaria ab ijs quibus prædicatis debētur: iure ergo de euāgelio vestro uiuere potestis. Secundū hunc sensum uerba ista nō sunt prohibentis, sed potestatem dātis, cuius meminit Paulus dicēs: Nūquid nō habemus potestatem manducandi & bibendi? & Quis militat suis stipendijs unquā! Rursum, sed nō uisi sumus hac potestate. Deinde, ita & Dominus ordinauit ijs, qui euangelium annunciant, de euangelio uiuere. Vide Aug. de consen. euang. Neq; duas tunicas unā uidelicet qua induimini, alterā uerō qua priore detrita utamini. Neq; calceamenta scilicet duplicia quorū unū indutū habeatis alterū uerō hoc detrito induendū. uel aliter ocreas nō habeatis quibus in profectionibus uestris utamini. In Palestina siquidē calceis fenestratis, superius pedē nō regentibus propter calorē utebātur, unde pauperes quoniam plura calceamenta nō habebāt, nec habere poterant in profectionibus suis utebantur iisdē, diuites autē melioribus, & undiquaq; pedes munientibus. Neq; uirgā, id est, res minimas nō gladium, hastā, lanceā, aut simile aliquod protectionis instrumentū. Quidam hęc præceptiue Apost. dicta accipiūt, uerū si ita illis dicta sunt, intelligendū est tātū eos ad hoc saluatorem in prima prædicatione obligasse, constat enī eos postea in zonis pecuniā habuisse, quinimo ipse Christus oculos habuit, & Paulus pecunijs laboribus suis cōquisitis se sustentauit. Ista autē eis saluator tribus de causis præcipere potuit. Primò, ut Iudæi mani-

1. cor. 9

c. ap. 3.

manifestè conuincerentur, & negare non possent Christū, & Apostolos terrena lucra minimè quærere. Secundo, vt ipsi iā prædicare incipientes nulla terrenarum rerum à verbi Dei contemplatione impedirentur sollicitudine. Tertio, vt assuescerent iactare cogitatum suum in Dominum, atque habitare in adiutorio altissimi, & in protectione illius commorari, ac in omnibus ab eius prouidentia dependere. *In quā. unq. autē ciuitatē aut castellū intraueritis interrogate quis in ea dignus sit inquirete cuius domū ingressu vestro honorare poteritis: nā qui vos hospitio excepturus est, potius beneficium accipiet quam præstabit. Iudiciū autē vulgi hac in re sequimini, & quemcūq; ille dignum iudicauerit ad eū introite ne per eum hospitem qui iudicio vulgi infamis est, prædicatio vestra infametur, vel, exemplo hospitium mutare cogamini. Et ibi in domo eius, qui iudicio vulgi dignus habitus est maneat nō discurrentes de vna domo, in aliam, ne instabiles, & vagi habeamini. Donec exeatis vsquequo prædicationē vestrā consummaueritis ciuitatē aut pagū illum non egrediamini. Intrans autē domū salutate eā dicens: Pax huic domui. Quando domū intratis dicite, pax euangelica, & regnū cœleste sit habitantibus in hac domo. Et siquidē fuerit domus digna si ibi aliquis fuerit, non per aliqua merita, sed per Dei electionem, & prædestinationem, veniet pax uestra super eam permanebit pax vestra quam vos prædicantes optastis eis: quia verè pace dignus est quem rex voluerit honorare. si autem non fuerit digna, pax uestra reuertetur ad uos, non peribit, at eam vos tanquā mercedem pro vestra pia petitione, & oratione recipietis, quasi in domo illa fructum fecisset. Et qui- cūq; nō receperit uos, neq; audierit sermones uestros, exeuntes foras de domo, uel ciuitate, exutite puluerē de pedibus uestris. Ad declarandū vos nihil velle cōmune habere cum*

IN MATTHAEI

6. cnc. 13. 19

re cum illis: existentibus enim in eodem loco, quædam videntur esse communia. Vel in testimoniū illis, quod videlicet ingressi estis ciuitatē illorū, & quod prædicatio Euangelica ad eos peruenerit, vt ipsi inexcusabiles omnino habeantur: vel vt ostendatis vos nihil ab ijs qui Euangelium spreuerunt quæsijsse, nec propter terrena Euangelium Dei prædicasse. *¶* *amendico uobis, tolerabilius erit terrę solorum, & Gomorrhęorum.* Minus his & mitius punientur Sodomitę, & Gomorrhęi (qui tamen homines abominabiles sunt.) *¶* *in die iudicij* vniuersalis & extremi, quam contemptores Euangelij, quales sunt hæretici, & quicunque malè viuentes per doctrinam, & exhortationem piorum reformari non solū nolunt, verumetiā alios à benefaciendo retrahūt. Ex hoc loco discimus fatuam esse Scotorum opinionem asserentium omnia peccata esse paria, item in inferno non esse varia tormentorum & suppliciorum genera. *¶* *Eccce ego mitto uos.* Stupenda vobis prædico vt me omnia præscire intelligatis magnamq; virtutem meam cognoscatis, atque vt venturis malis tanquam non præuisis minimè conturbemini. Ego igitur vos mea propria auctoritate mitto ad prædicandum euangelium meū *¶* *sicut oues in medio luporum,* siquidem non ignoro vos à persecutoribus Euāgelij passuros qualia oues inter lupos constitutę: & præsertim à Iudæis, qui tradent vos in Concilijs, & in synagogis suis flagellabunt vos. His tamen non obstantibus effectū suum & finem missio mea sortietur. *¶* *Nescite ergo prudentes sicut serpentes.* Cauete ne decipiāmini, serpentinam assumite prudentiam. Serpens namque ab incantatore se conueniri nequaquam patitur, & in angustijs constitutus, caput suum ab omnibus nociuis tuetur, & illæsum conseruat: sic vos caput vestrum, id est, religionem, ac fidem puram, & integram

tegram referuate. Vel primis parentibus lignum mortis laudauit, ita & vos vitæ, & crucis Christi lignum hominibus commendata. *Et simplices sicut columbæ.* Estote sine omni fraude doloq̃, hoc est, sicuti decipi non vultis, ita neminem decipiatis, nec vindictam expetatis. *Cauete autem ab hominibus q. d.* Quod dixi vobis de lupis non putetis de ipsis bestiis dictum, & quod de prudentia serpentina dixi non arbitremini quod de prudentia noxias bestias deuitandi, at de hominibus locutus sum. *Tradent enim vos in consilijs,* ipsi Iudæi prohibebunt vobis, ne in nomine meo predicetis, *& in synagogis suis,* vbi lex Domini docetur, & oratur Deus, per quod videtur intelligere de Iudæis. Gentes enim synagogas non habent, *flagellabunt vos* putantes se obsequium præstare Deo. *Et ad præsidis, & reges* ducemini propter me, quem prædicabitis. *In testimonium illis & gentibus,* vt hoc modo feratis Iudæis testimonium de me, & similiter gentibus, vel, vt ipsi nullam habeant excusationem in iudicio. Atque hæc non euangelium vestrum extinguunt, sed magis clarificabunt: quanto enim plura passi sunt Apostoli, & quanto plures & maiores opposuerunt se Euangelio, tãto clarius innotuit Euangelium Iudæis & gentibus. Ex hoc loco sumptum arbitror nomẽ martyris: vnde qui pro Christo mortui sunt, vt martyres omnes testes vocati sunt. Item hîc manifestè patet istum sermonem Saluatoris non solum Apostolorum prædicationem, quæ ante Christi mortem facta est respicere, verum etiam illam quæ post Christi ascensionem contigit non enim ante Christi mortem ad reges in testimonium gentibus ducti fuere: dictum enim fuerat illis in viam gentium ne abieris.

Cum autem tradent vos nolite cogitare quomodo, aut quid loquamini ne solliciti sitis, de defensione & purgatione causæ vestræ, quomodo ea instituenda sit, quid & quam

IN MATTHAEI

& quam disertè dicturi. *Dabitur enim uobis in illa hora quid loquimini.* Tunc enim vobis & eloquentia & sapientia diuinitus suppeditabitur. *Non estis enim uos qui loquimini authores scilicet eloquentiæ & scientiæ quas tunc habituri estis, sed spiritus patris uestri qui loquitur in uobis,* id est per vos, quando cunq; expedire iudicat. De huius præmissionis impletione in Paulo, Petro, Stephano & cæteris martyribus abundè constat ex varijs Actorum locis. Non hic scripturarum dogmatum fidei studium prohibetur, sed tantummodo dissidentia sollicitudo, & anxietas, qua quis argumentis impiorum existimat se respondere non posse, aut quasi Deus non sit seruis suis affuturus, dum de his quæ ad fidem pertinent interrogatur. Non autem dixit, pater meus dabit vobis vel ego qui loquor in vobis licet hoc potuisset, quoniã ista dona quaquã oïbus personis tribuatur, peculiariter tamen spiritui sancto appropriantur.

Tradet autem frater fratrem in mortem, id est, infidelis fidelem, nulla enim inter homines diuersæ religionis esse potest concordia, nam illa omnem cõiunctionem dissipat, atque omnem amicitiam soluit. *Et eritis odio omnibus hominibus propter nomen meum* impijs scilicet, qui sunt maxima pars hominum.

Gen. 11. 16

Philip. 1

1. Cor. 14

1. Ierem. 26.

Scriptura enim sacra sæpe de vna hominũ vel piorum, vel impiorum parte quasi de toto genere loquitur vt de prædestinatis: *Benedicentur in semine tuo omnes gentes, de impijs verò, Omnes quæ sua sunt quærunt.* Nemo sermonem eius audit. Itẽ congregatus est omnis populus, impius scilicet: & innumeris alijs locis. De hoc loquendi modo tractat Prosper lib. 1. de vocat. gent. cap. 3. *Propter nomen meum, quod scilicet prædicatis & confitemini.* Istud ad eorum consolationem dicit quomodo illud quod sequitur, *Qui perseverauerit usque in finem, hic saluus erit,* id est, qui in confessione no-

ne nominis mei, & præceptis meis, vsque ad huius vitæ extremum ambulauerit ab ira ventura, & morte æterna liberabitur.

Quum autem persequeretur uos in ciuitate fugite in aliam. Ut autem anxij non sitis quid facere debeatis, etiã in maxima persecutiõne *Amen dico uobis hoc assero vobis quod non consummabitis circumueniendo ad prædicandum ciuitates israel*, id est, populi Iudaici *donec veniat filius hominis* antequam ego veniam, & vos ad me in regnum cœlorum assumam. Vel non conuertetis ad fidem omnes ciuitates Iudææ, quin secundus meus ad iudicium aduentus imminet, nam in fine sæculi omnis Israel demum conuertetur ad Deum. Vel tertio, donec veniat filius hominis, ad destruendam Iudæam videlicet, & vos in gentium dispersionem mittendos: quod contigit post quadraginta annos, tempore Vespasiani, & Titi, qui totam Iudæam deleuerunt. Non potest autem hoc modo hæc pars intelligi, donec filius hominis veniat, id est, à morte resurgat, nam Apostolos multi sunt sic persequuti ante mortem Christi, vt de vna ciuitate in aliam fugere deberent.

Sed quærat aliquis an aliquandò pastori fugere, & gregem suum relinquere, item an alijs sacerdotibus fugere liceat. Respondeo si per fugam populo Christi necessarium verbi Dei ministerium & sacramentorũ dispensatio subtraheretur fugere minimè liceret, et ep̃i in eos quadraret quod dicit Saluator: Mercenarius autẽ & qui non est pastor videt lupũ veniẽtẽ & fugit. At tuc implere tenetur quod requirit Ioãnes dicens: Et nos debemus pro fratribus animas ponere. Secundo fugere non licet quãdo ex hac fuga populus existimaret quod scandalũ aliquod oriretur, ac crederetur pastor pro temporali lucro potius, quam Dei honore deseruisse. Si quis

Ioan. 10.

1. Ioan. 3.

IN MATTHAEI

Epist. 180.

Si quis tamen specialiter à persecutoribus quæ-
ratur, & multi alij ministri, qui plæbi ministrare
possint non defuerint, fuga sibi consulere potest,
quemadmodum vtiliter, & rectè in Arrianorum
persequutione sibi fuga cõsuluit Athanasius. Si ve-
rè omnes & soli clerici à persecutoribus quæran-
tur tunc non omnes fugere possunt, sed à Laicis fi-
delibus occultari debent, ne fideli populo necessa-
rium sacramentorum desit ministerium. Si verò
periculum sit ne Laicis illis, qui post cladem relin-
quendi sunt, defint pastores, licitè tunc fugere po-
terunt, ita tamen vt sorte eligatur qui populo admi-
nistraturi sunt. Non enim spontè sibi fugam elige-
re possunt, ne hoc timore, non Euangelij, & fructus
populi amore facere videantur, nec tales velle de-
bent in periculo permanere, ne videantur sibi præ
alijs maiore arrogare fortitudinē: nec infirmi etiā
eo casu fugam eligere debent, ne magis vtilēs occi-
dantur, nec tamen velle permanere debēt, ne simi-
liter de fortitudine sua præsumere videantur. At
sorte res dirimenda erit, quæ fortasse infirmis vult
parcere, & vtiliores coronare. Cæterum priusquā
ad illam sortem deueniatur, infirmiores & inuti-
liores debent rogare fortiores, & populo vtiliores
vt fuga sibi consulant, atque declarare se nullatenus
de proprijs viribus præsumere: fortiores autē vi-
tam suam offerre debent, ne eam minus amare vi-
deantur. Si tamē infirmi id petere persistant, at for-
tiores fugere poterunt, quemadmodum Dauid ro-
gatus prælio & certamini se subduxit. Quod si fir-
miores acquiescere nolint tum demum ad dictam
sortem veniendum est. Latè hæc prosequitur Au-
gust. epist. ad Honoratum.

L. 2. 18

Epist. 180.

si patrem-familias Beelzebub uocauerunt. Si Iudæi me
Ecclesiæ patrem-familias, qui tam sanctè inter eos
conuersatus sum nomine spurcissimi demonis
Beel-

Beelzebub vocauerunt, dicentes me obsessum à principe dæmoniorum: *quanto magis domesticos eius,* vos discipulos meos adhuc imperfectos, hoc vel simili nomine vocabunt, *ne ergo timueritis eos,* sed æquanimiter sufferte ne patri Domino & magistro vestro dissimiles sitis. De Beelzebub Augustinus in quæstionibus super libros Iudicum habet. Item Hieronymus in Osæ prophetam dicit idem esse quod Bel apud Babylonios, qui fuit pater Nini qui Niniuem condidit, & à filio inter Deos est relatus. Scripturæ verò videntur nomine Beel, siue Baal, quoduis idolum significare, vt Beelzebub, Beelphegor. Quando autem solum ipsum (Bel) ponitur idolum Sidomorum, quod induxit impiissima Isebel maximè significare videtur. Zebub verò muscam: & hoc nomine propriè vocatus est Deus Accaron. Vocatus est autem sic dæmon ille à spurcitia, quæ admodum enim omnia muscæ conspurcant, & imundæ sunt, ita valdè immundum erat idolum illud. Postmodum verò nomē ad designandum principem dæmonum translatus est. Verum quæritur vbi Iudæi Christum Beelzebub vocauerint? Respondeo expressè nusquam, sed fortè pro eodem habuit quod eum ab illo possessum his verbis dixerunt. Nōne bene dicimus nos quia Samaritanus es tu & dæmonium habes.

Nihil enim opertum est quod non reuelabitur, & occultū quod non sciatur. non est quod eos metuatis quia virtus vestra, & eorum nequitia, & calumnia in die Iudicij aperta erit, vel non metuatis eos, quia quantumcunq; vos persequantur nihilominus omnia occulta mysteria per vos prodenda sunt, & aperienda, nec illa vos persequutio impēdiēt quo minus doctrinam euangelicam clarè doceatis. Vel, tertio. Possunt quidē corpus occidere, sed nolite metuere quia amplius vobis facere non possunt. Huic expo-

Quæst 16

14 cap. 2

Isa. 46

4. Reg. 1

Ioan. 8.

fitio-

IN MATTHAEI

LUC. 12. sitioni optimè quadrât verba Lucæ: Dico aut vobis amicis meis, ne terreamini ab his qui occidunt corpus, & post hæc non habêt amplius quid faciâr. *vestri autem capilli capitis omnes numerati sunt*, Hieronymus in Epistola contra errores Ioannis Hierosolymitani, frustra inquit, numerati, si aliquando perituri. Quod satis explicat Lucas dicens, non peribit capillus de capite vestro. At in commentarijs huius loci dicere videtur, non omnes capillos esse conseruandos. Sed aduertendum est eum de ijs capillis loqui qui quotidie deciduntur, & ad ornamentum nihil faciût. Dictum autem Domini de ijs intelligendum est, qui ad ornamentum conducunt, ita vt hîc significetur nihil corpori post resurrectionem defuturum, quod ad eius integritatem, atq; decorem faciat. Simili modo D. Augustinus de ciuitate Dei, & in Enchiridio putant totum quod dilapsum est ab humano corpore, ab vnguibus, & capillis, ad corpus rediturum, tametsi non ad eandem partem. Sed obstare videtur illud Iob: Quem oculi mei conspecturi sunt & non alius: vbi loqui videtur de oculis & carne quam tunc gerebat: par autem ratio de alijs membris relinquitur. Itē Ezechiel ait vnumquodq; os accessisse ad iuncturam suam. Vnde apparet vnumquodq; membrum ad locum quem in corpore in hac vita habuit, rediturum, & quemadmodum in Christo completa est resurrectio, ita in sanctis complenda videtur: at omnes partes in eo manserunt sicut in vita fuerant, & capilli indecentes ipsi additi non videntur: præstat autem resurrectio ipsius, quod præstitisset immortalitas si nemo peccasset: sed ibi vnum membrum in aliud translatum non fuisset, ergo nec nûc hoc futurû videtur, nisi in his in quibus materia à natura ad generationem alicuius membri ordinata, propter aliquod accidens alterius membri facta est

**Lib. 12. de
ciu. dei c. 14
Ench. ca. 88
Or 89**

Iob. 19.

Ezech. 37

est materia. Videntur certè multi crines mali & vngues pedum & manuum modo in homine esse qui in primo statu minimè fuissent, vt pote ex materia corpus grauate orti : vnde apparet talia per resurrectionem nequaquam fore reparanda.

omnis ergo qui confitebitur me coram hominibus: Quicūque me tanquam Dominum, & magistrum suum hominibus doctrinā meam extinguere volentibus profitebitur, constetor & ego eum tanquam discipulum, & filium coram patre meo qui in cælis est perpetuo in societate mea futurum. Qui autem negauerit me esse magistrum & dominum suum, siue aliquam doctrinæ meæ partem, coram hominibus, negabo & ego eum coram patre meo eum non recipiam inter discipulos meos. Ex hoc loco sumptum videtur nomen (Confessor) Propriè enim cōfessores dicuntur qui tyrannorum tormentis cruciati libere Christum confitentur, atque à tyrannis non ad extremum supplicium adacti dimittuntur : qui verò non dimittuntur, at mortis supplicio afficiuntur martyres nuncupantur. Grauiissimum scelus est & maxima blasphemia Christum, aut doctrinam eius poenarū temporalium timore negare nec aliquo casu licitū, quanquam subinde veritas taceri potest, quod quādo liceat, & quando non, tractat Thomas. Certum est autē quod quodocunq; aliqui ad fidei destructionem moliuntur, & aliquem interrogant an sit fidelis seu catholicus confiteri teneatur, nam tūc si taceret, interrogati taciturnitas, eius esset abnegatio. *secunda secundæ quæ. art 2.*

Nolite arbitrari quia pax ueni mittere in terram. Hactenus generaliter de persecutionibus egit, nunc verò specialius ad eas quæ ab amicis fiunt descendit, prædicitq; discipulos suos ab amicis suis & propinquis (quod horrendū est) plurima perpeffuros. *Non ueni pacem mittere carnalem scilicet qualem habent*

IN MATTHAEI

Mich. 7

Galat. 5

beat homines terrena diligentes quæ non pax, sed potius conspiratio est nuncupanda, sed gladium mutuum dissensionem, & persecutionem etiam per gladium, in quantum veni ad quosdam conuertendos ad iustitiam, alijs in sua impietate relictis, qui meo permissu iustos persequetur. Et inimici hominis domestici eius ita vt Patrifamilias subiecti, sint ipsi hostes & inimici. Qui amat patrem aut matrem plusquam me. Qui autem propter patrem, aut matrem, doctrinam meam non sequitur, vel præcepta mea non amplectitur, non est me dignus, id est eum inter meos non agnosco: quia me abnegat propter affectum parentum. Et qui non accipit crucem suam qui patienter mala illata non fert vel proprias concupiscentias (quantumvis hoc molestum sit) mortificare non conatur. Et sequitur me et ita me non imitatur qui ignominiosam, & probrosam crucem portaturus sum in qua totius corporis mei mystici typum geram, non est me dignus. Mecum regnum non obtinebit. Subindicat hic Christus se mortem crucis passurum alludens ad crucem quam baiulaturus erat. Eleganter Apost. Paulus declarat, quid sit accipere crucem suam: Qui (inquit) sunt Christi carnem suam crucifixerunt cum vitijs, & concupiscentijs. Hæc duo crux dicuntur, quia sicuti in cruce duo sunt, ignominia, & horribilis poena, sic mortificans hæc carnales suas affectiones apud huius sæculi homines, primò ignominiosus est, secundò verò ab ijs multa patitur. Qui inuenit animam suam, id est vitam, quæ absente anima esse non potest, quasi dicat, qui non mortificat hæc vitam suam sed ei, eiusque concupiscentijs obsequitur. Perdet illam in perpetuum punietur, et qui perdiderit animam suam propter me, qui occisus fuerit, vel etiam concupiscentias, vt mihi seruiat mortificauerit, inueniet eam habebit vitam æternam. Hæc promissiones sunt, pro quibus sanctos oramus vt pro

pro nobis intercedant, vt digni efficiamur promissionibus Christi. Postquam verò multa mala suis discipulis ab omni hominū genere imminere prędixit, eos nunc per magnifica dona consolatur, quę promittit eis qui discipulorum fautores futuri sunt dicens: *Qui recipit uos me recipit*, qui vobis in necessitatibus vestris subuenit, tam gratum mihi opus pręstat, quā si mihi subueniret, *et qui me recipit recipit eum qui me misit*, id est, tam gratum Deo patri beneficium & obsequium pręstat quam si meipsum & Deum patrem reciperet. Non tamen propriē talis Christum in persona recipit, quoniam de receptione ad hospitium carnale loquitur, quo Christus amplius non eget, deinde Deus pater hospitio recipi non potest. Item non sumitur in venerabili sacramento Eucharistię corporaliter nisi Deus filius, non Deus pater, aut spiritus sanctus, tãetsi dignē communicantes totam trinitatē in mēte recipiant. *Qui recipit prophetam*, id est, concionatorem, seu verbi Dei annunciatorem, *in nomine prophetię*, hac ratione tantum quia propheta est non propter aliquod temporale commodum. *mercedem prophetę accipiet* qualem ipse propheta habebit, quia subueniendo prophetę, prędicationi illius cooperatus est. *Et qui recipit iustum virum insigniter sanctum*, licet propheta non sit, *mercedem iusti accipiet*, qualem ipse habebit. *Et quicumque potum dederit uni ex minimis istis calicem aquę frigide*, tantum in nomine discipuli. Atque vt nulla sit excusatio, per quam eleemosyna subtrahatur, facillimam pono eleemosynam, calicem scilicet aquę frigidę rem vilissimam, quā qui vni ex minimis istis non prophetis, aut insigniter iustis, sed tantum in Christum credentibus, id est, ea ratione quia est discipulus meus. Amen dico vobis non perdet mercedem suam, bonam & inestimabilem mercedē accipiet. Vel vt Marcus ait: Quis-

IN MATTHAEI

marc. 9.

quisquis potum dederit vobis calicē aquæ in nomine meo &c. Merces autem eo modo promitti intelligenda est, quo superius, si videlicet aliunde non impediatur, non enim impijs eleemosynam propter Christum facientibus promittit salutē, sed ijs qui per infidelitatem aut malam conuersationē mercedi obicem non ponunt, vt Aug. lib. 4. de cōsensu Euangelistarum cap. 6.

IN CAPVT VNDECIMVM.

psal. 104.
cap. 19

Luc. 10.
math. 7
math. 9
math. 3.

ET factum est. Mos iste loquendi Hebræis admodum familiaris est. cum consummasset Iesus præcipiens duodecim discipulis suis. Postquam hæc omnia supradicta discipulis suis prædicasset & ordinasset. Non enim verbo (præcipere) mandata ad salutem obseruatu necessaria sunt intelligēda, nā frequenter mādatū, seu præceptum pro ordinatione ponitur quemadmodū hīc: Dauid mandauit testamentum suū, id est, ordinauit, & infra: Quid ergo Moyses mandauit dari libellū repudiij & dimittere, id est, ordinauit, & permisit. Transit inde ut doceret, & prædicaret in ciuitatibus eorum Iudæorū scilicet, vbi Apostoli prædicabant. Quemadmodū enim in Iudæa Ioannes præcursor Christi fuit ita apostoli 12. & 72. discipuli in hisce ciuitatibus Christi præcursores fuere. 10ā. aut baptista cū audisset à discipulis inuidiæ zelo Christū prosequētibz, dicebant enim Christo: Quare discipuli tui nō ieiunāt? Itē Ioanni: Rabbi qui erat tecū trans iordanē cui tu testimoniū perhibuisti, ecce hic baptizat, & omnes veniunt ad eū. in uinculis carcere Herodis detentus. opera Christi miracula quæ eū Messiam verum, ac promissum ostendebāt. Non dixit (opera Iesu) quia adhuc de operibus illis agitur quæ ostendebāt eū esse Christū, & ad hoc inducitur ista historia, vt ex his

his operibus ostēdatur, & credatur verus esse Messias. mittens duos de discipulis suis, ait illi: Tu es qui uenturus es, an alium expectamus, es tu ille inter omnes prophetas excellentissimus, quem propheta ad saluandum genus humanum venturū dixerunt, an verò alius expectandus sit? In (uenturus) Antonomafia est, significatur enim inter venturos excellentissimus. Item (es) pro erat accipitur, quemadmodū & hoc eodem capite, Ipse est Elias qui venturus est, id est, qui venturus erat. Hæc autem quæstio nullo modo ex 40. annis dubitatione orta est, quippe qui ex diuina reuelatione Christum sciebat esse agnum qui tollit peccata mundi, & Deum verū. Nec existimandum est eū vlllo modo per carcerem mutatum, ita nimirum, vt ex fideli infidelis fieret, huius namq; rei Christus omnem tollit suspicionem dicens, eum non esse arundinem vento agitatā, id est, vinculis à fide remotam: quinimo ipse morte iam imminente discipulos suos adhuc carnales, & erga Christū malè affectos persuasos esse cupiuit, quod Iesus verus Messias esset. Quocirca personam suorum discipulorum gerens eos ad Christū mittit instruendos. *Et respondens Iesus ait illis, cunctes renunciate iohanni quæ audistis & uidistis, cæci uident, claudi ambulant, leprosi mundantur, surdi audiunt, mortui resurgunt, pauperes euangelizantur. Quæ nimirum Esaias venturi Messiae signa descripsit, & beatus est qui non fuerit scandalizatus in me, qui meæ humanitatis fragilitatem cernens, me non negabit, quoniam sicut cæteri cibo, potu egeo, iniurias, conuitia, atque contumelias tanquam Deus non essem patior, & tandem tanquam vilissimus & publicus peccator crucis patibulo suffigat.*

illis autem abeuntibus. Ne Ioāni adulari videretur discipulos eius dimisit antequā ipsius præconiū turbæ proferret, & tūc cepit Iesus dicere ad turbas de iohāne

IN MATTHAEI

Matth. 3.

ne videlicet ex discipulorum quaestione aestima-
rent Ioannem nunc in dubium vocare, id quod an-
te de Iesu asseuerauerat dicens. Qui autem post me
uenturus est fortior me est, cuius non sum dignus
calceamenta portare. Et ne putarent illud, beatus
est, qui non fuerit scandalizatus in me, à Christo di-
ctum ad notandum, & reprehendendum Ioannem
dixit. *Quid existis in desertum uidere?* quando admodum
studiosè, cum maxima multitudine relicta ciuita-
te, & dominibus vestris in desertum concurreba-
tis, quid erat quod vos illo trahebat, & alliciebat.
Arundinem uento agitatam? an trahebat vos leuis, & in-
constans homo, qui instar arundinis, nunc in hanc
nunc in illam sententiam aduersitatis, vel prosperi-
tatis uento propellitur? quasi dicat, certum est
vos, ut talem hominem conspiceretis in desertum
non exiisse, quapropter existimare nequaquam de-
betis Ioannem propter vincula, in quæ nunc con-
iectus est, ac detinetur, priorem quam de me ha-
buit existimationem mutasse, atque ideo quum au-
diuistis à discipulis eius hanc quaestionem mihi pro-
poni existimare non debetis ipsum de me dubita-
se, verum id fecisse, ut eos in ea fide, quam de me
habet, confirmaret. *sed quid existis uidere hominem mol-
libus uestitum.* Delitijs vestium fctum, ideoque nunc
sententiam suam in gratiam regis Herodis, eique si-
milium variantem ne consuetis delitijs priuaretur.
Hoc enim solent illi facere, qui in domibus regum sunt,
id est, in palatijs mollium & diuitum educati, qui
nihil aliud quam delitijs, & vestium fragrantiam
quærunt. *sed quid existis uidere? prophetam? etiam dico uo-
bis ex plusquam prophetam,* quoniam ipse Propheta est, &
propheta quolibet excellentior, etenim non prædi-
xit saluatorem venturum, at quod nulli præcones fe-
cère digito præsentem monstrauit, propriæque
manu in Iordane baptizauit. *Hic est enim de quo*
scri-

scriptum est. Ecce ego mitto angelum meum ante faciem tuam
 qui præparabit viam tuam ante te. Vnde patet eū plus
 esse quam prophetam, qui est omnium propheta-
 rum nouissimus, de quo à propheta, dictum est, *malach. 4.*
 Ecce ego &c. Id est, ego Deus pater nouū aliquid &
 admirabile faciā, mittā enim tibi, fili mi, ante faciē
 seu aduentum tuum præclarū quendam nuncium
 (vt in Angeli voce anthonomasia fit) tibi propin-
 quissimum, nec longo temporis interuallo cetero-
 rum prophetarum more præcedentem, qui singu-
 lari modo præ alijs prophetis, pœnitentiam & re-
 gnum cœlorum prædicando pœnitentes baptizā-
 do & te præsentem demonstrādo, viam, id est, tibi
 præparabit corda hominum vt in illis ambulare,
 & habitare possis. Vię enim Christi animæ homi-
 num sunt, per quas verbum procedere oportebat.
 Hinc ergo patet eum qui prophetarum est nouissi-
 mus, esse plusquam prophetam. Vaticinium istud
 Malachiæ tres primæ Euangelistæ non quidem se-
 cundum translationem septuaginta, nec secundum
 textum Hebræum ad literam, sed secundum sensum
 allegant: nam apud Malachiam, vt & Hierony. an- *in cōment.*
 notat, inducitur, filius ipse loqui, Euangelistæ ve- *supco ma-*
 rò Deum patrem loquentem faciunt, nisi per faciē *la. b. 3.*
 Deum intelligamus, qui ab Esaia brachium Dei pa- *Esa. 53.*
 tris etiam dicitur: pater enim per filium cognosci-
 tur, sicuti homo per faciem suam. Si ergo sic intel-
 ligatur facies, etiam propheta patrem loquētem in-
 ducet. Et secundum Hieronymum in sequentibus
 loquitur Christus de se in tertia persona vt hīc, fi-
 lius non habet vbi caput suum reclinet. Vterque
 autem sensus probatus est. Et in cantico Diuæ vir-
 ginis per brachium filius Dei intelligitur, nam ibi-
 dem dicitur quod Deus per filium suum mirabi-
 lia sit operatus. Agit hīc ergo Christus de magni-
 tudine Ioannis, quemadmodum Euthymius in
 hunc

hunc locum eleganter explanat.

Amen dico uobis non surrexit inter natos mulierum inter filios ex coniunctione viri cum muliere natos, maior Ioanne baptista dignitate, aut sanctitate. Nominis (mulieris) hic corruptio intelligitur: alioquin Maria non excluderetur, ac proinde Ioannes esset etiam Christo Mariae filio maior. Nec etiā dicitur hic quod maior fuerit omnib' retro prophetis, sed tantum quod nemo eo maior fuerit, quod aequales minimè excludit. Qui autē minor est in regno caelorum id est, minimus angelorum, maior est illis, quia facie patris in caelo intuetur, & securus est se nunquam à Deo separandum: longè ergo excellentioris sanctitatis est Ioanne Baptista, quippe qui adhuc corpus corruptibile, & animā aggrauans gestat, ac subinde peccat: nondū enim in iustitia ita confirmatus est, ut à Deo separari nequeat. Hunc sensum dant Cyrillus in libris thesauri, Hieron. & August. cont. aduersarium legis & prophetarum. Aliam interpretationem assignant alij, hanc videlicet, Ego Christus qui etate Ioāne baptista iunior sum (sex enim menses ante me natus est) longè maior sum in regno caelorum, id est, in Ecclesia. Vnde Euthimius, minorē, inquit, seipsum dicit, quod ita videretur apud Iudaeos, nam Ioannem eo maiorem habebāt: utpote qui ab infantia in eremum secesserat, ac admirabili austeriorq; vitę instituto vsus fuerat. Christum verò communi modo conuersantem deijciebant.

A diebus autem ioannis baptistae quibus praedicare coepit, non autem à diebus natiuitatis, Regnum caelorum vim patitur, etenim magna violentia illud homines occupare conantur, dum poenitentiam veram, per quam ad illud pertingitur agunt & magnam vim sibi contra propriam concupiscentiam certantes inferunt, ut rem supra modum arduam conse-

Lib. 21. c. 4
in cōment.
lib. 2. ca. 5

consequantur : & sic sensus parabolicus est. Neque hæc vis ex multitudine oppugnantium est intelligenda, sed ex singulorum affectu & feruore : vnde apud Lucam dicitur. Et quilibet in illud vim facit. Et ne quis fortè dicat, à multis quidem regnum Dei oppugnari, at à nullis expugnari, addit, *et violenti rapiunt illud*, non solum regnum oppugnant verum etiam per violentiam obtenta victoria pacificè possident. Quisque hîc aduertat, ac serò cogitet, vtrum sufficientem ad regni illius expugnationem vim sibi inferat, non enim segnes, sed violenti rapiunt illud.

Luc. 5.

Omnes enim prophetæ et lex usque ad Ioannem prophetauerunt saluatorem nimirum manifestandum. Et hinc fit, vt post Ioannis demùm prædicationem regnum Dei vim patiatur, & violenti rapiant illud : quoniam omnes Prophetæ veteris Testamenti, & lex tam cæremonialis, quàm moralis vsque ad prædicationem Ioannis, saluatorem manifestandum tantum prophetauerunt, verum exhibitæ eius manifestatione cessauit futuræ manifestationis prædicatio & manifestata est Saluatoris agnitio quæ causâ est cur regnum cælorum vim patiatur. Per prophetas omnes, intelliguntur scriptores omnes, exceptis ijs qui Pentateuchum scripsere, quos per legem intelligimus. Atq; omnes isti vel verbis apertis, vt Esaias, Ieremias, & Dauid, vel obfcuris, vel denique rebus gestis, & actionibus propheticis vt Iosue, & Helisæus aduētus Christi mysterium prænunderunt. Etenim Iosue Christum nostri redemptorem: Helisæus verò, quando super puerum incubuit, & os suum ori eius, cæterisque eius membris sua membra applicuit, Christum carnem nostram assumpturum præfigurabat. Quod autem Esaias nudus incesit ex præcepto Domini significabat Christum in passione nudandum.

4. Reg. 4.
Esai. 10.

IN MATTHAEI

*Mich. 1.
Genes. 9*

Lit. 19.

Rom. 3

Cap. 9

*Act. 11.
Cap. 13.
Cap. 15.
Cap. 4*

Simile quid facturum se Michæas dixit, Vadā inquit, spoliatus, & nudus &c. Eiusdem rei typus fiat quod Noë etiam nudus iacuit. Lex verò cærimonialis apertè significauit Christi aduentū, passionem, & resurrectionem, quemadmodum Paulus epist. ad Hebræos passim exponit & Augustin. contra Faustum. Lex autem moralis hætenus dicitur prophetasse Christum, quia præuaricatores peccatum augendo in fidem venturi Christi conclusit. Et hoc ipso quo iubebat, & minabatur neminem tamen iustificabat, at magis impium reddebat, satis significauit alium expectandum cuius auxilio, homo qui per infirmitatem legem violabat, per sanitatem impleret: quod clarè docet Apostol. Paulus: Scimus (inquit) quoniam quæcunque lex loquitur, ijs qui in lege sunt loquitur, vt omne os oblitruatur, & subditus fiat omnis mundus Deo: quia ex operibus legis non iustificabitur omnis caro coram illo. Per legem enim cognitio peccati, nunc autem sine lege iustitia Dei manifestata est, testificata à lege, & prophetis: iustitia autem Dei per fidem Iesu Christi in omnes, & super omnes qui credunt in eum. Vide Augustinum de spiritu & littera. Et contra Faustum lib. 19. cap. 8.

Quæritur an ne fuerint prophete post Ioannem? Respondeo fuisse vt patet ex Actis Apostolorū de Agabo. Item de Iuda & Sila, item ex epistola ad Ephesios. Et ipse dedit quosdam quidem Apostolos quosdam verò Prophetas &c. Verum hi non prophetauerunt aduentum Christi sicut Prophete veteris testamenti, qui Christo nato prophetare paulatim destiterunt, quia iam per eos prædicta compleri cæperunt. Verum ante Ioannis prædicationem nondum manifestabantur etiam si quædam completa erant, quapropter erant hominibus adhuc manifestanda. Pro cuius rei intelligentia pulchrum

chrum locum habet Beda super illud Lucæ. Et incipiens à Moyse, & Prophetis &c. Vbi admonet legere scripturas: secundo nihil ita affirmare fidē credentium, quam vtriusque testamenti intelligere concordantiā. *Et si uultis recipere ipse est Elias qui uenturus est.* Ego assero vobis si uultis credite. Ipse Ioannes non quidem in persona, sed in spiritu, & virtute Helias est: siquidem spiritu eodem quo Helias plenus est, qui ad similes vitæ innocentiam, & impijs hominibus resistendi audaciam, & alacritatem eum instigat, quomodo Eliam. Quemadmodum enim Elias austeram vitam egit in deserto habitās, zona pellicea cinctus, iustitiæ zelator, ita & Ioannes quem prædixit Malachias ante Messiam venturum.

Qui habet aures audiendi audiat, hoc est, qui spiritualiter intelligere potest verba hæc intelligat, non enim crudè sunt intelligenda. Hæc autē verba sunt, quod Ioannes non sit Elias in persona, sed in spiritu, & virtute. Ideoq; hanc partem adiecit: *Qui habet aures &c.* Quod quotiescunq; facit aliquid mysticè dicit, & verba sua per tropū, & figuram intelligenda ostendit. Quoniam autem communis fama apud scribas erat quod Christi aduentum Helias præcederet, aliud per hoc aduētus Messię præbetur argumentum, istud scilicet, *cui autem similem æstimabo generationem istam?* quo Iudæis cordis durties, & diuinorum contemptus impropertur, ut patet ex Luca. *similis est pueris sedentibus in foro*, id est, sic agitur in populo isto quemadmodum in puerorum ludo, *qui clamantes cœqualibus nolētibus eis colludere.* Dicunt impropertando, vel ex impatientia deridendo, *cecimus uobis, gaudiorum cantica deprompsimus, & non saltastis ad nostrum cantum, & suauem tibiæ resonantiam.* *amentauimus*, id est, lugubria cecinimus, maiores imitantes, qui alios ad fletum

Luc. uli.

Luc. 7.

IN MATTHAEI

ad fletum in funeribus excitât, *et non fleuistis*. Christus & Ioannes pueris clamantibus comparantur. Iudæi autem, pueris colludere nolentibus. Ideoq; istud. Similis est pueris &c. hoc modo exponi debet: In isto populo eodẽ modo quo in pueris prædictis agitur. Alioqui videntur Iudæi pueris clamanibus cõparari, quod nullo pacto saluator intēdit. Huiusmodi aut expositio in hoc euāgelista nō est rara: hic enim (Simile est regnū cœlorū homini seminanti) talis est expositio faciēda, homini seminanti, id est, operibus eius: pro quo dicit Marcus, Sic est regnum Dei quẽadmodum si homo iaciat fementem in terram. *venit enim iōānes, neq; m. inducās, cibum communem, sed tantū locustas, & mel syluestre. Neq; bibens vinum, & siceram, sed tantum aquam:* & ita in cæteris vt sua pœnitentia alios ad planctum, & pœnitentiam prouocaret austerẽ viuens: At Iudæi, tanquam contumaces pueri, nec planxerunt, nec pœnitentiam egerunt, quinimo salubria Ioannis exempla peruerterunt, eius abstinentiã dæmonibus tribuentes: ei enim conuitiati sunt dæmonium habere dicentes. *venit filius hominis manducans, et bibens*, id est, Ego communem modum viuendi sequens, omnium vitæ accommodam nullam austeritatem assumens, *et dicunt: ecce homo uorax, et potator uini, publicanorum, et peccatorum amicus*. In iudicando nimium temerarij fuerunt. Non enim paruum est in iudicādo periculum, facile enim de alicuius & præsertim doctoris facto, & doctrina iudicando erratur: Vnde nos cohibere debemus ne facilẽ alios condemnemus. Christus tamen vitæ nostræ, & conuersationis uiuum exemplar, falsã impiorum iudicia, atque conuitia sustinuit, vt magnum nobis calumnias iniuste sustinentibus impenderet solatium. Diuerso quoque modo Christus, & Ioannes vitam suam

ad sa-

LUC. 13.

Mat. 4.

ad salutem populi instituerunt: Ioannes enim austeram, Christus verò communem vitam assumpsit. Ioannem siquidem austeram decebat, quoniam pœnitentiæ prædicator erat, & non largitor gratiæ, & homines non decuit ita ad eum confluere, sicut ad Christum largitorem gratiæ. Insuper instrui-
mur hîc varijs modis nos Deo seruire posse, & quod nullus alterum in viuendi modo contem-
nere debet: quemadmodum Thomas in 3. parte quæstio. 40. articul. 2. docet: Parabola etiam hæc
ijs applicari potest, qui nec dulcibus sermonibus,
& promissionibus, nec duris verbis, & minis ad
pœnitentiam prouocantur: sed potius prædicator-
es, austeros, tetricos, & scrupulosos vocitant: mites
autem, & quantum possibile est hominum fra-
gilitati condescendentes, assentatores dicunt.

Et iustificata est sapientia a filiis suis, id est, ego
qui sapientia patris sum, cum Iudæis, ab omni-
bus sapientibus, & iustis, iustè egisse iudicatus
sum: quando videlicet me nihil ad Iudæorum
salutem prætermisisse professi sunt. Varijs nam-
que modis ad pœnitentiam eos prouocare cona-
tus sum, ita vt ipsi nullam pertinaciæ suæ, ac in-
fidelitatis habere possint excusationem. Loqui-
tur hîc Christus de seipso secundum diuinitatem,
quæ omnia sapientissimè administrat: nec eos
posse accusare eum si deserantur: videtur enim
omnino Christus eorum desertionem hoc loco
respicere quod elucet si hunc locum cum illo lo-
co Matthæi conferamus, Ecce ego mitto prophe-
tas, & Scribas ad vos: & ex illis occideris, & cru-
cifigeturis, & ex illis flagellabitis in synagogis ve-
stris.

Matth. 23.

Luc. 11.

Augustinus verò libro secundo capite vnde-
cimo quæstionum Euangelicarum hunc dat sen-
sum, Agnita est iustitia à filiis suis, dum cogno-
uerunt

IN MATTHAEI

uerunt vtramque vitam, & austeram, & dulcē esse bonam: & iulitiam non consistere in abstinendo, vel manducando, sed in æquanimitate tolerandi inopiam, & in modestia, seu temperantia vtendi copia. Verūm, proh dolor, vt ait Ethnicus ille Plautus homines multo melius ferunt penuriā quam saturitatem: estq; illa commūiter hac illis ad animæ salutem vtilior. *v. e tibi corozaim, u. e tibi bethsaida* Harum ciuitatū incolis verbi diuini cōtemptum impropert. Ciuitates enim ipsæ circa mare Galilææ sitæ, per Antonomasiā pro ipsis incolis accipiuntur. In his autem ciuitatibus tres Apostoli, Petrus, Andreas, & Philippus ex vico Bethsaida orti, plurima miracula fecēre: vsque adeo vt quandocunque miracula sine loci expressione fecisse dicuntur ferē semper in his ciuitatibus peregrisse intelliguntur. *Quia si in Tyro & sidone factæ essent uirtutes quæ factæ sunt in uobis.* Si in his ciuitatibus idolatriæ deditis facta fuissent miracula (sub quibus comprehende prædicationes) olim in cilicio, id est, sacco induti, & cinere aspersi pœnitentiam egissent non vti vos in sceleribus suis, & pertinacia permansissent: vnde vos grandis & æterna manet miseria.

veruntamen dico uobis, remissius erit Tyro & sidoni in die iudicii quam uobis. Istud capite præcedenti expositum est. Tyrus ciuitas est Phœniciæ mercurialis impietatis notissimæ, cui vicina est similis impietatis Sidon: de quibus legimus in Ezechiele, & Esaia.

eze. ca. 16.

17. 28.

esa. 23.

Et tu capharnaum nunquid usque in cælum exaltaberis? per superbiam tuam, qua prædicationi meæ obstitis, vel, nunquid semper miraculorum meorum gloria, & splendore relucebis? *vsque in infernum descendes in æternam mortem & inam barathri partem detruderis propter prædicationis meæ cōtemptum?* *Quia si in sodomis factæ fuissent uirtutes, quæ factæ sunt in te.* quasi dicat, Tu impietate superas Sodomitas:

tas:

tas : nam vtique ipsi si talibus signis excitati fuissent, ad pœnitentiam agendam flexi fuissent, & à Domino nequaquam extincti. Hinc patet pœnitentiam non tantum complecti resipiscentiam, siue nouam vitam (quemadmodum impiè sustinere vult Lutherus articulo septimo contra quem doctissimè scribit D. Ioannes Rossensis Episcopus Anglus, & nostræ ætatis martyr) verumetiam Deum placandi studium per afflictiones voluntariè assumptas, aut iustè nobis impositas : alioquin enim cilicium, & cinis ad pœnitentiā minimè pertinerent, quod tamen hoc loco saluator asserit. Diuus Hieronymus aliam expositionem habet in cōmentarijs huius loci, & ordinem istarum ciuitatū mutat, nam ante (Gorozaim, & Bethsaida, ponit Tyrum & Sidōnem, & sic ait, Remissius erit Tyro & Sidōni. Quoniam Tyrus, & Sidon naturalem dentaxat legem contempserunt, & conculcauerūt: Corozaim verò, & Bethsaida post naturalis legis & scriptæ præuaricationē, etiam miracula, & signa quæ apud ipsos facta sunt contempserunt. Seipso admonēat hic Christiani impœnitētes, sacerdotes, religiosi, atq; Euāgelij Christi præcones, qui à Dño plurima gratiæ, atque salutis accepēre munera: manet enim eos terribilis futuri iudicij expectatio, si istis abusi fuerint. Ex hoc loco clarissimū euadit neminem propter ea quæ facturū fuisset iudicādum: nam Tyrij, & Sidonij propter bona opera quæ facturi erant si saluatoris miracula, & signa vidissent nullam remunerationem acceperunt. Vide Augu. *c. 42. 9.* de dono perseuerantiæ. Præterea ex hoc eodem loco patet falsum esse ideo Deum alicui gratiā dare vel negare, quia talem gratia illa bene vsurum, vel abususum præuidit: nam non dedit Tyrijs, & Sidonijs, qui tamen (teste saluatore) bene erant vsuri: Galilæis autem dedit, qui ea sunt abusi. Ex quo vlt-

terius

IN MATTHAEI

terius patet prædestinatorum, & reproborum diuersitatem, ex præuisione boni, vel mali vsus gratiæ diuinæ nō pendere. Iudicia autem Dei quibus hunc prædestinat, illū verò reprobatur, inscrutabilia sunt: neminē tamen nisi voluntariē à se recedentē condēnat, quemadmodū neminem nisi per suā misericordiā bene operantem saluat. *forte mansissent usq; in hanc diē, vtiq; mansissent, quia placato Deo pœnitentiā egissent.* Hinc certū est nullū hominē cōspēctis tantūmodo miraculis, vel audita prædicatione quantūlibet excellēti, posse agere pœnitentiā: at vltra omnē gratiā exteriorē, spiritus sancti inspiratio requiritur, quæ voluntas humana ab impietate ad pietatē, ab infidelitate ad fidē conuertatur, atq; ideo quoties in scripturis pœnitētia, aut fides miraculis & prædicationi tribuitur, nunquam gratia spiritus sancti quæ cū miraculis Iudeis præstita fuit excluditur: voluntas etenim humana, supernaturalia audita, quia peccato Adę terrenis alligata, & peccatorū vulneribus ad ima prostrata est, deridet atque contemnit. *in illo tēpore respondens Iesus dixit cōfiteor tibi pater Domine cœli & terræ, id est, oīm elemētōrū, atq; in eis contentorum.* Deus propriē pater Christi est, Dominus autē, creaturarū. Vnde nō dicit saluator gratias ago, siue cōfiteor tibi Domine pater cœli, & terræ: non enim pater filij Dominus est. *quia abscondisti hæc mysteria aduētus mei in mundū, & magnifica gratiæ tuæ munera.* Laudat eum de misericordia, & iustitia. *a prudentibus & sapientibus, id est, à Scribis, & Phariseis qui in oculis suis sapiētes sunt & reuelasti ea paruulis, id est, contemptis, atq; in oculis suis humilibus, Apostolis nimirū, & discipulis, gratia S. Sācti eorū intellectu illustrādo, & volūtātē eorū tibi subiiciēdo.* ita pater scilicet cōfiteor (ita) cōfirmantis, & augentis est: q. d. In hoc supra modū te laudo tibiq; gratias ago: vel (ita pater) placuit scilicet

licet excœcare sapientes, & illuminare paruulos.

Quoniã sic fuit placitum ant: te, cui scilicet quicquid placet iustissimè placet. Hinc discimus prædestinationis, & reprobationis primâ causam esse diuinû beneplacitum: deinde quod de oibus quæ cōtingunt Dei iustitiæ obmurmurare nequaquam debemus, sed gratias agere: quandoquidē nihil sine diuinę voluntatis dispositione, ac permissione fit, quæ nunquam iniqua aut irritationabilis esse potest. Atque ideo Christus hic gratias agit nō solum de illuminatione paruulorum, verum etiam de excœcatione superbiorū: non quasi delectetur malo, sed quia delectatur iusto Dei patris iudicio, iuxta illud Lucæ, Deposuit potentes de sede, & exaltauit humiles: & iustus lætabitur quum viderit vindictā peccatorum.

EUC. I.

Psal. 117

omnia mihi tradita sunt a patre meo, declarat dignitatē sui ipsius, quatenus mediator est: q. d. Ne me patre minorem quia ei gratias egi, arbitremini: at æqualitatem inter ipsum & me, agnoscite. Omnia enim mihi pater tradidit, id est, electos omnes: illi enī mihi secundū humanā naturā dati sunt, vt eos saluificē, & caput, ac rector eorū existā: quod proprium est mediatoris officium. Videtur hic sensus esse conformis quia in hoc capite multa de reprobis, & electis prolata sunt: vt, venite ad me omnes: & omne quod dat mihi pater ad me veniet. Quod dat. i. quod elegit ab origine mūdi, id est, prædestinauit: & sic omne quod saluari debet per me vnicū saluabitur. Vel hoc modo, hæc pars exponi potest. Omnia mihi tradita sunt, id est, omnia quæ habet pater vtpote potentia, bonitas, sapientia, atque vniuersæ res creatæ mihi secundum diuinitatem quando per æternam generationem mihi æqualem eam communicauit, donata sunt: nam idē dominium quod habet pater habet filius.

IOAN. 6. 17.

IN MATTHAEI

Et nemo nouit filium nisi pater. Nemo perfectè, & per naturam me nouit nisi pater. *neque patrem quis nouit nisi filius*, qui cum patre, & spiritu sancto vnus est: quare vos ex mutua, & equali notitia nos pares intelligere potestis. Est hîc notandum quod quando- cunq; aliquid in sacris literis quod Deo essentialiter competit, ac diuinam essentiam consequitur, alicui personæ diuinæ cum aliqua exclusionē tribui- tur, nunquam reliquas personas excludi, sed tantū- modo ipsas creaturas: quemadmodum quum di- citur, Tu solus sanctus, non per hoc pater aut spi- ritus sanctus excluditur. Atq; proinde propositio hæc exclusiua hoc modo est exponenda, Pater no- uit filium perfectè, & nihil aliud à patre essentialiter diuersum nouit filium: non autem sic & nullus alius. *Et cui uoluerit filius reuelare* vel pater scilicet, vel spiritus sanctus, per meram dignationem, & gratiā. Atq; is quidem patrem nosset, non tamen perfectè, & secundum naturam suam, sed quantum filius ex liberalitate sua ei reuelare uoluerit. Agitur autem hoc de reuelatione non quæ tantum fidei, sed quæ obedientiam consequitur. Reuelat autem tota tri- nitas pater filius, & spiritus sanctus: Christus tamē sibi tribuit potestatem reuelandi patrem cuiunq; uoluerit, quia satis manifestum erat patrem hoc posse: & hîc tantum agebatur ut diuinitas Christi manifestaretur & quādo patrem reuelat etiam spi- ritum sanctum, atq; seipsum reuelat. In verbo *uo- luerit*, gratiæ est significatio: quoniā quod uolūtate largientis tribuitur hoc non ex debito, sed gratis datur. Similiter dicitur, spiritus ubi uult spirat: Itē, Saluum me fecit, quoniam uoluit me: & apertius Domine in uoluntate tua præstitisti decori meo uirtutem. Id est, dilectione gratuita, & gratia.

venite ad me omnes qui laboratis. difficultatibus legis dum frustra uiribus uestris eā implere conamini,

ex one

10an. 3.

1. cor. 12

psal. 17.

et onerati estis. peccatorum conscientia, ac gehennæ timore: et ego reficiam uos, præstabo vobis requiem, vos recreabo per remissionem peccatorum, conscientia pacem & præceptorum meorum impletionem: ex quibus vitæ æternæ spem concipietis, & tandem eius fruitionem obtinebitis. Istud demum intelligunt illi qui olim onerati nunc ad Christum perueniunt.

Tollite iugum meum super uos. Idem alio modo explicat. Seruate mandata mea eo modo quo doceo seruanda. Emphasis est in (Meum) nam idem iugum ut Pharisei imponebāt intolerabile erat, ut Christus suauissimum: quemadmodum Beda super illud Lucæ ostendit. Et vobis legis peritis vā quia oneratis homines oneribus quæ portare nō possunt: Cū enim eo pacto sine fide, & gratia Christi seruanda tradebant, portari nequaquam poterant. unde recte Dominus quod sequitur (& ipsi vno digito vestro non tangitis sarcinas) impropere, id est, ne minimam quidem legis partem perficitis: nam sine fide, & gratia Christi eam seruari impossibile est: quum scriptum sit, Iustus ex fide uiuit, & Apostolus Petrus his qui credentes ex gentibus circuncidi docebant protestetur, & dicat, Nunc ergo quid tentatis Deum imponere iugum super ceruices discipulorum, quod neq; patres nostri, neq; nos portare potuimus? sed per gratiam Domini Iesu Christi credimus saluari quemadmodum & illi. *Et discite a me quia mitis sum.* Hoc modo iugum meum tollere poteritis, si imitatores mei fueritis, doctrinam & obedientiam amplectentes. Discere etenim hīc non solū intelligere est, sed opere quod intelligitur etiam complere. *quia mitis sum*, non iracundus, & aliorum contemptor, at mansuetus, & misericors: & quod prioris causa est, *humilis corde.* humilitas siquidem mitem facit: unde ex magna

N humi-

cap. ii.

act. 15

IN MATTHAEI

Ioh. 14.

humilitate dixit quam secundum humanitatem, non diuinitatem habet: Omnia mihi tradita sunt à patre meo: Et ego à me non loquor: Iterum, Sermonem quem audistis, non est meus. Si itaq; nos peccata & fragilitatem nostram cognoscētes, alios non contempserimus, & humiliter agnouerimus, gratiæ Dei esse quod ei obediamus, erimus sicut Christus, mites, & humiles corde, in omnibus peccatis nos ipsos accusantes, & à Deo per Christum veniam implorantes, in omnibus infirmitatibus nostris sanitatem per eundem Christum postulantes, in omnibus bonis operibus nostris omnium largitori per Christum gratias agētes: Atq; hæc est euangelij humilitas, non abiectionis animi vilitas: Nam secundum saluatorem B. Maria, & sancti in cœlo sunt humillimi, quia omnem gloriam Deo, & non suis meritis ascribunt. *Et inuenietis requiem animabus uestris.* Istud idem est cum eo quod supradictum est, & ego reficiam vos. *iugum enim meum suauē est, & onus meum leue.* Hoc est, mandata mea cum dilectione iustitiæ assumpta, quam venientibus ad me tribuo aspera non sunt nec grauitate importabilia, at suauia & leuia. Atque ita probat cur iugū suum tollere debeamus. Dicuntur autem mandata Christi iugum, & onus, quoniam non seruata, peccatorum onus inducunt. Iugum enim seruitutis Domini per se suaue est, sed nos nobis malitia nostra graues sumus. Quapropter Dominum quotidie adeamus, & nos reficiet. Doctrina hac, qua docemur quomodo æternam mortem euadere poterimus, nulla vtilior esse potest vt ait Augustinus lib. de natu.

& gratia cap. 68. 69.

& 70.

IN CA-

IN CAPVT DVODECIMVM.

IN illo tempore abiit iesus per sata sabbatho discipuli autem eius esurientes, quippe qui ita frequenter prædicationibus, & profectionibus grauabantur, vt ne quidem manducandi tempus haberent, vt Marcus ait: cœperunt uellere spicas & manducare. Ex quo patet eos exquisitis epulis & fœci insolitos: quanquā enim saluator communi more vixerit, non tamen delicatē. Nec furti sunt hic arguendi quod spicas vulerint discipuli, quia hoc illicitū nō erat (vt patet ex Deut.) de quo habes apud D. Thomā in 3. parte. Pharisei autē uidētes dixerūt ei: ecce discipuli tui faciūt quod non licet facere sabbathis: quia videlicet nō liceat sabbato colligere cibū: id enim in Exo. vetari videtur, Lucas dicit: Phariseos alloquutos fuisse discipulos ipsos, quia forsitan vtrosq; & Christū, & discipulos alloquuti sunt. Hic autē euangelista loquutionis ad discipulos nullā mentionē facit. Et forsitā ideo quia accusatio discipulorū redundabat in Christū. Mystica expositio de vellentibus spicas habetur apud Agūst. in quæstion. euangelicis, vbi ostendit confricationem spicarum significare hominum præparationem vt corporis Christi membra fiant.

At ille dixit eis: Non legistis quid fecerit Dauid quando esuriit, & qui cum eo erant, quomodo intrauit in domum Dei, id est tabernaculum Dei, & panes propositionis comedit quos non licebat ei edere, neq; his qui cum eo erant, sed solis sacerdotibus. Hi panes quos soli sacerdotes comedere poterant, ponebantur super mensam in tabernaculo septē diebus. & postea renouabātur. Quū ergo nec Dauid, nec sacerdotes à vobis reprehendūtur, quamuis legem transgressi fuisse videantur, quod facere famis necessitate vrgebātur, nec ita discipuli mei reprehēdēdi sunt quod esuriētes spicas auellūt.

Mar. 3.

Deut. 23

Quæst. 40.

art. 4. ad 1.

C. 2.

Exo. 16

Lib. 1. c. 2

Leuit. 24

Exod. 15

IN MATTHAEI

Prædictæ enim leges salutis naturæ legibus intelligendæ sunt, quemadmodum alia iura positiua ferè omnia.

Aliud argumentum. *Aut non legistis in lege, quia sabbatis sacerdotes in templo sabbatum uiolant, & sine crimine sunt?* Sacerdotes mactando boues pro sacrificijs quæ tunc in templo offerebantur, operantur, & tamen sine reprehensione sunt, ergo & discipuli mei. *Dico autem uobis quia tempus maior est hic.* Dominus templi in hoc loco est. Si igitur sacerdotes per templum excusantur, multo magis discipuli mei per meam præsentiam, & consensum. Hieronymus uoculam, hic, nõ aduerbialiter, sed nominaliter usurpat, atque hunc reddit sensum, hic locus qui me continet est maior templo: verum prior expositio melior esse videtur.

Tertium argumentum. *si autem sciretis, quid est misericordiam uolo, & non sacrificium,* id est, si misericordes essetis, & non superstitiosè externa obseruantes, *nunquam condemnassetis innocentes,* discipulos meos. Id suprà latius expositum est.

exp. cap. 9.

Quartum argumentum. Dominus enim est filius hominis, etiam sabbati. Hoc est, ego omnium rerum creatarum, etiam ipsius sabbati Dominus sum, quo circa mea authoritate, & consensu potest in sabbato quodlibet opus fieri. Quemadmodum enim lex de sabbato mea authoritate facta est, ita eadem potest illa mutari.

Et cum inde transisset, uenit in synagogam eorum alio sabbato scilicet, Et ecce homo manum habens aridam dextram nimirum, *et interrogabant eum dicentes, si licet sabbatis curate, infirmos, ut accusarent eum tanquam violatorem sabbati, & alios violare docentem.* Hieronymus hinc narrat quod homo iste camentarius erat, atque proinde pro sanitate manus aridæ ne mendicare cogeretur saluatorem rogabat. Primùm inter-

roga-

rogauerunt Pharifæi, & Scribæ, quemadmodum narrat hîc Euangelifta; poſtea verò ſaluator infirmo dixit, Sta in medio, & tûc ipſe dixit illis, vt narrât Marcus, & Lucas. *Quis erit ex vobis homo, qui habet*

Mat. 3.

Luc. 5.

ouem unam &c. Ieſus autem ſciens conſilium Pharifæorum aduerſum ſe, ſciebat enim quo fine interrogabant, & quid doli ſtruerent ei. Tria hoc loco obſeruanda ſunt. Primò, Scribas, & Pharifæos in expoſitione diuinæ legis plurimum deuiſſe, quoniâ iuſtitiam in ijs quæ merè externa ſunt poſuere.

Secundò, Saluatorem contra tertium mandatû decalogi reſtituendo manui ſanitatẽ nullo modo peccaſſe, quemadmodum habet Thomas. Tertiò

3. par. quæſ.

40. art. 4.

ſecunda ſe-

cunde quæ.

10. & 11.

non prohiberi Deo quouis tempore operari, aut miracula facere: ſimiliter nec hominibus quæ de neceſſitate ſalutis corporalis ſunt, vt ſunt incifio venæ, vulneris curatio, potionis medicæ præparatio &c. Denique non prohiberi opera ad cultû diuinum pertinentia, qualia ſunt orare, celebrare, boves in ſacrificia pro tempore veteris legis occidere, nec ſimiliter opus quo omiſſo præſens rerum damnum immineret, licet de eo hîc ſaluator non agat. *Receſſit inde trans mare, vt habet Marcus,*

Cap. 3.

curauit eos, qui curatione egebant, et præcepit eis ne manifeſtum eum facerent. Ne videretur inanem gloriam venari, vel, ne Pharifæi locum ſcirent vbi eſſet. vt adimpleretur quod dictum eſt per Iſaiam prophetã dicentem: *Ecce puer meus quem elegi, dilectus meus in quo bene complauit anime meæ.* His verbis oſtenditur humilitas, manſuetudo, & patientia Chriſti, atq; ſumma erga peccatores benignitas: nam hic Euangelifta magnam humilitatem, & patientiam eius admiratur, quod videlicet hoſtes ſuos fugerit, quos ſolo nutu perdere poterat. Senſus ergo huius eſt: Audite omnes (inquit Deus pater) nouum quiddã, & admirabile. Puer meus, id eſt, ſeruus meus ſecũ-

Iſa. 42.

IN MATTHAEI

dum humanam naturam, quem elegi vt mihi naturalis filius foret, atq; omnium electorum Saluator: Dilectus meus mihi supra modum placens, in quo bene complacuit animæ meæ. Istud tropologicè dicitur, non enim Deus animam, aut oculos aut aures &c. sicut nos habet. *Ponam spiritum meum super eum.* Huius partis tres bonæ interpretationes assignantur, quarum prima est ista, ab initio conceptionis eius posui spiritum meum super eum.

Et iudicium per Apostolos gentibus idololatriæ & incircuncis nuntiabit, id est, efficiet vt gentes quæ hætenus varijs fuere implicatæ erroribus & ignorantibus, veram iustitiam, & cultum Dei modo agnoscant. Secunda interpretatio hæc est, Ipse sumet sibi partes iudicis inter principem huius mundi diabolum, & gentiles, id est, genus humanum, & feret sententiam pro illis dæmonium ex eis eiiciendo: quemadmodum dixit. Nunc iudicium est mundi, nunc princeps huius mundi eiicietur foras. Tertia verò interpretatio est, Doccebit gentes quandoque futurum iudicium, vbi vnicuique Deus secundum opera sua reddet, quod antea gētibus pœnitus ignotum erat, existimabant enim post hanc vitam nihil superesse, atq; animam cum corpore interire. Hunc sensum amplectitur Augustinus. *Non contendet, ueq; clamabit*, id est, nō erit contentiosus, ferox, aut impatiens nullas amaritudinis, vel indignationis voces proferet. *Neque audit aliquis in plateis uocem eius*, quemadmodum seditionum, aut sese ostentantiū clamores exaudiuntur, id est, nihil ad inanem gloriam faciet, nullamq; seditionem, aut turbationem excitabit. Eodem modo à Paulo hoc loco clamor accipitur. Omnis amaritudo, ira & clamores. Mysticè Hierony. hoc pacto istud interpretatur, nemo ex ijs qui in platea siue lata perditionis via ambulant vocem Christi audiet:

1047. 11.

Eph. 4.

audiet: dicitq; in commentarijs in Eſaiã ſic ad verbum haberi. Nō leuabit, ſiue non accipiet, pro quo ipſe poſuit non accipiet perſonam. Dat & alium ſenſum hunc ſcilicet, non leuabit in altum vocem ſuam. Hic ergo Euangeliſta ſenſum ex Eſaiã allegauit. Hieronymus (foris) ad literã interpretatur quod ſaluator extra Iudæam non prædicauerit. Auguſtinus verò myſticè quod doctrina ſaluatoris ab his qui extra Eccleſiam ſunt minimè audiatur. Sed prior ſenſus melior videtur, qui habet (in plateis) non (foris) *Arundinem quaſſatam non confringet.*

Significatur humanitas, & benignitas Chriſti erga infirmum, atque peccatorem hominem per peccata ſua inſtar calami, aut arundinis confractum, ac ſerè deſperatum: quem tamen non abiiciet pœnitus, ſed alligabit, & fouebit vt ſanet: *et linum fumigans*, id eſt peccatores, qui ſicut linū quod nondum ardet, ſed tantum fumigat, extinctioni vicini ſunt *non extinguet*, ſed potius modicam fidei ſcintillam augendo, & promouendo accendet. Atque hoc eſt quod dixit: Venite ad me omnes qui laboratis, & onerati eſtis, & ego reficiam vos. Quando enim quis bonum aliquod auſpicatur ſaluator promouere non deſinit: vnde in Ezechiele dicit: Nolo mortem impij, ſed vt cōuertatur à via ſua, & viuat. Quare etiam ſe malis paſtoribus opponit dicēs: Lac comedebatis, lanis operiebamini: & quod craſſum erat occidebatis, gregem autem meū non paſcebatis. Ecce ego ipſe ſuper paſtores, & requirā gregem meum de manu eorum: & infra. Ego ipſe requirā oues meas, & viſitabo eas ſicut viſitat paſtor gregem ſuum. Planè contrarium de Antichriſto, & ſocijs eius dicitur, Et paſtores eorum non paſcebant eis, & infra: Quod moritur, moriatur, & quod ſucciditur ſuccidatur, & reliqui deuorent vnusquiſque carnem proximi ſui.

z eec. 33. Or

34.

z eec. 34.

z ach. 11.

IN MATTHAEI

Hieronymus in hunc locum ait: Qui peccatori nō porrigit manus, nec portat fratris onus, calamum confringit quassatum, & qui modicam scintillam fidei contemnit in paruulis, linum fumigans extinguit: & hodie qui non conatur errantes in moribus, aut fide, reducere ad rectam viam, non imitatur Christum. Arundinem, & linum generaliter de peccatoribus intelligit, at in quæst. secunda ad Algariam mulierem studiosissimam, propriè per arundinem Iudæos, per linum gentes intelligit. Augustinus verò per linum, & arundinem propriè Iudæos intelligit, quia de gentibus præcessit, iudicium gentibus nunciabit, & postea, Gentes in eo sperabunt, verum videtur probabilius generaliter intelligendum. Hieronymus putat istud in veritate elucet iudicium, vitio scriptorum omis-
sum. donec eijciat ad victoriam iudicium, id est, donec omnia ista prædicta perficiet, peccatores recipiens, id est, donec gentes, & Iudæi sint per iudicium deuicti, vel, donec pœnitus electorum accusator diabolicus vincatur, aut donec ipse Christus ad iudicium extremum veniet, in quo apertè omnes aduersarios suos confundet, atque superabit. Triplex iste sensus ex voce (iudicium) quæ triplicem habet significationem confurgit. in nomine eius gentes sperabunt, donec veniatur ad illud iudicium. Hieronymus vertit, Legem eius insulæ expectabūt, ex quo intelligimus insulas in Scripturis pertinere ad populum gentilem, v̄t ibi, Audite insulæ quæ loquor vobis. Item, Audite insulæ, & attendite populi de longè. Consulatur Augustinus lib. 20. de ciuitate Dei cap. 30.

Lib. 20. de
ciuit. Dei
cap. ult.

Es. 40.
L. 11.

Tunc oblatus est ei dæmonium habens. Incertum est vtrum istud miraculum eodem tempore cū præcedenti factum sit. cæcus & mutus scilicet ex dæmonio, vt patet ex Luca. Tria ergo simul signa hîc exhi-

exhibuit saluator, quæ quotidie mysticè complentur in conuersione credentium, dum repulso diabolo per remissionem peccatorum clarum Dei lumen perspiciunt, & in laudes diuinas ora prius tantentia laxant. *Nunquid hic est filius David*, id est, promissus Messias. *Pharisei autem audientes dixerunt: hic non eiicit demones diuina virtute, nec propter vitæ sanctitatem, vt inde Messias æstimari debeat nisi in Beelzebub principe demoniorum.* Eiicit quidem demones, sed propter pactum quod iniit cum principe demoniorum, qui alijs demonibus imperat, vt ad mandata istius exeant, & sic fallantur homines, eū Messiam credentes. Ex Marco meliùs intelligimus an Pharisei tantum hoc dixerint mente an apertè etiam protulerint, siquidem ex eo constat quod duo dixerint, vnum expressis verbis, nimirum quod saluator haberet spiritum immundum Beelzebub, alterum cogitatione tantum, nimirum quod cooperatione Beelzebub demonia eiiceret. Quibus saluator non ad dicta, sed ad cogitata respondet vt eū diuinam habere virtutem cognoscant, quem cordium arcana scrutari vident. *Iesus autem sciens cogitationes eorum dixit eis: omne regnum diuisum contra se desolabitur, hoc est, Omne regnum sibi contrarium non permanebit, quia discordia intestina, res maxime dilabuntur. Et si satanas satanam eiicit, aduersus se diuisus est, quomodo ergo stabit regnum eius?* Quoniam ipsemet regnum suū quo in impijs regnat, & princeps mundi huius dicitur, atque rector tenebrarum harum destruit atque euertit. Diaboli semper ad nocendū hominibus concordēs sunt licet forsitan subinde inter se dissideant. Ponitur autem hīc Satanas pro demoniorum principe, vt in Apocalypsi. Atq; tūc eiici dicitur, quādo aliquis angelorū eius eiicitur: sicut etiam ipse tentare homines dicitur, quādo angeli eius, & satellites eos tentant. Potest etiā sub-

IN MATTHAEI

subinde fieri vt ad decipiendos homines dæmon dæmoni cedat. Vt si dæmon ad iussu alicuius pseudoprophetæ ex homine migret, at celsio illa non est eiection, de qua hîc loquitur saluator, qui satanam non solum ex corporibus humanis, verum etiam ex ipsorum mentibus eijciebat: Ad quam plenam dæmonis eiectionem regnū diaboli euer- tit, & omnia opera sua ad illā ordinauit. Cōsulatur

L. 19. c. 18

Augustinus de Ciuitate Dei. Saluator depiq; de quotidiana dæmonum eiectione loquitur, nam plures in ipsa calumnia Phariseorū dēmones ponuntur. Qualia autem ipsi miracula faciant tractat

Lib. 12. de ciuit. Dei c.

9. 10. c. 11.

Augustinus. *Et si ego in beelzebub eicio dæmones, filij ue- stri in quo eijciunt?* id est apostoli mei, ex progenie ve- stra prognati: quasi dicat, de apostolis meis constat quod artem magicam ignorant, nec in eijciendis dæmonibus dæmonū cooperatione vtuntur. *Idco ipsi iudices vestri erunt.* Illi igitur vos in die iudi- cij ob vestram blasphemiam condemnabunt. Vel Apostoli eijciunt virtute mea, quomodo ergo ego cooperatione alterius indigeo? Per filios quidam exorcistas intelligunt, atq; hunc sensum reddunt. Exorcistæ vestri sciunt se eijcere dæmones per in- uocationem diuini nominis, cur igitur opus quod in ipsis Deo tribuitis in me diabolo ascribitis: *si autem ego in spiritu Dei eicio dæmones, peruenit ad uos reg- num Dei:* id est Messias, qui regnum diaboli minuit, & per quē homines Deo subduntur, in quibus ipse regnat: Quasi dicat certò ex illo colligere, ac cogno- scere debetis, Messiani qui regnum diaboli cōterit, & Deum in hominibus regnare facit, aduenisse, nā dissipatio regni diaboli, est adauctio regni Dei, & cōtra, hoc enim tanquā signum aduentus Messiae à prophetis prædictum est. Pro (spiritu) Lucas legit (digito) ex quo colligimus quod in sacra scriptura per digitū Dei, spiritus sanctus intelligatur, vt patet

xxo. 31.

in 3. signo de magis Pharaonis, & de tabulis lapideis legis Mosi digito Dei scriptis per quod significabatur lex gratiæ, seu Christi per spiritū S. in cordibus nostris scribēda: iuxta promissionē Dei per prophetā Ezech. & apertius per Ierem. expressam. Dabo legē meā in visceribus eorū, & in corde eorū scribā eā: & ero eis in Deū, & ipsi erūt mihi in populum. Quod etiā tractat Aug. & Hiero. in cōment. huius loci. Cuius prima causa est, quia per eū in cordibus nostris lex Dei, seu amor diuinæ legis ab ipso Deo scribitur. Secūda est, propter participationē, & varietatē donorū. Tertia, quā habet Cyrill sicut digitus est eiusdē substantiæ cū manu, sic spiritus S. idē cū patre, & filius eadē ratione manus Dei patris dicitur, quia est eiusdē substantiæ cū patre, sicuti manus cū toto brachio. *Qui non est mecum contra me est, & qui nō cōgregat me cū spargit.* Hiero. istud propriē de diabolo intelligit, vt sensus sit, diabolus qui non est mecum eiusdem voluntatis, sed contrariæ, in omnibus suis operibus mihi aduersatur: etenim ego dispersos ad fidei, & cultū diuini vnitatē cōgrego, ille verò dispergit quomodo igitur vos dicitis me illi confœderatum, & amicum? Vel: Quisquis hominum eiusdem voluntatis mecum non est, & qui mecum populum Dei dispersum minimē cōgregat, sicut diabolus aduersarius meus est, atque gregem meum similiter dispergit: ideoq; sicut diabolus condēnabitur. Hoc autē dictū videtur secūdū hūc sensum cōtra eos, qui nō apertē Christo aduersabātur, nolētes tamē ei adhærere: nulla namq; neutralitas est, si enī Christo nō adhærēt, hoc ipso diabolo cōiunguntur: vel cōtra apertē aduersantes ei, istud dictū accipi potest, vt scirent quantū scelus cōmitterēt. Vt ait Aug. *ideo dico vobis oī peccatū, & bla- sphēmia remittetur hominibus: spiritus autē blasphemiæ nō remittetur.* Quia me habere spiritū immundū dixistis, ostē-

xxc. 38.
Hiere. 31.

Lib. de spi-
ritu & lit.
c. 16. & 18
& lib. 2. qu.
Euan. c. 17

Lib. 1. de
peccat. mer.
c. 18. & lib.
4. de cōsen.
euan. c. 5.

IN MATTHAEI

ostendi vobis quam grauius in hoc deliqueritis. Hic Euangelista duas sententias ponit, in quarum priore comparatur blasphemia spiritus, cum quouis peccato, & blasphemia: in altera verò, blasphemia spiritus comparatur blasphemiæ contra filium hominis. Primam sententiam ponit Marcus, non autem secundam, Lucas verò contra. Tota autem difficultas in eo sita est, quidnam per blasphemiam spiritus sancti intelligendum sit. Augustinus de verbis Domini dicit in Scriptura vix difficiliore reperiri quaestionem, quã tamen ex proposito ibidem dissoluit: eandemq; sententiam repetit libro contra Cresconium grammaticum. Item in fine inchoatæ epist. ad Romanos & in Enchiridio, rursum epist. 50. Denique in libris Retractionum, ubi blasphemiam spiritus sancti esse dicit, habere cor impœnitens vsque ad finem vitæ ex desperatione vel prædicationis aut gratiæ spiritus sancti per quæ peccata remittuntur contemptu: nam hoc peccato præsentia omnia alia manent. Toto etiam primo lib. de verbis Domini in mōte de hoc peccato tractat. Petitur vtrum omne peccatum mortale in quo quis moritur, blasphemia spiritus sancti dicendum sit? Respondeo, nomen (spiritus sanctus) est hic nomē tertiæ personæ in diuinis, quod ex communis scripturarum loquutione patet: etenim distinguitur contra filium hominis. Blasphemia autem spiritus sancti est conuiuium quod directè Deo aduersatur, præsertim si à sciente admittatur: qualis est, à cultu Dei homines retrahere, quemadmodum filij Heli fecerunt: Item negare Christum, & subdere se idolis. Vnde postquam saluator dixisset, qui negauerit me coram hominibus, subdit de blasphemia in spiritum sanctum. Item dicere Christum habere spiritum immundum, vt dixerunt Pharisei: propter quos saluator hic de blasphemia in spiritum sanctum

Matth. 3.
Luc. 12.
serm. 11.

Cap. 8.

Cap. 83.

Lib. 1. c. 19.

1. Reg. 3.

Luc. 12.

sanctum loquutus est. Negare item Iesum esse verum Deum Synodus Agrippinensis. Deinde dicere Deum non omnipotentem operaeius esse demonium opera, negare se Christianum apostatare. Huiusmodi peccata in spiritum sanctum dicuntur, non quin æquè sint in patrem & filium, sed quia spiritui sancto in sacra scriptura omnia gratiæ dona quæ sancta trinitas nobis communicat tribuuntur. Ingratitudo ergo hominum de donis gratiæ, vel ingratitude, siue blasphemia hominum cōtra diuinitatem, vel trinitatem licet dicatur esse in spiritum sanctum, attamen reuerá est contra totam trinitatem, nam est vna iniuria trinitatis, sicut est eius vna essentia. Deinde attribuuntur istæ diuersæ proprietates ipsis personis trinitatis, vt per eas ipsa nobis innotescat. Eijcere autem dæmones erat spiritus sancti donum, vnde Pharisei in spiritum sanctum peccabant, non in filium hominis. *Et quicumque dixerit uerbum cōtra filiū hominis remittetur ei filius hominis pro Christo ponitur.* Peccatum igitur in filium est, quod in Christū cōmittitur, quatenus homo est, ciuilit̃er cum alijs hominibus cōuersans: quod non directè deitati aduersatur, vt cū dixerunt Christum vini potorem, similiter quod effugisset mortem si potuisset. Sicut Hieronymus, & Athanasius. *Qui autem dixerit contra spiritum sanctū non remittetur ei neque in hoc sæculo, neque in futuro.* Dicitur istud peccatum non remitti per comparisonem, quia admodum difficulter remittitur: tū quia de tali rarò vera persoluitur pœnitentia, tum propter sceleris grauitatem, ac enormitatem. Vnde aliquos admodum malos obstinatos, atque perditos dicimus: alios verò ex infirmitate subinde labentes, horum comparatione iustificamus, quæ admodum dicit Basilius in Moralibus, & in Regulationis compendio explicatis: tum quia huius peccati

Marc. 3.

Tract. de
peccato in
spiritu san.Reg. 15. c. 1
Interrogatione 273.

com-

IN MATTHAEI

comparatione cætera peccata facillè remittuntur. Sic Chrysostomus interpretatur. Sic & Hieronymus contra Iovinianum hunc locum (est peccatū ad mortem non pro illo dico vt roget quis) explicat, quia videlicet difficilis est impetratio veniē illius. Non autem dici potest illud esse peccatum in spiritum sanctum quod nullo modo remitti potest quoniam de nemine quamdiu hīc viuit: est desperandū: vnde mādauit saluator etiā pro pēssimis orare dicens: Orate pro persequentibus & calumniantibus vos, id est, doctrinā meā euerētibus. Istud peccatū in spiritū S. non remitti dicitur, neq; in hoc sæculo, neq; in futuro, quia iuxta Chrysost. Quisquis eiusmodi peccatū admiserit, nō effugiet punitionē in hoc sæculo, nec etiam in futuro: quod plerumq; impleri conspiciamus, vt in philosophis gentiliū, in Iudæis, itē in Iuda Iscariote, rursus in illo Atheo Luciano qui à canibus discerptus fuit, Deū enim in dialog. suis blasphemārat. Chrysost. intelligit per remitti ad pœnā nō imputari: per nō remitti, ad pœnā imputari. Aug. verò hoc modo, nō dabitur venia homini de tali peccato, nec quādiu hīc viuet, nec in futuro sæculo. Sic Greg. lib. 4. dialog. Bernar. in cant. *Aut facite arborē bonā, & fructū eius bonū.* Hoc est, nō existimetis quod diabolus qui malæ arbori assimilatur hæc bona opera quæ ego in sanandis, & liberādis hoībus facio præstare possit, debetis enim arborē, & fructus eius existimare esse conformes: existimate ergo diabolum bonū, si sanatio opus eius est, aut malū & opera eius mala: quāsi dicat, alterutrum eligite, nam inter hæc duo medium dari non potest. Vult docere esse absurdissimum hæc præcedentia miracula diabolo ascribere. *Progenies u: perarum quomodo potestis bona loqui,* id est non potestis bona loqui cum mali sitis. Per sequentē verò partem ostendit vnde blasphemia ista pro-

Lit. 2. sub
finem.

1. Ioan. ult.

Rōm. 1.

Lib. 11. de
ciuit. Dei c.

24. Lib. 6.

cōt. Iul. c. 5

Greg. c. 39.

scr. 66. su-

per cant.

procedat, ex magna nimirum cordis eorū prauitate: vnde ait, *Ex abundantia enim cordis os loquitur*, id est, ex eo quod vehementer amatur solet sermo formari, & cor magis in illud exardescit, quam verbis exprimi potest. *Bonus homo de bono thesauro profert bona*, id est, ex benè operandi prudentia, siue ex vehementi virtutis ardore. Bonus thesaurus est prudentia benè agendi: quemadmodum malus thesaurus est calliditas malè agendi, & vitiorum amor, quèadmodū Basil. magnus in regulis breuioribus definit, quanquam etiam de ipso opere intelligat.

Interro. 119

Dico autem vobis quoniam omne verbum otiosum quod locuti fuerint homines, reddent rationem de eo in die iudicii.

Vt intelligatis quantum vobis periculi propter vestram blasphemiam immineat ego qui sum ipsa veritas vobis dico de quolibet otioso verbo in die iudicii reddendam fore rationem. Verbum otiosum est quod iusta necessitate, vel pia vtilitate caret, de quo rationē reddere nō valebunt homines, quanto minus de verbo in spiritū sanctū blasphemio. Verè ergo scriptū est, iustus vix saluabitur. Basiliius in regulis breuioribus, in vniuersum (inquit) omne verbū quod Deo nō seruit, seu quod ad propositū in Dñi vsum nō facit otiosum est, & ideo periculosum. Quod autē ait Dñs de verbo otioso, verū etiā est de omni cogitatu, & facto otioso: non enim minùs in iudicio de cogitationibus, & factis, quā de verbis exigetur ratio. Vide Aug. cont. Iulian.

Interro. 12.

lib. 4. ca. 3
vbi definitionē virtutis tractat. *Ex verbis enim tuis iustificaberis, & ex uerbis tuis cōdēnaberis*. i. quilibet ex verbis suis quæ locutus est iustus in die iudicii (nisi aliunde impedimētū proueniat) pronunciabitur, aut tanquā peccator condemnabitur. Vox cōdēnabitur, hoc loco nō tantūm ad æternam pœnam pertinet, verum etiam temporalem: nam misericordia Dei cum quibusdam peccatoribus agat (qui tamen in damna-

IN MATTHAEI

lib. 1. cont.
Pelag.

damnationis meritò non inuenientur) vt in æternum non condemnentur: Verbum otiosum enim peccatum veniale est. Vix tamen saluabuntur, quia vt ait Hieronymus, Misericordia Dei egebūt, qua iustificentur.

Tunc responderunt ei quidam de scribis, & phariseis discipulis, magister uolumus a te signum uidere De coelo, per quod cognoscamus te virtute dæmonis non uti, quò dæmon pertingere nequit: & ita clarè & certò sciemus, an in miraculis tuis dæmonis arte utaris. Qui respondens ait illis, Generatio mala & adultera signum querit, & signum nō dabitur ei, nisi signum ionæ prophetae. Adulteram generationem vocat, quia Deum verū maritum suum deseruit, atque dæmonibus se prostituendam tradidit. Signum dabitur illi non quale petit, idq; in pœnā infidelitatis suæ, sed aliquid pro signo quod sit prorsus admirabile, & incredibile, ex quo magis impinget, ac infidelior euadet: quod in Iona propheta per demersionem in ventrem ceti, & ab eo in terram eiectionem figuratum fuit. Tunc de coelo signum contigit, quando adimpleri cœpit quod per Ionam prophetam adumbratum fuit. Etenim tenebræ factæ sunt super vniuersum orbem, quum Christus pateretur. Debuissent ergo ipsi maximum miraculum experti, minus nequaquam aspernari: mos enim scripturæ est minus mirabilia per mirabilia probare: quæ quidem probatio fidelibus prodest, infidelibus obest. sic erit filius hominis in corde terre tribus diebus, & tribus noctibus. Sic ego tribus diebus sepultus ero in terra, & quæadmodum ille post triduum in aridam restitutus est, sic ego post triduum uiuus, & glorificatus resurgam. Obseruandum est morem scripturarū esse resistentibus fidei mirabilia proponere, vt ex talibus, vnde meritò fieri deberent fideles sūt longè infideliores. Dicitur autem tribus diebus, & tribus nocti-

noctibus in sepulchro fuisse synecdochicos, pars namq; pro toto ponitur: ita vt prima die sepulture sit extrema pars feriæ sextæ, in qua saluator sepultus est: secunda, nox sabbati sequentis cum suo die id est cum sabbato: tertio, verò, nox dominicæ diei cum principio eiusdem diei. Hic vide Hierony. super Ionam, Augustinū lib. 3. de consen. euangelist. & lib. 4. de Trinitate.

In ca. Iona

C. ap. 24

Cap. 6.

Viri Niniuitæ surgent in iudicio cum generatione ista, & condemnabunt eum. non quidem tanquam iudices, sed ex comparatione. Improperat Iudæis magnā incredulitatem, & duritiā cordis. quia Niniuitæ egerunt penitentiam. ad prædicationē Ionæ, talia miracula non operantis. Et ecce plusquā Ionas hic, id est, in hoc loco: Incomparabiliter maior sum Iona propheta, & tamen prædicatione mea ad pœnitentiā suscipiendam non excitamini: Hinc patet quænam vera sit pœnitentia, quam Christus prædicauit: eādem siquidem cum Iona, & ceteris prophetis prædicauit, quam susceperunt Niniuitæ, qui à via sua mala recedentes duram in sacco & cinere vitam amplexati sunt: atq; hanc à Iudæis Christus suscipi voluit. Ex hoc loco secundo colligimus, quod iudicium simul cum resurrectione mortuorū sit peragendum. Tertiò, quod iusti cum impijs simul tempore resurgent. Vide Augustinum de ciuitate Dei lib. 20. c. 5.

Regina Austri surget in iudicio cum generatione ista, id est, Regina Saba. Saba regio est Iudæis ad meridiem. Et condemnabit eam, scilicet per comparationē, quia uenit a finibus terre audire uerba salomonis, id est, Ex longinquis regionibus venit, vt de lapidibus, herbis, volucris, varijsque rebus naturalibus quæstiones proponeret. Et ecce plusquam salomon hic. Ego scilicet cuius sapientiam contemnitis. Quod hic de Niniuitis, & malis Iudæis dicitur, de sanctis

3. Reg. 10

O

vete-

IN MATTHAEI

veteris testamenti, qui pœnitentiam egerunt, & de Christianis impœnitentibus dici potest, qui aperto iam fonte gratiæ, ac omnibus elucante pœnitentiam agere noluerunt. Quod verò de Regina Austriæ, & Iudæis dicitur: de gentibus, Romanis, Turcis, & Christianis sæculo deditis, dici potest: quia videlicet tot tantòsq; labores pro terrena Rep., pro augendo imperio, pro sæculari gloria adipiscenda illi pertulere, cum mali Christiani ne exiguos quidē pro cœlesti regno & gloria subire dignantur. Pulchrè id tractat August. libro. 5. de ciuit. Dei. Cyprianus verò sermone de eleemosy. inducit diabolū etiam in iudicio exurgentem, condemnantē eos qui ipsi potius nihil pro ijs passo nihil boni donanti, nihil premij pollicēti gratis seruire maluerit, quam Christo redemptori, omnium bonorum largitori, æternamq; vitam proponenti. Mysticè Ninivitæ pœnitentes significant, vel gentes Iudæis ex cœcatis ad pœnitentiam conuertendas. Regina Austri ecclesiam catholicam significat, quæ verè regina est, atq; ex omnibus terræ finibus ad Christum tanquam verum Salomonem id est pacificum diuinam eius sapientiam auditura aduenit.

cum autem immundus spiritus exierit ab homine. Græci de homine accipiunt corporaliter à dæmone obfesso: Augustinus spritualiter de homine videlicet impio intelligit, quod & facilius est & cōmodius. Est ergo hæc secundum eū sententia: Cum immundus spiritus, per gratiam sancti spiritus, & peccatorum remissionem, veramque pœnitentiam à corde impij alicuius, eiectus est. circuit, in cordibus iustorum commorari cupiens. Loca enim arida iustorum hominum corda sunt, nihil molle, vel dissolutū habentia. *Quærens requiem & non inuenit* id est non permittitur à Deo, eorum corda intrare.

Tunc dicit, reuertar in domum meam unde exiui, occupabo.

Cap. 13
377. 10

Aug. lib. 1.
quæst. euā.
q. 8. epi.
105.

cupabo rursum illius hominis cor vnde eiectus
sum. Et *venis* per tentationes scilicet, *inuenit eum*
uacantem, non habentem spiritum sanctum stabiliter
inhabitantem, bonis operibus parum diligenter
instantem, vanis potius curiosisque deditum, qua
de re consule Basilium in illud psalmi, vacate &
videte quoniam ego sum Deus : *scopis mundatam*
hoc est, foris & exterius tantum. externis quibus-
dam obseruationibus deditum quibus iustus &
sanctus hominibus apparet, de interno autem &
vero coram Deo ornatu minimè sollicitum. *tunc*
uadit & assumit septem alios spiritus secum aliquot alios
dæmones: In scripturis siquidem frequenter septe-
narius numerus pro magna multitudine, &, sep-
ties pro sæpe ponitur. *Nequiores se*, ad maiora pec-
cata pertrahentes : Possent etiam septem spiritus
nequiores, maiora peccata mortalia septem, donis
contraria septem spiritus sancti intelligi : quæ qui-
dem etiam homo prius habebat, sed nunc à primo
spiritu assumi dicuntur, & spiritus esse illo nequio-
res, quia iam vitia illa in eo regnant ac dominan-
tur sub specie simultatæ iustitiæ. Multò autem pe-
ius est iniquum esse, & simulare iustitiam, quam a-
pertè præferre. simulata enim æquitas duplex est
iniquitas. *Et intrantes habitant ibi*: octo nimirum illi
spiritus.

psal. 48

Et fiunt nouissima hominis illius peiora prioribus, lon-
gè etenim melius fuisset nunquam ab immundo
spiritu liberatum fuisse, quam post liberatione rur-
sum ab eodem spiritu occupatum esse. Ex hoc
loco docemur hominem iustum tentationibus e-
uictis, rursus tentari posse, atque à gratia Dei ex-
cidere, nullamque de perseverantia in hac vitæ
promissam esse securitatem: vnde dicitur, Noli
altum sapere, sed time: vt, Qui stat, videat ne
cadat. sic erit & generationi huic pessime.

IN MATTHAEI

Eodem planè modo quo cum homine isto agitur cum gente Iudaica agetur. Chrysostomus de temporali Iudæorum miseria intelligit, eo quod Romana seu hodierna captiuitas longè durior sit, quàm vlla captiuitatum quas passi sunt. Iudæi qui olim in Aegypto, Babylone, inter Syrios captiui fuere. Hieronymus in commentarijs, de spiritali eorundem miseria intelligit. Immundus igitur spiritus à Iudæis exiuit, quando de Aegypto educti sunt, & lege accepta amplius idolis Aegypti non seruierunt: eiectus autem ab ipsis per gentium solitudines ambulauit: posteaquam verò gentes Domino crediderunt, in ipsis stabilem sedem non inueniens ad Iudæos reuersus eos habitatore spiritu sancto desertos, sine fide Christi superfluis legis obseruationibus, atque externis Phariseorum iustitijs deditos reperit, vnde in illis sedem fixit, & pristinam domum inhabitauit: & sic facta sunt nouissima peiora prioribus, quia videlicet multò maiore dæmonum numero possessi sunt in synagogis suis Christum blasphemantes. Quod hinc vni generationi tribuitur, toti hominum generi tribuendum existimetur, iuxta illud, deleantur de libro viuientium & cum iustis non scribantur.

A dhuc eo loquente ad turbas ecce mater eius. Virgo Maria. Et fratres, id est, consobrini. stabant foris querentes loqui ei. Præ nimia turba enim non poterant eum conuenire. Fratres in sacra scriptura quatuor modis intelliguntur. Primò natura, sicut Iacob, & Esau. Secundò, religione, quemadmodum omnes Christiani. in qua significatione Apostolus Paulus ferè semper vsurpat. Tertio, natione, vt omnes Iudæi. Quarto, cognatione, veluti Loth, & Abraham: & hoc modo isti fratres Christi (teste Hieron. cōtra Heluidiū) nuncupantur. *Dixit autem ei quidā forsitan nimiū loquax, aut Christū tentare volens*

CAPVT DVODECIMVM. 99

volēs vtrum propter parentes carnales doctrinam patris sui relinqueret. *Ecce mater tua, & fratres tui foris stant, quærentes te alloqui.* Et respondens dicenti sibi ait: *Quæ est mater mea, & qui sunt fratres mei?* & extendens manum in discipulos suos dixit. *Ecce mater mea & fratres mei,* id est, Hi discipuli fratres mei sunt. *Quicumque enim fecerit uoluntatem patris mei qui in cœlis est, id est, mandata seruauerit, ipse meus frater, quia filius Dei est, & soror, quod addit, propter sexum fœmineum.* Vel per fratrem, perfectiores intelligit, per sororem autem, imperfectiores, *Et mater est, quia me in corde suo, atque in aliorum cordibus per bonam doctrinam, & exempla spiritaliter parit, iuxta illud Apostoli Filioli mei, quos iterū parturio donec Christus formetur in vobis.* Non autem dixit (& Pater meus est) quoniam nullus principaliter eum sic in hominum cordibus gignit, nisi Dominus Deus. Quærendo autem quæ est mater mea, non negauit Mariam esse matrem suam, at docere voluit in matre obedientiam mandatorum Dei se maximè diligere, quodq; nihil profit quæcunque carnalis affinitas si per mandatorum obedientiam sincera nō adfit Dei propinquitas. Consule Augustinum lib. de sancta virginitate cap. 3. 4. & 5.

o al. 4.

IN CAPVT DECIMVM TERT.

Accedentes discipuli, tāquam verborum Christi obseruantissimi, dixerunt ei. *Quare in parabolis loqueris eis.* Quare non clarè loqueris ipsis vt intelligant? Qui respondens ait illis: *Quia uobis datum est nosse mysteria regni cœlorum.* Per gratiam diuinam, vobis concessum est doctrinam euangelicam nosse, & clarè per fidem intelligere. *His autem non est datum, qui foris sunt* inquit Marcus *id est, Iudæis infidelibus iusto Dei iudicio negatū*

IN MATTHÆI

est. Hic nontandum est fidem per quam mysteria, seu sacra regni cœlorum arcana cognoscuntur, esse singulare Dei donum: quæ quibusdam misericorditer datur, alsjs iustè negatur. *Qui enim habet dabitur ei, & abundabit.* Hoc est, Ideo vobis nosse mysteria datum est, quia donis acceptis bene utimini, nam, qui habet fidem viuam, &c. donis Dei habitis bene utitur, meretur abundare, & à Deo maiora accipere. *Qui autem non habet,* scilicet fidem talem, vel habitis donis malè utatur. *Et quod habet auferetur ab eo,* amittet ea quæ habet. Sic Iudæi quia infideles sunt, & gratia Dei quæ eis offertur abutuntur, intellectum scripturarum quem nunc habent amittent. Dona Dei à non habentibus eo modo quo habenda sunt, auferri cœsentur, vel quia simpliciter amittantur, vel in malum eis vertantur, dum tantò plus peccant quanto maiora dona acceperunt: atque ita auferuntur, non secundùm substantiam, sed secundùm fructum, & vtilitatem.

Ideo in parabolis loquor eis, id est, obscurè, & non palam, *qui uidentes non uident, & audientes non audiunt, neque intelligunt:* quia fideles sunt & mihi non credunt cum tâta miracula videant, & tot sermones audiant. Vel sic, Ideo in parabolis loquor, ne ipsi Iudæi mysteria intelligant. *ut adimpleatur in eis prophetia Esaiæ dicentis,* ex persona Dei ad Iudæos, maximè qui tempore Christi vixerunt, *auditu audietis plurima ex me & Apostolis meis, corporalibus auribus, & non intelligetis, & uidentes uidebitis plurima miracula & non uidebitis spiritualibus oculis.* *Incrassatum est enim cor populi huius induratum, excœcatum & obtusum.* *Et auribus grauitè audierunt spiritali auditu surdi facti sunt.* *Et oculos suos clausèrunt spiritales:* Nequando uideant oculis spiritualibus mysteria. *Et auribus audiant, id est,* doctrinam habeant, & corde intelligant & conuertantur à via mala & sanem eos à peccatis eorum.

Mar-

Marcus hic habet: & dimittantur eis peccata, quoniam principalis sanationis pars in hac vita est peccatorum remissio, quæ & si sola nominetur, sub ea tamen spiritualium languorum sanatio intelligitur. etenim remissis peccatis elargitur nobis Deus vires sibi seruiendi. Sic iustificatio non tantum peccatorum remissione cõplectitur, verum etiam ab internis languoribus sanationem. Christus autem inducit alicuius peccatoris cor in pœnam peccatorum.

Vestri autem beati oculi quia vident & aures vestre quia audiunt. Hoc est, Vos auditu audietis, præmissa etiam cœlesti visione. Istud (auditum audietis & non intelligetis) à quatuor Euangelistis studiosè repetitum est, & in actis, quia supra modum admirabile fuit Deum Christum hominem in propria venientem tot factis miraculis, etiam clara doctrina proposita à suis non esse receptum. Ne quis ergo inde scandalizaretur dicit quod propheta prædixerunt & præcipuè atque oim apertissimè Esaias.

cap. ultim.

A c. 6. vsq.
ad 12.

Beati oculi vestri spirituales, quia vident doctrinam fidei, & aures vestre spirituales, quia audiunt, credunt, & intelligunt. Amen quippe dico vobis, quia multi propheta, & iusti cupierunt uidere quæ uidetis id est, in particulari cognoscere voluerunt ea quæ in mea quotidiana doctrina, conuersatione, & miraculis videtis, & intelligitis, & non uiderunt exactè, & clarè sicut vos. Dionysius Carthusianus etiam de carnalibus oculis intelligit, Hieronymus verò tantum de spiritualibus.

Vos ergo audite parabolam seminantis. Vos parabolæ expositionem audiat, quibus datum est nosse regni Dei mysterium. omnis qui audit uerbum regni, id est, euangelij, quod regnum Dei annuntiauit, significaturque per semen: per seminantem prædicator, ut patet ex Marco capite quarto, & Luca capite octauo & non intelligit fide scilicet, uenit malus

id est, diabolus, qui malus dicitur, quique in parabola per volucres cœli designatur, et rapit quod seminatum est in corde eius, efficit, ut homo verbi Dei obliuiscatur, & de eo ampliùs non cogitet: rite credens saluus fiat. *hic est qui secus uiam seminatus est.* Talis homo cui ista contingunt, designatur in parabola per eam partem agri, quæ secus viam semen excepit. Diabolus communiter maximè studet in hominibus infidelitatem operari, ne per mediatoris fidem salui fiant. Quod pulchrè tractat Augustin. ad Vitalem. *Qui autem super petrosa seminatus est*, per illam partem agri quæ petrosa est, & super petras semen excepit designatur ille, qui uerbum audit, et continuo cum gaudio accipit illud, per veram fidem sed in ea non est stabilis, ac robustus: non habet enim in se radicem, sed est temporalis, id est, ad certum tempus in corde suo recondit, quamdiu aduersitate nulla quassatur: facta autem tribulatione, et persecutione propter uerbum quæ per æstus solis designatur, continuo scandalizatur, statim corrui, fidem acceptam deferens. *Qui autem seminatus est in spinis*, is designatur per partem agri, ut supra. Spinæ sunt diuitiæ fallaces quæ hominibus pollicentur, quæ præstare nequeunt. Et sollicitudo sæculi istius, id est, curæ huius vitæ pro obsecanis voluptatibus, & similibus. Et fallacia diuitiarum, quæ per spinas designantur, suffocant uerbum et sine fructu ejcitur. Hæc omnia efficiunt ut non vacet, nec lubeat circa uerbum Dei occupari, ac proinde nullus uerbi Dei fructus prouenit. Lucas habet diuites à sollicitudinibus, & diuitijs, & voluptatibus vitæ eūtes suffocantur, & non referunt fructum. *Qui uero in terram bonam seminatus est*, id est, qui in corde bono, ac stabili recipit semen, *hic est qui audit uerbum, et intelligit, et fructum offert* non temporalem, quemadmodū ceteri, sed æternæ vitæ, & Lucas ait in patientia: Quoniam premente persecutione ei uirgæ paupertat-

Epist. 107.

peritate apparet cordis constantia. Circa istas parabolas ex Hieronymo duæ regulæ obseruandæ traduntur: quarum prior est, Cauendum est vbi-
 cunque Dominus exponit sermones suos, & à discipulis suis rogatus intrinsecus differit, ne vel aliud vel plus quid velimus intelligere, quàm ab eo expositum est. Hęc regula seruit parabolis ab ipso expositis. Posterior est, Nunquam parabolæ, & dubia ænigmatum intelligentia potest ad authoritatē dogmatum proficere. Hoc est, Quando-
 cunque saluator exponit verba sua, debemus eius expositione esse contenti, & secundò dum dubia est alicuius parabolæ expositio, sicut præcedentis de fructu centuplo Virginum, eam exponendo nunquam ex vna expositione licebit statuere dogma: vt ex subiuncta expositione Hieronymi non licebit statuere quod omnes virgines castis coniugibus triplo plus sint habituræ, quia non omnes Doctores eam expositionem amplectuntur, nam Hieronymus tribuit virginibus centecuplum fructum, seu numerum diuinæ gratiæ, viduis sexagecuplū, castis verò coniugibus trigecuplum. Cyprianus verò, & Augustinus aliam præterea tradunt expositionem. Verum non significatur hic nisi varietas donorum Dei sub quibus aliæ numeri differentię, vt octo, duodecim, &c. intelliguntur, quemadmodum ait Augustinus: Lucas autem tantum posuit centuplum, alias numerorum differentias intelligendas relinquens.

A liq. in parabolam proposuit illis dicens, simile factum est regnū cœlorū homini, qui seminavit bonum semen in agro suo. Regnum cœlorū populus est in quo regnat Deus, siue ille in cœlo agat, siue in terra peregrinetur: in quo etiam secundum quandam commixtionē mali, & reprobi permixti sunt. In parabolis autem nūc respicitur electus populus in tertis agens, nunc verò

*In Com-
ment.*

*cyp. tract.
de habitu
virginum.
Aug. lib. 1.
qu. euange.
cap. 10. & 9.
lib. 1. super
per. et matth.
cap. 13. & li.
21. de ciuit.
dei ca. ult.
Lib. de san-
cta virg. c.
45. & 46.*

IN MATTHAEI

verò reprobis electis permixtus : vt patet ex D. Augustino. Notanda est hæc phrasis, Simile est regnum cœlorum homini &c. atq; hoc modo exponenda. Sic agitur in regno cœlorū, sicut si esset homo &c. Vel, sic agitur circa regnū Dei cœlorū, vel sic est regnū Dei. Marc. sic habet, Sic est regnū Dei, quēadmodū si homo iaciat sementem in terram, & dormiat. Homo iste seminans est Christus & ager est mundus, quemadmodum in secunda parabola exponitur. Seminauit autem Christus quādo suos discipulos in vita instituit.

Aliam parabolam proposuit eis dicens : simile est regnum cœlorum grano sinapis. Granum sinapis est doctrina euangelij, & fidei, quæ, quodammodo vilissima, & præ omni doctrina mundi infima videbatur, dum videlicet per paucos, eosque contemptibiles homines omnibus aduersantibus de crucifixo Deo prædicabatur. Quum autem creuerit, maius est omnibus oleribus, & fit arbor, id est, creuit suprā omnem doctrinam quorumcunque philosophorum, & ramos suos per totum orbem extendit, ita ut uolucres cœli ueniant, & habitent in ramis eius, id est, vt viri docti, & prudentes spem suam, & conscientiaē requiem per illam doctrinam sic dilatam confirmant. Rami etiam diuersa religionis dogmata intelligi possunt, in quibus docti acquiescunt, per illa religionem firmantes, & sibi domum in cœlo ædificantes.

Aliam parabolam loquutus est eis, simile est regnum cœlorum fermento, quod acceptum mulier abscondit in farinæ satis tribus, donec fermentatum est totum. Satum inquit Hieronymus est genus mensuræ iuxta morem provinciae Palestinæ, vnū & dimidium modium capiens. Meminit etiam scriptura etiam Genesios. Positum autem videtur pro mensura, quanta vulgò & communiter panis coquitur. Sēsus au-

ſus autem huius parabolæ eſt, Quemadmodum fermentum modicum abſconditum à muliere in tribus ſatis farinæ ſtatim totam farinam fermentat, vt ex ea panis ſapidus fieri queat, ſic viſ doctrinæ Euangelicæ ſubito (quanquam nunc lateat) ita homines tranſmutabit, vt quodam modo diuino ori ſapidi reddantur.

Et ſine parabolis non loquebatur eis. Nunquam, aut rarè præſertim turbis niſi parabolicè loquebatur. Tum quia illis multa per hoc occulta relinquebat, tum quia rudes ſic poterant audire, vt explicat Marcus. Quade re vide Auguſtinum & Hieronymum dicentes, ideo ſine parabolis Dominum non fuiſſe loquutum, quoniam morem Syriorum, & maximè Paſtinarum qui in parabolis loquebantur,

*ſuper mat.
lib. 4. c. 15.
in 18. cap.
matth.*

vt impleretur quod dictum erat per prophetam dicentem: *Aperiã in parabolis os meum.* Hoc dictum eſt Pſalmo ſeptuageſimo ſeptimo in quo Chriſtus loquitur, Neque enim pater, vel Spiritus ſanctus dicere poteſt, Patres noſtri narrauerunt nobis, at ſolus Chriſtus. Nec loquitur Aſaph, vel Dauid in ſua perſona, quum neuter eorum populo verè dicere poſſit, attende legem meam: nam ipſe non tulit propriè populo legem quã ipſe vult audiri. Ex hoc loco cõſtat hiftorias populi Iſraelitici eſſe figuras, & parabolas, vt rectè annotat Hieronymus. Idem hĩc refert libros quosdam habuiſſe *Eſaiam prophetam*, videri tamen ſibi ait ab Euangelifta ſcriptum *A ſaph prophetam*, vitio autem ſcribarum libros eſſe corruptos. Cõmentarius autem in præfat. Pſal. 77. Hiero. inſcriptus annotat. Porphyrium calumniatum eſſe hunc locũ Matthæi quod Eſaias hæc verba non haberet, vnde intelligimus exẽplaria tũc tẽporis Eſa. nomẽ habuiſſe. Idẽ cõmẽtarius dicit ca. 37. Math. pro Ierem. legendũ Zach. prophe.

Sed

IN MATTHAEI

Sed quaeritur quomodo alleget & istud Matthaeus dictum de istis parabolis, quum videatur psalmus tantum de hystorijs populi Israelitici loqui? Respondeo, Videtur ipse Christus loqui populo Christiano Iudaico, Gentili, atque promittere quod in multis parabolis eis loquetur, exponendo videlicet mysticè veteres hystorias, & alias parabolae: vtrumque autem compleuit, atque proinde bene hic Euangelista allegauit. *Et ruçtabo abscondita a cõstitutione mundi.* Vertit Hieronymus ænigmata antiqua, id est, quæ antiquis contigerunt, vel ignota fuerunt. Etiam parabolæ Christi antiquitus dicuntur contigisse, vel antiquæ quod res per parabolas eius significata ab origine mundi est præsignata: quemadmodum agnus ab origine mundi dicitur occisus. Augustinus aliter interpretatur, sed minus appositè.

A poc. 13.

Psal. 77

Ager, est hic mundus. Quomodo Christus in agro seminauit, an quia in Iudæa prædicauit, quæ mundi pars est, an potius quia gratia sua per totum mundum electos, siue filios regno destinatos seminauit? *Inimicus autem qui seminauit ea diabolus est.* Hic seminauit impios dum primo parenti peccatum persuasit, in quo omnes nequam facti sunt: & quotidie seminare non desinit, dum multos ad malum instigat. *Mittet filius hominis angelos suos,* ergo separatio impiorum, & in infernum detrusio per bonos angelos fiet. *Tunc iusti fulgebunt* corporali fulgore, vt declarabitur in cap. 17. De transfiguratione Dominica.

Mat. 7.

A poc. 1.

Qui habet et aures audiendi audiat, & hoc loco, & in Marco, & in Apocalypsi patet non semper verum esse quod vbi Saluator adiicit (qui habet aures &c.) semper mysticè loquatur: quam regulam tamen dicitur Beda ponere. Sed cur istud Apostolus dixerit, an fortè quia Iudæa tangebatur, examinari potest.

simile

simile est regnum cœlorum thesauro abscondito in agro.
 Thesaurus est æterna gloria quæ nunc abscondita est in Christo passo, & sepulto tanquam in agro, quem qui inuenit homo per fidem credens se per Christi passionem posse ad cœlum peruenire, abscondit, ne per inanem gloriam perdat, & præ gaudio illius uadit, & uendit uniuersa quæ habet, & emit agrum illum, parui pendens vniuersam suam substantiam, vt in regno Christi sibi immortalem coronam com-
 paret.

Iterum simile est regnum cœlorum homini negotiatori.
 Negotiator est homo, fœlicitatis complementum quærens, & per fidem bonam margaritam inueniens quæ est regnum cœlorum.

Iterum simile est regnum cœlorum sagene misæ in mare:
 Sagena Ecclesia est. Mare mundus est: Nec triumpho cantica canere potest Ecclesia, nisi inferantur qui prædestinati & præordinati sunt in illa. *Elegerunt bonos in uasa*, id est, angeli eos inducent in regnum, quia eos vocabunt ad iudicium.

Interdixit istis hæc omnia? Dicunt ei, etiam. Ait illis. ideo omnis scriba doctus in regno cœlorum similis est patrifamilias. Quia vos parabolas dictas intelligitis, patet quod magistri in Ecclesia futuri sitis, & mihi patrifamilias similes futuri qui profero de thesauro meo noua, & vetera, id est, qui omnis generis parabolas ex scientiæ thesauro tam ad veterem hominem quàm ad nouum pertinentes proferre possum.

Et factum est, cum consummasset Iesus parabolas istas, transiit inde, & ueniens in patriam suam Nazareth, ubi fuit conceptus, & nutritus. Docebat eos, in synagogis eorum, id est, Nazarenos, ita ut mirarentur, & dicerent unde huic sapientia hæc, & uirtutes? Vnde hanc nactus est sapientiam, quum nunquam literas didicerit? Iterum, vnde miracula faciendi potestatem habet: cū sit ex ignobili genere. Nonne hic est fabri filius: ob fami-

IN MATTHAEI

familiam contemptus. *Nonne mater eius dicitur Maria? Vilis mulier, quam omnes nouimus, et fratres eius Iacobus et Ioseph consobrini. Et simon et Iudas Ciues nostri, et sorores nostri eius nonne omnes apud nos sunt, id est, Nonne nobis notæ sunt quum ciues nostræ sint? Vnde ergo huic omnia ista? Quare ita præ nobis se extollit? et scandalizabantur in eo, coruebant spiritualiter dum propter familiæ vilitatem contemnerent eum.* Hilarius in hunc locum, & Ambrosius super Lucam. Item Beda in Marcum putant Ioseph fuisse fabrum ferrarium: verum Chrysostomus super primum capitulum huius Euangelij dicit fuisse fabrum lignarium, cui Diuus Augustinus in quodam sermone de natiuitate Domini consentit, vtrique tamen rationibus mouentur: Illi siquidem dicunt Christum mysticè verè fuisse fabrum ferrarium: etenim igne sancti spiritus excoxit, & emolliuit dura corda Iudæorum. Isti verò fabrum lignarium, quod in ligno crucis genus humanum redemerit: vel quia cum patre suo cœlesti mundum, arcam, &c. fabricauit. Marcus expressè habet, nonne faber est? Vnde putarunt forsitan fabrum esse, quoniam pater erat, vel fortassè, quia eum cum patre fabricare conspiciebant.

Iesus autem dixit eis, Non est Propheta sine honore nisi in patria sua, et in domo sua. Quasi dicat, quod me contemnatis qui in veritate Propheta magnus sum non est mirum, quoniam ab antiquo fieri consuevit, vt Propheta in patria propria cognitione, & domo quantumuis alibi sint honorati contemnatur. Quod autem Christus Propheta fuerit patet ex Deuteronomij capite decimo octauo. Hunc locum latiùs exponit Lucas qui historiam hanc, vt inquit Augustinus anticipauit libro secundo de consensu euangelistarum capite quadragesimo secundo.

cundo. Huius autem contemptus ratio est, quia nemo libenter patitur suum consortem exaltari. Inter pares regulariter inuidia nascitur, non autem inter multum distantes. Ciues autem ratione communitatis pares esse videntur, vnde communiter ciuis ciui inuidet.

IN CAPVT DECIMVM QVART.

Matthæi.

IN illo tempore audiuit Herodes tetrarcha famam iesu. Hic Herodes est filius magni Herodis, de quo supra: & dicitur Herodes tetrarcha, quia à Cæsare Augusto princeps quartę partis Iudeę, id est, Galileę constitutus erat: Cæsar namq; Augustus Iudaicum regnum vt eius vires distraheret, in partes quatuor diuisit, vt discere licet, ex Iosepho, & Eusebio. Pilato tanquam Romanorum procuratori Iudæam tradidit. Philippo fratri Herodis Ituręam & Trachonitidem. Lysanię Abilinam regionē, vt ex Luca patet: *ait pueris suis, seruis suis, Hic est iohannes baptista.* Annotat Aug. istud dupliciter legi posse, affirmatiuē videlicet aut interrogatiuē. *ipse sur-* Iose. lib. 17
ant. ca. 13
Lib. 1. eccl.
hist. ca. 10
Luc. 3.
rexit a mortuis, & ideo uirtutes operantur in eo. Id est, quia Lib. 3. de cō
sen. euang.
cap. 6.
surrexit à mortuis, virtutem miraculorum, quæ ab ipso fieri audiuius accepit. Stulta Herodis opinio, qui putauit Deum vnicū habere seruū, quo defuncto alium, cui talem miraculorum potestatem daret suscitare non posse. Vnde etiam patet eum esse opinatum potentiores fore homines, post resurrectionem, quam ante.

Herodes enim tenuit Ioannem & alligauit eum hinc patet euangelistas ex proposito historiam Ioannis non recitare sed tantū Christi: quamuis data occasione ex Christi factis aliquid de Ioanne interferant. De hac historia vide Eusebiū, qui Iosephū sequu-

IN MATTHAEI

Lib. 1. hist. c. 13. sequutus melius eam recitare videtur quam Hieronymus vel Beda, In qua tamen delenda est vox,
Lib. 18. antiq. cap. 7. herodiadem, neque enim illa Arethi regis filia fuit,
cap. 10. sed prior uxor repudiata. Ceterum senior herodes plures uxores habuit, ex quibus multos suscepit filios, scilicet Archelaum, Byfaniā, Philippum Aristobolū, & herodem istum propter Herodiadē uxorem fratris sui, propter flagitium istud, aliaque scelera eius. *Et uolens il'um occidere.* Ex hoc loco intelligimus simulatam esse herodis tristiciam cuius infra fit mentio dictumque hoc ab Euangelistis non ex ipsorum sententia sed secundum vulgi opinionem. *Die autem natalis herodis saltauit filia herodiadis in medio.* Tres omnino in scripturis, natalem diem celebrasse leguntur, sed quem cæde & scelere aliquo defœdarint: Pharaon enim pistorum magistrum eo die in crucē egit: Anthiocus Epiphanes Iudeos ad idolatriam compulit. Tertius est herodes iste, qui tunc tēporis Baptistæ sanguinē effudit, sine festumque spectaculum cōiuuiū intulit. *Et placuit herodi.* quia erat meretrícula. *Da mihi inquit, hic in disco caput Ioannis Baptistæ.* Refert Hieronymus in hunc locum de Flaminio quodam, qui & ipse ob delicias suæ meretriculæ innocentem quendam occidi iusserit. Obseruandum hīc quod & Beda annotauit passum esse Ioannem sub paschæ festum proximo aīe Christi anno. Etenim miraculum de satiatis quinque hominum milibus quod paulo post mortem baptistæ accidit, factum ait Ioannes proximo iam paschæ festo. Vnde festum decolationis Ioannis baptistæ, non celebratur eo die quo passus est, sed quo fuit caput eius reuelatum ac inuentum videlicet quarto Calendas Septembris. Etenim corpus à discipulis sine capite sepultum erat in Samaria Palestinæ oppido, quod postea in Augusti honorem Sebastæ appellatum est. Vbi quum ab Ethnicis Iuliani tem-

De his uide Iosephum antiq. lib. 17 c. 1. & lib. 18 cap. 6

Gen. 40 2. Mac. 9.

Marc. 6.

temporibus violatum eius esset sepulchrum, viri aliquot religiosi collectas reliquias Alexandriam Athanasio detulere. Qua de re consule historiam Ecclesiastic. & tractatum inter Cypriani opera de reuelatione capitis B. Ioannis Baptistæ. *Quod cum audisset Iesus, secessit inde in nauicula in locum desertum secorsum* Vt in aliquo pago requiesceret. *Et cum audissent turbæ sequutæ sunt eum pedestres de ciuitatibus, vel vehiculis tantummodo enim vult dicere quod nauigio eum non sequebantur: atque pars hæc poni debet post (secessit inde in nauicula.) et cum iussisset turbam discumbere super fœnum, acceptis quinque panibus & duobus piscibus, aspiciens in cœlum, benedixit & fregit & dedit discipulis panes.* Ista benedictio fuit simul gratiarum actio, & panum ac piscium: aut pluribus benedictionibus vsus est, vna, qua patri gratias egit, altera qua benè precatus est, pisces ac panes multiplicando. *Et tulerunt reliquias duodecim copphinos fragmentorum plenos.* Ex panibus videlicet & piscibus prædictis qui sunt multiplicati, aut in manibus eius & discipulorum, aut ipsorum manducantium. Simile quiddam factum legimus ab Helia, dum farina & lenticula olei non defecit. Rursum ab Helizeo in multiplicatione olei & panum. Quomodo autem istud factum sit, an per additionem vel extensionem materiæ & in seipsa multiplicationem, an verò per hoc quòd res eadè fuerit in diuersis locis tractat D. Thomas, in prima parte, primum tantum huius multiplicationis approbans modum. In additione tertiæ partis impossibile existimat idem corpus in diuersis esse locis: Verum Scotus, & alij putant hoc esse impossibile.

Durandus autem impossibile esse putat, vt duo corpora in eodè simul sint loco. Sed nō est temerè neque facillè de potentia diuina dicendū quod

P

sit

Li. ii. c. 18.

authore

Ruffino.

Tona 2.

3. Reg. 17.

4. Reg. 4.

A quæ. 42.

art. 3. ad pri-

mum & qu.

119. art. 1.

Quæst. 81.

art. 3.

in 4. sent.

fit ei aliquid impossibile, præsertim cum non videamus contradictionem hic aliquam implicari. Non enim inconueniens videtur quod vna anima duo diuersa corpora in diuersis locis, sicut in diuersis membris informet: vnde etiam omnino improbable non est vnum idemq; corpus diuersa loca occupare posse. Alij dicunt, quod quantum ex piscibus, & panibus frangebatur, tantum ex additione nouæ materiæ emergebat. Augustinus vero & D. Hieronymus putant panes multiplicatos fuisse, quemadmodum paulatim segetes multiplicantur in agro, ita vt panes fuerint ciborum semina. Christus igitur saluator noster volens mundo quædam salutaria remedia tradere, nouas quasdā, ac celebres figuras, tanquā quasdam manuuctiones etiam in noua lege præmisit: Licet enim typi quidam in lege Moyse præcesserint, & in quotidianis Iudæorum caeremonijs, voluit tamen hæc nouis excitamentis significare, quod antiquæ legis figuræ ob antiquitatem, aut frequentationem nimiam vilescerent. Vnde quanquam baptismus transitu maris rubri, transitu sub nube, transitu Iordanis, mundatione Naaman, Syri lotionibus legalibus fuit præsignatus: tamen his non obstantibus Christus circa sua tempora novos baptismum suo typos præmisit, videlicet Ioannis baptismum, ægrotorum in probatica piscina sanationem, cæci nati per sputum, & lotionem in Siloe illuminationem. Similiter quamuis manna quo Israëlitis quadraginta annos in deserto passi sunt, & aqua de petra fluens, & panes propositionis Eucharistiæ sacramentum significauerint. Idem tamen Sacramentum hac cibatione multorum milium ex paucis panibus Christus præsignasse videtur. Vnde & huius miraculi occasione apud Ioannem de corpore suo differit, ostendens propte-

ang. in 6.
ca. 1407.
in commēt.

Exod. 13.
et 14.
Iosue. 4.
4. Reg. 5.
Ioan. 5.
Ioan. 9.
Exo. 16. 17.
20. et 25.

Ioan. 6.

propterea se hoc minus miraculum fecisse, vt sibi docenti maius miraculum de sacramento Eucharistiæ crederetur. Et certè commodissimus est ad hoc iste typus: quemadmodum enim Christus panes benedictione multiplicauit, ita & per benedictionem sacramentum Eucharistiæ conficitur: & sicuti ex paucis pusillæ quantitatis panibus tot milia hominum vt nulli quicquam deesset, refecta atque satiata sunt: ita etiam Christi corpus in diuersissimis locis à tot hominum millibus integrum quotidie sumitur, eoque plenè eorum animæ satiantur.

Et statim compulsi iesus discipulos ascendere in nauiculam. Hoc est, ascendere iussit. Dicuntur autem compulsi, quia inuiti ab eo recesserunt. Et dimissa turba quæ eum in regem rapere conabatur. Ascendit in montem fugiendo eam. s. solus orare. Solus orauit sine discipulis nōs instruens quod quodocunque fugæ causa præbetur, aut exaltationis fastigium offertur, ad orationem esse confugiendum.

vespere autem facto solus erat ibi, ex consuetudine enim in oratione pernoctare solebat. *Quarta autem uigilia noctis,* id est, extrema parte videns eos in remigando laborare, ac periclitari cum tota nocte solum stadia quindecim vel triginta remigassent, *venit ad eos.* Nox apud milites in quatuor partes diuiditur, quibus diuersi milites (sicut adhuc hodie in castris, & arcibus fit) uigilabant. Quod autem quarta uigilia noctis ad eos uenerit mysticè significat se in fine sæculi cū Ecclesia plurimum erit turbata, ac agitata subuenturum.

Ambulans super mare procellosum, ac tēpestare plenum æquè stabiter, atq; si terrā calcasset, idq; diuina sua potentia: quam etiam in sua ascensione, & transfiguratione ostendit, præsignādo claritatē quā

IN MATTHAEI

electorum corpora in resurrectione sunt habitura, non enim in corpore eius qualitates secundæ, vires suas exercebant. Hæc Christi super aquas ambulatio facta non est arte aliqua; nec aquis solidatis vel induratis. Nec caruit Christi corpus (vt Episcopus quendam Theodorum nomine asseruisse, author est Beda in Marcum scribens) pondere suo: vtpote Petri cæterorumq; corporibus simile: sed factum est virtute diuina vt graue cum esset, non exereret tamen grauitatem suam, & naturalem ponderositatem, hoc typo nobis ostēdens, quanta gloriosi corporis futura sit agilitas. *Quia phantasma est spectrum, & apparentia quædam.* Hic significatur illi qui in fine sæculi de Christi aduentu, id est, vtrum ipse aduenerit, & homo factus fuerit du-

Lib. 1. quæ. euang. c. 15. bitabunt, vt Augustinus ait. *et præ timore clamaue-*

runt territi propter fantasma quod se videre arbitrabantur. *ego sum nolite timere.* Quando Dominus vult subuenire periclitantibus plerumque finit crescere periculum, in extremo tamen subuenit. Respondens autem Petrus cognoscens Christum ex voce, non enim eum videbat clarè quum essent adhuc tenebræ, ac mare fluctibus, & vento turbatū. Dixit ardore fidei, non patiens Christi absentiam, vel distantiam: non enim arbitrandum est Petrum hic fuisse curiosum, vel tentasse Christum: similiter enim post resurrectionem legimus eum præ magno seruire ad Christum natando venisse.

IOAN. 21.

Domine si tu es iube me venire super aquas, Scio te solo iussu mihi idem præstare posse, quod in te habes, vt videlicet ambulare possim super aquas, precor ergo vt me tibi adesse iubeas. Videtur etiam interrogasse, num aquas calcando subsideret. *videns vero ventum ualidum,* cuius scilicet impetus, maris excedebat turbines. *timuit,* tempestatis metu considerationem à potentia Christi auertit, & spe, ac fiducia

ducia infirmatus vtrum Christus esset ei potentiâ præstiturus, hæsitauit, non tamen quin posset dubitauit. Nota hic impulsu ventorum quosdâ subinde moueri, qui sæpe magna vicere pericula.

c lamauit dicens? Dominus, saluum me fac, Conuertit considerationem suam ad potentiam, & bonitatem Christi. Et continuo Iesus extendens manum apprehendit eum, & ait illi: *modicæ fidei quid dubitasti?* Cur de potetia mea, & bonitate dubitalti? Cur te euasurum subuersionis periculum hæsitasti, & merfionis metu ita turbatus es? quod si de ea bene sperasses, submerfionis periculum non ita timuisses. Bonitas enim & Christi omnipotentia nostræ est spei fiducia: & causa. Non putandum est eum de aliquo fidei articulo, aut Christi doctrina, at tantum, an periculū euasurus esset hæsitasse: Vnde colligimus sanctos qui frequenter maiora pericula vincunt, à minoribus turbari, & deficere. Deinde discimus spem nostram in turbationibus continuo ad Christum esse dirigendam, atque ab eo auxilium petendum, vt quanquam in multis deficiamus, nullum tamen in inuocatione Christi tanquam in principali defectum habeamus, sed semper dicamus: Domine salua nos fac. Præterea hinc videmus quam modicæ fidei simus, qui vix quicquam ex fide Petri reseruauimus. Ex hoc quoque apparet Christi, & sanctorum differentia: horum quidem titubantium, Christi firmiter stantis: nam sancti in aliquo dum ambulârunt in hoc turbulento sæculo peccantes defecerunt, Christus autem ab omni peccato alienissimus fuit. Et cum *af. ēdissēt in nauiculâ,* Christus scilicet & Petrus. *Qui autem in nauicula erant uenerunt,* & adorauerunt eum dicentes: *uere filius Dei es.* Christum adorantes in naui mysticè eos significant, qui post omnem huius vitæ miseriam facie ad faciē Christum videbunt: item eos qui nunc per fidem am-

IN MATTHAEI

*Lib. 1. ques.
euang. c. 15.
Et de uerbis
Dom. serm.
13. Et 14
In commēt.*

bulantes eò contendunt. Sic ferè Augustinus. De
motu autem sanctorum post resurrectionē tractat
idem lib. 22. de ciuit. Dei cap. 3. Docens corpus glo-
riosum mox & tanta celeritate futurum ubi spiri-
tus uolet, quanta uelle poterit alicubi esse. Et roga-
bant eum ut uel simbriam uestimenti eius tangerent. Hiero-
nymus mysticè per simbriam uestimenti humane
naturæ in Christo assumptionem intelligit, quam
fide tangendo sanantur omnes quotquot sanantur:
vnde hic occultè multa miracula narratur. *uenerunt
interram Genes. 12.* Sine Genezareth quod significat or-
tus principium. Mysticè ortus illius principium
designat ortum quo ex miseria ad requiem tran-
slati, modo nouo oriemur.

IN CAPYT DECIMVMQVINT.

Tunc accesserunt ad eum Hierosolymis scribæ, ciui-
tatis Ierusalem incolæ, vel qui ex illa ciui-
tate venerant. In tota Iudæa Scribæ habita-
bant, sed qui Ierusalem morabantur cæteris præ-
minebant. Et Pharisei dicentes: *Quare discipuli tui trans-
grediuntur traditionem seniorum? Non enim lauant manus
suas cum panem manducant.* Isti ad singula fercula ma-
nus suas lauabant. ipse autem respondens ait illis, *vicif-
sim eos accusans,* veratq; accusatione falsam eorū
calumniam refutans. *Quare et uos transgredimini man-
datum Dei propter traditionem uestram,* quinimo sæpius
transgrediendum esse docetis. Nam deus dixit, præ-
cepit: *Honora patrem et matrem.* Primò reuerentiam
exhibendo, Secundo obediendo, Tertio, in neces-
sitate subueniendo: Honor namque in scripturis
tria hæc significat: quæ supra modum sunt hone-
sta. In primis enim patrem & matrem honore re-
uerentiæ venerari honorificum est. Secundo eis o-
bedire. Tertio sustentationem impendere, de qua
Pau-

Paulus: Honora viduas, id est, dā illis vnde viuant. Item, qui bene pręsunt presbyteri duplici honore digni sunt, id est, duplicem honorē, reuerentię videlicet, & sustentationis merentur. De honore obedientię idem Paulus: Obedite parentibus vestris in Domino. Et rursus, filij obedite parentibus vestris: per oīa hoc enim placitū est in Dño. De hoc mandato tractat Thom. prima secundę. *Et qui maledixerit patri uel matri, id est, cōuitio affecerit, vel deriserit, aut malū precatus fuerit morte moriatur, occidatur. v os autē Scribę, & pharisęi dicitis, docetis filios vestros id quod sublequitur. Quicūq; dixerit patri uel matri, indigenti munus quodcūq; est ex me tibi proderit ad salutem, ideoq; si quid corrasero permittas me offerre Deo, neq; id in tuam sustentationem à me petas.* Hęc oratio ecliptica est, cuius plurimę apud doctores sunt expositiones, quarum prima hęc est. Quicunq; dixerit munus &c. nō peccat, sed bene facit & hoc modo hęc orationē supplendo triplicem assignat Hieron. eius expositionē. Quarū prima est Quicunq; dixerit patri vel matri egenti, & petenti, domū, O pater munus quod petis ego iā Deo voui, & quodcunq; munus prouenit ex me tēplo, hoc prodest tibi ad salutē aīę tuę, quapropter nō debes petere, sed vt illud offerā permittere. Quicquid enim vouebatur hoc tribus pręcipuis Iudęorū festiuitatibus vt patet ex Leuit. offerebatur. Secunda est, O pater, putas quod tibi proderit munus. i. tu cōsumes munus quod ego in tēplo Deo offerre propono? ego certē hoc nō ferā, nimis etenim magna religione Deū veneror & colo. Et secūdū hęc expositionē, *tibi proderit*, interrogatiuē ac cum quadā indignatione, vel irrisione legi debet. Tertia est, O pater quicquid in tēplo offero, tibi prodest, tuq; illud consumis, quoniā in tuū vertitur cōmodū. Hoc autē filius patri dicebat vt pater metu sacrilegij exigere

1. Tim. 5.

ephes. 6

Colos. 3.

Qu. 112. ar.

5. et 101.

et 108. ar.

6.

Lib. 1. ques.
euang. q. 16

secunda le-
cunda qu.
189.

Quodlib. 6.
qu. 17.

nihil auderet. Vnde omnes istæ tres expositiones coincidunt. Quartam dat Augustin. O pater munus quod hætenus pro me offerre debuisti, amplius offerre non debes, quoniam ad eam perueni ætatem vt pro meipso iam illud à me petendi occasionem minimè habes. Verùm hæc expositio prima facie non satis auariciæ scribarum conuenire videtur ex qua hanc traditionē excogitasse videntur, cuiusmodi & aliam excogitarunt cuius infra fit mentio apud Matth. cap. 23. Sed August. caute sic exposuit, non enim ex proposito de eorum auaritia Christus hic loquitur, sed eatenus tantum, vt ostendat eos legem malè exponere. Quinta, & postrema. Quicumque dixerit, id est, quilibet sine peccato, ac liberè dicere potest &c. vt modus quæ grammatici potentialem vocant significetur: atq; frequens est in Ethicis Aristotelicis eiusmodi locutio. Verumetiam quomodocunque tandem exponatur, maledictum fuit, & irrisio parentum contra reuerentiam illis à filiis suis debitam, & præceptam à Deo eorum sustentationem. Tractat D. Thomas quæstionem, vtum videlicet liceat filio parentibus, vel eorum altero in arcta necessitate relicto, religionem ingredi: resoluitq; nullo pacto id licere, imò verò si quis ingressus sit, egredi posse & eis, & alijs in extrema necessitate constitutis succurrendum, etiam contra præpositi sui voluntatem. At si cum religionem ingrederetur, satis diuites erant parentes, vt filij opera non indigerent, postea verò in arctam necessitatem inciderent, putat idem Doctor, hoc casu egredi eum non posse, etiam si per alios succurrere parentum necessitati non queat. Cæterùm Henricus de Gandauo sentit esse tamdiu egrediendum, donec eis prouisum fuerit. Pro cuius sententiæ confirmatione allegat 16. cano. Concilij Gangrensis, qui sic habet. Si qui filij paren-

parêtes maximè fideles deseruerint occasione Dei cultus, hoc iustum iudicantes esse, & non potius debitum honorem parentibus reddiderint, vt hoc ipsum in eis veneratione quod fideles sunt, anathema sit. Etenim per votum obedientiæ vel religionis nemo legibus naturæ, vel Dei præceptis eximitur ac liberatur: cum ergo ad earum obseruationem ante susceptam religionem teneretur, tenebitur etiam posterius. Obseruandum tamè est, quod si parentes arctam necessitatem patiantur, & procul habitent, nullus vxore reclamante ad eos ire, & iuuare potest, quoniam illi se totum dedit, & astrinxit, non aliter quam seruus Domino venditus & deuinctus, qui inuito Domino pro patris sustentatione operari nequit. At religiosus non ita prælati sui seruus est, sed spiritalis filius: nec quando ad sustentandos parentes egreditur, aut Deo, aut prælato suo iniuriam infert, quoniam non aliter seruiturium suum eis promissit, quam salua lege naturæ, nec aliter Deus eius promissum acceptauit. *Et non bonificabit patrem suum, aut matrem suam.* Hoc est, secundum doctrinam vestram honorare non debet.

Et irritum fecistis, destruxistis quatum in vobis fuit, mandatum Dei propter traditiones vestras, præceptum de honorando parentes.

Hypocrite, id est, iustitiæ simulatores *bene prophetauit de vobis Esaias dicens: Populus hic labijs me honorat,* id est, Scribæ, & Pharisei, & populus Iudaicus, persuadent sibi se Deum colere, in ore tantum verba iustitiæ habentes. Sub labijs intellige omnia alia exteriora. *Cor autem eorum longe est a me,* negligunt autem emundare cor, & praua sua desideria, ac proinde verè me non colunt, nec mihi appropinquat, nam Deo non corpore, sed cordis affectu appropinquatur: vnde quanto quis melior, & sanctior est, tanto magis est Deo propinquior, & Deus illi,

sine

Esai. 29

IN MATTHAEI

sine causa autem sine fructu, & temerè colunt me docentes doctrinas, & mandata hominum, quæ prauo, & corrupto suo ingenio sine Dei spiritu effugiunt, & hominibus obseruanda tradunt. Istud ab hoc Euangelista, & Marco ad sensum, non autem ad literam allegatur: quod frequenter contingit vt manifestum est ex Epistolis Pauli. Atque ex hoc loco patet intellectum huius prophetiæ: Væ Ariel, Ariel, &c. ad tempora Christi esse referendum, & admirabilem gentis Iudaicæ fuisse & adhuc esse cœcitatem, quæ eis, quia verum Dei cultum neglexerunt pro quo superstitionem induxerunt, contigit. Quibus hodie similes sunt qui certas preces vtpote horas canonicas aut alias legunt, sacrum celebrant, aut audiunt, his autem peractis ad pocula, aut peiora sese transferunt, existimantes se optimè Deum cõluisse, omniâque necessaria ad salutem absoluisse non curantes interim vt mens per prædicta Deo vniatur, & magis, ac magis emendetur. Mandata hominum sunt quæ homines sine spiritu Dei suo ingenio prauo ac corrupto effingunt. Tale mandatum, est doctrina ipsius Platonis, in multis religioni nostræ repugnans, tale quoque est, nõ tangere peccatorem. Vnde ex hoc loco impijssimè infert Philippus Melancthon regulam Sancti Francisci non esse bonam, non enim est illa traditio seu mandatum hominum, sed Dei: etenim regula est & norma per inspirationem spiritus sancti à sanctis inuenta ad rectius viuendum & Deo seruandum: mandata autem hominum non sunt regulæ per sanctos Dei spiritu ad melius seruanda mandata conscriptæ, sed (vt dictum est) proprio ingenio confictæ: quæ vel obseruationes legi diuinæ contrarias inducunt vt Phariseorum de non iuuantis parentibus, vel ad pietatem nihil faciunt, vt de lotionem manuum: vel si ad eam faciunt in illis

sum-

summā religionis pietatem constituūt & ea maioris facientes quam facienda sunt, vt de simbrijs, & philacterijs, de menta, & ruta decimata : quæ quidem à Deo præcepta erant vt ad interiorem cultū mouerent, non autem vt per se sanctificaret. Vnde hæc tanquam principalia pietatis officia docere, & interiores cultus, perniciosum est, & mandatū, atq; doctrina hominum. Quod patet, quia sancti nunquam sic docuerunt, nec Ecclesia à tempore Christi in tantum prolabi permissa est, errorē. Et quod hæc tam diuersa in religione viuendi genera instituit, instinctu & spiritu Dei hoc fecit non illis per se sanctitatem constituens, sed bona congruaque esse media ad rectius Dei mandata obseruanda cognoscens: Cūm fœlix (vt dici solet) sit necessitas quæ ad meliora compellit.

Et conuocatis ad se turbis rem vtilem eis propositurus, dixit eis: Audite, & intelligite verba mea: Non quod intrat in os coinquinat hominem. Nullus cibus qualiscunque sit, coram Deo immundum aliquem constituit: sed quod procedit ex ore, hoc coinquinat hominem. Ipsa oris verba conuitia, falsa testimonia, irrisiones, mendacia, detractiones &c. immundum coram Deo efficiunt, Hieronymus pro (coinquinat) legit (communicat) etiam in Marco hoc patet legitur. Quæ procedunt de homine illa communicant hominem. Item manducant communibus manibus. Estq; communicare, verbū scripture proprium, nā apud scriptores prophanos sic usurpatum nequaquam reperitur. Iudæi omne immundum commune vocabant, quod ipsi singulariter à Deo essent electi, id quod omnibus gentibus patebat: & quicquid ad eos non pertinebat immundū, atque commune reputabant.

Tūc accedentes discipuli eius dixerūt ei: scis quia pharisei audito verbo hoc scilicet, nō quod intrat in os coinquinat homi-

in cōment.
mar. 7

IN MATTHAEI

hominem, scandalizati sum? At ille respondens ait: omnis plantatio quam non plantauit pater meus coelestus eradicabitur. Ois doctrina, vel traditio quæ non est ex patre meo, sed humano adinuenta spiritu & iudicio, euellatur. non miremini ergo quod usque adeo in doctrinam Pharisaicam inuectus sum. *sinite illos*, non sitis solliciti ut euitetur scandalum quod ex mea doctrina Pharisei patiuntur: quoniam cæci sunt aded sunt excoecati, ut veritatem neque per se videant, nec commōstratam videre velint: quin potius ad errores suos alios etiam homines pertrahant. In quo non tantum cæci sunt ipsi, sed duces etiam cæcorum, qui falsam potius eorum doctrinam, quam prædicatam à me veritatem sequi malunt.

E differe nobis parabolam istam. Non quod intrat in os &c. At ille dixit, *Adhuc et uos*, qui discipuli mei estis *sine intellectu estis*, sermonem hunc existimando figuratum, qui sine tropo à me prolatus est. *Nō intelligitis omne quod in os intrat in uentrem uadit*, non autem in cor, aut in mentem, *et in secessum emittitur* secundum sui partem impuriore: purior enim in carnem transmutatur. *Quæ autem procedunt de ore, de corde exeunt.* Verba oris ex voluntate proueniunt *et illa coinquinant hominem si mala sint.* De corde enim exeunt cogitationes malæ, homicidia, adulteria &c. Quasi dicat, per ista subiuncta exempla patet illa quæ de corde procedunt coinquinare hominem, qualia sunt cogitationes Phariseorū, & doctrinæ ipsorum; præcipuum in externis, Dei cultum ponentes. Ex hac sententia arguendi sunt, inquit Hieronymus, qui cogitationes à diabolo immitti putant, & non ex propria nasci voluntate: diabolus adiutor & incensor malarum cogitationum potest esse, author esse non potest. Sin autem semper in insidijs positus, leuem cogitationum nostrarum scintillâ suis fomiti-

in committet.

bus inflammauerit, non debemus opinari eū cordis quoq; occulta rimari: sed ex corporis habitu & hostibus æstimare quid versemus intrinsecus. Verbi gratia si pulchram mulierem nos crebrò viderit inspicere, intelligit cor amoris iaculo vulneratum. Similiter & in reliquis peccatorum inuolucris iudicandum est *fornicationes*. Notandum fornicationē simplicē à saluatore inter crimina mortalia recēseri. *blasphemja est tã in Deū, quam in proximū.*

Non lotis autem manibus manducare non coinquinat hominem. De traditionibus Phariseorum contra quas hic agit saluator tractat Augustinus contra aduersarium legis, & Prophetarū. Et Epiphanius in heresi Tholomæi, Et quantum ad hunc locum notandum est Phariseos, & scribas in tantum errorem esse prolapsos, vt iustitiam in externis principaliter ponerent, atq; externas legis cæremonias per se bonas ac Deo placentes arbitrarentur: vnde de externa sabbati obseruatione, tam solliciti fuerunt, ac frequenter Christo eius violationem impegerunt, quinetiam cibos quosdam qui significationis causa in lege immundi dicuntur, animum quemadmodum sordes corporales coinquinare putarunt: hinc corporalem peccatoris tactum hominem inficere putarūt, vt patet ex hoc, Hic si esset propheta sciret vtq; qualis, & quæ esset mulier quæ tangit eum, quasi tactus peccatricis Christum redderet immundum: vnde & discipulos Christi accusarunt, vel quod præ festinatione illoti mensam accederent, vel quod non tam crebro, ad singula nimirum fercula manus lauarent, ipsi namque nunquam comedebant nisi frequenter manus suas lauarent & cum à foro redibant nunquam nisi lotis manibus comedere volebant. Contra hos loquitur saluator, præposteram eorum curam qua neglectis interioribus solliciti erant mundare exteriora, reprehēdēs

Lib. 2. c. 9.

Hæres. 33.

Luc. 7.

Luc. 11.

Math. 23.

ex cu-

IN MATTHAEI

ex cuius reprehensione satis patet quod ita corporealem munditiam obseruabant vt propter eam se se Deo placere existimarent. Contra eosdem dicit Paulus: Scio & confido quod nihil cōmune secūdū seipsum, & suapte natura sit. Item: Omnia munda mundis. Non improbat Christus traditionem parentum qua filios ciuilitatem docent vt ante cibi sumptionem manus abluant, at superstitiosam traditionē crebro lauādi manus causa placendi Deo, quasi corporalis munditia per se Deo cōmendaret, & sordes ab eo alienaret: quod ex eius verbis patet, Pharisæi inquit, & omnes Iudæi nisi crebro lauerint manus, non manducant. Sic Hieronymus, Ex vno (ait) sermone illo (videlicet, non omne quod intrat in os) & oīs superstitio obseruationū Iudaicā rū fuerat elisa, qui in cibis sumēdis, abominandisq; religionem suam sitam arbitrabātur. Vnde ex his manifestum est, sententiam istam non facere contra sanctorum veteris, aut noui testamenti ieiunia. Non enim vult saluator hominem nō posse peccare, cibum aut potum sumendo, aut nihil posse homini de ordine sumendi præscribi, sed tantum docet quod ipse cibus sanctus est, & bona Dei creatura, quando per orationem sanctificatur, licet sordidus appareat, ac proinde stultum est hæreticorū argumentum dicentiū licere edere carnes in quadragesima & die veneris, nam quanquam cibus in se non coinquinat, verūtamē sumēdi concupiscētia contra præceptū sumētē coinquinat. Et egressus inde Iesus secessit in partes Tyri, & sidonis. in regionem eorum, nempe Phœniciam: siquidem regio à duabus præcipuis partibus hic denominatur. Recessus autē iste præsignat Iudæos propter suas superstitutiones à Christo relinquēdos, & ad gētiles, gratiā aduentus eius transferendam. Et ecce mulier chananæa, de genere Chananæorū, quos in gratiam Iudeorū

Rom. 14
Tit. 1.

Marc. 7
in comū.
ad illud, tūc
accedētes.

Do-

Dñs paucis saluis subuerterat. De Chananæa hac dictum est supra quando de paralitico tractatū est. *matb. 9.* Hęc quia verā pœnitentiā egit, exaudita est & quia petēs corporalem sanitatem sub illa spiritalē petijt illi pro sua clemētia præstitit saluator. Mysticē mulier ista Chananæa Ecclesia est ex gētibus cōgregata, quæ prius prorsus à Deo deserta videbatur, & inter canes reputabatur, verū postea fidei magnitudine omnibus filijs impretrauit liberationē à dæmone. Quare magna rerū facta est vicissitudo qñ Iudæi canes sunt appellati & gentiles inter filios cōputati. *miserere mei domine fili dauid, filia mea male a demonio vexatur.* Quasi dicat Cognoui Iudæis promissum saluatorē de genere Dauid, quē te esse credo habetq; istud *fili dauid* emphasim, *Qui non respondit ei uerbū* vt elucesceret mulieris fides, & docendi occasionem assumeret: non enim superbia aliqua respondere dedignatus est. Et accedentes discipuli eius misericordia, vel clamoris, mulieris importunitate moti, *rogabant eum dicentes: dimitte eam, quia clamat post nos*, sequitur nos altē clamās, præsta illud ob quod nos sequitur. Marcus dicere videtur eam in domo clamasse, & ex ipsius collatione cū hoc euangelista patet hāc mulierem primum in domo rogasse, dein saluatorem cum discipulis exeuntē clamoribus in via fuisse prosequutam. Vide Augustinum de consensu euangelistarum. *Lib. 1. c. 49* ipse autem respondens ait, *Non sum missus nisi ad oues quæ perierunt domus israel.* Non in hunc mundum veni, vt in persona mea prædicem, vel miracula faciam nisi apud Iudæos, qui per varios errores, atque peccata, æternæ morti facti sunt obnoxij: quorum ego in persona propria pastorem ago, & Episcopatus meus non se vltra Iudæorum limites extendit, quocirca hanc sanare non debeo cum de gente Iudæorum non sit.

Quæ-

IN MATTHAEI

Quæritur an apud Samaritanos non docuerit. Item an non aduenerit ad saluandas gentes : Respondeo, non sic aduenerit vt in propria persona apud gentes miracula faceret easq; doceret quanquam triduum apud Samaritanos moratus sit. Ita Hieronymus has quæstiones expedit. Primum ergo & præcipuè missus fuit Christus ad Iudæos, quemadmodum attestatur Paulus dicens : virtus enim Dei est, in salutem omni credenti Iudeo primum, & Græco, sed Iudæis non recipientibus euāgelium, iusta est ad gētes facta trāsmigratio. Vobis, inquit, apostolus oportebat primum loqui verbum Dei, sed quoniam repellitis illud, & indignos vos iudicatis æternæ vitæ, ecce conuertimur ad gentes &c. Deinde ad gentes non est in propria persona missus, vnde & eas rarissime docuit : & tam pauca apud eas miracula edidit, vt eorum comparatione quæ apud Iudæos fecit, nulla reputentur. Imo & Apostolis suis ne ad eas accederent vetuit dicens, In viam gentium ne abieritis, *At illa uenit & adorauit eum,* procidens in genūa sua coram eo rogauit. *Dicens: domine adiuua me.* Circa hanc partem notandum est quod sicut ista pro se rogabat cum tamen filiæ salutē peteret, ita moris esse in baptismo paruulorum vt susceptor pueri cathecizetur, & quasi pro se loquatur, cum tamen infantis negotiū peragat, susceptor enim tunc gerit baptizandi personā cum respondens ait, Abrenuncio, Credo, baptizari volo. *Qui respondens, ait: non est bonum sumere panem filiorum & mittere canibus,* Quasi dicat, Iudæi sunt filij Dei, beneficia mea sunt panes ipsorū, gentiles autē omnes qualis tu es, sunt canes propter idololatriā, indecens ergo est quod tu gentilis mulier beneficiorum meorum, cum tam multi Iudæi sunt egētes, particeps fias. Et sic Christus pro precibus multis quasi cōuitia refudit. Dicuntur idololatræ canes quia

In commēt.

Rom. 1.

A ct. 13.

Math. 10.

quia comparatione Dei tam viles sunt, quam canes comparatione hominum. vnde & Turcæ Christianorum respectu rectè canes dicuntur. Item propter immunditiam, & impudētiam, ac propter inuidiæ rabiem. *At illa dixit, etiam domine.* Certè Domine verum dicis, attamen non malè videar implorare opem tuam, nam *et catelli edunt de micis quæ cadunt de mensa dominorum in suorum.* Quasi dicat, me indignam agnosco, vt inter filios numerer, nec dicere vt mensæ tuæ assideam, aut integros cibos accipiam, canis etenim sum: veruntamen catelli edunt de micis mensæ (quod sonat contemptū). Scio equidē Iudeos dominos esse & te ad illos missum, ad quos tua beneficia pertinent: sed ego micam à te postulo. *Tunc respondens iesus, ait illi, o mulier, O, magnum dilectionis signum. Magna est fides tua, qua me filiam tuam absentem posse sanare credidisti, quaq; in precibus, quantumvis repulsam passa perseuerasti: qua denique patienter tibi nomen caninum obijci pertulisti, rursus qua te iam plurimū humiliatam coram me exhibuisti dicens: Etiam Domine, nam & catelli &c.* Præcipuè fidei huius mulieris magnitudo in eius humilitate eluxit: nā licet fides, & spes excellentiores humilitate virtutes sint, hæc tamen ex illis oritur, illasq; commendat: atque saluator fidem istorum quibus miraculum præstitit, vel eorum propter quos miracula fecit semper commendat. Vnde etiā aliquando quosdam de modica fide increpat, vt Petrum, quem admodum ex supradictis patet. Magnitudo autem siue excellentia, & paruitas fidei in scripturis ex duobus attendi videtur, nempe ex humilitate magna vel parua, & ex spe magna vel parua. Cū enim fides maximè quatenus seruit ad aliquid à Deo impetrandum, versetur circa nostras misérias, circa omnipotentiam, ac Dei bonitatem, ex

Q

viua,

cap. 14.

viua, actuali, & frequenti malorum nostrorum cō-
 sideratione, siue in quibus summus, vel aliquando
 fuimus siue quæ impijs sunt parata & ex feruenti
 diuinæ omnipotentiae contemplatione humilitas,
 ex eius verò bonitate erga nos spes, & fiducia ori-
 tur. Cū ergo magna est humilitas, & magna spes,
 ex magnitudine effectus colligere possumus quā
 viua, & efficax sit ipsa fides, quæ maximè in sanctis
 hominibus, qui fide Deo innitentes, & ab ipso solo
 pendentes aduersa paruipendunt, viget. Ab hac cō-
 mendantur Petrus, Magdalena, Centurio, Hemor-
 roissa Chanaana, decimus leprosus, & præcipuè vir
 go Maria: in his etenim humilitas, & spes petitiū
 vel promissum obtinendi valde excelluerunt. Ab
 hac etiam laudādi sunt, qui omnem sollicitudinem
 in Deum proijciunt, qui quotidie humiliter preci-
 bus instant. Hancq; nos Ecclesiae orationes, perpe-
 tuò docent dum Dei excellentiam diuinam omni-
 potentiam, & misericordiam, nostrum defectū &
 similia commemorant. Huius sollicitudinis defe-
 ctu subinde Petrus, & alij, modicæ fidei dicuntur.
 Sicut igitur Paulus fidē sine qua nemo quærit Dei
 donum, dicit per charitatem operari inchoatam
 salutem: sic etiam dicendum est fidem per humi-
 litatem, & spem operari: Quin & Paulus dum fi-
 dem iustificare dicit, de fide spei & charitati con-
 iuncta loquitur: vnde ad Romanos ait credentē
 non confundi, id est, re sperata nequaquam fru-
 strari: quemadmodum iustificationē fidei tribuit,
 ita & inuocationi, subijcit enim: Omnis qui inuo-
 cauerit nomen Domini, saluus erit, inuocatio autē
 ex spe oritur. Saluator quoq; quod Paulus fidei Me-
 diatoris tribuit, petitioni in nomine suo adscribit.
 Vnde facillè intelligitur, Apostolum de fide loqui
 quæ spei coniuncta sit. Id quod eleganter docet
 August. epist. 206. Non enim ob aliud meretur ho-

Galat. 23

Rom. 10.

Lib. 1. c. 7

mo ampliora quam agnoscendo eum à quo habet omnia bona quæ habet. Itē de prædestinatione sanctorum, vbi docet ideo hominem iustificari fide cap. 32. quia fides prima datur, ex qua cætera impetrantur. Item de sancta virginitate, & Hieronymus in dialogo contra Luciferianos post medium. *Fiat tibi sicut vis.* Ego impero, vt in gratiam tuam fiat filia tuæ sicut vis. *Et sanata est filia eius ex illa hora.* In hac historia notandum est in primis parentes pro salute spiritali filiorum debere ita esse sollicitos, sicut hæc pro salute corporali filia suæ. Deinde Deum in gratiam parentum siue propter fidem eorum multa bona præstare filiis, alias non præstiturum.

Misereor, quia triduo iam perseuerant mecum, & non habent quod manducent, aut quia non contulerant, aut si contulerant, ea iam consumpta erāt, vt Augustinus tradit libr. 2. de consensu euangelistarum capite 46. *Et dimittere eos ieiunos nolo.* Addit Marcus, quidam enim de longè venerunt, *ne deficiant in via.* mar. 8 Obseruandum hic homini in via vitæ huius qua ad patriam cœlestem tendit periculum imminere si se pane cœlesti, Eucharistia nempe, non sustentet: grandis enim, & difficilis (sicut dicebat Angelus Helix) illi perueniendi via restat. Deinde notandum est ex magna, & singulari misericordia sacramentorum Eucharistiæ à Christo institutum esse vt hinc patet, Misereor turbæ, quia triduo &c. & sanè admirabile est, quòd in vitæ huius deserto tantæ efficacix panem habeamus vnde saluari queat tanta Christianorū turba, vt in via non deficiat: Quod significant discipuli dicentes. *vnde ergo nobis in deserto panes tantos, ut saturemus turbam tantam?* Prius miraculum ad populum iudaicum, qui quinque libros Moyfi habebat, atq; ex se duodecim apostolos genuit refertur. 3. Reg. 19

IN MATTHAEI

Meritò ergo quinque panibus quinque milia sunt saturata, & duodecim cophini superfuerunt. Posterius verò de quo hic agitur de septem panibus, & paucis pisciculis, ex quarum reliquijs septē & amplius sportę impletę sunt, de quibus replentibus septem sportas, quatuor milibus hominum satiatis ad populum gentilem, ex quatuor orbis terrę partibus congregatum, cui septiformis spiritus datus est qui plurimos spiritu sancto eiusque donis refertos homines habuit. *vnde ergo nobis in deserto panes tantos ut saturemus turbam tantam.* Mirum est quod discipuli tam cito fuerunt prioris miraculi obliti, & quod tam subito immemores Dei beneficiorum redditi, infidelitatis vnda fluctuent. Ecce quam facile etiam iusti beneficiorum Dei obliuiscuntur, nisi quotidie illa ad mentem reuocent. *erant autem qui manducauerunt quatuor milia hominum extra paruulos, & mulieres, quę multo plures numero erāt.* Verum hoc supra in priori miraculo sufficienter est expositum. Differentia autem inter illud & hoc miraculum est, quod hic panes septem fuerunt, & pauci pisces, & quatuor hominum satiatorum milia: Ibi verò quinque panes, & duo pisces, & quinque hominum comedentium milia: ibi duodecim cophini pleni fragmentorum superfuerunt his, qui manducauerant, hic septem sportę plenę: ibi saluator rogatus fuit primum à Discipulis vt turbas dimitteret, hic discipulos pręuenit dicens se nolle dimittere ieiunos. Sporta autem videtur aliquid maius significare quā cophinus. In vtroque miraculo mysticè idem significatur, & obseruandum est Christum prius infirmos curasse, & tum demum turbas satiasse, quia Ecclesia nemini tribuit Eucharistiam nisi is prius per baptismum, vel poenitentię sacramentum sanatus fuerit.

et dimissa turba ascendit in nauiculam, & venit in fines mag-

cap. præcedenti.

Magadan pro quo legit Marcus Dalmanutha, sed quod idem sit cum priori.

IN CAPVT DECIMVMSEXT.

Matthæi.

Faciem ergo cœli dijudicare nostis, signa autem temporum non potestis? Aëris dispositionem discernere nostis, aduentus autem mei tempus ex signis à lege, & prophetis positis discernere nō vale-in commēt. tis. Sic assertiuè legit Hieronymus, & non interrogatiuè. Potest tamen etiam interrogatiuè legi. Coarguit ergo Saluator Phariseos, & Sadducæos quod præpostera cura huius vitæ in quibus exiguus est fructus discerent, necessariò autem ad salutem, quæ lex, & prophetæ continebant negligenter: quorum similes sunt multi hodie Christiani qui in rebus varijs, aut saltem huic vitæ tantū vtilibus, supra modum sunt oculati in his autem quæ ad salutem necessaria sunt, atque vtilia cœci. Ita interpretatur Hieronymus, Augustinus verò inin cōmmēt. Lib. 4. c. 20. quæst. euangelicis de temporibus duorum aduentuum istud sic interpretatur, quod videlicet Pharisei signa primi aduentus à signis secundi aduentus nequaquaquam discernent. Idem est Chrysost. commentarius: At Hieronymi expositio magis Euangelio Lucæ congruit, nam Lucas habet: Homil. 52. Luc. 12. Hoc autem tempus non probatis.

Generatio mala & adultera mala querit: Incredulitatem eis impropere.

Et cum uenissent discipuli eius trans fretum, id est, ut trans fretū nauigarēt, non enim dicere vult quòd absoluta nauigatione panes secum accipere obliti essent, ut ex Marco manifestum euadit, non enim Marc. 8. *illis opus erat cum littori appulerant, sed opus fuit eis panibus quum iam in naui in medio freto es-*

IN MATTHAEI

sent, obliu sunt panes accipere. Ex hoc patet apostolos paruam ventris curam gessisse, Quid cogitatis inter uos: In cordibus suis vel inter se vnus cum alio disceptabat dicentes, Christus hoc nobis dixit, quia panes nobiscum in naui non accepimus: & fortasse ad tantam famē venturi sumus vt ad panes à Phariseis, & Sadduceis sumendos tētemur modicæ fidei Modicam habentes fiduciam, nondum intelligitis, neque recordamini quinq; panum & quinq; milium hominum, & quot cophinos sumpstis? neq; septem panum in quatuor milia hominum, & quot sportas sumpstis: Hoc est, Non intelligitis quod vos saluare possum etiam si panes non habeatis? Dominus apud Marcum latius eis miraculorum suorū obliuionem impropere, insinuatque donum Dei singulare esse diuina beneficia agnoscere: quodque hoc paulatim hominibus intellectum aperiat, atque expurget. Quare non intelligitis quia non de pane dixi uobis: vtpote quem vobis abunde suppeditare possum, vt non sit multum necessariū anxari vnde panem habeatis: sed hoc dicere volo, caute a fermento Phariseorum, & sadduceorum à doctrina eorum, quæ fermentum nuncupatur, quoniam sicut modicum fermentum totam farinae massam inficit ac alterat, ita peruersa doctrina si vel modicam scintillam in hominum pectora ingerat, ingentem subito flammam facit, & totum hominem corrumpit. simili modo si cum pseudo-propheta aliquo dissimuletur quam primum totus populus eius doctrina inficitur. Quid autem Pharisei, & Sadducei docuerunt abunde intelligitur ex ijs quæ dicta sunt & infra dicentur.

LUC. 11.
MAT. 8.

Quæritur quomodo Lucas fermentū hypocrisim esse dicat quum Marcus de Herodis fermento interpretetur? Respondeo, vtrumque esse fermentum, & peruersam doctrinam, & simulatā iustitiā quo-

quoniâ his homo inficitur : In vtraque eminebant Pharisei: Quâquam etiam ipsa doctrina apud Lucam nomine hypocrysis intelligi possit, quod eorum doctrina de externa iustitia esset, quæ non vera iustitia, sed iustitiæ est simulatio: fermentum vero Herodis non videtur doctrinam significare, non enim legitur peruersam habuisse doctrinam, sed magnus fuit iustitiæ simulator, & hypocryta: quod patet: quoniam se præcursores Christi diligere, cum odio prosequeretur simulabat, vnde Christus vulpem eum vocat.

Luc. 13.

Venit autem Iesus in partes Cæsareæ Philippi. Quæ cognomé habet à Philippo Herodis magni filio, Ituræ, & Trachonitidis tetrarcha, de quo supra dictum est. Cæsareæ Philippi dicitur ad distinctionem alterius, quam Herodes magnus in honorem Augusti, instaurauit, quemadmodum altera in Tiberi Cæsaris honorem ædificata fuit. Et de hac non agitur in Actis sed de priore. Hæc autem Cæsareæ Philippi postmodum ex adulatione Paneas dicta fuit, sita circa radices Libani montis vbi Iordanis oritur. Et interrogabat discipulos suos. in via cum orasset, vnde exemplo Christi, viri sancti vt malas cogitationes coerceant in via orationibus vacant. dicens: Quem dicunt homines filium hominis esse, Hieronimus in commenta. ait eum ne superbè loquutus videretur, non per primam sed tertiam personam loquutum. Eam addit Augustinus, similiter Leo, & Epiphanius. Filius autem hominis vocatur, non quia ex virgine Maria naturam accepit: homo siquidem hoc loco, masculini generis est, sed filius hominis dicitur quemadmodum & Ezechiel per totam passim prophetiam propter excellentiâ vel miseriam.

cap. 13.

concio. 1.

in psal. 88.

Or serm. 31.

de uer. apo.

Leo epi. 10.

ad 7 laudat.

cap. 5.

At illi dixerunt, alij Ioannem Baptistam, alij autem Eliam, alij uero Hierem. aut unū ex proph. etis. forsità Hieremias

IN MATTHAEI

à quibusdam dicebatur quia similia opera cum eo faciebat. *vos autem quem me esse dicitis?* Pulchrè Christus vulgi opinionem præmisit, ac discipulos distinctim interrogauit, vt ipsi scirètur non ex vulgi opinione, vel vanis rumoribus, sed ex Dei reuelatione Christo credere, simul docens vulgi opinionem, vanosque in rebus diuinis rumores contemnendos. Non enim curare oportet quid quisque sentiat, sed syncerè inquirere, atque fateri quæ sit rei veritas. *Respondens simon petrus*, Simon nomine proprio dictus, at Petrus Ioannis primo capite à Christo vocatus est, præuidente nimirum quod hic de ipso refertur. *dixi: Tu es christus filius dei viui.* Nomine omnium tâquam os, & caput eorum (vt ex interrogatione Christi patet) dixit: Tu es Christus &c. Petrus responsionem suam intellexisse videtur, qua tanquam paterfamilias pro tota familia respondit. Tu es Christus filius Dei viui. Hæc est illa veræ fidei sincera confessio, super quam Christus Ecclesiam suam fuudauit. Omnia autem verba hæc emphasim habent: Tu scilicet quem videmus esse verum hominem nobis similem (erat enim in omnibus similis alijs, peccato & ignorantia exceptis) qui nobiscum quotidie versaris, tu es in veritate ille Messias singulariter à lege, & prophetis promissus, spiritu sancto præ omnibus electis Dei vnctus sacerdos, rex, summusq; Propheta: hæc enim tria genera hominum in veteri testamento vngi solent. Notandum est hoc loco aliter discipulos de Christo loqui, aliter Scribas, & Pharisæos, quoniam ipsi discipuli opinionem simplicis turbæ sequentes explicitè confitentur, & credunt quod ipsa simplex turba de eo sentiebat. Interrogat namque eos Christus non de sententia Phariseorum, qui ex mera inuidia ipsi detrahere conabantur, sed de sententia simplicis populi, qui de eo syn-

eo syncerè opinabatur, tamerſi apertè nesciret eum eſſe Dei filium. Filius inſignis, atq; præclarus, non per adoptionem, quemadmodū Elias, Hieremias, aut aliquis cæterorum ſanctorum quantumlibet magnus, ſed conſubſtantialis, atque patri omnino cœqualis. Dei viui, illius, ſcilicet, qui ſolus verus Deus eſt viuens, non alicuius Dei gentilium. Hic igitur Petrus Ieſum eſſe verum Deum, eandemq; perſonam quam in humana natura ſubſiſtere conſpiciebat confeſſus eſt: dixit etiam in diuina eandē ſubſiſtere. Non autem ſic dixit, Chriſtus habitat in te (vt impiè dixit Neſtorius) nec voluit dicere, Tu es amicus Dei, ſed filius Dei viui. *Reſpondens autem Ieſus, dixit ei, non cæteris Apoſtolis. Beatus es ſingulariter ſcœlix es ex hac tua confeſſione, ſimō Bariona, id eſt, fili Ioannis. Quem ſic appellat quia oſtendere vult quam ſit per diuinam gratiam exaltatus quum ex piſcatore, & homine peccatore natus ſit. Vult ergo Chriſtus dicere, Agnoſce progeniei tuæ vilitatem, & vide quantum ego à te diſtem, & quantum patri meo qui te tam vilem cognitione mei exaltat, debeas. Bariona autem dicitur per cōtractionem pro Bar, Ioanne: Bar enim Hebraicè filium ſignificat. Quia caro, & ſanguis non reuelauit tibi, id eſt, Nullus hominū (eſt enim hoc copulatum, hominis deſcriptio) nec tuum ipſius ingenium quod tibi carnalis pater communicauit, aut (vt Hilarius interpretatur) caro & ſanguis ſcilicet meus, quæ in me conſpiciſ, id eſt, miſera mortalis natura mea nō indicauit tibi me eſſe filium Dei, ſed pater meus qui in cœlis eſt, qui mihi ſoli per naturam pater eſt, quiq; in cœlis regnat, atque omni creaturæ præeſt, ille diuinitatis meę non intellectu tuo veritatem dūtaxat proponendo, verum etiam firmum aſſenſum & fidem inſpirandō reuelauit.*

Aduertendum eſt Marcum, & Lucam reſponſio-

IN MATTHAEI

fionem Petri sine nomine (filij Dei viui) expressisse, ex quo patet vel nos nomine Christi plura intelligere debere, vel scripturam illo nomine plura significare quam vox ipsa per se significat, vt comprehendat etiam ipsam Christi diuinitatem, ita vt hoc nomine significaretur quod ipse sit verus Deus & homo. Quia verò Ioannes dum refert Petri confessionem, de filio (vt apparet) naturali loquitur, quem admodum hic Euangelista. videtur illa apud Ioannem confessio ista esse posterior: nam hic primum videtur diuinitatem Christi agnouisse, ac deinde reliqui post eum Apostoli. Si autem Petrus hic Christum non confiteretur filium naturalem Dei viui non magni meriti esset eius confessio, nec tam beatus predicaretur, cum plurimi antea generaliter eum filium Dei confessi fuerint, vt qui in naui erant dicentes verè filius Dei es, & Nathanael. Tu es filius Dei, tu es rex Israel. Non tamè propterea beati dicti sunt veluti Petrus, igitur non ita Christi diuinitatem agnouerunt, nec eis opus erat singulari reuelatione, vt Christus crederetur sanctus, quum multi hoc omnino ex sancta eius conversatione aperte perspiceret. Denique hic notandum est prædictam cognitionem ex nulla hominum doctrina, nullo humano ingenio, at ex sola sancti spiritus reuelatione haberi posse. Et ego dabo tibi non alijs, quia tu es Petrus solidum saxum immobilisq; rupe. Quasi dicat: Meo dicto, & iussu (quoniã ipsius dicere facere est) te in veritate talem esse facio qualis est rupe immobilis, & firma, vt meritò nomen hoc Petrus siue saxum tibi vendices, Augustinus existimat nomen Petrus, Ioannis cap. 1. Simoni esse impositum: hoc autem loco allusionem fieri ad nomen olim impositum. Hylarius, verò hoc loco impositum esse putat: apud Ioannem verò hanc nominis mutationem Ioannis, mutatio nominis tantum prædictam

Ioan. 6.

Matth. 14

Ioan. 1.

nik. 2. de
conf. euang.
cap 53.

et su.

*Or super hanc petram, Hoc est, super te tanquam firmissimam petram. Sic enim interpretatur Cyprianus, Ambrosius, Hieronymus, Cyrillus: Augustinus verò petram quidem Christum intelligit quē Petrus fuerat confessus, alteram tamen interpretationem etiam agnoscēs: Ex hoc loco patet Petrum omnibus Apostolis à Christo esse praelatum, eorumq; pastorem cōstitutum: etenim ipse alijs apostolis presentibus solus nomen fundamenti Ecclesiæ accepit, atq; ei soli claves regni cœlorum traditæ sunt: licet enim duodecim apostoli fundamenta muri ciuitatis, id est, Ecclesiæ dicantur, Petrus tamen quia etiam Apostolorum pastor fuit singulariter præ illis fundamentum est appellandus. *A Edificabo Ecclesiam meam.* Super te tãquam immobile saxum, ac firmissimam rupem Ecclesiam meam per spiritum sanctum meæ gratia, & prædicatione congregandam constituam atq; vnice gubernabo, eaque perpetuo inhabitabo. Fuit quidem omnis electorum congregatio à mundi exordio Christi Ecclesia, atque fide eius saluata, attamen post ipsius resurrectionem collecta, abundantiori spiritus sancti gratia à Christo perfusa, atque incomparabiliter priore latius dilatata fuit, ideoq; singulariter Ecclesia Christi vocatur, vt patet ex priore Petri epistol. *Et portæ inferi: Quæcunque homines ad eternam gehennam pertrahunt qualia sunt peccata hereses, persecutiones, atque ipsi persecutores, & hæresiarchæ. A duersus eam non præualebunt, nunquã Ecclesiam euincere poterunt quin perpetuo firma in fide permaneat, & gehennam euadat.* Chrysostomus etiam ad petram refert, sed ad ecclesiam potius pertinere videtur. Quandocunq; enim de domo, & fundamento loquimur ex fundamento tribuitur domui firmitas.*

Fuit autem super Petrum Christi Ecclesia
in die

A. Por. 128

I. Pet. 1

IN MATTHAEI

1047. 21.

A. 21.

in die Pentecostes ædificata: siquidem post Christi resurrectionem quando dictum est ei: Pasce oves meas, accepit quod ei hic promittitur, & Ecclesie fundamentum factus est. Veruntamen fundamenti officium eminenter non exeruit nisi in die Pentecostes, quando plenè fuit caput constitutus, & quasi cæterorum Apostolorum lingua. AEdificata autem dicitur Ecclesia super Petrum spiritualiter, quasi cum Ecclesia domui cõparetur ille qui caput est atque totius domus rector merito fundamentum domus vocatur. Quia igitur Petrus à Christo pastor ouium, & totius Ecclesie rector constitutus est, & per eum Ecclesia fuit conseruata, meritò super eum dicitur ædificata. Magnifica sanè fuit ista promissio, non tamen omnes in Ecclesia existentes de sua salute securos faciens: Promisit quidem Christus Ecclesie super Petram fundatæ quod à portis inferi nunquam vincenda sit, at non cui libet iam in Ecclesia existenti quod in fide & Ecclesie synceritate sit permansurus, seu quod à portis inferi non vincetur. Dicitur enim illa inuincibilis etiam si multi in illa deficiant & vincantur, quemadmodum ciuitas aliqua quæ expugnari non potest inexpugnabilis vocatur, quanquam quilibet in ea miles expugnabilis sit. Quapropter ex hac & similibus promissionibus Ecclesie datis nemo blandiri sibi debet, tanquam perire & excidere non possit, adimplebitur enim semper Dei promissio, (quæadmodum docet August.) in eius electis.

Lib. 5. de
bapt. c. 27.
et lib. 27

Quæritur vtrum iste primatus Petro mortuo perierit? Respondeo, Quoniam in vtilitatem Ecclesie datus fuit, tam diu permanere debet quam ipsa Ecclesia, nimirum vsque in finem sæculi: vt habet Cyprianus in tractatu de simplicitate prælatorum. Item Bernardus de consideratione

ad

ad Eugenium papam. Quæritur præterea vtrum saluator hanc promissionem in Ecclesia complendam, seu Ecclesiæ donandam esse per petram scilicet absque Apostoli Petri merito & potestate? Respondeo. Dum parabolam petræ, & fundamenti discutio videtur penitus hæc inuincibilitas Ecclesiæ tribui ratione petræ, quod etiam parabola de ædificante super petram insinuat. Sic Cyrillus in catena Thomæ ex libro thesauri intelligit: cuius tamen verba in illo libro non reperiuntur, sublata vt probabile est, à falsarijs huius temporis hæreticis interpretibus. Promittitur itaq; hic Ecclesiæ, quod quæcunque ad æternam damnationem deducunt eam non superabunt. Ecclesia igitur Christi in fide, spe, charitate, & iustitia permanet, & si nunc hūc nunc illum diabolus euincat: quoniam Christus semper Ecclesiam suam quæ super Petram fundata est, saluabit. Recurrendum igitur perpetuo dum exurgunt portæ inferi si vinci nolumus more omnium antiquorum patrum ad fundamentum hoc seu, Petri cathedram. Sic Irenæus ad Romanos pontifices confugiendum esse respondit. Sic Augustinus cum suis Aphris ad eodem recurrit, Innocentium videlicet, Sozimum, & Bonifacium. Hieronymus ad Damasum papam Cyrillus ad Celestinum per quem damnauit Nestorium: atque sic alijs temporibus semper factum est. Quod si obijcias Petro, paruam laudem, & gloriam attribui quod fundamentum Ecclesiæ dicatur, quum interdum scelerati fundamentum Ecclesiæ sunt, & pontificatum obtineant non secus quam ipse. Respondeo, Christum intuitu fidei Petri, ac deuotionis hanc dignitatem Petro, atque eius successoribus contulisse, quemadmodum in gratiam fidei Abraham promisit Deus semini eius terram Chanaan, tametsi quidam ex eis qui eam posse-

Matth. 7

possederunt fuerint impij, non tamen ex hoc laus Abrahæ extincta est: sicuti enim ipse pater omnium Iudeorum est, ita Petrus omnium Christianorum Laus igitur Petri in eo sita est, quod Deus intuitu fidei hanc potestatem ipse contulerit, atque omnibus eius successoribus: quemadmodum laus Abrahæ est quod intuitu fidei eius, Deus ipsi terram promiserit, & propter obedientiam eius promissam posteris benedictionem compleuerit, ita ut etiam præsentis Ecclesiæ petra, & fundamentum merito dicatur Petrus, propter fidem quæ Christum ad vicariatum suum ei, & omnibus eius successoribus committendum prouocauit. Sed quæritur quomodo propter Romanum pontificem portæ inferi aduersus Ecclesiam non præualeant, cum sæpe Romanus pontifex scandalosè, & malè viuat, atque plurimos mala sua vita ad æternam gehennam inducat? Item quum subinde in suis determinationibus erret, & quandoque Apostolica sedes diut vacet? Respondeo: Mala vita cum bona doctrina consistere potest, & nunquam in fidei determinationibus inquantum pōtifex est, errat, nā Christus semper ei assistit: quanquam inquantum Ioannes, vel Petrus, vel Paulus errare queat. Licet etiam apostolica sedes vacet, remanent tamen Ecclesiæ columnæ, quæ pontificis successorem diuina autoritate eligere valent.

Quæritur rursus quomodo superstitione, atque errore careat asserere quod qualitercunque pontifex vitam suam instituat, Christus ei perpetuo assistet: & qualescunque nos fuerimus, pontifici adhærendo errare nequaquam possimus, totam spiritalem fidei & euitandi omnis erroris promissionem vni homini tribuentes? Respondeo in veteri testamento dictum est & Deo benedicente Adg & filijs Noë ac in ijs, illorum posteris, Crescite & mul-

multiplicamini & implete terram (neque enim soli octo homines nisi posteros spectes, terram implere poterant) & tamen non omnes posteri possunt generare, sed impletur Dei promissio, si nunquam defunt qui generent, vnde terra hominibus impleatur. Si ergo Petrus eiusque successores similiter dicantur Ecclesiæ fundamentum eam perpetuo sustentans, nunquam deficiet, idq; futurum est per Petrum & successores eius quorum leges, instituta & regimen etiam ipsis mortuis perseuerat. Non autem per quemlibet Romanum pontificem, vel omnibus futuris temporibus, vt nullū sit tempus quo Petri successor Ecclesiam actu nō iuuet: vt notum est vacat interdum defuncto pontifice, Petri sedes. Rursum promisit Deus se Abraham, & semini eius benedicturū, attamen non quilibet posterorum eius benedictionem nactus est. Item promisit Deus Iudæis terram Chanaan vniuersam, tamen nunquam eam propter peccata sua totam possederunt. Quemadmodum autem regum & principum nobilitas ex aliquo primo tanquam stirpe, & alijs posteris simul oritur, & vbi licet intermedius aliquis sit ignobilis, non tamen propterea posterorum nobilitatem tollit: nam Dauid licet ignobilem Achaz genuerit, nobilitatem tamen suam in Mariam transmisit. Ita etsi aliqui pontifices sint morum nobilitate dissimiles, nobilitas tamen fundamenti à Christo donata nunquā tollitur.

Et tibi dabo claves regni cælorum, Interpretantur id Rabanus, & Magister de scientia dignos ab indignis discernendi, & de absoluendi potestate: estq; cap. 12 metaphora petita à clauibus quibus aliquid aperitur, vel clauditur eo modo quo apud Esaiam de clauis parabola vsurpatur, ita tamen vt claves summa rerū designetur, quia qui potitur quicquid facit

facit ratum est : quod exprimi videtur per verba sequentia : & quodcunque &c. quæ regimen Ecclesiæ penes Petrum esse significant : non quidem in temporalibus, quæadmodum nec regnū Christi ex hoc mundo erat, sed in spiritualibus : ideoq; Ecclesiam hoc loco regnū cœlorum appellat quāquam improprie, nam Christus in regno cœlorū proprie dicto per seipsum functiones suas administrat non per vicarios. Cōstat igitur parabolam ab his qui donatione clauium alicui regimen domus committunt esse desumptam. Clauēs regni cœlorum habet, penes quem summa hic potestas est gubernandi Ecclesiam, per quam ex hac progenie in regnum cœlorum aditus patet: quomodo plenum habet domus regimen, cui sunt clauēs eius omnes traditæ. Sic enim & apud Esaiam. Eliazim enim filio Helchiæ per clauis donationem summa potestas à Deo committitur. Et dabo, inquit, clauem domus Dauid super humerum eius, & aperiet, & non erit qui claudat. *Et quodcunque ligaueris super terram erit ligatum & in cœlis, & quod unque solueris super terram erit solutum & in cœlis.* Explicat donatam clauium potestatem, q. d. Omnes actus tuos ratos habeo. Quamcunque sententiam protuleris siue in alligandis criminibus, siue laxandis legitimè vtēs tua potestate, ego etiam illam approbabo, atque efficax erit, in veritate soluens quos iudicaueris soluendos, & verè ligans quos iudicaueris ligandos. Idem cæteris quoque Apostolis dicitur. Aduerte hic Petri, & sacerdotum sententiam qua peccatores absoluunt non tantummodo esse declaratiuam quasi peccata antea soluta fuerint, at in veritate efficere vt homo qui captiuus erat, ab æternæ poenæ reatu liber euadat. Si enim in absolutione peccata duntaxat esse remissa declararentur, Christus dixisse debuisset: Peccata quæ remissa sunt esse remissa

missa declarabis. Verùm non sic loquutus est, voluit enim declarare sacerdotis sententiã verè peccata remittere, atque suam sententiã sacerdotis nequaquam præcedere, sed potius contra, vt Cyprianus inquit, sententiã Petri præcedit sententiã cœli. Eadem quoque de baptismo ratio manet.

Lib. 1. epi. 2

Petri autem sententiã, si per sacerdotem peccata tantum remissa declararentur, sententiã cœli sequeretur. Qua de re vide Augustinum de verbis Domini, & in illud Psalmi: Vt solueret filios inter-

Serm. 44

emptorum. Ex quibus patet Deum per se veram pœnitentiã, & à peccatis conuersionem inspirare, sed à pœnæ æternæ reatu per sacerdotes libera-

Psalm. 101.

re: vt ex Augustino liquet. Ligare autem dicitur Petrus quando aliquem (vt glossa interpretatur) indignum absolutione iudicat. Augustinus verò Petrum ligare dicit quando excommunicat: Ambrosius autem contra Nouatianos nomine ligationis, actionis pœnitentiæ impositionem comprehen-

Lib. 4. con.

Donat. c. 81

dit. Ipsius namque tempore magnam sacerdotes imponebāt pœnitentiã, & à reatu non statim absoluebant. Hilarius ligare esse dicit nodis peccatorū innexos relinquere. Verùm nihil vetat ligandi verbo hæc simul omnia intelligere. Porro non ociosè additum est, *super terram*, quia mortui qui ipsum Christum, non per eius vicarium sententiã suam accipiunt, iudicio Petri minimè subsunt. Anathematizat tamen interdum Pontifex mortuos, declarando eos dum in vita essent, fuisse hæreticos atque ideo honore priuandos: aut propter aliquod peccatū vetando ne pro eis oretur. Cōtra verò interdū absoluit, eos non fuisse hæreticos, ac pro ipsis posse orari declarando. Hoc Chrysostomo contigit, quem Innocētiū postmodū absoluit. Quādiu etenim quis in memoria hominum est, atque eorum precibus iuuari potest, *super terram* quodam-

Lib. 1. con.

aduer. leg.

et prophet.

cap. 17.

Epi. 75

Lib. 1. de pœ

niten. cap. 1

et 2.

IN MATTHAEI

can. 48.

dammodo esse dicitur. Cyprianus etiam prohibuit ne pro illo mortuo oraretur, qui exequutorem testamenti ordinauerat sacerdotem. Dignus (inquit) est ut fructu orationis spoliatur, qui sacerdotem per secularia negotia ab oratione impediuit. Similiter Concilium Africanum mandat anathema post mortem Episcopis dici, qui paganos, vel hereticos heredes instituunt. Debuerunt enim (inquit) hoc viui procurare ne ad tales hereditas perueniret.

LUC. 9.

IOAN. I.

IOAN. II.

Tunc praecepit discipulis suis, ut nemini dicerent quia ipse esset Iesus Christus, ne passio quam sustinere debebat impediretur: si enim cognouissent nunquam dominum gloriae crucifixissent. Hanc rationem sequentia huius capituli verba declarant, quam etiam prosequitur, Lucas. Verum quum Ioannes baptista aperte Iesum esse Dei filium iussu diuino praedicauit, & apostoli antea idem praedicabant, atque ipsemet de seipso, mirum videtur cur hic prohibeat, nisi in poenam Iudaeorum qui nec apostolorum, nec Ioannis, neque suam sententiam recipere voluerunt: ut merito eis negentur quae initio praestita reiecerunt. Exinde coepit Iesus ostendere discipulis suis, nunquam enim antea tam aperte insinuauerat, quia oporteret eum ire Hierosolymam secundum scripturas, & multa pati a senioribus, & scribis, & principibus sacerdotum, & occidi. Quod animi dolorem maxime augebat, illi enim erant qui cum defendere deberent innocentem, condemnabant. Et assumens eum Petrus seorsum ne praesentibus discipulis magistrum suum increpare videretur, coepit increpare illum, amantis & optantis affectu dicens: *Absit a te Domine non erit tibi hoc*, Non occidaris, & tam indigna patiaris. Non erit tibi hoc, id est, non sit, vel ut Graeci: Propitius tibi sis Domine: Existimabat Petrus verum Dei filium occidi non posse aut non licere, redemptionem humani generis in eius passione positam ignorans. Qui conuersus, ut respiceret alios discipulos volens consilium Petri

Petri noxiū esse indicare. Hic enim habet Marcus. mar. 8.

Dixit Petro: vade post me satana, sequere meā sententiā,
 & te mihi non opponas, vel sicut Hilarius interpre-
 tatur: Feras etiā mortē post me, sicuti ego eam la-
 tur⁹ sum. Quod significatur in verbo (sequere me)
 quod Ioan. habet. i. per crucē tuā etiā patienter imi-
 tator mei sis. Verū prior interpretatio quæ est Hi-
 eron. probabilior est, atq; huic loco congruentior.
s cadaliū es mihi, tu quātū in te est mihi ruinā medita-
 tis quoniā volūtātē patris mei qui me pro humano
 genere mori vult, nō capis, sed carnalē & humanā
 cogitationē & voluntatē de me habes, quā impleri
 desideras. Carnales enī hōmines quanto maiores
 sunt, tātō minus pati volūt, aliter quā Christus am-
 bulare cupientes. *Quia non sapis ea quæ dei sunt* diui-
 nam voluntatem non intelligis, vel te non dele-
 ctat, nec afficit.

Tunc iesus dixit discipulis suis. Postquam Petrū re-
 prehēdit, omnes qui eius glorię participes esse vel-
 lent conuocauit, dicens: *si quis vult post me venire,*
Quicumque me spiritualiter sequi, & imitari vult
 (non enim volebat omnes corporaliter sequi, quo-
 niam multis dixit: *Ite in domum vestram, vt pa-*
ralytico: Idem dixit à dæmonio liberato, Vade in
domum tuam ad tuos. Vide Basilium in quæstio-
nibus latius disputatis) abneget semetipsum, propriā vo-
luntatē, & vsq; adeo vt iā sui ipsius impugnator vi-
deatur, & tollat crucē suā, sicut ego propriū patibulū
 supramodū ignominiosum portaturus sum. Per
 quod significat quid in corpore suo mystico fit agē-
 dū. Etenim iustus quilibet quotidie carnalē suā cu-
 piditatē mortificat quasi imponēs illi crucē quod
 hoīes ignominiosum, atque laboriosum iudicant.

Et sequatur me, opera mea imitetur. A Luca, ad-
 ditur (quotidie) ex quo patet saluatorem non de
 corporali iniuria, seu de solis iniurijs ab alijs illatis

loqui, sed de sola propria concupiscentia mortificatione, non enim quotidie ab hominibus iniuria afficimur. *Qui enim uoluerit animam suam saluam facere, perdat eam.* Qui proprijs (vt supradictum est) vult obsequi concupiscentijs, perpetua animae suae tormenta inueniet. *Quid enim prodest homini si mundum uniuersum lucretur, animae uero suae detrimentum patiatur?* Quasi dicat, Animam uestram pro me perdere non deterreamini, quoniam nihil prodest homini, si vitae suae voluptatibus prouideat, & totius orbis dominium obtineat, animae uero suae immortalem vitam amittat. Loquitur saluator de dominio huius saeculi. Potest tamen idem dici de benè docentis, & moralè uiuentis doctrina. *Quid enim tali proderit si totus mundus per eius doctrinam saluetur, ipse uero pereat.* *A ut quam dabit homo commutationem pro anima sua?* Quod poterit homo in die iudicij pro anima perditâ pretium dare? Quasi dicat: Nullum: etenim tunc nulla impijs remanebunt praemia, aut rerum pretia, nec iudex ullis flectetur muneribus, aut pretijs: & hoc est quod consequenter dicitur, quod filius hominis tunc unicuique secundum opera sua retribuet. Vnde modo quamdiu in hac vita sumus, animam pretio sanguinis Domini, ac vera poenitentia redimere debemus, nam post hanc vitam nulla est futura redemptio. *Filius enim hominis uenturus est in gloria patris sui*, id est, Ego quantumuis nunc mortalis & miser, uenturus sum, & ostensurus me eandem gloriam cum patre meo naturali habere, omnibus mihi angelis ministrantibus, & comitantibus (qui mei plenè sunt quia perfectè mihi obediunt, ac ministrant, & quia creaturae meae sunt) atq; tunc nullâ pro anima impij commutationem recipiam, ac unicuique tam iusto, quàm iniusto praemium, vel poenam, secundum quod in hac vita meritis est, tanquam iustus iudex retribuat.

buam. Non dicit in gloria quam pater mihi dabit, vel quæ erit ei similis, nã filij & patris vnica gloria est. Hanc sententiam latius Paulus prosequitur, eamq; tam de iustis, quam impijs esse intelligendã ostendit. Ex quo patet cõsequenter iustos ita vitã æternã mereri, sicut impij mortẽ æternã. Augu. ad Vitalẽ Carthaginẽsem scribẽs istud de paruulis nõ baptizatis etiam intelligendum esse ostẽdit, siquidẽ eis secundum opera quæ per alios dum in Adam peccarent gesserunt, reddetur.

Epist. 107.

Amen dico vobis, sunt quidam de hic stantibus qui non gustabunt mortem, donec uideant filium hominis uenientem in regno suo: Quia discipuli meditari poterant, atque dicere: Tu statim occideris, & cruci nos subdis, at gloria quam nobis polliceris, in longum tempus differetur, qualisque illa sit ignoramus, quõ igitur spe ignotæ glorię in præsenti tam crudelia sustinere poterimus? Ideo Christus infirmitati humanæ subueniens, promittendo dicit: Sũt quidam, id est, Petrus, Iacobus, & Ioannes, qui donec me oculis corporalibus in gloria qua omnibus electis in regno meo apparebo conspicient, nequaquam morientur: quocirca gloria ista quã vobis promitto omnino ignota non erit, sed aliquibus vestrũ manifestabitur. Hæc autem manifestationis Christi promissio in capite proximo in eius est transfiguratione completa.

IN CAPVT DECIMVM SEPT.

ET post dies sex, ab illo die quod hæc verba protulit. Die autem octauo, vt Lucas ait, à verbis dictis. Etenim ipse diem verborum, & transfigurationis computat: primum videlicet, & extremum coniungens, præter sex dies intermedios quos cæteri tres Euangelistæ solum compu-

IN MATTHAEI

tant. assumpsit Iesus Petrum, & Iacobum maiorem & Ioannem euangelistam, fratrem Iacobi. Hos tres assumptu Iesus tanquam maximè familiares, quibus ipse etiam in signum singularis gratiæ nomina noua imposuit, Simonem vocans Petrum, Iacobum vero, & Ioannem Boanerges, id est, tonantes. Petrum quidem, propter fidem eximiã, & amorem ac quia totius ecclesiæ præfectum eum facere voluit familiari sibi consortio copulauit (etenim solemus quos rebus nostris præponere intendimus, magis alijs arcanorum, & potentiæ nostræ facere participes, atq; ad nostram familiaritatem præ cæteris admittere) Iacobum autem tanquam verbum Dei tonantem, ac primum inter apostolos futurum martyrem Ioannem vero tanquam castissimum virginem, & singulariter illuminandum, ac maximum verbi Dei tonitru emissurum, matris suæ custodem futurum, atq; post omnes apostolos in hoc mundo victurum. Et transfiguratus est ante eos, non corporis veritatem, vel antiquam figuram suam amittendo, sed secundum splendorem, & lucem: sicut exponitur consequenter ab euangelista per faciei immutationem, quæ immutatio transfiguratio nuncupatur siquidem in figuræ lineamentis splendor apparet. Et resplenduit facies eius sicut sol virtute diuinitatis. Per quod ostendit quomodo ipse, & alij sancti in resurrectione corporibus fulgebunt.

vestimenta autem eius facta sunt alba sicut nix. ex splendore faciei ipsius, sicut splendor faciei ipsius propriè corporis claritatem designat, ita candor vestimentorum, sanctorum qui Christo sicut vestis adharebunt charitatem significat. Quemadmodum autem sol claritate in comparabiliter superat niuem, ita gloria Christi sanctorum gloriam, quæ ex ipso orietur, sicuti vestium candor ex splendore

re

re vultus eius ortus est. Hoc autem in sanctis accidet ex animæ baetitudine, & diuina virtute, videmus enim in hac mortalite quod affectus aliqui corpus transmutent: tristitia enim corpori pallorem, lætitia claritatē, Inuidia luorem hylaritas agilitatem accersit, sic gloria illa ccelestis perpetuam in nobis sanitatē, ac immortalitatem est præstitura.

Et ecce apparuerunt illis Tribus apostolis, moyses, & Helias cum eo loquentes. Postquam à somno euigilarunt (sicut habet Lucas) corporali videlicet visione vel oculorū, ex nimia claritate, obnubilatione, apparuerunt illis isti duo cum Christo, de morte eius quam in Hierusalem passurus erat loquentes: vt videlicet Christi gloria sicut habet testes ex nouo testamento, etiam ex veteri tales non deessent, quia ipse non solum noui testamenti homines, sed etiam veteris ad gloriam perducit. Dicitur autem (cum eo loquentes) quia Christo astabant, non autem in nube supra Christum hærebant, de morte autem Christi loquebantur vt ex illi discipuli non turbarentur, at gloriæ quam vidissent recordarentur. Inducti sunt autem Moyses, & Helias, vt Christus legis, & prophetarum non aduersarius, sed protector, ac Dominus ostenderetur. Item vt ostenderet legem quæ per Moysen, & Prophetas, qui per Heliam designantur, principaliter Christi passionē de qua hi duo loquebātur, prænuñciassē. Per quod etiam se Dominu mortuorum ostenderet, Moyses enim tunc diu vitam finierat. Item viuorum, Elias enim sicut modo ita & tunc viuebat. Venit autem Elias ex loco quo per currum igneum raptus fuit. 4. Reg. 1.

Quomodo autē Moyses aduenerit, an anima eius tantū ibi apparuerit, incertū est August. tamen de cura pro mortuis agenda dicit eum apparuisse, c. 42. 5.

R 4

quem-

IN MATTHAEI

quemadmodum Sauli apparuit Samuel. Hieronymus verò dicit ab inferis surrexisse. Lucas expresse asserit non solum eos discipulis apparuisse, sed quod fuerint Moyses & Helias. Augustinus super Ioannem subindicat corpus Moyfi ad horam excitatum esse. Sed D. Thomas existimat animam

Luc. 9.

Tract. ult.

Moyfi nō in proprio corpore, sed alieno, veluti angeli apparēt, comparuisse. Verūm si consideremus quid sit resuscitari & resurgere, reperiemus quod sit cum corporibus proprijs apparere. Respondēs autem Petrus dixit ad Iesum. Conspēctis hisce miraculis Petrus, cū Moyses & Elias abitum prępararent Christo dixit: *domine bonum est nos hic esse*, admodū iucundum, cuperem Moysē, & Eliam non abire *si vis faciamus hic tria tabernacula*, tentoria, seu domus pro solitudine quę transferri possint, cupio enim cū ipsis hic perpetuo manere. Petrus ex hac Christi gloria in tantum delectatus est, vt omnium temporalium obliuisceretur, atq; ibi perpetuam sedem figere vellet. Veruntamen dicendo (si vis) obedientiam, ac humilitatem ostendit, illius correptionis dominicę. (Vade post me Satana) nequaquam immemor. Addit Lucas (nesciens quid diceret) Verē quid diceret ignorabat, etenim beatitudo nostra non in corporis Christi gloria, sed diuinitatis Christi visione consistit. Deinde ignorabat quod beatitudo in qua perpetuo manēdum est, nullis paratur, nisi ijs qui multis calamitatibus, & periculis attriti sunt, & nisi Christus pro omniū salute mortuus sit. Errauit denique quia regnū cœleste electis non alicubi terrarum, sed in cœlis pręparatum possidetur, nec beatitudo hominis tabernaculum aliquod, vel domū requirit. Errauit rursum dum quinque tantum, vel sex ad hanc gloriam pertingere voluit, non perpendens innumeros debere illius esse participes. Rursum non rectē

Luc. 9

Domi-

Domini famulos Moysen, & Heliam ipsi Christo connumerabat: non enim dixerat: præclarum tibi præ cæteris extruamus tabernaculum. Petrus igitur cognouit quod hi duo viri essent Moyses, & Helias, vel ex illa claritate. Vel quia Christus ei dixit. Vel ex réuelatione patris cœlestis. Verisimile etiam est ipsos duos viros cum Apostolis esse loquutos.

A d'uc eo loquente Petro scilicet, nec à Christo responsum accipiente, ecce nubes lucida obumbravit eos, Apostolis appropinquauit, in quam Moses, & Elias intrauerunt, quæ vnbraculo suo Apostolos operuit: non enim Apostoli in nubem intrauerunt sicuti isti duo (teste Luca) ideoq; (eos) ad Apostolos refertur non ad Moysen, & Heliã. Et ecce vox de nube Deum patrem qui in veteri testamento in nube cap. 3.

habitare dicebatur designans. Conuenienter prophetæ in hanc nubem, ex qua vox patris descendit intrant, vt ab Apostolis ista vox Dei esse sciatur, & quia lex, & prophetæ cessauerunt quando pater filiũ suum mundo declarauit. dicens: Hic est filius meus dilectus qui nunc apud vos solus est, non Moyses & Helias, qui iam recesserunt. Istud supralatè explicatum est. resum audite, in quo lex & prophetæ complentur, id est, redemptorem vestrum, ac saluatorem: quemadmodum Moyses, & Helias omnesque prophetæ prædixerunt: Etenim hic est qui se audientes ad gloriam talem qualem modo vidistis perducit. Istius pronomini (Ipsum) emphasim pulchrè explicat Leo papa primus. Et audientes discipuli ceciderunt in faciem suam, & timuerunt ualde, tum propter patris loquentis maiestatem, tum propter eam quam erga Christum habebant reuerentiam, quem hic singulariter naturalem Dei filium intellexerunt, tum quia prophetas in nubem intrare viderant, denique quia omnem istam magnificam sermon. de transf. Dom.

IN MATTHAEI

cā gloriā, quam humana non fert fragilitas, cognouerunt. Et accessit Iesus, & tetigit eos manu, dixitq; eis *surgite, & nolite timere*, ad designandum quod incarnationis suę mysterio homines à fragilitate sua vt immensam illam glorię lucem intueri possint san-
 • nat: quicunq; enim illius mysterij participes sunt, ita roborantur vt intrepidē eam intueri ausi sint.

Leuantes autē oculos suos neminem uiderunt nisi solū Iesum, vt scirent vocē factā, de Moyse, vel Helia non esse intelligendā, sed de solo Iesu. Atq; sic Iesus in nube non fuisse cōuincitur, nā aliter ignoratū fuisset si in illa oēs tres fuissent, quisnā demonstratus fuisset. In Euangelio bis pater de filio testificatus est dicens: Hic est filius &c. Primo, in baptismo eius. Secūdo in eiusdē trāsfiguratione. In baptismo, regeneratio nostra prima designatur. In trāsfiguratione secūda, quā in die resurrectionis sortituri sumus. vtro-
 biq; autē tota apparet trinitas, quoniā ex totius trinitatis operatione vtraq; regeneratio procuratur.

Spiritus sanctus in baptismo in specie columbę apparuit ad designandū quod in prima regeneratione gratiā Dei accipimus, qua corporis nostri reformationē expectantes ingeiniscamus, nō enim tam perfectē regeneramur quin quotidie columbę gemitū assumere debeamus. Verum in trāsfiguratione spiritus sanctus in nube clara Apostolos obumbrāte apparuit, ad designandū quod in resurrectione, spiritus sanctus sanctos perfecta claritate donabit, atq; à tētationis feruore refrigerabit, ac eos ita obumbrabit vt immensam illā diuinitatis lucē intueri valeant, fragiles confortans, & perfectē infirmos sanans. Quod patuit in beata virgine Maria.
 • Spiritus sanctus enim eam obūbrauit, alioquin impossibile fuisset virginē vtero mortali gestare diuinitatē. Atq; veluti ingens æstus absq; refrigerio tolerari nō potest, ita nequiuisset Maria Christum

ferre,

ferre, nisi singulari præuenta fuisset spiritus sancti gratia. Cur autē pater in baptismo nō dicat, ipsum audite, sicuti in transfiguratione, ratio est, quoniam prima regeneratio in fidelibus à præsentī obtinetur, nec tanquā futura promittitur: secunda autem corporis regeneratio, seu transfiguratio, ac configuratio, vt ait Apost. tanquam futura promittitur, & nōdum habetur. Meritō igitur vbi de secunda regeneratione agitur, præcipitur, vt Christum vitam æternam promittentem audiamus.

Et descendētibz illis de monte, præcepit illis Iesus dicēs: nemini dixeritis vistonē, donec filius hominis a mortuis resurgat. Causæ huius prohibitionis supradictæ sunt. Et interrogauerunt discipuli tres dicentes: Quid ergo scribæ dicunt quod Eliā oporteat primum uenire. Quū nos cognouerimus te esse Christū cur scribæ dicunt quod Helias aduentū Messia præcedere debeat? An dictum scribarū intelligendum sit quod Helias semel cum Christo apparebit, sicuti nūc tecū apparuisse vidimus? At prius te cognouimus, quō ergo dicūt Heliā debere præcedere. Sicuti enī nos iā prædicamus Antichristū futurū & nasciturū ante iudiciū sic scribæ in synagogis suis Heliā aduētū Dñi præcessurū docebāt. At ille respōdēs ait eis, Helias quidē uenturus est, ante secūdū meū aduentū, & per prædicationē suā Iudæos per infidelitatē collapso restituet. Sic Aug. Hiero. & Chrysost. qui Heliā iudicium extremū in propria persona præcessurū tradūt. In primis Aug. Itē li. 20. de ciui. Dei c. 29. Hylar. in Matth. Chrysost. in epist. ad Thessal. Itē Hiero. in Malachiam & epistola ad Marcellā. Et videtur hæc expositio textui congruentior. Titelmannus verō in Matthæum scribens hoc sensu Heliā venturum intelligit: Verē (inquit) à scribis & à propheta prædictum est quod Helias venturus est ante Messiam, & Iudæos cōuersurus: sed ego dico vobis quod illa prophetia, & ser-

Cap. præc.

Lib. 1. quæ.

Euan. c. 11.

Homil. 58.

Tract. 4. in

Ioannem.

IN MATTHAEI

& sermo scribarum sit iam completus in aduentu Ioannis. Atque ita (venturus est) pro (venturus erat) positum est: patet enim sæpe in hoc Euangelio sic debere exponi, vt quādo dicit Saluatori Ioānes est Elias qui vētur⁹ est. i. erat. Rursum interrogauit Ioānes, Tu es qui vēturus es? id est, qui venturus eras? Dico autem vobis quiddam magis arcanum, quia Helias iam uenit, etiam primum aduentum meum præcessit: Et non cognouerunt eum, dum eius prædicationem reiecerunt, sed fecerunt in eo quod unq; uoluerunt, eum contemnentes, & neci tradentes. sic & filius hominis passurus est ab eis, tam crudelia perpeffurus. Tunc intellexerunt discipuli tres, quia de Ioanne baptista Christi præcurfore, dixisset eis: Istud nimirū quia Helias iam uenit. Ex hoc loco colligimus Scribas, & Phariseos necis Ioannis fuisse conscios: tamen si Herodes eum occidisse dicatur, attamen ipsi verisimiliter Herodi consuluerunt.

Mar. 9.

Et cum uenisset sequenti die (vt habet Lucas) iam enim die vno, & nocte in monte hæserant ad turbā cum qua erant nouem Apostoli quos Iesus secum non assumpserat: & videret Scribas cum Apostolis disputantes (vt clarius habet Marcus) Et obtuli cum discipulis tuis, Apostolis nouem, nam tres aberant dum hæc contigit oblatio. In Marco pro eo quod hic ponitur (Lunaticus) est (habens spiritum mutū)

o generatio incredula, & peruersa quousque ero uobiscū? Non est oratio impatientis animi, sed misericorditer increpantis medici. Iudæos enim infidelitatis arguit: Etenim sensus est: Grauis mihi est uestra infidelitas & ingratitude, & vsque adeo vt subito mori cupiam, & à vobis discedere, atque ad gētes migrare. Apud se enim cogitabat quod post mortē suā apostolos ad gētes missurus esset. Afferre huc illū ad me puerū lunaticū (de quo supradictū est) Et increpauit illū Iesus spiritū uidelicet, nō ipsum puerū, quāquam

Cap. 4.

In cōment.

quam hoc Hieronymus dicat, quem propter peccata sua huiusmodi passum esse dicit. *et exiit ab eo dæmonium*, id est, spiritus immundus. In hoc Euangelista de spiritu explicitè nihil præcessit, Lunaticus & phreneticus dæmoniaci sunt. In Marco dicitur quod puer iste ab infantia dæmonium passus sit, ex quo patet omnes sub peccato originali, & potestate diaboli nasci: etenim iniustum esset innocentes tantas sustinere miseras, quod pulchrè tractant venerabilis Beda, & Augustinus. Vnde patet sacramenta magis nobis in die iudicii spem misericordiae præstare, quam solatium in hac vita, nam filij misericordiae, & gratiae tot sæpe imò pluribus miserijs vrgentur, quam filij iræ, & impij.

Tunc accesserunt discipuli ad Iesum secreto. Nouem illi, qui dum Dominus cum tribus erat in mōte, *Math. 10.* berant, *et dixerunt: Quare non potuimus eijcere illum?* Interrogauerunt secreto, vel remotis alijs tribus, vel remota turba. Est hic notandum quod data sit Apostolis potestas super omnem spiritum immundum at huius potestatis vsus per infidelitatem impediatur.

Amen quippe d'co vobis, si habueritis fidem sicut granum synapis plenam, & perfectam, quæ & si parui fiat ab hominibus tam efficax est tamen, vt latissimè se diffundere possit: quemadmodum granum synapis inter olerum semina modicum est quidem, seminatum tamen altissimam arborem producit.

Dicetis monti huic, Transi hinc illuc, & transibit: & nihil impossibile erit vobis. Poteritis dicere, quia quiduis ab omnipotenti Deo, si in fide perfecti fueritis, impetrabitis. Similiter prius loquutus est de grano hoc dum ei comparauit Ecclesiam, quæ initio vilis, & contempta fuisse videtur, postmodum tamen in immensum excreuit, ac sese diffudit. Nullus autem inutile, aut curiosum petere debet, etenim petitio illa

IN MATTHAEI

illa non ex fide perfecta nascitur. Item nullus facile sibi necessarium esse miraculum persuadeat, sed socios Danielis imitetur, qui inter fideles corā rege impio Nabuchodonosor constituti ausi nō fuerunt dicere quod Deus eos à fornace liberaret, at dixerunt: Deus noster si voluerit nos eripere potest, sin minus, Deus tuus non poterit: atque proinde eum non colimus. Obijciunt infideles: nunquam Apostolos, nec aliquem Christianorū montem transtulisse, ac proinde nullum fuisse, aut esse perfectæ fidei, aut Christi promissionem esse falsam: quasi omnia scripta essent quæ Apostoli, & alij fideles Christiani gesserunt, & quasi maiora nō fecissent dum mortuos suscitauerunt, & vmbra sua quocunque morbo oppressos sanarunt. Nihilominus Gregorius Neocæsariensis rupem loco montis ponit. Qua de re legatur Hieronymus in vita Hilarionis. Præterea non asserit saluator hoc quādoque futurum vt Apostoli montem transferant, sed quod hoc fieri posset, si necessitas, vel vtilitas exigeret. Mysticè autem, per fidem montem trāsferre est fidei humilitate, inquit Augustinus, ex corde fugare elationem. Vel quod coincidit, fugare diabolum: mons enim diabolus est cui dicitur: ecce ad te mons pestifer, qui corrumpis vniuersam terram: Sic Hieronymus. Etenim diabolus per superbiam, quæ elationis mons est in cordibus nostris habitat. *Hoc autem genus non eijcitur nisi per orationem, & ieiunium.* Hæc tota (vt ait Chrysostomus) praua dæmonum generatio, non enim de aliquo speciali loquitur, nam dæmones nihil speciale habent: siquidem ipsi omnes suos ad hominibus nocendū conatus intendunt, non autem superantur nisi ieiunio, & oratione: Cū igitur vos his non vacaueritis, non mirum est quod dæmones non eieceritis. In hoc enim quod non statim adhibitis oratio-

D. 411. 3.

L. 1b. 7. hist.

L. ccl. ca. 35.

L. 1b. 1. quæ.

euang. c. 22.

Jerem. 51.

in hūc locū

tionibus, & ieiunijs ad Dominum concurrerint, incredulitas in ipsis fuisse videtur, & exigua de Deo spes. Nullam aliam huius impotentiae causam assignat Marcus dicens: Hoc autem genus dæmoniorū. Quasi dicat, quando non primo conatu spiritus exijt, cessastis. Theophylactus hic dæmoniacorū etiam orationes, & ieiunia intelligi arbitratur non autē solum eorū qui eiiciunt, at saluator cum apostolis respondit cur eiicere non potuerint, tantummodo de oratione, & ieiunio quæ ab ipsis apostolis adhiberi debuissent, loqui videtur. Hac breui sententia quomodo nobis hic viuendū sit instruit Christus, vt videlicet dum dæmonum, vel hominū tentationes patimur, aut proximos pati perspicimus, vel cū pro nobis, vel alijs iram Dei placari cupimus, vel aliud impetrare, ad ieiunia, & orationes confugiamus: quæ præcipua Christianorū arma sunt, quibus hostiū insultibus, & impugnationibus resistitur, ac quiduis à Deo impetratur. Pulchrè autem hæc duo coniunguntur, siquidem absq; ieiunio vel nō lubet orare, vel frequēter remissior est oratio, & ieiunium sine oratione ad Deum non recurrit. Quū autem vtrumq; coniungitur Deus, oratione agnoscitur, & corporis passiones ieiunio curantur.

Conuersantibus autem eis in galilæa, dixit illis iesus: filius hominis tradendus est in manus hominum. Lucas clarius legit tradendus est per proditorem Iudam in potestatem impiorum hominum. Saluator hic repetit quod superiori capite de passione & resurrectione sua dixit, addens tamen aliquid quod ibi nō exprefferat, nempe quod per proditiōē in manus hostium venturus esset, quod clarius infra repetit. Frequenter autem istud inculcat: etenim salus humani generis propter quam in hunc mundum venerat in passione, & resurrectione consistit.

Secum-

IN MATTHAEI

LUC. 24. Secundo ne adueniente morte turbarentur discipuli, sed sicut viderant mortē quam Christus prędixerat euenisse, ita futuram non dubitarent resurrectionem quam similiter pręnunciauerat. Dixit autem istud non tantum Apostolis, sed etiam amicis, vtpote Marię Magdaleny, & similibus, dicēs: Recordamini qualiter loquutus est vobis quum adhuc in Galilęa esset.

LUC. 24. Et contristati sunt uehementer. Propter amorē Christi: plurimum de morte, sed parum de resurrectione cogitantes. Lucas ideo dicit Apostolos quę dicebantur non intellexisse, quia amoris, & reuerentię Christi magnitudo parabolicum esse sermonem persuadebat, quamuis mali aliquid pręsignantem: vel ignorasse dicuntur, quia nullam mortis causam sciuerunt: ad eundem modum quo admirantes illud cuius causam ignorant, dicuntur non intelligere. Habet Lucas: Ignorabāt verbum istud &c. Causa autem mortis Christi quam ignorabāt fuit redemptio generis humani, & iniquitas quę illud æternę morti fecerat obnoxium.

Et cum uenissent capharnaum, acceperunt qui didrachma accipiebant, ad petrum. Nomen didrachma pluralis numeri est à didrachmum. drachma numismatis genus est sex obolos continens. Ad recipiendum autem istud numisma positi erant à romanis, & constituti quidam, illi autem à saluatore, quoniam Nazarenus erat, tributum exigebant in Capharnaum, in quo vrbs ipsa Nazaret sita erat. Et dixerunt ei magister uester non soluit didrachma? Istud temporis pręsentis est, atq; interrogatiue dicitur. Cuius sensus est, vultne soluere, vel cōsueuitne soluere didrachma? Potest autē hoc benigne & prauē hoc modo interrogari vult Magister uester bene soluere? vel vult magister uester romanis rebellare? & Iudę galilęi sectę (de qua postea dicemus) adhærere?

Ait.

*At, etiam Magister meus non recusat, imo solet, & omnino vult soluere. Et cum intrasset in domum Ad Iesum præuenit eum Iesus dicens: Iesus interrogatio-
nē Petri præuenit, quia Petrus iam tributi exactio-
nem indicare statuerat, & super ea Christum con-
sulere: Ideo autem præuenit eum, ne discipuli ad
postulationem tributi scandalizarentur dū Chri-
stū viderent ea non nosse quæ se absente gesta erāt.*

*ergo liberi sunt filij. Regum scilicet, à vectigalibus in
regno patris sui? Si ita est, quantò ego magis, qui
summi regis filius, atque omnium regum rex ab
omni tributo cum mea familia liber sum? vt autē
non scandalizemus eos exactores tributi, qui dignitatē
meam non intelligunt, præbendo eis de me fini-
stræ suspicionis occasionem, vt me iniquum esse
tributi detentorem indicent: vel me esse sectatorē
hæresis Iudæ Galilæi, qui illicitū esse docuit quod
populus Dei Romanis gentilibus tributa pende-
ret. vade ad mare, & mitte hamum, et cum piscem qui pri-
mus ascenderit tolle, & aperto ore eius inuenies staterem.*

Dominum maris & piscium se ostendit. Creauit
autem Deus in aquis staterem, vel si prius creatus
erat, ad os piscis illius, qui primus à Petro capere-
tur deueniret direxit. Per hoc declarat Christus se
tantam in tributis pendendis velle nos seruare iu-
stitiam, vt etiam miraculo pecuniam soluendam
acquisierit: quēadmodum de Elisæo legitur quod
multiplicando oleum ita vt vasa deficerent mira-
culum fecit, quatenus mulier suis creditoribus ex-
solueret. *Da eis pro me & pro te.* Pro me tanquam to-
tius familiæ capite, & secundo pro te, seu pro tota
familia mea, cuius tu primus es. De hoc censu quē
Romanis Iudæi pendebant habet Paulus de Ma-
ria & Ioseph, qui cum alijs accessit vt Augusto tri-
butum penderet. Sic igitur Christo illudere cona-
bantur sperantes quod si tributum pendere recu-
saret

4. Reg. 4

Rom. 13.

- Luc. 11.** faret à Cæsare continuo interficeretur, vnde tanquam maximum scelus postea Christo obijciunt:
- Math. 22.** Hunc inuenimus subuertentem gentem nostram, & tributa Cæsari dare inhibentem. Cæterum in veritate prorsus contrarium docuit, quod & hic ad nostram instructionem, & vitam formandam facta exhibuit. Quaritur vtrum Christus reuera ab omni tributo liber fuerit? Respondeo, ita secundum diuinitatem, veruntamen subiectus, & obligatus soluere erat secundum humanitatem, quia (vt ait Paulus) factus est sub lege, & per omnia nobis similis absq; peccato. Saluator autem pro more habet vt sæpissime de principali loquatur non negato, aut contempto minus principali vt patet ex supradictis vbi dicit: Qui facit voluntatem patris mei qui in coelis est, ipse meus frater, soror, & mater est, non Mariam matrem suam secundum humanam carnem esse negauit. Sicuti ergo secundum humanam naturam imperatorum legibus subiectus erat, sic & mandatis matris suæ subiectus fuit nam leges naturæ ita Christo sicuti nobis inscriptæ erant. Vnde per omnia dicit Paulus, Christum fratribus assimilatam excepto peccato. porro hic de se loquitur secundum diuinitatem, quemadmodum quando dicit: Quæ est mater mea, & qui sunt fratres mei? Tantaq; in eo fuit diuinitatis libertas vt pro placito subiectionem tollere posset, teste Bernardo ad Henricum Senonensem archiepiscopum, Istud etiam ad nostri instructionem fecit. Tota enim conuersatio eius est vitæ nostræ instructio, vnde Hieronymus: Nos infelices, inquit, qui Christi censemur nomine, & nihil dignum tanta facimus maiestate. Ille pro nobis & crucem sustinuit, & tributa reddidit, nos pro illius honore tributa non reddimus, & quasi filij regis à vectigalibus immunes sumus.

Quis putas maior est id est maxim^{us} erit in regno
 cœlorum? Quanquam hæc in se curiosa sit
 quæstio, attamen ex hac apparet eos non
 circa terrena, vti nos sed cœlestia fuisse occupatos,
 Recteq; id quod in via inter se disceptauerant (nā
 disputabant quisnam corū maior esset) proponunt
 vel occasione illius quod Petro dixerat Christus
 Pro me, & pro te dabis. Vel quòd tres discipuli se-
 orsum cum Christo in montem assumpti fuerant.
 Quæ ex superioribus patent, & abunde ex Marco
 & Luca. Lucas dicit Christum vidisse cogitationes
 ipsorum. Christus autem quæstionem ipsorum cu-
 riosam vtiq; resoluit, paruulum in medio ipso-
 rum statuendo, atq; dicendo, *Nisi conuerſi fueritis à*
superbia, & malitia vestra, & efficiamini sicut paruuli
vitæ humilitate, & innocentia, non intrabitis in regnū
cœlorum. Hic præcipue Christus humilitatem do-
 cet, vnde subiungit: *Quicumq; ergo humiliauerit se sicut*
paruulus iste, hic est maior in regno cœlorum. Hic verè in
 regno cœlorum maximus est, quoniam omnes ibi
 maximi erunt. Non autem vult dicere illum cæ-
 teros gloria superaturum, at in gloria futurum, nā
 maximū esse in regno cœlorū ei opponitur quod
 est, *Nō intrabitis in regnum cœlorum.* Item alibi
 dicitur Erunt nouissimi primi: vbi omnes qui in
 regno cœlorum futuri sunt primi vocantur. Vult
 omnes paruulo similes esse, qui læsus iniuriæ im-
 memor statim placatur, nec pro honore cōtendit,
 neq; Dominia concupiscit, *et qui susceperit unum par-*
uulum talem in nomine meo, Videtur absolute, de pue-
 ro secūdum ætatem loqui. Pueros ergo ætate in-
 tellige quacunque ratione pusillos, vel vera mo-
 destia humiles, vel mundo contemptibiles, vel in
 fide infirmos, nam per puerum Christus homi-
 nes viles, & verè humiles designabat. Ex Luca

Math. 20

IN MATTHAEI

patet hunc locum non tantum de hominibus contemptis, modestis, vel humilibus, verumetiam de aetate paruulis esse intelligendum. *me suscipit* tã gratum mihi officium præstat, quam si personam meã hospitio exciperet. Sub hoc misericordiæ opere cetera intelligenda relinquuntur. In Marco inter pusillos. & minimos Apostoli recensentur, vbi enim Matthæus dicit: Quicumque dederit potum vni ex minimis istis dicit Marcus: Quisquis potum dederit vobis &c. idq; eo loci vbi historiam huius capitis recenset. Vult ergo Christus hac sententia nos neminem cõtemnere, nulliq; quantumuis cõtemptibili nos præferre. Quilibet enim quantumcunque in hoc mundo vilis, & abiectus sit, angelũ ad sui custodiam designatum habet. Igitur si Deus illos tanta dignatur custodia, quantò magis sunt à nobis honorandi. *Qui autem scandalizauerit unum de pusillis istis expedit ei, ut suspendatur mola asinaria in collo eius, & demergatur in profundum maris.* Melius esset eũ saxo alligatum demergi, quam minimum ex istis scandalizare, quoniam incomparabiliter futuri sæculi pœna quæ scandalizantem manet huiusmodi submersionis pœnam excedit. Loquitur Palæstinorum more, apud quos morti adiudicati ligato ad collum saxo in mare præcipitabantur. Non vult autem melius esse vt homo postquam quempiã scãdalizauerit submergatur, quasi per temporalẽ mortem euaderet æternam quam meritis erat dũ scãdalizauit, quanquam Hieronymus hoc modo exponere videatur, sed quod scandali malitia tanta sit tanquam grauitè punienda, vt potius mos temporalis atrocissima sit eligenda, quam abiectissimus scandalizandus. *v. e. mundo a scandalis.* Maxima condemnatio hominibus mundo addictis propter euenientia scandala imminet, dum enim plerique homines secundũ mundum viuentes malis patrandis

marc. 10.

Luc. 17.

In commet.

trandis dediti sunt, fieri nequit quin illa eueniant, quoniam sic affecti proximum scandalizare non verentur, contra Paulum dicentem. Si esca scandalizat proximum meum, non manducabo carnes in æternum. Interea tamen illi qui scandali causa est maxima miseria imminet. *Neceſſe eſt enim ut ueniant ſcandala*, non absoluta neceſſitate, ſed ea quæ volũtariam hominum malitiam conſequitur: quemadmodum ſi medicus videns aliquem perpetuo ſe potu obruentem dicat: Neceſſe eſt illũ ſtatim mori, non abſolutam ſignificat neceſſitatem, ſed ex voluntaria potatione conſequentem. Cum igitur infinitus ſemper futurus ſit ſtultorum numerus, atq; ſemper futuri ſint homines ſui amatores, nõ prius ſcandala deficient quam ſæculi conſummatio aduenerit. Scandalum propriè eſt quod in via impedimentũ præſtat. Per translationem autem eſt dictum vel factum minus rectum, præbens alteri occaſionem ruinæ. Vnde ſcandalizare aliquem eſt ex dicto, vel facto malo occaſionẽ ei dare in mortale peccatum prolabendi: Et hoc propriè eſt ipſi ex parte animæ nocumentum inferre, quod eſt cõtra charitatem proximi. Ideoq; qui talem ſic ruere facit, ſi ex intentione faciat, etiam ſi dictum vel factum ipſum de genere peccati mortalis nõ ſit, mortaliter delinquit: vt mendacium iocoſum mulieri dictum intentione eam ad adulterium pertrahendi, ex ipſa finis intentione mortale peccatũ eſt. *ſi autem manus tua etc.* Nouit vnusquiſque credentium, inquit Hieronymus, quid ſibi noceat, vel in quo ſollicitetur animus ac ſape tentetur. Melius eſt enim vitam ſolitariam ducere quam ob vitæ præſentis neceſſaria vitam æternam perdere. Iubemur hic membra noſtra non corporaliter abſcindere, ſed ab illicito vſu & exercitio peccati cohibere: vt manus ab illicito iactu, oculos ab illicito aſpectu.

1. cor. 8.

math. 5. 21.

IN MATTHAEI

videte ne contemnatis unum ex his pusillis. Diligētissimè caute, ne vel vnum tantum ex his qui in me credunt contemnatis, vt autem ostendam cuiuslibet dignitatem, dico vobis, quod angeli eorum in cœlis semper uidēt faciē patris mei qui in cœlis est. Angeli eorum custodes, quorum propria in cœlis habitatio est, sine vlla intermissione diuinæ essentiae patris mei cœlestis claritatem conspiciunt. Quantumcūque enim ad rerū inferiorū administrationes mitantur, semper tamen per apertam visionem Deo adhærent. Non ergo quisquam contemnendus est, cuius preces & vota per tam præclarū principē ad patrem meū deferuntur, etenim qui talē principem in conspectu Dei semper assistentē habet, de contēptoribus apud patrem meū facillimè quærelā deponere potest. Augustinus autem vult Angelos hominum dici, quod post reconciliationē cœpimus esse ciues eorū, & domestici, atq; vicissim ipsi nostri. Constat autem ex Scriptura sacra Angelos esse custodes nostros à multis periculis nos protegentes, iuxta illud: Angelus qui eruit me de cūctis malis. Item, Angelis suis mandauit de te, vt custodiant te in omnibus vijs tuis.

Rursum: Inmittet seu castrametabitur Angelus Dñi in circuitu timentium cum, eripiet eos. Offerūt etiā Angeli nostras orationes, vt patet ex Tobia, & Apocalypsi, & pro nobis intercedunt. Rursum animas sanctorū post mortem deducunt, vt patet de Lazaro mēdico mortuo. Periculosè ergo contemnuntur quorum desideria, & postulationes ad æternum, & inuisibilem Deum angelorum ministerio, ac famulatu perferuntur. Sed quærat quispiā, vtrū quilibet tam bonus, quā malus ad sui custodiam angelū habeat? Respon. Secundū Hieron. quemlibet hominē ab ortu natiuitatis suæ habere angelū custodē satis consentaneū est Danielis prophetiæ, qui

Lib. 11. de

ciuit. Dei

c. 29.

Genes. 48.

Psal. 90.

Psal. 33.

Tob. 12.

Apoc. 8.

2. acba. 1

Luc. 16.

Dan. 10.

qui quosdam angelos regnorum infidelium, vtpote Persarum, Græcorum &c. custodes inducit (quāquam Gregorius & Basilius ad bonos tantum id referunt.) Item Nabuchodonosor, Pharao, Abimelech angelorū ministerio somnia habuisse in Scripturis leguntur, vnde patet etiam impios homines habere custodes angelos. Rursum quærat aliquis vtrum singuli singulos habeant custodes? De hoc Magister sententiarum dubitat: sed D. Thomas asserit. Certum est autem ex scriptura, quod quādoque vni homini multi angeli custodes deputentur vt patet de Eliseo. Deinde è cōtrario certū est quod vnus angelus multos possit defendere. Cæterum D. Thomæ sententia admodum probabilis videtur, quoniam Deus omnia decentissimè disposuit. Aptius autem videtur, vt quilibet suum proprium angelum custodem habeat, quam multi vnum.

*Lib. 7. m. 3
cap. 7
lib. 3. de spī
ritu sancto.*

*Lib. 2. sent.
dist. 11.
4. Reg. 7
4. Reg. 19.*

Angeli autem non semper in cœlis manent, sed subinde ad homines descendunt, vbicunq; tamen sunt, eorum cognitio per distantiam locale nunquā impeditur: atq; ita hominis sibi commissi curā gerant, vt statim quæ agit, quæq; ei vel bona vel mala immineant cognoscant, quia Deū vident in quo omnia cognoscunt, Deus autem vbique est. Præterea boni angeli bonas cogitationes suggerunt, vt contra mali malas, vt patet ex Paulo dicente: vt nō

1. Cor. 12. 11.

circumueniamur à Satana. Ideoque quando homo subito aliquid boni cogitat, præsentiam angelicam reuereri debet: contrā, quando cogitationes malas sentit, debet se statim sanctæ crucis signo, & oratione munire. An verò quilibet malū etiam Angelū habeat in exercitiū sibi deputatū apud graues authores nō reperi. Magister sent. id tanquā ex Gregorio statuere conatur. Probabilius est non habere, abundè enim ex naturæ corruptione ad malū proni sumus. Gentiles autem id sensisse videtur dū

IN MATTHAEI

genios duos vnum bonum, alterum malum posuerant, sicuti & duos lares, de quibus Prudentius. *venit enim filius hominis saluare quod perierat.* Secundam adijcit rationem ob quam pusilli cōtemni nequaquam debeāt longē priori efficaciorē. Ego enim, inquit, in hūc mūdū veni, vt genus humanū quod per Adæ & superaddita peccata perierat, à cœcitate spirituali, æterna morte, atque miseria liberarē. Sic, inquam, ad saluandum genus humanum venit, vt ad saluandum quemlibet proditorem venerit. Quis igitur vnum ex illis contemnere audeat. Magna sanē hinc lucefcit hominis dignitas cuius contemplatione exclamat Augustinus. O tu bone omnipotens, qui sic curas vnumquemq; nostrum tanquam solum cures: & sic omnes tanquā singulos. Hanc rationem latius deinde explicat adducta parabola de centum ouibus, & de pastore ouium: quæ frequenter in nouo & veteri testamento proponitur.

Li. 3. cōfes.
cap. 11.

LUC. 15.
IOH. 10.
PSAL. 76.
ESAI. 40.
EZEC. 34.
PSAL. 110

Amen dico vobis, quia gaudet super eam magis, quam super nonaginta nouem quæ non errauerunt, tum quia magis de ea cogitat, vtpote recēter inuenta, siquidem de nouis rebus magis, quam de veteribus cogitamus: tum quia gaudium magis sentitur, propter oppositam tristitiam quæ in animo gerebatur dū ouis illa aberrasset. Quod etiam in rebus humanis contingit, nam & ei qui iamdiu efuriem passus est longē suauior cibus est quam saturo. Pastor est Christus, centum autem oues sunt angelicum & humanum genus, quæ integra & recta à Domino instituta perpetuoq; ab eo pascenda fuere: ex istis autem errauit vna, nempe genus humanum, dum princeps illius generis Adam viam rectam reliquit, & peccato infectus totam posteritatem suam infecit. Reliquit autem Christus angelos, qui in excelsis cœlis persisterunt, non quidem ab eis

eis recedendo , sed naturam mortalem secundum quam in eorum consortio non erat assumendo , venitque erraticam ouem quærere à principio incarnationis vsque ad ascensionem, quia omnia quæ in corpore gessit ad humani generis errabundi salutem ordinauit , atque eam inuenit quando per crucem , & resurrectionem misso spiritu sancto homines restaurare cœpit. Gaudetque super ista oue magis quam super angelis, quoniam longè maior in hominū restauratione, quam in angelorum creatione est diuinæ laudis materia , mirabiliter quidem homines creauit , & angelos beatificauit, sed longè mirabilius homines redemit: quod piè in multis quæ in sacrificio Missæ leguntur collectis declaratur. Quidam oues interpretantur quæ non errauerunt , non angelos sanctos , sed superbos , qui se putant iustos: qui non errasse dicuntur, quia errorem suum agnoscere nōlunt. Sic Augustinus in quæst. Euangelicis. Hanc eandem parabolam latius describit Lucas. *sic non est uoluntas ante patrem uestrum qui in cœlis est, ut pereat unus de pusillis istis.* Hoc modo parabolam applicat: Sicuti pastor modis omnibus ouem errantem reducere studet, sic non vult Deus vt quisquam pereat, etiā si nunc erret, sed vult vt vitam æternam habeat. Si igitur pater cœlestis tanti hominem faciat, uestrum non est contemnere quemquam. Pastorem in parabola non de patre, sed de Christo interpretati sumus: etenim pater oues nonaginta nouē dereliquisse non dicitur, nec in humeros suos erraticam assumpsisse, quod addit Lucas. Humeri enim, Christi humanitatem quam nobiscum communem accepit significant, & quia Christus per hanc parabolam, istam illud venit filius hominis saluare &c. declarare intendit , ubi de se manifestè loquitur omnino ipse per pastorem est intelligendus.

Quod

Lit. 2. c 32.

LUC. 15.

IN MATTHAEI

Quod autem dicit : Sic non est voluntas, de patre suo loquitur, non quasi parabola de patre dicta sit, sed quia omnino eadem est filij patrisque voluntas. Dicitur autem Deus velle vt nemo pereat, sed quilibet saluus fiat haecenus, quia nullus electorum Dei perit : sicut in semine Abraham benedicuntur omnes gentes, quæ benedicendæ, vel electæ sunt. Vel, quemlibet vult saluum fieri, quoniam nemo nisi ipso volente saluus sit, quemadmodum Paulus dicit : Per vnus iustitiam in omnes homines in iustificationem vitæ, id est, Quicumque iustificatur, hoc debent Christo. Vel velle dicitur quia cordibus iustorum vt & ipsi quemlibet saluum fieri velint inspirat, quemadmodum spiritus sanctus dicitur clamare Abba, pater, & postulare pro nobis gemitibus inenarrabilibus nõ quod ipse Deum oraret, sed quia nos orare, postulare, & ingemiscere faciat. Simpliciter verò loquendo Deus *non omnes vult saluare*, sed pro peccatis & malefactis suis iuste damnari. Varias expositiones istas habes apud Augustin. varijs in locis, vt Epist. 107. de prædestinatione sanctorum cap. 8. Enchirid. cap. 103. De cor. & gratia cap. 14. & 15. Damascenus dicit, Deum quemlibet velle saluum fieri, in quantum cuilibet homini media ad salutem tribuit, & in quantum quilibet à Deo creatus est. Quanquam eum vt peccator est, condemnare velit. Quemadmodum de iudice dici potest, quod quemlibet ciuium viuere velit, quoniam omnibus vite defensionem providet: veruntamen quosdam occidere vult, nõ quatenus ciues, sed in quantum malefactores. Vnde Esaias: Heu consolabor super hostibus meis. Voluntatem hanc consequentem vocat, illam antecedentem.

si autem peccauerit in te frater tuus uade, & orripe eum inter te & ipsum. Sententia prorsus moralis est, quæ hunc intellectum admittit. Quisquis es Christiane, siue sub-

Rom. 5.

Rom. 8.

1. lib. 2. cap. penult.

Esai. 1.

ue subditus, siue superior, cuiuscunque conditionis aut sexus si frater Christianus te offendit, correptionem adhibe. Christiani fratres dicuntur, quoniam eundem patrem Christum habent. Hunc inquam, si peccato occulto te læserit (nam de aperte & publicè peccantibus prælatò dictum est: Peccantes coram omnibus argue) corripe eum inter te & ipsum solum, vt famæ ipsius quoad fieri potest parcat. Fama enim ad corporalia, & spiritualia ad modum utilis est. *si te audierit*, pœnitentiam agens, *lucratus eris fratrem tuum*, ex quo patet per peccatum quod commiserat fuisse perditum. Idem apud Iacobum pulchrè habetur. Fratres mei si quis ex vobis errauerit à veritate & conuerterit quis eum, scire debet quoniam qui conuerti fecerit peccatorem ab errore vię suę, saluabit animam eius à morte, & operiet multitudinem peccatorum. *si autem te non audierit*. Hinc patet quomodo præcepta quæ hîc de fratre corripiendo ponuntur, & adhibendo testes, Item de denunciando Ecclesiæ hominem obligent, in quantum scilicet ad lucrandum fratrem necessaria sunt. Quapropter si verisimile sit quod frater peccans spontè se emendabit, vel ex correptione futurus sit deterior, præcepta de fraterna correptione nullatenus obligant. Simili modo qui tempus opportunius expectat ad corripiendû, præceptum nullo modo violat, quoniam propter fratris emendationem præcepta est correptio. Quare si quis hoc tempore corripiendum esse non iudicet præcepto non tenetur. *Adhibe tecum adhuc unum, uel duos, ut in ore duorum, uel trium testium stet omne uerbû*. Si per secretam correptionem admonitus te non audierit, adhibe testes corâ quibus verecûdetur, & deserto malo conuertatur. Sub vno vel duobus testibus plures intelligi possunt, tot enim adhibendi sunt quot fratris emendatio exigit.

1o Tim. 5

Iacob. 5

Quæ-

IN MATTHAEI

Quaecunque enim de correptione præcipiuntur, ex fine qui lucrum est fratris, metienda sunt, tales autem adhiberi debent quos peccans verisimiliter auditurus sit, docti videlicet & probi, qui peccatū ei suum quale sit & quam grande ostendere queāt, & quorum ille auctoritatem & probitatem reuereri possit. Adhibēdi autem sunt testes vel ad docendum, vel conuincendum, denique vt testes sint admonenti, quod pro salute fratris correptionem non neglexerit, vnde si non audiat, facere debet quod sequitur: *Quod si non audierit eos dic Ecclesia*, vltimi testes isti viri debent esse reuerendi, quibus credatur, & qui peccatum fideliter testentur in iudicio, & admonentem officio suo functum esse confirment, vt sic peccatum in multitudinis notitiam deducatur, & saluetur opprobrijs, qui saluari non voluit pudoris medicamentis. *si autem Ecclesia non audierit*, & à Præposito eius quem audire noluit, tanquam rebellis condemnatus fuerit. *sit tibi*, id est habeatur, *sicut ethnicus & publicanus*, publicè excommunicatus, non iam tanquam frater, sed extra Ecclesiam existens, Ethnicis & publicanis similis effectus. Quinimo illis deterior, peior enim est impius Christianus homine gentili. Per Ecclesiā non tam ipsa multitudo, vel congregatio quā Ecclesiæ præpositus intelligēdus est, siquidem de illa ecclesia cui correptus subest agitur, talis autē nō tā est multitudo, quam præpositus, qui correptum rebellantem publicè punire potest, vt Augustinus ait lib. quinquaginta Homiliarum tractans illud Apostoli: Si quis frater nominatur ebriosus, vbi docet sæpe publicos peccatores tolerandos esse, & nō vitandos, donec per Ecclesiæ præpositos excommunicationis ferula percussi sunt. Ideoque interpretati sumus de excommunicatione. Quis autem possit excommunicari, & quod solus contumax pul-

Homil. ult.
1. Cor. 5.

pulchrè tractat D. Thurnout. Aduertendum est Saluatorem, quando dicit, Sit tibi sicut Ethnicus & Publicanus, non prohibere omnem curam excommunicati, sed tantum cum vult non haberi de numero Christianorum. Etenim pastores, & alij Christiani non tantum oues quæ in ouili pascuntur curare debent, verū etiam summo studio quærere, ac reducere debent extra ouilia abiectas, atque errantes: vnde Dominus pro gentilibus, publicanis, & hæreticis orare præcepit. Quod autem raro pro istis orationes fundantur causa in nobis est remissior charitas, vt Augustinus ostendit lib. 1. de cap. 9. de ciuit. Dei.

Amen dico vobis, quæcunque ligaueritis super terram, erunt ligata in cælo: & quæcunque solueritis super terram, erunt soluta & in cælo. Quoniam Ecclesiæ Præposito peccator dicere potuisset: Si tu me tanquam Ethnicum, & publicanū despicias, ego te vicissim despiciam, & Ecclesiæ sententiam nihili faciā, Ideo Dominus Apostolos, & Ecclesiæ præpositos tali potestate donat, qua sententia eorum per diuinam roboretur, atque obfit, vel profit, non tantum in terra, verum etiam in cælo. Licet autem hæc verba cum verbis Petro dictis ferè eadem sint, quædam differentia est: siquidem verba Petro dicta plenam potestatem super omnes etiam Apostolos significant, etenim ei singulariter dicta sunt in præsentia cæterorum Apostolorum, hæc autem verba omnibus Apostolis dicta sunt, nec pleniorē vni quā alteri potestatem tribuunt. Hæretici aliter istud exponunt prauè intelligentes Augustinum, qui dicit illum ligare proximum, qui non vult peccanti in se ignoscere, & illum soluere, qui ignoscit peccanti in se, non enim Augustinus existimandus est docere hanc potestatem penes Laicos esse, sed mysticam duntaxat interpretationem tradit, aut potius

Tom. 4. fo.
62.

Exech. 34.

serm 16. de
verb. Dom.

IN MATTHAEI

Homil. xl.

tius per quandam allusionem hoc dicit. Quod autem Augustinus penes solos Ecclesiasticos ius ligandi, & soluendi esse senserit clarè patet ex libro 50. Homiliarum supra citat. Item Epistola ad Honoratum quæ ponitur in fine vitæ ipsius.

Iterum vt intelligatis quanti faciam mutuam charitatem, & concordiam, seu quantum velim vos peccantes corripere, & correctis ignoscere: rursus quantum velim corripientes à peccantibus audiri, ac præsertim Ecclesiam. *Nico vobis quia si duo ex vobis consenserint super terram, de omni re quamcunque petierint fiet illis a patre meo qui in cælis est, id est: Si isti concordēs fuerint ac veram pacem coluerint, quicquid voluerint à patre meo infallibiliter impetrabunt.* Etenim concordia, & communis oratio ad quiduis impetrandum est efficacissima. Si igitur tantum valet duorum oratio, atq; petitio, dubium non est concordem totius Ecclesiæ orationem plurimum valere.

Vbi enim sunt duo, uel tres congregati in nomine meo, ibi sum in medio eorum. Ideoque quiduis impetrare possunt, quoniam ibi secundum diuinitatis meæ singularem gratiam sum cum patre meo, qui petita nequaquam negabit. In medio per gratiam Christus esse dicitur, tanquam inter eos & patrē, mediator, propter quem quiduis pater donare debet, quoniam vnigenitus eius filius per passionem suam hoc promeritus est, & hoc rogat.

Si igitur Christus ibi est, vbi duo, vel tres in nomine eius congregati sunt, multò magis vbi vniuersi, vt in Concilijs Oecumenicis vbi patres Ecclesiæ ad Christi honorem congregati sunt. Quocirca humili animo, alacri deuotione, ac mentis affectu sanctorum societati, orationibus, atque piorum supplicationibus interesse studendum est.

Tunc accedens Petrus ad eum, dixit: Domine quoties peccauit in me frater meus, & dimittam ei: usque septies?

Quia Petrus de corripiendo audiuerat, & pœnitentiam agenti esse dimittendum, deniq; istud, Quod si duo consenserint super terram de omni re &c. accessit ad eum, rogans quoties fratri peccanti dimittendum esset. Non autem interrogat occasione istius dicti (Quæcunque alligaueritis) quoniam ex responsione Domini sequeretur nunquam alliganda esse peccata, quod saluator semper vult ea dimitti. Dixit illi Iesus non dico tibi usq; septies, sed usque septuagies septies. Numerum finitum ponit pro infinito, volens (vt patet ex Luca) Vniuersitatem significare, quasi dicat: Semper fratri dimitti volo. Hinc non exiguum peccatores pœnitenes consolationem accipere debent, etenim si Deus nos in fratres tam vult esse clementes, vt quotiescunque nos offendunt, & verâ pœnitentiâ agût dimittamus eis, quanto clementior est immensa illa bonitas? procul dubio peccantes dū à peccatis resurgût, & pœnitentiam agunt semper in gratiam est receptura.

Idco assimilatum est regnum cœlorum homini regi, qui uoluit rationem ponere cum seruis suis. Quod autem delinquentibus perpetuo ignoscendum sit, similitudine admodum congruenti declarat, dicens: Sic in regno cœlorum seu in populo Dei cœlo destinato agitur, atque si esset rex aliquis qui poneret rationem cum seruis suis &c. o blatus est ei unus qui debebat ei decem milia talenta &c. Per hûc designatur quilibet peccator, qui vnde soluat non habet: etenim nemo vnde se à peccato redimat, vel liberet habet, nisi Deus misericordia sua vltro eum præueniat. *Et debitum dimisit ei.* Petebat tantum dilationem, Dominus autem totum debitum dimisit: siquidē pietatis suæ abundantia hominum merita, vota, & petitiones (vt canit Ecclesia) excedit.

IN MATTHAEI

gressus autem seruus ille inuenit unum de conseruis suis &c. videntes autem conserui eius quæ fiebant contristati sunt ualde, & narrauerunt Domino suo omnia quæ facta fuerant.

Conserui angeli sunt, & homines sancti, quæ de impiorum hominum crudelitate apud Deum cõqueruntur. *Tunc uocauit illum Dominus suus, & ait illi: serue nequam omne debitum dimisit tibi quoniam rogasti me, nonne ergo oportuit & te misereri conserui tui? qui inferior te non est, sed æqualis, sicut & ego qui te superior sum. Tui misertus sum?* Magna Christianorum confusio, & improprium designatur, qui post tantam à Domino misericordiam acceptam, nullam petentibus se impendere volunt. *Et iratus Dominus eius extrema, & implacabili ira, tradidit eum tortoribus, id est, dæmonibus torquendum, quoadusque redderet uniuersum debitum, id est in æternum.* Etenim nunquam poterit homo post extremum iudicium pro peccatis suis satisfacere: nullus enim pœnitentiæ locus relinquetur. Tractari solet hic quæstio. Vtrum peccata dimissa redeant, de qua consulere licebit Magistrum sent. lib. 4. dist. 22. & eius loci commentat. & B. Thomam in tertia parte.

IN CAPVT DECIMVMNONVM.

math 11.

ET venit in fines iudææ trans iordanem, Non in Iudæâ, sed in Iudææ propriè dictæ fines: quæ duarum tribuum est, Iudææ scilicet, & Benjamin. Et accesserunt ad eum pharisæi tentantes eum, & dicentes: si licet homini dimittere uxorem suam Eum tentabant ut in verbis capere possent, nam si quæstioni affirmatiuè respondisset, tanquam contraria docerem, & non verum pudicitia laudatorem, atq; doctorem accusassent, si vero negatiue, legi Moyfi contrarium esse culpasset. Potest etiam istud non calūniosè dictum accipi: Inter pharisæos enim de lege

lege matrimonij controuersia magna extitit, nam quidam docebāt vxorem nullo modo esse dimittendam: Cæteri verò è contra, vnde si inielligantur ex Christo scire voluisse quid de hoc problemate sentiret, nequaquam calumnia est. *Quacumq; ex causa:* id est, pro placito, ob quamlibet leuem causam: Sic enim Hieronymus intelligere videtur.

Vel sensus esse potest, vtrum vnquam licet ex aliqua causa dimittere? Hanc secundam expositionem inuere videtur Marcus Euangelista, dicens: An licet viro vxorem dimittere? Orta autem hæc quæstio videtur ex Deuteronomio, & ex verbis Domini. *Qui respondens ait e'is, non legistis, quia qui fecit ab initio homines, & cæteras creaturas, masculū & feminam fecit eos, scilicet primos homines: & dixit Dominus per os Adæ, ex immissione diuinæ prophetantis, vt ex hoc patet (Immisit Dominus soporem in Adam) & ex Augustino super Genesim ad literam. Propter hoc dimittet homo patrem & matrem, & adhærebit uxori suæ. Quoniam mulier caro viri facta est ex costâ eius, in adulterium illius relinquet patrem quoad familiarem conuersationem, quam cū parentibus vsque ad virilem ætatem habere consueuerat, & adhærebit indiuisibiliter, & firmiter vxori, tanquam suæ carni, nō certo quodam tempore postmodum eam relicturus, sed perpetuo. Nō dicitur (vxoribus) etenim vnica de carne, viri creata est, quemadmodum annotat Cyrillus. Et erunt duo nec plures in carne una. Ita rectè noster interpret licet Græci ablatiuo carentes in carnem vnam legant. Hoc est: Erunt vnum secundum carnem, & corpus per carnalem commixtionem, quemadmodum interpretatur Paulus. Neque enim placet hic Græcorum expositio. Nam caro non hic pro toto homine ponitur, sed propriè pro corpore, quoniā Paulus loco citato carnem per corpus interpreta-*

In committ.

cap. 34.
math. 5Genes. 2
Lit. 1. c. 19

10an. 17

1. cor. 6.

IN MATTHAEI

tur eam contra spiritum distinguens. itaq; iam non sunt duo sed una caro. Ex his verbis concludit saluator quod post matrimonium initum maritus & vxor ex diuina institutione ita inuicem coniuncti sunt, vt vnus caro sit alterius, nec iam duo sint secundū carnem, sed vnum tantum, ita vt plenam potestatem vterq; in carnē alterius habeat. Quod ergo deus coniunxit, In primæua naturæ institutione verbis suis per Adam prolatis, coniunctionem coniugum declarans, homo non separat, vel dimittendo coniugem, vel dimissionem licitā esse docēdo: sed Deus solus, qui quemadmodum coniunxit, potest vel auferendo alterum per mortem, vel vtriq; continentix votum inspirando disiungere. Horum verborum sensum mysticum tractat Paulus qui expresse interpretatur maritum esse Christum, vxorem Ecclesiam, quam nunquam derelinquet, quæ de carne eius, & ossibus in cruce fabricata est: & rursus in corpus mariti sui redigitur, eiq; vnitur dum corpus, & sanguinem eius sumit: vide Augustinum super Ioannem, Hieronymum in epistola ad Ephæsiōs. Dicunt illi, calumniā quam struxerant aperientes: Quid ergo, si videlicet homo non potest separare coniuges quia à Deo coniuncti sunt, moyses mandauit dari libellū repudiij atq; dimittēdi modū præscripsit. At illis, quoniam moyses ad duritiā cordis uestri permistit vobis dimittere uxores uestras, non quasi existimarit licitū esse dimittere vxorē, sed quia iudicauerit satius esse minus malū permittere, quam admittere maius, quasi dicat: Tam estis prauī, & scelerati, vt ab vxoribus offensi, à prudentibus & doctis viris (apud quos est potestas scribendi libellum repudiij) placari non possitis; adeo vt si non permetteretur vobis repudium, in vxoricidiū sit furor vester exiturus. Argumentabantur autem à lege ciuili, ad legem conscientix: quæ argumen-
ratio

1. Cor. 6.

Ephes. 5.

Tract. 9

Hiero. in 5.

cap.

ratio pessima est, etenim licet stuprum nunc in foro
 fori non puniatur, est tamen peccatum mortale.
 Porro Moyses eo pacto id eis dixit, quo nebulo-
 ni stuprare virginem volenti diceremus: Potius
 cū meretrice quam cum vigine exple libidinem
 tuam. Pulchrè August. contra Faustum de libello
 repudij tractat. *A principio autem institutionis naturæ*
humanae, non fuit sic licitum coram Deo dimittere
uxorem, sicut nec nunc quidē, quanquā lege civili
Moyse sit permissum. Dico autem vobis quia quicūq;
dimiserit uxorem suam, nisi ob fornicationem, & aliam duxe-
rit, mœchatur: & qui dimissam duxerit, mœchatur. Cum
 tractatus de matrimonio difficillimus sit, ita vt B.
 Augustinus se ad eius perfectionem nondum per-
 tigiſſe confiteatur, ea quæ dicimus iudicio melius
 sentiētū semper submittimus. Et primū quidē in-
 ter se conferendi sunt Marc. ca. 10. Luc. 16. Aposto-
 lus 1. Cor. 6. & 7. atq; ad Ephes. 5. Ex quorum inter
 se collatione, hūc nobis superiorū verborū vide-
 mur sensum colligere. Est quidē ita quod id Moy-
 ses vobis permisit. Sed vt intelligatis quā nō sit
 solubile matrimonium, audite quod dico: Quicū-
 que sine vlla exceptione, siue sub Moyſi, siue sub
 naturæ, siue sub mea, id est, noui testamenti le-
 ge constitutus, qualemcūq; dimiserit uxorem, si-
 ue fornicantem, seu adulteram, siue ebriosam, eaq;
 superſtite aliam duxerit, mœchatur seu adulter est,
 quia violat fidem matrimonij. Pari ratione que-
 cunque vxor dimiserit virum suum, & alij nupſe-
 rit adultera est. Et quia verisimiliter vxor fornica-
 tionem experta non abhorrebit à secundo adulte-
 rio, norit qui dimissam à viro quacūq; ratione du-
 xerit, adulterij reū se esse. Quorū omniū ratio est,
 Quia quādiu viuūt coniugati, vnū secundum car-
 nem inseparabiliter coniuncti permanent, ita vt
 si vxor à primo nuptiarum die seu contractus,

Lib. 19. ca.
26. & 29.

IN MATTHAEI

id est, solemnizationis matrimonij à tyranno aliquo in vinculis captiua detineretur, aut incurabiliter ægrota fiat, vel leprosa, aut sterilis, aut meretrix, vel ebriosa &c. marito nullatenus ea viuente aliam ducere permittatur. Dixi supra (siue sub lege Moyfi constitutus) siquidem saluator hoc loco non adducit nouam aliquam matrimonij legem, sed ex primæua institutione nature sententiam suã deducit, declarans coniuges quamdiu viuunt manere coniuges. Quare sententia ista communis est legi & nouæ & veteri, & naturæ. Vnde Apostolus Paulus, Mulier, inquit, viuente viro adultera vocatur, si fuerit cum alio viro. Atque vt ostendat nõ esse id nouo testamento proprium, præmisit: Sciẽtibus enim legem loquor. Et in Deuteronomio polluta datur mulier, & abominabilis facta, quæ repudiata alteri nupserit. Qua de re consulere licebit decretales capit. gaudete, De diuortijs. Vxorum etiam pluralitas legi naturæ contraria est: nec vnquam licita fuit, nisi ex speciali Dei reuelatione.

Rom. 7.

Deut. 24

1. cor. 7

Quia sicut declarat Apostolus: Maritus & vxor, pares sunt in actu matrimonij, & vir sui corporis potestatem non habet, sed mulier: quare si vir dat corpus suum alteri, iniuriam facit vxori: Et Saluator demonstrat hoc loco, ex primæua matrimonij institutione, quod omnis qui dimittit vxorem suã & aliam ducit sit adulter. Igitur multo magis, qui priore retenta aliam superinducit. Iusta enim, vel iniusta vxoris dimissio nequaquam ipsi ius secundam ducendi affert. Vnde adulteriũ vocatur quod alter coniugum non cum suo, sed cum alio est, non autem ex vxoris dimissione, vel retentione, vt ex eodem capitulo supradicto patet. Quin & leges Romanæ, seu gentilium pluralitatem vxorum vetant vt est apud Augustinum. Sed fortè obijciat quispiam: Patriarchæ plures habuerunt vxores. Et Augusti-

2i. de bono coniug. c. 17

gusti-

gustinus non vno in loco dicit illud non esse contra naturam : ergo est licitum . Respondeo, Polygamiam patriarcharum dicit Augustinus non fuisse contra naturam concubitus, vel nuptiarum, haetenus, quia non lasciuiendi sed gignendi causa pluribus vxoribus utebantur : tum quia plures foeminae ab vno viro foecundari possunt, at contra naturam concubitus est foeminam pluribus viris coniungi : nam & prolis procreatio impeditur, & certitudo patris à quo proles ad cultum Dei educanda est, tollitur. A peccato autem excusantur Patriarchae, quod prophetica eorum facta essent, ac proinde ex diuina reuelatione intelligendi sunt pluribus vxoribus vsi. Quemadmodum sine peccato iussu diuino voluit Abraham filium suum Isaac interficere, & sine peccato castam Agar domo suo eiecit . Qua de re vide eundem Augustinum : ex quo etiam videtur resolutionem suam sumpsisse Innocentius tertius cum dicit, nulli vnquam fuisse licitum plures habere vxores, nisi cui diuina reuelatione id fuerit concessum. Igitur certò tenendum est vxoris fornicatione, liberum viro non fieri, vt alteram ducat, quia (vt iam ostensum est) illicita est vxorum pluralitas : & quantumcumque fornicetur vxor, manet tamen mariti prioris vxor (vt ex Paulo liquet) qui dicit : Vocabitur adultera si fuerit cum alio viro. Item, Mulier alligata est legi, quanto tempore vir eius viuuit. Ostendit ibi Apostolus mulierem si à fornicario merito discesserit, debere ex praecepto Domini manere innuptam aut viro suo reconciliari . Si enim de muliere sine iusta causa discedente ageret tantummodo diceret, reconciliari debere viro priori, & non in eius arbitrio situm vel innuptam remanere vel reconciliari viro. Patet igitur mulierem, quantumuis eius maritus fornicatus sit, alteri nubere non posse, ac proinde for-

*1. lib. contra
P. aust. c. 17
et 17. et
25. de bono
coniugali.*

*1. de bono
coniug. cap.
citatis et
etiam c. 19.
in ca. 6 au-
dite de di-
uortijs.*

*Rom. 7.
1. Cor. 7*

*marc. 10.
1. ierem. 3.*

IN MATTHAEI

nicationē mariti matrimonium nō soluere. Igitur
 nec vxoris fornicatio: melioris alioquin conditio-
 nis, maiorisq; libertatis foret mulier nocens & for-
 nicaria, quam innocens & casta. Nam quādo cū-
 que pertaxa esset mulier impudica coniugij, vide-
 retq; se marito displicere, posset dissoluere matri-
 moniū per suam fornicationē ob quā vir suus di-
 missurus eam esset. Porro quod hoc loco dicitur,
 non est supradictis contrariū, quasi si quis fornicā-
 tem vxorē dimiserit, aliamq; duxerit, non sit futu-
 rus adulter: *Nisi ob fornicationem*. Hoc enim si salua-
 tor significatū esse voluisset, hoc modo expressissē
 debuerat: Quicumq; dimiserit vxorem suam, & aliā
 duxerit, nisi ob fornicationem, in cecatur: nūc ve-
 rō sic ait: Quicumq; dimiserit vxorem suā, nisi ob
 fornicationem, & subsequitur proximē, & aliā du-
 xerit. Particula igitur hæc (nisi ob fornicationem)
 ad priorem, non autem ad posteriorem partem re-
 fertur. Augustinus in lib. ad Pollentium de adulte-
 rinis coniugijs accipit, nisi, pro, si nō. quasi signifi-
 cauerit saluator eum qui castam, & non fornicā-
 tem dimittit vxorem, & aliam ducit esse adulterū,
 non autem illum qui fornicantem dimittit, & aliā
 ducit. Sed intelligendum hoc est, quod maius ad-
 ulterium sit casta dimissa alteram ducere, quam
 dimissa fornicante qua simili loquutione ait Iaco-
 bus: Scienti bonum facere, & non facienti peccatū
 est illi: non quasi peccatum non sit ignoranter non
 facere bonum, sed quia grauius est peccatū, scientē
 non facere bonum, peccamus enim & sæpe igno-
 ranter: Vnde Psalmista, Delicta (inquit) iuuentu-
 tis meę, & ignorantias meas ne memineris Domi-
 ne. Cæterum iuxta hanc D. Augustini interpreta-
 tionem non videbitur Dominus ad quæstionem
 sibi à Phariseis propositam respondere, nec vllum
 ponet, quo liceat vxorem dimittere: neq; hic eadē
 cum

Lib. I. c. 6.

Iacob. 4.

Psal. 24

cum ea quæ superius habita est doctrina tradetur. Ideo conuenientior videtur huic loco expositio D. Hieronymi, quam etiam habet Augustinus in libro contra Adimantum Manichæum, & de sancta virginitate. Ea autem hæc est: Quicumq; dimittit uxorem suam (nisi ob causam fornicationis id faciat) facite eam mœcham: si verò alteram ipse duxerit, adulter erit. Vt (nisi ob fornicationem) per parentem legatur, & defectiua sit oratio, scripturis. Vult igitur saluator non esse dimittendam uxorem, nisi cum fornicata fuerit: nullo autem casu licere ea dimissa aliam ducere. Atque hæc expositio satis ex Paulo confirmatur, qui haud dubiè respicit ad hunc locum Euangelij dum ait: Matrimonio iunctis præcipio non ego, sed Dominus: ubi eandem de muliere, quam hic Christus de viro, doctrinam tradit. Diuino autem spiritu factum esse putandum est, vt quod Euangelista de viro asserit, de muliere vero tacet, id ipsum Paulus nulla viri facta mentione de muliere asserat, vt in hac materia pares ambos coniuges esse sciremus.

C. ap. 5.

in commet.

C. ap. 3.

Cap. 23.

I. Cor. 7

Fornicatio autem huius loci, de carnali & corporali est intelligenda, & quicquid illa grauius est, vt Sodomia, quæ ideo non nominatur, quia rara sit. Vtrum autem fornicationis nomine etiam spiritualis comprehendatur, vt hæresis &c. dubitant Doctores, quorum magister opiniones refert.

C. ap. 5.

si ita est causa hominis cum uxore, vt videlicet marito non liceat dimittere, quantumuis malam, & scelestam uxorem, nisi fuerit fornicata: & fornicante dimissa non licere aliam ducere, si hoc (inquiunt) habeat natura coniugij, non expedit nubere. satius est nunquam uxorem ducere, ne in tantam deueniatur seruitutem.

IN MATTHAEI

cap. 8.

qui dixit illis non omnes capiunt uerbum istud. Vera sunt quæ dicitis, non expedire scilicet vxorem non ducere, sed huic ueritati non omnes afficiuntur, sed quibus datum est, sed soli illi uerè amant, & præstant continentiam, quibus singulari sancti spiritus gratia id donatum est. Nemo enim continens esse potest, nisi Deus ei det. Nec putetis omnibus qui vxore carent hanc singularem continentiae gratiam datam esse: Sûnt enim tria genera eunuchorum: quorum prima duo nullam continentiae laudem habent (Existimare enim poterant Apostoli eos omnes, qui vxoribus carerent illa gratia donatos.) *sunt enim eunuchi qui de matris utero sic nati sunt, carêtes uidelicet membris genitalibus, ut alij oculis, auditu, vel ita frigidi, ut nullo concubitus affectu naturali tangerentur. Et sunt eunuchi qui facti sunt ab hominibus, scilicet in bello, vel ut sunt custodes matronarum nobilium, vel qui continent ex præscripto hæreticorum, vel philosophorum, nam & apud Turcas non desunt continentes. Et sunt eunuchi qui seipso castrauerunt, non quidem membra genitalia, sed usum omnium uenerem abscondentes. Propter regnum cælorum, ut commodius ea quæ ad diuinum cultum pertinent, ac tandem ad regnum cælorum perducunt, cogitare ualeant: Et hi demum sunt, quibus singulari gratia spiritus sancti continentiae donum largitum est.* Istud directè Iouiniani hæresim euertit, qui æquale assererat coniugum, & virginum esse meritum: nec meliorem virginum continentiam ad maius in cælis præmium obtinendum, sed ualere tantum ad euitandas huius sæculi molestias. Contra quem Augustinus in libro de hæresibus, & de sancta uirginitate. Se ipsum uerò membris genitalibus priuare, sicut de Origine dicitur, nefandum atque illicitum est: non enim hoc ad continentiam est utile, quum libido non

H. ref. 82.
cap. 21. &
sequent.

non ex membris sed ex animo dissoluto, & impudico procedat. Hinc Nicænum Concilium eos omnes à clero reijcit, qui se hoc modo castrârunt: & in Leuitico mandauit Dominus ne in terra Iudæorum vllum omnino animal castraretur: quod quanquam ceremoniale sit, ex parte tamen morale erat.

Qui potest capere capiat, id est, qui cor suum ita spe diuini auxilij dilatare potest, vt afficiatur continentiæ, ac suis ipsius castrationi, cōtinentiam amplectatur. Quicunque autem verè cōtinere cupiunt, possunt, si modo seriò diuinum auxilium ab eis inuocetur, Deus enim gratiam suam omnibus se petentibus dare paratus est, iuxta illud, Petite, & accipietis, quod non de his solum quæ præcepta sunt, sed de consilijs etiam intelligendum est: Nunquam enim Christus, & Apostolus cōsiliū continentiæ omnibus proponerent, si Deus paratus dare omnibus petentibus non esset, quemadmodum tradit Augustinus. Perversa autem eorum est opinio qui quosdam propter corporis calorem, vel aliam causam, quantumuis Deum inuocent continere non posse, autumant, atque ideo talibus etiam coniugatis vxorem secundam viuente adhuc prima, esse concedendam: nimirum si prima incurabili morbo infirmaretur, vel captiua teneretur: Imò & tertiam, si in secunda eadem quæ in prima causa existat: quod si absurdum est, & illud sanè ex quo id consequitur. Qua de re vide Augustinum de adulteri coniugijs. Cùm dicitur: *Qui potest capere capiat*, non significatur aliquos esse qui absolutè capere nequeant, sed tantum secundum præsentem affectionem, vel dispositionem, quomodo & ibi. Quomodo vos potestis credere, qui gloriam ab inuicem quæritis? Significatur non potuisse ipsos credere quamdiu in affectu inanis gloriæ permanerent,

Cano. 1.

Leuit. 22

Lib. 6. de
cōfess. c. 10.
Or li. 8. c. 11

Lib. 1. c. 13.
19. Or 20

10an. 5.

IN MATTHAEI

rent. Ita quamdiu non aniat quis cōtinentiam, nec pro ea Deum sollicite orat, & media reliqua huc necessaria amplecti recusat, capere eam posset.

• enes, 48.

Tunc oblati sunt ei paruuli. Moris erat Iudæis infantes, senioribus & prophetis benedicendos offerre, sicut fecisse Ioseph constat, vnde & nūc veterum Iudæorum, ac parentum exemplo fit hic mentio, Christiani parentes pueros suos sacerdotibus benedicendos offerre debent. Nam si Dominus ad benedictiones sacerdotum veteris testamenti qui benedicebant filiis Israel, etiam paruulis benedicturum se eis pollicitus est, quantò magis benedictionibus sacerdotum noui testamenti est affuturus? *vt manus eis imponeret, & oraret,* id est, oratione benediceret. *Discipuli autē increpabant eos qui infantes adferebant,* non quod benedictionem Christi paruulis inuiderent: sed quia putabant Dñm cæterorū more, muliercularū importunitate offendendum, aut harum exemplum imitantium multitudine fatigandum vel dignitatem eius non decere, vt circa infantes occuparetur. *Iesus uero ait illis,* Indignè ferens quod Apostoli offerentes increparent. *inuite paruulos, & nolite eos prohibere ad me uenire.*

serm. 36. de
scrīb. Dom.

Hæc increpatio appositè in Pelagianos, Anabaptistas, Zuinglianos quadrat: quorum quidem Anabaptistæ paruulos baptizari nolunt, Pelagiani verò cum Zuinglianis originale eos habere peccatum negant, atque ita vtrique excludunt paruulos à vero medico Christo, vt Augustinus pulchrè contra Pelagianos scribens, declarat. *Talium est enim regnum cœlorum.* Ideo nolo paruulos arceri, quia quodammodo in ipsis electos meos conspicio. Qui enim per gratiam meam tali sunt humilitate & innocentia præditi, quali paruuli in ætate puerili, hi demum sunt qui ad regnum cœlorum perueniunt. Talium enim iuxta Hieron. Ambros.

Hieronym.
in commēt.
Ambrosius
super Luc.

Au-

August. ponitur pro similitudine. Facit pro ea expositione quod à Marco & Luca adijcitur. Quisquis nō se humiliauerit, seu non receperit regnum Dei velut paruulus, non intrabit in illud, vbi haud dubiè de maioribus loquitur. Inquirendum tamen relinquo, an possit hic esse sensus, Talium, id est, ad me Christum venientium.

Aug. lib. 1.
conf. c. 19.

Et cum imposuisset eis manus, abiit in se. Addit Marcus, & complexatus esset illos vlnis suis, & orasset pro eis, benedicendo eos. Vel secundum editionem vulgatam, & complexans eos, & imponens manus super illos, benedicebat eos. Quidam Doctores volunt Christum hic aliquod sacramenti confirmationis exhibuisse specimen.

Quod quidem, etsi piè dicant, & scripturæ non repugnet, certò tamen inde statui non potest. Et ecce unus accedens in via, genibus eius prouolutus. Putat enim Hieronymus tentandi animo accessisse, sed negant id Basilius & Venerabilis Beda.

In commēt.
Matth. 22.

Magister bone, id est, bone Doctor, Quid boni faciam quæ bona opera præstabo, ut habeam uitam æternam? Qui dixit ei, quid me interrogas de bono?

Cæteri Euangelistæ dicunt quid me vocas bonum? id est, quare me interrogas de bono opere faciendo? aut quare me vocas bonum? An me vnum ex vulgo Doctorem putas? Certè si sic sentis non rectè me bonum vocas: nullus etenim bonus nisi solus Deus, à quo solo potes ea bona quæ ad vitam æternam necessaria sunt discere.

An me amplius aliquid esse existimas, quam sunt cæteri Doctores? & ex fide diuinitatis meæ vocas me bonum, & interrogas me de bono? Quasi dicat. Dicis me Deum? Atque ita non renuit Christus appellationem boni, sed potius suam diuinitatem insinuauit.

Vel

IN MATTHAEI

Vel aliter. Quare mihi laudem magistri boni ascribis? Et cur ex me doctrinam bonam vis audire quum nemini nisi soli Deo laus boni debeat? talis, inquam, boni laus, quæ non debeat in alium referri, vel alterius laudi seruire. Et hoc sensu Christus, verba adulatoria humanâq; laudē detrectat, vt & alibi cū ait, doctrina mea nō est mea, vt fit sensus. Ego secundum humanam doctrinam à te laudari nolo, sed magisterij laudem, & sanę doctrinæ in solum Deum referri cupio. *vnus est bonus deus* quia nulla creatura ita bona est, vt eius bonitas vltius referenda in Deum non sit. Alij dicunt nullus doctor bonus est sicut Christus, id est, sine omni peccato. Tertiam expositionem indicat Augustinus lib. 1. de Trinitate cap. 13. *si autem vis ad vitam ingredi*, quasi dicat. Tu nunc in morte es, & extra vitam æternam, si ad illam venire vis, *serua mandata*, ambula syncerē in mandatis Dei. *dicat illi, quæ?* Putabat enim saluatorem hōia aliqua mandata præscripturum, sicut prædicabat regnum cœlorum (de quo Iudæi perparum ante audierant.) *Iesus autem dixit, non homicidium facies etc.* Enumerat hic tantum mandata, proximum non autē Deum concernentia. *omnia hæc custodiui a iuuentute mea, quid mihi adhuc deest?* August. & Hieronymi. putant mentitum fuisse: quod equidem nō ausim dicere, cū Marcus dicat: & intuitus Iesus dilexit illum, quasi dicat benignē & amice est eum intuitus, significans placere sibi aliquatē hanc eius perfectionem. Deinde habetur consequenter, eum tristē abijisse, quod simulatores, & Pharisei non faciebant.

Et ait illi Iesus: si vis perfectus esse in obseruatione mandatorum Dei, siue in his quæ ducunt ad vitam æternam, ostendam quid tibi desit, seu quo à perfectionis assequutione impediaris. *vade, vende omnia*

IOAN. 7.

Epist. 89.

MARC. 10.

omnia quæ habes & da pauperibus, & ne putes te tuas diuitias perditurum, etenim habebis magnum thesaurũ in cœlis, quem, seruatis diuitijs tuis, non consequeris: neque hoc sufficere arbitreris, sed ueni pauper factus, & sequere me corporis gressibus, & virtutũ quas in me esse vides imitatione. cum audisset autem adolescens uerbum abijt tristis recusans facere id quod saluator ei consulebat. Quod tamen multa milia hominum sponte, persuasũ bonorum concionatorum postea fecerunt. Non est arbitrandum paupertatem ad vitæ æternę consecutionem sufficere, perfectio enim Christianæ vitæ non in paupertate sed in imitatione Christi consistit, ideoq; perfectus quis esse potest etiamsi pauper non sit: valde tamẽ commodum medium ad perfectionem est voluntaria paupertas, & sine ea raro quis inuenitur perfectus.

Quæritur an Christus eum vouere velit paupertatem, ita vt ad diuitias redire ipsi non liceat? Respondeo, quamuis expressa hic non sit mentio voti paupertatis, possitq; voluntariẽ quispia pauper esse sine voto, hortari tamen videtur ad vouendum saluator, quod velit hominem ab onere diuitiarum penitus esse expeditum. Qui enim paupertatem non vouet, non omnino diuitiarũ impedimentum tollit, nam potest quando placebit, rursus optare diuitias. Sic Hieronymus votum paupertatis hic intelligit, & Augustinus, seipsum dicens hoc Domini consilium sequutum, ac dimisisse totum mundũ, quia & quod habebat, & quod habere optabat dimisit. Ex eo quod saluator mandata legis distinxit ab hac excellentiori perfectione & dixit: Si vis ad vitam ingredi serua mandata, constat eos qui mandata seruauerint, quanquam sua non vendant, & pauperibus elargiantur ad vitam peruenturos. Vnde consilium tantũ fuisse patet,

In commet.

Epist. 89

IN MATTHAEI

patet, & non præceptum. Quod tamen docuit Pelagius, & Apostolici, de quibus Augustinus lib. de Hæresibus, hæresi Apostolicorum, & Epistola citata. Quam hæresim habet etiam Cassianus in quadam Homilia. Eodem dicto improbatur hæresis Vigilantij qui satius esse prædicabat diuitias seruare, & aliquas inde paulatim eleemosynas facere, quam semel omnes relinquere, & postea ab alijs pendere. De hoc Hieronymus in Epistola contra dictum Vigilantium doctè agit. *erat enim habens multas possessiones. Egerrimè relinquuntur ea quæ possidentur, multo enim arctius adepta quam concupita constringunt. Qua de re Augustinus consulatur epistola ad Paulinum, & Tharasiam.*

Iesus autem dixit discipulis suis, occasione tristitiæ adolescentis. Amen dico uobis, quia diues difficile intrabit in regnum cælorum. Non hoc dicit quasi adolescens non esset regnum Dei ingressurus, sed ad declarandum quàm salubre consilium diuiti, vt expeditè & faciliè regnum cælorum ingredi posset, suggererit. Huius rationem apud Marcum assignat repetendo quod dixerat: Filioli quam difficile est confidentes in pecunijs &c. Quasi dicat, Difficile est diuitem non confidere in diuitijs suis, siue non extolli per diuitias, ideo difficulter regnum cælorum intrabit. Hanc difficultatem etiam patiuntur religiosi magnam habentes administrationem. Et iterum dico uobis, facilius est camelum per foramen acus transire, quam diuitem intrare in regnū cælorum. Hoc est, Impossibile est diuitem rectè uti diuitijs, ideoq; impossibile est eum intrare in regnū cælorum, sicuti impossibile est camelum animal prægrande per foramen acus transire. Magna hoc loco humanæ naturæ corruptio designatur, testatur enim saluator multo plus repugnare corruptæ naturæ nostræ diuitiarum bonum, & legitimum vsum

Epist. 34.

Marc. 10.

vsum, ad quem tamen lege diuina obligamur, quā repugnet naturæ cameli transitus per foramen acus: qui quomodo sit possibilis nullo modo humanum capit ingenium. *Audit autem his discipuli mirabantur ualde, scilicet ex commiseratione super damnatione diuitum, dicentes: Quis ergo poterit saluus esse? quasi dicant, vix ulli patebit in regnum cœlorum ingressus. Ex hac quæstione patet discipulos Christi pro eodem habere hæc duo (saluum esse) & (intrare in regnum cœlorum) quod est contra Pelagium: qui infantibus nō baptizatis negabat regnum cœlorum, salutem tamen eis tribuens. Vnde peccatum originale tollebat, & baptismi ad peccati originalis deletionem negabat necessitatem. Quod est contra symbolum: Quicumque enim post resurrectionem non regnabunt in cœlo, perpetuo cruciabuntur in inferno. Cū autem pauci sunt diuites cōparatione multitudinis pauperū, intelligendū est Apostolos, omnes eos qui ad diuitias anhelant, diuitum numero comprehendi, animaduertisse, vt Augustinus loco citato dicit. *Aspiciens autem resus, hylari vultu, vt timidam eorum mentem leniret. Dixit illis: Apud homines hoc impossibile est, apud deū autem omnia possibilia sunt, scilicet diuitem bene diuitijs vti, ac intrare in regnum cœlorum, & transire camelum per foramen acus. Hæc humanos exuperant conatus, sed quod tollit humana fragilitas, hoc superaddit diuina gratia & benignitas, nihilque Deo impossibile est. Hæc duo (difficile) & (impossibile) non discrepant: quod enim impijs hominibus impossibile est, id pijs est possibile etiam si arduum, nam diuitibus iustis quoniam magno labore eo peruenire debent, difficile est. etenim hoc mundo vti debent tanquam sint non vtentes: Impiis verò quoniam ad hoc vires humanæ non sufficiunt, impossibile.**

Ex

auspicatus est ab æterni ignis cōminatione à sceleribus iudicio extremo, & periculis propter peccata imminuentibus. His autem præmissis, postquam satis terrorem incussit, & timoris vulnere læsit, tum demum diuinæ gratiæ malagma apposuit: etenim non prius medicus est adhibendus, quam morbus agnoscatur, vt ait Augustinus. Quæ autem illa sint quæ dicit esse possibilia Deo, ostendit D. Thomas prima parte summæ, vbi de omnipotentia Dei tractat atq; ostendit Non pertinere ad eius omnipotentiam mentiri, peccare, vel mori, hæc namq; impotentia sunt: deinde nec illa quæ contradictione implicant, vt quod vnus, & idem homo simul stet, & sedeat, & vt idem sit verum, & falsum eodem modo consideratum. Tunc respondens Petrus cum legitima, se & socios suos consiliū Domini adimplesse recolens, dixit ei: Ecce reliquimus omnia, & quæ habuimus, & quæ habere potuimus voluntariè deseruimus, & paupertatis viam ingressi sumus. Petrus quidem reliquit nauiculam, & retia, quæ vel pauperibus dedit, vel reliquit vxori, intrantes enim religionem non necessario pauperibus omnia erogare debent, at suis amicis relinquere possunt, et sequuti sumus te. corporali gressu, & vitæ imitatione, quid ergo erit nobis? id est quid mercedis pro eo reportabimus. Petrus non fuit in peruersa illa opinione in qua hodie multi sunt, Christum propter opera nostra, bona nihil præstare dicentes, vt Calvinus & alij. Iesus autem dixit illis, scilicet Petro, & alijs Apostolis. Amen dico vobis quod vos qui sequuti estis me in regeneratione .i. in die extremi iudicii, quādo mortui resurgent, & quasi rursus generabuntur, & redibunt ad vitam, quæ libera erit ab omni miseria. Sic Hieronymus, & Ambrosius, citatus ab Augustino, Hylarius vero iungit particulam hanc cum præcedenti verbo (sequuti estis) ac per regenerationem

Lib. de spir.
et lit. c. 17.
Quest. 25.
art. 3.

Hic. in cō-
ment.
Lib. 2. cont.
Iulianum.

IN MATTHAEI

nem, sanctificationem intelligit, quæ in baptismo confertur. Verum prior expositio est probabilior. cum sederit filius hominis in sede maiestatis, id est, in throno iudiciali, sedebitis & uos super sedes duodecim iudicantes duodecim tribus israel, id est, cōdemnantes populū Iudaicum, quia in me credere noluerit. Hinc patet Christū multū tribuere sanctorū operibus, magnā enī ijs qui sequūtur se mercedē promittit. Sequūtur autē eum qui ei obediūt & in ijs quæ ad vitā ducūt æternā permanent: vnde Iudas quia in ijs nō permansit, cum illis non sedebit. Igitur huius dicti ratione certi nō fuerūt Apostoli se in sequela Christi permansturos. Quomodo autē ipsi iudicaturi sint habet Magister sent: & dicit eos iudicatuos nō tantum approbando Christi sententiā, verum etiā tanquam iudices Christo assidentes, sicut expressē patet ex hoc loco. Ipsum enim iudicare plus est quam iudicis sententiā approbare, vt ex Aug. liquet. Nec soli Apostoli sedebunt iudicantes, etenim Augustinus ibidem docet ex Apostolo, non solos 12. Apostolos iudicatuos cum Christo, sed sub illis vniuersitatem iudicum comprehendi. De ipsis quoq; iudicandis par est ratio, nam sub duodecim tribubus Israel, cæteri iudicandi intelliguntur. De eis autem expressē loquutus est, quia inter eos versabatur. Qui cum Apostolis Christi assessores futuri sint, tractat Augustinus dicens: Qui voluerunt esse, & verē fuerunt perfecti, cum Domino iudicabunt. Et alibi dicit. Quod Martyres etiam si non fuerint voluntariē pauperes, cum Christo iudicabunt. Atque huic sententiæ satis consonat hoc euangelium, quod Apostolis sedem iudiciariam promittit, quia eum sequuti sunt, & euangelium Lucæ, quod promittit, quia eis thronum iudiciarium, quia permanserunt cum Christo in temptationibus. Et omnis qui reliquerit domum &c. propter no-

men

1 ib. 4. dist.
47.

1 ib. 20. de
ciuit. Dei
cap. 5.

1. cor. 6.

Tract. 1. su
per Psalm.
90.
Psalm. 110.

Luc. 12.

men meum. Quoniam ea retinēdo mihi seruire nequit. Istud intelligi debet pro eo tempore quo vel rebus nostris, & hominum amicitia, vel diuino amore carendum est, nam præter hunc casum inipsum est relinquere vxorem, aut filios, vel subtrahere se à debito obsequio parentum. *centuplum accipiet*, id est, centies tantum accipiet nunc, in hac vita. Pro vna domo centum, pro vno fratre centum fratres, & pro vxore vna centum vxores, quia erit quasi nihil habens, & omnia possidens, Christiani enim alij parentum, & cognatorum locum supplebunt, & omnia necessaria ei subministrabunt. Addit Marcus centuplum accipiet cū persequutionibus, vt intelligamus Christum nō promittere omnia eum pacificè habiturum, nec vbiq; benignè tractandum, aut recipiendum, sed nihil ei defuturum eorum quæ ad vitam necessaria sunt, imo verò his abundaturum. *Et vitam æternam possidebit.* Igitur hoc si ei promittā, qui domum vnā necessitate compulsus reliquerit quando maius vos consequuturi estis præmium, qui spontè, non persequutionibus coacti, non vnā domum, sed omnia dereliquistis, vobis certè non modò non deerunt, sed abundè suppeditebuntur necessaria omnia in hoc mundo & post, in futuro sæculo, singularem vitæ æternæ coronam accipietis. Augustinus per (centuplum) non certum aliquem numerum, sed vniuersitatem intelligit, vt Paulus quum ait, 2. Corinth. cap. sexto. Quasi nihil habentes, & omnia possidentes. Hieronymus hoc modo interpretatur, Dona spiritualia accipiet, quæ corporalia derelicta excedunt sicut centenarius numerus vnitatem. Cæterum Augustini interpretationi magis cōsonat Marcus. Quomodo autem istud consistat cum eo quod Deus subinde maximam sanctos permittet pati inædiam,

2. 10. 22
c. i. 10. 22
cap. 7.
Epi. 89
Tract. 119.
super 10am.

IN MATTHAEI

& miseris atque cruciatibus vitam finire, dictum est supra. *Multi autem erunt primi nouissimi, & nouissimi primi.* Non est quod admiremini dixisse me vos iudicaturos mundum, insuper omnē qui reliquerit mundum, vitam eternam possessorum, quia pluri nunc, qui vel ob sæculi huius gloriam, vel etiam quia præ cæteris legem & prophetas acceperunt, primi habentur, ut Iudæi, maximè contemptibiles erunt in die iudicii, dum à regno cœlorū excludentur. Et qui in hoc sæculo, hominum iudicio, vel ob magnam rerum penuriam, & persecutiones, vel quia legem & prophetas non acceperunt abiectissimi videntur, futuri sunt in altero sæculo primi, dum repulsis alijs vitæ æternæ coronam sortientur, & ad iudicandum eos qui hic primi fuerunt assumentur. Dixit, multi, non, omnes, siquidem ex potentibus, & diuitibus huius sæculi aliqui primos (sicuti hic) obtinebunt accubitus. Nec ex Iudæis omnes nouissimi erunt: quidam enim primi futuri sunt. Nouissimi autem ibi futuri nullum cum primis ordinem habebunt: propterea enim nouissimi dicuntur futuri, quia regno cœlorum eijcientur.

LUC. 13.

IN CAPVT VIGESIMVM.

Matthæi.

Simile est regnum cœlorum homini patrifamilias &c. Pro huius parabolæ intelligentia, obseruandum est horas Iudæorum incepisse oriente sole, ita ut eorum hora prima mane inceperit, cum apud nos incipit sexta, & hora vndecima quando quinta, & hora duodecima quando sexta vesperi. Hac autem parabola confirmat saluator præcedentem sententiam: Multi primi nouissimi, & nouissimi primi.

*AN oculus tuus nequam est, quia ego sum bonus? Huic oculus nequam est, qui proximo prosperitatem inuidet. Vult significare, quod sicuti contingit subinde operarios, qui à principio diei laborauerunt, in recipienda mercede fieri alijs operarijs, qui nouissimi venerunt ad opus, posteriores, prioresque spe magnæ mercedis nouissimè frustrari ob magnam patrisfamilias liberalitatē erga nouissimos operarios. His namque misericordiam faciendo alijs non facit iniuriam. Ita & summus ille paterfamilias Deus, in die iudicij sine vlla iniuria, eos qui in hoc sæculo magni videbantur, vel esse saltem cupiebant, abiectissimis, & vilissimis quibusdam in hoc sæculo postponet, idq; ex magna, & mera sua liberalitate: vt in Iudæis patebit, qui ab antiquo tempore conducti fuerunt à Deo, vt seruirent ei, non autem gentiles nisi in fine temporum, & tamen Iudæorum eiektorū coronas accipient, & cum fuerint hic nouissimi, ibi primi erunt, & Iudæi nouissimi, quorum cuilibet dicetur, *Tolle quod tuum est, & uade: temporalia recepisti quondam, illis esto contentus: discede à me in ignem æternū: Dabit autem gentibus Dominus denarium æternum. sic erunt nouissimi primi, & primi nouissimi, in die iudicij, sicut contingit in dicta parabola. multi sunt enim uocati pauci uero electi.* Nam qui primi putabatur in hoc mundo, in die iudicij futuri sunt nouissimi, quia & si multi sunt vocati ad gratiam Christi (inter quos etiam ij reponuntur, qui primi sunt in hoc mundo) ex ijs tamen pauci sunt, qui à perdita massa, seu genere humano per gratiam Dei sunt separati, & ad vitam æternam præordinati, atq; electi. quoniam paucos reperias qui se contemni patiantur, plures qui velint, atq; ambient esse primi: vnde mirum non est hos in futuro sæculo nouissimos, illos verò primos futuros. Hunc sensum satis*

IN MATTHAEI

LUC. 13.

tis declarant ea quæ dicta sunt de voluntariè paupertatè suscipientibus, ac sua omnia propter Christum relinquentibus. Et occasione paucitatis eorum qui arctam salutis viam ingrediuntur ista dicuntur. Vel aliter, Iudæi qui primi erant per vocationem in hoc mundo, ad Dei gratiam, ibi nouissimi sunt futuri: Gentiles vero nouissimè vocati primi propter fidem. Neq; iuuabit Iudæos quod per prædicationem Christi, & prophetarum vocati sint: multi enim sunt per prædicationem vocati sed pauci electi. Hunc sensum habet Lucas vbi de quodam refert, qui Domino dixit, Domine si pauci sunt qui saluantur. Vocatio hic sumitur pro ea qua Deus nos per prædicatores vocat, non pro illa quam Paulus vocat secundum Dei propositum, hæc enim propria electorum est. Pro qua re consule Augustinum. Aptè vocat saluandos, electos, quia nisi speciali Dei gratia ex massa humani generis perditæ, & damnatæ, à cæteris secernerentur, & eligerentur, saluari non possent. Porro nō tantū pauci sunt electi totius generis humani comparatione, sed & inter christianos pauci, imo et arbitratu Dei Augustinus, inter sacerdotes, Quidam sic intelligunt, vt tam primi, quam nouissimi sint iusti: & Augustinus diuersis in locis non reijcit hunc intellectum. Sed quæritur tunc quomodo iusti nummurauerunt, qui ad numerum electorum pertinuerūt, In primis hoc asserentes diluculum ab Adam, vsque ad Noe faciunt, Tertiam horam, à Noe vsque ad Abraham, quando omnes ad otium idololatriæ defluerunt. Sextam, ab Abraham vsque ad Moysem. Nonam, à Moyse vsque ad Christum. Vndecimam, à Christo ad finem vsque sæculi: dicuntque nouissimè vocatos prius mercedem accipere, quia, cum omnes sancti simul per resurrectionem à mortuis exitandi sint, meritò

Rom. 8.
Lib. 1. de
præd. san.
cap. 16. 17.
18.

cap. 1. 18.
19. 1. 18.

merito illi nouissimi præponi dicuntur, quia minus eorum dilata est resurrectio: primi etenim illi parentes, sanctiq; patriarchæ & prophetæ, plurimos annos expectarunt: illi non item, qui nihil hominus corporis simul cum eis resurrectionem sunt accepturi. Pro quo Augustinus consulatur. *Murmur autem priorum operariorum sic intelligendum erit, vt quoniam tanta post Christi passionē effusa est gratia, merito videantur ratione humana murmurare potuisse sibi tamdiu vitam æternam esse dilatam, posteriores vero pares sibi factos, imo quadam ratione (cum minus eorum dilata sit resurrectio) priores.* Per responsionem autem diuinam (Amice non facio tibi iniuriam) intelligenda est spiritus sancti reuelatio, qua declaratur sanctis non esse murmurandum de diuinis operibus, nullamque apud Deum esse iniquitatem. Alij per primum mane intelligunt pueritiam, & sic consequenter, quæ quidem expositio licet vera sit, & pia, huic tamen loco congruere minimè videtur. Circa illud (Dixit Dominus vineæ procuratori suo) aduertendum est procuratorem de spiritu sancto intelligi non posse, is enim non est seruus, sed Dominus, quia non est creatus: & Commentarius ille, qui opus imperfectum Chrysostomi in Matthæum inscribitur sic explicans planè impius est, quem frater Mahusius minorita Aldernardensis sacræ Theologiæ doctor, se ab Arrianorum sæcibus repurgasse dicit: in hac tamen materia non omnino repurgatum videtur.

Acceperunt singuli, singulos denarios. Quomodo omnes sancti accepturi sint vnum, & eundem denarium, nempe vitam æternam, cum tamen futurum sit, vt pro diuersitate meritorum diuersa sit gloria sanctorum, tractat Augustinus. Lib. de sancta virginitate cap. 26.

*Lib. de spir.
et lit. c. 24*

IN MATTHAEI

Quemadmodum enim vas dicitur plenum vino, & cantharus, at vtrumque pro suo modo, & capacitate, licet plus contineat vas cantharo, plenus tamen est, sic & de sanctis erit, singuli enim pro sua capacitate accepturi sunt. *Amice non facio tibi iniuriam, tolle quod tuum est.* Augustinus citat hunc locū, docens non esse iniquum, si ex massa perdita generis humani, quosdam sine vllis eorum meritis eligat ad vitam æternam, alijs omnino parem habētibz causam relictis in æterna damnatione.

lib. 2. cont.
2. epist. Pel.
c. 7. & lib.
de bono per
se. §. c. 8.

sup. c. 19.

Et ascendens Iesus Hierosolymam ex Galilæa, velex finibus Iudææ. Ascendisse autem dicitur quia Ierusalem in monte sita erat, comparatione Galilææ. Assumpsit duodecim discipulos secreto, nolens alijs communicare quod erat illis prædicturus. Et ait illis: Ecce ascendimus Hierosolymam. Ego vobiscum ultro, & voluntariè Ierusalem ascendo, cum tamen ibidem mala multa mihi immineāt, vt vos hac mihi præcognita fuisse cognoscatis, eademq; effugere potuisse. Et filius hominis tradetur per prodicionem, principibus sacerdotum, & scribis, & senioribus (teste Marco) Et condemnabunt eum morte sacerdotes, scribæ, & seniores, & tradent eum gentibus Pilato & militibus eius, ad illudendum, & flagellandum, & crucifigendū eum Saluator passionem suam multis in locis prædixit, ac semper aliquid adiunxit, & hoc loco adiicit, quod à tribus supremis statibus, tanquam sceleratus, sit infidelibus tradendus, ac morte turpissima condemnandus. Latius autem hic probroffimam passionem explicare voluit, quia iam proxima erat. Et tertia die resurget, mortis ac resurrectionis suæ sæpius meminit, quoniam in illis fidei nostræ mysterium continetur.

cap. 16. 17
& 20.

Tunc accessit mater filiorum zebedæi cum filiis suis adorans flexis genibus, magno illi honore exhibito, & petens aliquid ab eo, hoc modo, non abnuas quod à te peto

peto, *dic*, id est, iube, & fiet, *vt sedeant hi duo filij mei*, Iacobus & Ioēs hic præsentes, *unus ad dexterā tuā, & unus ad sinistram in regno tuo*, id est, prima & suprema loca habeant. Petiuit autem istud occasione eius quod dixerat Saluator, se die tertia resurrecturum, subornata à filijs suis, qui putabant saluatorem statim post resurrectionem regnaturum: videnturq; intellexisse regnum Christi à terrenis regnis non fore diuersum, etenim si rectè id intellexissent nūquam se per matris suæ sollicitationem adepturos fuissent arbitrati. Nonnulli eam accessisse ad Christum cognationis fiducia dicunt. Cæterum nullus probatorū hoc dicit: atq; ideo non videntur fuisse cognati, alioquin, si ita esset, daretur hic declarandi occasio. *Respondens autem iesus*: Non matri, sed filijs (*vn̄de Marcus ipso smet accessisse dicit*) *Nescitis quid petatis*. Non intelligitis quale sit regnum meum futurum, nec quomodo peti debeat. *Potes̄tis, bibere calicem quem ego bibiturus sum*. ? quasi dicat non aduertistis quod ego dixerim me prius multa passurum, quam resurgerem: vos autem prius de triumpho, quam de certamine cogitatis. attamen antea certamen cōmittendum est: poteritis ergo talem sustinere passionem, qualem ego mox sustinebo? Calix secundum phrasim scripturæ, passio, vel tribulatio dicitur, quoniam sicut vnus alteri calicem propinat epotandum, ita Deus nobis tribulationem, & passionem sustinendam propinat) quam prius filio suo pro humani generis reconciliatione propinauit, quāque ille libens tolerauit. *dicunt ei possumus*. Nescientes quid Christus per calicem significaret, vel quiduis, vt cupita adipiscerentur, pollicentes: aut nimium de se præsumentes, quandoquidem ad mortem pro Christo subeundam nondum erāt idonei: siquidem nec Petrus Christum ad mortē sequi valebat. *Ait illis, calicem quidem meum bibetis* quē
mox

IN MATTHAEI

mox bibiturus sum. Ioannes hunc calicem bibit, nam pro confessione Domini multa est passus, & tandem pro fide in insulam Patmum fuit ablegatus: vnde de se dicit, ego Ioannes frater, & princeps in tribulatione, & regno, & patientia. De quo Tertullianus refert quod in dolium olei feruentis à Nerone coniectus sit. Iacobus etiam gladio peremptus fuit. *sedere autem ad dexteram, uel sinistram non est meum dare uobis.* Lectio Græca, sicut & plurimorum Latinorum non habet (vobis). Huius partis sensus est, Nemini regni cœlestis gloriam, seu primum locum in regno cœlorum secundum humanam naturam dare possum, sed illis continget hæc gloria, quibus ab æterno per misericordiam suam proposuit pater meus conferre. Vel non est meū, id est, gloria cœlestis nemini ex humano fauore, aut propter importunam sollicitationem dabitur, sed illis quibus pro bona vita, & meritis ab æterno à patre meo præparata est. Sic Augustinus, Ambrosius, Cyrillus, Hieronymus & Epiphanius. Hieronymus in commentarijs per, *sedere à dextris, regnum cœlorum intelligit, etenim Christus carnali discipulorum imaginationi respondere nõ debebat quemadmodum nec supra, dum discipuli interrogarēt, quisnam esset maximus in regno cœlorum futurus, respondit. Atq; istud cōformiter dictum videtur, nam cum infra subiungit. Hic est primus &c. intellexit in regno cœlorū primum futurum, non autem maximum.*

Et audientes decem, quod duo discipuli omnibus præferri ambirent. indignati sunt de duobus fratribus, non autem de matre, quoniam eam à filijs suis subornatam existimârunt. Permisit autem Saluator eos sic appetere sublimitatem, vt ipse occasionem haberet docendi humilitatē, præuidens quod hæc adhuc inter corruptorum hominum confor-
tia

Ioan. 13.

A ct. 5.

A poc. 1.

Lib. de præ

scripto ad-

uers. heres.

A ct. 11.

Lib. 1. de tri-
nit. c. 10.

Lib. 5. de si-
de cap. 3.

Li. 10. The-
sa. c. 5.

Epi. in hære-
si Arriano.

Cap. 18

tia impofterum eſſent futura. *Ieſus autem uocauit eos ad ſe decem ſcilicet, vt cum duobus illis ſimul inſtruerentur: Illi, de ſua inuidia, & æmulatione, hi verò, de ſua ambitione, & ait, non durè, ſed ſuauius verbis.* Docens in hoc ſæculo nullatenus appetendum eſſe primatum, nec illi qui eum adeptus eſt inuidendum: *ſcitis quia principes gentium dominantur eorum, id eſt, ad propriam vtilitatem regimen ſuum ordinant.* Lucas affirmatiuè legit Reges gentium dominantur eorum. Et *qui maiores ſunt poteſtatem exercent in eos, id eſt, Qui potentes ſunt inter gentes, ius ſibi vendicant, & authoritatem in ſubditorum diſpendium: Subditi autem oppreſſi verbis humilibus eis adulantur, & quos duros experiuntur, beneficos vocant: Non ita erit inter uos, gentilia facta vobis non conueniunt, ideoque ſuperiori non licet ſubditis dominari, aut ex iſtis commodum ſuum quærere: ſed quicumque uoluerit inter uos maior fieri, id eſt caput, ſit ueſter miſter, cogitet quod debeat aliorum vtilitatem propria neglecta quærere. Et qui uoluerit inter uos primus eſſe, erit ueſter ſeruus, vobis prorsus additus, nullatenus liber. Vnde vos duo filij Zebedæi nullo pacto ambire debetis, nam malum eſt gentiles imitari, & oneri, ac ſeruituti ſe ſubijcere magnæ dementiæ eſt: Vos autem cæteri Apoſtoli mei, nullo inuidiæ zelo aduerſus hoſce duos fratres, etiamſi vobis eſſent prælati ſtimulari debetis, quin potius ipſorum miſeriæ compati. Quâquam ſaluatoris verba hoc loco ad Apoſtolos propriè, qui Eccleſiaſtici erant non ſæculares dirigantur, eadem tamen de principibus ſæcularibus eſt ratio: ſiquidem illi ſecundùm Chriſti legem, populipacem, & ſalutem quærere debent, nō autem proprium commodum, alioquin non principes, ſed tyranni dicendi ſunt.*

IN MATTHAEI

sicut filius hominis non uenit ministrari, sed ministrare: & dare animam suam in redemptionem pro multis. Quasi dicat, Si vos nec gentilium exemplum, nec praelaturæ onus moueat, saltem ad exemplum meum erubescatis, ego enim omnipotens, miserijs & mortalitati subiectus sum: atque hunc in mundum ueni, non ut mihi (cum tamen omnium seruitute dignissimus essem) seruiretur, sed ut alijs obsequerer: atq; tali obsequio, quo vitam meam tanquam pretium pro captiuorum redemptione profunderem. Redemptio hoc loco propriè pretium est, quod pro captiui redemptione exsoluitur: siquidem humanū genus æternæ dānationis uinculis, propter peccatū captiuum tenebatur, vnde Christus sua morte patre placando uinculum soluit, atque ideo uita eius aptissimè pretium, seu redemptio nuncupatur, etenim illam in ara crucis pro nostri redemptione offerre non est dedignatus: non quidem pro omnibus, sed pro Dei electis tantum, nam non omnes mortis eius fructum percipiunt. Consule Prosperum in articulis falsò Augustino impositis. Electi multi dicuntur licet comparatione reproborum pauci sint quia secundum se cōsiderati multi sunt.

Art. 1.

Apoc. 7.

Cap. 10.

Cap. 18.

Lib. 2. de
consensu e-
uang. c. 65.
et lib. 2. qu.
cuan. c. 48.

et egredientibus illis ab Iericho &c. Hæc historia eadem est cum ea quam recitat Marcus, verū Marcus vnius cæci duntaxat meminit, quoniam ille notior erat: vnde nomen eius, ac nomen patris cōmemorat. Cæterū alia est historia quam refert Lucas, etenim illa contigit antequam saluator ingrederetur Hiericho, hæc autem postquam egressus est, ut annotat Augustinus. Si verò eadem esse dicatur historia Lucæ cum hac, intelligendus erit Lucas per anticipationem historiam de cæco illuminato recitasse, quia ipse solus spiritalis cæcitatatis discipulorum mentionem fecit, quanquam hic euāgelista

gelista & Marcus ambitionem duorum fratrum & decem Apostolorum indignationē declararint. Quia igitur solus Lucas recitat ea quæ facta sunt in Hiericho, & meminit spiritalis cæcitatē Apostolorum, hanc historiam maluit anticipare, quam eā suo loco ponere, vt cæcitas spiritalis & corporalis iungerentur. Mysticum huius loci sensum habet Augustinus. Duo cæci sunt, populus Iudaicus, & gentilis. Transitus Iesu est quicquid in humana natura gessit, scilicet natiuitas eius, mors, passio, &c. Clamor cæcorum, oratio est, ac vitæ bonæ inchoatio: per quæ pro perfecta sanitate, & illuminatione obtinenda clamamus. Turba clamantes increpans, Christiani tepidi sunt, qui nomine tenus Christum sequuntur, à vita tamē bona quantum in se est alios auocant, sed tandem bonorum perseuerantia victi, eosdem quos acerbè prius increpauerant laudant, & admirantur, & ad Christum venire hortantur. Statio Iesu, est æterna eius diuinitas, immobilis semper permanens. Per ea igitur quæ Christus gessit in carne: clamando perueniemus ad eius diuinitatem, quæ oculos cordis nostri restituit, & sanat.

Capitulum.

Lib. 1. quæ.

euang. ca. 28

et ser. 18 de

uerb. Dom.

IN CAPVT VIGESIMVMPRIM.

QUæcumque nunc sequuntur vsque ad finē ferè euangelij hebdomada immediate ipsū pascha præcedente contigerunt, atque ad Christi passionem pertinent.

Et cū appropinquassent Hierosolymis, et uenissent Bethphage ad montem oliueti. Ex Bethania uidelicet, ubi pernoctauerunt nocte præcedente. Bethphage viculus est in latere mōtis Oliueti situs, ad sacerdotes pertinens, estq; propinquior Hierosolymis quam Bethania ipsa, & interpretatur domus maxillarū, vel buccæ

IN MATTHAEI

buccæ quia sacerdotes habebant maxillas boum, quibus oris, & fidei confessio significabatur, iuxta illud: Corde creditur ad iustitiam, ore autem confessio fit ad salutem. Mons autem iste vocatur mōs Oliueti quia in eo erant multa oliueta, id est, loca oliuis consita. Plurimum hic locus montis Oliueti Christi oratione, & ascensione decorabatur. De hoc consulatur Venerabilis Beda in Homelijs.

Rom. 10

Hom. Domi
nicæ Palma
rū & lib 3.
bist. gentis
Angl. c. 18.

Marc. II.
Luc. 19.
Ioh. 11.

Dom. prim
aduent.

Tunc misit Iesus duos discipulos. Qui fuerint illi non exprimitur, tamen Ambrosius, Chrysostomus, & Hylarius dicunt fuisse Petrum, & Philip-pum. Dicens eis, ite in castellum quod contra uos est, id est, in illum pagum qui vobis est e regione oppo-situs. Alij castellum hoc interpretantur Ierusalem abiectionis causa sic à Domino vocatum, propter discordiam quæ in ea erat. Dicite quia Dominus hic opus habet, ego scilicet. Cæteri Euangelistæ de hac historia, & de pullo vberius dicunt. Et confestim dimittet eos. Vnde patet Dominum in manu sua omnium hominum habere voluntatem, quoddq; manibus inimicorum suorum se eximere potuisset, si voluisset. Eunt autem discipuli, fecerunt sicut præcepit illis Iesus. Prompto animo iumenta addu-cturi iuere, nos commonentes vilia, alacri & lu-benti animo propter Dominum aggredi debere. Hunc locum doctè ad sacerdotes mysticè trans-fert Augustinianus in Homelijs. Ad literam di-citur quod in Hierusalem ad vsus pauperum asina communis conseruabatur: nam pauperes iu-menta habere non poterant propter fortunæ tenuitatem. Ad eundem etiam vsum (teste Hie-ronymo, & Rabano pullus reseruabatur. Hoc au-tem factum est, ut adimpleretur quodd etum est per prophetam dicentem: Zachariam, quem ad sensum non ad ver-ba & magis iuxta interpretationem 70. aut caldai-cam

cam versionem, quam hebraicam citat Euangelista. Etenim hebraica sic habet, Exulta satis filia Sion, iubila filia Hierusalem, ecce rex tuus veniet tibi iustus, & saluator ipse pauper & ascendens super asinam, & super pullum filium asinae.

Quod utique contigit, vt suo prophetæ Iudæi crederent, ac tandem eum esse Mesiam cōfiterentur.

Dicite filie sion, Ioannes autem sic, noli timere filia 1047.12

Sion, id est, vos omnes qui ad diem festum Paschæ conuenistis, clamoribus, & magno gaudio atque applausu populo Hierosolymitano istud proferre. Ecce rex tuus veniet &c. Sion nomen montis est in Hierusalem, in quo arx erat quam cœpit Dauid. Ponitur aliquando pro tota ciuitate Hierusalem, sicut hic. Atque apud Hebræos talis est loquendi modus, etenim illi pro alicuius ciuitatis, vel pagi populo filiam ponunt: vt, Habitauit in ciuitate, & filiabus eius, id est, pagis, seu villis. Item

2. Reg. 5

in Dibon, & in filiabus eius. Rursum in Bet-

2. Esdræ 11

sabea, & filiabus eius, & filia Tyri pro tyrijs.

Quo hebraismo frequenter prophetæ vtuntur, vt,

Isa. 1.

derelinquetur filia sion vt ymbraculum in vinea,

Thre. 2

& filia Hierusalem, & filia Sion ecce rex tuus Chri-

Ierem. 48.

stus, non deaustans, sed dirigens, ac fouens, cui reg-

num non adfert augmentum dominij, sed humi-

Philip. 2.

lilitatem, atque admirabilem virtutem seruiendi, &

obediendi. Rex tuus. i. tibi varijs modis promissus

Isa. 64.

& à te semper expectatus: Pro quo toties ex intimis

cordis affectibus, suspirarunt patres vestri dicen-

tes, atq; clamantes, vtinam cœlum disrumperes,

ac descenderes, venit. nunc ad salutem tuam adest,

non vt meritis de te pœnas sumat, non vt ad in-

star crudelis tyranni te perdat, sed vt tibi inseruiat,

& ab omnibus hostibus tuis te liberet. *mansuetus*,

non crudelis, non amarus, sed tanquam agnus pro salute tua immolandus. Afino insidet, ad pugnam

maximè

IN MATTHAEI

cap. 9.

maximè inidoneo: quæ omnia quæle regnum (inquit Hofmeisterus) auspicaturus sit, præsignant. Nō dubites ergo tam humilem regem accedere, qui non equo insidens potentiam significat, sed asino innitens humilitatem manifestat, more pauperum qui eodem quo agros suos arant, iumento vehuntur. hoc enim significat subiugale. Euangelista omisit (iustus, & saluator) quæ apud Zachariam reperiuntur, & allegat hanc prophetiam, vt pateat Iudæos nullam infidelitatis suæ excusationem habere etenim manifeste quod prædictum erat de Messia, à prophetis, quod videlicet in primo suo aduentu pauper esset & humilis, & in signum humilitatis vehendus esset asina, & pullo eius, nunc completū viderunt. Cæterum adhuc non intellexerunt, imò nec Apostoli, licet post resurrectionem omnium sint recordati, quia hæc scripta erant de eo, & hæc fecerunt ei, scilicet Iudæi ingredienti Hierusalem. Et cum desuper id est super vestimenta, vel super asinam & pullum sedere fecerunt. id est imposuerunt, verisimiliter lassum valde, atq; ex itinere præcedentium dierum, & pernoctatione in oratione fatigatum. Sedit autem vicissim (vt ait Gagneius in hunc locum) super vtrumq; animal, vel per synecdochen, quia super pullum sedit, vt clarè ex tribus euāgelistis patet, neminē adhuc insedissee pullo dicentibus. Quod autem quidam legunt in propheta super pullum filium subiugalis, vt tantum pullus significetur, non est probabile, cum Matthæus prophetiam istam adducat ad declarandum id quod dixerat de vtroque iumento adducto. Tres autem alij euangelistæ meminere tantum pulli, quia scripserunt suum euangelium gentibus ad Christū conuersis, qui mysticè designantur per pullū: quia sicut nemo super pullum illum vnquam federat, ita gentes nunquam acceperant legem, sed sine lege pec-

MATTH. II.

LUC. 19.

IOH. 12.

ge peccauerant: quod clarissimè explicat Beda in Homilia supradicta. Matthæus autem qui etiam Iudæis conuersis scripsit Euangelium, non potuit omittere asinā, quia hæc electos Iudæos significat qui iugū legis ab antiquo portauerāt: atq; illa asina electorū Iudæorū, ex quibus spiritualiter nati sunt gentiles, synagoga est, Apostoli enim qui carnaliter fuerunt Iudæi, ac iugū legis portarunt, sua prædicatione gētiles spiritualiter genuerunt. *plurima autem turba strauerunt uestimenta sua in uia*, ostendens reuerentiam, qua Christum reuerabatur, quod mirū est, tāto honore, & applausu plebem Hebræam Iesum asino insidentem, quem prius populi seductorem dicebant, excepisse. Propterea autem tantam impendi sibi gloriam Christus permisit, qui tamē cum eum rapere, atq; regem facere conabantur solus fugit in montem orare, vt verus Messias esse ostenderetur. *Alii autem scindebant ramos de arboribus frugiferis*, quibus mons oliueti confitus erat. In Palæstina citius quam apud nos virescunt, & frondent arbores. Christus autem decima Luna primi mensis, id est, 12. Calendas Aprilis, in Hierusalem venit, illo enim anno, octauo Calendas Aprilis, id est, die 25. Martij erat pasceue Paschæ, quo die & mortuus est saluator, quemadmodum tali die conceptus fuerat: atque ideo Ecclesia extratempus passionis Christi, conceptionem celebrat: septimo verò Calendas Aprilis erat dies festus Paschæ ipsorū, die videlicet sequenti vsque ad vesperum, eoq; virescentes ramos tunc habebant, mandatum enim eis erat, vt in die festo Paschæ spicarum manipulos ex nouis frugibus offerrent, & sternebant in uia. In signū lætitiæ, & reuerentiæ ferè omnes istæ arbores oliuæ erant, quæ pacis, & misericordiæ, siue lenitatis signum referebant, nam oleum vulnera lenit: unde quando ira deferbuit in diluuiū, & aquæ sicca-

*Aug. tract.
51. in ioan.
et Hieron.
super zac.
cap. 9*

ioan. 6.

Leuit. 13.

LUC. 10.

ri cœperunt, venit columba ad Noe, ramum oliuæ portâs. Rami ergo ostendunt Christum, verum esse animarum medicum, siquidem ex oliuis oleû exprimitur, quo vulnera vncta leniuntur, & demû curantur: vt videre licet in homine qui in latrones lapsus est. Item oliuarum rami, ipsum Iesum pacis authorem, pacemq; inter Deum, & homines facientem, præsignarunt. Adijcit Ioânes, quod Christo cû ramis palmarû obuiâ præcesserint, victoriâ qua Dominus moriendo mortem erat superaturus, prænũciantes, Palma enim apud veteres victoribus dari cõsueuerat, vnde de martyribus qui tyrannos in martyrij certamine superâfunt datur, Et palmæ in manibus eorû, ite palmæ natura est oneri imposito non cedere, imò aduersum pondus consurgere, atq; reniti. Quæri hic pòtest quare asino vestimenta strata fuerint? & an ramos arborû cædentes, Dominis damnum intulerint? Verû facîle responderi potest, hoc supra modum laudandû esse, quod pia mens in Dei honorem, ei sanctorum reuerentiam facit: vnde luminarium in templo clara luce accensio, ac radiante sole, dũ sacrificium Deo offertur, etiâ laudabilis est & Deo accepta. Nec mirû quum August. referat per flores ex altari Sãcti Stephani acceptos & ad caput cuiusdam nomine Martialis vt ad Christum conuerteretur positos, orationibus S. Stephani mediantibus, ad Christum esse conuersum. Per asinam, & pullum mysticè peccatores designantur, qui per peccatum stolidi, infirmi, ad bonum pigri, atq; varijs oneribus subiecti facti sunt: ministerio autem apostolorum, & prædicatorum soluti, & ad Christum aduerti sunt, vesteq; id est, apostolicam doctrinam, ita vt Christus illis insidere possit, id est, in illis per gratiam habitare, atq; omnes eorum actus dirigere, assumpsit. Sternentes autem vestimenta in via, martyres

martyres sunt, qui vt fides Christi in alijs firmaretur, sua corpora in mortem tradiderunt. Ramos autem de arboribus cædentes, qui ex scriptura sacra, & exemplis sanctorum, varia pietatis dogmata, ad Christi honorem, populiq; eruditionem, tanquam ramos abscindunt, & colligunt. *Turbæ uero quæ præcedebant, & sequebantur*, id est, veteris & noui testamenti sancti, qui vnanimiter Christum pro rege suo suscipiunt, & eius aduentum laudant. Eadem enim, inquit Beda, fide illi saluati sunt de futuris, qua nos de præteritis. *clamabant dicentes o sanna filio dauid. benedictus qui uenit in nomine domini patris nostri cœlestis*. Nullo modo propriam, sed tantummodo patris sui, in omnibus operibus gloriam quærens, ideoq; merito est glorificandus, Sic Cyril. in illud Ioannis, Ego ueni in nomine patris mei, & non accepistis me. Minus autem rectè intelligitur in nomine Domini, id est Christi. Ex hoc loco sumpta est pars hymni (Sanctus Sanctus &c.) quâ tanto affectu dum sacrificatur decantamus, collaudantes aduentum Christi ad nos: de quo Concil. Vafense sub Leone primo celebratum, cui & Prosper interfuit, ait, quod tam suauis & desiderabilis vox est, vt etiam si diu, noctuq; dici posset, fastidiû generare non posset: Quod ideo dixit, quoniam quidam erant tali zelo commoti, vt putarent tam iucundum canticum in missis matutinalibus, vbi totus populus non adest, nec in missis pro defunctis, aut in diebus ieiunij, non esse decantandum. Hyeronimus in epistola ad Damasum, quæ sic incipit, Multi super hoc &c. dicit O sanna compositû esse ex (Hosia) quod significat Salua, siue saluû fac, & (Anna) quod Hebræis est interiectio obsecrantis, siue optâtis, sicut latinis est obsecro, vel o, seu, o vtinam: docet etiam istam acclamationem, ex hoc versiculo Psalmi, O Domine saluum me fac,

Psal. 117

O Domine bene prosperare, benedictus qui venit in nomine Domini, desumptam: qui manifestè de Christo prophetat, & quia crebro in synagoga legebatur, populo notior erat: vnde Pharisei cum audirent à populo Psalmum referri ad Iesum indignati sunt. Addit etiam Hieronymus, Lucam, quia vidit se sermonis Hebraei proprietatem transferre non potuisse, subticere maluisse, quam legenti questionem mouere. Cæterum verisimilius est Lucā (pax in cœlo) & (gloria in excelsis) pro eo posuisse quod alij (osanna in excelsis ponunt) atque proinde quid Osanna significet, non videtur omnino suppressisse. Deinde cur Matthæus dixisset, Osanna filio David, & non potius filium David, si ad verbum Osanna significat Salua, siue saluum fac.

Luc. 19.

Videtur igitur Osanna, significare (obsecro) (salus) vel (o salus) scilicet sit: vt sensus sit, o vtinam sit salus filio David, & Osanna in excelsis idem sit, quod, obsecro sit salus Deo, habitanti in excelsis, quemadmodum Angeli decantant. Et hoc satis expressit Lucas, ponens gloriam pro salute, optare enim Deo salutem, nihil est aliud quam gloriam eius quærere: quod verò adiecit pax in excelsis, scilicet habitanti, expressisse videtur, quod dicit psalmi versiculus, O Domine, bene prosperare, seu bona tibi sit prosperitas, nam nomine pacis, significatur rerum felix successus, & omne bonum. Significatum vocis (Osanna) optimè expressit Ioannes dicens: Salus sit Deo nostro, qui sedet super throno, & agno. Per Thronum enim cœlum significatur, & per agnum filius David. Atque hoc ipsum, licet plerique ignorarent, verè confessi sunt, ac verum iam aduenisse saluatorem contestati sunt: cui testimonium omnes Prophetæ perhibebant, & opera tam sublimia penitus manifestabant, atque vt

Luc. 1.

apoc. 7

efficacius eorum de Iesu esset testimonium, Davidis

dis oraculo diuino vtuntur, dicentes. Benedictus &c. quę precatio merito eos erigere deberet ad credendum, Christum non venisse destructionis legis causa, quasi Deo contrarius, quin potius secundum eius beneplacitum, vt legem, & omnia quę in Prophetis scripta erant, adimpleret. Ioannes habet Osanna, benedictus qui venit in nomine Domini rex Israel, non quidem vt cui tributum soluerent, sed qui hominum mentes optimis ligibus, iuxta illud, ego autem constitutus sum rex ab eo super Sion, montem sanctum eius, prædicans præceptum eius, rectorus esset. Licet ergo cæteri tres Euangelistæ dicant, populum acclamasse Christum quod Dauidi erat promissum, esse regem, hic tamē Euangelista existimauit abundē se hoc explicuisse, dum Christum dixit à populo, filium Dauid vocatum: iuxta illud Ecclesiæ, Israël es tu rex, Dauidis & inclita proles.

Cap. 12.

Psal. 2

Et cum intrasset Hierosolymam, commota est vniuersa ciuitas, tantum Christi triumphum admirans, tantęque populi frequentiam Christo, voce & opere honorem deferentis, dicens: Quis est hic quem tam celebri honore excipitis? vel, quem se facit, vt sic Hierusalem ingredi non vereatur? Populi autem dicebant oībus Hierosolymitanis, hic est Iesus propheta, a Nazareth Galilee. Hic dies ingressus, fuisse dicitur dies Lunę post Dominicam in ramis palmarum, quanquam nos hunc ingressum ipsa die Dominica palmarum recolamus, ob lætitiā enim hoc facimus, gaudium gaudio coniungentes: siquidem die Dominico mysterij resurrectionis lætitiā celebramus. Præter eundem non est, quod apud Iudæos primus dies cuiusque mensis in initio nouilunij fuerit, & anno quo Dominus passus est pēthecoestes festum 15. Maij celebratur. Et intrauit Iesus in templum Dei, instruens nos, vt cum ad aliquem

IN MATTHAEI

locum appulerimus, primò templum, seu oratoriū orationis causa ingrediamur. *et eiciebat omnes ementes, & vendentes in templo oues & boues, & reliqua quæ in sacrificio offerebantur, & mensas nūmulariorū qui pauperibus, prætextu misericordiæ vsuram palliatam exercentes, pecuniam mutuabant, & cathedras uendentium columbas euerisit,* zelo honoris patris sui incitatus, ac tanquam Dominus templi purgans domum Dei. Et quia ex peccatis Sacerdotum omne malum in populo oriri considerabat, vitia sacerdotum primum resecebat. Circa istud factum saluatoris consule historiam quā recenset Hieronymus in Commentarijs. Cū enim toto terrarum orbe vnicum esset augustissimum, & celeberrimum Dei templum, atque illuc ex omnibus regionibus Iudæorum, ad offerendum Domino sacrificium populus conflueret, accidebat, ut qui de longè venerant, victimas non haberent. Ne igitur quicquam sacerdotibus decederet, atque hanc non offerendi excusationem quis prætexeret, certi quidam à sacerdotibus in templo constituti erant, qui genus omne animalium, quæ offerri possent, venientibus diuenderent: & quoniā multi venientium pecunias quibus sacrificia emerent, non habebant, nūmularij ab iisdem constituti erant, qui sub cautione, talibus pecunias mutuarent. Et quia lege præceptum erat, ut nemo vsuras acciperet nūmularij autem sine lucro mutuare nollent, adinuenerunt modum, quo pro pecunia scēbri, diuersi generis munuscula, ut puta poma, uvas passas, reciperent: vnde huiusmodi munera ex mutuo accipientes hoc loco nummularij, siue potius (colibistæ vocantur) Græcè enim colyba vilia munuscula dicuntur. Ut autē huius miraculi magnitudo intelligatur. quo tam multi emptores, & venditores admodū potentes per Christum infirmū, atque despectum

& tū eijs potuerint, consulatur Hierony. qui dicit, *in cōment. buius loci.*
 quod igneū quoddā, atq; sydereū ex oculis Christi radiabat, & diuinitatis maiestas, quando vendētes,
 & ementes eiecit, in faciē relucebat. Non est autem
 existimandū idē miraculū istud esse cū miraculo
 quod refert Ioan. etenim miraculū illud initio prę- *Ioan. 2.*
 dicationis Christi cōtigit, istud verò in fine, atq;
 in illo mitius colūbarū vēditores, & emptores ag-
 greditur, nō eos eijsciēs, sed admonendo, dicēs: Au-
 ferte ista hinc, quia fortasse pauperes erāt, ex simpli-
 citate colūbas vendebāt. Cōtigit autē hoc miracu-
 lū quod refert hoc loco Euang. nō die qua ingres- *cap. 11.*
 sus est Hierusalē, sed die sequēti, vt ex Mar. patet: po-
 niturq; per tēporis anticipationē: aut sicut August.
 dicit, eodē die contigit, sed tūc Marcus per recap-
 tulationem recitasse intelligendus est. Mysticum
 sensum huius dant Hieronymus, & Augustinus. *Hieronym. in cōment.*
scriptum est: domus mea, domus orationis uocabitur, Quē-
 admodum templum Salomonis, quod mysticē Ec- *Aug. tract. 10. in 10.*
 clesiā meā designat, ad orandū dedicatū est, ita Ec- *isa. 56.*
 clesiā meā in qua nō ab vna gente Iudaica, nec vno
 orbis loco, sed ab omnibus gētibus, per vniuersum
 terrarum orbem, orationes fundētur. *vos autem fe-*
cistis illam speluncam latronum, eiusmodi in tēplo qui-
 bus misera plebs spoliatur, atq; Dei iraprouocetur,
 exercentes. Quemadmodū enim in suis specubus
 latrones spolijs inhiātes, grauissimē Deū offendūt,
 sic & vos longē grauius sacrilegium committen-
 tes, deliquistis, propter loci sacri reuerentiā. Au-
 gustinus & Beda aiunt, venditionem, & emptio-
 nem eorū, quæ pro cultu Dei necessaria sunt, etiā si
 extra templum licitē fiant, in templo tamen nullo
 modo licito fieri posse. Vnde eadem de omnibus,
 quæ natura sua orationis, vel diuinæ laudis, aut
 prædicationis attentionem impediunt, esse ratio
 videtur, etiā si illicita non sint, quantò ergo

IN MATTHAEI

magis ea, quæ nusquam licitè, vtpotè lites, conui-
tia, discursus inordinati &c. fieri possunt, locū Deo
dicatum violant. Quam graue autem cmentium,
& vendentium sacrilegium fuerit, ex zelo Saluato-
ris, quo contra eos commotus est, expendere pos-
sumus, qui non permisit vt quisquam vas per tem-
plum Salomonis, & veteris legis transferret, incō-
parabiliter igitur maior templis Christianorum,
vbi Christus etiam corporaliter habitat, reueren-
tia debetur, vt patet ex Pontificum, martyrumq;
Christi statutis: In primis Xisti, qui à beato Pe-
tro sextus fuit, & Stephani, id est, qui ab eo-
dem Petro fuit vigesimus secundus: etenim Xistus
statuit, vt vasa sacra ab alijs quam à sacratis homi-
nibus non contrectarētur. Quia indignum (inquit)
valde est, vt sacra Domini vasa, quæcūque sint, hu-
manis vsibus seruiant, aut ab alijs, quàm à Do-
mino famulantibus, eijs dicatis tractentur viris:
ne pro talibus præsumptionibus iratus Dominus,
plagam populo suo imponat. Stephanus verò de
vestibus sacratis dicit, Quod alijs in vsibus cum
Deo, eiusque seruitio consecrata, & dedicata sint,
nemo debet eis frui, quam ecclesiasticis, & Deo di-
gnis officijs, quæ nec ab alijs contingi debent, aut
ferri, nisi à sacratis hominibus: ne vltio, quæ Bal-
thasar regem, quia ex vasis domus Domini in
mensa bibebat, comprehendit, super hos trans-
gredientes, & talia præsumentes, diuina veniat. Que-
ritur, vtrum peccatum occultum, in loco sacra-
to perpetratum violet illum? Respondeo hoc pen-
dere ex intentione, & oratione Salomonis, nam si
templum ad orationem mentalem etiam dedica-
tum fuerit, is qui in illo aliquid eam impediens a-
git, illud violat. Indubiè autē negotiatio, & cereo-
rum venditio in templis illicita est, quoniam, Be-
da, & Augustino testibus, iuri diuino repugnat,
quod

■ pist. 1.

■ pist. 1.

Dan. 5.

quod nulla consuetudine aboleri potest . Similiter proclamationes, quas in templis faciunt principes, vel procuratores, de domibus, agris, suppellectilibus, aut alijs rebus vendendis, omnino illicitæ censendæ sunt, neq; ab Episcopis locorū toleradæ.

Et accesserunt ad eum cæci, & claudi in templo, & sanauit eos. Si eiection vendentium, & ementium primo die (vt sentiunt Augustinus, & Hieronymus) facta est, cæcorum, & claudorum curatio, ipso die ingressus Christi facta fuit.

videntes autem principes sacerdotum, & scribæ mirabilia quæ fecit. In eiectione tantæ multitudinis, & claudorum, atque cæcorum sanatione, indignati sunt, contra Christum, qui sic à pueris laudabatur, *Et dixerunt ei, Audis quid isti dicunt?* Quasi dicant, Ignoras horum puerorum blasphemiam, & talem laudem tibi deferri permittis? *utiq;* intelligo quid sibi velint pueri, non tamen quasi blasphemos compesco, nec reprehendo: *numquam legistis?* Quasi dicat, Sacram scripturam, quæ infantium laudem collaudat expendite, dictum enim est à Dauide Deo patri, *Quia ex ore infantium, & lactantium perfecisti laudem:* Hoc est: Per ora paruulorum, qui quodammodo adhuc lacte viuunt, vixque lactare possunt, perfectam laudem tuam declarasti. Ad literam paruuli intelliguntur, quorum laude Deus pater delectatur quia prauis moribus corrupti non sunt: nam non est speciosa laus Dei in ore peccatoris. Augustinus tamē, de infirmis Ecclesiæ mēbris quæ perficiūtur vt postmodum perfectius Deū laudent, intelligit.

Et relictis illis, Sacerdotibus, & Scribis, abiit foras animaduertens quod à nullo ad hospitium vocaretur (vt annotat Marcus) *in Bethaniam*, id est domū obedientiæ, vel affectionis, quæ à Hierusalē stadijs quindecim, id est, duobus milibus passuum, distabat: vbi singulares eius amici, Lazarus videlicet,
Martha

IN MATTHAEI

LUC. XI.

Martha, & Maria Magdalena morabantur: ibiq; m̃st illa nocte, atque tota hebdomada, vsque ad passionis suæ initium: die in templo Hierusalem docens: nocte verò, in Bethania hospitans, saltem vsq; ad feriam quintam, quando in Hierusalem cum Apostolis suis cœnauit, & pascha comedit. *manē autem reuertens in ciuitatem, esuriit verè. Et uidens fici arborem unā secus uiam, uenit ad eam.* Sic se gerens quasi fructū in illa, ad fami succurrendum, quæreret, cū tamē nondum esse tempus ficuum non ignoraret (vt habet Marcus) *et arefacta est continuo ficulnea*, radicitus ex maledicto Christi. Ex quo patet quod non solum verba parabolica protulit, sed etiam eius facta fuerunt parabolica, & aliquid significantia. Atque istud miraculum singulariter ad aliquid significandum factū est, alioquin stultum esset, extra tempus fructuum, fructus in arbore quærere. Esuries igitur Christi desiderium salutis generis humani significat, sicut & cibus eius, mysticè est salus hominum, nam alibi dicit, quod cibus eius sit, facere uolūtatē patris sui, id est, saluare homines. Cū igitur hanc spiritalem famem sedare cuperet, uenit ad populum Iudaicum, qui per arborem fici designatur, & qui erat secūs viā, id est, legem Moyfi, cupiuitq; hunc populum perducere ad uerum fructum pœnitentiæ, sed ille nihil fructus, sed tantummodo folia protulit, iustitiæ uidelicet ostentationem, uerba sancta, externas cæremonias, & similia, omnis bonorum operum fructus expers, ideoq; Christi maledicto exaruit, spiritalis gratiæ succo destitutus. Nec ad tempus tantummodo desertus est, quēadmodum prioribus temporibus, quando post miseriam redijt ad pœnitentiam, sed æterna damnatione est condemnatus. Quod tamen dicitur, Nūquā ex te fructus nascatur in sempiternū, nō sic intelligendū est, quasi nullus postea Iudæorū uerū pœnitent-

nitentiæ prolaturus esset fructum, sed prædicitur, quod potissima & multo maxima pars Iudaici populi esset peritura. Aded enim pauci ex eis conuersi sunt, vt comparatione pereuntium nulli reputetur, præsertim si ad multitudinem conuersorū ex Gentibus conferantur. Obseruanda est autem in hoc facto, magna saluatoris misericordia, qui dum ostendere voluit, quàm esset erga homines misericors, sanitatum miracula in illis est operatus: cæterum, seueritatis exhibiturus exemplum, nō hominibus, sed arbori maledixit, malēs id in signo prius quam in re signata facere. Nullam autem arboris Domino & possessori iniuriam intulit, ipsius enim est terra & plenitudo eius, ipse Dominus oīs creaturæ. Frequēter etiam sanitatis miracula est operatus & hominibus benè fecit, ad idem declarādū: semel autem tantū creaturæ suæ maledixit. Ad quam rem ficum potius, quam aliam arborem delegit, vt illustrius foret miraculum: siquidem ficus arbor humidissima est. Quidam putant fici arbore, scientiæ boni, & mali ficum fuisse: tum quod Christus ad Nathanaelem dicat: Cūm esses sub ficu, vidi te, quod Diuus Augustinus de Adam in paradiso interpretatur, Tractat. 7. in Ioannem. Tum quod ex soleis ficulneis perisomata sibi confuerint. Sed incertum id est, nam & iuxta lignum vitæ ficus esse potuit.

Et uidentes discipuli mirati sunt, sequenti die, vt ait Marcus, Vide Augustinum libro secundo de consensu Euangelistarum capite 68. dicentes, quomodo continuo aruit? scilicet ad verbum Christi, nam eam statim ad verbum ipsius aruisse cognouerunt, non enim præsentibus erant cum malediceret, quia illinc transferant, non retrospectantes. Monemur hac parabola, vt bonis operibus operam demus: alioqui enim si externis tantum
cære-

IOAN. 1.

Genes. 3.

IN MATTHAEI

ceremonijs & sola pietatis specie fuerimus exornati, periculum est ne & ipsi planè tandem exarescamus.

Amen dico uobis si habueritis fidem, & non habestaueritis aliqua diffidentia, non solum de siculnea facietis quod ego feci, sed & si monti dixeritis: tolle & iacta te in mare, fiet. De montis translatione supra in ca. 17. dictum est. Hinc discimus, fidem grano sinapis comparatam, intelligendam esse perfectam. Et omnia quaecunque petieritis in oratione credentes accipietis, cōfidentes quod fiet vobis: credere enim hoc loco pro sperare, & confidere ponitur, vt ex Marco patet dicente. Quaecunque orantes petitis credite, quia accipietis, nō autem fide propriè dicta, credere debemus nos impe traturos quaecunque à Deo petimus, cum nemo de vita æterna sine singulari reuelatione certus sit: at sicut credebat Dauid dicens, Credo videre bona Domini, in terra uiuentium, & sicut Petrus, Credimus saluari, quemadmodum & ille. Vide Damascenum lib. 4. de ortho. fide ca. 11. Alij hoc modo interpretantur, quod omnia quaecunque petierimus, credentes accipiemus, scilicet seruatis certis conditionibus: quæ expositio nō est improbabilis. Quomodo autem intelligendum sit, quod omnis qui petit accipiat, supra ca. 7. explicatum fuit.

Et cum uenissent in templum, accesserunt ad eum docentem pr̄n̄ ipes sacerdotum, & seniores populi, id est summi sacerdotes, & vr̄bis præfecti, & scribæ dicentes, In qua potestate hæc facis miracula & præcipue quod vendentes, & ementes ex templo eijs, & tam celebri triumpho ciuitatem hanc ingredi præsumis? Hæc contigerunt feria quarta hebdomadæ sanctæ. Et quis dedit tibi hanc potestatem? Non enim es sacerdos de genere Leui, nec aliquam à Romanis habens authoritatem. Respondens autem iesus dixit eis: interrogabo uos & ego unum sermonem: quem si dixeritis mihi,

& ego

psal. 15.
A. 15.

Et ego dicam uobis in qua potestate hæc facio. Christus malo nodo malum quæsiuit cuneum, & quæstionem opposuit quæstioni eorum dicens, *Baptismus Ioannis unde erat, & cælo an ex hominibus?* id est: *Quomodo Ioannes baptizauit populum illo baptismo, qui ante non erat notus? an iussu patris cœlestis, an verò ex proprio ingenio, vel aliorum hominum consilio baptismum illum confinxit? At illi cogitabant inter se dicentes:* disputantes forsitan hoc verbis expressis, posteaquam à Christo secessissent, vel interna tantum cogitatione voluentes. *si dixerimus e cælo, dicet nobis: quare ergo non credidistis illi? dum prædicauit me esse iudicem mundi, filium Dei peccata mundi tollere, denique me baptizare in nomine spiritus sancti. si autem dixerimus ex hominibus, timemus turbam, ne nos lapidet. omnes enim habent Ioannem sicut prophetam, id est, omnes existimant Ioannem à Deo missum, qui proprio ingenio nihil confinxerit. Et nescimus, mentientes. At illis & ipse, Nec ego dico uobis in qua potestate hæc facio.* Sed obijcias, non litem soluit, qui litem lite resoluit, ergo malè sic respondit Christus: dicere enim debuit se patris potestate hæc facere. Respondeo, Quæstio Christi de baptismo Ioannis non erat curiosâ, sed plurimum utilis ad dissoluendam quæstionem quam ipsi rogabant si enim ex sinceritate respondissent Ioannis doctrinâ ex Deo fuisse, statim manifestasset eis Christus quod diuina virtute hæc faceret.

Dicit illis Iesus: Amen dico uobis, quia publicani, & meretrices præcedunt uos in regno Dei. Publicani id est manifesti peccatores, & scelerati homines, quales sunt auari & raptores. Meretrices id est impudicæ, & otiosæ mulieres. Præcedunt, quoniam pœnitentiâ agunt. *venit enim ad uos Ioannes in uia iustitiæ, & non credidistis ei, Ioannes veram iustitiæ uiam uos uerbo, & exemplo docuit. Et quanquam professi estis*

IN MATTHAEI

vos Deo seruituros, nihilominus tamen Ioanni credere & poenitentiam agere renuistis. publicani autem & meretrices, qui ob malam vitam suam seruire Deo recusarunt, Ioanni crediderunt, & poenitentia ducti, ad Deo seruiendum humiliter accurrerunt. Hæc parabola optimè in malos sacerdotes, & religiosos quadrat, qui singularem licet Dei seruitutem professi sint, malè viuunt, nec populi poenitentis exemplo mouentur, vt poenitentiam assument. Item in superbos quosunque, qui longè insanabiliores sunt, quàm homines in sceleribus aperte volutates, curabilior enim est qui medico vulnera ostendit, quam qui ea tegit.

Aliam parabolam audite, Sacerdotes, Scribas, atque plebem vniuersam, vt ex Luca patet, alloquitur: Quia in Iudæa multæ vineæ sunt, in scripturis frequenter parabola à vineis desumuntur, quemadmodum supra vnâ habuimus, hoc verò loco duas. Atq; hæc parabola ferè eadem est cum illa, quâ habet Esaias: Cantabo dilecto meo canticum patrum elis mei, vineæ suæ &c. & Hieremias, & Psalmista: Etenim hæc propriè contra sacerdotes, & Phariseos (vt ex fine huius capituli liquet) prolata est, illa autem contra populum, id est, subditos ipsos. Non erat paterfamilias, qui plantauit vineam, & sepem circumdedit ei, & fodit in ea torcular, & ædificauit turrim, & locauit eam agricolis: & peregre profectus est. Paterfamilias Deus pater est: vinea populus Iudaicus, seu domus Israël, agricolæ, & vinitores, sunt Scribæ, & Pharisei, siue sacerdotes, qui infra ædificatores, siue cæmentarij nuncupantur, quemadmodum Ecclesia nuncager, nunc domus vocatur. Hanc vineam elocauit agricolis quando populum doctrina bona, & exemplo, commisit eis erudiendum: vt ipsi inde proficerent apud Deum, & populus etiam bonæ vitæ Deo fructum adferret. Per sepem, torcular

Cap. 20.

Cap. 5.

Jerem. 2.

Psal. 79.

cular & turrim, summa Dei significatur diligentia, qua in excolenda synagoga vsus est. Nec est necessariū ista singulati exponere, multa enim in parabolis adijciuntur, ob rerum, vnde parabola desumitur, continentiam, non autem quasi habeat quodlibet, specialem significationem in ipsa re principali. Sunt tamen nonnulli qui per sepem custodiam angelorum intelligant, & per torcular altare. quia sicut vix omnes ad torcular, vt ibi exprimentur, deferuntur, ita etiam populi oblationes ad altare ferebatur. Per turrim, templum vbi lex Dei docebatur, qua populus protegebatur: vel sacram scripturam, quod per eam aduentum Christi contemplari poterant rectores, ac spiritualium bestiarum incursum cauere. Peregrè autem profectus Dominus dicitur, quia libero rectorum arbitrio dimisit populi regimen, vel potius, quia iam per talia miracula non adfuit Iudæis, sicuti dum eam plantarent, pascens eam 40. annis manna, ab æstu in die nube protegens, & columna ignis nocte tenebras discutiens. *misit seruos suos ad agricolas, id est, prophetas, qui sui officij agricolas commonefacerent. Et agricola apprehensis seruis eius, alium ceciderunt, vt Ieremiam, Michæam: alium occiderunt, vt Esaiam & Amos alium uero lapidauerunt, vt Zachariam sacerdotem, inter templum & altare, & Naboth. iterum misit alios seruos plures prioribus, id est, duodecim prophetas. Nouissime autem misit ad eos filium suum dicens: verebuntur filium meum. Eos decet filium meum vereri. Significatur agricolarum libertas quā poterāt, si voluissent, vereri filium: non enim ex ignorantia putandus est hoc dixisse Deus pater. Agricole autem uidentes filium, dixerunt intra se, hic est heres, uenite, occidamus eum, & habebimus hereditatem eius. tum securre, & impunè populum premere ac spoliare poterimus, amplius diuinæ legis curam non habebit,*
quam

IN MATTHÆI

quam hic adeo prædicat, & inculcat, quasi nos curâ eius nullam haberemus, & quasi, ipse verus populi huius esset Dominus: Sacerdotes omnes quæ suæ sunt ex populo quærentes, & salutem populi negligentes, hæreditatem Christi occupare volunt, ac spiritualiter Christum extra propriam vineam, eijcere, vt populus fiat eorum hæreditas, atq; hoc est quod dicit. *Et apprehensum eum eijecerunt extra vineam*, id est, extra populum Iudaicum, dum extra portam, & castra, loco maleficorum supplicij destinato, *Et occiderunt eum crucifixerunt.*

1. Reg. 12.

Psal. 117

Cum ergo uenerit Dominus vineæ ad vindicandū filij sui sanguinē. quid faciet illis? aiūt illi: malos male perdet. Primum Scribæ, & Phærisæi sese proprio ore cōdemnauerunt, quemadmodum & seipsum nescius Dauid condemnauit, proposita parabola Nathan. Hanc condemnationem quam contra seipsos protulerunt explicat Matthæus, & sententiam illorum postea probauit saluator: ita tamen vt ex verbis saluatoris, vel eius gestibus se malos agricolas esse intelligerent, quod explicant Marcus, & Lucas: vnde audito responso Saluatoris dixerunt, Absit vt nos tales agricolæ simus, qui seruos, & filium Dei occidamus: ideoq; Saluator aliam parabolam adducit qua probet principes Iudæorum Christum esse reiecturos. Hic quæritur an Christi occisores verè cognouerint Iesum esse messiam, & Dei filiū. Respōdeo admodum probabile esse id eos in principio cognouisse, sed partim neglectu rerum cælestium, partim ambitione & avaritia, in primis autem odio & inuidia exæcatos fuisse. id quod parabola de conuiuio nuptiarum satis significatur: *Dicit illis Iesus: Nunquam legistis in scripturis: lapidem quem reprobauerunt ædificantes hic factus est in caput anguli?* Quasi dicat, Attendite num vos Christi occisores non sitis, Scriptum est enī de populi Iudaici rectoribus

ribus, quod qui deberent spiritualiter populum Dei ædificare, ac pro fundamento, & primario lapide iacere Mefsiam ipsummet reprobauerunt: verumtamen quantumuis reprobatus, factus est summus angularis lapis, id est, primarius dux, & rex totius domus Dei, tanquam angulus duos parietes antea distinctos, Iudæos nimirum, & Gêtes in vnu connectens. Frequens huius parabolæ, seu lapidis in scriptura fit mêtio, vt significetur Christus per passionem factus caput Ecclesię, ex Iudęis, & gêtibus per eũ cõgregatæ, atque iudex, maiestatis suę grauitate opprimens omnes aduersarios. *A domino factum est istud, & est mirabile in oculis nostris. i. diuina potentia factum est, vt reiectus lapis factus sit angulare caput, cùm tamen omnes quantum possent populi Iudaici primates obfisterent. Nihil autem tam est mirabile in omnibus Dei operibus quàm quod homo vilis, & contemptus renitentibus huius populi principibus omnibus, rex sit factus, & caput omnium gentium.* *Ideo dico vobis* quia vos estis illi ædificantes, qui me reprobaris, & qui tandem crucis patibulo affigetur. *Auferetur a vobis regnum Dei*, id est, cognitio mysteriorum sacrę scripturę, vt ait Hieronymus, per quã Deus regnat in hominibus. Vel regnum Dei, id est, vitę eternę regnum quod à Iudæis auferri dicitur, inquit Augustinus contra aduersarium legis, & prophetarum, quia postquam à Christo Domino deserti sunt, ad illam sicut antea, pèrtingere non potuerunt. *Et dabitur genti facienti fructus eius* populo gentili, qui ex cognitione mysteriorum Christi, bonorum operum fructũ proferet meliores vobis agricolas habebit, Apostolos scilicet, & Apostolicos viros, quos ad regnum cœlorum est perducturus. Sicut autem Christus Iudæis dixit, *Auferetur à vobis regnum Dei*, ita & multis regionibus Christianorum dici potest, Au-

Esa 8. 0

28.

Dan. 2.

Zach. 3.

Ephes. 2.

1. Pet. 2.

in cõment.

Lib. 2. c. 4.

IN MATTHAEI

feretur à vobis Christi cognitio, & alijs gentibus dabitur verū pœnitentiæ fructum facientibus: sicuti completum videmus in Ecclesia orientali, à qua Christus ablatiis est, ac nouis insulis donatus.

Et qui ceciderit super lapidem istum confringetur. Et vt nō arbitremini Christum ob firmitatem tantū fundamenti, vel capitis, lapidem vocari, dico vobis, quod etiam lapis vocetur, propter inimicorū confractionem: Qui enim ceciderit, id est, peccauerit, in huius tamen lapidis fide remanendo, confringetur, id est, spiritualiter perdetur: ita tamen vt adhuc per pœnitentiam reparari & iustaurari possit quia fidem seruauit. *super quem uero ceciderit, conteret eum,* id est, qui verò fidē lapidis abijcit, penitus conteretur, nihil sibi quò redire possit referuās. Sumpta est parabola à testaceo vase cōfractio quando enim non omnino confractum est, adhuc aquā retinere potest, at quando penitus contritum est nulla testa remanet integra, qua aliquid aquæ conseruari possit. Sic Hieronym. in comment. Aliter Augustinus vbi illum super lapidem cadere & cōfringi intelligit, qui in hac vita peccat: siquidem quamdiu hic viuatur de nemine desperatur, nam superest adhuc pœnitentiæ locus. Super illum autem cadit lapis Christus, atque conterit, quem in die iudicij condemnat: nullus enim tunc restat fructuosæ pœnitentiæ locus. Aliter Theophylactus, Iudæorum animos dicit spiritualiter fractos, quando in Christum peccauerunt: quando verò Christus super illos cecidit vlciscēdo, tunc penitus sunt contriti, quia per totum orbem dispersi, & sacrificijs, templis, ac sacerdotibus destituti. Pro qua re consulatur Beda circa illud: Et fiunt nouissima hominis illius peiora prioribus.

Lib. I. quæ.
Euan. c. 30.

LUC. II.

IN CA.

ET respondens Iesus dixit iterum in parabolis eis, dicens: simile factum est regnum cœlorum homini regi, qui fecit nuptias filio suo. Hanc parabolam subiungit Dominus, ad declarandum quod à populo Iudaico regnum Dei auferretur: Priores verò parabolæ dictæ sunt cōtra populi rectores præcipuè. Prædicitur etiam hic gentium vocatio. Homo rex Matth. 13 Deus pater dicitur, qui Christo Dño nuptias fecit, quando humanā naturam vt sibi Ecclesiā vxorem sociaret assumpsit. Et misit seruos, id est, prophetas, aut (secundū Hieron.) seruū, id est, Moysen vocare Iudæos, qui quondā inuitati erant, dum patriarchis Deus Mesiā, & salutem æternā promisit: Ephes. 5
Apoc. 19. quod cantus Ecclesiæ (quam olim Abraham promissit, & semini eius) exprimit. Vocare inuitatos ad nuptias, vt participes Christi incarnationis essent, & Ecclesiæ electorū sociarentur: Et noluerant venire, dū prophetis credere recusatū, & à via sua mala reuer ti abnuerūt. Iterum misit alios seruos, apostolos, dicens: dicite inuitatis Iudæis, ecce prandium meum paravi, tauri mei, & altilia occisa sunt. Et omnia parata, venite ad nuptias. Per omnia ista, metaphoricè significantur in mysterio Christi magnificentissima quædam, & regia fercula, id est, dona conuiuiis præparata. Quidam per tauros, patres veteris testamēti intelligunt, per altilia verò noui testamenti. Alij prophetas qui sacerdotes, & duces populi fuerunt, quales fuere Ieremias, Ezechiel, & Dauid: Per altilia verò, prophetas quidem, sed eos qui duces populi non fuerunt, quales fuerunt, Amos, & Ionas. Atq; hoc modo intellexerunt, quia taurus animal immolatorium est, & quia propheta sapientia Dei, & spiritus sancti consolatione saginati fuerunt. Tercio per tauros, alij martyres accipiunt.

IN MATTHAEI

Per altitia, viros spirituales, vel prophetas, qui spiritu sancto afflati, à terra elati, atq; pro illo conuiuio æterno sunt occisi. Omnia autem parata esse dicuntur, quia per Christi incarnationem, & passionem, totius gratiæ fons apertus est, & quicquid prophetæ de Christo passuro, & eodem glorificando prædixerunt, completum est. Patres enim veteris testamenti futura prædixerunt, Apostoli vero cõpleta monstrârunt. *Illi autem, scilicet inuitati. Neglexerunt, & abierunt, unus in uillam suam, alius uero ad negotiationem suam.* Quia diuitijs inhiabant, honoribus & alijs huius sæculi vanitatibus immerfi erant, prædicationem apostolicam reiecerunt. Hoc enim per, ire in uillam, & ad negotiationem, significatur: quamdiu enim homo huiuscemodi inhæret, quilibet suæ salutis occasiones negligit. Commodè verò totum genus humanum per hæc, vanitatibus huius sæculi deditū significatur: nam omnes manu operantes pulchrè per laborem in villa omnes verò ingenio, & industria speculantes, per negotiatorem significantur. *Reliqui uero, inuitatorum, rectores nimirum populi Iudaici tenuerunt seruos eius in vincula conijcientes, & contumelijs varijs conuitorum generibus affectos occiderunt.* Sub occisis prophetis, cædes Christi sponsi intelligenda est, quæ ideo hic subticetur, ut parabola non interrumpatur. In rebus enim humanis occiso sponso, cessat nuptiarum festiuitas, & nullus ad illas amplius inuitatur, cum ergo alij postea adhuc vocentur, occisio sponsi subticeri debuit: quæ tamen omnino intelligi debet, quoniam ira regis propter necem sponsi filij sui maximè efferbuit. His pessimis prophetarum occisoribus similes sunt hodie, quicūq; veritatis doctores scõmatis excipiunt: & inuitatos ad nuptias præpediunt, ne doctrinæ synceritati acquiescant.

Rex autem cum audisset iratus est, non per affectum, sed per vindictam, & punctionem. quem admodum poenituisse dicitur, quia per diluuium hominem perdidit, quem fecerat. Et hoc more nostro dictum est, quia opus quod nos fecisse poenitet destruere solemus. Et missis exercitibus suis, militibus Romanis perdidit homicidas illos, & ciuitatem eorum succendit: Milites eius ducibus Tito, & Vespasiano Deo sic dirigente, Iudæam, occisis homicidis & ijs, qui apostolicam imitationem neglexerant & metropoli Iudææ Hierusalem succensa, euerterunt.

Tunc ait seruis suis, id est, clarè per spiritum sanctū Euangelij prædicatoribus reuelauit Christi gratiā, à Iudæis, qui per superbiam, & magnitudinem eam repulerant ad Gentes transferendam: quæ tametsi indignæ essent, quadam tamen ratione indigniores erant Iudæi, quia spōsum Christum, & seruos eius prophetas occiderunt. Ite ergo ad exitus viarum, id est, ad gentes, quæ in viarum exitibus esse dicuntur, quia legem, & prophetas, qui sunt via ad Deū nondum receperant. Et quoscunque inueneritis, uocate ad nuptias, siquidem prædicator Euangelij, omnibus euangelium prædicare debet. Et egressi serui eius in uias, ex Iudæa uidelicet, quæ ab antiquo domus Dei fuerat, congregauerunt omnes quos inuenerunt, ex omnibus generibus hominum, qui sequi non recusarunt, bonos, & malos. Mali vocantur, qui Christi seruos fallentes, se credere, & verè poenitere simulabant: boni verò, qui syncerè crediderunt, & poenitentiam egerunt. Aut mali dici possunt, qui postquam locum conuiuii ingressi sunt, malè vixerūt: boni verò qui vitam suam benè instituerunt. Aut tertio, boni, & mali dicuntur, qui secundum vulgi existimationem tales reputabantur, eo modo intelligendo, quo illud: Rogate, quis in illa dignus sit,

*matth. ult. }
marc. ult.*

IN MATTHAEI

Matth. 10. id est, dignus habeatur. Sic August. *et implet & sunt*
De fide & nuptiae discumbentium, id est, locus celebradis nuptijs
operib. c. 17 dicatus, discumbentibus plenus fuit. Quod futurū
 est in fine seculi, vbi omnes electi Ecclesiam intra-
 uerint, tunc enim nullus deinceps Ecclesiam in-
 traturus est.

Lib. 12. cō. *intrauit autem rex, ut uideret discumbentes: & uidit ibi*
August. c. 17 hominem non uestitum ueste nuptiali Per hominem hūc
 omnes impij intelligēdi sunt, qui Christi sacramē-
 tis communicant, veruntamen quod nomine &
 verbo profiteantur, opere, & conuersatione detestā-
 tur: & hoc est non habere uestem nuptialem. Pro
 quo consulatur August. *et ait illi: Amice, quomodo huc*
intraisti non habens uestem nuptialem? Qua audacia te pro
 Christiano gerere, & Ecclesiae sacramentis vti au-
 sus es, cū Christianam conuersationem detesta-
 tus sis? Amicus vocatur, vel per ironiam, vel quia
 plurima amicitiae signa ei, dū in Ecclesia esset ostē-
 sa sunt. *At ille obmutuit,* quia negandi peccata deerat

Matth. 13 facultas, omnibus enim illa aperta erant. Tunc di-
 xit rex ministris, angelis videlicet bonis. Theophyl.
 etiam de malis intelligit. *Ligatis manibus & pedibus*
eius. Omissa parabola, occultē transit ad rem signi-
 catam. Hieronymus sentit membra impiorum in

in cōment. futuro iudicio liganda, tamen posteriores hoc per
 tropum dictum intelligunt: vt manus & pedes di-
 cantur ligati, quia perficere nō poterunt, quod pra-
 ua voluntate cupient damnati. Augustinus vincu-
 la intelligit prauarum atque distortarum volūta-
 tum implicationē. Siquidē vna cupiditas aliā post
 aliā velut ansa ansam & catena catenā trahit. Cui

Lib. 11. de expositioni satis consentaneum est illud Prouerb.
Trin. ca. 6. Iniquitates suae capiunt impium, & funibus pec-
 catorum suorum constringitur. Et illud Esaiæ, vā
 qui trahitis iniquitates in funiculis vanitatis, Theo-
 phyl. ligari intelligit manus & pedes quod nihil tūc

Prouerb. 7 operis
Esai. 5.

operis boni præstare damnati poterūt vtile ad remissionem peccatorum. Dionysius Carthusian. & Francisc. Titelmannus per ligationem accipiunt, in-
evitabilitatem ignis æterni : vt enim submergen-
dis manus pedesque ligantur ne quo pacto enatēt,
ita in gehennam mittendi, quoniam nulla inde ra-
tione effugere nec resistere poterunt, dicuntur al-
ligari.

Mittite eum in tenebras exteriores : ibi erit fletus & stridor dentium. Verisimile est quod damnati verè in tenebris corporalibus erunt, & fletu, atq; igne corporali cruciabuntur. In hoc vno homine omnes impij intelligendi sunt, qui in magno numero sunt futuri. *multi sunt enim vocati, pauci vero electi.* Augustinus de Iudæis istud intelligit, & dicit: Meritò Iudæi quondam vocati, & multi etiam locum cō-
uiuij ingressi reijciuntur in tenebras exteriores, quia multi sunt vocati pauci verò electi. matth. 8.
Li. post col.
cōt. Donat.
cap. 20.

Tunc, Eodem die, cū audissent de seipsis graua parabolicè prophetari, *conflum inierunt, ut caperent eū in sermone,* ex quo præfidi Pilato accusare possent, vt habet Lucas, hoc fine, vt in corpore puniretur, & punitione prouocatus facilius ad aliquid cōtra Cæsaris potestatem dicendum induceretur. In opere nullo modo capere poterant, præinde conabantur in verbo eū capere: in quo (teste Iacobo) facile offēditur. *Et mittunt eos discipulos suos Phariseos, qui magnum iustitiæ zelum simularent.* Isti iuris Cæsarij protectores fuisse videntur, & Herodis tetrarchæ milites, *cum Herodianis,* qui Romanis tributa soluebant: ad quæ exigenda Herodes magnus huius Herodis tetrarchæ pater, prius à Romanis erat cōstitutus. Sic aut sunt vocati quia Herodis partes fouere videbātur. Sic Hiero. di. *ētes: magister scimus quia uerax es, & uia Dei in ueritate docēs.* Hęc verba sunt adulatoria, & insidiosa, & non est tibi cura de aliquo, vt

Iacob. 3.

in comit.

IN MATTHAEI

alicuius metu contra veritatem, & legem Dei doceas, sed in veritate omnia dicis. Quidam putant fuisse quandam sectam Herodianorum, quæ defendebat tributa persolui debere, quæq; sectæ Iudæ Galilæi contraria erat, qui dicebat nullum præter vnicum Deum vocari debere Dominū. Quæ hæresis in tantum creuerat, vt etiam Phariseos, & multam populi partem perturbaret, ita vt ad Dominum hæc quæstio referretur: quæ etiam tempore Pauli viguit, quoniam contra eam disputat. Qua de re consulantur Hieronymus, & Iosephus. *Quid tibi uideretur*, Scimus enim quod quicquid tibi visum fuerit, certissimum sit: *Licet censum dare Cæsari nobis?* qui populus Dei sumus, & Deo primitias, & decimas in templo offerimus, *an non?* sicut omnino apparet, cū Cæsar gentilis sit, nos autem populus Dei, & æquandus non sit in accipiēdo tributo Deo, cui munera offerre debemus eum nostrum Dominum agnoscentes.

Cognita autem Iesus nequitia eorum, quæ eū illaqueare tentabant, ita vt si licitum esse responderet populo, qui inuitus soluebat, & Iudæ Galilæo assentiebatur, odiosus fieret: si verò illicitum, extēplō ab Herodianis caperetur, & Pilato prædici: & Romanis tanquam seditiosus, & rebellis traderetur: si autem taceret, timoris redargueretur. Porro prudentissimè respondit, dicens: Quid me tentatis hypocritæ, c stendite mihi munisma census, id est, nummum, quem quilibet vestrum pēdere debet, in subiectionis signum. At illi obtulerunt ei denarium. Et ait illis Iesus: Cuius est imago hæc, & superscriptio? dicunt ei, Cæsaris Tiberij scilicet, qui fuit priuignus Augusti. Tunc ait illis: Reddite ergo quæ sunt Cæsaris, Cæsari. Quia in commutationibus, & negotiationibus vestris, nummis publicis vtimini, quos Cæsar cudi iussit, & suā imaginem insculpi, iustum est, vt illi tributum pēdatis.

Rom. 13.

In commēt.

in 3. cap. ad

Titum.

Iosephus li.

18. Antiqu.

Iudaicæ.

datis. *Et que sunt dei, deo.* Non putetis propterea vos liberos, quia Deo primitias, & decimas secū-
dum legem offertis: vtrunque enim à vobis exi-
gitur, quasi dicat quemadmodum Cæsar à vobis
exigit, sic vult Deus suam quam in vobis con-
didit (animam scilicet ad similitudinem suā crea-
tam) incontaminatam habere. *Et audientes mirati sunt*
non sibi esse responsum, sicuti expectauerant. Ex
hoc loco Augustinus ostendit Cresconium stultè
sibi pro crimine obieciſſe dialecticum, & disputan-
di artem. *Et relicto illò abierunt:* siquidem diuerſi mo-
res vnitatem non habent.

*Lib. 1. cont.
Cresconii
ca. 17. &
ſequent.*

*In illo die acceſſerunt ad eum ſ adducæi, qui dicunt nō eſſe
reſurrectionem, id eſt, nunquam futuram. Et interroga-
uerunt eum dicentes. Magiſter, moſes dixit: ſi quis mortuus
fuerit non habens filium &c.* Hanc ſubijciunt quæſtio-
nem, vt per eam, errorem ſuum ſtabilire queant.

*In reſurrectione ergo cuius erit de ſeptem, inconueniens
enim eſt, vt mulier vna, ſeptem ſimul maritos ha-
beat, quod tamen videtur futurum in reſurrectione,
quia æquale ius omnes ſeptem in illam habent.*

Vnde non rectè Lex à Moſe lata videtur. Refert

Iosephus Sadducæos etiam negaſſe Deum actuum
humanorum prouidentiam habere: ſcripta itē pro-
phetarum non recepiſſe, ſed tantum Pentateuchū.

*Lib. 1. belli
Iudaici*

fatebantur quidem reſurrectionem mortuorum,

ſed eam per liberorum procreationem in ſucceſſi-
ſione ponebant, quemadmodum Ambroſius, &

2. Tim. 2.

Oecumenius teſtantur, in illud, dicentes reſurre-
ctionem iam factam. Idem dogma tribuit Phi-
laſter Samaritanis. Contra horum Sadducæorum

errores, directè ſcriptus videtur ſecundus liber Ma-
chabæorum: vnde & eius Author vbicunq; po-
teſt, immortalitatis animæ reſurrectionis mortuo-
rum diei iudicii angelorum, ſpirituſſancti mentio-

*2. Mach. 6.
7. 14. & 18
3. 9. 11. 10.*

nē facit, ac ſæpe Deum omnia inſpicientem vocat.

Con-

Con-

1. Tim. 2.

Act. 5.

Cōtra hos, vt testatur Hiero. scribit Paulus 15. cap. 1. ad Corinth. Ex horū secta erant Hymenæus, & Philētus, de quibus Paul. quæ plurimū post Christi mortē inualuit, rebus Iudaicis ad finē vergētibus, vsq; adeo vt Sadducari, populi regimē occuparēt. Respondens autē Iesus ait illis: Erratis nesciētes scripturas, neq; uirtutē dei. Habet Marc. Nonne ideo erratis, quia non intelligitis scripturas, quibus resurrectio mortuorū astruitur, cæteraq; vera erroribus vestris contraria dogmata? ex ignorantia enim scripturarū de omnipotētia Dei infidelitas oritur. Cuius cōsideratio, etiāsi nullæ sacre scripturæ extarēt vos ab errore reuocare deberet. Hinc etiā hodie in his quæ ad religionē spectāt oritur oīs error, vel quia nō intelligūtur sacre scripturæ, vel quia nō putatur plura Deus posse, quā capit, aut naturaliter intelligit ingeniū humanū. In resurrectione enim neq; nubēt, neq; nubētur. Vos futurā resurrectionē ad vitā carnalē existimatis, atq; proinde resurrectionis dogma scripturis Moyfi aduersari dicitis: cæterū resurrectio futura sine omni carnalitate, nulla prolium successione egens, merè spiritalis, & angelica futura est. Ex hoc argumētatur Orig. Si post resurrectionē vxores ducēdæ nō sint, ergo nō habebūt hoīes genitalia, & per cōsequēs, neq; cætera mēbra atq; ita carnis resurrectionē tollit, quasi nullus in futura vita mēbrorū vsus nisi carnalis esse queat, cū tamē in hac vita sexus per gratiā Dei uiuat sine operibus sexus. Imò ex hoc loco potius sequitur, in resurrectione hoīes in diuerso sexu resurrecturos, & oīa mēbra citra matrimonialē cōiunctionē habituros. Quoniā de his qui nuptijs per naturam uti nō valent, sicuti de angelis, vel lapidibus, nemo sapiens dicit quod nō nubēt, cū hoc luce meridiana clarius sit. Cōsulatur Hiero. epist. con. errores Hierosolymitani & Epipha. in hēresi Origenis, & Au-

1. 1. 11. de
ciuit. dei
cap. 17.

& August. Certè si sexus fœmineus ibi futurus nō esset, facillè Saluator respōdere poterat, non erit ibi fœmina, neq; sexus. *sed sicut angeli dei in cœlo erunt.* Istud facit contra illud dogma Origenis, quo docebat ex animabus hominum fieri angelos, nō aduertens quod Saluator angelicā similitudinē, non naturā promittat. Pro quo Hieronym. & Epiphanius locis prædictis cōsulendi sunt. Habet Lucas: AEquales enim erunt angelis Dei, per quod significatur æqualis fœlicitas, & vitę spiritualitas. Ex quo tanquam fidei dogma colligit August. quod nullus sanctorum angelorum de suprema fœlicitate sit casturus. Refutat etiam saluator hoc loco alterum eorum errorem, quo angelos esse negabant.

Lib. 11. de ciuita. Dei cap. 13. de correp. & gra. ca. 10.

De resurrectione autem mortuorum non legistis, quod dictum a deo est, dicente vobis. Ego sum deus Abraham, deus Isaac, & deus Iacob. Istud in Pentateucho Moyfi, quem vos solū recipitis clarissimè habetis. Alioqui clariora ex Prophetis testimonia adduci poterant, vt ex Dan. cap. 12. *Non est deus mortuorum, sed uiuentium.* Non dedignatur Deus pater earum rerū quæ penitus interierunt Deus vocari, sed tantummodo illarū quæ adhuc subsistunt, si igitur animæ Abraham, Isaac, & Iacob, cū corporibus suis (vt dicitis) interijssent, nunquā illorum diceret se esse Deū. Dicitur autē peculiariter Deus Abraham, Isaac, & Iacob, quoniam hi singulari in Deum fide vniuerso mundo ad idolatriam declinante, emicuerunt, & quia singulares Dei promissiones de Christo, & patria cœlesti ante cæteros illis factæ sunt, vt scribit etiā Apostolus. Augustinus aliam mysticam assignat rationem, quod videlicet ex semine istorum propagatum est omne genus humanum. De ancillis & liberis.

Heb. 11. Tracta. 11. super Ioan.

Vt ipsi quidem gerant Dei personam, ancillę autem & liberę matres, baptizantiū, filij baptizatorū.

Sicut

A. 3.

Sicut ergo verus baptismus cōfertur malis per malos & bonos: & malis per malos & bonos: ita ex sancto Abraham natus est ex Sara libera bonus Isaac, ex Agar ancilla malus Ismahel. Ex sancto Isaac sancta q̃ Rebecca, malus Esau & bonus Iacob. Ex sancto deinde Iacob boni etiam ex ancillis. Quæ autem persona hoc dixerit. Ego sum Deus Abraham &c. dubitat Augustinus: verum tamen cuilibet personæ tribui potest: vnde Petrus patri tribuit. Atque magis conueniens est quod vna persona, quàm tota trinitas loqui intelligatur.

Et audientes turbæ, mirabantur in doctrina eius, quia tanta cum authoritate ostendebat quamobrẽ Sadducei in errores suos incidissent, & qualis esset post resurrectionem sanctorum vita futura: denique quia breuiter eorum fundamentum, quæstioni illudens, prorsus euerterat.

Pharisæi autem audientes quod silentium imposuisset adduceis, quos ex scripturis erroris conuicerat, conuenerunt in unum, & interrogauit eum unus ex eis legis doctor id est scriba, & legisperitus, tentans eum fallere cupiens, sperans quod aliquid legi contrarium responsurus esset vel legem Moyse non magni faciendo, vel corrigere eam præsumendo. Sic Teophylactus. Vnde dicere, oportet hunc scribam Domini responsione fuisse correctum, quoniam Marcus ait Dominum ei dixisse: Non es procul à regno Dei. Augustinus aliter, vt ipsam tentationem non accipiamus malam, tanquam decipere volentis inimicum? sed cautam potius, tanquam experiri amplius volentis ignotum. Vt autem melius intelligi possit cur hic scriba Dominum tentauerit, expendendum est quod in euangelio Marci dominicam approbans responsionem, dicat dilectionem Dei, & proximi, cunctis holocaustis, & sacrificijs præferendam: ex quo ostēditur inquit Beda, grauem sæpe inter scri-

bas

Marc. 12.

Lib. 2. de

consensu e-

uange. c. 73

super Mar.

bas & Pharifæos quæſtionem eſſe verſatam, quodnam eſſet primum mandatum diuinæ legis: quidā enim hoſtias, & ſacrificia, atq; ſabbati obſervationē omnibus præferebant, alij verò dilectionis opera, quod plurimi patrum ante legem ex fide tantum, quæ per dilectionē operatur, Deo placuiſſent. Iſtud ſentiebat hic ſcriba, & experiri cupiebat utrū Chriſtus idē ſentiret. Ex his, & quia Lucas quosdā Scribarum, Domini reſpoſionem Sadducæis factā laudāſſe dicit, apparet Pharifæorum conuenticulum cuius meminit Matthæus, contra Dominum non fuiſſe factum: quin potius vt quæſtionis reſolutionem audirent. Porro Auguſtinus probabilius putat eundem non eſſe legisperitum, cuius in Luca fit mentio, quia alio ordine recenſetur, & malus fuiſſe dicitur. Poſſe tamen non idem intelligi fuiſſe, ita videlicet, vt ſcriba interrogauerit, Quod eſt illud mandatum quod maximè facit ad aſſequendā vitam æternam, & Chriſtus illi reſponderit, nonne ſcriptum eſt in lege, diliges Dominum Deum tuū: hoc mihi videtur inter mandata maximum. Magna inter Scribas erat cōtrouerſia, quiſnam proximus dicendus eſſet, vnde ſaluti ſuæ conſulens merito hoc interrogauit: quidam enim Pharifæi docebant licitum eſſe odio proſequi inimicum (vt patet quia in hoc Dominus eos reprehendit) diliges Dominū Deū tuū ex toto corde tuo, et in tota animata tua, et in tota mente tua. In quatuor ſcripturæ locis iſtud mādatum eodem ſenſu, verbis tamen diſcrepantibus habemus. Per Cor, voluntas, per mentem intellectus intelligitur vt ex Marco patet, Per animam vero vita, vel appetitus ſenſitiuus, & per fortudinē (quæ in Deutero. ponitur) exequutiua potentia. Subinde ex his vnicum nempe (ex toto corde) ponitur, vt hic: Conſiteor tibi Domine in toto corde meo: interdum duo, interdum tria, interdum etiā qua-

Cap. 10.

Deut. 6.
De præcepti
huius intel-
ligentia, et
in hac vita
quatenus
impleatur
habet cap.
ult. explica-
tionis in De
calogii eius-
dem autho-
ris.
Pſal. 9.

IN MATTHAEI

quatuor explicationis gratia. Hoc est maximum, & primum mandatum, quia charitatem Dei præcipit, quæ virtutum maxima, & dignissima est, ad quam cætera præcepta ordinantur. Aliter etiam maximum dicitur, quia cætera mandata tanquam maximè generale comprehendit: qui enim diligit Deum, omnia mandata eius obseruat, qui autem in aliquo delinquit, istud non complet. secundum autem simile est huic, quia etiam dilectionem præscribit. Secundum autem vocat, quia post dei dilectionem, proximi dilectio maxima est, dilectio enim sui ad quam homo naturaliter fertur, non habet speciale mandatum, & omnia quæ de proximo præcepta sunt ad eius dilectionem referuntur. Diliges proximum tuum. Propinqui nomine quilibet homo intelligendus est, quia natura, & capacitate æternæ gloriæ nobis est socius, vt ait Aug. Vnde & angeli sancti, quia socij nostri in æterna gloria erunt, proximi dicendi sunt, quin etiā Christus secūdū humanā naturā. malè ergo Origenes inimicū exclusit. sicut teipsum rectè scilicet, & ordinatè diligis, vel diligere debes teste Augustin. Multi enim peruersè se diligūt. In hoc quod dicit (sicut teipsum) vult dilectionem sui præcedere dilectionem proximi, exemplar enim id præcedit, quod ad illud formatur, vnde ex hoc præcepto Aug. ordinè esse ponendum docet. Quare audiendi non sunt, qui in annotationibus suis, vt Erasmus, & alij, hunc ordinè peruertunt, nā scriptū est. Miserere animæ tuæ placens Deo. Charitas autem primò omnium à Deo incipit. Secundò à seipso. Tertiò ad proximum dirigitur. In his duobus mandatis vniuersa lex pendet, & propheta. Dicit Augustin. Dominus in duobus præceptis dixit legem & prophetas pendere, vt intelligeremus quicquid aliud diuinitus præceptū est, in his duobus finem habere, & ad hæc duo esse referendū. Aliam interpreta-

Aug. penul.
ca. Ench.

Lib. 1. de do
ctri. christ.
ca. 23. 29. 31
Hom. 2. in
cant.

Lib. 1. de do
ctri. christ.
ca. 22. & 25.

Ench. 76

eccl. 30

Lib. de per
fect. iustitie
cap. 30.

tio-

tionem habet lib. de doctrina Christiana, & in En- Lib. 1. c. 35.
chiridio : Quare autem scriptura frequentius dicat Or 36. an-
in dilectione proximi legem, & prophetas pendere che. penult.
supra abundè dictum est. Cap. 7.

Congregatis autem Phariseis, qui scribæ, vel inter
quos scribæ, id est, doctores legis erant, vt ex Mar-
co patet, interrogauit eos Iesus, non vt disceret, sed vt
totum populum Iudaicum doceret incarnationis
sux mysterium, ex cuius ignorantia vsque adeo
scandalizati sunt, vt eum tandem crucifigeret: ete-
nim purum hominem Christum existimârunt, at-
que ideo dum se æqualem patri diceret, tanquam
blasphemum persequuti sunt, & crucifixerunt. Vt 10. 8 et 10
igitur Christus hoc scandalum amoueret, ex plu- 10. an. 5.
ribus scripturis vnâ proponit, ex qua discere Matth. 26.
possent eum esse Deum. Quid uobis uidetur de Christo? 10. an. 12
id est, de Messia in lege, & prophetis promisso, quē
quotidie expectatis? cuius filius est? ex cuius poste-
ritate nasci debet. Quidam Neoterici sic accipiunt
(est) vt sensus sit, ex qua tribu natus est? quasi di-
cat, iam enim natus est, sed non sic intelligendū vi- 2 Reg. 7
detur, quoniâ Pharisei dicunt ei (Dauid) non enim Ierem 23.
eum iam natū ex Dauid dicere volebant, sed quod Isa. 11.
nasciturus esset, quod ex libris regū, Ieremia, Esaia
& Psalmis didicerant. Ait illis, ita tamen vt Phari-
seis loquendo, sermonem suum ad vniuersum po-
pulum dirigeret, quem à scribarum doctrina retra-
here cupiebat, vt ait Augustinus. Quomodo ergo Da-
uid in spiritu vocat eum Dominum? id est per spiritū san- Lib. 1. de cō
ctū, nō aliquo errore seductus: Cōcessum est enim sen auanz.
apud vniuersos Iudæos, quod Dauid ex spiritu ca 74.
Domini Psalmos cōposuerit. Dicens, dixit Dominus,
scilicet pater, Domino meo. i. Messia, seu Christo. sede
a dextris meis. Esto mecū rex & gubernator oīm in
pari mecū gloria, scēlitate ac potestate. Sessuri
sunt ad patris dexteram etiā omnes sancti, sed lōge
infē-

IN MATTHAEI

inferiori honore, gloria, ac beatitudine & potentia. *donec ponam inimicos tuos*, id est, Donec omnes tui nominis hostes & cōtemptores, Paganos, ludæos, malos Christianos, perfectè tibi subijciam: vt te non iam contemnant, sed adorent aut humiles & lubentes per gratiam, aut per pœnas & tormenta gehennæ coacti & inuiti. si ergo *Dauid uocat eū nōminum*, quem singulariter colebat, & per quem redimi expectabat, *quomodo filius eius est?* hoc est, quomodo cū eo cōstat, quod Christus multos post annos nepos eius futurus est, & ex eius stirpe nasciturus? Non negat Christus hic se filium Dauid, sed modum quo id fiat quærit, sicuti Maria quādo dixit: Quomodo fiet istud? verba Angeli vera nō negauit sed modum quo id fieret exquisiuit.

Et nemo poterat ei respondere uerbum quia nesciebāt Christum simul esse Deum, & hominem *ne, fuit ausus quisquam ex illa die eum amplius interrogare*, quia quæstionem eius non poterant soluere, & quicquid ad fallendū machinati fuerant eis non succedebat, sed in omnibus gloria Christi augebatur. Quemadmodū & hodie Ecclesiæ persecutores eam maximè illustrent. Augustinus: miseri (inquit) Iudæi dicerent, Tu dic nobis, sed maluerunt inflata taciturnitate disrumpi, quā humili confessione edoceri. Iudæi hodierni huic quæstioni respondere conātur, dicentes, hic loqui Damascum Eleazarum, qui erat vernaculus Abraham, hoc pacto, dixit Dominus pater Domino meo, id est, Abraham, Sede à dextris meis, id est, sis securus. Vel dixit, scilicet mihi (vt ipse Dauid intelligatur loqui) Domino meo, id est, pro Domino, hoc est, pro Saule, regna tu Dauid. Cæterum constat Christum esse filium Dauid secundum humanam naturam, quam ex Maria sumpsit, quæ fuit de progenie Dauid, Dominū verò Dauid, secundum id quod natus ex patre semper

LUC. I.

psal. 109

per fuit, id est, secundum diuinitatem. Sic Hieronymus. Secundum humanam tamen naturam etiam Dominus eius fuit, vt Augustin. ex Apostolo docet, non quasi ratione humanæ naturæ Dauidi dominetur, sed quia humana natura in vna persona diuinitati est coniuncta. Vide August. contra sermonem Arrianorum.

*In commēt.
Psal. 107.
Cap. 2. ad
Philip.
Cap. 11.*

IN CAP. VIGESIMVM TERTIVM.

Matthæi.

Tunc quando nimium elati, vtilissimæ quaestionis solutionem querere sunt dedignati, *Iesus locutus est clara, & aperta voce, vt omnes audire possent. super cathedram moysi, in auctoritate docendi, & honore magisterij, sederunt scribae & pharisei.* Vel super cathedram, vnde scilicet Lex Moysei docebatur: vbi causa, pro effectu sit posita. *omnia, quoniam in docendo, & prædicando legem, Moysei successerunt, quæcunque dixerint vobis seruanda ex lege Moysei, seruate & facite, opere complete.* Non omnia in vniuersum quæ Moyses præcepit vult obseruari, multa enim abrogata sunt, sed ea duntaxat, quæ iam adhuc in vsu sunt: *secundum uero opera eorum nolite facere, id est, malè vitam instituere.* Magnam Dominus desert veteris testamenti impijs sacerdotibus reuerentiam, propter ministerium quod exercent: vnde hortatur vt populus eis subijciatur, & doctrinam eorum recipiat, etiam si opera eorum pessima sint. *Allegant autem onera graui, & importabilia, & imponunt in humeros hominum.* Reprehendit Dominus modum eorum docendi pessimum, quo docebant sufficere ad mandatorum Dei obseruationem legis cognitionem, vnde rectè à Domino audiunt. *Digitò autem suo nolunt ea mouere, ne in minimis quidem perface-*

Z re: sine

IN MATTHAEI

re : sine enim gratia Iesu Christi mandata seruari non possunt, cum scriptum sit: Iustus ex fide uiuit. Quod pulchrè declarat Petrus, eos qui credètes ex gentibus circumcidi docebant, increpando dicens: Et nunc quid tentatis Deum, vt imponatis iugum super ceruices discipulorum, quod neq; nos, neque patres nostri portare potuimus, sed per gratiã Domini nostri Iesu Christi credimus saluari, quẽadmodũ & illi. Idẽ declarat Aug. ad Optatũ scribẽs: Hęc mandata sine gratia Christi importabilia omninò sunt, & leuia fiunt homini ad Christum confugienti, & dicenti : doce me seruare mandata tua, quia Deus meus es tu. *omnia uero opera sua faciunt, ut uideantur ab hominibus.* Reprehendit in eis inanis gloriæ appetitum, & ambitionem quæ etiam hodie in Clero fouetur: vnde Chryso. Tolle hoc vitium de Clero, & sine labore reliqua refecabis, *dilatant enim phylacteria sua* Phylacteriũ significat custodiã, vnde Hiero. putat apud Iudæos fuisse mēbranã quandã, in qua scriptus erat Decalogus, quã in fronte quasi coronã ligabant, vt mandata Dei semper ante oculos eorũ mouerẽtur: sic enim sibi mandatũ esse intelligebant, quod eis dictũ erat: mouebuntur inter oculos tuos &c. Reprehendit ergo Saluator quod ista phylacteria præ cæteris Pharisei haberent latiora, vt tãtò sanctiores viderẽtur. *Et magnificant sim brias.* De fimbrijs in Num. legimus, vbi mādatur eas constitui Dñs in quatuor angulis palliorũ, hoc est, in duabus manicis circa collum, & inferiori parte. Has ergo gerebant ex mandato Dei, dēs Iudæi, etiã ipse Christus, nam mulier fluxu sanguinis iamdiu laborans, de Christo dixit. Si tetigero tantũ fimbriã vestimenti eius, salua ero. Pharisei has similiter cæteris maiores gestabāt, vt tantò meliores viderentur. Mandatur etiã vt in fimbrijs istis vittaꝝ hyacynthinas, sive funiculos cęrulei coloris, ponāt vt illis

act. 15.

epist. 157.

in hunc lo-
cum.

cap. 15.

matth. 9

vt illis visis, omnium mandatorum Dei recordarentur. Hæ vittæ videtur dici phylacteria, quia per eas mandatorum Domini conseruabatur memoria: Cæruleæ autem coloris erant, vt de cœlestibus mandatis admonerentur: vnde dicitur, funiculos facies in simbrijs tuis. *A mant autem primos recubitus in cœnis, conuiujs ex ambitione, & primas cathedras in synagogis,* in quas legem docturi ingrediebantur. Et vbi maximè requirebatur humilitas, suprâ modū regnabat ambitionis, & gloriæ vanitas, & salutationes in foro, loco publico, vbi à multis conspici possent. Et vocari ab hominibus Rabbi, id est, magister. Chryso. supplet (& non esse) ita vt nomē appetât, & officium negligant. Notat Beda super Marcū, salutari in foro, & primo sedere loco, Dominum minimè vetare, quibus officij ordine hoc competit, sed vetat inordinatum & indebitum eorum affectum & appetitum, ita vt animum redarguat, non gradum. Quam sit periculosus prælatorum status, habet liber Sapient. Quoniam iudiciū durissimum in his qui præsunt fiet, & potentes potenter tormenta patientur. Nemo primatum Ecclesiæ appetit, inquit Chrysostomus, nisi qui non timet iudiciū diuinum, quia aliàs esset pro se solo anxius. Quatenus autem primatum appetere liceat habes apud Augustinum cap. 19. de ciuitate Dei, & apud Diuum Thomam in secunda secundæ. Quam verò difficile sit, sic præesse alijs, vt non se misceat ambitio vel cupiditas, honor & primatus, aut proprium commodum, declarat August. epist. ad Aurelium Episcopum, & lib. 10. Confess.

v nus est hic magister uester, qui principaliter omnē scientiam docet, & cui ob magisteriū honor debetur, & ad superiorē nō refertur. De magisterio Christi scripsit Augustinus librū, ad ostendendū solum

Dent. 12.

Homeli. 43.

in opere imperfecto.

1. Tim. 1.

sap. 5.

Quest. 185.

art. 1.

Epist. 64.

cap. 36. &

sequent.

IN MATTHAEI

Deum esse magistrum, nam docere alium, est facere in eo scientiam, is autē qui exhibet sensibus corporis, vel menti nostrae ipsas res, dicitur docere, homo autem tantum quaedam signa rerum auribus insonat: nam si quis mirabilia de sole proponat, & differat, nunquam plena eius notitia in particulari habebitur, nisi prius Deus illum oculis conspiciendum exhibeat. At si solem facere posset tunc docere diceretur, teste Augustino libro citato. *omnes autem uos fratres estis.* Nullus vestrum ita magister est, ut magisterium eius aliud non sit referendum, sed omnes fratres estis ex vno patre Adam orti: Vel hoc modo, Omnes vos, scilicet Christiani discipuli, fratres estis ex vno patre Deo, qui solus omnium renatorum magister est: *et patrem nolite uocare super terram* principalem scilicet. Prohibet Dominus honorare patrem, & matrem supra Deum. Infra enim verò honorare praecipit. Porro Pharisei ex inani gloria patres Iudaici vocari volebant, quorum superbiam hoc loco reprimat: videturque magis ad spiritualem paternitatem, quam ad carnalem respicere, siquidem Pharisei non patres carnales, sed spirituales vocari cupiebant. Aliter Augustinus: In testamento (inquit) nouo per sanguinem mediatoris deleta paterno chirographo, incipit homo paternis debitis non esse obnoxius renascendo quibus nascendo fuerat obligatus, ipso mediatore dicente, ne vobis patrem dicatis in terra, secundum hoc utique, quod alios natales, quibus non patri succederemus, sed cum patre semper viueremus. inuenimus. *Nec uocemini magistri.* Istud secundum glossam non differt ab illo, nolite vocari Rabbi. Quia enim apparebat quis omnium esset pater, vult ostendere quis omnium esset magister, unde praecipit de magistro repetit. Aliter Erasmus, per Rabbi significari putat doctorem, per magistrum verò

1. ih. 6. cōt.

1. iulian. c. 12

verò, moderatorem, ac vitæ gubernatorem, qualis est in domo sua paterfamilias. Prohibet honoris & eminentiæ ambitionem, deinde vt summus ille honor, qui summo debetur nulli tribuatur sicuti priùs nulli tribui voluit nomen patris.

Væ autem vobis scribæ & pharisæi. Vobis simulatoribus sanctitatis, æterna damnatio, & maledictio imminet, *quia clauditis regnū cælorū ante homines.* Non solum vos ipsos à regno cælorum impeditis, verum etiam quantum in vobis est, cæteros retinetis. Similes sunt Sathanæ salutem nobis inuidenti: quales & hodie (proh dolor) multi adhuc reperiuntur. Quanquam plurimis modis potest quis alium ab ingressu regni cælorum impedire. Varia est huius scripturæ interpretatio. Quidam enim hos mala, & scandalosa vita impediuisse intelligunt, vnde Hieronymus in Commentarijs: Omnis (inquit) magister qui scandalizat suos discipulos mala sua vita, claudit ante eos regnum cælorum. Alij verò ideo, quia verum intellectum legis, & prophetarum per quem homines ad notiā Christi peruenire poterant, auferebant. Et videtur Christus sic intéllexisse quia isti Scribæ, & Pharisæi scripturas per quas credere Christo poterant, peruertebant. Atque istud videtur idem esse cum eo quod dicit Lucas: *Væ vobis legisperitis, quia tulistis, id est, abstulistis clauem scientiæ, id est, intellectum scripturæ sacræ, per quem nosci poterat Christus.* Sic Hieronymus Scribas, à populo viam salutis abscondisse intelligit, & Augustinus clauem scientiæ, dicit esse scripturam, quæ loquitur de humilitate Christi, quam nec ipsi Scribæ intelligere, nec ab alijs intelligi volebant, per cuius tamen intellectum potuissent intrare in thesaurum, qui est fides in Christum, sed abstulerunt illam scripturā legis, & prophetarum, eam peruertendo, & malè

cap. 17.

in cōment.

Lib. 2. quæ.

euan. q. 23

IN MATTHAEI

docendo. Benè intelligebant, & cōcedebant: Christum esse hominem, imò purum tātum hominem eum dicebant, sed intelligere nolebant eum tā humili aduentu venturum, quia putabant Christum in magna potentia, & gloria venturum: vnde quia humili aduentu venit, eum esse Christum non crediderunt. Quomodo autem ex scripturis veteris testamenti quis ad notitiam fidei adducatur, declarat Augustinus lib. 12. & 13. contra Faust.

Ve vobis scribes, & pharisæi hypocritæ, quia comeditis domos viduarum. Notat gulam eorum qui satisfaciebāt venando nummos, simulatione sanctitatis. Vos (inquit) abliguritis integras familias viduarum, illas planè ad inopiam redigētes. Hypocritæ avari maximè solent cum viduis cōuersari, quia illę incautę sunt, atq; facilè decipiuntur. Vult ergo saluator dicere: Viduis oportebat magis subuenire cū sint auxilio coniugis destinatę, qui eas, & proles defendat, vos autem non solū nō protegitis, sed eas exhauritis, quare grauissimè delinquitis. *orationes longas orantes.* Clarius Lucas, longam orationē simulantes: in veritate enim non diu orabant, sed se orare simulabant: *propter hoc, amplius accipietis iudicium,* id est, maiorem condemnationem. Vtrum autem si Phariseorum aliquis fuisset ad Christum conuersus, obligatus fuisset ad restitutionem, tractat Adrianus, sed non satis plenè, nam inter Phariseos distinguendum est: vel enim pastores, & sacerdotes publici erant, vel priuati. Si publici ad restitutionem tenebantur, quia tanquam sibi debitū accipiebant: siquidem pastori bene pascendi datur victus, & amictus honestus, tanquam iure naturali debitus. Sin autem priuati, tanquam elemosynā accipiebant, vnde ad restitutionem non tenebantur. Nam tametsi donatores sperarent eos oraturos, non poterant tamē eos ad hoc obligare & iure exige-

exigere. Neq; enī spiritualia, precio cōpari possunt.
*va uobis scribæ, & pharisæi hypocritæ, quia circuitis
mare, & aridam, ut faciatis unum profelytum, & cum fuerit
factus, facitis eū filiū gehēnæ duplo quā uos.* Significat ma-
ximam Pharisæorū in cōuertendis hominibus ad
Iudaismū diligentia, ita vt totū orbē huius rei gra-
tia lustrarent, cū tamē ipsi potius obessent eis, quos
cōuertebant. Notat ergo tantū in eis nō salutis gē-
tiliū, sed inanis, & vanæ gloriæ fuisse studium. Hoc
autē studiū conuertendi gentiles, videtur primū
à sanctis exortū, postea verò à Pharisæis cōtinua-
tū: vel propter avaritiā, vel propter inanē gloriam.
Quæritur quomodo isti Iudæi inter gētiles tuti es-
se potuerint, cū diuersum ab eis ritū profiterentur?
etenim illi vnū Deū colebāt, quē Deū cœli voca-
bāt, hi verò plures deos. Putarunt quoq; gentiles,
quòd Iudæi solē, & lunā, & nubes adorarent, quòd
Deū cœli colerent (vt refert Iuuenalis in Satyris)
Hoc autē studium maximè inter Pharisæos viguit,
postquā Iudæi à Pompeio dispersi fuerunt per im-
periū Romanum, tunc enim tutò orbē peragrarūt:
nam ubiq; suę religionis quosdā inueniebant, apud
quos leges suas seruare poterant: vnde sæpe descri-
bitur Paulus inuenisse synagogas Iudæorū apud
Gentiles. In hoc quod dicit (vnū profelytū) innuit
eos parū fuisse efficaces in conuersione multorū
quando pro vno, tantum subibant laborem. Profē-
lyti, aduenæ vocabantur apud Iudæos, quia non
erant ex genere Israël, eandem tamen cum Iudæis
religionem seruabant, & profitebantur. Hos autem
praua sua doctrina, & exemplis peiores faciebant,
quia ad pristinā religionē redibāt. i. ad Gentilismū:
vnde eos in malitia superabant, quia (sicut ait Chry-
sostomus) cum virtuosus fuerit magister discipu-
lus adhuc satis difficulter imitatur eum: si au-
tem malus, discipulus duplo peior erit. Aliam

IN MATTHAEI

Lib. 16. cō. assignat Augustinus huius rationem, dicens, quia
Paul. d. 12 hoc discipuli isti siue profelyti negligebant imple-
 re, quod propria voluntate susceperant, non ex Iu-
 daeis nati, sed sponte Iudæi facti. Hinc patet quan-
 tum quis peccet non implendo, quod sponte vo-
 uit, vel suscipere voluit. Hieronymus intelligit il-
21 cōment. lum esse semel filium gehennæ, qui ex ignorantia
 peccat, qui verò sciēter, dupliciter. Ideo autē magis
 dupliciter peccabat profelytus, quia vita Phariseo-
 rum offensus ad gentilitatem reuertebatur, ad quā
 Pharisei nondum acceperant. Hilarius istud ver-
 bum Domini, Circuitis &c. intelligit esse prophe-
 ticum, vt prænunciet quod toto orbe terrarū Iu-
 dæi essent obtrectaturi euangelio Christi, & ali-
 quos, ad suam perfidiam pertracturi, paucos ta-
 men: vnde in vno eorum raritas iudicatur. Hic au-
 tem pœnæ duplicatæ, seu dupliciter gehennæ di-
 citur filius, quia neque remissionem gentiliū pec-
 catorum, id est, quæ in gentilitate commisit, potest
 consequi apud Iudæos, qui potius eorum peccatis
 qui Christum cruci confixerunt, implicatur.

*vt vobis duces cæci, doctores multis vitijs, & er-
 roribus obtenebrati, qui dicitis quicumque iurauerit per tē-
 plum, nihil est, id est, non tenetur suo iuramento qui
 iurat per templum. Vel sic, qui peierauerit per tē-
 plum non erit reus periurij, qui autem iurauerit in au-
 ro templi, id est, per aurum quod in templo offertur,
 vel templi parietibus est affixum, aut quo mini-
 stratur in templo, vt sunt vascula, &c. Dehinc est, id
 est, iuramento obligatur, aut si peierauerit reus erit
 periurij. Volebant Pharisei, iuramentum quod per
 creaturas fiebat, nullius esse momenti: existiman-
 tes illud, Non peierabis in nomine meo, nec pol-
 lues nomen Dei tui, tantum iuramentum per Deū
 factum interdicere. Excipiebant autem quasdam
 creaturas avaritiæ suæ seruientes, per quas si quis
 iura-*

iurasset, iuramento teneri docebant, quoniam eas cupiebant vulgo facere commendabiles, vt sapius illas offerrent. Vel considerantes id quod scriptum est, iuxta mensuram, & æstimationem delicti, debere vnumquemque offerre: vnde quando aliquis aliquid Domino vouerat, & hoc permutabat, vtrumque debebat offerri & id quod vouerat & illud quod mutauerat, vnde peierantem per aliquod oblationi idoneum docebant non posse liberari à reatu peiurij, nisi offerret id per quod peierauerat. Quorum sententiam ita Christus redarguit, vt doceat per nullam creaturam esse peierandum, quod omne tale iuramentum sit per Deum, in qualibet creatura relucet, & quâlibet creaturâ gubernât. In eo stultitiâ eorû coarguit quod digniorê creaturâ indigniori postponebât, dicēs: *quod enim maius est aurû, an templû, quod sanctificat aurû* Quasi dicat, Templum longè dignius est auro, templum enim sanctum est, etiamsi nullum aurum in templo sit, propter inhabitantem Deum: aurum verò priusquam in templum inferatur non est sanctum, sed in prophanos vsus conuertere potest: sanctificatur autem per templum. Igitur si iuramentum per minus, nempe aurum, obligare docetis, nōne stultum est docere iuramentum per templum nihil esse? et dicitis, *quicumq; iurauerit in altari nihil est: quicumque autem iurauerit in dono, quod est super illud, id est, per donum, sacrificium, vitulum, arietem vel simila &c.* Quæ tunc offerebantur debet. *stulti & cæci, quid enim maius est, donum, an altare quod sanctificat donum?* Altare sanctificat donum, quia poterant dona ad prophanos vsus applicari antequàm attingebant altare, in altari autem dicabantur Deo, vnde ab altari sanctificationem accipiebant. Iuramentum autem nō fit per altare secundum se, siquidem attestari nequit: at fit per Deum, cuius veritas in altari relucet; & qui

Leu. 5. et 6

Leuit. ult.

IN MATTHAEI

qui in altari colitur. Relucet autem veritas in altari, non solum quia est idoneus cultui diuino locus, sed maxime quando in illo colitur Deus per sacrificia. Qui iurat ergo per altare, iurat etiam per donum: si igitur iuramentum per dona(iuxta vestram doctrinam) hominem obligat, etiam iuramentum per altare hominem obligabit. Quod autem Christus dicit de templo, & caelo, etiam de omni alia creatura sentiendum est: ita ut per quamcunque creaturam iurans, per Deum iuret, ut docet Augustinus lib. 1. de sermone Domini in monte cap. 31.

v. e vobis scribae, & pharisei hypocrite: quia decimatis mentham, & anethum & cuminum. Hieronymus accipit(decimare)pro decimas exigere. Augustinus verò pro decimas dare, cui fauere videtur Lucas capite vndecimo, in eundem sensum decimationem accipiens. Date, inquit, eleemosynam & ecce omnia munda sunt vobis: sed vix vobis Phariseis qui decimatis mentham &c. vnde apparet has decimas fuisse Phariseorum eleemosynas, ut ibidem habet August. De quibus & vnus eorum apud eundem Euangelistam se commendans, decimas, inquit, do omnium quæ possideo. Quamquam enim multi Scribarum essent etiam Leuitæ accipientes à populo decimas, debebant nihilominus decimarum suarum decimas sacerdotibus dare.

Num. 18. Cæterum quod Augustinus loco supra citato decimas appellat eleemosynas, non ita est accipiendum, quasi decimæ in veteri testamento debitæ, omnes eleemosynæ fuerint, sed quia quædam huiusmodi essent. Ad cuius rei intelligentiam, tenendum est, triplicis generis decimas Iudæos dedisse. Erant enim quædam earum quæ cædebant in vsum & sustentationem

*Ethn. c. 76
& ser. 3. de
verb. Dom.*

LUC. 18.

Levi. 76.

nem Leuitarum de quibus habes Numero. decimo octauo & Leuitici vltimo: atque hæ erant ex iustitia debitæ. Secundi ordinis decimæ ad locum tabernaculi erant deferendæ, & ex ijs sacrificia offerebantur. Ex his epulabatur qui decimas offerebat, ex ijsdem, & Leuitis partem, & pauperibus eleemosynas dare debebat. Habes de his Deuteronom. 12. & 14. Tertiæ decimæ non colligebantur annis singulis, quemadmodum priores, sed tertio duntaxat anno. Atque ex his habebant Leuitæ partem, & pauperibus etiam eleemosyna dabatur. Nec in alios vsus poterant à Domino & possessore conuerti: vt videre est Deuter. 14. & 26. Vnde Augustinus lib. quæstio. in 14. cap. Deuteronom.

Et reliquistis quæ grauiora sunt legis, iudicium & misericordiam, & fidem, id est, Legis minutias valde scrupulosè obseruatis, sed grauiora præcepta, & quæ maioris sunt momenti negligitis: vt iudicium, falsam sæpenumero in iudicialibus causis ferentes sententiam, aut iudices ipsos corruptentes: misericordiam, erga pauperes: & fidem, in Deum. August. tractans in Enchiridio similem huic apud Lucam locum, vbi sic legitur, Et præteritis iudicium & charitatem Dei, per iudicium condemnationem intelligit qua nos Deus ob peccata est condemnaturus. per charitatem, misericordiam Dei qua filium suum pro nobis tradidit. Sed quia subiicit Saluator, hæc oportuit facere magis placet prior interpretatio iudicij: neque enim nos dicimur facere iudicium Dei. Idem tamen sermone tertio de verbis Domini, per charitatem seu misericordiam intelligit dilectionem, qua Deum, proximumque ac nos ipsos diligimus. Vbi tamen non videtur legisse apud Lucam genitium (Dei) vt fecisse tamen eum apparet in Enchirid.

IN MATTHAEI

Hæc oportuit facere & illa non omittere. Hoc addit, ne quis eū reieciſſe aut prohibuiſſe arbitraretur minimarum etiam rerum decimationem, quaſi dicat, rectè facitis etiam hæc donando, ſed peſſimè omit- tentes ea quæ in primis à Deo requiruntur.

Quæſt. 87.
artic. 2.

Quærat fortè quiſpiam vtrū hæc minutiffima- rum rerum & viliorum holerum decimatio, fue- rit etiam lege præcepta. D. Thomas in ſecunda ſe- cundæ, putat non fuiſſe, atque illud: Hæc oportuit non omittere, ait ſignificare non præceptum, ſed decentiam quādam. Verū alij, quibus verba Sal- uatoris magis fauent, putant omnium abſolutè re- rum decimationem præſcriptam, etiam viliū her- barum: quanquam veriſimile non eſt, quòd ſingu- larum plantularum decimum quodq; folium dare tenebantur, neque enim adeò exactè & rigidè ob- ſeruandum præceptum hoc erat.

Duces cæci excolantes culicem, camelum autem glutientes. Prouerbialis eſt ſermo in eos congruens qui cū in rebus minimis admodum ſint anxij, in rebus maximis ſunt negligentiffimi. Metaphora eſt à vulgo petita. Quaſi dicat. Similes eſtis ijs, qui, ſi for- tè culex in vinum eorum inciderit, vinum exco- lant, ne animalculum illud cum vino haurientes, præfocentur, interea camelum ingens & immane animal non modo comedunt, ſed ne deglutire qui- dem dubitant. Idem prouerbium ab alijs ſic effer- tur. Ex humili tumulto magnum faciunt Olympū. Quærat quis, an Dominus ſcrupuloſitatem hic re- prehendam. Reſpondeo quandam, ſed non omnem: Triplex autem vulgò ſcrupuloſitas dicitur. Prima qua magna cum diligentia peccata minima vitan- tur, non tamen maioribus neglectis & hæc impro- priè ſcrupuloſitas vocatur, cum nihil aliud ſit quā timor Dei, à quo quidam timorati, vt Simeon, & Iob in ſcripturis vocantur. Secunda, quia nimirū qui-

quidam anguntur, ac timent, vbi timendum non est: qua scrupulositate plerumque senes, & mulieres, propter naturam iam infirmatam, ac debilitatam excruciiari solent. Tertia, qua minima maximi, & maxima minimi fiunt: quam in istis Christus reprehendit. Mysticum huius prouerbij sensum habes apud Augustinum lib. 1. quæstio. euangel. ca. 25.

LUC. 1.

IOB. 1.

Pharisæe cœce, munda prius quod intus est calicis, & paropsidis, ut fiat & id quod de foris est mundum. Cura prius, vt quod in calice, & paropside ponitur, sit legitime partum, atque tunc abundè mundi erunt calices. Verùm hæc interpretatio vetustis Doctoribus reiicienda videtur, quoniam apud Lucam occasione illius quod saluator se ante prandium nō lauerat, similia dicuntur. & quia ibi habetur (Quod intus est vestrum, plenum est rapina) quod magis ad mentem, & corporis lotionem spectare videtur. Pro huius intellectu expendendum est, Phariseos existimasse per exteriorem munditiam se Deo placere, vnde ipsis dicit saluator (inquit Augustinus:) Nonne qui fecit quod de foris est, etiam quod deintus est, vt eos exteriora mundasse declaret hoc fine, vt Deo, qui corporis conditor est placerent, quemadmodum etiam supra annotatum est. Sensus igitur est iste: Vos Pharisei externam corporis munditiam extremè curatis, cordis verò curam penitus negligitis, ita vt alienarum rerum cupiditate & rapina pleni sitis, atque libidinis immunditia effluatis: ac proinde similes illis estis qui exteriorem calicis, & paropsidis partem (quam tamen esca non contingit) studiosissimè mundant, interiorem autem, quæ illam recipit sordidatam relinquunt. Mens nostra calix est. Christus verò cibus, qui calice continetur, & sordibus non deletatur. Atque sicuti calix interiorem partem, quæ

LUC. 11.

LUC. 11.

serm. 1. de
verb. dom.

Or in 15. c.

IOH. Or 76.

enchirid.

Cap. 15.

cibus

IN MATTHAEI

cibus contingit habet, exteriorem verò, quæ non contingitur, ita homo duas habet partes: interiorem, quæ anima est, quam immediatè cœlestis cibus Christus contingit. aliam exteriorem, quæ corpus est, quod non nisi per animam contingitur. Pulchrè Augustinus de his iustificare se volentibus ait: Faciunt (inquit) ista scilicet præcepta decalogi sub lege positi, terrenam sceleritatē, vel cupiditate adipiscēdi, vel timore amittendi: & ideo non verè faciunt, quoniam carnalis cupiditas, qua peccatū augetur, cupiditate alia non sanatur. Vnde Paulus qui alium doces, te ipsum non doces. qui prædicas non furandum, furaris?

2ib. 3. cont.
epist. r. eld.
cap. 4.

Rom. 2.

Vae vobis scribes, & pharisei & hypocrita: qui edificatis sepulchra prophetarum, & ornatis monumenta iustorum, & dicitis: si fuissetis in diebus patrum nostrorum, non essemus socii eorum in sanguine prophetarum. Culpat eos Christus, quod operibus, & verbis, ob vulgi fauorem, & inanem gloriam testarentur se horerre patrum suorum perfidiam, & homicidia, quum tamē omnibus parentibus suis peiores essent. Multam pecuniam impendebant in exornandis iustorum memorijs, quia hæc gloria erat diuturna: in monumentis enim scribebatur quinam ea edificassent, & ornassent. In proprijs vitijs erant cœci, in alienis multum oculati. Nam patres suos redarguunt, & maioribus vitijs scædati sunt. Atque hoc semper Iudæi fecerunt, præteritorum sanctorum cultores, præsertim autem contemptores, imò & persecutores. Mentiebantur autem, hæc vulgo persuadentes, & se iustificantes, quoniā ipsum sanctū sanctorū, eiusque discipulos occidere sæpe conati sunt, quod & postmodum suæ cupiditati satisfaciētes impleuerunt. itaque testimonio estis vobismetipsis. Ex operibus, & verbis, ipsos eorum filios esse, qui prophetas occiderunt, colligit. et vos implete mentem

suram patrum uestrorum. Non est exhortantis, vel præcipientis, sed cum magno affectu prædicentis, atque se cordis cogitationes nosse declarantis: quasi dicat: Quod patribus vestris defuit, adiicite: illi occiderunt seruos, vos Dominum crucifigite, & discipulos eius varijs modis conterite. In scriptura tunc iniquitates compleri dicuntur, quando eas Dominus non reliquit impunitas, plenè vindicans & exterminans peccatores: vel quando impios mutat & in meliùs conuertit. In malum sumitur in Genesi, vbi dicitur: Necdum completæ sunt iniquitates Amorreorum, & lib. 2. Machab. Dominus patienter expectat vt Gentes seu Nationes, cum iudicij dies aduenerit, in plenitudine peccatorum puniat. In bonum apud Esaiam: Completa est malitia eius, hoc est, iam satis Sion & populus Iudaicus peccauit, nolo vt ultra peccatū adiiciat, sed gratia mea cōuertā, & sanabo eum. Quia igitur post Christi mortē, vindicare voluit Deus, prophetarum & Christi necē, nec amplius sustinere voluit, ideo in necē Christi rectè dicuntur cōpleuisse patrū suorū iniquitatē. Hæc metaphora à mensura sumpta est, cui pretiū nō exsoluitur, nisi impleatur. Persequutores autē prophetarū in hac mēsurā, vnū vel plura homicidia posuerunt: sed nondum completa erat, vt Deus per vindictam soluere vellet. Porro quando Iudæi huic mēsuræ mortē regis omniū adiecerunt, mensurā per Deicidiū omnino cōpleuerunt, vsq; aded vt Deus statim vindicare voluerit. Aperit autē Christus quomodo in morte sua mensura patrū sit impleta, dū statim exponere incipit vsque ad finem capitis huius, diuinam contra Iudæos ultionem.

serpentes, & nimina uiperarū, quomodo fuzietis a iudicio gehennæ quasi dicat, Nullo modo euaderitis, nō enim sepulchra prophetarū quæ ædificastis, vos liberare pote-

Genes. 15.

Esai. 4.

1. Machab. 6.

IN MATTHAEI

poterūt. Frustra(inquit Chrysost.) iustos honorat qui iustitiam spernit, nunquid quod paretis foris hominibus iusti, aut quod crebro lauatis corpora vestra, aut decimatio holerum, aut aurum, & donaria templi, aut conuersio vnus gentilis aut simulatio longarum orationum, vel spolia quæ auferitis à viduis, aut quod multos excluditis à regno cœlorum quos socios habeatis pœnarum, poterit mitigare, aut liberare vos à gehenna?

Cæterum octo maledictiones istæ, octo supra dictis beatitudinibus correspondere videntur: siquidem in prima, Pharisei, qui Christum spiritu pauperem, & inopem, seu primum ipsius aduentū recipere noluerunt, atque proinde homines, à regno cœlorum excluderunt, condemnantur. In secunda, tanquam immites, & crudeles quod miserarum viduarum domos in hoc mundo, diuitias terrenas possidere volentes abligurierunt, arguuntur. In tertia luctum simulasse super iniquitate gentilium & condemnatione increpantur, quod magno studio conuersis maioris cōdemnationis fuerint authores. In quarta, quod super vera iustitia ita nauseabundi fuerint, corripuntur: vt etiam per iurium, quod est summa Dei iniuria, non solū parui facerēt, verumetiam nihil esse docerēt. In quinta condemnantur, quia non solū misericordiam in proximos, & iudicium, verumetiam fidem in Deum per quam misericordiam consequi possent, neglexerunt: atque tantū in simulatione elemosinarum minutissima quæque exactè decimantes, occupati fuerunt. Sexto, cor eorum immunditia, & rapina plenum reprehenditur, & cæcitas, ita vt ad videndum Deum inidonei sint, impropertur. Septimo, pleni simulatione, & iniquitate ostenduntur, vsque adeo vt nec alios pacificare, nec filij Dei pacifici vocari possint, qui summa æquitas, & prima

ma veritas est. Simulatores autem, veram pacem inter alios componere non valent, quoniam nec ipsis impijs pax est. Octauo, detegitur ipforum hypocrisis, qua se propter iustitiam persequutiones velle sustinere simulabant, cum ipsi non solum iustorum, sed Christi, sœuissimi persequutores essent malitia omnes patres suos longè præcellentes. Hęc maledictionum, & beatitudinum correspondentia non omnino necessaria est, sed vt videatur spiritus sanctus semper conformiter loquutus plurimum utilis: ea ratione etiam Augustinus ostendit septē primas beatitudines, septem donis spiritus sancti ab Esaia enumeratis correspondere.

*Lib. 1. de
serm. Dom.
in mon. c. 9
Esa. II.*

Ideo dico vobis. Cæperat Christus exponere diuinam ultionem, dum dixit. Quomodo fugietis à iudicio gehennæ? in ea declaranda nunc pergit. Ideo ergo, id est, in pœnam malitiæ vestræ, qua meum, atque discipulorum meorum sanguinem sititis, hæc quæ dicturus sum, euenient vobis: vt ideo, iungatur cum verbo, Mitto. *Ecce,* Hoc meritò adijcit, nouus enim vindicandi modus is est, dum per accumulationem beneficiorum Deus vindicat. Quemadmodum enim multo tempore non finire peccatoribus ex sententia agere, sed statim ultionem adhibere magni beneficii iudicium est, ita permittere impios prauam suam voluntatem complere, & illis beneficia accumulare, quorum occasione fiant peiores, magnæ est iræ, vt ait Augustinus in illud Psalmistæ: Secundum multitudinem iræ suæ non quæret. Multum, inquit, irascitur Dominus dum non exquirat, eum quasi obliuiscitur, & non attendit peccata, & per fraudes, & scelera, ad diuitias, honoresque peruenitur. Item alibi, mala voluntate, vel sola, quisque miser efficitur: sed miserior potestate, qua desiderium malæ voluntatis impletur. Et sic gaudium impiorum

*1. Mach. 6.
Psalm. 9*

*Lib. 13. de
trin. cap. 5*

IN MATTHAEI

poena est eorum . Hinc in Concil. Neocæsariensi
 dicitur. Siquis mulierē cōcupiscens proposuerit cū
 ea concumbere, & cogitatio eius non perueniat ad
 effectum, apparet quod gratia Dei liberatus sit. Nō
 quasi non ibi peccārit, aut peccatū illud sit ei remis-
 sum, sed quia nō permisit eum Deus malam illam
 implere voluntatem. *Ego mitto* . Pronomen istud
 emphasim habet , quo & diuinitatis suæ maiestatem
 ostēdit. vnde Lucas sic legit, Propterea & sapientia
 Dei dixit, mittā ad illos prophetas & c. *ad uos* popu-
 lū Iudaicū, *prophetas sapientes, & scribas* Hylar. cosidē
 intelligit nomine prophetarū, sapientū, & scribarū,
 nēpe apostolos, qui propter futurorū cognitionem
 prophetæ, propter Christi agnitionē sapiētes, pro-
 pter legis intelligentiā scribē dicūtur. Verū Hiero.
 aliter, per prophetas, eos intelligēs qui vētura præ-
 dicūt, qualis erat Agabus: Per sapientes qui norunt
 quē & quādo sermonē proferre debeāt, per scribas
 legis diuinæ, & scripturarū peritos, quales erāt A-
 pollo, & Paulus: Quæ expositio magis arridet, quo-
 niā Paulus prophetas ab apostolis secernit, hos illis
 anteponebat & præferēs. In Luca verò, vbi prophe-
 tæ Apostolis præponuntur, intelligendi nō vidētur
 quatuordecim illi apostoli, sed quicunq; ad Iudæis
 prædicandū missi fuēre : vnde quod infra hic dici-
 citur : Occidis prophetas, & lapidas eos, qui ad te
 missi sunt : pro ijs qui mittuntur, Lucas apostolos
 dixit: *et persequemini de ciuitate in ciuitatem*, vt cogātur
 de vna in aliam fugere . Etenim Iacobum fratrem
 Domini occiderunt, Simonem, & Andreā cruci-
 fixerunt, Paulū ter flagellauerunt, vt ueniat super uos.
 Hęc ita agetis, vt super uos ueniat, *omnis sanguis iusti*
id est vindicta, qui effusus est super terram, a sanguine A-
bel iusti. qui primus à lapsu humani generis in scri-
 ptura Deo placuisse dicitur: qui etiam propter iu-
 stitiam à Cain fratre suo interemptus occubuit:

LUC. II.

A CT. II.

I. C OR. II.

2 PHES. 4.

1 PE. II.

usq; ad sanguinem zachariæ filij Barachia, id est, Ioiadae sacerdotis, qui ideo Barachias vocatur, quia in nostra lingua Barachias sonat benedicens Deo, unde 2. Par. 24. 14
 hoc Hebraico nomine iustitia sacerdotis Ioiadae demonstratur. Hic propter cultum Domini à Ioa rege in atrio templi est lapidatus, atq; ideo hic dicitur. *Quem occidistis inter templum et altare*, siquidem altare holocausti stabat ante templum, & sic hic Ioiadas stabat post altare, ante templum tamen, non secus quàm si altare esset in foro constructum, occideretur autè quis post ascensum graduū ante ingressum vestibuli, altare enim erat ante templum. Quia igitur Zacharias in atrio templi fuit occisus, meritò inter templum, & altare occisus dicitur. Altare autem debebat esse sub diò, nam in altari holocausti cremabantur sacrificia ouium boum, quorum fumus in cœlum ascendere debebat: Mensa autem in qua ponebantur panes propositionis, erat in interiori templo, sicut & sancta sanctorum. Quare autem Dominus istos duos tantum nominat, cùm tamen plurimi post eos occisi sint, respondet Beda in Lucam capite vndecimo. Quare, inquit, à sanguine Abel, qui primus martyrium passus est, mirum non est, sed quare vsque ad sanguinem Zachariæ quærendum est: cùm & multi post eum vsque ad natiuitatem Christi & ipso mox nato innocentes in Bethleem pueri sint ab hac generatione perempti? Nisi fortè quia Abel pastor ouium, Zacharias sacerdos fuit. & ille in campo, hic in atrio templi necatus est: vtriusq; gradus martyres & laicos scilicet & altaris officio mancipatos sub eorum voluit intimare vocabulo. Aut fortè, quia mentio fit ultionis infligendæ etiam in hoc sæculo, pro sanguis iustorum effusione, cùm encl. 4.
 scriptura sacra in morte istorum duorum ponit appetitū vindictæ, & vindictam subsequutam etiā

3, Par. 24

in hoc sæculo: siquidem de Abel legitur, Vox sanguinis fratris tui clamat ad me de terra. & Cain propter fratris sui cædem à Domino audit: maledictus eris super terram, cum operatus fueris eam, non dabit tibi fructum suum, vagus, & profugus eris super terram. De Zacharia verò dicitur, quod moriens dixerit, Videat Dominus, & requirat: narraturq; ultio Dei statim subsequuta in populo, & in rege Ioas. Meritò igitur per hos duos illustres martyres, & insigniter à Domino in hoc sæculo vindicatos, omnes iusti ob iustitiam occisi significantur, quos omnes Deus in Iudæis vindicat, etiam in hoc sæculo. Quasi dicat Dominus, sicut sanguis Abel, & Zachariæ vindicatus est in occisoribus eorum, sic & in vobis Iudæis vindicabit Deus sanguinē oīm iustorū, quia sceleris cōmissi participes estis facti. Non est autem dubium quin velit Dominus super Iudæos venire omnem sanguinem iustum, non solū illum, qui effusus est vsque ad sanguinem Zachariæ: nam ante loquutus est de sui, & discipulorum suorum occisione, quā proculdubio vindicandam significat. unde suprā in parabola dixit. Quid faciet Dominus vineæ &c.

cap. 21. O

22.

Amen dī. o vobis uenient hæc omnia. Repetitio ista, magnam, & vehementem habet asseuerationem. *super generationem istam*, id est, Iudaicam gentem, cui prius dixit (ut veniat super vos omnis sanguis &c. & (relinquetur vobis domus vestra deserta.) Hieronymus quando dicit omnes malos cōstituere vnā generationem, super quam veniāt hæc omnia, non sic est intelligendus, quasi sentiat saluatorem nihil speciale dicere de Iudæis, sed ideo hoc dixit, quia generatio Iudæorum, imitatione coniuncta est omnibus homicidis: atque propterea meritò omnium homicidiorum pœnam luit. Nō vult autē dicere quod super Cain veniet suū homicidium

in cōment.

cidium, super Ioam homicidium suum, & super vos homicidia vestra, sed sicut Augustinus: Quomodo, inquit, super istos venit illorum sanguis, qui longè ante vixerunt, quàm isti vel nascerentur, nisi quia vnum genus, vna conspersio, vna massa est impiorum, imitatione sibimet connexorum. Et alibi: Malorum, inquit, imitatio facit, vt non solum sua, sed etiam eorum, quos imitati sunt merita sortiantur: cuius ratio est, quia dum quis societatem impiorum ingreditur, mala illius societatis fiunt ipsius ingredientis, quomodo bona cõmunitatis alicuius redundant in quemlibet ciuem. Quemadmodum si quis societatem latronum ingrediatur, ac cum eis apprehendatur, eadem pœna cum eis plectetur. Haftenus quoque sæpe punitur aliquis ob alterius peccatum, quia Deus sæpe parceret alicui peccatori, si impijs coniunctus non esset. Cauendum igitur est à societate malorum, nam in futura vita, non erit miseris solatium, socios habere pœnarum, sed miseria, & crux magna malis fuisse sociatum. Nam vulgare dictum illud ex superbia & inuidia exortum est. Hinc dicebat diues Epulo: Mitte Lazarum ad eos ne veniant ad locum istum, quia videbat quod ex pluralitate malorum, augetetur pœna, & crux tormentorum. Vindicta cuius hic meminit Christus, etiam est huius sæculi, nam verè domus eorum deserta fuit. Quæ desertio pœna est spiritalis quemadmodum supra dictum est: Auferetur à vobis regnum Dei. & vt ait Dauid: fiat mensa eorum coram ipsis in laqueum: ideoq; hæc vindicta transit etiam ad futurum sæculum.

Hierusalem, hierusalem. Geminatio ista ex vehementi dolore super interitu Iudæorum procedit, sicut & illud: Absalon, Absalon fili mi. Per Hierusalem, quæ est ciuitas metropolis, intelligit vniuer-

*Lit. contra
aduer legis
ex prophet.
cap. 5.*

Psalm. 108.

Luc. 16.

Psalm. 68.

2. Reg. 33.

sum populum Iudaicum. *Quæ occidis Prophetas, id est, occidere & lapidare consueuisti, eos qui ad te missi sunt, vt ad veram pœnitentiam te adducâr, Quoties uolui congregare filios tuos.* Per hoc, omnes Prophetas à se missos esse: & in vnitatē fidei, & charitatis eos congregare testatur, extra quam nullus saluti, sed dæmonum direptioni patet locus, *quemadmodum galilina congregat pullos suos sub alas, vt à frigore, & à miluiis protegantur: sic ego vos cupiui à diabolo protegere, & spiritus sancti consolatione fouere, atque in bonis roborare.* Explicat pulchrè hanc similitudinem & animantis huius naturam B. August. lib.

Esa. 5.

1. quæstion. Euangel. cap. 36. *Et noluisti, scilicet filios tuos sub alas meas congregari, id est, audire me noluisti.* Similis locus est apud Esaiam. Quid vltra facere debui vineæ meæ & non feci, id est, expectaui vt faceret fructū, & fecit labruscas. Sed vbi est,

Ench. c. 79

inquit Aug. illa omnipotētiā, qua in cœlo & in terra quæcūq; voluit fecit, si colligere filios Ierusalem voluit, & nō fecit, nū volūtate & potētia sit opus? An potius & illa quidē filios suos ab illo colligi noluit, sed ea quoq; nolēte filios eius colligit ipse quos voluit. quia quæcūq; voluit fecit, & sic quoscūq; voluit cōgregare sub alis suis, etiā cōgregauit, sed semper repugnātibus & inuitis Iudæis. Et hoc est magnū impropriū, quod Hierusalē voluerit quosdā excludere à regno cœlorū, quos nō potuit excludere. Potest hic locus & aliter intelligi, vt sensus sit. Quoties feci & inspirauī prophetis alijsq; sanctis, vt vestram salutem magnoperè desiderarent ac fitterent, & pro ea procuranda nihil non agerent & sustinerent? Quo sensu dicitur ad Romanos Spiritus sanctus postulare & gemere, quia postulātes & gementes faciat. Sic voluntatem accipit alicubi Augustinus, vbi dicitur: Qui vult omnes homines saluos fieri, Est & tertius commentarius, de voluntate

Rom. 8.

De corr. &

grat. ca. 35.

luntate signi quæ in Deo sit, vt ad præcepta, exhortationes, correptiones pertineat, & media per quæ Iudæi conuerti potuissent, nisi in sua malitia fuissent obdurati. Quæ propterea voluntas Dei vocatur, quod in hominibus voluntatis ipsorum signa esse soleant: sic vindictam in Deo iram dicimus, non quia Deus aliquando ira moueatur, sed sic dicitur, quia homines in vindicando irasci soleant. Similis locus est apud Ezechielem: Munda-

Ezech. 2

re te volui, & non es mūdāta à sordibus tuis: quod sanè si Dominus volūtate propriè dicta facere voluisset, factum vtiq; fuisset, intelligendum id ergo erit altero posteriorum iam dictorum modorum. *Eccc relinquetur uobis domus uestra deserta.* Hieron. tēplū intelligit, & quia habitatorē Christū perdidit, nō iā eius, sed illorū domus dicitur. Beda per domū, ciuitatē intelligit. Theophy. in Luc. genus Iudeorū, hæc enim domus deserta est à luce gratiæ Dei, iuxta illud: Reliqui domū meā, dimisi hereditatē meā. Atq; huic expositioni magis fauēt sequētia: nō me videbitis amodo. *Dico enim uobis: non me videbitis amodo.*

Ierem. 12

Posthac, Cū reliquero gentē vestrā, non agnoscetis me per fidē, nō ampliū cōuertemini ad me, sed planè excœcabitur, donec in die iudicij coacti, dicatis, me illū esse, de quo dixit Psalm. Benedictus qui venit in nomine Dñi. i. donec me promissum vobis Messiam agnoscere cogemini. Hoc verū erit in plurimis Iudæorū, nā quidā dicūt imminēte iudicio, quosdā Iudeorū cōuertēdos. Prædictæ ergo interpretationi adijcere oportet quosdā volūtariè per fidē dicturos: benedictus Christ⁹ cuius iudiciū, seu secūdus aduētus iā imminet. Illud (Amodo) ad illud tēpus quo Apostoli Iudæos reliquerūt, nō autem quo Christus ista dicebat, refertur: nam post istud tempus plurimi Iudæorum adhuc per fidem viderunt Christum, sed postquam deseruerunt

Psalm. 117

IN MATTHAEI

Apostoli, & cæteri prædicatores Iudæam, tota domus Iudæorum excæcata est, ita ut reliquæ tantum saluarentur. Sic de visione per fidem & secundo Christi aduentu intelligit Augustinus lib. 2. de consensu Euangelist. cap. 75. Non autem dici potest de ingressu Hierusalé, quando asino insidens ingressus est, quia hoc præcessit. Dicunt alij, A modo, id est, post mortem meam, oculis corporalibus me non videbitis, nam tunc soli Apostoli ipsum corporaliter viderunt: sed hoc nihil ad id facit quod dixit: Relinquetur vobis domus vestra deserta, siquidem nec nos, nec alij corporaliter post mortem, Dominum vidimus, tamen domus nostra non relinquitur deserta. Alij dicunt, non videbitis me amplius in gloria mea, & essentia mea, donec veniam iudicare viuos & mortuos: quod pari ratione rejicitur. Augustinus putat Dominum, istum sermonem bis dixisse, similiter & illud, Hierusalem, Hierusalem &c.

LUC. II.

IN CAP. VIGESIMVM QVARTVM. Matthæi.

ET egressus Iesus de templo ibat, i. recedebat. Optime Græci iungunt (de templo) cum verbo (egressus) & non cum (ibat) nunquam enim postea templum Iudæorum ingressus est: nam hæc dicebat in hebdomada ante parasceuen qua patiebatur, non tamen eos penitus dereliquit, quia Apostoli diu in templo Hierosolymitano post Christi mortem, & ascensionem manserunt. Abibat autem in Bethaniam versus montem Oliueti, ut ex Luca liquet, nam ibi dicitur quod die erat docens in templo, vespere autem ciuitatem egrediebatur versus montem Oliueti ad domum Marthæ. Et acceperunt discipuli eius, ut ostenderent ædificationes templi, quam videlicet

LUC. II.

delicet pretiosæ, & magnificæ essent, & quàm firmiter templum esset ædificatum, quasi propter tã insignem structuram non deberet euerti: vnde apertius dicunt in Marco: Magister aspice quales lapides & qualis structura. Dixerunt ergo discipuli hoc Christo, condolentes euerfioni templi, videntur enim illud, Relinquetur vobis domus vestra deserta, de templo intellexisse: siquidem totam ciuitatem cum templo esse euertendam intellexerūt. De huius destructione, & totius ciuitatis euerfione tractat Iosephus. *ipse autem respondens dixit illis: uidetis hæc omnia?* Hanc insignem, & sumptuosam tēpli structuram? *Amen dico vobis: Non relinquetur hic, lapis super lapidem qui non destruat.* Non putetis Deum moueri more carnalium hominum, magnifica, & pretiosa structura, quia in veritate dico vobis, penitus hoc templum destruetur. (Hic) pro (hoc loco) accipitur. Hyperbolica loquutio est, significans plenam ædificij prædicti euerfionem. Non autem certum est, an in fundamento lapis lapidi coniunctus non permanferit, nam Romani hoc curasse nō videntur, sed tantum eius euerfionem. Idem dicitur de ciuitate Hierusalem, quod Romani milites non essent relicturi lapidem super lapidem, sed hoc dicitur propter ingentē deuastationē. Talis loquutio est de Gabaonitis, qui tam periti iaciendi funda fuisse dicuntur, vt vel capillum tangere potuissent. Causam vnā destructionis tēpli explicuit Christus, peccata videlicet Iudæorum, & præcipuè Christi, & discipulorum occisionem: quam etiam Lucas explicat dicens: Eo quòd non cognoueris tēpus visitationis tuæ. Causam similem assignat Beda: Diuinitus (inquit) procuratum est, vt patefacta per orbem fidei Euangelicæ gratia, templum ipsum cum cæremonijs tolleretur, ne quis fortè paruulus in fide si videret illa permanere quæ à Deo sunt

Matth. 22

Luc. 19

Lib. 7. de

bello Iud.

c. 10. & 11.

Luc. 19.

Iud. 20.

cap. præc.

in Marcū.

IN MATTHAEI

sunt instituta, paulatim à sinceritate fidei, quæ est in Christo Iesu ad carnalem laberetur Iudaismum. Completum est autem istud verbum Domini per Romanos milites, qui inuito duce suo Tito Vespasiani filio incenderunt templum, & penitus demoliti sunt, vt testatur Iosephus lib. 7. de bello Iudaico cap. 10. & 11.

cap. 21.

sedente autem eo super montem oliueti, id est, Vnde templum conspici poterat. De mōte Oliueti abūdē supradictum est. Accesserunt ad eum discipuli, quatuor videlicet, Petrus, Iacobus, Ioānes, & Andreas, secretò, id est, separati. Ideo autem secretò venerūt, quia de magnis rebus interrogaturi erant: vtpote de signis aduentus futuri, & alijs: vnde quærere incipiunt. Dic nobis quando hæc erunt? quando Hierusalem cum templo euertetur. Et quod signum aduentus tui? quando aduenies in gloria tua? Et consummatio sæculi? & quando finietur hoc sæculū? Coniungūt istas duas quæstiones, quia putarunt Christū aduenturū, & sæculū in euerfione Hierusalem cōsummandū: vnde Lucas vnicā ponit de euerfione, videlicet Hierusalem, quæstionē: cū tamen inducat Christū ad vtramq; respondentem. Nō faciunt autem tertiā quæstionē de cōsummatione sæculi, sed aduentū cū consummatione coniūgunt quia satis intellexissē videntur, vnū, & idē tēpus esse aduentus Christi in gloria, & consummationis sæculi: siquidē impiorū condēnatio in consummatione sæculi (vt dictū est) & in glorioso Christi aduentu futura est: Vnde Marc. in 2. quæst. non facit mentionē aduentus Christi, sed tantū consummationis sæculi, quoniā illa eodē tempore sunt futura. Hūc locū tractant D. August. & Hieron.

Matth. 13

Matth. 16.

Or 19.

Lib 20. de

ciuit. Dei

cap. 5. Or

epist. 80. ad

Hesychium.

Hieronym.

in commen.

Et respondens Iesus, dixit eis: uidete ne quis vos seducat, multi enim uenient in nomine m^oo dicentes: Ego sum Christus, & multos seducunt. August. & Hierony. ad finem sæculi

ſæculi referunt. Hylarius verò, Chryſoſtomus, Beda, & Euthymius ad excidiũ populi Iudaici, & ſigna præcedentia. Quod ſequentibus cõformius eſſe videtur, vbi dicitur: Cũ ergo videritis abominationẽ quod ad excidiũ Hieruſalẽ pertinet: deinde Lucas dicit quod antequã eueniãt bella, & peſtes, Chriſtiani flagellãdi ſunt in ſynagogis Iudeorũ, nõ vidẽtur aut Iudæi ſic præualituri Chriſtianis vt flagellẽt eos in ſynagogis ſuis, antequã veniãt vltima bella, & peſtes, quæ eueniẽt tẽpore Antichriſti, vel tẽpus eius immediatẽ præcedẽt. Clarũ eſt aut Apoſtolos in ſynagogis vapulaſſe antequã orirentur bella, & ſeditiones quæ præceſſerũt excidiũ Hieruſalẽ. Nõ tradit primò quando Ieruſalẽ ſit euertenda nec quẽſtioni ipſorum ſatisfacit, ſed quæ magis neceſſaria erãt præmittit: periculorum videlicet ſpiritualiũ, quæ antequã excidiũ Ieruſalẽ veniret inſtabãt, vicinitatẽ. Obſeruandũ autẽ eſt hoc loco quod dupliciter in nomine Chriſti quidã venire dicũtur: quidã enim tãquã veri prophetæ, & Apoſtoli: quidã tanquã Pſeudoprophetę, & Pſeudoapoſtoli, quales multi ante excidiũ Ieruſalẽ in Iudęa apparuerũt: quorũ vnus fuit Simõ Samarita. qui ſe magnã dicebat Dei virtutẽ. Hæc quoq; inter cẽtera ſuorũ voluminũ ſcripta ponebat. Ego ſum ſermo Dei, ego ſum ſpecioſus, ego paracletus, ego oĩpotẽs &c. De quo habet Euſeb. & Aug. Talis erat & Menãder de quo Euſeb. lib. 3. c. 26. & Barchochabas, de quo idẽ Euſe. li. 4. c. 6. Talis erit & Antichriſt. vt ex Apoſt. diſcere licet. *Audituri eſtis prælia, & opinioniones præliorũ.* Græci legũt non, enim, ſed autẽ, ſicut & quidã Latini quorum lectio melior eſt, quia aliud à præcedentibus ſubiungitur, corporalia videlicet pericula. *videte ne turbemini.* Duplex huius dicti cauſa redditur: prima hæc eſt, ne terreamini quaſi prædicatio ſub ſeditione, & bello dirimenda ſit,

A. A. 5.

Lib. 2. hiſt.

eccle. ca. 13.

Aug. bartſ.

1. ad quod-

vult deum.

IN MATTHAEI.

fit, siquidem ventura sunt hæc omnia quæ de bellis dixi, sic tamen vt nihil prædicationi euangelij noceant. Quasi dicat: Quoscunque audieritis tumultus, in officio vestro persistite: nec fugiatis ex Iudæa, quia adhuc multi ex Iudæis sunt conuertendi, & fructum multum ibi adhuc estis facturi. Secunda est, ne terremini quasi iam instet finis, seu templi, ac ciuitatis euersio, vt velitis Iudæam, & Hierusalem deferere, nam excidium vrbis, ac templi in quadragesimum annum differetur. Hanc posteriorem interpretationem dat Beda, Euthymius verò vtramque.

oportet enim hæc fieri, Deo propter malitiâ hominum sic disponente. sed nondum finis, sed nondum Ierusalem euertetur, nec regnum desolabitur. *con-
surget enim gens in gentem, & regnum in regnum.* Hæc prius fieri oportet: *et erunt pestilentie & fames,* hæc enim ex bellis oriri solent: *et terræ motus per loca.* singulis Iudæorum locis vt vult Euthymius, aut saltem permultis. Illud autē per loca, refertur ad terræ motus, non ad pestilentiam, & famam vt ex Luca patet, qui pestilentie, & fami præponit terræ motū per loca. *Hæc autem omnia initia sunt dolorum.* Istud refertur ad id quod dixerat (Sed nondum est finis) quasi dicat, hæc non sunt extrema mala, quæ Iudæos manent, sed initia tantum quædam. (*dolorū*). Græcè sonat parturitionum, vt videlicet ista mala parturientium doloribus sint similia: extremum verò excidium ipsi pressuræ, quæ est in partu, antequam mulier enixa sit prolem. Lucas his malis addit seditiones, terrores, & signa magna de cælo: quæ omnia ex Iosepho, & Eusebio, completa esse constat ante captiuitatem Hierusalem. Fames hæc vniuersalis sub Claudio Imperatore contigit. De terræ motu autem, nihil in scripturis, nec in Iosepho esse arbitror, nam quod in passione, & resurrectione

LUC. 21.

Ios. lib. 2. de

bel Iud. ca.

11. 12. 13. 14

15. 19. cum

tribus sequ.

et 25.

Euse. lib. 2.

c. 1. 6. 19

et 20.

A. Cl. 12.

A. Cl. 16.

rectione terra mota est, non ad hūc locum spectat, quoniam Saluator etiam in Luca dicit, quod ante hæc omnia Iudæi captiuos ducerent Apostolos, & alios Christianos: Apostoli autem non fuerunt capti ante resurrectionem, Terræ autem motus extra Iudæam contigit. Terrores verò, & signa magna de cœlo refert Iosephus, & Eusebius *τὴν tradent uos in tribulationem*, id est, antequàm hæc eueniant, vt patet ex Luca dicente: sed ante hæc omnia iniiciet vobis manus &c. Videtur istud dici à Domino, ne Apostoli putarent se nihil mali passuros ipso Christo eos protegente: vnde in Marco legitur: Videte autem vosmetipsos, tradent enim vos &c. Beda aliam causam assignat dicens: Quo meritò Hierosolymis, ac prouinciæ Iudæorum vniuersæ tot fuerint mala irroganda Dominus manifestat, cūm dicit: Tradent enim vos in tribulationem: ea quippe Iudaicæ gentis maxima causa erat excidij, quod post occisionē Saluatoris, nominis quoque eius, ac fidei præcones impia crudelitate vexabat. *Et occident uos*, non ad omnes, sed ad quosdam istud refertur, vt pote ad Stephanum, & utrūque Iacobum, & ad quosdam alios Christianos: vnde Lucas dicit: Morte afficient ex vobis, id est, quosdam ex vobis, nam Petrum, & Paulum, Nero Romæ occidit. *Et eritis odio omnibus gentibus*, non Christianis, vt suprà dictum est, Augustinus epistola ad Hesichiū exponit phrasim eam, qua pij dicuntur omnes, sicut & impij in scripturis omnes vocantur. Vnde & omnes Gentes sunt Apostolos persequutæ: & nullæ scilicet fideles. *Et tunc scandalizabuntur multi* propter tribulationes vestras, ita vt non credant euangelio, vel fidem semel susceptam deferant. *Et inuicem tradent, & odio habebunt inuicem.* Hoc clariùs explicant Marcus, & Lucas significantes Apostolos à propinquis, & amicis persequutionem

Lib. 7. de
bel. Iu. c. 12
Lib. 3. c. 4. 8

cap. 10.
epist. 80

IN MATTHAEI

nem passuros. Potest tamen intelligi diuersum ab eo quod Marcus & Lucas habent (id enim suprâ dixerat Matthæus capite decimo) vt significetur impios fœdera non seruatuos , sed se inuicem prodituros.

Et multi pseudoprophetae surgent , & seducent multos.
 Suprà de Pseudochristianis loquutus est, nunc de his qui se Prophetas simulant quod intelligi potest tam de his qui futura prædicunt, quàm de doctoribus & prædicatoribus. Quales circa excidium illud Hierusalem fuerunt, Aegyptius ille, de quo Eusebius, & plurimi tales quos refert Iosephus. Pseudochristi hæresiarchæ, generaliter falsi doctores appellantur. quorum initio Ecclesiæ magnus fuit numerus, in quo recensentur Nicolaus, Hymenæus, & Phyletus. Item qui resurrectionem factam esse, aut diem iudicij imminere docuerunt: atq; imprimis Iudaizantes, quos Paulus subdolos, operarios, Ioannes verò antichristos appellant. De Cerintho, Ebione, Nicolao cōsulatur Eusebius. *Et quoniam abundauit iniquitas, refrigescet charitas multorum.*
 Theophylactus: Quoniam plurimæ erunt imposturæ & iniruiæ multæ, ita homines fieri efficiet, vt neque cum charissimis seruent vllum charitatis vinculum, sed se mutuo tradant. Euthimius nomine charitatis hospitalitatem, vel compassionem intelligit. Hieronymus verò Dei proximique dilectionem, quæ sine fide esse nō potest. Significat igitur Domini propter persecutorum, & seductorum multitudinem fore, vt plurimorum charitas extinguatur, per impiorum imitationem: cum difficile sit non eis similes effici, cum quibus est vita communis.

Qui autem perseverauerit usque in finem, hic saluus erit.
 Perseuerantiæ in fide, & charitate vsque ad vitæ finem, in die iudicij salus æterna reddetur. *Et præ-*

dicat.

Lib. 2. c. 21.

Lib. 7. de

bel. Iu. c. 11

Act. 6.

Apoc. 2.

2. Timo. 2.

1. Cor. 15

2. Thes. 2.

Lib. 3. c. 10.

et sequent.

dicabitur hoc euangelium regni in uniuerso orbe Ad consolationem, & confirmationem Apostolorum mirabiliter pertinuit, quod intelligerent vnus Iudaeæ gentis desertionem, fide omnium Gentium esse compensandam, neque persequutionum vim, euangelij, siue regni cœlorum per totum orbem propagationem impedire posse. *In testimonium omnibus Gentibus*, id est, vt de Euangelio regni omnibus Gentibus testimoniū feratis, vel potest intelligi testimonium quod ferent Sancti in die iudicij aduersus infidelium superbam excusationem, qua propterea se Dei legem ignorasse, & præuarcatos esse dicere possent, quod eam prædicari non audierint. *Et tunc ueniet consummatio*, postquam uidelicet hoc Euangelium regni fuerit prædicatum in uniuerso mundo. Verba Matthæi patiuntur etiam vt (tunc) tēpus quo fit prædicatio significet, si ex Marco alius sensus colligitur, vbi ait: & in omnes Gētes primū oportet prædicari Euangeliū. Primū, id est, antequā veniat consummatio templi & Hierusalem, & totius Iudææ desolatio: quæ merito Iudæis accidit, nam toto orbe Christiana fide refulgente nullum veniæ locum infidelitati suæ reliquerunt. Porro Chrysost. & Beda intelligunt ante euerfionem Hierosolymæ (quæ contigit anno 42. à passione Domini, imperantibus Tito & Vespasiano) toto orbe prædicatum Euangelium, iuxta Rom. 1. quod ait Apostolus: Fides vestra annuntiatur in uniuersum mundum. Sanè si vnus Paulus à Hierusalem vsque ad Illyricum cū omnia impleuerit Euangelio Christi, multas Gentes cōuersas esse per cæteros Apostolos, aliosq; Apostolicos viros ambigendū nō est. Non tamē putandū est oēs omnino Gentes ante excidiū Hierusalē audiuisse euangeliū (neq; enim Scoti, Galli, Norvvegi, nouę insule, Flādri adhuc audierāt fidei prædicationem) sed præ-

IN MATTHÆI

cap. 1.

præcipuas orbis partes, Asiam, Africam, Europam multasq; in illis sitas nobiles regiones: quæ nomine totius orbis in actis appellantur, vbi dicuntur habitasse Hyerosolimis viri religiosi ex omni natione quæ sub cælo est. His adde, quod etiam in Hispaniam transferit apostolus prædicationis gratia, vbi fertur & Iacobus fidem nunciassse: sed & crescens in Galatiam missus scribitur quam Galliam quidam intelligunt, Etiam Moguntiam peruenisse fertur sicut & Maternus ab Apostolo Petro missus Tongros conuertit. Augustinus & Hieronymus (quorum commentarium Chrysostomi expositioni hoc loco postpono) absolutè gētes omnes intelligunt, & consumationem ad sæculi finē referunt. Nullam autem esse gentem ad quam ante extremum Iudicium non perferendum sit euangelium, & ex qua non sint aliqui credituri. Bene ostendit Augustinus ex prophetis literis. Dominabitur (ait) Dauid à mari vsq; ad mare, Et omnes Gētes quascunq; fecisti venient, & adorabunt coram te Domine: Et: In omnem terram exiuit sonus eorum. Quibus adde, dominicam promissionem, In semine tuo benedicentur omnes Gentes. Et illud Sophonię: Adorabunt eum vnusquisq; in loris suis omnes insulæ gentium. *cum ergo uideritis abominationem.* Lucas manifeste. ostendit hunc locū pertinere ad ea quæ contigerunt circa populi Iudaici euerfionem, nam quod ait Matthæus (cū ergo uideritis) hunc in modum exprimit Lucas: Cū autem uideritis circundari ab exercitu Hierusalem, scilicet à Sestio florō impijsimo præfule, tunc scitote quia appropinquauit desolatio eius. Et simili modo subdit: Tunc qui in Iudæa sunt fugiant in montes. & pro eo quod Matthæus habet, Et qui in tecto &c. Lucas reddit: Qui in medio eius discedat. Quod vero ille qui in agro &c. apertius iste

iste. Et qui in regionibus, id est, extra Iudæam, nō intrent in eam. Denique cum Matthæo subiicit vñ autem prægnantibus &c. Vt autem intelligatur quid sit abominatio desolationis, prius videndum est, de qua obsidione Hierusalem loquatur Lucas: Et quidem non de Vespasiani obsidione sermonē esse ex eo patet, quia tum nimis sera fuit fuga ex Iudæa, cum ipsa & Galilæa tunc vastarentur. quod multo clarius apparebit si medium Iudææ Hierusalem intelligis obsessam, quam in medio sitam esse testatur Iosephus. Itaque accipienda est ea obsidio quæ Sestio floro facta est, qui partem exteriorē ciuitatis expugnauit, & interiorem in qua templū erat quò seditiosi sese receperant, obsedit. Postmodum tamen aliqua occasione obsidionem soluit, Deo videlicet impios ad deteriora supplicia referuante, & Christianis fugæ locum relincente.

Hinc refert Iosephus multos nobilium Iudæorū ciuitate, tanquam naui pessum itura, discessisse, quod & à Christianis dominicæ prædictionis memoribus factitatum esse non est dubitandū. Abominatio igitur desolationis stans in loco sacro, certum fugæ maturandæ argumentum fuisse videtur illa seditiosorum cum suo principe colluies, qui vt sese aduersus Romanos, tuerentur & Hierosolymæ ciues volentes in Romanos rebellionē mouere, impetrent, templū munitissimū inuasērunt.

Atque vt hoc in negotio, viderentur Dei zelo mōneri sese zelotas appellārunt, cū essent ipsi sic sceleratissimi, vt de illis scribit Iosephus, quod ab illis omne ius hominū calcaretur, rideretur etiam dī uinitas, prophetarumq; responsis tanquam fabulis vulgaribus illuderent. De his Ioseph. cōsulatur. Cū igitur Domino abominatio sit impius, & virum sanguinum & dolosum abominetur, nihil mirum est quod illa sex impiorum abominatio desolatio-

Lib. 1. c. 4
de bel. Iud.

Lib. 3. ca. 2.
Lib. 3. de
bello Iuda.

Lib. 2. c. 17
10. c. 14.
c. li. 4. c. 5.
6. 7. c. li. 5
c. 1. c. 8. c.
lib. 6. ca. 1.

c. 16.
Lib. 4. c. 5.
c. lib. 7.

cap. 28.
Lib. 5. de
bell. Iud. c. 9
Pro. 3. et 16
Psalm. 5.

- nis(id est, populi & templi desolationem adferens) nominetur. *c. um ergo etc* id est, vt aliquod signum vobis dicam quando immineat omnino ciuitatis euerfio, ac desolatio prouinciæ, aduertite ad istud.

A *Daniele propheta* Hinc confutatur Erasmus, qui in expositione symboli apostolici, occasione prologi Galeati D. Hieronymi, dicit Hagrographos scriptores, inter quos est Daniel, non habere magnam authoritatem, propter quod in Marcum scribēs dicit hanc partem à quopiam alio quā ab Euangelista Euangelio insitam esse, contra omnium veterum sententiam. Sanè sic etiam Psalmorū eneruaretur authoritas, quos tamen citat Christus sicut & Danielis prophetiam. *Qui legit intelligat.* Danda est diligens opera vt intelligatur caput illud Danielis, cū propter eius difficultatem, tum etiā quia ex eo potest Christus cognosci: Clarè enim describitur tēpus aduentus eius in carne, & quod à Iudeis esset occidendus, in cuius sceleris ultionem & cæcitas & omnia quæ hic describuntur mala illis cōtigerūt.

Tunc qui in iudea sunt Dirigitur sermo non ad Apostolos qui obsidionis tēpore per Cestiū factæ, vel defuncti erant, vel in alias orbis partes dispersi, sed ad eos qui tum Iudæam incolerent, *fugiant ad mōtes* id est, regiones montanas, trās Iordanē, circa Arabiæ & Traconitidis, similiumue partium tractus, vbi tranquillè & pacificè actum fuit. Ex Eusebio, & Epiphanio constat multos Christianos, & Iudæos diuino oraculo admonitos, imminente Iudææ exterminio per arma Romanorum ad Agrippam regem, qui semper cum Romanis coluit amicitiam, & fidem (cuius in actis fit mentio) confugisse, & sub eius tutela securos vixisse. *Et qui in tectis &c.* His dr'abus sententijs non videtur aliud præcipi, quā fugam ita esse maturandam, vt omnium aliarum rerum cura illi postponatur, ne fortè si colli-

*Euseb. lib. 3.
eccles. hist.*

ca. 1.

*Epiphani. in
h. etc. Hebio
nitarum.*

colligendis rebus quisque incumberet præoccupatus, communibus Iudæorum malis inuolueretur: Quod Matthæus & Marcus habent: Qui super rectum, Lucas expressit: Qui in medio eius, Iudææ, scilicet. Habet & alium huius loci sensum D. Augustinus epistola ad Hesichium, sed mysticum.

epist. 80

ve pręgnantibus, & nutrientibus in idis diebus, id est, magna miseria imminebit gestantibus vterum, & lactantibus; quia videlicet vteri, vel filiorum sarcina multum impediet celeritatem fugæ, neque poterunt matres tam facile filiorum obliuisci, quā vestimentorum, vel rerum domesticarum. Potest etiam secundum Theophyla. respici ad famis vehementiam, quæ obsidionis tempore matres quasdam sese filiorum carnibus pascere coegit: cuius exemplū est apud Iosephum, & forsitan ex Deut. Idē colligi potest: sed & Christus apud Lucam: Venient inquit dies in quibus dicent: Beatæ steriles, & ventres qui non genuerunt, rem istam videtur designasse: *orate autem ut non fiat fuga uestra in hyeme*. Facile est intelligere quot sint hyemis incommoda, quæ fugam remorari possunt. *vel sabbato*, id est, tali tempore quali non licet procul fugere, aut celeriter ambulare, quod necessum erit, vt fuga sit & longa & accelerata. Non præcepit Christus his verbis Christianis illius temporis sabbati obseruationem (nam legalia tunc erant abolita) sed figuratē significauit tempus, fugam longinquam impediens, quale erat sabbatum, lege adhuc habente vigorem.

Lib. 7. de
bello Iudæ.
Deut. 13
Luc. 22.

erit enim tū tribulatio magna. Causam reddit cur tūc ex Iudæa debeant fugere, cum viderint abominationem desolationis stantem in loco sancto. Tunc quum scilicet aliquamdiu steterit abominatio desolationis in templo, erit tribulatio magna in tota Iudæa, *qualis non fuit ab initio mundi usque modo*.

Hanc partem sic Lucas exprimit: Erit enim presura magna super terram & ira, id est, vindicta populo huic scilicet Iudaico, & cadent in ore gladij, & captiui ducentur in omnes Gentes; & Hierusalem calcabitur à Gentibus. Quibus verbis manifestum fit hunc locum Matthæi ad excidium Iudaicum pertinere. Certè hanc tribulationem sic à Iosepho descriptam esse scribit Augustinus, vt vix credibilis videatur. Meritò ergo & talis tribulatio, nec ab initio creaturæ fuisse, nec vnquam futura in populo Iudaico perhibetur, nam Antichristi persecutio tamen omnes præcedentes fortè superatura sit, illam tamen non sunt Iudæi passuri, sed potius Christianis illaturi: vtpote qui illum alium in nomine suo venientem sunt excepturi. Istud neq; fiet à Græcis legitur (Neque fiat) vt sit deprecantis tantam calamitatem, quanquam modus optatiuus sæpe Græcis pro tempore futuro capiatur. Inquiri hic meritò possit, an prædictio hæc de nūquam futura tali tribulatione, aliud significet quàm fore eam maximam sine comparatione ad alias, sicuti de Ezechia, & Iosia dicitur quod neque ante, neque post eos similes reges fuerint, qui ita adhæserint Domino: quibus verbis non Dauidi præferuntur, sed tantum sanctissimi fuisse dicuntur. Non autem ad solam Hierusalem hæc mala deuenisse, sed ad totam Iudæam, etiam ad Samariam, & Galilæam. Item magnitudinem excidij Iudaici ostendunt Iosephus, & Eusebius. *Et nisi breuiati fuissent illi dies &c.* Augustinus in epistola ad Hesychiū: Lucas (inquit) patefecit ad expugnationem Hierusalem pertinere quod dictum est de dierū breuiatione propter electos, quia & si id ipse non dixit; dixit tamen apertiùs cætera de hoc ipso, quo hoc ipsum pertinere mōstratur, nō enim debemus ambigere, quando eversa est Hierusalē, fuisse in illo populo

1047.5.

4. 2. ch. 18.

105. li. 5. c. 3.

et sequent.

Lib. 3. c. 12.

et 3.

Toto etiam

lib. 6. et 7.

de bell. Iud.

Euse. lib. 3.

eccles. hist.

ca. 3. 6. 7

pulo electos Dei, qui ex circuncisione crediderant, siue fuerant credituri, electi ante mundi constitutionem, propter quos breuiarentur dies illi, vt tolerabilia mala fierent, nam quidam conuenientiùs mihi intellexisse videntur, mala ipsa significata nomine dierum, sicut dicti sunt dies mali in alijs diuinæ scripturæ locis. Ipsa ergo dicta sunt breuiari, vt Deo donante tolerantiam, minùs sentirètur, ac sic quæ magna essent, breuia fierent. Sensus ergo est, nisi magna ista mala quæ cõtinent in illis diebus Dominus Deus faceret leuia, & parua donando magnam patientiam, & robur spirituale patientibus ne eis succumbant per impatientiam, nõ saluaretur electus in die iudicij. Multi etiam fuissent in infidelitate mortui, si bellum diutiùs fuisset protractum, qui eo finito crediderunt in Christum. Maiora itaque diuturnioris belli supplicia Iudæi meriti fuerunt, quàm passi sunt propter electorum salutem. Sic Ezechix, qui statim mori debuerat, relaxati sunt quindecim anni vitæ. De quo videatur Hieronymi commentarius. Probabilis nõ est commentarius Chrysostomi, verba illa (*non fieret salua omnis caro*) intelligentis de intereptione corporali: Primùm enim multi Iudæi ad Agrippam, & Arabes confugerant extra omne periculum, deinde quia Christus in Euangelio vbi de electis, de hominum saluatione, vel damnatione agit, diem iudicij respicere solet. Mysticam dictorum malorũ intelligentiam habet Frederi. Nansea. Tunc si quis vobis dixerit &c. Verisimile est hic fieri transitum ad secundum Saluatoris aduentum post prænuntiatum Hierosolymitanum excidium, in quo quæcunque gesta sunt, non malè accipi possunt tanquã figuræ eorum quæ circa extremum iudicium cõtinent, nam secundum Christi aduentum, sicut & Iudæorum euersionem, præcedent bella, seditiones

IN HOMIL.
DOMINI. 25.
POST TRINI.

IN MATTHÆI

odiapestes, terræ motus, Pseudochristi impostura. Videmus per Turcam Christianorum regna subuerti, & eadem sese mutuis vulneribus cōficere sed & hæresiarcharū numerus ingens iam se prodidit, & multos seduxit. Ecclesia etiam vniuersa, tunc maximè à persecutoribus, & impijs tribulationem patietur, soluto Satana de carcere suo, & castra sanctorū, ciuitatemq; dilectam spiritualiter & corporaliter impugnante. De quo consulatur Daniel, & Augustinus. Exurget insuper abominatio desolationis Antichristus, qui iuge sacrificium auferet, cuius præcursores sunt Sacramentarij nostri. Quamobrem tunc erit verè tribulatio qualis nunquam antea fuit. Veruntamen propter electorū salutem, tres tantum annos cum dimidio vastatio durabit. Postremò quod dicit Math. de fuga ineunda tempore excidij Iudaici, & non debere quēquā descendere de tecto, vt tollat quippiam de domo sua: Lucas ad literam refert ad diem iudicij, alludens ad ea quæ contigerunt circa Hierusalem. De quibus verbis sic loquitur Augustinus: Quod dictum est (inquit) qui in tecto: non descendat &c. potest cōgruentius intelligi spiritualiter, quia in omnibus tribulationibus cauendum est, ne quisquam deuictus ad carnalem vitam de spiritali descendat sublimitate, aut qui profecerat in anteriora se extendens, deficiendo in posteriora respiciat. Quod si in omni tribulatione est cauendum, quanto magis in illa cauendum præcipi debuit, quæ talis futura prædicta est illi ciuitati, qualis non fuit ab initio, neque fiet: & si in ista; quantò magis in illa quæ nouissima futura est orbi terræ, id est, Ecclesiæ toto orbe diffusæ. Eadem ferè habet & alibi.

Tunc si quis uobis dixerit. Transit hic Christus ad finem sæculi, & hoc valdè conuenienter, Mos enim est ille prophetarum, vt prædicant aliquam historiam

Apo. 10.

Don. 7.

Lib. 20. de

ciuit. Dei

cap. 11.

Dan. 12.

Luc. 17

Epist. ad

Hebræum.

Lib. 2. quæ.

euang. c. 41

historiam corporalem quæ figura sit alterius rei,
 v à figura transeant ad figuratum : & de vtroque
 tanquam de re vna loquantur : Sic Esaias à primo
 cap. vsque ad 12. Ita textit historiam de Christo na-
 scituro , & paucis Iudæis per Christum saluan-
 dis , vt tamen prædicat etiam liberationem à Sē-
 nacherib Ezechix & paucis Iudæis concessam, per
 quos designabantur reliquæ Iudeorum, qui Chri-
 stum venientem in propria receperunt. *tunc igitur*,
 id est, in tempore per tempus Hierosolymitani ex-
 cidij figurato. Potest etiam (tunc) incertum tempus
 significari, vt non connectantur quæ deinceps se-
 quuntur cū prioribus, quasi eodē tēpore essent fu-
 tura, quomodo apud Matthæum accipitur illud: In *cap. 3.*
 diebus illis venit Ioannes Baptista, & In diebus il-
 lis audiuit Herodes &c. *Ecce hic est christus, aut illic*,
 id est, hoc loco versatur Dominus , Christus ille
 promissus. *Nolite credere*, non enim sicut quon-
 dam verus Christus in paruulo angulo terræ ap-
 paruit, & demonstrari debebat, vtpote non omni-
 bus conspicuus, ita postmodum rursus apparebit,
cap. 13.
 sed quisquis ita veniens pro Christo haberi volet,
 is certè Antichristus erit. Nobis igitur his verbis
 Christus insinuat se nunquam corporaliter in ter-
 ris appariturum post suam in cælos ascensionem.
 (Nam & Paulo apparuit , & in Cronicis Marcel-
 lini comitis Monaxio & Plinta cōsulibus indictio-
 ne 2. scribitur in monte Oliueti apparuisse, quod &
 aliæ historiæ testantur) sed significat se non dein-
 cept in terris conuersaturum, neque Doctorem,
 aut regem Israël acturum, quod Pseudochristi isti
 facient magno timore sese Christos dicentes. *sur-*
gent enim Pseudochristi ante, & circa extremum iu-
 dicij diem, quorum princeps erit Antichristus:
 cæteri enim Pseudochristi, meritò præcurso-
 res eius dici possunt, quales fuerunt: Is, qui apud

Monasterienſes ſeſe regem conſtituit, & orbis mō-
 ſtrum Mahometus, quem quidam Antichriſtum
 exiſtimant, ſed improbabiliter, nam dicit Mat-
 thæus quod Antichriſtus cum ſuis dabunt ſigna,
 & prodigia quæ ille non fecit. Et *pſeudopropheta* ta-
 les ſunt omnes hereſiarchæ, qui nunc magno nu-
 mero prodierunt Antichriſto præmiſſi. Et dabunt
ſigna magna & prodigia. De his loquitur Apoſtolus, &
 Ioannes in Apocalyſi, vbi ſigna duo ponit, nempe
 quod ignis deſcendet de cœlo, & quod imago be-
 ſtiæ ſpiritum accipiet, & loquetur. Anabaptiſtæ ia-
 ctant ſeſe quædam miracula facere (vt quod quis
 inuiſibilis procedat) ſed inania planè & dæmonum
 ope ſubnixi: quæ non niſi quoad nos miracula di-
 ci merentur, qui virtutem creaturarū ignoramus.
 Differentiam miraculorum quæ à veris Chriſtia-
 nis fiunt ad veri alicuius probationem, & quæ ab
 impijs & magis patrantur, habent Diuus Auguſt.
 & D. Thomas. Certè Apoſtolus ſigna iſta dicit fo-
 re mendacia, ſed dubium eſt, an quia nō erunt ve-
 ra ſigna, ſed phantaſticæ hominum illuſiones, an
 verò quia etſi vera ſint ſigna, ad mendacium tamè
 pertrahent ſeducendos, ita appellantur. De quo vi-
 de Auguſtinum. *ita ut in errorem inducantur ſi fieri po-
 teſt etiam electi*. Tanta, inquit, erunt prodigia & ſigna
 vt electi ſeducerentur ad credendum pſeudochri-
 ſtis, ſi ſeduci poſſent. Notandum autem ſcriptu-
 ram ſacram maximè remouere ab electis, & præ-
 deſtinatis hæreſim, & ſeparationem ab Eccleſia
 quanquā enim omnes electi in fine vitæ à morta-
 libus peccatis liberabuntur; in hac tamen vita, vbi
 ſemper latet qui ſint electi, qui reprobi, nullum vi-
 detur eſſe maius argumentum reprobationis, quā
 eſſe hæreticum, vel ſchiſmaticum: tales enim diſti-
 cillimè corriguntur, aut ad pœnitentiam verè re-
 deunt, quia fundamento, nempe fide & Eccleſiæ ſo-
 cieta-

2. T heſſ. 2.

A poc. 13

2 ib. 83. qu.

quæſt. 79.

par. 1. quæſt.

110. art. 4.

2 ib. 20. de

ciuit. Dei

cap. 19.

cietate carent: vnde Paulus post vnam, atque alterā correctionem, vult hæreticum vitari, tãquam planè subuersum. Similia habet in epist. ad Hebræos. Tale est, & illud: Oportet hæreses esse, vt probati, id est, prædestinati manifesti fiant in vobis. Et exciderunt quidā à fide, sed firmum Dei fundamentum stat. Cognouit Dominus qui sunt sui, quasi diceret: ex lapsu à fide, probabiliter colligitur Dominum non eum inter suos agnoscere. Ioannes verò: Si fuissent ex nobis (inquit) permãssissent utique nobiscum, sed ex nobis exierunt, vt manifesti sint, quoniam non sunt omnes ex nobis. Meritò igitur hic impossibile esse dixit Christus, magnitudine persequutionū electos à fide abduci diuinæ prædestinationis fundamento stabilitos. Intelligenda est autem finalis seductio: nam tametsi rarò hæretici aut schismatici ad cor redeant, tamen electi ad tempus seducti ad fidei vnitatem reuertuntur. Cùm verò dicitur non posse electos seduci; nō est intelligenda absoluta salutis necessitas, aut nō posse eos vsque ad vitæ finem peccare. (Iustus enim laudatur, qui potuit transgredi, & non est transgressus. Et Augustinus testatur, non posse peccare, fore in cœlo præsentis iustitiæ mercedem.) sed perseuerantiæ certitudo oritur ex infallibili diuinæ electionis proposito, quo sic electos diriget, & tanta gratia firmabit; vt perper sui nihilominus arbitrii libertatem constanter in fide, & charitate perseuerent. Quàm admirandæ autem fortitudinis futuri sint qui Sathanam solutū superabunt, ostendit Augustinus. *Ecce prædixi vobis.* Deus, inquit Augustinus non solum bona quæ sanctis & fidelibus suis est redditurus, verum etiā mala quibus erat hic mundus abundaturus ante prædixit, ante conscribenda curauit, vt bona post sæculi finem sequutura certiores expectaremus, quàm mala similiter prænu-

ciata

Heb. 10.

1. Cor. 11

2. Tim. 2.

2. cclef. 31

August. de
cor. & gra.
ca. 11.
de uocatio.
gent. lib. 1.

1. lib. 20. de
ciuit. Dei
cap. 18..

Epist. 37.

IN MATTHAEI

Cano 15.
in math.

ciata ante sæculi finem præcedentia sentiremus.
si ergo dixerint vobis, scilicet discipuli Antichristi, si-
ue pseudopropheta. Hilarius: Pseudopropheta nūc
in desertis Christum esse dicent, vt homines erro-
re deprauēt. nunc in penitralibus asserent eū esse,
vt homines dominantis Antichristi potestate cō-
cludant: sed Dñs se nec loco occultandum, nec à
singulis seorsim contuendum esse profitetur, sed
vbique & in conspectu omnium, præsentem se fu-
turum esse denunciat. *Ecce in deserto est*, scilicet Chri-
stus, nolite exire ad audiendum vel videndum eum,
quantumuis ad eum multi concurrant: huiusmo-
di certò est Antichristus. *sicut enim fulgur etc.* Sicut
fulgur non eget iudice, vel præcone, sed momento
temporis conspicitur ab oībus. Ita secundus Chri-
sti aduentus simul vbique omnibus apparebit pro-
pter gloriosum ipsius fulgorē. Non erit igitur secū-
dus Christi aduentus humilis & obscurus, sicuti
prior, sed gloriosus & omnibus cōspiciuus. propter
quod apostolico vel prophetico testimonio nō de-
bebit annunciari neque angusto loco requiri, cuius
iubar totum mundum illustrabit. Augustin. in his
euāgelij verbis intelligit significari doctrinā Chri-
in Ecclesia catholica per totū orbem esse manifestā
vnamquamque autē heresim, & schisma partē aliquā
tenere, vel occultis conuenticulis curiositatē ho-
minū decipere. *vbi unquam fuerit corpus illuc congregantur & aquile.* Agit de loco in quo Christi aduentus
conspicietur. Vtitur enim iisdem verbis Christus,
quibus cū ab Apostolis interrogaretur apud Luc.
vbi in secundo suo aduentu appareret: etiam si Beda
aliū illius interrogationis sensum reddat, de ele-
ctorum videlicet ad Dominum suum assumptione,
de qua nulla apud Matth. fit mentio. Indicat igitur
Dominus cōspiciuum se fore in illo die, vtpote
nō aliter cinctū sanctorū præsentia quā vultures,
& aquile.

Aug. lib. 1.
qua. euang.
cap. 38.

Luc. 17.

& aquilæ ad cadauer concurrere solent. Significat hoc Paulus dum ait: Mortui resurgent primi, deinde nos qui viuimus, rapiemur simul obuiâ Domino in aëra. Christus se comparauit cadaueri quo satiantur aquilæ, quia per mortē eius, omnes sancti ad æternam satietatem peruenient: sanctos autem resurgentes, vel immortales aquilis comparauit, quia videlicet renouabitur eorum inuentus à Christo in resurrectione, & corpus eorū adeo spiritale fiet, vt per hoc non impediatur quo minùs celerrimè ad Christum rapiantur. Sic Psalmista comparat sanctos aquilis propter renouationem. Et Esaias propter velocitatem motus, & agilitatē. De natura Aquilæ vide Augustinum & Hierony. Aquilæ naturam etiā explicuit dominus Iob cap. 40. De loco in quo cum sanctis apparebit Christus ad iudicium. Vide Magistrum sententiarum lib. 4. distinct. 48. Citatis beatum Remigium ex Commentarijs in 3. cap. Ioëlis. Vbi tamen exēplar Ant-verpiæ excusum non habet omninò quod ab eo citatur. Sedebit quidem in spatio aëris, sed incertū an in valle Iosaphat vicina monti Oliueti, an verò supra locum suæ passionis. Cū enim Iosaphat significet iudicium, significari potest sessurus in valle iudicij, id est, singulos iudicaturus, & peccatores dānaturus. s'atim autē post tribulationē dierū illorū sol obscurabitur, & Luna &c. locus hic admodū est difficilis quia propheticus est & de futuris agit, & quia periculosum est de sent. docto. Eccle. iudicare, eas hic recensimus. Aug. in epist. ad Hesichium: Hæc, inquit, inquit, in Ecclesia melius existimo intelligi, ne Dñs Iesus appropinquāte secūdo aduētu suo ea pro magno prædixisse videatur quæ huic mūdo, & ante primū eius aduentum consueuerāt euenire: & irrideamur ab eis, qui his, quæ velut nouissima, & omniū maxima horrescimus, plura in historia

I. Thess. 4.

Psalm. 102.

Esa 40

August. in

Psalm. 111.

Hierony. in

40. c. Esa.

Epist. 80

Prima interpretatio
huius loci.

IN MATTHAEI

historia Gentium, & multò maiora legerunt &c. Intelligit igitur August. statim post inchoatam tribulationem pseudochristorum & pseudoprophetarum ac potissimum Antichristi, Ecclesiam quæ instar Solis ac Lunæ fulgebat obscurâdam: sanctos qui tanquam stellæ quædam in Ecclesiæ cœlo splendere videbâtur, cessuros persecutionibus & amisso gratiæ fulgore casuros: firmissimas fideiû, qui tam firmi sunt quàm cœlorû cardines, aut qui robur suum habent ex gratia cœlesti turbandos. Ideo autem post tribulationem dierum illo dicitur hoc futurum, non quia transacta illa tota persecutione accident ista, sed quia præcedet tribulatio, vt sequatur quorundam defectio: & quia per omnes dies illos ita fiet, ideo post tribulationem dierum illorum, sed tamen in ijsdem diebus fieri dicitur.

Dan. 8.

Nec absurda videbitur hæc Augustini expositio, si cogitetur quod à Daniele de Antiocho illustri scriptum est, quod videlicet magnificatus est vsque ad fortitudinem cœli, pro quo hic dicitur virtutes cœlorum: & deiecit de fortitudine, id est, quosdam fortes, & de stellis, id est, populum sanctorum, siue communes sanctos qui fulgent sicut stellæ, & conculcauit eas. Quæ verba Gabriel Danieli interpretans: & interficiet, inquit, robustos, & populum sanctorum secundum voluntatem suam, & dirigetur dolus in manu eius. Quod autem sequitur.

Et tunc apparebit signû filii hominis in cœlo, & tunc plangēt omnes tribus terræ. August. in supra dicta epistola nō interpretatur, sed ex ijs quæ iam dicta sunt, & postea subdit exponens illud. Videbunt filium hominis &c. intellectum fuisse videtur. Tunc in sanctis qui non cadent, sed permanebunt in gratia cœlesti apparebit signum Christi, thau videlicet, quod

Ezech. 9.

Apoc. 7.

Ezechiel super lugentes describi testatur, & quod Ioannes in Apocalypsi vocat signum Dei viui, quod dicit

dicuntur frontes seruorum Dei signari. Hoc ergo signum apparebit coram angelis qui mittentur impios in caminum ignis, ut istos signatos non lædant: hoc est Angeli cognoscent ex eorum perseuerantia quod sint prædestinati ad vitam æternam.

Meritò autem vocatur perseuerantia signum filij hominis, sicut in Ezechiele vocatur signum thau id est crucis, quia per gratiam Christi, & crucem eius dabitur sanctis istis fides perseuerans, & per Christi sanguinem ignoscentur eis peccata, ut angelis percussoribus non sint obnoxij, sicut quondam filij Israel in Aegypto per sanguinè agni postibus illitum à percussore angelo defensi sunt.

Et tunc omnes tribus terræ plangent, id est, omnes electi signo Christi notati, sua peccata deplorabunt, & abominationes antichristianorum: hos enim Ezechiel, ingemiscens scilicet, super cunctis abominationibus terræ signo thau signari testatur.

Dixi, omnes electi: impij enim dicent, Pax & securitas, ducent uxores & filias dabunt nuptui, & lætantes celebrabunt conuiuia, & postea repentinus eis superueniet interitus. Videtur autem Do-

minus hoc loco respicere ad hanc Zachariæ prophætiam: Effundam super Dauid spiritum gratiæ, & super habitatores Ierusalem, spiritum gratiæ, & precum, & aspicient in me quem confixerunt, In me, à patribus suis, seu Romani, seu Iudæi illi sint, crucifixum. Et subdit postea quod viri & mulieres seorsim plangent. Quæ oïa videntur de sanctis, nō de impijs dici: soli enim illi habent spiritum gratiæ, & precum hi soli vocantur spiritualis domus Dauid, & habitatores Hierusalem, soli isti aspiciunt ad Christum, quem in maioribus suis seu Iudæis seu gentilibus confixerunt: aspiciunt (inquā) eum, dū plangentes sese infectos esse veneno serpentis antiqui, oculos fidei conuertunt ad Christum crucifixum,

z ach. 12

IN MATTHAEI

fixum, tanquam ad serpentem æneum, vt ab eo
 fanentur. Plangunt verò Christum, siue mortem
 Christi, dum peccata sua deflent, propter quæ tam
 indigna Deus passus est, Plangunt autem viri san-
 cti seorsum, & mulieres seorsum, quando pœni-
 tentiam agentes, student castitati. Omnia hæc ma-
 ximo feruore in fine sæculi fideles præstabunt.
 Iam quod & sequitur. *Et videbunt* scilicet impij, *fi-*
lium hominis uenientem in nubibus cœli. Intelligit Au-
 gustin. de aduentu Christi, quo venit in Ecclesia,
 tanquam in nube, sicut etiam nunc venire non ces-
 sat: in suis enim veniens agnoscitur, dum quoti-
 die eius membra fiunt. Sed ideo tunc cū potestate
 magna & maiestate, qua maior potestas illius appa-
 rebit sanctis, quibus magnā virtutē dabit, ne tanta
 persecutione vincantur. Sanctos autē nubes in scri-
 pturis appellari probat illud Esaïæ: Nubibus man-
 dabo ne pluant super eam imbrē. Similiter quod
 sequitur. *Et mittet angelos suos cū tuba & uo & magna* in-
 telligit de prædicatoribus euangelij, qui per totum
 orbē terrarū mittuntur, vt clarè proponant euange-
 liū, & cōgregent in vnitatē fidei & Ecclesiæ sanctæ
 electos Dei. Hanc tamen expositionē suam probat
 Aug. ex eo quod sequitur. Cū videritis hæc om-
 nia, scitote quia prope est regnum Dei. Quæ (in-
 quit) intelligere oportet, nisi ea quæ supra commemo-
 rata sunt? in his est autem etiā quod ait: & vi-
 debunt filiū hoīs venientē &c. Proinde etiā hoc cū
 visum fuerit, nō iā erit regnū Dei, sed prope erit. Et
 infrā Matth. aperuit inquit, nullis exceptis accipiē-
 dū esse quod positū est: Cū videritis hæc fieri. quia
 Matth. dicit: Cū videritis hæc omnia, scitote, quia
 prope est in ianuis. Tunc ergo scimus prope esse, cū
 viderimus non aliqua eorū, sed hæc oīa in quibus
 & hoc est: quod videbitur filius hominis veniens,
 & mittet Angelos suos & de quatuor mundi parti-
 bus,

Esai. 5.

Matth. 80

bus, id est, de toto orbe terrarum : quod tota hora nouissima facit, veniens in suis membris tãquam in nubibus, vel in tota ipsa Ecclesia, quod est corpus eius, tanquam in nube magna, fructificante, atque crescente in vniuerso mundo, ex quo cœpit prædicare, & dicere: Agite pœnitentiam; appropinquauit enim regnum cœlorum. Ita vt fortassis omnia quæ ab his tribus euangelistis dicta sunt de eius aduentu, diligentius inter se collata & discussa, inueniantur ad hoc pertinere, quod quotidie venit in corpore suo, quod est Ecclesia, exceptis his locis, vbi ipse suum vltimum aduentum in quo per seipsum viuos indicaturus & mortuos, ita promittit, vt propinquare dicatur. Et quod in vltimo sermonis secundum Matthæum ipse omnino aduentus euidenter exprimitur. Cum venerit filius hominis inquit, in maiestate sua &c. Atque hæc quidem de Augustini sententia, aduersus quam tamen ex Apostolo magnum fieri potest argumentum, vbi loquitur de aduentu Iudicis in nubibus, & raptu fidelium in aere, de tuba & angelis missis ad electos congregandos. sup. ca. 3.

Caterum Hieron. & Chryso. aliam habent huius loci expositionem: intelligunt enim statim post tribulationem dierum illorum in quibus Pseudochristi, & Pseudoprophetae, facient prodigia & tribulabunt electos, venturum Christum Dominum, cuius fulgore Sol & Luna quodammodo offuscabuntur. Non enim sydera tam die quam nocte lucentia, luminis diminutione obscurabuntur, cum ex Esaia constet, quod sol lucebit septempler: sed maioris lucis interuentu propter quam causam, etiam stellæ casuræ dicuntur de cœlo. Cui addi & hoc potest, quod electis nullus erit vsus stellarum, vtpote quibus non erit diei & noctis vicissitudo, vt est in Apocalypsi cap. 21. secunda interpretatio. in comment. hom. 77 in math.

Ori-

IN MATTHAEI

Tract. 33
2. epist. ca.
ultim.

Origenes intelligit obscuranda luminaria, quia præ fumo illius ignis, quem Petrus dicit tabefacturum in die aduentus Domini cælum & elementa, sol & luna & stellæ, non apparebunt dum Christus Dominus aduenierit. At ita supradicti patres dicunt ista signa ipso secundi aduentus Christi tempore euentura, non autem præcessura secundum August. sententiam, licet ipsi etiam differant in expositione obscurationis horum astrorum. Vnde & sequentia sic interpretantur. *Et uirtutes cælorum commouebuntur*, id est, mirabuntur angelorum multitudines videntes vniuersa mutari, & ab omnibus exigi vitæ suæ rationem. Annotanda est hic memorabilis apud Hieron. sententia. Si, inquit, iste sol qui nunc per totum orbem rutilat, & luna quæ secundum est luminare, & stellæ quæ ad solatium noctis accensæ sunt, omnesque virtutes, quas angelorum intelligimus multitudines, in aduentu Christi in tenebras reputabuntur, decutiatur supercilium eorum qui se sanctos arbitantes, præsentiam iudicis non formidant, sed semper sunt securi. *Et tunc parebit signum filii hominis*, id est, signum crucis, inquit Hieronym. seu vexillum gloriæ triumphantis. Apparebit autem signum crucis, teste Chrysost. ut Iudæorum inuerecundiâ confutetur tum in sui iustificationem. Hinc in Ecclesia canitur: Hoc signum crucis erit in cælo &c. sed & Michaellem signiferum Domini appellamus. Cuiusmodi verò quæue ex materia futurum sit illud signum, ignoratur. *Plangent omnes tribus terræ*: rectè, tribus terræ, inquit Hier. hi enim plangēt, qui municipatum non habuerunt in cælis, sed scripti sunt in terra, id est, impij omnes, tunc enim dicent: Montes cadite super nos &c. Plangent autem, ait Chrysost. quia visa cruce considerabunt quod occiso eo nihil profecerunt: & quoniam crucifixerunt eum quem adorari oportebat. Et fletus quidem erit ut à seip-

sis pro-

Hom. 77
in Matth.

sis proferre sententiam, & seipſos condemnare cōſpiciantur. Atque poſtrema hæc de planctu tribuū terræ, ita quoq; interpretatur Auguſt. ipſe lib. 1. de Trinit. cap. 13. Sed nec iſte commentarius placet, vt ſigna hæc omnia ad ipſum momentum aduentus Chriſti pertinere intelligantur. Obſtat enim ei Lucas, qui ſigna fore ait in ſole, & luna ac ſtellis, ſigna vtique aduentus Chriſti : at offuſcatio luminariū poſterior intelligi debet apparitione Chriſti, vt cuius præſentia & fulgoris magnitudine Sol & Luna ſint obtenebranda. Rurſus dicit Lucas, his fieri incipientibus appropinquat redemptio veſtra, & cūm videritis hæc fieri, ſcitote quia propè eſt regnū Dei: ſed in deſcenſū Chriſti non propè erit regnū Dei & redēptio noſtra, ſed iā tū erit, tū enī canet tuba & mortui reſurgent incorrupti. Signa igitur in Sole & Luna intelligenda ſunt præcedere aduentū Chriſti. Nec ſatis facit huic argumento Euthymius referens illud, his, in Luca, ad ea quæ Dominus dixit de pseudo-chriſtis & pseudo-prophetis : nihil enim tale in Luca de pseudo-prophetis præcedit, niſi in principio capituli de excidio Hieruſalem. Debet ergo, vocola his, referri ad ſigna in ſole & luna. Venerabilis Beda in Lucam retinere volens expoſitionem Hieronymi, putat aliud de ſole & Luna à Matthæo aliud à Luca fuiſſe dictum : Verba eius hæc ſunt. Quod enim ait Matthæus ſol obſcurabitur &c. ipſam iudicij præſentiam ſignificat, quando apparente veræ gloria lucis, omnia mundi lumina tenebris vmbriſq; comparantur: Quod verò Lucas dicit, erunt ſigna in ſole & luna, præcurſores vicinos eiufdem iudicij quaſi nuncios indicat. Sed quia idem omnino apud vtroſque Euangelistas eſt fermo, veriſimilius eſt eadem illos de cœli luminariſus dicere.

Eſt ergo & alia expoſitio vt ſtatim poſt inchoa-

Tertia expoſitio.

IN MATTHAEI

cap. 13.

cap. 32.

cap. 8.

Quarta interpretatio.

Epist. 80

tam tribulationem dierum illorum dicatur luminaria cœli obscurari, cœlumq; ipsum nutare & moueri, non propriè sed per tropum, quia uidelicet tanta futura sit sanctorum vexatio, tribulatio, ac tristitia ut fulgentissima etiam mundi luminaria tenebrescere eis videantur: & præ persecutionis angustijs penè eos vite suæ tēdeat. Sic enim exponit Hieronymus in Esaiâ scribens, ubi similia leguntur de obscuratione luminariū & turbatione cœli, quo modo etiam intelligendus est locus Ezech. & Amos. Sed secundū hunc cōmentariū non distinguerentur signa quæ erunt in luminaribus à pressura quæ erit in terris, quæ tamen Lucas videatur distinguere: neque tunc propriè fierent signa in luminaribus.

Proinde conuenientior fortè erit hæc interpretatio: Post tribulationem eam qua pseudopropheta blandimentis & signis tantū, nondum autem aperta scuitia Ecclesiam impugnabunt, & cœperit iam oriri, vel etiam finem acceperit cruenta illa sanctorum per impios afflictio, ante tamē Christi aduentum, obscurabuntur Sol & Luna, eritq; hæc obscuratio signum imminentis aduentus Christi, & stellæ cadent de cœlo, vel quia obscurabuntur & ita videbuntur cadere, vel in infimo isto aërio cœlo videbuntur aliquæ stellæ cadere, longè mirabilius quàm nunc similitudines stellarum ex aëre cadunt. Hanc expositionem subindicat Augustinus in epistola ad Hesichium dicens: Quid unquam tale quisquam meminit apparuisse de cœlo ex quo Dominus illa prædixit, quale apparuit quando passus est? Quare sic apparebunt etiam talia, si non spiritualiter potiùs intelligenda sunt, tunc apparebunt quando finis sic appropinquabit ut debeant apparere. Castum hunc stellarum similiter interpretatur lib. 20. de ciuit. Dei cap. 24. & pseudo. Chrysosto. in opere imperfecto. quo in loco non est ille

est ille commentarius improbandus, tametsi in alijs multis Arrianis. Eandem rem habent Beda in Lucam & Rabanus in cathena citatus à B. Thoma. Atq; hæc expositio admodum mihi videtur probabilis, nam & ante excidium Hierosolymitanū, quod figura quædam fuit perditionis mūdi huius, signa magna & terrores de cælo apparuerunt, vt apud Lucam prædicitur, & refert Iosephi. Hæc tamē signa in sole Luna, & stellis non mouebunt impios quippe qui tū dicturi sint pax, & securitas, vt nec in diebus Noë moti fuerunt impij omniū ferarum ad arcā aduentu: nec in die passionis Christi Scribas & Phariseos mouit, horrenda illa & præter naturā accidens ecclipsis, vtpotē quæ cōtigit 14. luna quo tēpore ipsa directē erat sub sole, nec eosdē sepulchrorū apertio cōmouit, nō petrarū & veli pendētis in tēplo discissio. Verisimile tamē est impiorū nōnullos adiuuante Dei gratia per scripturarū cōsiderationē, in quibus & alia & finis ipse prænūciatus est, quē instantē sentient, ad credendū quod antea nō credebāt, futuros esse promptiores, & firmiores, & ad superādum etiā nō ligatū diabolū fortiores, vt ait Augu. lib. 20. de ciui. Dei. Virtutes cœlorum à B. Hier. agmina cœlestiū spiritūū intelligi superius annotauimus, Eusebius citatus à Thoma in Lucā per virtutes cœlorū intelligit fores, seu ianuas cœli quæ aperiētur in die Iudicij. Thom. verō in additione 3. part. noīe virtutū cœlestiū intelligit nō quēuis, sed certū angelorū chorū, qui propriē virtutes appellantur quomodo nomen virtutum accipit Paul. Ephes. 1. ca. sed hoc minimē probabile est. Francif. Titelman. per virtutes cœlestes intelligit efficacias siue influētias, operationes corporū cœlestiū in hæc inferiora: quæ ideo cōmouēdæ dicūtur quia cœli non ita operabuntur in hæc inferiora sicut solent, quod quidem est verisimile.

cap. 8.

Quest. 73.
art. 3.

IN MATTHAEI

Alij enim in Luca legunt præ confusione sonitus maris, id est, præ defectu fluxus & refluxus maris, quem luna non operabitur. Inquiri etiam potest an nomine virtutum non possint intelligi bases siue axes, fulcra, vel columnæ cœlorum, quæ ideo dicantur commoueri, quia vel in die iudicij, vel bante, cœlum ita turbaitur, & obtenebrabitur, vt videatur quodammodo minui vel complicari, & nutare: vt idem hic dicatur, quod apud Esaiam: Tabescet omnis malitia cœlorum, & complicabuntur, sicut liber, cœli, & omnis militia eorū defluet, sicut defluit folium de vinea, & de ficu. Et in Apoc. Cœlum recessit sicut liber inuolutus. Hoc autem, *tunc apparebit signum filij hominis in cœlo*, sic exponatur vt est ab Hieronymo annotatum de signo crucis. In opere imperfecto Chrysostomo falso ascripto, nomine signi filij hominis, intelligitur corpus ipsius Christi, habens adhuc vulnerū suorum cicatrices, quas certum est fore conspicuas: Excutiendum relinquo, an hic possit horum verborum esse sensus. Obscuratio astrorum habenda est pro signo imminentis aduentus filij hominis, quasi dicat. Erunt signa in sole & luna, & hoc erit signum secundi aduentus filij hominis. *Tūc plangent omnes tribus terræ* Retineatur Hieronymi commentarius supra positus, vt tunc, nō ad tempus iudicium præcedens, sed ad ipsum iudicij diem referatur. August. intelligit duodecimum caput Zachariæ, ad quod hic alludi videtur, de planctu omnium omnino hominum in die iudicij, maxime Iudæorum. Mali enim plorabunt mortem Antichristi sibi non profuisse, boni verò plangent pietatis affectu recolentes, tā indignas Christi à peccatoribus passiones. Sic etiam intelligit Remigius siue Haymo (nam vtrique ascribitur idē iste commentarius) putans per viros, bonos designari per

cap. 34

apoc. 6.

Lib. 10. de
ciuit. Dei
cap. 10.

per mulieres verò, malos. Planctum sanctorū qui iudicium præcessurus est etiam ab Augustino intelligi supra annotauimus. *v ldehnt filium hominis*, etiam impij, sed secundū humanitatem. De quo vide Augustinum. *verientem, ex cœlo in hunc mūdum in nubibus cœli*, sicut quondam in eis ascēdit vt apertè docet Paulus. *et mittet angelos suos*, Non est sequutus ordinem narrationis, inquit Euthymius, sed simpliciter quod futurum est dixit, nam Angeli descendunt cum eo, non est autem eos vocaturus vbi descenderit. *cum tuba* vel voce magnæ tubæ, sicut enim populus tuba ad solennitatem in lege vocabatur, ita sancti ad æternam solennitatem. De hac tuba etiā loquitur Apostolus Paulus ad Thessalonicens. & Corinth. scribens. Tubæ nomine ali- quod euidentissimum & præclarissimum signum vult intelligi, inquit August. ad Honoratū de gratia noui testamenti. Remigius verò dicit fore vocem archangelicam quæ aded futura sit magna, vt ad eius clamorem omnes mortui de terræ puluere suscitentur ac resurgant: sed non indicat vniusne, an plurium archangelorum. De hac tuba consulatur Thomas in additione 3. partis, vbi etiam tractat angelos cooperaturos faciendę resurrectioni. Alij dicunt fore ipsius Christi vocem, iuxta illud Euangelij. Mortui audient vocem filij Dei, qua voce & Lazarū euocauit è sepulchro. *et cōgregabunt electos* tuba omnes excitabit, angeli excitatos congregabunt, congregatos rapiunt nubes obuiam Christo. Hic locus probabile facit quod dicit Remigius, tubam fore vocem archangelicam, quæ etiam vox Christi dicitur, quia eius iussu fiet. *a quatuor ventis*, id est, quatuor orbis partibus, vnde spirant quatuor venti, per quos totum orbem significauit. *a summis cœlorum usque ad terminos eorum*. Idē repetit alijs verbis. Ad verbum est, à summis cœ-

Tract. 17.
super 10an.
Lib. 1. de tri
nit. cap. 13.

1. Thess. 4.

ibidem

1. Cor. 15

Epist. 110
cap. 34.

Quest. 75
arti. 2. q. 1.
10an. 5.
10an. 16

IN MATTHAEI

lorum vsque ad summa eorū, siue à verticibus eorū vsq; ad verticem eorum, ab vno polo vsque ad alterū: quo sermone hyperbolico nullū electū esse relinquendū significatur, quantumuis abstruso loco latuerit, aut cineres eius dispersi fuerint. Similis loquutio est in Deut. Si ad cardines coeli fueris dissipatus. Neq; verò electos tantū, sed & reprobos cōgregabunt, in caminum ignis mittendos: sed hāc partem hic non adiecit Dominus, quia in consolatione electorum occupatur.

Cap. 13.

Ita & uos cū uideritis haec omnia quæ scilicet præcessura dixi aduentū meū, nēpe, signa in luminaribus coeli, Pseudochristos & pseudopphetas facientes admiranda, & sanctos affligentes. Hæc, inquā, omnia cū uideritis inchoari vel fieri, etiam si necdū finem acceperint, vnde Lucas, his fieri incipiētibus &c. Scitote valde propinquū esse aduentū meū, & consummationē sæculi. Esse in ianuis prouerbialis est sermo, propinquū esse quippiā significans. Meritò proinde nunc dicere possumus propinquū esse Christi aduentū; cū Paul. ab hinc mille quingentis & amplius annis dicere ausus fuerit: Propinquior est salus nostra, quā cū credimus, id est cū inciperet Ecclesia Dei in Christū credere. Tēpus tamen certum definire non nisi diuinæ est sapientiæ.

Rom. 13.

Amen dico uobis non præteribit generatio hæc. Confirmat præmissam narrationē, vt firmiùs restā cognitu necessaria animis imprimatur. Triplex autē est loci huius expositio. Generatio enī hæc genus humanū potest accipi, aut gens Iudeorū, quā vtramq; expositionē habet Hieron. Chryso. verò genus, seu populū Christianū: quod postremū valde propabile est, quia Salua. multa hic dicit in cōsolat. elector. ne putarēt propter persecutiōnes quas prædixit à persecutorib. extinguēdū esse christianism. antequā Christus aduenerit. *Donec hæc omnia fiāt, scilicet, quæ-*
cunq;

cūq; nūc vel de excidio Hierusalē, vel de fine sēculi prēdicta sunt. c *celū & terra trāsibūt &c.* Facilius est cōplēri, aut falsitatē cōtinere. Huiusmodi sermonis phrasi in re simili vsus est Luc. Facilius est, ait, cōplēri & terrā prāterire, quā de lege (quæ & ipsa verbū Dei est) vnū apicē cadere, quibus verbis nō dicūtur cōplēri & terra trāsitura, sed magis cōtrariū, significātur enī duo impossibilia, sed alterū impossibilius, quō suprà dixit: Facilius est camelū intrare per forā mē acuis, quā diuitē intrare in regnū Dei. Sic Chry. Alij verō accipiunt Christū asserere verba sua esse stabilitissima, quæ mutari nō possint, quomodo cōplēri & terra mutabuntur, ac si dicat: Cōplēri & terram possibile est mutari, vel mutabilia sunt, verba verō mea nullā mutationē recipere possunt. Neq; tamē iuxta hanc sententiā cōplēri & terra abolitione substantiæ, sed tātūm innouatione qualitātū interibūt, vt testes sunt Hieron. August. Methodius martyr citatus ab Epiphānio in hāresi Origenis. Vide etiā Augustin. de hāresibus ad Quod vult deum.

Luc. 16.

in cōment.

Lib. 10. de

ciuit. Dei

cap. 18. &

24.

H. res. 67.

Die autem illa & hora. Quia poterant Apostoli interrogare determinatū tēpus aduentus Christi, prāuenit eos, & dicit: De die illo quo scilicet veniā siue reuelabor, nemo scit, nemo determinatē nouit tēpus aduentus mei. Dies & hora forsītā in hoc differūt, quod dies significat tēpus quatenus voluminibus spātorū trāsīt, hora autē significat tēpus quatenus est oportunū vel importunū ad aliquid agēdū sicut dicere cōsueuim⁹ noctē esse tēpus quietis, vel tēpus studiorū, id est, multū studijs idoneū. Certē eos qui hoc loco volunt per diē & horā intelligere diē & horā propriē dicta, satis refutat Domin⁹, vbi dicit: Non est vestrū nosse tēpora, vel momēta &c. quæ hoc loco diē & horæ noībus appellātur. Hāc Dñi sent. tractās Aug. epist. ad Hesichiū, docet non

Act. 1.

episto. 78.

& 80.

IN MATTHAEI

Quest. 8.

1. Thess. 5.

*Lib. 1. de
ciuit. Dei
cap. 53.
Vide eundē
ib. de Gen.
cont. Man.
cap. 24.*

2. p. 80

*Lib. 1. de
trin. ca. 12*

posse intra vltos seu maioris, seu minoris numeri annos Christi aduentum definiri. Et lib. 83. quæst. vltima, inquit, generis humani, quæ incipit à Domini aduentu vsque in finem sæculi, quibus generationibus computetur incertum est: Et hoc vtiliter voluit Deus homines latere, sicut in Euangelio scriptum est, & Apostolus attestatur dicens: Diem Domini tanquam furem in nocte esse venturum. Et alibi: Solet, inquit, quæri quando erit istud (Christi scilicet aduentus) importunè omnino, si enim hoc nobis nosse prodesset, à quo melius quàm ab ipso Deo magistro interrogantibus discipulis disceretur &c. Et infra: Non vtiq; illi de hora vel die vel anno interrogauerant quando illud accipere responsum, scilicet (non est vestrum nosse tempora vel momenta) frustra igitur annos qui huic sæculo remanent computare, ac definire conamur, cùm hoc scire non esse nostrum ex ore veritatis audiamus, & infra: Omnia de hac re calculantium digitos resoluit, & quiescere iubet ille, qui dicit: Non est vestrum scire tempora, quæ pater posuit in sua potestate. Docet etiam alio loco B. Augustinus, nullum prophetarum determinatè omnino prædixisse aliquod tempus Christi aduentus. Quo loco deprauata est vulgaris lectio, sic restituenda. Vnde credibilius est non Deum voluisse sciri, sed noluisse prædicari: quod noluit prædicari, quia videbat non vtiliter sciri. Imò nec Apostoli qui primitias habuere spiritus sancti hoc sciuerunt, non videntur igitur posteriores hoc cognituri. Ex ijs quæ iam dicta sunt, videtur illud Augustini, vtiq; dicturus erat discipulis suis tempore opportuno, de die & hora iudicij: referendum ad tempus futuri iudicij: tunc enim opportunum erit Apostolis, vt sciant diem iudicij: vel refertur ad beatitudinem in qua nunc sunt: quanquam id minùs placet,

cer, nam & Angeli etiam nunc diem illum ignorât. Vnde putârim nec Apostolos nunc in cœlis agentes scire diem illum: ac fortassis ne B. Virginē quidem, quod tamen affirmare non ausim. Rursus quod alibi Augustin. interpretatur mille annos de quibus Apoc. cap. 13. pro spacio sexti millenarij, cuius tempore Augustini posteriora spacia voluebatur, quasi euoluto hoc sexto millenario, velut sex diebus, mundus finiretur: non est accipiendū tanquam ex ipsius dictum sententia, sed Christianorū, quorum mentionem ibidem fecerat. Veram enim & germanam ex sua sententia interpretationē etiā ibi proponit. Quod autem eodem loco dicit Chylialtorū opinionē fore vtcūque tolerabilem, si in septimo millenario non carnales, sed spirituales pollicerentur delicias, id hoc sensu accipiendū est, quod tunc minū futura sit intolerabilis. Dicebant enim completis sex annorum millibus sæculum hoc laboriosum finiendum, vt sex diebus vniuersa mundi machina creata est, computatis pro quolibet die mille annis. Huius erroris fuit Irenæus Martyr, Lactantius, Tertullianus lib. de spe fideliū, & Seuerus Sulpitius in Dialogo Galli & Posthumiani de sancto Martino. Errorē hunc Chylialtæ astruere conabantur ex Epistola Petri, vbi dicit mille anni ante Dominum sicut dies vnus, & ex Psalm. Mille anni ante oculos tuos sicut dies hereterna quæ præterijt &c. non attendentes quod ibidem sequitur: Mille anni sicut custodia in nocte erunt, imò pro nihilo habentur. Dictum est autem custodia, id est, trium horarum vigilia nā qui tribus horis dormiuit, suscitatus denuò vt vigilet breui se admodum tempore dormiuisse videtur, tres horas quasi pro nihilo computans. Vnde in hunc Psalm. locum August. Hieron. egregiè hæc refutantes. Denique proferebant illud Ioannis Po-

lib. 20. de
ciuit. dei
cap. 7.

lib. 5. cont.
hereses.

lib. 7. diui
narū instit.
cap. 14.

1. Pet. 3.

Psalm. 89

1. Ioan. 2.

stre-

IN MATTHAEI

Epist. 80

cap. 41

1. ib. 6. ca. 3

1. 1. thess. 2

stremū per (filioli nouissima hora est) per quam vltimos sæculi quingentos annos significari dicebāt, diuidebant enim sæculum in duodecim vel sex horas. Hos pulchrè refutat Aug. epist. ad Hesich. Quin & ipsa experientia abundè testatur Ioannem id de vltimis quingentis sæculi annis minimè dixisse: cū ex quo illud scripserit plusquā mille anni præterierint, & tamē sæculi finis necdū aduenit. Hanc opinionē proponit etiā Hierony. in Michxā scribens, lege nimirū cōmētariorū, varias diuersorū referēs sententias, nō id eū sensisse, hinc liquet, quidnā in tertiū cap. Osee dicit filiū ignorare diē iudiciij, quia nobis nō expedit discere. Similes his sunt qui hodie prophetiam proferūt, bis mille inane, bis mille lex, bis mille Messias, qua significetur, duobus annorū millibus mundū sine lege quasi vanitati suæ relinquendum, totidem futurū sub lege Moyfi totidemq; sub Messia. Cū id nō Helię prophete, vt volunt, sed Rabbinī cuiusdā eius nominis sit somniū: quod tñ à quibusdā magno cū plausu excipitur. Metuendū est sanè ne quēadmodū Apostoli tēpore quidā turbabāt Thessalonicēses, quasi iā iā instaret dies Dñi: & Iudas quidā de quo Hiero. lib. de viris illust. & Euse. in hist. Ecclesia. asserēs sua ætate sæculū finiendū, ita fideiū animos vani fabulatores isti perturbēt, & spē eis faciāt diutiūs differendū diē iudiciij quā fortasse differetur. Si enim Christianæ religioni deputati sunt bis mille anni, non est quod metueamus ne nostro sæculo dñs veniat cū quadringēti & amplius ei' anni super sint. Sed querat fortasse quispiā ane scire possimus nō venturū Christū hoc an^o. Res. probabile esse quod nō. quoniā necdū eā videmus sanctor. persecutionē quantā sub Antichrist. futurā credim⁹. Nā nisi is primū apparuerit nō esse dñm ad iudiciū vēturū, Thessal. suos docet Aposto. Neq; angelū cælorū. Simpliciter accipio, tætsi intel-

intelligi possunt ita nescire quomodo filius, quia scire alios non faciat. Nam quod Caietanus intelligit nescire scientia naturali, id nihil est. Si ergo ne Angelis quidem dies hic reuelatus est, nō est quod nostrum quisquā id sibi reuelari postulet. *Nisi solus pater.* Hic solus illum diem & horam determinatē nouit. Nō excluditur hīc filius, vel spiritus sanctus qui eandem cum Deo patre scientiam habent: sed tantū creaturæ. In quibusdam codicibus legitur: Neq; filius quod vt additum sit certē apud Marcū legitur. videndum ergo, quo sensu id dicatur. Et, in primis quidem August. id de Christo secundū humanā naturā intelligit, qui ideo diem illū ignorare dicitur, quia nulli eū indicat, & occultādo facit alios nescios: atq; hęc explicatio scripturis satis cōformis est, quarū multę sunt intelligēdæ, vt, Nunc cognoui q̄ timeas Deum, id est, feci te & alios id cognoscere. Item, nō iudicaui, inquit Paulus, me scire aliquid inter vos, nisi Iesum Christū, & hūc crucifixum, quia videlicet per eum nihil aliud carnales audiebāt, plura tamē sciebat quoniā inter perfectos sapiētiā loquebatur. Hoc ergo genere loquutionis filius nescire diē iudicij dicitur, quo nescire quis dicitur quod occultat: quo sensu dicitur etiā dies læta vel tristis quia lætitiā vel tristitiā facit. Pater autē scire dicitur, quia filium scire facit, vel dat ei diuinā essentiā, & filius secundum diuinitatē scire dicitur, quia dat spiritui sancto scientiam item spiritus S. scire dicitur quia Christo secundū humanā naturā secundū quā nescire dicitur, reuelat. Nā rectē ait Diony. Carth. cū Christus inquantū homo iudex viuorū & mortuorū cōstitutus sit, videtur etiā inquantū homo illius diē notitiā accepisse: id quod sine dubio sensit etiā Augustinus alioqui ignorantiam ei sine tropo attributurus. Similiter hunc locum explicant Hieronym. Chrysostomus

Marc. 13

Lib. 1. de tri

nit. cap. 12.

Lib. 83. qu.

60. Or lib. 1

de gene. cō.

Manic. c. 22

Genes. 22

I. Cor. 2.

ibidem.

IN MATTHAEI

softomus & Theophylactus, item Basilius qui etiā secundam interpretationem addit, quæ videtur esse magis mystica, vt videlicet per diem & horam nouissimam intelligatur summum bonū, & æterna fœlicitas : & vt Deus dicatur illud scire quod ipse est, quomodo dicitur scire iustitiam & ignorare malitiam : atque proinde cū nec Angeli, nec Christus secundum humanam naturam sint summū bonū nostrū, & beatitudo, rectè eā nescire dicuntur. Cōsentit cū superiorib. B. Gregorius, qui & alias duas habet interpretationes, vt nescire dicantur, vel quia corpus eius quod est Ecclesia id nesciat: vel secundum humanitatē, quia etsi in humana natura sciat, id tamē nō ex illa, sed ex diuina norit. Grego. verò Nazianze. lib. 4. Theolog. Hilarius in fine lib. 9. de Trini. Cyril. lib. 4. thesauri cap. 41. ignorare eum intelligunt, vt homo sitiit & esuriit. Ambros. quoque lib. 5. de fide cap. 8. refert quosdam ex eo quod scriptum est, Iesus proficiebat sapientia, dicere Christū vt homo est ignorare diem iudicij: quos nec refutat, nec eis assentitur. Epiph. verò in hæresi Arrianorum, & in libro Anchoratus intelligit Christum secundum humanam naturam non scire diem iudicij actū, & vsu, quia nondum exercuit extremum iudicium: at tota trinitas cui omnia futura præsentia sunt, & nihil per rerum præsentiam vel experientiam accedit, æquē diem iudicij nouit, atque si iam in præsenti iudicium exerceretur, quia apud eam omnia præsentia sunt, & omnes iudicati sunt. Hoc modo Beata Virgo dicitur, nunquam à Ioseph cognita, quia Ioseph ea nunquam est vsus in actu coniugali. Et sic Christus secundum humanam naturam diem iudicij practice non nouit, quanquam speculative non ignoret. Liber de incarnationis Dominicæ sacramento Ambrosio inscriptus, in Christo ignorantiam ponere vide-

Basl. lib. 4.
cont. Euno.
et epist. 141

Lib. 8. epist.
Iol. 42.

cap. 7.

videtur, verum Augustinus nullo pacto putat in Lib. 2. de
pec. mer. ca.
29.
puero Iesu ponendam illam ignorantiam, quam in
paruulis conspiciamus. Imò verò nec ullam omni-

no. Nam ab exordio conceptionis plenus fuit secun-
dum animam sapientia & veritate. Patres ergo su-
pradiſti, qui ignorantiam agnoscere in eo viden-
tur, intelligi debent secundum similitudinem quæ-
admodum venit in similitudine carnis peccati.
Assumpsit enim defectus omnes nature nostre
qui humane redemptioni subseruiebant famem,
sitim, passibilitatem &c. At peccatum, concupiscen-
tia & ignorantia magis erant futura impedimento.

sicut autem in diebus Noe ita erit & aduentus filii hominis.
Simili exemplo docet aduentum suum subitum &
inexpectatum futurum lasciuientibus videlicet homi-
nibus, quasi dicat: Quomodo tempore Noe actum
est simili modo in aduentu meo agetur. *sicut enim*
erant in diebus ante diluuium comedentes & bibentes, com-
messantes, nubentes, & nuptui traſcentes, ducentes vxo-
res, & maritos accipientes. Non culpantur hic nu-
ptiæ, quemadmodum nec cibi vel potus vsus mo-
deratus, sed libido & cor libidini vsque adeò dedi-
tum, vt venturam plagam diuinam, & Dei iudici-
um non obseruent, nec timeant. Etenim Noë per cen-
tum annos arcam fabricauit & opere suo abundè Genes. 7.
admonuit, attamen non cognouerunt vindictam
Dei super se venturam, donec diluuium venit, &
omnes perdidit. Nec est hoc loco operæpretium
intelligere de legitimis nuptijs, siquidem de tali-
bus intelligi potest quales Turcæ celebrant, plures
vxores habentes, & eas sæpe repudiantes, quales
etiam celebrant concubinarijs & concubina for-
nicantes. Augustinus epistola ad Hesichium locum = pist. 80
hunc de impijs solis intelligit, sentit enim pios om-
nes & sanctos tantas persecutiones ad diem vsque
iudicij perpeſſuros, vt non sit illis futurum vacu-
um lasci-

IN MATTHAEI

2. Thes. 4.

lasciure. Id quod satis conforme est Apostolo ad Tessalonicēses, vidi ait impios dicturos pax & securitas. Hiero. in hunc locum putat tā malos quā bonos sub seculi finē in tribulatione futuros, sed breuem requiem vtrisq; postea concedendam, vt fides probetur credentiū, an transactis malis Dñm credant esse venturum. Cum Aug. sentire videtur Chrys. & ex Luc. ca. 17. Omnino videtur ad diē iudicij duratura persecutio. Quāquā videtur hec christianorū persecutio talis futura, vt seruato etiā christianismi noīe lasciuire possint: quod enim apud Euang. sequitur de relinquēdis & assumēdis, pertinet ad christianos veros & qui noīe tenus huiusmodi sunt: an in his relinquēdis sunt etiā mali serui, Ecclesiæ præfecti qui non propter abnegatum Christū, sed ob ebriositatē & seruorū Dei, cōseruorūq; suorū oppressiōne relinquentur. Vnde D. Hieron. putat Antichrist. in Ecclesia sedē suā habiturum.

Quest. 11.
ad Algastā.

Tunc erūt duo in agro. In die aduentus mei duo in cāpis stabunt, quorū unus assumetur, ab angelis sanctis obuius mihi in aëra, & unus relinquetur in terra cōdemnandus cum impijs. loquitur autē de his qui viui reperientur. Duæ molētes in mola nō cogitantes imminere diē iudicij, quarū una assumetur, & una relinquetur: illa ad gloriā hæc ad suppliciū. Pauperum muliercularū erat molere, vt ex li. Exod. colligere licet, vbi primogeniti oēs prædicuntur occidendi à primogenito Pharaonis vsq; ad primogenitum ancillæ quæ est ad molam. Duo in lecto dormientes. unus assumetur, & unus relinquetur. Ostendit saluator quosdā secundū exteriora in hoc mundo pares, diuersam mercedē sortituros, iuxta operū internorū diuersitatē. Chrys. per molentes & eos qui in agro sunt laborātes seruos & pauperes intelligit: per eos qui in lecto otiosos dños & diuites, colligitq; ex hoc loco, Dñm nocte ac quietis tēpore venturū, qñ somno

Exod. 2.

somno & voluptatibus opera dari solet. Et Lucas videtur idē dixisse, cū ait in illa nocte, verum Aug. intelligit in illa nō nocte, sed tribulatione: quo loco per eos qui in agro sunt significatos putat pastores Ecclesiarū Paul. enim prędicatores plātatoribus, & rigatoribus cōparat, populū verō Dei agri culturā vocat; per molētes aut Christianos cōiugatos, qui in solitudinibus huius sæculi tanquā in mola versantur: per iacētes in lecto, monachos qui in gubernatione populi Dei & solitudine cōiugali sunt liberi, & salutis tātū curā habere debēt. Similiter intelligit in Psal. 132. scribēs: Hiero. per duos in agro & molētes Eccle. intelligit & Syna. seu hereti.

vigilate ergo quia nescitis qua hora dominus uester uenturus sit

In illa hora enī soli illi assumētur, qui salutis curam gesserūt, reliqui verō qui illā neglexerūt relinquentur. Ideoq; semper diligentes estote, nunqā virtutis studiū relinquentes. Quod aptē vigilia nūcupatur, nā qui diligēter seruiūt Deo oculos ad verā lucem apertos habēt, sobrij sunt, & circūspecti, oēm aīorū segnitie, & torporē excuentes: cōtra verō oīs torpor, segnities, negligētia, & peccatū, somn' vocatur 2 pbes. 5

ut surge qui dormis, & exurge à mortuis, & illuminabit te Christus. Ideo aut somnus dicta sunt, quod somno corporali cōiuncta sint, quēadmodū Dei seruitus, sobrietas & castitas, vigilię. Idē apud Lucā explicat Salua. dicēs: Attēdite ne fortē grauētur &c.

illud aut scitote, quoniā si sciret pater familias qua hora fur uenturus esset, uigilaret utiq; & non sineret perfodi domū suā.

exēplū patris famil. adducit, ut ad vigilandū nos exhortetur q. d. Cū certō sciatis dñm esse vēturū, horā aut qua venturus est ignoretis, quēlibet hora sic habēda est quasi illa dñs vēturus esset. Quocirca oī parati esse debetis, nō secus q̄ pater familias illa hora diligēter vigilat, qua furē venturū putat. Hęc dicū-

Homil. 78.

tur (inquit Chrys.) ad desidię nostrę erubescentiā: in matth.

maio-

IN MATTHAEI

maiolem enim diligentiam adhibent qui furem expectant, quàm nos pro animæ nostræ salute. Hic etiâ causa explicatur quare tempus aduentus Domini latere debeat, alioqui enim illo tantum tempore quisq; se præpararet, & reliquo tẽpore negligenter vitam institueret. *ideo & uos estote præparati, quia quæ non putatis hora filius hominis uenturus est.* Queritur cur Christus Apostolos & eorũ posteros vigilare uoluerit, ne imparati inuenirentur, & dormientes in die aduentus, cùm Paulus sciuerit suo tempore Dominum non uenturum. Respondet Augustinus, quòd ille imparatus inuenitur in secundo aduentu Domini, qui in ultimo die uitæ suæ imparatus reperitur, nam in secundo aduentu Domini talis quisqua repræsentabitur, qualis hinc recedet. Sicut autem incertus est nobis nouissimus mundi dies, ita secundum quandam præportionẽ mortis etiam nostræ hora. Quod addo, quoniã facile scimus non esse nos ad mille usque annos peruenturos: & qui ad mortem condemnati sunt, aut grauissima laborant ægitudine, uerisimiliter norunt mortis suæ horã, quod uidelicet hoc die aut hebdomada sint morituri: ut & illi quibus id diuinitus est reuelatum. Locum ergo habet hæc Christi exhortatio apud sanos & utcunque adhuc bene dispositos. Si respiciamus ad illos quibus certum erat nõ eorum temporibus mundum finiendum, nesciunt hi mortis suæ horã, quæ est eis pro secundo Christi aduentu. Apud iamiam morituros magis quadrat hæc exhortatio: Dominus propè est, tempus est omnino iam de somno surgere, quanquam locum etiam habeat in omnibus ob uitæ breuitatẽ. Idem iudicium de his quibus est mors sua reuelata. At si eos respiciamus quibus incertum est an Christus eorum temporibus ad iudicium uenturus sit, de quorum numero nos sumus, in his locũ

habet

epist. 80

p hilip. 4.

rom. 13.

habet Christi exhortatio . Nam et si sciremus quādo secundum corporis debilitatem essemus morituri, nescimus tamen an adhuc anteuertet Domini dies. Quemadmodum autem quibusdam vtile est, vt diebus aliquot infirmentur, quò possint verè pœnitere , dum mortem vident imminentem, ita & sanctis quibusdam vtile fuisse videtur maioris præparationis causa, quòd mortis suæ horâ aut tēpus præscirent. Nō est tamen à Deo petendū vt mortis nostræ diem nobis reuelet , nisi fortè magna subexistente populi Christiani necessitate, quemadmodum nec illud passim petendum vt miracula faciat, prophetandi donum inspiret: videtur enim ad Dei tētationē pertinere pro sua tantū vtilitate tale quippiā petere: neq; enim sancti id secisse leguntur, sed pro aliorum salute tantū: Vnde huiusmodi reuelationem de die mortis aut ea iam imminente, ij accipere meruerunt, qui fidem Christi propagarunt, vel quorum sanctimoniam toti mundo expediebat sic declarari: quales fuerunt Petrus & Paulus & alij nonnulli. Quare damnandæ sint preces illæ quæ in libellis quibusdam inveniuntur quibus ea reuelatio petitur: Rursus quod alijs quibusdam certis preculis per dies aliquot lectis talis reuelatio promittatur. Hæc autem Ecclesiæ oratio , A subitanea & improuisa morte libera nos Domine, prudentissima est, nec huic loco villo pacto aduersatur: neq; enim hic petimus præscire tempus mortis , sed ne dies nos ille imparatos opprimat , vt mortem iugiter cogitemus , ita semper in eum diem simus intenti, vt quandocūq; veniet, minimè subitus ac improuisus irruat: aut si peccare contigerit, ne subito auferamur , sed veræ pœnitentiæ spaciū ac ipsam pœnitentiam Dominus largiatur . Quanquam nec malè simpliciter intelligi id potest , id est , quod videamus eos qui

1. Pet. 1.

2. Tim 4

IN MATTHAEI

sic moriuntur esse ferè imparatos. Porro pro eo quod nos habemus, *quia qua nescitis hora filius hominis venturus est*, Græci codices habent, qua hora non putatis filius hominis venturus est, quo modo habet & Lucas. Secundum quam lectionem sensus esse videtur, venturus est filius hominis eo potissimum tempore, quo quàm minimùm expectatur: atq; ita ad impios tantum id referetur, tametsi in secunda persona ad Apostolos suos Christus loquatur. quasi dicat; nisi continuè vigiletis, dies Domini vos tanquàm fur comprehendet, venturus quando minimùm putabitis: si autè filij lucis estis, etià si ignoretis quando venturus sit, non veniet tamen vobis inexpectatus, vt qui eum omni tempore expectaueritis.

marc. 13
Luc. 12.

Quis putas fidelis seruus, & prudens. Ex Marco & Luca satis patet qua occasione hæc quæ sequuntur à Domino dicta sunt: Cum enim Petrus parabolam de patre familias propte furem vigilantem audisset cogitare cœpit, Dominum fortassè de prædicatoribus & præpositis tantummodo loqui, quia verò ad omnes præparatio ad aduentum Domini pertinere videbatur, proposuit quæstionem Domino dicens, Domine ad nos dicis hanc parabolam, an & ad omnes? Cui respondet Dominus, Quod vobis dico; omnibus dico, vigilate: moxque subiungit *Quis putas fidelis &c.* quasi dicat: si de familiæ meæ patre audire vultis, qui non pro se tantum, sed & pro alijs vigilare debet, dico vobis: *quis putas fidelis seruus & prudens.* id est quàm rarus & inuentu difficilis. Et sanè rarus est fidelis seruus Domino, propter eum seruiens, oues eius ad ipsius nō proprium lucrum pascens, qui nihil quod Domini sui est sibi proprium facit. Rarus prudens dispensator, qui cognoscat quomodo quæ sibi data sunt à Deo, dispensare debeat, qui subditorum mores, vitam & capacitatem diligenter discutiat. Rarus est qui le-
giti-

gitimè à Domino cōstituatur videlicet super populū, tanquā Aarō vocatus, qui non ambierit, nō se ingesserit, nec vlla simonia præfecturam obtinuerit. Obseruandæ hic sunt tres conditiones legitimi familiæ Christi serui videlicet fidelitatē, prudētiā, & à Domino vocationem. Optimè autē saluator fidelitatem cum prudentia iunxit: etenim sicuti res Domini pereunt nisi dispensator simul fuerit fidelis, & prudens; ita etiam animæ pereunt nisi pastor talis fuerit, nam si infidelis sit, commodum proprium, non gregē Domini curabit, si verò fidelis, sed imprudens plus obest quàm prodest, quia discretionem non habet temporum, locorum, conditio- num, & personarum, pro quorum qualitate subinde mansuetum se exhibere debet, subinde durum, atque seuerum. *Quem constituit dominus super familiam suam.* Sic vocat populum Christianum: constituunt enim hi velut domum vnam, vnamque familiam sub vno patre Dominoq; Christo, qui abiens in cœlum, in reditum vsq; suum pastores cōstituit vt eius vice familiam hanc eius gubernēt. *vt det illis cibum in tempore.* Finē explicat præpositorum, & pastorū Ecclesiæ. Officiū enim pastorū est cibo spiritali familiā Domini pascere. Cibus autē familiæ Christi, id est, populi Christiani, est doctrina fidei, exhortatio, correptio, exemplaris conuersatio, seruens & frequens pro grege Domini deprecatio, diligens & prompta omnium sacramentorum administratio. Canones, item leges, & statuta maiorū. His omnibus, sicut corpus cibis, familia spiritaliter nutritur, roboratur & pinguescit. Rectè etiam addidit saluator *in tempore*, quia si beneficium non suo tempore detur, in malum cedit, & nomen beneficij perdit sicuti panis esurienti est vtilis, saturo noxius. Apertè etiam Lucas habet mensuram tritici propter modum capacitatis subditorum,

IN MATTHAEI

pastor enim vt doctus videatur sublimia coram idiotis prædicare non debet, nec coram plæbe vitia sacerdotum exagitare tanquam plæbis adulator, nec hæreses propalare his qui nihil sciunt, nec corā pueris & virginibus de peccatis carnalibus disputare. Eleganter quoque hunc cibum triticum vocat: quemadmodum enim triticum inter frumenta purissimum est, dulcemq; efficit panem, & bene nutrientem, ita doctrina & vita pastoris, vt bene subditos pascat, purissima esse debet & ab omni hæreseon, fabularum, iocorum, & omnium mundi vanitatum palea, libera & repurgata. Ex his intelligi potest ad pastorem pertinere in primis vt instet orationi & ministerio verbi, vt in Actis aiunt Apostoli; & Paulus Titum & Timotheum suum docet. Secundo, vt pauperum & pupillorum curam habeat, vt liquet ex priore ad Thimotheum epist. vbi pauperes viduas Episcopis commendat: Et ex Actis Apostolorum vbi Paulus & Bernabas elemosynas collegisse leguntur pro pauperibus in Hierusalem. Tertio, vt temporalia etiam Ecclesiæ bona conseruet. Sed quoniam infimum hoc est, ac præcipuum eius officium aliquousque impedit, curari potius hæc debent per alios, quibus ipse tamen superintendat: atque ita in Actis faciunt Apostoli: Et de August. idem refert in eius vita Possidius.

Act. 6.

Act. 6.

Cap. 24.

Beatus ille seruus, quem inuenerit Dominus eius sic facientem, fideliter Christi cibum erogantem. Amen dico vobis, quoniam super omnia bona sua constituet eum. In maximo honore eum habebit, omnium enim bonorum suorum eum possessorem faciet, iuxta illud: Sancti omnes possidebunt terram & regnabunt super eam. Quemadmodum enim Adam in statu innocentiae dominabatur creaturis, ita sancti omnes recuperabunt hoc donum in resurrectione, quod perdiderunt in peccato Adæ: verum longè excellen-

cellentius illi qui alios ad vitam æternam adduxerunt, Qui enim docti fuerint; fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates. *si autem dixerit malus ille seruus*, id est, huiusmodi seruus super Domini sui familiam constitutus. *in corde suo*, id nō sine causa additum, nam tametsi non dicant multi apertè & disertis verbis, ita tamen intus affecti sunt vt prælaturam accipiant, tanquam diu in ea lautè & luxuriosè victuri, nihil de iustitia, onere imposito, Deiꝝ iudicio solliciti. *moram facit Dominus meus venire*, id est, in longum tempus differet Dominus aduentum suum. Hoc dicit seruus malus longam vitam sibi promittendo, aut de morte nihil cogitando, aut iudicium extremum nihili faciendo, vt liberiùs desideratis voluptatibus fruatur. Non hoc dicit seruus iste desiderio sancto, quo fit vt amanti tardum videatur quod breui tempore differtur: quo desiderio æstuabat qui dicebat: Sicut ceruus desiderat ad fontes aquarum, ita desiderat anima mea ad te Deum &c. Et; heu me quia incolatus meus prolongatus est. Sed amore iniquitatis, ne timore aduentus Christi à desideratis voluptatibus impediatur: quæ enim longè absunt non solemus admodum timere, sed facillè contemnere. Circa hunc locum annotat Beda super Lucam, inter vitia mali serui referri: quod dicat, moram facit Dominus meus venire: non autem inter virtutes boni serui, quod dicat, propinquus est Domini mei aduentus: is enim totum id Deo committit, hoc tantum agit, vt paratus inueniatur: profitens se aduentus eius diem ignorare. Tamè quia breue est omne quod spacijs temporum deuoluitur, si ad æternitatem conferatur, hac ratione dici etiam potest, propinquum esse Domini aduentum.

et ceperunt percutere conseruos suos. Notanter vo-

Dan. II.

Psalm. 41.

Psalm. 31.

IN MATTHAEI

cat conseruos: Ecclesiastica enim præfectura seruitus magis est ac ministerium, quàm prælatura.

manducet autem & bibat cum ebrios. Quia præfecti Ecclesiæ cæteris præpositi sunt, voluitque eos Dominus & in veteri & in nouo testamento honorare, eisque de rebus terrenis abundè prouidit, & quò diuinis commodiùs vacare possent, ad laborem manuum non sunt obligati: hinc fit vt nisi singulariter Deum timeant, fiant commessatores, ebriosi, libidinosi, ambitiosi, feroces & superbi erga inferiores clericos, dominantes in populum, eum opprimentes & malæ vitæ exemplo infirmam eius conscientiam percutientes. Hinc Petrus primus Ecclesiæ præfectus compresbyteros suos obsecrat, ne in cleros dominari conentur. Et quia clerici omnes plebis comparatione, quodammodo prælati sunt, atque ipsi opibus interdum affluunt, imitantur hac in parte superiorum suorum vitia, imò & superant interdum. Nec aberrarit fortassè qui in his Christi verbis subesse dicat non tantum minas, sed & prophetiam: nam & si certò norat Christus Apostolos suos non esse tales futuros, præuidebat tamen multos ex successoribus eorum huc degeneraturos: eoque ita seuerè comminatur.

Et prò dolor, videmus eam prophetiam temporibus nostris passim in clero adimpleri. Similiter in veteri testamento arguuntur pastores, quod cum austeritate & potentia dominarentur populo, quod semetipsos potiùs quàm oues suas pascere: quando videlicet deserbuerat primus ille primorum pontificum calor, Araonis, Eleazari, Phinèes &c. Talis pastor dicitur futurus Antichristus apud Zachariam: vnde qui hodie tales sunt, cogitare meritò debent præcursores se esse Antichristi. Simili modo arguuntur apud Esaiam sacer-

1. Pet. 5

*Hierem. 23.
1. xch. 34.*

*zach. 11.
Esa. 18. &
36.*

sacerdotes & Prophetæ quòd comestationibus & ebrietatibus essent dediti. *veniet dominus serui illius in die qua non sperat, & hora qua ignorat*, tempore quo eū non expectat imò quo putat eum adhuc procul abesse. Nec mirum quòd insperatò veniat Dominus, ita enim illecebris sæculi deditus est, vt de eius aduentu nihil cogitet. *Et diuidet eum, partemque eius ponet cum hypocritis*, id est, à consortio sanctorum separabit, vt amplius seipsum non pascat, aut gregem Domini dissipet: & quia per hypocrisim se pastorem simulauit, portio ei cum hypocritis siue cum infidelibus deinceps assignabitur.

Illic erit fletus & stridor dentium. Propriè istud ad resurrectionem spectat: veruntamen secundum quandam proportionem etiam ad animas à corpore separatas referri potest. Vnde anima diuitis Epulonis in lingua cruciari dicitur, & petere, vt Lazarus extremum digiti sui intingat in aquam, & refrigeret eam. Quoniam in anima sunt vires naturales, quæ membrorum singulorum operationibus correspondent. Vnde qui multum in lingua peccauit, multum in lingua cruciabitur, seu illa virtute animæ ex qua ortum fuit illud peccatum vel illius membri operatio.

IN CAP. VIGESIMVM QVINTVM.

Matthæi.

Tunc cū venerit Dominus ad iudicium (nā istud ad resurrectionem pertinet.) *simile erit regnum cælorum decē uirginibus*, sic agetur in populo Dei qui in hac vita ad regnum Dei tendit secundū veritatē, aut saltem secundū apparentiā, atq; si essent decē virgines. Hac parabola idē quod præcedenti capite declaratur, quā doctissimè explicat

IN MATTHAEI

Augustinus epistola ad Honorat. ponens nuptias vespertinas quibus volentes interresse puellæ, vtræq; habuerunt lampades cum oleo, sed quinque prudentes præter hoc etiam sumpserunt oleum in vasculis alijs. Cùm autem diu expectaret sponsus, dormitauerunt & dormierunt; media autem nocte paranympus vel præco clamauit dicens: Venite obuiam sponso. Tunc ornauerunt oēs lâpades suas & quinq; vidētes se nō habere oleū petierūt habere ex vasculis aliarū quæ renuerūt iplis & dixerunt: Ite & emite vobis: quæ dum irent, sponsus venit sciscitans vtrum plures ad nuptias non aduenissent: Respōderunt quinque prudentes, adhuc alias quinque venisse, sed empturæ oleum exiisse. qui dixit eis intrate vos, postea autē clausit ostiū. Reuersę autem quinque aliæ empto oleo dixerunt, Domine aperi nobis, qui dixit, nescio vos: Huius parabolæ magnorum doctōrum præter alias tres extant expositiones. Quarum vna est Chrysostomi, qui eam de virginibus corpore, quę propriē dictæ virginēs sunt, intelligit: quarum aliæ sunt factuæ, quæ proximis oleum misericordiæ minimē impendunt, aliæ verò prudentes quæ vasa sua misericordiæ proximis suis aperiunt. Porro ex his quæ præcedunt de quibusdam assumendis & quibusdam relinquendis, de paratis & imparatis, & ex his quæ sequuntur de ouibus & hœdis ostendit Hieronymus ad omnes fideles parabolam pertinere, imò nomine virginum etiam Iudæos & hæreticos intelligit, quia in vnius Dei notitia gloriātur, & mens eorum idololatriæ turbine non constitutur. Cuius expositioni satis fauere videtur Lucas, vbi quædam similia recenset, & ad Iudæos etiā refert. Verū quia Dominus hic non infidelibus Iudæis, sed fidelibus discipulis loquitur & omnes
ad vigi-

ad vigilandum hortatur, nec vllum discrimen inter fatuas & prudentes virgines ponit, nisi quòd fatuæ non sumpserunt oleum secū. Alia est expositio Augustini, qua nomine virginum omnes & solos Christianos bene viuētes, saltem iuxta apparentiā, intelligit, qui ideo virgines vocantur, quia se ab inordinata sensuum voluptate continent. Et quia ista continentia partim fit, vt hominibus placeatur, & ab illis laus obtineatur, partī vt Deo placeatur, euenit vt quædam ex istis virginibus fatuæ sint, quædā prudētes. Atq; vtrinq; quinq; numerātur, vt quintuplex cōtinentia ab inordinatis quinq; sensuum tam interiorum quàm exteriorum designetur. *Quæ accipientes lampades suas.* lampades quæ manibus gestantur, quæq; lucidæ sunt & ardent opera exteriora bona significant, & maximè misericordiæ, nam bona opera lucent coram hominibus ex feruore amoris Dei. *Exierunt obuiam sponso, & sponsæ.* Ideo omnes virgines Christo sponso obuiā exierunt, quia omnia opera sua bona fecerunt, saltē apparenter, vt Christum benignum iudicem inuenirent, tanquam aduentum eius præ oculis perpetuò habentes. Quidam libri non habent (sponsæ) nec Hieronymus, nec Chrysostomus legisse videtur; Augustinus verò, Hilarius, & author operis imperfecti, legunt. Sponsa est totus cœtus sanctorū qui ad gloriam cælestem tanquam ad thalamum nuptialem in die iudicij introducetur, huic obuiā eunt virgines, quia membra illius sponsæ esse cupiunt & coram toto cœtu sanctorum opera sua bona ostendunt. Sic Paulus ecclesiam sponsæ comparat, siue vxori, Et alibi, Despondi vos virginem castam exhibere: Christo Augustinus per sponsam Christum intelligit, qui etiam sponsus vocatur, vt sponsa dicatur propter immaculatam carnem, quā sumpsit ex virgine Maria. Verbū enim Dei in incarnat-

2 p̄he. 5.
corinth. 11

IN MATTHAEI

carnatione humanam naturam assumpsit tanquam sponsam quandam. Verum quia non frequenter caro Christi sponsa appellatur, alia expositio conformior esse videtur. *Prudentes vero acceperunt oleum in uasis suis cum lampadibus.* Si per oleum spiritus sanctus intelligatur, oleum erit lætitia bonæ conscientiae qua in Deo prudentes virgines gloriari cupiunt, non autem ab hominibus commendari. Gloria enim nostra (inquit Paulus) hæc est testimonium conscientiae nostræ. Vasa olearia sunt cor, & conscientia. vnde Apostolus vnumquemque hortatur habere oleum in corde, cum dicit: Opus suum probet vnusquisque, & sic in semetipso gloriam habebit. *moram autem faciente sponso, tardante Christo* (Tardus enim videtur nobis eius aduentus) *dormitauerunt omnes*, varijs infirmitatibus huius vitæ pressi, ad mortem properarunt. *Et dormierunt ac tandem mortuæ sunt*: mors enim somnus vocatur propter resurrectionem. Omnes dicuntur dormiisse, quia ex vtroque genere tam prudentium, quam fatuarum dormierunt aliquæ, non autem omnes, nam aliquæ fatuæ, & prudentes inuenientur in aduentu Christi, quæ dici non possunt dormiisse tardante sponso, quia non morientur nisi adueniente sponso. *Media autem nocte, nullo sci- ente, aut expectante. clamor factus est.* Iste clamor à Christo vocatur vox filij Dei, ab Apostolo tuba, & vox Archangeli dicta: quæ qualis futura sit nescitur, erit tamen euidens aliquod signum quod omnes percipient. *Ecce sponsus uenit* è cælo inexpectatus ad iudicium de omnibus ferendum. *Exite obuiam ei, de sepulchris vestris surgite ad reddendam operum vestrorum rationem.* *Tunc surrexerunt omnes uirgines illæ, Ad clamorem illum resurrexerunt à mortuis, Et ornauerunt lampades suas, præparauerunt se ad reddendam de operibus suis ratio-*

1. Cor. 1

1. pbes. 2

IOAN. 5.

1. Thess. 4.

rationem. & atq; autem sapientibus dixerunt: Date nobis de oleo uestro quia lampades nostræ extinguuntur, Tunc fatuæ in conscientia sua bona opera iudici placentia quærere conabuntur, sed talia non inuenient: nulum enim in cōspectu iudicis opus bonum existet. Quorum enim facta bona, laude hominum fulciēbātur, eadem laude subtracta deficient, & bona nō apparebunt: atq; hoc est, lampades ipsas extingui. Fatuæ igitur cum in se opera bona non reperient, adiutorium per merita, & preces sanctorum petēt, iuxta illud: Tunc inuocabunt me, & nō exaudiam. Augustinus dicit quod sancti in die iudicij pro impijs non orabunt, sed cum Domino dicent: Ite & recipite secundum merita vestra. Nullum enim solatium diues Epulo ab Abraham, aut à Lazaro impetrare potuit. Nec huic contrariatur quod dicit August. quosdam liberandos à damnatione precibus sanctorum, siquidem illi liberandi, prudentes virgines fuerunt, & oleum secum portauerunt, quemadmodum & nunc aliquæ animæ precibus sanctorum liberantur quæ adhuc habent in vasis suis oleum quanquam turbidum, & igne purgandum.

Respondent prudentes, dicentes: ne forte non sufficiat nobis & uobis. Chrisosto. nihil aliud hic significari existimat, quàm non posse sanctos in die iudicij impijs succurrere; quemadmodum Abraham ad Epulonem ait: Inter nos & vos chaos magnum firmatum est, ut hi qui volunt hinc transire ad vos, non possint. Neq; enim esse vniuersas parabolæ particulas ad rem institutam semper accommodandas. Hierony. tamen etiam timorem prudentibus accommodat. Hoc nō de auaritia, inquit, sed de timore respondent, vnusquisq; enim pro operibus suis mercedem recipiet, neq; possunt in die iudicij aliorum virtutes aliorum vitia subleuare.

Cui

Prover. 1
Lib. 21. de
ciuit. Dei
cap. 24.
Luc. 16.

Lib. 21. de
ciuit. Dei
cap. 27.

Luc. 16.

in commē.

IN MATTHAEI

Cui addendum est quod habet lib. 2. contra Pelagianos, tractans verba Petri, vix iustus saluabitur. Certè iustus est, inquit, qui in die iudicij vix saluatur: saluaretur autem facilè, si nihil in se haberet maculæ. Ergo iustus est in eo quod floret multis virtutibus, & vix saluatur in eo quod in quibusdā Dei indiget misericordia. Sic & Augu. Quid est ait, ne fortè nō sufficiat? Nō desperatione dictū est, sed sobria & pia humilitate. Quamuis enim bonus habeat bonā conscientia, vnde si quēadmodū iudicet illi qui neminē fallit? Habet bonā cōscientiā, nō illi titillant crimina in corde cōcepta, sed propter quotidiana quædam vitæ humanæ peccata, licet bona conscientia sit, tamen dicit Deo, dimitte nobis debita nostra: quia fecit quod sequitur. Sicut & nos dimittimus debitoribus nostris. De oleo interiore fecit opera bona, & tamen in illo iudicio trepidat ipsi conscientia bona. Et infrā. Vix enim de nobis iudicamus, quāto minus de vobis possumus iudicare. Quid est, vix de nobis possumus iudicare? Quia cū rex iustus sederit in throno, quis gloriabitur castum se habere cor? Fortè tu non inuenis aliquid in conscientia, & inuenit ille qui melius videt, cuius acies diuina, penetrat altiora. Et epistola ad Honoratum, non desperanter, inquit, sed humiliter dictum est: ne fortè non sufficiat & nobis. Quis enim sic præsumat de conscientia sua, vt certus sit eam sibi in iudicio Dei posse sufficere, nisi misericors misericorditer iudicet! Iudicium sine misericordia illi qui non fecit misericordiam. Et infrā. Tunc in illius clamoris euidentia, & resurrectione mortuorum, quia nulla erit dubitatio iam instantis præsentisq; iudicij, subtrahetur omne solatium laudis humanę, neque enim vacabit de alio disceptare, vel de alio iudicare aut alteri gratificari, quando vnusquisque proprium onus portabit, & de suo-

serm. 13. de
ner. Dom,

PROVER. 10

2 pift. 120
cap. 31.

cap. 34

de suorum factorum ratione cogitabit. Et paulò post. Sapientes se respondent nescire, vtrum sibi sufficiat ipsa conscientia, qua expectant misericordiam sub illo iudice, qui cùm in throno sederit, quis gloriabitur castum se habere cor, nisi superexaltet misericordia iudicio?

Quærat hic quispiam, quomodo Patres hi timorem & trepidationem sanctis attribuant in die iudicij, cùm in glorioso corpore sint resurrecturi, atq; de salute sua securi. Resp. omnino certos & securos fore de salute sua, vt damnandos de æterna perditione: quemadmodum habes apud D. Thomam in additione tertiæ partis, quæst. 89. art. 6. ad 2, & 3. Et ar. 7. ad 1. Trepidaturi tamẽ dicuntur phrasi Scripturæ sacræ, quæ in die iudicij frequenter futurũ id ait, quod tamen ante illud fit in particulari cuiusque iudicio, vel in hac vita factum, illic manifestabitur. Quia ergo in futuro iudicio declarabitur electos dum hic viuerent timuisse iudicium Dei, sollicitos fuisse de comparandis operibus bonis, pro impetranda indulgentia; hinc attribuitur tunc adhuc eis timor & trepidatio: cùm tamen futuri sint de sua salute securissimi. Risus ergo ille & ironia prudentum ad iudicij tempus pertinet, timor ad vitam præsentem. Sic Augustinus lib. 83. quæst. allegans illud Apostoli Pauli. Mihi autem cum minimo est, vt à vobis iudicer aut ab humano die sed neque meipsum iudico, quod certè ad hanc vitam pertinet, in qua sancti non se audent iustos agnoscere. Vide eundem in illud Psalmi 51. Videbunt iusti & timebunt, & super eum ridebunt. Dionysius Carthusiensis in huc locum scribens, ait malos quosdam fore in die iudicij, qui incerti futuri sunt quid Dominus de illis iudicaturus sit. Sed posset hoc etiam ad eos referri qui tunc viui inuenientur.

IN MATTHAEI

PRO. 1.

Psal. 51.

ite potius ad uendentes, & emite uobis. Irridentium inquit Augustinus mihi videtur esse respōsio. Vnde apud Salomonem, ego quoque in interitu vestro ridebo &c. & apud Psalmistam: Iusti super eum ridebunt. In quo loco vide Augustinum: Videamus an poteritis oleum emere quod in vita comparare vobis nolulistis, magistros audire recusastis, & salubria sapientiae consilia neglexistis; vendentes enim oleum istud, sunt pauperes, doctores, & bonum consilium dantes. *Dum autem irent emere dum rursus, ut olim, aucuparentur humanas laudes, aut dum vndique quærerent auxilium, etiam postquam fuisset negatum, nam audita etiam sententia, adhuc quærent excusationem.* Sic ibat emere diues Epulo, dum in fratres suos cupit videri misericors. *venit sponsus ad iudicandum. et quæ paratæ erant intrauerunt cum eo ad nuptias.* Virgines prudentes videlicet quæ lampades inextinctas habebant, id est, quarum bona opera in oculis diuinis fulgebant, in illam gloriam cœlestem cū Christo intrârunt, vbi perpetuò spiritales nuptiæ celebrantur, vbi anima inseparabiliter ac intimè Deo coniungitur, atque vnitur. *et clausa est ianua,* nam nulli ampliùs in regnum cœleste, postquàm sancti introierūt, patebit ingressus. *Nouissime uero ueniunt, & reliquæ uirgines dicentes: Domine, Domine aperi nobis.* i. deinde siue posteaquam prolata erit sententia pro electis, & qua impij cupient adhuc modis omnibus liberari ab æterna dānatione, conātes se, ut infrā patebit, excusare dicentes, Domine quādo te vidimus esurientē &c. Quod idē desiderium, per hunc fatuarum pulsum, significatur, petendum sibi regnum cœlorum aperiri. Quod verò ingeminant Domine, Domine; significat eas in hoc mūdo fidē habuisse, & Christū inuocasse: ceterū quia bona opera non habuerunt, nihil eis conferet hæc inuoca-

uocatio aut quæcunque olim suscepta sacramenta. Aperi nobis, id est, retracta sententiã cõtra nos latam. At ille respondens ait: Amen dico uobis: nescio uos. Nõ vos oues meas agnosco, nec inter amicos meos recipio, quanquam me Dominum vocetis & inter Christianos quondam numerati fueritis, quare vobis non aperiã. *vigilate itaque quia nescitis diem, neque horam.* Vigilate, vt inter illas prudentes, & preparatas virgines in die aduentus Domini inueniamini, sic enim tunc cùm pijs impijsq; agetur, quẽadmodum hic actum retuli cùm istis virginibus. *sicut enim homo peregre proficiscens uocauit seruos suos.* Eodem pertinet hæc parabola. Est autem hic eius sensus, meritò vigilare debetis, sic enim agetur vobiscum in die iudicij, atque si diues quispiam vir peregre proficiscens &c. Sic enim supplẽda est redditio quæ hic subintelligendã relinquitur. Quæritur de quibus hic sermo fiat, præfectis, an omnibus fidelibus. Resp. Quidam pertinere hæc putant ad præpositos Ecclesiæ, & prædicatores, vt ei responderunt quod præcedenti capite dictũ est. Quis putas est fidelis seruus & prudẽs. Hiero. specialiter ad Apostol. refert, quibus saluator Euangelicã doctrinã tradidit. Sed quoniã Marc. paucis verbis hæc parabolã inducit, atq; seruos, quibus officia quæq; cõmissa sunt à ianitore distinguit per quẽ indubiè prælatus seu doctõr intelligitur, videtur potius in oẽs fideles quadrare: nemo enim est qui non aliqua Dei dona per quæ fructificare possit acceperit, vt Paul. ait: Habẽtes donationes secundũ gratiã quæ data est vobis differẽtes. Et Petrus: vnusquisq; sicut accepit gratiã in alterutrũ illã administrantes. Quãquã ergo in eos maximè cõueniat qui docẽdi, vel regẽdi gratiã acceperũt nõ tñ in hos solos. Atq; id, tũ quæ præcedũt, tũ quæ sequũtur, satis probabile reddũt, vt quæ omnibus fidelibus cõmunia sunt.

Homo

Rom. 12

1. Pet. 4

IN MATTHAEI

Homo iste Christus est, qui peregre profectus dicitur, quia in cœlum ascendit, in eum locum qui per peccatum, naturæ nostræ mortali alienus, & peregrinus factus est, tametsi ad eum inhabitandum conditi ab initio essemus. Aut peregre profectus dicitur, quia familiam suam, ecclesiam corporali præsentia non amplius gubernat: Vel deniq; quia longanimiter cum seruis suis peccatoribus agit, ad poenitentiam eos expectans nec mox rationem exigēs *vocat* seruos suos fideles ad fidem & ad æternam gloriâ duplici iure Deus nos seruos habet, creatione nimirum, & redemptione. *Et tradidit illis bona sua*, diuitias, & substantiam, id est, multis donis & charismatibus spiritus sancti credentes donauit, quosdam multis & magnis, alios paucioribus & minoribus: Atq; horum differentia & varietas per ista tria designatur quinq; duo, & vnum: Vnde Lucas in simili parabola decem seruos inducit, quorum singuli vnâ vnâ accipiant, quanquam in reddenda ratione tres tantum commemoret, sub his reliquos intelligendos relinquens: Marcus generaliter omnes donorum differentias complectitur dicēs: dedit seruis suis potestatem cuiusque operis. Lucas autem refert cuiuslibet datam vnâ vnâ ad designandum quod fideles quantumuis varijs donis polleant, hoc tamen omnes habere commune, vt dona accipiant quibus vitæ æternæ denarium sibi comparent. *vnicuiq; secundum propriam virtutem*. id est, secundum desiderium, quo ab initio ad talem vel talem statum anhelauit, seu secundum propriam præparationem, & dispositionem: quam tamen etiam Christus prout voluit in ipsis operatus est. Sic Theophylact. cui eius commentarius placet. Aliter Prosper, intelligens per virtutem, naturalem possibilitatem, seu capacitatem, non enim facile tanta dona accipit obtusus, quanta ingeniosus, nec mulier

*Lib. 2. de
vocat. gent.
cap. 2.*

mulier quanta vir, cæteris paribus. Non tamen ex hac interpretatione existimandum est Dominum præcipuam gratiam suam, vtpotè fidem, spem charitatem secundum naturalem capacitatem dare, quia non exactè exigenda sunt quæ in parabolis ponuntur, vt omnia in rem significatam quadrent: non enim semper verum est quod qui ingeniosus, & sano corpore existit maiorem habeat fidem, spem, aut charitatem. Nullo autem pacto audiendi sunt, qui istam virtutem bonis propriam vsum liberi arbitrij esse intelligunt, quem homo proprijs liberi arbitrij viribus sine gratia Dei ex se habeat, & quo saltem de congruo dona spiritalia & gratiam Dei percipere mereatur: nullus enim est bonus in hominè ex seipso liberi arbitrij vsus, qui tale meritum habere possit nisi gratia Christi præueniatur, iuxta illud: Misericordia eius præueniet me: Deus enim est qui corda nostra cōuertit, nunquā alioqui cōuertenda. *Et profectus est statim.* Non est id transferendum ad rem significatam, sed ad parabola completionem positum. Aut intelligendum est omnes Christifideles ante eius ascensionem dona hæc spiritus sancti accepisse in quadam inchoatione, atq; Christi promissione, quæ post eius ascensionem in veritate & plenitudine acceperunt: nam ante diem Pentecostes non videntur Apostoli talenta sua accepisse. Aut certè illud, *profectus est*, intelligendum est de longanimitate eius patientia, quam suprà dedimus tertiam expositionem.

A hinc autem qui quinque talenta acceperat, & operatus est in eis, id est, per ea expendendo videlicet hæc talenta ad Dei honorem, & proximorum vtilitatem ac ædificationem. Et lucratus est alia quinque. id est, multum & sibi & alijs per hæc dona profuit. Nam & ipse creuit in pietate, & plus gratiarum adeptus est: & bona sua alijs communicando non ea minuit,

sed duplicauit, dū alij donorū eius participes sūt. Quanquā autē per hunc seruū perfectissimi intelligātur, nō tñ existimandū est eos qui plura habēt talēta fructuosius semper expendere, quā qui pauciora: cū qñq; æquales in talentis in profectū seu lucro inueniantur inæquales. Vnde apud Luc. vna mna nūc decē, nūc quinq; mnas acquirit. Omnis enim etiā profectus Dei donū est. Sed ideo hic seruus, ficuti & secūdus talēta duplicasse dicūtur, quoniā si quis vel vnū habeat talentū quod ad lucrū nō ponit, ac duplicet per profectū seruus inutilis reputatur, cui enim multū datum est, multū quæretur ab eo: Quare qui vnum talentum acceperat, & foderat in terram condēnatur, non quin quandoq; vnicum talentū quisquā bene expendat, ficuti ē diuerso quinq; talentis vel duobus. nōnunquam abutātur aliqui, sed significatur ad damnationem sufficere vel vnicū talentū in terrā defossū; omniū autē talentorum bonam dispensationē requiri ad salutē.

Qui autem unum acceperat, abiens fodit in terram, & abscondit pecuniam Domini sui. Implicuit se & dona sua, vel saltem vnū ex illis rebus transitorijs & vanis, quibus ita intentus fuit, vt non vacaret ei vti ad proximorum ædificationem. *post multum uero temporis,* multum enim tēporis est inter dominicā ascensionē, & secūdū eius ad iudiciū aduentū. *venit Dominus seruorū illorū, & posuit rationem cum eis.* Si Apostoli, inquit Hieron. reddituri sunt rationē & sub metu iudicis surrecturi, quid nobis oportet facere: *& accedens qui quinq; talenta acceperat, obtulit alia quinq; talenta dicens, Domine quinq; talenta tradidisti mihi, ecce alia quinq; superlucratus sum* Vniuscuiusq; conscientia in conspectu Domini merita sua aperiet, & ostendet.

Ait illi Dominus eius: Euge, q. d. Valde benē egisti (vt sit blandientis & laudantis interiectio) serue bone, & fidelis, quia in honorē Domini tui bona dispēsationi
tuz

tuæ concredita fideliter dispensasti, *quia super pauca fuisti fidelis super multa te constituam.* Notandum quod omnia quæ in præsentia habemus quanquā magna & plurima videantur, tamen futurorū cōparatione parua, & pauca sunt, *intra in gaudiū Domini tui, perpetuo sis illius gaudij, & gloriæ particeps.*

Accedens autē & qui talentū unū acceperat, ait: Domine scio quia homo durus es, metis ubi non seminasti, & congregas ubi non sparsisti: & timens abij & abscondi talentū tuum in terra, ecce habes quod tuū est. Seruus malus prudentis consiliū se peregrisse dicit, quando pecuniā Dñi sui abscondit, ne dū lucra pecuniæ quæreret etiā de sorte periclitaretur, & timore Dñi sui se impulsū dicit, fuisse ad talentū abscondendū, ne fortè periret. Aug. dicit per hūc q talentū suū abscondit, eos significari, qui diuitias Dñi sui augere nolūt. Sunt etenim homines hac sibi peruersitate blandientes, vt sufficere putēt quod vnusquisq; pro se rationē reddat, cū tamē apud Dominū etiā illi inexcusabiles habentur, quibus lex data non fuit: atq; hoc est quasi metere vbi non seminauit. Hieron. metere Christum vbi nō seminauit intelligit, quia bona quæ in gētilibus inueniuntur, ad gloriā suā, & electorū salutē seruire facit, quæ tamen in eis per gratiā suā nō plātauit: qualia sunt ingeniū, artes, scientiæ, sed ex primæua cōditione eis relicta sunt, quātò magis igitur Christus donorū suorū quæ per gratiā contulit rationē exposceret? Cui commentario satis consonat Grego. Homel. 9. in Euang. Theophylact. sic intelligit. Non ausus fui talentum meum expendere, quia vsque adeo seuerus es, vt exigas etiam ab ijs obedientiam quibus eam non dedisti. Metui ergo ne periclitarer si doctrinam meam alijs traderem, quam multi recepturi non essent nec obedituri, pro quibus ego cogere reddere rationem. Similiter videtur & Chrysostomus intellexisse.

Lib. 2. quæ
euan. q. 46.

In cōment.

IN MATTHAEI

Franciscus Titelmannus annotat sermonem esse prouerbialem, qui in valde crudeles, duros, austeros conueniat. *Respondens autem dominus eius dixit ei: serue male.* Malus vocatur, quia Dominum suum tanquam crudelem & iniquum tyrannum habet, piger verò quia prae pigritia talentum duplicare neglexit. *sicbas quia meto ubi non semino, & congreco ubi non sparso, oportuit ergo te committere pecuniam meam nummularijs, & ueniens ego recepissem, utique quod meum est cum usura.* Diuini iudicii seueritas sollicitudinis & diligentiae nobis debet esse causa, non socordiae & negligentiae. Nummularij autem isti sunt proximi nostri, quibus donum communicatum crescit: siquidem Deus non solum in dono quod vni dedit, sed etiam in illius fructu, seu vsura glorificatur. Hoc modo Chrysostom. hanc partem interpretatur: Non debebat, inquit, metueret tanquam tu deberes exigere à subditis obedientiam, ut si obedire nollent pro eis condemnandus esses, si enim eis tu cōmunicasses fideliter doctrinā, ego exactior fuisset in secūdo aduētū meo, & recepisset doctrinam eis communicatam cū vsura & scēnore honorum operum. *Tollite itaque ab eo talentum* Angelis vel electis omnibus hic loquitur, qui in die iudicii ab inutili seruo talentum tollere dicuntur, quia illa die cognoscent talentum ab illo simpliciter auferri, aut haecenus, quia bona quae in eo remanebunt, non erunt ei bona, vel vtilia, sed potius quantò plura habuerit, tantò grauius punietur. *Et date ei qui habet decem talenta.* Damnatorum bona in die extremi iudicii, electis conferuntur, quia bonum quod in impijs inuenietur, iustos delectabit, & gaudebunt de bonis operibus quae facta sunt ab his qui non perseuerauerunt, deq; bonis officijs quae fecerunt & habuerunt impij ac infideles. Vnde liquet quàm bonum sit esse in societate

tate timentiu, quoniã omniu bonoru à quibuscũq;
facta sint, particeps efficitur: sicuti è cõtrario quis-
quis in pereuntiu societate reperietur, oĩm malo-
rum etiã ab electis aliquando factorum particeps
erit: electorum enim praua opera in societate im-
piorum in qua facta sunt, manent: quemadmodũ
patet de peccato regis Manassæ, quod posteaquã
is pœnituit, in Iudæis tamen adhuc hodie vindi-
catur. Quia verò ista bonorum alienorum remu-
neratio, est quasi quoddam accidentale præmium
accedens ad beatitudinem, congruè talentum ser-
ui inutilis donatur habenti decem talenta, postea-
quam dictum est ei; intra in gaudium Domini tui:
accidentalis enim gloria principali beatitudini per
hunc ordinem accedere denotatur. Si quem ve-
rò moueat quod talentum impij nõ datur nisi ha-
benti decem talenta, cùm omnibus electis donan-
dum videatur: intelligat scripturæ morẽ, quæ ma-
iora, & notabiliora ponit, quemadmodum supra
dictum est, sanguinem omniu prophetarum in dei-
cidis Iudæis vindicandum, quia inter homicidas
isti obtinent principatum. Ita omnes electi omni-
bus bonis gaudebunt: at inter eos maximè præcla-
ri, qui optimè sua dona expenderunt, ita singulari-
ter impiorum bona occupabunt, vt in eorum cõ-
paratione nihil tale in inferioribus sanctis eluceat,
vel emineat. Eadem sententia extat & suprà cap. 13.
sed quæ ad huius temporis profectum pertinet, hæc
verò ad futuri sæculi abundantiam. *omni habenti da-
bitur, & abundabit.* Omni benè vtenti eo quod habet
amplius in die iudicij adijcietur. *Ei autem qui non ha-
bet,* qui malè vtitur, *& quod uidetur habere,* quod in
veritate possidet, sed eo abutitur, *auferetur ab eo,* aut
simpliciter, aut in quantum vtilè, & bonum illi est.
Sic Augustinus. *Et inutilem seruum eijcite, vos angeli
mei, in tenebras exteriores, illic erit fletus & stridor den-*

Lib. 2. qu. 6.
euan. q. 46.
cap. 8.

IN MATTHAEI

tium . Istud suprà explicatum est. Hic aduertendum quã grauis seruũ illũ vidicta maneat qui donis acceptis cõtra Deũ & proximũ abusus est , cũ seruus piger tã seuerè puniatur. cũ autẽ uenerit filius hominis in maiestate sua, Quia plurima de iudicio futuro parabolicè dixit, nũc apertis verbis ipsis iudicij formã ponit. Est autẽ hæc pars euãgelij oĩbus fidelibus diligenter inculcanda, quia suprà modũ admiranda: ea enim apertè ostendũtur quẽ in illo extremo iudicio oĩbus sunt euentura. Notãter hoc loco dicit, filius hoĩs, cũ enim hæc diceret, vilis & miser apparerebat, statim ignominiosum crucis suppliciũ subiturus. Filius enĩ hoĩs nõ est aliud q̃ filius mortalis, ex mortali, & misero hoĩe nat⁹. Tũc autẽ in maiestate sua venturus est, qñ veniet ad propriã & naturalem gloriã seu diuinitatẽ suã oĩbus reuelandã, etiã impijs, nõ eã quidẽ in seipsa, sed in effectis: nã tãetsi nõ videbũt hi eius diuinitatẽ, perspicuẽ tñ & euidenter cognoscent eum Deũ & Dñm suũ esse . Sãcti autẽ videbũt eũ in essentia sua, & qualis in semet ipso est. Quidã per maiestatẽ, gloriã corporis Christi, quã in transfiguratione Apostolis ostẽdit intelligũt, quod licet verũ quoq; sit, magis tamẽ placet prius illud. *Et oēs angeli cũ eo.* Aug. per angelos prædicatores intelligit, qui viã salutis nũciarũt: hi enim cũ Christo tanquã iudicij eius assessores sedebunt. Verũ potiũs intelligẽdi vidẽtur cœlestes spiritus, cũ quibus suprà se vêturũ dixit & eorũ gloriã ostẽsurũ. In quẽ eundẽ sensum Aug. dicit Christũ cũ celestibus spiritibus descẽsurũ. Vidẽtur autẽ hic Angelorũ noĩe comprehendĩ oēs spiritus celestes, sicut apud Zacha. oēs sancti cũ Christo vêturi dicuntur, vbi noĩe sanctorũ, vt & alias sæpe in veteri testam. angeli intelliguntur , quomodo accipit & Enoch, citatus à Iudã in sua canonica. Ostẽdit Christus inquit Chrysost. cœlos euacuari, omnes Angeli erũt cum

*Psal. 49.
et lib. 50.
Rom. 5.*

*Lih. 20. de
ciuit. Dei
cap. 24.
Zach. ult.
Dan. 4. et 8*

cū ipso, testantes quot quantaq; ministerio suo, cū à Dño mitterentur, ad salutē hoīm peracta sint. Descēdet etiā Christus stipatus oībus Angelis, vt nota fiat maiestas eius & diuinitas. Vidētur autē visibiliber apparituri, vt ab oībus etiam impijs videātur, quēadmodū habet Greg. hom. 1. Domi. 2. aduētus. *Tunc sedebit super sedē maiestatis suæ super thronū iudicialē, tanquā oīm rex, & iudex, q. d. Nunc nō apparet gloria eius incredulis, mox enim eū crucifixuri sunt: sed breui is qui nūc iudicabitur, super oēs iudicij thronū habebit, & cōgregabuntur ante eū oēs gentes, siue tūc viuētes, seu olim mortuæ. Fiet id autē angelico ministerio, sicut suprà dictū est, & tradit August. de ciu. Dei. & separabit eos ab inuicē, eodē videlicet angelico ministerio, sicut pastor ouium & hædorum segregat oues ab hædis, qui die simul pasti, vespere in diuersis stabulis collocātur. Christus vt & aliàs sepe in scripturis pastori cōparatur, similē autē de ouibus & hircis parabolā habes apud Ezech. Electi autē cōparātur ouibus propter māsuetudinē quā à Christo māsuetissimo didicerūt: & quia illi similes in patiētia, qui tanquā ouis ad occisionē ductus est effecti sunt. Rursum quia oues animal sunt admodū fructiferū & vtile: habēt enim lanā, lac, & foetū. Hædi verò animal est infructuosum, & lasciuiū per aspera, & dura saxis, ac præcipitia incedēs. Rectē ergo assimilātur eis reprobi qui in via iniquitatis lasantur, & difficiles vias ambulant. Et statuet oues quidē a dextris suis in summa beatitudine, vbi iustitia, pax, & gaudiū est, hædos autē a sinistris, in miseria. Sic Augustinus libro de fide & symbolo, & de agone Christiano. Secundū hunc sensum non necessariò situs corporalis intelligi debet, ita vt à sinistris sint tantummodo reprobi, & nulli electi, nā electi aliqui etiam si secundū situm corporalem sinistri erūt Christo, rectē tamē à dextris dicuntur futuri,*

Matth. 13. es
16. & 24
Luc. 2

Cap. 13. &
24.
Li. 10. c. 24

Ezech. 34

Ioan. 10

sapien. 8

Gal. 7
Cap. 26.

IN MATTHAEI

quia in gaudio, & consolatione erunt: perfecti vero sancti qui simul tanquam iudices cum Christo sedebunt, à dextris, & sinistris eum videntur circundaturi.

Tunc dicit rex his, qui a dextris eius erunt. Meritò Christus nunc rex appellatur, quia regnum eius tunc apparebit, & iudiciaria potestas regiam eius potestatem necessariò consequitur. An autem quæ sequuntur vocaliter, an mentaliter tantum in cuiusque conscientia dicturus sit Christus, incertum est. D. Thomas posteriorem partem amplectitur: cum quo sentiunt & alij, nisi quod extremam iudiciariam sententiam voce proferendam putet. Quicquid sit, certum est quod à sua quisque conscientia iudicabitur. Tractantur hæc apud Magistrum sentent. lib. 4. distinct. 47. *venite benedicti patris mei,* id est, à patre meo benedictione sancti spiritus consecrati. De qua Apostolus ad Galatas dicit: ut in gentibus benedictio Abraham fieret. Quam Apostolus interpretatur ibi pollicitationem Spiritus.

643.

Possidete paratū vobis regnum. Græcè est, hereditatem, quomodo vertitur & Psal. 36. Mansueti autem hereditabunt terram, & delectabuntur in multitudine pacis. sensus ergo est, possidete regnum tamquam vestrum, & tanquam paternam vestram hereditatem. *paratum vobis,* vel in Dei prædestinatione, non solum à constitutione mundi, verum etiam ante eius constitutionem: vel paratum in prima rerum conditione, ita enim Deus hominem initio creavit, ut cum eo in æternum regnaret. *Esuriui enim & dedistis mihi manducare.* Hanc laudem non sunt diuites habituri, qui nudo, vel famelico exiguam aliquot obolorum stipem donarint: secus est de pauperibus, in his enim affectus pro opere imputabitur: quare in die iudicii pro parvis eleemosynis laudabuntur cum his qui amplas & largas fecerint
vnde

vnde vestiri & pasci egentes possent. Imò vidua illa quæ duo tantum minuta in gazophilacium misit, supra diuites qui multa miserant, fuit à Domino prædicata. *Et respondens rex dicit illis: Amen dico vobis, quam dñi fecistis uni de his fratribus meis minimis, mihi fecistis.* Fratres eos vocat, quia voluntatem Dei patris sui fecerunt: Minimò autem quia pauperes spiritu & humiles. Aut quia in hoc mundo contempti, & abiecti fuerunt. Potest etiam hic esse sensus: Quicquid fecistis vni alicui Christiano, etiam vilissimo, mihi fecistis, quāto magis quod sanctissimis viris præstitum est, mihi factum fuit. Si Christo factum est quicquid vni præstitum est, quāto magis factum ei reputabitur, quod populis multis fuerit impensum. *mihi fecistis*, id est, tam gratum habui non secus ac si mihi in propria persona necessitatem patienti subuenissetis. *Tunc dicit & his, qui a sinistris eius erunt: d: scedite a me,* nullam societatem mecum habentes. Quādiu hic viuimus, etiam impij existentes, corpori dominico communicamus, & cum christianis cōputamur, tunc verò omnimoda separatio erit. *maledicti reiecti, & execrati, in ignem æternum: qui paratus est diabolo, & angelis eius.* Signanter non ait, qui paratus est vobis, sicut dixit electis, paratum esse eis regnum cœlorum: Gehenna enim in mundi principio præparata fuit Diabolo postquam peccasset, non autem homini, vt qui tunc nondū peccarat. At is postquam socius illi factus est in peccato, factus est & socius pœnarum, eodem igne cū eo torquendus. Diabolus autem principis hic nomen est, quem nos Luciferum appellamus, quòd tanquam stella aliquando effulserit. Angeli seu nūcij eius sunt inferiores dæmones, qui vnà cum eo lapsi sunt de cœlo, nunciantq; per suggestiones hominibus quod principi suo placitū est, prauas videlicet

IN MATTHAEI

delicet cogitationes, desideria mala &c. *Et furui enim, & non dedistis mihi manducare, sitiui, & non dedistis mihi potum, hospes eram, & non collegistis me, nudus, & non operuistis me infirmus, & in carcere, & non uisistis me.*

Aduertendum hic est causam æternæ damnationis esse omissionem eleemosynarum, ne leue peccatum putetur nō esse misericordem. Tunc respondunt ei & ipsi, dicentes: Domine quando te uidimus esuri-
entem, aut sitientem, aut hospitem, aut nudum, aut infirmum, aut in carcere, & non ministrauimus tibi: Tunc re-

Mat. 14.

spondet illis, dicens: Amen dico uobis, quamdiu non fecistis uni de minoribus his, nec mihi fecistis. Falsū hic annotat Erasmus Franciscanos nomen suum fratrum minorum ex hoc loco desumpsisse, ut largiores acciperent eleemosynas, quin potius ex Luca, ubi dicit Dominus, Qui minor est inter vos, erit maior.

Luc. 9.

Recenset hic autem Christus sex tantum corporalia misericordiae opera, septimo de sepultura omisso, quia nō tam euidenti, ut cetera, necessitati subuenit, tūm quia sepulturae necessitas à mortuo nō sentitur, verè tamen opus misericordiae est, cupiūt enim omnes id sibi impendi, ut corporis sui miseria tegatur. Hic quæri solet utrum hæc sententia:

Epist. 89
et in Psal.
40. et 90

Venite benedicti patris mei, possidete paratū &c. dicatur omnibus electis, etiam ijs qui tanquam iudices Christo assessuri sunt. Augustinus sentire videtur sanctos illos qui iudices in die iudicii futuri sunt non iudicandos: ceterū quia in precedenti parabola dictum est quod Christus posuit rationem cum Apostolis, & ad Romanos dicūtur factores legis iudicandi, defendente eos ipsorū cōscientia, & eadem accusante, alij condemnandi. Et in Apoc. dicuntur ex libris secundū facta sua iudicati pusilli & magni, videntur etiam Apostoli iudicandi. Nec sufficit solutio dicentium Apostolos iudicio retributionis non discussionis iudicandos

Rom. 12

Apoc. 20

quia

quia omnium facta æquè discutientur, dum omnibus innotescant. Simili modo iudicabūtur infideles omnes etiā iudicio discutionis, quomodo ex Luca colligi potest, vbi refertur Christi disceptatio cum infidelibus Iudæis. Augustin. igitur supra citatus & Gregorius à Magistro sententiarum allegatus, dum dicunt perfectos, & infideles non iudicandos, magis ad præsens tempus, quàm ad extremū iudicium sunt referendi, quia videlicet hoc tempore præsentis toti Ecclesiæ fidelium perfectorum innotescit beatitudo & infidelium damnatio: sed fidelium imperfectorum damnatio, vel salus, occulta remanet ante diem iudicij non reuelanda.

*Luc. 17
Lib. 4. dist.
47.*

Obseruandum hic est superiores sententias de factis vel neglectis misericordiæ operibus, non ad omnes pertinere, multi enim pauperes saluabuntur qui hæc non fecerunt, multi prædones qui hæc fecerunt damnabuntur. Similiter multi salui erunt, qui aliqua misericordiæ opera, non tamen omnia omiserunt. Sed sciendum quod non solū ista opera, sed bona omnia opera vt & omnia peccata, secundū cuiusque conscientiam in iudicio sint recēsenda, vt ex parabola decem talentorum & ad Rom. 2. & Apoc. 20. ta. docuimus. Ideo autem peculiariter tantū misericordiæ opera eaq; corporalia referuntur, vt hinc intelligatur quantum valeant ad delenda priora peccata. Regulariter enim peccatores sumus, & facilius non est remedium vulgo Christianorum, qui sublimes gratias non habent, quàm vt corporalibus proximorum necessitatibus subueniant. Vnde audiendi non sunt hæretici quidam qui ex hoc loco statuere voluerunt non posse damnari eum, qui hæc opera misericordiæ fecerit de quibus apud Augustinum in Enchiridio & libro 21. de ciuitate Dei cap. 75. cap. 22. & 27.

Quæ-

IN MATTHAEI

Quærat hic quispiam, cum iusti attestante eis propria conscientia benefacta sua noscent, & ex fide edocti scient Christum in pauperibus refici, quomodo interrogaturi dicuntur, Domine quando te vidimus esurientem &c? Respondeo. Non obliti operum suorum aut promissionis Christi, hæc dicent, sed quod parum & exiguum eis videbitur pro mercede quâ à Domino accipient, quicquid viuentes fecerunt. Hæc ergo significat sanctorum interrogatio. Cui non dissimiles sunt illæ, Domine tu mihi lauas pedes? Vnde hoc mihi ut veniat mater Domini mei ad me. Regis autem responsio significat sanctos in veritate sic honorandos quasi Christum ipsum in propria persona pauiissent, vestissent &c. Interrogatio verò impiorum significat illos perseveraturos in superbia illa qua nunc Christum in Christianis pauperibus non dignantur agnoscere. Vnde nec speciatim recensent peccata sua, sed præ superbia obiter tantum referunt, cum iusti contra in laudem misericordie Dei, immoretur in commemoratione dignationis Dei. Intellegi potest præterea hæc iustorum interrogatio, quod tunc occurret illis admiratio quam in hoc sæculo habuerunt, considerantes tam stupendam promissionis Christi benignitatem, quam sibi imputare dignatus est, quicquid infimo suorum factum foret. Sic Christi responsio, quod reipsa verâ esse experientur hanc eius promissionem, quam viui per fidem crediderant.

Occurret & impijs excusatio, qua solent in hac vita dicere, si nos Christus personaliter visitaret, magnificè eum exciperemus. si tales nunc pauperes foret, quales Apostoli fuere, libèter eis succurreremus, sed quia pauperes nunc malè viuunt, & elemosynis aluntur, meritò nihil eis damus: & hoc ergo significare potest per istâ impiorum interrogatio-

IOHN. 13

LUC. 1.

gationem. Increpante verdè eos Christo, tunc demum ipsa rerum experientia cognoscent vanam fuisse suam illam quondam excusationē : quodq̃, non habuerint veram erga Deū & proximos misericordiam. Ad eūdem modū intelligi potest inutilis illius serui in superiore parabola excusatio nimirum vel quia menor erit excusationis factæ in hac vita, vel quia perseuerabit in eadem malitia quæ se in hac vita solet excusare. Similiter & in parabola decem virginum dictum illud, date nobis de oleo vestro: Et: Ite potius ad vendentes ne fortè nō sufficiat vobis & nobis propter productas ibi expositiones, hoc sensu accipi posset, quod tunc fatuis virginibus occurreret, quod in hac vita confisæ fuerint, prudentum Virginum societate in eadē fide, iisdemque sacramentis, quum tamen propriū oleum, id est, bona opera in semetipsis non haberent, vel certè sine recta intentione. Occurreret quoque prudentibus virginibus quod diem iudicii in hac vita valdè timuerint, quod in multis bonis operibus suis fiduciam minimè collocarint denique quod solitæ sint stultas virgines adhortari vt in tempore prospicerent sibi de oleo bonorum operum, nam post mortem in die iudicii secum fore ea de re cogitare. Id quod minùs verum fuisse fatuæ tunc virgines experientur : quod iuxta superioris intelligentiæ consequentiā rectè significabitur per id quod sequitur, dum autem irent emere &c. Non enim videntur impij spem aliquā euadendęq̃ damnationis in die iudicii habituri, eo nec sese excusatouri, quomodo nos facere hic toleramus quoties spes aliqua super est euadendi. Tunc autem vnum quemq̃ mala sua conscientia condemnabit. Ita in verbis diuitis Epulonis præter nudum desiderium nulla spe subnixum nihil apparet.

Quæri præterea solet, Cùm sanctorum animæ Luc. 16.

Dei

IN MATTHAEI

Dei visione iam sint beatę, moxq; vt resurrexerint gloriosa sint corpora habituri quū per hanc Christi sententiam sunt amplius accepturi, corpore & anima perfectē beati? Ad hanc questionem triplex est responsio. Nam primum quidem accipi potest illa Christi sententia vt in eos propriē cōpetat qui tunc viui inuenientur: qui sanē secundum animā necdum fœlices erunt, nec secundum corpus immortales. Solet enim scriptura sacra ita loqui de die iudicij, quasi omnes deprehensurus sit esset viuentes. Et hic quidem in ipso raptu mortui hac sententia ijdem cum olim defunctis regnum & beatitudinem accipient. Secundo intelligi potest per regnum & vitam æternam non tantum animæ corporisque beatitudo quam sancti omnes mox cū resurrexerint sunt habituri, verum etiam locus regni cœlestis qui beatis cōueniat, nimirum cœlum ipsum: sicut in sententia contra impios prolata æternus ignis exprimitur, in quo miseri illi sunt futuri: vt sancti per sententiam istam id accipiant quod Christus in die ascensionis. Tertio significari per has sententias potest, quod loquente iudice ac iudicij sui iustitiam suam omnibus declarante, verissimum esse omnes experientur quod Christus prędixit, & iustos in æternum regnatos, & impios æterno igne cruciandos. Atq; ita non hic significabitur accepturos aliquid vel sanctos vel impios per iudicis sententiam, quod in ipsa resurrectione non sint habituri. Secundū quam interpretationem vocula, Venite, in sententia pro iustis ferenda significabit non corporalem & progressuum aliquem motum, sed fauorem & congratulationem. Contra vocula, Ite, contra impios dicenda, odium & abominationem. Sic quod infrā sequitur: Ibunt hi in supplicium æternum, hunc habebit sensum: manifestum, clarumque tunc

tunc omnibus fiet quod impij æterna supplicia acceperint, seu quod olim ad hæc supplicia ierint: iusti verò in vita sint æterna: id quod experientia tunc magis docebit, quàm nunc doctrina tradi potest. Verbum est non Euangelistę, sed Saluatoris. Quod supra dixit ignem æternum. hic æternum vocat supplicium, pro quo Augustinus combustionem legit. Ignis autem iste corporalis erit in quo corpora damnatorum cruciabuntur, sicut tradunt Augustinus lib. 21. de ciuit. Dei cap. 9. & Grego. in 40. dialogorum. Quod verò August. alibi ait: Cuiusmodi sit ignis æternus, & in qua mundi vel rerum parte futurus sit, hominem scire arbitror neminẽ, nisi fortẽ cui spiritus diuinus ostendit: id eo sensu dictum est, quia nemo scit ex qua materia, vel quale corpus in particulari erit ille ignis, quanquam corpus erit: sunt enim varia ignis genera, vtpote ex fulmine, ex lignis, cespitibus, sulphure, ferro, carbonibus, lapidibus &c. Quomodo verò iste ignis affliget dæmones incorporeos, ostendit Aug. li. 21. de ciu. Dei. De igne per quẽ transeuntes quidã salui erunt, sic ait Aug. in Psal. 37. & de vera & falsã poenitẽtia. Grauior erit ille ignis, quàm quicquid homo potest pati in hac vita: vnde intelligi potest quã tõ futurus sit grauior & acerbior ignis ille æternus & inextinguibilis. Quomodo verò possibile sit perpetuò hominem permanere in igne, & ex eo affligi, nec tamen consumi? Pulchrẽ id August. libro 21. de ciuitate Dei à cap. 1. vsque ad cap. 9. declarat ex mirabilibus Dei operibus quæ operatur in natura, quorum rationẽ nullus reddere potest; & præter exempla Aug. de Salamandria & vermibus in aqua feruenti viuẽtibus aduehuntur ad nos à mercatoribus ex peregrinis locis, animalium quorundã pelles, mappę, itẽ ac mātilia, ex admirando quodã lino confecta, quæ in ignẽ coniecta adeo nõ exuruntur

cap. 19.
Lib. 20. de
ciuit. Dei
cap. 16.

cap. 10.

cap. 18.

IN MATTHAEI

tur, vt mūdētur potiūs. Huc pertinet quod ignis noster ex putribus albisque lignis carbones facit albos ac imputribiles, qui in agris termini vice cōstituuntur. Rursus quod vinum adustum sudario infusum, conseruet illud in igne illāsum, ac per eū emundet. Quod autem non sit iniustum temporale & momentaneum peccatum æterno supplicio puniri docet Augustinus eodem 21. libro de ciuitate Dei cap. 10. & 11. Nam & iudices sæculi dum homicidas occidunt, quod ad ipsos attinet in perpetuum tollunt eos ex hominum societate, & in æternum eos vita spoliāt, impertinens enim eis est quod postea resurgent. Ad hæc dum peccat quisque sic animo affectus est, vt optarit peccatum illud esse perpetuum, ac voluptatibus libidinum, ebrietatis, crapulæ &c. semper frui: iuste ergo pœna voluntati affectuique peccati respondet. Sic qui iustus pro bona sua voluntate mercedē à Deo accipiet tanquam pro ipso facto & opere, vbi id sola excludit necessitas.

Platonis verò sententiam qui docebat omnes pœnas siue humanis, siue diuinis legibus infligtas, siue in hac vita, siue post mortem, emendationi adhiberi, & quandoque finiendas refutat idem August. ibidem cap. 13. ac tribus sequentibus. Reliquis verò capitibus ad finem libri potissimum cap. 13. reijcit. qui omnium misericordiam illorum in speciem affectum, qui omnium saltem quorundam damnatorum hominum, quos fides catholica in æternum puniendos prædicat, finiendum quandoque putant supplicium. Vide eundem lib. de hæresibus ad Quotvultdeum in hæresi Originis, qui in eundem errorem, Platonem sequutus, incurrit. Item lib. 10. de ciuitate Dei cap. 20. Hieronymum item in Epistola contra errores Ioannis Hierosolymitani, epistolam item Epiphaniij quæ apud Hieronymum -

nonym. extat. August. quoque libro contra Origenistas & Priscillianistas, vbi etiam docetur, non posse vocem illam æternum, pro diuturno accipi. cap. 5. 6. et 7.

Notanter autem dictum est, *in supplicium æternum*, ne quis Origenista diceret, æternum quidem fore ignem in quem impij detrudentur, semperq; aliquos in eo puniendos, dum videlicet alijs liberatis, alijs semper post alios cruciandi succedent, neminem tamen perpetuò & in æternum ibi puniendū aut mansurū. Nam cū dicitur æternū supplicium, euidenter significatur nullius damnatorum finiendū supplicium. Id quod annotauit etiam Augustinus lib. de fide & operibus, & alijs compluribus in locis. *iusti autem in uitam æternam* Quod suprà

regnum, nunc vitam æternam appellat. Non est ergo extra regnum cœlorum vita vel salus æterna: volebat olim Pelagius, & nunc quidam vitiorum amore persuadere sibi conantur, quod dicere interdum audimus: Ergo illic nec rex, nec inter primos esse cupio, suffecerit mihi si cœlū obtineam. Rex enim erit quicumque ibi futurus est, vt annotauit Augustinus lib. 50. Homel. Cæterum nomen æternæ vitæ proprium est scripturæ noui testamenti, licet enim res significata sub alijs vocibus ibidem non taceatur, sub eo tamen nomine expressa ibi non reperitur. Et quanquam iuxta grāmaticam significationem videri possit alicui in scripturis non exercitato competere in vitam quoque damnatorum, qua in tormentis in æternum perdurabunt: in sacris tamen literis pro beata tantū & sine tormentis vita ponitur, quæ verè vita est, consistens in visione Dei, vt ait Christus apud Ioannem. Hæc est enim, inquit vita æterna, vt cognoscant te verum Deum, & quem misisti Iesum Christum. Tunc enim, vt ait Apostolus, videbimus eū facie ad faciem sicuti est. Vide Au-

cap. 15.

Homil. 50.

Ioan. 16

1. cor. 15.

cap. 16

gust. lib. 19. de ciuit. Dei. Vsq̃ue adeo autem beatitudo illa vitæ proprietatem obtinet, vt præsens hæc animalis vita, non alia causa hoc nomine censeatur, quàm quòd dū in ea agitur, spes sit ad alteram illam perueniendi: aded vt si cuiquam sua condēnatio hic reuelata à Deo foret, nō iā viuere propriè sed mortuus esse diceretur, ob vitæ æternæ desperationem. Solet hoc loco quæri, vtrum paruuli ante vsum rationis sine baptismo ex hac vita discedētes sub hædis cōpræhēdantur, ituri cum diabolo in supplicium æternū. Ad quod respōdemus quod sic: quemadmodū enim in hac vita à diabolo possidētur, ita cum eo pœnarū habituri sunt societate. Dicūtur enim hic Gentes oēs ante Christū cōgregandæ, & ex ijs duæ partes futuræ, altera ad regnū altera ad æternum suppliciū destinata. Nomine autem Gentiū cōpræhenduntur & paruuli ante vsum rationis mortui, siue baptizati sint, siue nō. Si enim hi ante rationis annos morientes gentium nomine non cōpræhēderentur, non pertineret, nec ad baptizatos quidem eos, Abrahæ promissio: Benedicentur in semine tuo (quod est Christus) omnes (quæcunque scilicet sunt benedicēdæ) Gentes: quod est longè absurdissimum. Certè apud Ioannē manifestè cōpræhēduntur paruuli, qui & ipsi sunt in monimentis. Vnde Aug. epist. ad Vitalem, & lib. 6. cōtra Iul. docet paruulos in die iudicij iudicandos & recepturos secundū ea quæ gesserunt in vita. cū igitur paruuli nō renati inter oues nō sint à dextris collocādi, cōsequens est, vt cū hædis in æternū eant suppliciū. Huc facit quod supra dictū est, paleas (cuiusmodi & infantuli illi erunt) comburendas igni inextinguibili. Et omnis arbor quæ non facit fructum bonum excidetur & in ignem mittetur. Et in Apocalypsi iudicati dicuntur mortui pusilli & magni. Et quotquot non sunt inuenti scripti in

1047.9

epist. 107.

math. 3,

apoc. 10

pti in

pti in libro vitæ missi in stagnum ignis. Atq; hanc
 esse Augustini sententiam videre licet ex serm. 14.
 de verbis Apost. Item ex cap. 92. & 112. Enchiridij.
 Item lib. 21. de ciuit. Dei cap. 12. & 35. lib. 2. de pecca-
 to originali contra Celest. cap. 20. & 21. ait Pelagiū
 de infantibus sine baptismo morietibus dicere so-
 litū: quo non eant scio, quo eant nescio: utpote nō
 ausim eos cœlū polliceri, at non ituros in mortem
 perpetuam. Præterea dicit nullū esse medium locū *lib. 1. de*
 vlli omnino hominum, ut qui cū Christo nō fue- *pec. mer. &*
 rit in regno & gaudio, esse non possit nisi cū dia- *remis. c. 28.*
 bolo in supplicio. Denique libro hypognosticon,
 qui tametsi Augustini non est, ex scriptis tamē eius
 à Catholico aliquo collectus est. In eadē sentētia est
 Gregorius lib. 9. moralium super Job, cap. 16. Prosper
 libro 2. de vocatione gentium cap. 8. Qui liber non
 rectē Ambrosio inscribitur. Fulgentius libro de
 fide ad Petrum cap. 3. & 27. Nam huius hic liber
 est non Augustini, quanquam inter eius opera cen-
 seatur. Isidorus lib. 1. de summo bono capite 24.
 Commentarius item Hieronymo ascriptus super
 illud Psalmi. 118. Præuaricantes reputaui omnes
 peccatores terræ. Denique Concilium Florentinū
 in quo hæc verba reperiuntur. Illorum animas qui
 in actuali mortali peccato, vel solo originali de-
 cedunt definimus mox in infernum descendere, pœ-
 nis tamen disparibus puniendas. Vnde Aug. lib. 5. *cap. 8.*
 contra Iulianū, asserere non audet paruulos illos in
 tātis malis futuros, ut eis expediret natos nō fuisse.

Est quidem ita quod lib. 3. de libero arbitrio du-
 bitare hac de re videatur, sed retractat locū eum
 lib. 2. de dono perseuerantiæ cap. 11. & 12. Dicens id
 se ex Pelagianorum sententia dixisse, at fidem ca-
 tholicam tradere paruulos non renatos in Chri-
 sto in æternam & secundam mortem ire. Epi-
 stola quoque 28. ad D. Hieronymum eundem

IN MATTHAEI

locum citans, ait non placere sibi quæ ibi de pœnis habet paruulorum. Ita se tamen loquutū, quia etsi verum esset quod dicunt Pelagiani, nihilominus malam esse Manichæorum causam. se interim catholicam tenuisse sententiam.

IN CAP. VIGESIMVMSEXTVM.

Matthæi.

Scitis quia post biduum pascha fiet, & filius hominis tradetur &c. Parū refert siue cum Dionysio Carthusiano interrogatiuè hæc legas, siue cū Veteribus assertiuè: nec interest, vtrum per præsens tempus, sit, & traditur, vt Græci legunt, an verò vt nostra habet versio, sit & tradetur, per futurū enūciemus. Pascha significat trāsitum: cuiusmodi tres fuerunt. Imprimis angeli percutientis primogenita, deinde Domini defendentis Israëlitas. Postremò ipsorum Israëlitarum exeuntium Aegyptum. Vsurpatur autem in scripturis vocabulum Paschæ vt significet vel agnū, quem Iudæi comedebant in memoriam transitus quo Aegyptum exierant: vel primi mensis decimamquartam lunam, in cuius vespera statim post occasum solis agnus comedebatur: vel eiusdem mensis diem decimumquintum, quo celebrabatur solemnitas Paschæ, & in cuius initio, nimirum nocte præcedente comedebatur agnus: Nam die decimaquarta statim post solis occasum, initium erat solennitatis, vsque ad sequentis diei vesperam. Quo factum est, vt decima quarta luna diceretur Pascha, seu festum Paschæ, quod nox quæ solennitatis initium erat, illius lune pars esset. Necnon decimaquinta Luna similiter: cuius pars dies solaris cum nocte præcedente diē paschæ (vt iam diximus) constituebat. Ex quibus facile intelligitur quo tempore præcedentia continuerint

gerint, & quo die Christus hæc dixerit, si animadu-
uertamus Iudeos primum diem Paschæ celebraf-
se die sabbati Christo iam mortuo, & feria sexta
ad vesperam comedisse agnum paschalem. Quod
quidem ex Ioannis euangelio perspicuum fit, qui
docet Christum mortuum in parasceue paschæ, si-
ne eodem die, quo Iudæi præparabant se ad pascha
celebrandum, atque idcirco eos non introisse præ-
torium Pilati, vt non contaminarentur, sed vt
manducarent Pascha. Corpora quoque latronum
è cruce sublata fuisse, quia sequebatur dies ille ma-
gnus sabbati. Sabbatum autem illud magnū erat,
quia ad communem solennitatem sabbati accede-
bat solennitas festi paschalis omnium celeberrimi,
quod non incertum semper diem (sicut apud nos
in dominicum) incidebat, sed in alium, atq; alium
pro annorum varietate, vt postea dicemus. Cōstat
præterea ex Ioāne, Christū quinto ante pascha die
afello insidentem in Hierusalem venisse, diem ete-
nim præcedentem quo Christus in Bethania erat
cœnatus, scribit euangelista sextum fuisse ante pa-
scha. Is autem quintus dies, iuxta supputationem
Iudæorum decima erat mensis primi, quo agnus
paschalis emendus, & domum deferendus erat, ne
omnia essent paranda in ipso die Paschæ. Vt itaque
res ipsa respōderet figuræ, eodem die Christus ve-
rus agnus inductus est in Hierusalem, eratq; feria
secunda, seu dies Lunæ, quamvis Ecclesia huius
rei memoriam Dominico die recolat, ad signifi-
candam videlicet Dominicę resurrectionis lætitiā.
Quemadmodum autem agnus typicus sexta feria
quæ erat decimaquarta dies primi mensis, immo-
labatur, ita verus agnus Christus eodem etiam tē-
pore immolatus fuit: siquidem mortuus est deci-
maquarta mensis primi, circa horam tertiam, quo
tempore mulieres præparabant & assabant agnum

IOHN. 19

IOHN. 18

IOHN. 19

IOHN. 12

IN MATTHAEI

paschalem, eodem die post solis occasum comedendum.

Marc. 11

Ibidem.

Ioan. 12

Feria autem tertia eiecit Christus ementes, & vendentes è templo, feria quarta mirati sunt discipuli de arefacta ficu. Eteodem die contigerunt quæ Matthæus commemorat, partim 21. capite, partim quatuor sequentibus: Item quod Ioannes refert de Gentibus cupiētibus videre Dominum, nam sequitur in Ioanne quod Christus abierit à Iudæis, & absconderit se ab eis, quod non contigit ante feriam quartam. Eodem die congregati sunt sacerdotes, & seniores populi, vt postea sequitur.

Epist. 86
ad Casula.

Exod. 12.
Leuit. 23

Hoc ipso quoque die dixit Christus verba huius loci, vt asserit Augustinus, non autem feria quinta, tunc enim non erat post biduum crucifigendus, sed postridie. Deinde Matthæus expressè distinguit primum diem azymorum (qui erat feria quinta) à die, quo ista dicta sunt. Vocatur autem hoc loco pascha ipsa feria sexta, in cuius vespera comedebatur agnus, nam dies decimaquarta primi mensis in cuius vespera agnus comedebatur propriè vocatur Phase, seu Pascha, & sic sequens dies non propriè vocatur pascha: licet enim illa vespera pertinuerit ad diem decimamquintam, tamen computatur rectè cum die decimaquarta. Mensis autem primus Iudæis incipiebat à primo Nouilunio post æquinoctium vernū, quod apud nos est Lunatio Aprilis, huius igitur Lunationis decimaquarta die ad vesperam incipiebat festum Paschæ, & dies azymorum. Quæ dies eo anno quo Christus passus est, fuit feria quinta: sequenti vero die, seu feria sexta Christus fuit crucifixus. Secus est de nostro paschate: quod semper incidit in primam dominicam post plenilunium primæ Lunæ.

Prima

Prima autem Luna est cuius plenilunium est primum post æquinoctium vernale, quod semper est in Martio die duodecima aut circiter. Sed de his hactenus, nunc ad Euangelium veniamus. *sicis quia post biduum pascha fiet, & filius hominis tradetur*, quasi dicat. Notum est vobis Iudæos feria sexta vesperi celebraturos paschalem solennitatem ut in memoriam reducant (Deo ipsos in terram promissionis deducente) transisse de AEgypto, vbi seruierant manus eorum in latere & luto, quodque angelus percussor cum occideret omnia primogenita AEgyptiorum, conspecto agni sanguine in postibus Israëlitarum, transierit domos eorum, neminem lædens, & Dominus transierit super filios Israël defendendo eos à percussore. Verum aliquid post biduum continget quod nescitis, nam & filius hominis tradetur tanquam verus agnus paschalis, per quem transitur à vitijs ad virtutes, à miseria huius mundi ad patriam cœlestem. Cuius sanguine quisquis aspersus fuerit liberabitur ab Angelo percussore: & Deum habebit propitium defensorem.

Hic (inquam) verus agnus paschalis post biduum, ipso die Paschæ Iudæorum tradetur à multitudine Iudæorum in manus gentilium, ut ab eis crucifigatur, sicut in veru fixus paschalis agnus assari solet. Hoc loco obseruandum occurrat (quod & antea monuimus) Christum sapius prædixisse se occidendum, & semper posteriori loco plura explicasse quàm prius. In hac itaque prædictione suæ mortis adiicit præcedentibus prædictionibus definitum diem, quo esset crucifigendus. Iusuper mysteriū illius diei explicat, quomodo nimirum ipse verus sit agnus paschalis pro hominibus immolādus. *Tunc cōgregati feria quarta scilicet.* Ex his quæ iā dicta sunt, manifestū est cur

cap 20.

IN MATTHAEI

ab antiquis Christianis feria quarta fit designata ieiunijs, & in hodiernum vsque diem à religiosis obseruatur, hoc enim die Christus prædixit Iudæis cœcitatē ipsorum, in qua derelinquendi essent à Deo: maximas etiam pœnas eis comminatus est, plurimis denique parabolis eorum miseriam descripsit. Præterea Gentiles ad eum videntum sunt admissi. Et Christus abiit, & abscondit se à Iudæis: & terribilia de excidio Hierusalē, de Iudæorum, totiusque mundi calamitate, denique de iudicio extremo prædixit. Tunc etiam cōspiratum est in eius necem: atque à proprio discipulo Iuda venditus fuit. *Princeps sacerdotum*, hoc est, eius ordinis præcipui, quos Ioannes pontifices appellat. *seniores populi*, quos Lucas vocat principes plebis, quos nunc vocamus scabinos. Interfuerunt etiam scribæ, vt quædam exemplaria habent, & Marcus & Lucas attestantur. *In atrium*, id est, ad aulam, seu domum regiam, vt apud Psalmistam: Adorate Dominum in atrio sancto eius. *Princeps sacerdotum*, id est, summi sacerdotis episcopi & pontificis qui vocabatur Cayphas. *Et consilium fecerunt*. Ioannes capite vndecimo meminit alteri⁹ cōciliabuli, quod istud diu antecessit: quo decernitur Christus publicè occidendus. Hic deliberatur, quam ratione tutò certòque comprehendi possitque atque ita teneri, vt manus eorum effugere non posset: & ad hoc perficiendum oportune tempus deligitur.

Quærebant, inquit Marcus, quomodo eum dolo tenerent: nouerant eius prudentiam, qua toties eorum insidias euaserat, nec eos latebat quàm multos fautores haberet: Censebant igitur eum non apertè aggrediendum esse, sed dolo, fraudibusque circumueniendum, secundum quod prædixerat Dauid. Susurrabant aduersum me omnes

LUC. 11.

MARC. 14

Psalm. 18.

et 95.

Psalm. 40.

nes inimici mei , aduersum me cogitabant mala mihi. *Dicebant autem* : Conclusio consilij. *Non est in die festo.* Non expedit eum apprehendere toto hoc festi tempore , siue per septem proximos dies azimorum , quorum tunc primus inceperat feria quinta , quoniam plurimi eo tempore ex tota Iudæa conueniunt in Hierusalem , & permanent vsque ad diem septimū azimorum , qui admodum ei fauent , & multi eorum in eum credunt. Quare si eum apprehenderemus illo tempore , concitaretur in nos populus qui per tumultum eriperet eum de manibus nostris . Non enim seditionem cauebant , sed Christum sibi eripi , & euadere volebant . Per illos dies omne masculinum debebat Hierosolymam venire , ibique totos septem dies azimorum commorari . Atque hoc est quod de Christo refert Lucas : Consummatis diebus , re- LU. 2. uersisque parentibus in Nazareth remansisse puerum in Hierusalem . Si legamus (fieret) illud (ne fortè tumultus) est euāgelistæ explicātis nobis rationem consilij Iudæorum . Sin verò cum Græcis legamus (fiat) Iudæorum est sic consultantiū . Diuinæ prouidentię fuit quod cōstituerent Christum non in die festo occidendum , vt vel hinc intelligamus non humano consilio dispositum fuisse , vt Christus mereretur in Paschate , sed singulari directione Dei contra humanum consilium , vt nimirum Christus agnosceretur verus agnus paschalis , qui tolleret peccata totius mundi , sicut serm. 7 de pass. Dom. coram toto mundo , seu toto populo passus est , vt pulchrè explicat Leo 1.

*Cum autem Iesus esset in Bethania , in domo simonis Lepro-
prosti.* Simon quondam Leprosus fuerat , sed à Domino mundatus est , retinuit tamen antiqui morbi nomen , vt virtus curantis Christi commendaretur , quemadmodum Matthæus iam Apostolus ab anti-

IN MATTHAEI

*Micron. &
Iuuen. in
carm. Dom.
pass.*

antiquo vitio in canone Apostolorum adhuc publicanus nuncupatur. *Accessit ad eum mulier, scilicet Maria soror Marthæ, & Lazari, habens alabastrum, id est, pixidem ex alabaistro confectam. Est autem marmoris genus candidum & varijs internitentibus coloribus pellucidum, quod ad vascula vnguentalia cauari solet, vt in quibus vnguenta optimè incorrupta seruentur. vnguenti pretiosi, id est, quod continebat vnguentum pretiosum. Ioannes fuisse ait vnguentum Nardi Pisticæ, id est, confectum ex Nardo sincera, & germana, non mixta, vel adulterata Marcus verò vocat, vnguentum spicatū, vel spicatę Nardi. Est autē Nardus frutex aromaticus, cuius semina in aristas sparguntur, magisque commendatur illud, quod ex spicis Nardi conficitur vel cui spicæ Nardi admiscentur. Vnguenti autem huius liquor admodum preciosus est, valētque ad instaurandas vires defessas, mira odoris fragrantia recreans & exhilarans.*

Et effudit super caput ipsius recumbentis. Addit Marcus fracto alabaistro seu pixide: vt celerius forsan perfunderet caput Christi, quem fessum videbat. Ioannes dicit etiam pedes Domini perfusos, & extersos capillis Mariæ. Vtrumque factum est: neque enim dubium est quin eadem à tribus Matthæo, Marco, & Ioanne narretur historia: tū quia omnes istud in Bethania contigisse dicunt, tū quia eadem indignatio contra mulierem, & eadem Domini responsio describitur. Sed Ioannes ordinem historiæ seruat, Marcus autem, & Matthæus obiter istud adferunt, vt ostendant quæ fuerit Iudæ occasio Christi vendendi, & inimicis consilij mutandi de non occidendo Christo in die festo.

videntes autem discipuli eius, aut per syllepsim, quapro vno omnes, aut vnus pro omnibus appellari solet

solet significatur hic solus Iudas quem Ioannes solum commemorat indignatum. Aut etiam alij discipuli incitati à Iuda ex imperitia indignati mulsarunt. *vt quid perditio hæc? quorsum perditio vnguenti fit? potuit enim istud uenundari multo, nempe trecentis denarijs, & dari pauperibus, hoc est pretium in pauperes erogari.* Ioannes dicit Iudam falsò prætendisse curam pauperum, verè autem auaritiæ causam egisse. Eum in hoc facto imitantur hodie multi, dum contra ea quæ expenduntur ad cultum Dei, vel ad pium aliquem vsum murmurant, sub prætextu curæ pauperum, cum re vera sola inuidia ducantur. Licet enim quandoque splendidiora quædam facere ad honorem Dei, nō enim omnia expendenda sunt in vsum pauperum.

sciens autem Iesus ait illis. Sciens ipsum murmur, tametsi ad aures eius quærelæ perlatae non essent: Apparet enim Iudam nō apertè reprehendisse Mariam, coram Domino, sed occultè ipsam prodigalitatis infimulasse apud alios discipulos. Dominus itaq; Mariam apertè defendit, dicens: *Quid molesti estis huic mulieri? id est, cur eam obiurgatis? nā secūdū Marcū fremebant in eā. opus enim bonum præclarū, & laudabile. Nam semper pauperes quorum curā prætextitis aduersus Mariam, habebitis vobiscum, & integrum erit quouis tempore illis benefacere, me autē non semper habebitis, citò carebitis mea præsentia.* Nō enim sic in posterū ero vobiscum, vt hactenus fui familiari conuictu, subiectus communi hominum necessitati, quo huiusmodi corporalibus officijs de me possitis bene mereri Sic Hieronymus: Similiter &. Augustinus illud Ioannis: Iam amplius nō videbitis me. Sic & illud Lucæ intelligendum est: Cum adhuc essem vobiscum, perinde ac si tunc cum illis non esset quia tunc nō erat ampliùs mortalibus, & miser sicut Apostoli.

in matth.
Tract. 90
super Iohann.

Porro

IN MATTHAEI

Tract. 50
super Ioan.

Porro secundum diuinitatem semper nobiscum est, usque ad consummationem sæculi: secundum humanam autem naturam adest nobis in altari modo prorsus inexplicabili, longè tamen verissimo. Augustinus alibi hunc locum aliter exponit, ut Christus alloquatur Iudam, & ei similes: ut sensus sit, Quamuis vidiimini mihi ad hærrere & me pro Domino vestro habere, in futuro tamen sæculo manifestum erit quod me non habeatis. *mittens enim hæc unguentum hoc* Quod vos putatis perditionem esse vnguenti, officium est sepulturæ. Si mihi sepeliendo, aut sepulto hoc unguentum infudisset, nemo Mariam reprehenderet. æstimetis, igitur ipsam anticipasse in viuo corpore, quod piè præstaretur mortuo. Moris enim erat apud Iudæos multis aromatibus condire corpora mortuorum, quo diutius incorrupta permanerent, ad commendandam fidem resurrectionis. Chrysostomus hic putat occultè taxari Iudam, ac si Dominus dicat: Ista mihi obsequitur, & præstat quicquid potest, tu verò qui me vis adigere ad mortem audes etiam hanc obiurgare! Ex eo autem quod Marcus dicit: Quod habuit hæc fecit, id est, fecit quod potuit, & præuenit ungere corpus meum, indicatur Mariam quandoque desideraturam ut impendat unctionem corporis Christi cum non poterit præuenta videlicet resurrectione: quasi Christus diceret: Maria quandoque desiderabit ungere me sepultum, nec tamen poterit reputanda est igitur nunc præuenisse officium sepulturæ vnguendo corpus meum, quando potestatem vngendo habet. Hinc argumentum satis probabile habetur eandem esse hanc mulierem, quæ in historia resurrectionis Magdalena vocatur, omnium maximè ad sepultum vngendum sedula. *¶ Amen dico vobis ubicunq; etc.* Attende notitiam futurorum: Iam enim moriturus præuidet Euangelium de

de Christo saluatore hominibus exhibito, toto orbe prædicandum & ex Christi amore mulieris huius memoriam quæ illi obsequiū hoc præstitit apud omnes celebrandam. *Dicitur & quod hæc fecit in memoriam eius*, hoc est, prædicabitur simul & factū quod hæc fecit in memoriam eius, quæ fecit. Est enim, quod, relatiuum non aduerbium: similiter, eius, mulierem refert, non factum. Monet Beda obseruandum esse, quod sicuti Maria gloriam de obsequio præstito toto orbe adepta est: ita è conuerso qui obsequio eius detraheret non timuit, longè latèq; infamatus sit; Dominus tamen bonum opus laude digna remunerans, futuras impij contumelias silentio præterijt. Viderint hic quàm prudenter agant qui memoriam huius mulieris cæterorumque sanctorum abolere conantur, cū euangelium habeant, quod mulieris huius memoriam celebrandam docet. Augustinus arbitratur hoc opus à Christo admissum tanquam propheticum, & significatiuum: Dicit enim: neque vllō modo quisquam sobrius crediderit Domini pedes ita vnguento pretioso perfusos, vt luxuriosorum & nequam hominum solent, quorum talia conuiuia detestamur. Odor enim bonus, fama bona est, quā quisquis bonæ vitæ operibus habuerit, dum vestigia Christi sequitur, quasi pedeseius pretiosissimo odore perfundit. Ita quod in alijs personis plerumque flagitium est, in diuina, vel prophetica persona magnæ cuiusdam rei signum est. Hætenus Augustinus. Porro diuersa fuit præsens vntio ab ea quam commemorat Lucas de peccatrice veniam peccatorum à Christo impetrante, diuerso enim tempore vtræque contigit. Verū id à cōmentatoribus in quæstionem vocatur, an vtrobiue eadem fuerit Maria Marthæ soror. Hieronymus in ea est sententia vt putet hanc Mariā nō esse pec-

*De doctrin.
c brisiana
lib. 3. c. 12*

Luc. 7.

pec-

IN MATTHAEI

Lit. 2. de consen. euā. cap. 7 9. 10an. 11
10an. 7.
10an. 6. 11.
 peccatricem illam cuius meminit Lucas. Augustinus verò eandem esse autumat, adductus argumento verborum Ioannis, quibus ait, Maria erat quæ vnxit Dominum vnguento, vbi manifestè de sorore Marthæ fit mentio, & eadem vnctio innuitur, quam describit Lucas: Alioqui non diceret eam tum vnxisse, sed vncturam fuisse cum vbique temporis ordinem studiosè admodum seruet. Nam exempli causa, dum Iudæ proditoris meminit ante proditionem factam, non dicit, Iudas qui eum tradidit, sed qui erat eum traditurus. Huc accedit quod Maria sæpius oppugnata fuit, semel à sorore Martha, semel à Iuda: semper autem à Domino defensa. Idipsum verò accidit peccatrici apud Lucam: à Simone enim reprehensa, à Domino defenditur. Deinde soror Marthæ semper ad pedes Domini describitur, semel Ioannis vii. decimo, ac iterum duodecimo capite: & apud Lucam peccatrix illa adest etiam pedibus Domini.

Postremò & peccatrix & soror Marthæ videntur in domo Simonis familiares fuisse, & vtraque vnctio in eadem domo facta narratur: quare & vnguens eadem fuisse videtur, præsertim cum Lucas secundam vnctionem omittat, quod facturum fuisse non est verisimile, nisi de vnguento abunde antea dictum esse iudicasset. Mouent præterea quæstionem an Maria soror Marthæ peccatrix, sit Maria quæ vocatur Magdalena. Ex interpretatione autem quam paulò antè in eum locum (mittens hæc vnguentum &c.) attulimus omnino colligitur eadem esse. Idem probare videtur singularis sermo à Marthæ sorore, & Magdalena sub vtroque nomine ad Dominum habitus. Ad hæc, Magdalena Matthæi vii. & Ioannis 20. indicatur accessisse ad pedes Domini sicut pro
 more

more habebat soror Marthę. deniq; confirmat sententiam istam huius mulieris memoria, quā Christus toto orbe cōcelebrandam affirmavit. Siquidem ecclesia vnicam mulierem eamq; Marthę sororē, & peccatricem & Magdalenam celebrat.

Tunc Quarta feria, qua sacerdotes, & scribę congregati erant apud Caypham. *A* *hij* unus memor *Aug. li. 2. de vnctionis huius, & indignē ferens mulierem à Do consen. euā. cap. 78.* mino defensam fuisse. *De duodecim.* Exaggeratio est ingratiitudinis eius erga Dominum *qui dicebatur iudas ischariotes*, Ad distinctionem alterius, qui fuit inter duodecim eiusdem nominis frater Simonis, & Iacobi, cognomine Thaddęus. Dicebatur autem Ischariotes à vico Iscario, vel ab Isachar, de cuius tribu erat. *Quid vultis mihi dare* Infelix Iudas, inquit *In cōment.* Hieronymus, damnum quod ex effusione vnguēti se fecisse credebat, vult magistri pretio compensare. Nec certam tamen postulat summam, vt saltem lucrosa videatur proditio, sed quasi vile tradēs mancipium, in potestate emētium constituit, quantum vellent dare, *et ego vobis eum.* Non nominat Iesum, sed quem odit, & ab alijs odio haberi nouit satis notum existimat.

Tradam seu prodam occultē. Apertē enim comprehendere propter vulgi fauorem, & suam prudentiam non potest. *et illi constituerūt illi triginta argēteos.* Hoc pretium David spiritu prophætico pręuidit, *Psal. 108* psalmo, cuius initium est, Deus laudem meam ne tacueris &c. in persona Christi loquens triginta maledictiones Iudę venditori, & Iudæis emptoribus imprecatur: Hunc enim Psalmum de Iuda intelligendum esse declarat Petrus in Actis Apostolorum. *A* *et* mysticum autem sensum præsentis venditionis ab Augustino petere licebit, libro primo quæstione Euangelicarum quæstione 41. *et exinde quærebat oportunitatem ut eum traderet scilicet sine*

IN MATTHAEI

sine turba ac tumultu etiamsi ea oportunitas festo die isto accidisset.

104m. 13.

Prima autem die azimorum acceſſerunt diſcipuli ad ieſum Ostendimus ex Ioanne diem Paſchæ Iudæorum tempore paſſionis Chriſti incidiſſe in diem ſabbati Dominus igitur vno die citius celebrauit Paſcha quam alij, feria nimirum quinta ad veſperam, Iudæi verò celebrârunt feria ſexta ad veſperam. Expreſſè enim dicit Ioannes, Ante diem feſtum Paſchæ &c. Si Paſcha Iudæorum incidiſſet in feriam ſextam cùm dies feſti eorū incipiant à veſpera precedente, uequaquam ante diem feſtum Paſchæ diceretur Chriſtus Paſcha celebraſſe, ſed ipſo die Paſchæ. Proinde vbi apud hunc Euangeliftam, & Marcum diſcipuli interrogant: *vbi uis paremus* &c. non eſt intelligendum diſcipulos vltro interrogaſſe vbinam paſcha parandum eſſet, nunquam enim diſcipulis in mentem veniſſet. Chriſtum ante alios paſcha ſuum celebraturum, ſed priùs ſignificauit eis Dominus quod in celebrâdo paſchate populū eſſet præuenturus. Hinc apud Luc. primū iubet Petrū, & Ioannē preparare Paſcha. Deinde querūt illi de loco vbi id fieri velit: poſtea verò Dñs mandat diſcipulis hæc nunciari patrifamilias. *magiſter dicit: Tempus meum prope eſt.* Redditur ratio, cur Chriſtus ante alios celebrauerit Paſcha, ſenſus enim eſt: Tam imminet mors mea ideo non debes offendi quod ego maturiùs celebrem Paſcha. Illud (primo die azimorum) intelligunt quidam de Paſchate ſolius Chriſti, non autem de paſchate totius populi, quaſi dicat Matthæus, feriam quintam fuiſſe primum diem feſti quod Chriſtus ſeruaui, quia feria quinta veſperi cœpit comedere azimos panes: ſed cùm Dominus dicat apud Matthæū: Scitis quia poſt biduum paſcha fiet &c. Omnino videtur loqui de feſto totius populi Iudaici, non

Ruptus ſu-
per Matth.
et Paulus
Bürgen. ſu-
per Lyræ.

non de priuato suo festo : alioqui nesciuissent Apostoli quodnam pascha futurum esset post biduum, neque verum esset quod Lucas ait, venit dies azimorum in quo necesse erat occidi pascha. Nō enim peccauerunt boni Iudæi qui non immolârunt feria quinta: nam eos tunc nō immolasse ex eo liquet, quod Christum tunc de cruce deposuerint, sepelierint & emerint aromata, quæ prima die Azimorū erant eis illicita. Annotant præterea Euangelistæ dies, & tempora, vt historico more tradant quid quoque die acciderit: popularia itaque eos & nota festa descripsisse, non priuata oportet. Quare Euthymius illud, primo die azimorum, interpretatur, pridie azimorum seu die præcedente diem sextam, in cuius vespera comedebant azima: vt feria sexta vocetur dies azimorum à sua vespera, & superlatiuus, primo, ponatur pro, priore. Quod verò Marcus, habet Quando pascha immolabant, nō refertur ad ablatiuum, priori die, sed ad genitiuum Azymorum, hoc modo: Pridie festi azymorum, in quo festo solent Iudæi Pascha immolare. Dum autem Lucas ait (Venit dies azymorum) significat festum illud imminere, ad eum modum, quo festū aliquod imminens dicimus iam adesse. Celebrauit autem Christus pascha decimaquarta Luna, vt hic ait Hieronymus. Non tamen culpandi sunt Iudæi quod immolauerint decimaquinta Luna, ita, vt decimasexta luna esset eis primus dies festus.

Quamuis enim lex præciperet decimaquarta luna immoladi pascha. statutum tamen antiquum erat apud eos, ne vnquam duo festa solennia continuò celebrarentur, ne populus nimis grauaretur seruandis cadaueribus (quæ per eiusmodi festa sepelire non licebat) & cessando à parandis alijs necessarijs. Similiter neque nos peccamus celebrando quandoque pascha mense secundo, cū tamen præce-

IN MATTHAEI

ptum sit celebrari mense primo in Martio videlicet. Quādo enim ex prapositorū negligentia contingit non seruari legitimos dies, excusantur subditi. Cū igitur tempore passionis Christi pascha futurum esset feria sexta, translatum est ad diem sabbati, ne simul sabbatum, & pascha per biduum essent celebranda, Christus verò qui morte sua aboliturus erat cæremonias veteres, nō debuit anxius esse de sabbato sequenti, lex enim de sabbato seruando per Christi mortem expirauit. Vide Rūpertum super Matthæum, & Paulum Burgensem in additionibus ad Nicolaum Lyram. Cū autem Christus Dominus passus sit octauo calendas

Aug. lib. 4. de trin. c. 6. Aprilis (quo die vt habet August.) etiam cōceptus
Lib. de ciu. dei c. 8. & cap. 4. fuit, celebrauit Pascha nono calend. April. Atq; sexto cal. eiusdem resurrexit: quinta verò Maij ascendit in cælum, ac decimaquinta descendit. spiritus sanctus. Porro de mysterijs Paschæ Christianorū, & de tempore celebrationis eiusdem, eleganter tractat Augustinus altera epistola ad inquisitiones Ianuarij. Et Beda in historia gentis Anglorū. Quomodo verò nunc errare contingat in celebratione Paschæ docet Ioannes Driedo de Eccles. dogmatibus.

vt uis paremus tibi comedere pascha? De domo querunt non de ciuitate, nam certum erat debere comedi in vrbe Hierosolymitana. At *Iesus dixit: ite in ciuitatem ad quendam.* Hebraica phrasi dixit, ad quēdā, vt putat Hieronym. pro eo quem Dominus certis indicijs descripsit, quemadmodū apud Lu. & Mar. describitur paterfamilias baiulās lagenā aque. August. quoq; sic exponit vt, ad quendam, verba sint Euangelistę interiecta per parenthesis, fortē saluator patremfamilias nominare noluit, ne Iudas nosset apud quē cœnare statuisset: nam sine dubio erat illuc Iudas satellites suos adducturus, ac mysticam cœnam

Lib. 2. de consen. euā. cap. 8.

etiam, ac prolixū sermonem illum quem Ioannes commemorat, impediturus. Et dicite ei, magister tuus & noster (erat enim hic paterfamilias fidelis, ac Christi discipulus) dicit, Tempus meum prope est &c. hoc est, instat tempus transitus mei ad mortem, tēpus glorioſæ resurrectionis & ascensionis ad patrem, ideoque ante cæteros sum pascha celebraturus, quod domi tuæ facere cupio vnà cum discipulis meis: quare pro numero conuiuiarum sufficiens procuretur ciborū apparatus. Et parauerunt pascha hoc est, præparauerunt agnum paschalem, curantes eum maſtari & aſſari. Dum autem dicuntur præparaſſe pascha, vtiq̃ intelliguntur azyma, & lactucas agreſtes adhibuiſſe, ſine quibus non immolabatur pascha. Futile itaque eſt argumentum eorum, qui colligunt Chriſtum conſecraſſe panem fermentatum, quod prius celebrârit pascha, quam reliquum vulgus, nam ſicut agnum parari iuſſit, ita etiam reliqua ad manducandum requiſita.

xod. 12.

Num. 2.

veſpere autem factō d'ſ. umbet̃at cum duodecim diſcipulis ſuis. Manducato videlicet iam agno: id enim niſi ſtando fieri poterat. Annotandus eſt autem ordo rerum ea nocte in illa domo geſtarum. Primum ergo comederunt agnum paschalem, quo comesto, vel certè antea, facta eſt inter Apoſtolos contentio, quis eorum videretur eſſe maior. Deinde ſurrexit Chriſtus à cœna, & lauit pedes eorum. Poſtea dixit ſe eis dediſſe humilitatis exemplum. In eundem enim ſenſum coincidunt verba Lucæ, & Ioannis de humilitate. Inde Eucharistiā inſtituit, tum de proditore loquutus eſt (vt patet ex Luca capite 22.) Auguſtinus de conſenſu Euangelistarum libro tertio capite primo, exiſtimat Dominum his loquutum de proditore, ſemel ante Eucharistiæ inſtitutionem

Luc. 12.

Ioan. 13.

IN MATTHÆI

apud Matthæum, ac postea iterum apud Lucā videlicet. Verūm id minimè necessarium est, Matthæus enim faciliè intelligitur illud per anticipationem dixisse. Postquam enim Christus apud Matthæum respondit Iudæ, (tu dixisti) ordine sequitur historia, quam de seipso memorat Ioannes his verbis: Erat ergo recumbens vnus ex discipulis etiam vsque ad discessum Iudæ. Hic ordo cœnæ satis consonat illi sententiæ, qua Christus dicitur lauisse pedes discipulorum, non solum in exemplum humilitatis, sed etiam ad designandam idoneam præparationem ad Eucharistiæ perceptionē. Id quod habes apud Ambros. lib. de his qui myst. initi. cap. 6. & lib. 3. de sacrament. cap. 1. & Bernard. in sermone de cœna Domini.

dixit turbatus à seipso (vt ait Ioannes) & præ se ferens magnam tristitiam. Amen dico vobis quia vnus uestrum me traditurus est. Dominus, inquit Leo, dicēs, *Amen dico vobis*, notam sibi proditoris consciētiam demonstrauit, non aspera, nec aperta impium increpatione confundens: sed leni ac tacita admonitione conueniens, vt facilius corrigeret pœnitudo, quem nulla deformasset abiectio. *Et contristatus ualde.* Ecce, inquit idem Leo, immaculati, & innocentes discipuli ad significationem facinoris expauescūt, & oēs sibi nō ædito impietatis autore formidant: contristati enim sunt nō de cōscientia reatus, sed de humanæ mutabilitatis incerto, timentes ne minus verum esset, quod in se quisque nouerat, quam quod ipsa veritas præuidebat. Et Augustinus super Ioannem. Sic in discipulis erat erga magistrum suum pia charitas, vt tamen eos humana alterum de altero stimularet infirmitas. Atque hoc est quod ait Ioannes: Aspiciebant ergo se inuicem. Et Lucas: Ipsi cœperunt quærere inter se, quis esset ex eis qui hoc facturus esset. Nunquid ego

serm. 7. de
pass. Dom.

ibidem.

tra. 7. 61.

ego sum Domine? Arbitror quamlibet interrogationem vndecim discipulorum cor Christi, quasi gladio amoris transfixisse, dum innocentes discipulos per humilitatem sibi metuere videt, & ex nimio amore erga se contristari. *Qui intingit mecum manum in paropsidem hic me tradet.* Hieronymus, Chrysostomus, & Leo putant Iudam impudentia illa, qua Christum traditurus erat, dum ceteri discipuli contristati manum retraherent, & cibos ori suo interdicerent, manum misisse in paropsidem cum ipso Christo, vt audacia bonam cōscientiam mentiretur. Potest autem intelligi intinxisse, non tanquam in præsenti id fecerit, sed quod solitus esset cum Christo ex eodem disco cibum sumere, iuxta illud Psalmi: Qui edebat panes mecum &c. Quem sensum sequutus videtur Augustinus, existimans hic non esse expressum quisnam esset Christum traditurus. Facit autem illud, ad augendā proditoris ingratitude, qui non modo ei familiaris esset, verum etiam cum ipso in eadem mensa, atque ex eadem paropside comedere solebat. *Filius quidem hominis vadit*, scilicet per mortem ad patrem suum. Et quidem vadit, quia voluntariè, & spontè tradidit seipsum in mortem, quæ transitus magis quàm mors dici debet. Rectè autem ait, Filius hominis vadit, quia ea ratione qua Dei filius est, perpetuò stat, & permanet. *sicut scriptum est de illò.* In lege Moyse, Psalmis, & prophetis: quod addit Christus ad discipulorum consolationem, ne per eius mortem, quam in scripturis audiunt esse prædictā, turbentur. *vt autem homini illi per quem filius hominis tradetur.* Et si scripturæ compleantur in morte eius nihil tamen inde vtilitatis vel laudis accedet proditori illi, sed potius æterna miseria, & damnatio. Non enim malitia Iudæ salutem nostram operata est, sed sapientia Christi, qui malitia Iudæ ad nostram

Psalm. 40.
Lib. 3. de
consensu euā.
cap. 1.

IN MATTHAEI

an cōment. stram salutem vñsus est. Hic inquit Hieronymus: poena prædicatur, vt quem nō corrigit pudor, corrigant denunciata supplicia. *Bonum erat ei, si natus non fuisset homo ille.* Non est hinc existimandum Iudam alicubi extitisse priusquā nasceretur, quia videlicet nulli bonum aliquod nisi existenti esse possit. Fuit is Origenis error, vt sentiret nulli bonū esse quod natus sit, animas enim ob peccata in corpus tanquam in carcerem missas atq; conclusas esse. Nihil aliud autem significare Saluator hic voluit, quā optabilius fuisse, prorsus natum non esse & nunquam fuisse, quā in eam incidisse miseriam

*Lib. 1. quæ.
suan. ca 40*

in quantam Iudas incurrit. Porro Augustinus tres huius loci proponit expositiones. Quarum prima hæc est: Melius fuisset Iudæ in vtero matris interire, quam nasci, & ad tantam miseriam peruenire. Secunda: Melius erat ei non nasci, ipsi diabolo ad peccatum: Tertia: Melius erat illi vt non nasceretur ipsi Christo per vocationem ad Apostolatū, quā quod factus est apostata. Harum posteriores duæ à Domini sententia sunt satis alienæ: Prima verò non videtur sufficere, qui enim in maxima sunt constituti miseria (qualem hic Saluator Iudæ futuram prædicit) optare solent nō tantū se non esse egressos ex vtero matris, verū etiam nunquam fuisse conceptos, vt Iob qui maledixit nocti, in qua conceptus fuit. Videtur itaque hoc loco significari fatiū fuisse Iudæ, si neque natus vnquam neque conceptus fuisset. Quem etiam sensum habet idem Augustinus lib. quinto contra Iulianum. Vt autem intelligamus quomodo Iudæ melius fuisset non esse, quam in tantā venire miseriam, quædam obseruanda sunt: Et in primis quidem, non esse, neque appeti potest secundum se, neque est bonum, vt tradit Augustinus: At

Iob. 3.

cap. 8.

*Lib. 3. de li.
arbi. cap 7.
or 8.*

verò dum apprehenditur vt exclusiuū miseriæ, appre-

apprehenditur tanquam bonum, licet reipsa nihil sit: potestq; recta ratione appeti non solum à damnatis, sed etiam à miseris hominibus in hoc mūdo. Hinc in Ecclesiastico. Mors miseris bona, & optabilis dicitur. Et alibi: Felicior omnibus hominibus dicitur, qui necdum natus est: Sic enim illud exponit Hieronym. Similiter & id quod est apud Hieremiam: Maledicta dies in qua natus sum. Potest præterea, non esse, considerari cū omnibus suis circumstantijs, & nō tantum vt miseriam auferens, sed etiam vt bonum aliquod tollens, atque hoc modo nō esset bonum damnatos nunquam fuisse, cū bonum, & iustum sit impios in æternum puniri.

eccl. 48

eccl. 4

hierem. 10

Itaque si quis expendat simul incommoda miserie & commoda suæ subsistentiæ non potest appetere non esse: sin verò attendat solam absentiam miserie, quæ ex non esse consequitur, non autem simul absentiam boni, quod ex eo quod sit habet, vel si incommodum miserie sit longè maius, quam commodum quod ex suo esse consequitur (sicuti in Iuda contingit) bonum esse ei si nunquam natus fuisset. Arbitrantur doctores istud competere in omnes adultos damnatos. Augustinus loco supra citato contra Iulianum asserere non audet istud in paruulos etiam competere sine Christi baptismo morientes, quia Dominus non de quibuslibet peccatoribus, sed de scelestibus, & impijsimis hoc pronunciauit.

Cæterum quia reliqui omnes Apostoli interrogant num ipsi eum essent prodituri, Iudas ne tacendo se prodere videretur, quærit & ipse. *Nunquid ego sum Rabbi?* Blandiùs Christum compellans quam cæteri. Rabbi enim Hebræis blandiùs sonat quam Dominus.

At illi, tu dixisti: Neque hic, inquit Augustinus expressum est vtrum ipse esset, potest enim adhuc

lib. 2. de

con. euā. c. 1

IN MATTHAEI

intelligi tanquam dixerit : Tu dixisti, nō ego dixi: Potuit etiam sic à Iuda hoc dici, & à Domino sic responderi, vt non omnes aduerterent : Hæc Augustinus cuius posterior expositio videtur accommodatior, vt illud, Tu dixisti, sit modeste concedentis, & affirmantis, vt postea de Caypha, & Pilato dicetur. Loquutio autem illa hinc sumpta videtur, quia qui interrogat aliquid, profert illud, licet non asserat, sic qui nunc modeste vult asserere, id quod quesitum est dicit: Tu hoc dixisti, vel protulisti, quasi dicat, quod dicis non est falsum.

Cœnantibus autem eis, hoc est, Discipulis adhuc comedentibus post agnum paschalem, quod satis ex Ioanne constat, qui dicit intinctam buccellam Iudæ sub eius exitum traditam. Quare autem non liceat nunc Eucharistiam post cibum sumptum ex tra infirmitatis casum sumere, tractat Augustinus, *epistola ad Ianuarium*. Ideo verò Lucas & Paulus dicunt Christum calicem post cœnam porrexisse, inquit Augustinus, vt cœna appelletur ipsa sumptio corporis Domini, quemadmodum Paulus vocat cœnam dominicam, acceptionem corporis Domini. Christus etiam corpus suum in cœna sumpsit vt ait Hieronymus ad Hedibiam scēminam scribens: Dominus Iesus inquit, ipse conuiuia, & conuiuium, ipse comedens, & qui comeditur. Thomas intelligit corpus Christi inter cœnandum datum, sanguinem verò absoluta cœna, & huius rationem assignat, quia videlicet corpus Christi mysterium incarnationis iam factæ repræsentat, legalibus cœremonijs statum habentibus: inter quas præcipua erat agni paschalis cœna, sed sanguis Christi directè eius passionem repræsentat, in qua effusus est & per quam vniuersa legalia terminata sunt. *Accipit Iesus panem azymum* videlicet, quia agnus cum azymo pane comedi debebat, non tamen hoc exigente

epist. 128.

cap. 6.

ibid. ca. 5.

Quest. 1.

in 11. ca. 1.

ad Corint.

gēte sacramēti necessitate sed decētia. Græci enim verē in pane fermentato corpus Christi cōficiunt & in sua Ecclesia illam consuetudinem seruare debent, vt declarat Concil. Florentinum. Quod autem decentius in azymo pane consecratio fiat, declarat Thomas. Idem pulchre ostēdit cur Christus corpus, & sanguinem suum sub speciebus panis & vini consecrari voluerit, & quare Christus nobis relinquere voluerit corpus suum, & sanguinem sub sacramento, quia (inquit) nemo vnquam saluus factus est sine fide passionis Domini, nā sicut nos quotidie in symbolo dicimus, Passus sub Pontio Pilato, sic patres veteris testamenti sancti dicebant tacite, passurus est, atq; hoc futurum in Messia sibi promisso credebant, & imolendum, quod nūc certō credimus impletum, & factum. Ambrosius

3. part. qu. 6

7. & 74.

art. 4.

Eadem qu.

art. 1.

Eadem qu.

art. 5.

præter dictas rationes aliam adfert: nimirum vt ostendat Christus Christianorum sacramenta altiora esse Iudæorum sacramentis, Melchisedech enim in figuram Christi panem & vinum obtulit. Remigius quoque alias rationes assignat.

Apud Thomam in canticis

Genes. 14.

Aptè (inquit) Christus fructum terræ obtulit, vt per hoc monstraret se ad hoc venisse, vt maledictionem illam, qua maledicta est terra propter primi parentis Adæ peccatum auferret. Congruenter etiā iussit offerri quæ de terra nascuntur, & pro quibus homines maximè laborant, vt non esset difficultas in acquirenda sacrificij materia, & vt homines de labore manuum suarum Deo sacrificarent. In libro de hæresibus ad Quodvultdeum varios hæreticos, qui circa materiam huius sacramenti errarunt, recenset Augustinus. Quidam enim panem, & vinum, & caseum offerenda censebant, pro argumento sumentes quod Abel, & Cain fructus terræ, & ouium obtulissent, valde autem inconueniens videri, Cain potius imitari panem & vinum

IN MATTHAEI

vinum offerentem, quam Abel qui obtulit de primogenitis gregis sui, & de adipibus eorum, præsertim cum Dominus respexerit ad Abel, & munera eius, non autem ad munera Cain. Sed hic error magnus est, & ex ignorantia huius sacramenti manat. Rectè enim argumentarentur si in hoc sacramento maneret panis, & vinum, & in corpus & sanguinem Christi non mutaretur, qui est primogenitus gregis electorum, ac omni pinguedine benedictionis repletus, qui est verus Abel occisus à Cain ad quem Dominus semper respicit. Eodem libro ponit Augustinus aliquos qui Aquarij nuncupantur, sub specie sobrietatis solam aquam offerre volentes, non intelligentes in hoc sacramento spiritualiter inebriari animam multo spiritus sancti, & vino, quod germinat virgines, vt ait Zacharias, nec repræsentari aduertebant Christi passionem, qui amore nostri inebriatus, sicut Noë, in Iudaico populo nudatus est, & à proprijs filijs subfannatus. Eleganter hanc figuram prosequitur Augustinus contra Faustum, & Cyprianus vbi contra Aquarios disputat. Si autem rogetur cur sub alièna specie instituerit, vel hoc sacramentum dederit Christus. Respondeo vt fides locum haberet, & meritum: & ne horreremus carnem humanam, & sanguinem in propria specie sumere. Et benedixit id est, gratias egit, vt idem verbum Græcum versum est apud Paulum & Lucà, quemadmodum enim Christus ante Lazari resurrectionem quod in omnibus à patre suo exaudiretur, gratias ei egit, idque clara voce, vt à turba circumstante audiri & intelligi: posset, ita sacramentum hoc instituturus magna cordis lætitia in laudem patris sui erupit, vsque adeo, vt oculos omnium discipulorum singulariter in se intentos faceret. Egit autem gratias Deo patri, quod iam ipsius morte redem-

n. ref. 64.

2. ch. 9.

lib. 12. ca.

23. & 24

lib. 2. epi. 3

redempturus esset totum genus humanum, quod-
 que in tanti beneficii memoriam, potestatem ab eo
 accepisset, instituendi singulare hoc sacramentum,
 quo perpetuò corporaliter fidelibus suis adesset, &
 per quod omnes fideles adunarentur. Hinc etiam
 antiquissimo ritu hoc sacramentum cœlebrari nō
 potest sine gratiarum actione, ita vt quamuis varij
 sint apud græcos & latinos in huius sacramenti
 cœlebratione ritus ac cœremoniæ, in hoc tamen
 coueniunt, quod nec sacrificium pro defunctis, nec
 pro viuis sine singulari Dei laude, & gratiarum
 actione Patres cœlebrari voluerint. Hinc mox in
 ipso præfationis, quā vocamus, initio, dicitur. Be-
 nedictus qui venit in nomine Domini. Imò in fi-
 guram istius nec in veteri quidem lege mente tri-
 sti, & lugubri sumenda erant vetera sacrificia. Ne-
 mo tamen hinc argumentari debet non rectè in
 Missæ canone distingui inter benedicere & gratias
 agere; aut sacerdotes dum benedictionis verbum
 proferunt, imperitè super hostiam crucis signum
 facere: quamquam enim hoc verbum apud Mat-
 theum & Lucam propriè gratiarū actionē signifi-
 cet, apud Marcum tamen aliud verbum est quod
 significet benedicere; non solum quomodo Deo
 benedicimus, sed etiam, quomodo creatura bene-
 dicitur, cum quis ei benè precatur: quale & illud
 apud Lucam: Eleuatis manibus suis benedixit eis,
 Et factum est, dum benediceret eos recessit ab eis.
 Item, benedicentur in semine tuo omnes Gentes,
 sic Christus ipsis panibus, & piscibus benedixisse
 dicitur. Benedicere etiam interdum pro con-
 secrare vsurpatur, vt calix benedictionis cui be-
 nedicimus, id est, quem consecramus. Sic Am-
 brosius lib. 4. de Sacram. cap. 4. & 5. inter illa duo,
 benedixit, & gratias egit, canonem sequutus di-
 stinguit. Venerabilis Beda in Marcum mysticè
 istam

Leuit. 10
Deut. 16

Marc. 14

Luc. ult.
Genes. 12
Luc. 9.
1. Cor. 10

IN MATTHAEI

istam panis benedictionem hoc modo exponit: Panem, inquit, benedixit Christus, quia naturam humanam quam passurus assumpsit, ipse vna cum patre, & spiritu sancto gratia diuinæ virtutis impleuit. Quod verò in Missa dum sub consecrationem verbum benedixit, profertur, signum crucis formetur, id nō ideo fit, quasi benedicere significet cruce signare, sed quia omne bonum, & omnis virtus sacramentorum ex Christi passione pro nobis crucifixi prouenit. Quomodo autem panis benedici in consecratione dicatur, cū tunc mutetur, & desinat esse panis, pulchrè declarat Thom. docens irracionales creaturas dici benedictas, vel maledictas, quaten⁹ ex ijs boni aut mali aliquid facimus. Hæc autē benedictio quam Christus protulit super panem, non fuit aliud quàm prolatio horum verborum. Hoc est corpus meum. Si nūc enim tanta est eorum virtus, vt sacerdotes in persona Christi ea proferentes (vt ex B. Ambrosio & Ecclesiæ traditione constat) corpus Domini cōficiant, non est existimandum minorē ea vim habuisse cū à Christo proferrentur. Qua de re consule Diuū Thomam. Solet etiam quæri circa hunc locum, an Christus in hac cœna corpus sanguinemq; suum Deo patri obtulerit, & sacrificârit. Sanè cū oblatio nihil aliud sit, quàm aliquid Deo oblatum in agnitionem summi eius dominij, & Christus in cœna corpus & sanguinem suum consecrauerit ad honorem Dei patris, atque ei gratias agendo distribuerit, clarum est eum obtulisse & sacrificasse. Deinde fuit sacerdos in æternum secundū ordinem Melchisedech. Sed si in cœna seipsum non obtulisset in sacramento, nunquàm ritū Melchisedech obseruasset, qui panem, & vinū obtulit: vt ostendunt Cyprianus lib. 2. epist. 3. August. in Psalm. 110. Irenæus lib. 4. cap. 22. & sequentibus

secunda se-
cunde quæ.
76. ar. 2.

3. part. quæ.
78. art. 1.

Psalm. 110

bus. Leo sermone 7. de passione Domini, & alij complures.

Ac fregit scilicet corpus suum, siue panem iam consecratum. Quomodo verò dicatur hic corpus Christi frangi, & an magis propriè species dicantur frangi, quam corpus secundum speciem, tractat Magister sentent. vbi etiam ostendit quid istæ partes fractæ significant. Hoc loco autem sufficit annotare quod sub qualibet fractionis particula, integer Christus remaneat, quanquam hæc fractio significet diuisionem, & lacerationem, quam Dominus in passione sustinuit in corpore suo, dum flagellis cæsus, spinis, clauis, & lancea perfossus est, unde pro eo quod habemus apud Paulum, quod pro vobis tradetur, græci legunt, quod pro vobis frangitur, sicut de sanguine postea dicitur, qui pro vobis effundetur. quasi dicat Corpus meum pro vobis sic lacerabitur, sicut nunc sub specie panis hic frangitur. Atq; hinc ortum est, quod tempore fractionis hostiæ, siue cùm primum fracta est, tanquàm cernentes Christum crucifixum, inuocemus eum, dicentes: Agnus Dei qui tollis peccata mundi &c. Quod singulis totius anni diebus in sacrificio missæ dicitur, excepto sabbato sancto, quia tunc Ecclesia in luctu sit. Significat etiam ista fractio diuersas gratias spiritus sancti in Christi corpore mystico, quod est Ecclesia ex Christi passione proueniētes. Non ociosè dicitur, Christus ipse panem fregisse, non frangendum Apostolis tradidisse, quo nimirum significetur nō absq; propria sua volūtate factum esse, quod Iudæi ipsum lacerauerint, & crucifixerint. *Vedit. q. discipulis suis*, tam Iudæ, quam alijs vt constat ex Luca, qui tradito sanguine dicit Christum dixisse, Veruntamen ecce manus tradētis me mecum est in patena: vbi manifestè liquet, Iudam post traditum calicem adfuisse: quod & omnes ve-

tere

Genes. 14

Lib. 4. sen.
12. dist.

1. Cor. 11.

IN MATTHAEI

in Matth.

terres tradunt, dempto vno Hylario, qui ex eo quod sequitur, donec bibam illud vobiscum, putat Iudam non communicasse, nam manifestum est (inquit) Christum non bibisse postea de hoc genere vitis cum Iuda in regno patris. Sed facile respondetur, non loqui ibi Christum Iudae, sed vndecim tantum Apostolis, sicuti quando dixit. Et vos mundi estis, sed non omnes, quia non Iudas.

Matth. II.

Vel si loquatur etiam Iudae, intelligendum erit id ei dictum secundum quod erat Apostolus, non secundum quod erat priuata persona & completum esse in Mathia eius successore: sicut quando dixit: Sedebitis & vos super sedes duodecim, iudicantes duodecim tribus Israel. Quanquam & sic intelligi potest, bibam vobiscum, videlicet quantum ex me est, per me non stabit quo minus etiam cum Iuda bibam.

3. par. q. 67

inc. 6. 10.

in eund. lo.

Accipite, & comedite, Merito in hac vita eis corpus suum comedendum tradidit, mirabilem enim adfert gratiam eis qui digne id sumunt. Qua de re plura Thomas, Cyrillus, & Chrysostomus. Canon noster hoc loco addit, Comedite, seu manducate ex hoc omnes, sicut de calice dicitur. bibite ex hoc omnes, ad designandum quod omnes Apostoli ex vno communicati sunt. In quo non paruum esse mysterium ostendit Paulus, dicens: Vnum corpus, & vnus panis multi sumus, omnes qui de vno pane, & de vno calice participamus.

1. Cor. 10

hoc est corpus meum. Romana Ecclesia ex traditione Petri Apostoli coniunctionem, enim, in consecratione corporis Domini adiecit, sicut in consecratione calicis expresse ea adijcitur à Matthæo, hoc namque sensus requirit, nam ideo Christus ad id sumendum quod in manibus habebat, eos inuitat quod corpus eius esset. Ex eo autem quod Apostolus reum esse pronunciet corporis & sanguinis Domini qui Eucharistiam indignè sumpserit,

1. Cor. 11.

rit, quia corpus Domini à cæteris cibis nō discernat, item ex ipsa Apostolorū viua traditione certo tenendum est sermonem hunc. Hoc est corpus meum, minimè tropicum esse, sed proprium, eoq; significari proprium & naturale Christi corpus quod suspensum est in patibulo, & nunc ad immortalitatem resurrexisset verè, propriè, & realiter in Eucharistia. Quod abundè ostenderunt scriptores contra Sacramentarios scribes ex omnibus catholicis doctoribus, qui ab initio nascētis Ecclesiæ vsque ad nostra tempora extiterunt. Nimirum ex Irenæo lib. 4. contra hæreses cap. 22. & sequentibus. Hylario lib. 8. de trinitate. Ambrosio lib. de his qui mysterijs initiantur cap. 9. & lib. 4. de sacramentis ca. 5. & 6. Chrysostomo in Matthæum Homil. 36. 51. & 83. Item in Ioannem Homel. 45. Hieronymo epistola ad Rusticum monachum. Cypriano lib. 2. epistola 3. Et in expositione orationis Dominicæ. Cyrillo in 6. ca. Ioannis Cōcilio Ephesino primo. Leone papa cū Synodo Romana ad clerum & plebem Constantinopolitanā. Quorum duobus postremis ita certum, & persuasum fuit in altari esse corpus, & sanguinem, Domini, vt inde refutārint Nestorianam sui temporis hæresim, quæ docebat alium esse filium Mariæ habentem corpus, & sanguinem, alium Dei filium incorporeum, & Eutichianam, quæ docebat naturam carnis, & sanguinis à diuinitate absumptam. Irenæus etiam loco supra citato, ex eo quod certum & exploratum habebat corporaliter nos Christi corpus, & sanguinem sumere, refutat eos qui corporum nostrorum negabant resurrectionem. Synodus quoque septim. vniuersalis quæ est secunda Nicena, docet Apostolos, vel patres nunquam Eucharistiam vocasse imaginem corporis Christi, sed semper corpus Christi.

Et in

IN MATTHAEI

Et in Synodo Romana, quæ tempore Nicolai papæ primi facta est residentibus in ea 113. Episcopis, coactus est Berengarius suam reuocare hæresim, quā primus inuexerat, qua docere cœperat panem, & vinum, quæ in altari ponuntur post consecrationem non esse verum corpus & sanguinem Domini, sed signum tantum. Sic in Concilio Lateranensi sub Innocentio 3. & in Concil. Constantiensi hæresis ista damnata fuit. Cæterum quia D. Augustinus alicubi de Eucharistia ita loquitur, vt imperito Lectori sacramentarijs fauere videatur, explicanda erūt eius verba quo sensu ab eo dicta sint, neq; enim putandus est in hoc religionis nostræ dogmate à fratrū suūm, doctrina sentētiāq; recedere, vt ex varijs eius locis manifestum euadit. In primis enim lib. 3. de trinitate dicit hoc sacramentum significare Christum, sicut alia eum significāt, hoc tamen habere præ cæteris sibi proprium, quod etiā corp⁹ & sanguis Christi sit. Ibid. tā graui autoritate tradit hoc quod est in altari esse Christi corpus, vt si nunquam alibi species illa nisi in altari videretur, nihil aliud crederetur quàm Christum in tali specie apparuisse mortalibus, & talem liquorem de latere eius fluxisse. Rursum ita in hoc sacramento Christum esse asserit, vt ab omnibus adorari debeat. Vide eundem quæ dicat præfat. in Psalm. 33. & quæst. super Leuiticum cap. 26. Quando ergo dicit in libro contra Adamātum Manichæi discipulum: Non dubitauit Dominus dicere: Hoc est corpus meum, cū signum daret corporis sui, quomodo loquitur & in Epistola ad Bonifacium: & super Psalm. 89. Non hoc, inquit, corpus quod videtis manducaturi estis, & bibituri sanguinem illum quem fusuri sunt qui me crucifigent. Non negat verum corpus Christi esse in Eucharistia, sed tantummodo intelligit non esse id ibi in propria sua

cap. 4.

cap. 10. c. 11.

psal. 68

cap. 12.

1. pist. 21.

sua specie, quomodo apparebat quum in terra ver-
faretur, & nunc in cœlo cernitur. Ipsum autem
corpus Christi verè existens in sacra Eucharistia,
sub aliena tamen specie occultatum, signum est sui
ipsius, sub propria quondam specie in hoc mundo
conuersantis, & nunc apparentis, & assidentis patri
in cœlis. Atque ita ipsum sumimus in veritate, non
tamen sub propria specie. Hunc esse sensum Au-
gustini, planum est ex verbis eius quæ citantur
à Gratiano. Causa verò cur Augustinus, & alij
aliquot veteres aliquando obscure loquuti sunt
de tanto mysterio hæc videtur fuisse, auditores
habebant tunc temporis non modò Christia-
nos, sed & cathecumenos & infideles, à quibus le-
gebantur etiam eorum libri & scripta: quare coacti
sunt de religionis nostræ mysterijs tectius obscu-
riusq; loqui ac scribere, ne sanctum canibus darèt.
Sic Dionysius Areopagita ritus sacramentales lite-
ris mandaturus, sanctissimè obtestatur Timotheū
ne quæ scripsisset in publicum efferret, nec ea nisi
Episcopis legēda communicaret, primus tamē ad-
monitis, ne quibus alijs & ipsi communia facerent.
Cōsule Ambr. in princ. li. de ijs qui mysterijs ini-
tiantur, Basilium, & Augustinum, vbi ostēdit mor-
ris fuisse antiquitus, vt occultaretur cathecumenis
mysterium Eucharistię. Vnde pro more habet, vt,
quando de Eucharistia loquitur, hoc adijciat, no-
runt fideles, hoc modo satis eos instituens, & oc-
cultans cathecumenis. Hinc arbitror antiquitus à
Gentilibus accusatos fuisse Christianos, tanquam
vescerentur carne humana, quia sumebant corpus
& sanguinem Christi, vt apparet ex historia Euse-
bij. Hinc etiam idololatræ deridebant Christia-
nos quod dicerent se Deum suum in sacrificijs suis
præsentem videre, vt refert Augustinus. Si quis
autem roget qui fieri possit, vt sub tam exigui pan-

De consec.
dist. 2.

2 lib. de spir.
sanct. c. 27.
Tra. 13. c.
96 sup. 10.

2 lib. 1. bist.
eccles. ca. 1.

apost. 43

HH

nis spe-

IN MATTHAEI

nis specie tam magnum corpus contineatur: quemadmodum infideles Iudæi interrogauerunt: Quomodo potest hic nobis carnem suam dare ad manducandum? Rogabo & ego vicissim eum quomodo fieri possit, vt tres personæ sint vnus Deus, eadem persona sit Deus & homo; ex nihilo aliquid fieri potuerit, mortuus resurgere possit, virgo parere, corpus humanum clausis ianuis ad discipulos intrare, deniq, quomodo in cœlum ascendere. Certe innumera sunt etiam vîitata nature, quorum rationem reddere non valemus, vt quod homo generat hominem, quemadmodum bene sensit mater Machabæorum, dicens: nescio qualiter in vtero meo apparuistis. In talibus rebus, inquit Augustinus, tota ratio facti, est potentia facientis. Aduertendum verò est quod dicat Christus: Hoc est corpus meum, non autem hoc est caro mea, quia plus cõplectitur, & includit corpus, quam caro: ad corpus enim pertinent nerui, ossa, spiritus vitales, animales, naturales, & similia, quæ ad carnem non pertinent. Per pronomen, Hoc, Demonstratur id quod Christus in manibus habebat, quod Apostoli sumebant, quod videbatur esse panis. Et quia sermo hic Christi operatorius erat, verificatur oratio illa non pro tempore, in quo profertur, sed pro tẽpore quo iam prolata est: sicut sermones omnes quibus quid imperamus aut efficimus verificatur pro illo tempore quo finita est oratio & completam habet significationẽ, vt quando Christus dixit, Remittuntur tibi peccata: vel quando quispiã alteri dicit, do tibi hanc vestem, ignosco iniuriã mihi illatam, vel cùm Dominus manumittens seruũ dicit: Tu es liber. Item sponsus sponsẽ do tibi fidem meam in quibus omnibus completa dũtaxat significatione, & oratione ipsa, oritur effectus, quẽ quis per has orationes efficit, sicut etiã cũ imperat Dominus

Epist. 6.

Epist. 3. ad

Volusianũ.

minus seruo, fac hoc, non oritur obligatio nisi cō-
pleta oratione, simili modo nec erat ibi corp' Chri-
sti, donec cōpleta esset oratio. Hoc est corpus meū.

Et accipiens calicem, in quo vinum erat aquæ mi-
xtum. Cur autē aqua admisceatur, & an in magna
quantitate debeat apponi, deinde vtrum sit de ne-
cessitate sacramenti: rursus quid significet, tracta-
tur apud Magistrum sentent. pluribus distinctio-
nibus. *Bibite ex hoc omnes*. Inuitantis est, non præ-
cipientis: atque vt detur præcipientis esse, non po-
test is Christi sermo ad alios quàm duodecim præ-
sentes pertinere, quos tunc solos alloquebatur.

Lib. 4.

Quare ex hoc loco non potest statui necessitas cō-
munionis sub vtraq; specie. *Hic est enim sanguis meus*,
idem est, ac si dixisset, hoc est sanguis meus, vt *hic*,
pronois officio fungatur. Cōiunctio, *enim*, nō est in
textu græco apud Matth. sed sensus eā omnino exi-
git. *Noui testamenti*. In græco habetur, *hic est sanguis*
meus qui est noui testam. Testamentū significat pa-
ctū, vel promissionē, & vsurpatur specialiter pro il-
la dispositione quæ à morientibus cōditur, vt pa-
tet ex Apost. Testamentū enim sola morte interue-
niēte cōfirmatur. Duplex autē in scriptura assigna-
tur testamētū. Vetus, & Nouū. Vetus est pactū Dei
quod iniit cū Iudæis, vt si seruarent mandata de-
calogi, haberēt abundantia bonorū terrenorū, imò
etiā vitam eternā. Hoc pactū irritū factum est dum
non seruārunder mandata Dei, imò accepta scientia
legis per propriā malitiam magis sunt præuaticato-
res effecti. Hoc testamentum confirmatum fuit
sanguine pecudum: cū enim Deus mori nō pos-
set secundū diuinitatem, vt alicuius morte con-
firmaretur hoc pactum, occisa sunt pecora, & eo-
rū sanguis oblatus est: maximè quia sic præsignari
oportebat sanguinē noui testamenti: Nouū verò
testamentum promissio est, qua Deus fidem, spem

Heb. 9.

Exod. 24

IN MATTHAEI

charitatem, veniam peccatorum & vitā æternam electis suis se daturum promisit, vt ait Augustinus lib. de spiritu & litera à cap. 19. vsque ad 25. Istud autem testamentum post lapsum hominis statim promulgatum fuit, quando dixit Deus serpenti: Ipsa conteret caput tuum, & quando dixit Abraham: Patrem multarum gentium constitui te, & Benedicentur in semine tuo omnes Gentes. Quanquam verò à principio mundi promiserit Deus iustitiā, & vitam æternam, vocatur tamen nouum testamentum, tum quia per nouum Adam impletur, & pro veteris Adæ nouatione institutum est: tum quia nouissimis temporibus per Christi passionē, & resurrectionem in toto orbe terrarum patefactū est: Sicut & illud vetus testamentum dictum est, tum quia veteri homini datum, vetustatem eius non abstulit, sed auxit potius: & ad hoc datū fuit homini, vt peccati vetustatem agnoscens consurgeret ad nouum Adam: tum quia prius tempore vulgo Iudæorum manifestatum fuit. Sic Augustinus, lib. 4. contra duas Epistolas Pelagianor. cap. 4. & loco suprā citato de spiritu & litera. Vocatur autem idem nouum testamentum (æternum) quia nunquam erit irritum, sicut irritum fuit vetus testamentum per inobedientiam Iudæorum. Christi verò sanguis dicitur noui esse testamenti, quia confirmat, ratum efficit, atque implet nouum testamentum. in nullo enim impletur gratiæ Dei, & & vitæ æternæ promissio, neque impleta vnquam fuit, nisi per Christi mortem, non est enim in aliquo alio salus. Declarat autem Saluator hunc sanguinem esse completiuum noui testamēti per hoc quod subdit: *Qui pro multis effundetur in remissionē peccatorum*, quod causaliter intelligēdū est. Quasi dicat ideo sanguis meus implet nouum testamentum, quia effundetur in remissionem peccatorū: morte enim

Genes. 3. C
21.

Hier. 22

A. Cl. 4

enim mea illud confirmabo. Commemoratur autem hoc loco tanquam legatum ipsum, vel promissum à Deo, ipsa remissio peccatorum, non autem vita æterna, nec obseruatio mandatorum Dei, cum tamen illa per mortem Christi nobis præstentur, quia præcipua gratia est remissio peccatorum, quæ sola, ut est apud Esaiam, separant nos à Deo, & quibus remotis amici Deo efficiuntur: moxque consequuntur munera gratiarum, spiritus nouus, adoptio filiorum Dei, & vita æterna. Vnde Dominus apud Hierem. dum promitteret scripturum se legem suam in cordibus fidelium, & daturum pro mercede vitam æternam, pro ratione tanti promissi assignat remissionem peccatorum: Quia propitius ero, inquit, iniquitati eorum, & peccata eorum non memorabor amplius. Vide Augustinum lib. de spiritu & litera. Quanquam verò etiam corpus Christi noui sit testamenti completiuum, sitque in remissionem peccatorum traditum, tamen corpus suum noui esse testamenti non dixit; quia sanguis seorsim consecratus, expressius repræsentat nobis Christi passionem, & mortem, in qua sanguis fuit à corpore separatus, quam ipsum corpus sub specie panis consecratum. Si roget quis, cur plura adijciamus in consecratione calicis quam habeant euangelistæ. Dicendum, formam consecrationis ita nobis traditam esse, euangelistas autem contentos fuisse explicare sensum verborum Domini. Dico autem vobis: non bibam amodo de hoc genimine uitæ etc. Augustinus putat Lucam, non duos sed vnum modo calicem commemorasse, quodque prius de calice dixit, intelligit per anticipationem positum. Iuxta cuius sententiam Matthæus rectum ordinem seruauit in recensendis his Domini verbis. At B. Hieronymus duos calices à Luca commemoratos dicit, quos ipse mysticè interpretatur. Similiter Vene-

2/4.54.

Jerem. 32.

Cap. 25.

Lib. 3. de cō
sc. euan. c. 1.

in cōment.

IN MATTHAEI

rabilis Beda, & Theophylactus duos apud Lucam calices agnoscunt, quorum mihi sententia verisimilior videtur. Siquidem calicem primum in Luca intelligit Dominus calicem legalem, sicut ante etiam de agno legali loquutus erat. Abrogatis autem legalibus nouum agnum, & nouum calicem propinat. Hoc sensu Mattheus, & Marcus per repetitionem verba hæc: Dico autem vobis &c. posuisse intelligendi sunt, ut quæ ante corporis Domini consecrationem dicta sint. Quorum hic est sensus: quod iam dixi non amplius me agnum paschalem manducaturum, donec in Ecclesia, quæ est regnum patris mei spiritualiter impleatur, ita nec potum veteris Paschæ, seu vinum veteris testamenti, quod bibi cum agno paschali solet, amplius sum gustaturus, usque ad illud tempus, quo vobiscum bibam in Ecclesia nouum illud sanguinis mei vinum. Eum autem intelligitur bibere, dum fideles eum digne bibunt, quia Christus salutem fidelium, suum reputat cibum, & potum. Significat ergo Christus nolle se amplius uti agno, & vino paschali, ut per duo maxima legis edita, escam scilicet, & potum paschalem, spiritualiter immutata, disceremus omnia legis sacramenta ad spiritualem obseruantiam fuisse transferenda, & horum loco corpus & sanguinem Domini deinceps sumenda. Ergo, hoc genimen vitis, vetus est paschale vinum, nouum verò Christi sanguis: qui merito vinum nouum vocatur, nusquam enim tale vinum, bibitum fuerat: nec nisi nouorum hominum potus esse potest, ad cœlestem nouitatem perducens. Et fortè relatiuum, *illud*, refertur ab Evangelista ad sanguinem Christi, & propterea interpositum ab eo est, ut commodius intelligeremus quod nam esset nouum vinum de quo Christus loquebatur: ut videatur ideo verba ista post consecrationem sanguinis posuisse, tametsi ante dicta foret, ut

me-

melius intelligeretur quid esset nouum vinum. Sic Hieron. quæst. 2. ad Hebidiam, Venera. Beda in Lucam, & commentarius ille in Marc. qui extat inter Hiero. opera. Potest interim etiam vt simpliciter dictum accipi, quod ab hora cœnæ vsq; ad tempus resurrectionis vinum bibiturus non esset. Post resurrectionem autem cibum, potumq; sumpsisse eū testatur Petrus, dicens: Māducauimus, & bibimus cum illo postquā resurrexit à mortuis. Sic Chryso. & Theophyl. quam recitat etiā V. Beda. Iuxta quē sensum nouum intelligetur vinum, quia nouo illud modo bibiturus erat, vtpote iam immortalis, nec potu, vel cibo indigens. Regnum autem patris resurrectio erit, quia in his qui ad gloriam resurrexerunt Deus perfectè regnat, morte quā inuexit diabolus destructa. Alias duas expositiones dat Augustinus lib. 1. quæst. Euangel. Aliam præterea D. Hieronymus quē quanquam ad primam multum accedat, diuersa tamē est ab ea. Refert & aliā Theophyl. quas oēs apud autores suos legēdas relinquo.

Acl. 10.

Cap. 43
in Matth.

Et hymno dicto. Ad verbum est, cū decantassent laudem: vt non solus Christus, sed & Apostoli cecinisse laudem intelligantur. Sic Hylarius, Hieronymus, Origenes, & Theophylactus. Venerabilis Beda ad solum Dominum retulisse videtur intelligens per hymnum, illam Domini Saluatoris ad patrem orationem, quam habet Ioannes Rabbi Burgenfis in additionibus super Nicolaum de Lyra putat istum hymnum fuisse Psalm. 112. cum quinque sequentibus quos dicit à Iudæis in festo Paschæ decantari solitos. Hoc Christi & Apostolorū exemplo, & facto docemur post sumptū cibū gratias Deo agendas, & post sacram cōmunionem non ad vanitates, & nugas, sed ad Domini laudem & preces confugiendum. Eodem exemplo defendendus est cantus Ecclesiasticus, nō solum in

Cap. 17

psal. 112

horis canonicis, sed etiam in sacrificio Missæ : qua
de re vide Augustinum Epistola 119. cap. 18. item li.
2. Retract. cap. 11 . Nec putanda est hæc veteris esse
legis cæremonia, quanquam & eo tempore cū iam
non esset tabernaculum ampliùs transferendum, ex
Dauidis institutione cantarent etiam Leuitæ. Re-
fert enim tripartita histor. hunc per Antiophonas
psallendi modum ab Ignatio ad Angelorum imi-
tationem in Ecclesiam introductum, qui post pa-
cem à persecutionibus Ecclesiæ data longè latè-
que propagatus fuit.

1. Paral. 13.

C. 24.

Lib. 10 c. 9

Exierunt in montem Oliueti. Ne si Iudæi Christum
in ciuitate capere voluissent oriretur tumultus po-
puli, & sic ex eorum manibus eriperetur . Exierūt
autem versus montem Oliuarum, tū quia cō-
sueuerat Christus illic pernoctare in orationibus,
tum vt à Iuda faciliùs inueniri posset, qui non ig-
norabat Christum, locum illum frequentare solit-
um. Beda mysticum huius loci sensum tradens:
Pulchrè, inquit, Dominus discipulos sacramentis
imbutos in montem educit Oliuarum, vt typicè
designet nos per acceptionem sacramentorum ad
altiora virtutū dona, & charismata sancti spiritus,
quibus in corde perungamur ascendere debere.

*Tunc dicit illis Iesus, o mnes uos scandalum patiemini in me
in ista nocte.* Si, tunc temporis ordinem significat, o-
portet trinā Petri negationem sapiùs fuisse à Do-
mino prædictam : semel in itinere, ac semel iterū
vt minimum, in domo, vt ex Luca, & Ioanne in-
telligi potest. Et Augustinus quidem de consensu
Euangelistarum id concedit, ter videlicet fuisse à
Domino Petro prædictum quod ter esset negatu-
rus. Sed sanè intolerabilis videbitur Petri præsum-
ptio, si postquam semel ei à Domino prædictum
est, ausus fuit & postea de suis viribus præsumere.
Placet ergo magis aliorum sententia. Qui voculā,
tunc,

tunc, accipiunt hoc loco, vt significet non temporis ordinem, sed vt tantundem valeat ac si diceretur, In illo tempore: vt Matthæus omiffam hiftoriam inferere hic intelligatur. Quando ergo Lucas dictum à Domino ait Simon, Sathanas expetiuit vos &c. Tūc dictum etiam fuit quod hic Saluator futurum prædixit de scandalo, item quod non poffent eum fequi modò, cui deinde Petrus refpondit: Ego nunquam scandalizabor, paratus fum & in carcerem & in mortem tecum ire, animam meam pro te ponam.

Porro quod ait: *omnes uos scandalum patiemini*, hūc habet fenfum. Prædico vobis omnibus quod non poft multum temporis, fed in hac ipfa nocte magni peccati occafionem ex me accipietis, vt fitis nō tantum me in manibus inimicorum meorum relicturi, verum etiani fidem, quam de me iam habetis deferturi. Id fatiſ clarè ex Ioanne colligitur, apud quem cū affererēt Apoſtoli, credere ſe Chriſtum à Deo exiſſe, reſpondet Chriſtus, modo creditis? Ecce venit hora, & iam venit, vt diſpergamiſ vnuſquiſque in propria, & me ſolū relinquantis, quaſi dicat, Iam creditis, ſed in hac fide nō diu permanſuri: Sic enim explicat Auguſtinus. Idē ſatiſ arguit & illud Cleophe dictum: Nos ſperabamus, quod ipſe eſſet redepturus Iſraēl. *ſcriptum eſt enim*. Prædicat, inquit Hieronymus. quid paſſuri ſint, vt cū paſſi fuerint, non deſperent ſalutem, ſed agentes pœnitentiam liberentur. Producit autem Prophetæ teſtimonium, vt oſtendat non ſe inuitum, ſed Dei conſilio, & propria voluntate crucifigendum: tum vt ipſi magis aduertant quantum eis malum immineat. *percutiam paſtorem*. Verba ſunt Dei patris: Paſtorem autem percuſſurus dicitur, tradendo eum in manus inimicorum, & mortem crucis. *Et diſpergentur oves*, Hoc eſt, diſcipuli

cap. 16

Tract. 23
Luc. ult.

IN MATTHÆI

246.13.

puli eius, dum corporaliter ab eo fugiunt, & fidei vnitatem deserunt. Allegat autem Euangelista sensum prophetæ non verba nam apud Zachariam Deus gladium suum alloquitur, mandans ei vt pastorem percutiat: quod nihil aliud significat quàm Deum gladio afflictionis percussurum esse filium suum. Hæc autem Dei prædictio nullam Apostolis peccandi necessitatem iniecit, nam is tali hoc modo prædixit futurum quali per liberam eorum voluntatem reuera futurum erat. *Postquam autem resurrexero præcedam vos in Galilæam.* Post multa quæ prædixerat tristitia subiungit læta quædam, quibus depresso eorum animos erigat. Significat autem prius se post suam resurrectionem in Galilæa futurum quàm ipsi essent.

Respondens autem Petrus, ait illi. nisi omnes scandalizati fuerint in te, ego nunquam scandalizabor. Petrus, inquit Hylarius, in tantum & affectu, & charitate Christi efferebatur, vt & imbecillitatem carnis suæ, & fidem verborum Domini non cōtueretur quasi dicta eius efficienda non essent. Non ergo putandus est Petrus voluisse Christo dicere, quod falsum diceret, sed nimio Christi amore verba eius non attendit, nec putauit Christum prophetice istud dixisse. Sed nec mentitus est, nam sincere proponebat nunquam Christum derelinquere, putabat enim se posse, quod se velle sentiebat, vt ait Augustinus de gratia & libero arbitrio capite 17.

Porro in cœna Petrus multum timebat ne forte ipse proditor esset: cùm enim Christus de vno tantum ex duodecim diceret, nec ita proprie Petrum tangeret, non ita turbauit eum amoris passio, quin facile consideraret, & vera esse Christi verba, & se admodum imbecillem. At nunc vbi aperte omnes dicuntur scandalizandi, & diserte
Petrus

Petrus tangitur, mox amoris magnitudine perturbatus non aduertit ad Christi verba quemadmodum debebat. Deinde postquam vidit à proditiōnis metu se esse liberatum, factus est multò confidentior, nimio scilicet affectu, quo erga magistrū suū ferebatur. Peccauit tamen Petrus ita respondendo per elationem, & præsumptionem, sibi videlicet, suisque verbis tribuendo quod solius erat gratiæ Dei, & alijs se præferendo. Vide Augustinum *Tract. 66.*
in Ioannem. & lib. 20. de correptione & gratia. *cap. 123.*
Dicere autem Petrus debuisset. Precamur Domine *cap. 9.*
vt nos ab huiusmodi scandalo custodias: & si fortè vel malitia, vel imbecillitate nostra labi contigerit, reducas nos statim ad rectam viam, neque nos in peccatis nostris derelinquas. Causam cur primarium Apostolum suum ita Christus labi permiserit, reddit Augustinus, Apostolum, inquit, intuēdo admoneri nos oportet, ne homo quisquā de humanis viribus fidat: nā quid aliud pertinuit ad doctorem saluatoremq; nostrum, nisi vt nobis nequaquam de se quenquam præsumere debere, in ipso primo Apostolorum demonstraret exemplo? *Tract. 66.*
Amen dico tibi quia in hac nocte Tibi, inquam, qui tã *in Ioan.*
confidenter loqueris, dico, quod nō solū in hac nocte sis scandalizandus, sed etiā *antequā gallus cātet, te me negabis,* dices quod me nō noueris: neque id diu differes, vtpote ante galli cātū id faciens. *Ait illi Petrus:* Et tãsi oportuerit me mori tecū, nō te negabo. quasi dicat. Absit Domine vt tantū in te scelus admittam, non te negauero etiamsi hinc occidendus mox essem. Sentiebat enim velle Christum dicere hanc illi negationem metu pœnarum, & mortis extorquendam. *similiter & omnes discipuli dixerunt,* vt Petrus dixerat, nec se scandalizandos, nec Christū negaturos, etiamsi moriendum cum eo esset: non tamen dixisse videntur. Et si oēs scandalizati fuerint.

Porro

IN MATTHAEI

Mat. 14.

Porro dictum illud Christi : Antequam gallus cantet ter me negabis conciliandum est cum eo quod apud Marcum dicitur , ante secundam Petri negationem gallum cantasse. Nam eandem omnino esse prædictionem apud Marcū & Matthæū, ex præcedentibus & sequentibus liquet . Quidam putant Petrum quinques negasse, ter ante primum galli cantum , bis ante secundum. Sed vanum hoc est: Christus enim Petro insolenter de se præsumēti deterrimum quod erat ei euentuerum prædixit: & satis clarum est Marcum per easdem negationes quas refert Matthæus, declarare vera fuisse Christi verba antequam gallus bis cantet &c. Ter ergo tantum Petrus negavit quomodo post resurrectionē ter tantum exegit ab eo Christus amoris confessionem , in trinæ videlicet negationis satisfactionem. Primus igitur commentarius est Beati Augustini , vt apud Ioannem , Lucam & Matthæum non simpliciter significetur negatio Petri , sed timor & perturbatio illa, ex qua Petrus ter Christū negavit, hoc nimirum sensu: Antequam gallus cātet, in tantum incidēs timorem, vt me ter sis negaturus. Sed quia prædicti tres Euangelistæ declarare volentes vera fuisse Domini verba , post trinam Petri negationem subiiciunt gallum cantasse, quasi Dominus de hoc galli canti prædixisset, non de primo illo cuius meminit Marcus. Euthymius & Dionysius Carthusianus sic intelligūt verbū cantabit, vt idem sit quod perficiet seu absoluet cantum suum. Verū nec iste commentarius satisfacere videtur: quomodo enim gallus cantum suum compleuit , quando post tertiam negationem adhuc cantauit , nam hic cantus in illa noctis parte prius fuisse videtur, eo quod inter secundam & tertiam negationem interuallum (vt ait Lucas) horæ ferè vnius intercesserit. Primus quoque galli cantus

tus circa primam negationem factus non videtur, idem cum illo qui circa tertiam factus est negationem tãquam vnus perfectus cantus. Sicut qui sic intelligant: Non audies gallum cantantem, quum me ter negaueris. Quartus est commentarius, qui præ cæteris magis placet, vt Christus apud Matthæum nõ de quouis galli cantu loquatur, vt Marc. sed de eo qui tẽpore fit matutino, appropinquante iam die, quod tempus gallicantum appellare solemus. Quasi dicat priusquam gallus propter lucẽ propinquam canat, ter me negabis. Imò in hac nocte non bis gallus cantabit quum me ter ante neges. Secundum hunc sensum dici potest Petrum vtrumque galli cantum audiuisse, & de primo quidem insinuare videtur Marcus dicẽs Petrum exisse foras ante atrium, & gallum cantasse: qui eo audito quia nondum respexerat eũ Dominus, nõ est verborum eius recordatus. Ideo autem in secundo gallicatũ eorum est recordatus, quia vt ait Lucas, tunc eum Dominus respexit. Et hunc quidem sensum secuti vidẽtur Iuuenius, Ambrosi. in hymno matutino, cuius initiũ: A Eternæ rerum conditor, & Prudentius in hymno, qui incipit: Ales diei nuncius. Potuisse autem tantum temporis labi, vt tertia Petri negatio circa matutinum demũ gallicantum fieret, facillẽ intelligat qui expendat omnia quæ acta sunt, post exitum Iudæ, quãdo nox erat vsque ad ea quæ in Cayphæ domo sunt facta: Christum item passum circa æquinoctium vernũ denique in Iudæa citiũs diescere quàm hic apud nos. *Tunc uenit xesus cum illis in uillam, quæ dicitur bethsemani.* Locus est ad radices montis Oliueti, trans torrentem Cedron, in quo hortus erat, cuius meminit Ioannes, quo loco tempore D. Hieronymi Ecclesia erat ædificata: interpretatur aut vallis pinguisima. *Et dixit discipulis suis, octo uidelicet, sedete hic,*

IN MATTHAEI

te hic, locum eis designans. Ideo autem sedere ibi iussit quod ob ardentem erga Christum affectum præsertim propter ea quæ in cœna audierant, non facile possent ab eo diuelli. *Donec uadam illuc, & orem.* Solebat Christus seorsim sine discipulis orare, vt doceret oraturo quietem, & solitudinem esse captandam. Addit Lucas mandasse Christum vt & ipsi orarent ne intrarent in tentationem. Quomodo autem Christo conueniat oratio habes apud Thomam parte 3. *Et assumpto Petro, & duobus filiis zebedei.* Hi tres transfigurationi interfuerant, quare conueniens erat, vt quemadmodum præ alijs participes fuerant gaudij, ita tristitiæ etiam consortes essent: & quia gloriam Domini viderant, minus erant scandalizandi quam cæteri.

Et capit contristari, hoc est, tristitiæ, & pauoris magna præ se ferre indicia, tremere, & labascenti gressu incedere, vt ijs mos est quibus animus metu, ac mœstitia plenus est. Assumpsisse autem Christum passiones nostras, tristitiam scilicet, timorem, iram, ac similes pulchrè explicat Beatus Thomas parte tertia quæstione decimaquinta ab articulo quarto vsque ad nonum. Quo etiam loco Augustinum secutus libro 14. de ciuitate Dei capite nono. Et Hieronymum in hunc locum, discrimen ostendit inter Christi passiones ac nostras. In Christo enim non fuerunt passiones quæ ad illicita mouerent, nec quæ iudicium rationis perturbarent, aut impedirent, nec nisi volūtariè preeunte rationis iudicio susceptæ. Vnde apud Ioannem cōtristatus dicitur Christus quia turbauit se ipsum. Vide præterea August. lib. 83. quæst. 80. Et in Ioan. Tract. 49. 52. 66. Cur autem has affectiones, seu defectus Christus assumpsit, tres causas annotat B. Thomas. In primis vt pro peccatis nostris satisfaceret, deinde vt veritatem humanæ naturæ in se ostend-

Quæst. 21

3. part. quæ.
14. 1.

se ostenderet. Tertiò, vt patientiæ nobis præberet exemplum quibus adde quartâ, vt mala nostra aboleret, prauasq; cupiditates & cogitationes nostras corrigeret: Christus enim, vt inquit Paulus, missus est in similitudinem carnis peccati, vt iustitia legis impleretur in nobis: sic & mortuus est, vt mortem nostram moriendo destrueret, & corpus ac animâ ab æterna morte liberaret. Id quod pulchrè explicat Augustinus lib. 4. de trinitate cap. 2. & sequentibus. Item Cyrillus lib. 9. thesauri cap. 3. Et Leo serm. 3. de passione Domini.

Rom. 8.

Porrò tristitiæ huius causæ fuerunt, primû grauissimi cruciatus, quos iam imminentes coram oculis, & in imaginatione tanquam præsentis sibi proponebat: vnde in Psalmo illo exclamans ait, Deus Deus meus, respice in me: quare me dereliquisti? Ad hæc considerabat omnia omnium hominum peccata esse sibi à Deo patre imposita, pro quibus satisfacere deberet, tâquam omnia ipse perpetrasset. Vnde aiebat: Longè à salute mea verba delictorum meorum. Ego dixi miserere mei, sana animam meam quia peccaui tibi. Præuidebat præterea ingratitudinem & infidelitatem Iudæorum, Apostolorum scandalum, & lapsum, tot denique futuros Christianos, qui laborem sanguinēque ipsius tam parui facturi, imò & conculcaturi essent. Hæc ergo præuisa mirè grauabant Christi cor, vt tristitia toto corporis habitu ac incessu foris se proderet, quam & verbis aperiens, *Tristis est anima mea usque ad mortem*, Plenus sum, inquit, tristitia quæ vsque adeo magna est, vt si paulò maior foret, planè me opprimeret. Sic Augustinus in Psalm. 86. Et Dionysius Carthusianus. Aliter Hieronymus. Nunc inquam, tristatur anima mea, & hæc tristitia durabit vsque ad mortem.

Psalm. 11.

Assumpsit autem hanc tristitiam vt verus homo fuisse

IN MATTHAEI

Luc. 9.

fuisse intelligeretur, bene intelligens quanta mala passurus esset non stupore mentis & paruipendens: exemplum nobis præbens non esse desperandum quoties in graues animi anxietates inciderimus: denique, & noxiam omnem tristitiam, scrupulosam cordis anxietatem atque tristitiam à nobis auferret, salubrem verò tristitiam veramque lætitiā largiretur, ac ignoscere nobis posset quoties solum tristitia eum offenderemus. Annotârunt hunc locum veteres cōtrā Arrianos, & Apollinarianistas humanā animam in Christo negantes.

sustinete hic, id est manete simul hoc loco, vbi congregati sunt octo reliqui Apostoli: Nam postea inuenit Apostolos omnes simul: & quod sequitur, Vigilate mecum, ita hoc tribus dicit vt ad omnes tamen referatur: quemadmodum magistratui interdum aliquid dicitur quod ad omnes tamen pertinet ciues. Vnde Lucas dicit omnibus dictū esse: Orate ne intretis in tētionem. Sensus autem est, Ego iā vigilaturus sum, & in orando laboraturus, magno mihi erit solatio si & vos habeam mecum simul vigilātes, laborantes ac orantes: solet enim labor videri leuior quoties alius simul nobiscum laborat. Dignatus est autem Dominus consolationem aliquam ab Apostolis quærere, quam tamen sciebat se non habiturum, propter nos videlicet qui commerueramus in ærūnis ac tristitia nostra nullā inuenire cōsolationē. Malum autē nostram repulsam passus assumpsit vt bonum nobis suum communicaret: atque ita impletū est quod ait psalmista: Sustinui qui simul contristaretur & non fuit qui consolaretur & nō inueni. Quamuis enim tristes essent Apostoli carnalis tamen erat eorum tristitia, que adeo Christum non consolabatur, vt magis etiam cōtristaret. Simili de causā hospitium aliquando à Samaritanis petijt cum sciret se non recipien-

C A
recipiente
sciremus
solum C
beraret.
stinuer
cas. Qu
odit in
& reuer
ram, tur
denus v
seruiunt
mentem
attention
beri deb
epistol.
or dicen
D. Tho
deret se
emplur
nos fac
affectur
Pater
Christu
luntati
non po
nes cu
loco su
nimiri
ex part
in aliq
cit Pfa
vt dū
verē i
mur.
pocul
feratu

recipiendum. Nemo igitur eum consolatus est, vt
 sciremus eum solum redemptorem esse nostrum,
 solum Christum esse qui nos à peccatis nostris li-
 beraret, qui pœnam peccatis nostris debitam su-
 stinuerit. Et *progressus pusillum*. Spatium explicat Lu-
 cas: Quantus est, inquit, iactus vnius lapidis. *Pro-*
cidit in faciem suam, in signum magnæ humilitatis
 & reuerentiæ. Exteriora hæc signa, casus in ter-
 ram, tunsis pectoris, genuflectiones, ac similia ha-
 ctenus in orationibus sunt adhibenda, quatenus
 seruiunt ad inflammandum desiderium nostrum,
 mentemq; in maiorem erga Deum reuerentiã, &
 attentionem excitandam, quemadmodum adhi-
 beri debent & verba: qua de re vide Augustinum
 epistol. ad Probam, quæ est de orando Deo. *orans,*
et dicens: Cur Christus orârit duas causas assignat
 D. Thomas parte 3. quæst. 21. Nimirum vt osten-
 deret se esse à patre profectum, & orandi nobis ex-
 emplum daret: Tertiam assignat Damascenus, vt
 nos faceret orantes, seu vt nobis orandi mereretur
 affectum. Lib. 3. c. 24

Pater mi si possibile est. Hac oratione, expressit
 Christus desiderium sensualitatis, & naturalis vo-
 luntatis, quæ mortem secundum se consideratam,
 non potest non refugere, & exhorrescere. Ratio-
 nes cur Christus sic orauerit assignat B. Thomas
 loco suprà citato ar. 2. Præter illas est & alia, vt qui
 nimirum pro sua reuerentia in omni oratione quâ
 ex parte deliberatæ rationis orauit, exauditus est,
 in aliqua oratione non exaudiretur, iuxta quod di-
 cit Psalmista: Clamabo per diem & non exaudies:
 vt dū nō exauditur exaudiri dignissimus, nos qui
 verè indigni eramus exaudiri, propter eū exaudire
 mur. Sensus igitur est: Oro pater, vt amarū istud
 poculum passionis ac mortis imminētis à me au-
 feratur, vt ne gustem illud: nam hunc esse sensum
Heb. 5.
Psalm. 115.

IN MATTHÆI

fatis intelligitur ex secunda oratione, quæ eadem est cum prima. Quia verò sciebat Christus patrem velle, vt mortem pro humano genere pateretur, nō simpliciter orauit, sed adiecit conditionem, si possibile est: non quasi patri aliquid foret impossibile, cum apud Marcū dicat: Omnia tibi possibilia sunt, sed hac conditione patris voluntatem significans, id enim patri possibile est quod fieri voluerit. Vnde clarius Lucas pro eo quod est apud Matthæum si possibile est, posuit, si vis: agit enim de possibilitate non simpliciter, sed quæ conueniat, considerata etiam Dei voluntate. Epiphanius lib. Anchoratus quintam huius orationis causam assignat: vt videlicet diabolus videns Christum deprecantem mortem, non aliud quàm hominem esse putaret, atque ita non vereretur Iudæos in mortem etiam impellere. Vbi obseruabis diabolum sibi ipsi causam fuisse cur dominationem super homines proderet. Magna est autem Emphasis in eo quod dicit: Pater mi: Vnde apud Marcum geminatur patris vocabulum, Abba, pater. vocula, mi, significat solum ipsum naturalem esse Dei patris filium.

Veruntamen non sicut ego. Ex vehementi affectu imperfecta est secunda hæc orationis pars, sic complenda. Veruntamen non fiat sicut ego volo, quasi dicat, quia scio te nolle vt transeat à me calix iste, peto vt non fiat quod ego humana naturali, & sensitiua voluntate volo, *sed sicut tuus* voluntate diuina.

Hinc intelligitur non dixisse Christum, si possibile est, vel si vis, ignorantia diuinæ voluntatis, sed ad complendam orationem ex parte naturalis voluntatis prolatam: secunda hæc Domini orationis pars profecta est ex parte deliberatæ rationis, qua Christus passionem suam considera-

bat

C
bat qu
dempti
Hoc
volunt
tre &
manan
patre v
tionis,
verfaba
circum
apprehe
ter se fu
fali Syr
fuit, leg
Doctis
infertar
determ
que Epi
brata,
fuit cor
capite d
dem qu
ciendur
miracul
esse affir
Hieron
luntate
folymit
ter Ag
tem.
et ne
tes, ad
sunt ter
ceteris
enim le
sostomi

bat quatenus futura erat humani generis redemptionio.

Hoc loco conuincitur duas fuisse in Christo voluntates, vnā diuinā, quam habet cum patre & spiritu sancto communem, alterā humanā & creatā, quā idem semper cum Deo patre volebat, quatenus deliberatiua erat & rationis, non idem quatenus naturaliter agebat, & versabatur circa res, non secundum omnes suas circumstantias, sed secundum se & simpliciter apprehensas: nunquam tamen voluntates istæ inter se fuerunt contrariæ, id quod in sexta vniuersali Synodo Constantinopolitana determinatum fuit, lege determinationem Concilij actione 17. Doctissimā item Epistolā Romani Concilij insertā sextæ Synodi actioni 4. Idem & antea determinatum fuit in Synodo quingentorū quinque Episcoporum Romæ à Martino primo celebrata, qui eius dogmatis gratia martyrio etiam fuit coronatus. Vide & Damascenum lib. tertio capite decimosexto & multis sequentibus. Eiusdem quoque huius argumenti opusculum. Reijciendum ergo est quod habet Pseudocyrillus de miraculis beati Hieronymi, vbi ait hæreticum esse affirmare duas fuisse in Christo voluntates, ac Hieronymum sensisse vnicā in eo fuisse voluntatem, Cyrillum quoque Episcopum Hierosolymitanum, cū librum illi inscriptum citet Agatho pontifex planè contrarium asserentem.

Et uenit ad discipulos suos, & inuenit eos dormientes, ad vndecim videlicet. Verba præsentis sunt temporis. Et dicit Petro tanquam qui præ cæteris plura pollicitus fuisset. sic non potuistis, sic enim legendum secundum Hieronymū & Chrysostomum. Loquitur autem Petro tanquā primo

ac superiori, ideoq; in eo omnibus loquitur. Sensus autem est: Adeone imbecilles estis, vt vel modico tempore non potueritis mecum vigilare, tã multa paulò ante polliciti? Nam particula, sic, increpantis est. *Ne intretis in tentationem*, id est, vt non supere-mini à tentatione. Spiritus quidem promptus. Hoc, inquit Hieronymus, aduersus temerarios qui quicquid crediderint putât se posse consequi: itaque quantum de ardore mentis confidimus tantum de fragilitate carnis timeamus. Est autem sensus: Voluntas vestra pro fidei ardore parata est tentationibus resistere, sed caro valde infirma est ad vincendum, id est, multum habet adhuc homo vetustatis, & admodum adhuc debilis est ad vincendas tentationes, etiamsi sit bonæ voluntatis. Non ergo hic sermo ad impios pertinet, sed ad pios quales tunc erât Apostoli: nam in illis non promptus, sed segnis carnalis est spiritus. Sic ad Apostolorum spiritum & carnem refert Hylarius: at Cyrillus lib. 4. in Ioannem cap. 1. Ambrosius in Lucam, Athanasius, Gregorius Nyssenus contra Appollinarem citatus ab Agathone papa Actione 4. sextę Synodi, & Beda in Marcū, verba hæc ad Christi spiritum & carnem referunt, vt sit sensus: Quamuis voluntas mea deliberatiua ad mortem sustinendā promptissima sit, caro tamen mea infirma horret ac metuit mortem, quanto magis ergo vestra caro tanto imbecillior mortem ac imminencia mala horrebit: quare ardentissimè nunc orare deberetis. Hæc expositio non videtur improbabilis, si cogitemus Apostolorum spiritū eo tempore necdum fuisse omnino promptum, quandoquidem ne vigilare quidem cum Christo possent. iterum secundo abiit, & orauit, dicens: &c. Quod secundo & tertio idem Christus orauit, ideo factum est, vt firmaret in nobis ea ob quæ ipse primo orauit. Sicut Ioseph

dicit

C
dicit P
rem pe
Deinde
seuerar
frequen
tionem
ait Luc
ratione
forma
triplice
at ueni
li eorum
ex cõp
quid C
sponde
rit Chi
sudaue
solatiu
tione c
videtur
suos, &
confer
sto per
prolat
& post
Lucas
gite, &
aduen
dictun
hominis
quo tr
Qui p
gite, &
ire me
det. Iu
cum co

dicit Pharaoni. Quod vidisti secundo ad eandem rem pertinens somnium firmitatis indicium est.

Deinde vt nos doceret in eadem re petenda perseuerare, nec inutile esse in oratione eadem verba frequentius repetere. Ideo autem interrupit orationem suam & postremò prolixius orauit (sicut ait Lucas) vt doceret nos prolixam, vel breuem orationem fundere, prout magis conuenit pro informando affectu. Consule Augustinum mysticè triplicem hanc Domini orationem exponentem.

Et uenit iterum & inuenit eos dormientes: Erant enim oculi eorum grauati, præ dolore & tristitia. Et relictis illis ex cōpassione scilicet, Marcus addit ignorasse eos quid Christo somnolentiam eorum increpanti responderent. Annotat Lucas quod prolixius orauerit Christus, quodq; factus sit in Agonia & copiosè sudauerit sudorem sanguineum, atque ab Angelo solatium acceperit. Quæ verisimile est in tertia oratione contigisse, nam ante consolationē angeli, non videtur cessasse ab oratione. Tunc uenit ad discipulos, suos, & dicit illis: Dormite iam, & requiescite. August. de consensu Euangelistarum putat istud dictū à Christo permissiue, ita vt aliquandiu post hæc verba prolatata, apud Apostolos dormientes remanserit, & post moram illam subiunxerit, Sufficit: At quia Lucas narrat Christum dixisse. Quid dormitis, Surgite, & orate, & subiungit Christo adhuc loquente aduenisse Iudam; magis placet quod istud ironicè dictum accipiatur. Ecce appropinquauit hora, & filius hominis tradetur in manus peccatorum. Iam tempus est, quo tradar in manus sceleratissimorum hominū. Qui per antonomasiam vocantur peccatores. Surgite, & amicus obuiam eis scilicet, vt me volūtariè subire mortem ostendam. Ecce appropinquauit qui me tradet. Iudas apparuit Apostolis à longè veniens. Et cum eo turba multa. Ioannes explicat hanc turbā fuisse

ap. 121
ad probam
cap. 1. & li.
quest. euāg.
quest. ult.

Lib. 3. c. 4.

se ministros pontificum , & cohortem cum tribuno . Cohors constabat militibus Romani s , qui erant in Hierusalem constituti sub præsede Pilato substituto Cæsaris Augusti ad reprimendas populi Iudaici seditiones. Conducta autē erat hæc cohors, & Tribunus à pōtificibus, & senioribus, quia valde metuebant ne populus in Christum credens qui iam propter diem festum Paschæ proximum multus erat Hierosolymis , Christum defenderet, vel captum eriperet . Cohors apud Romanos ad minimum continebat 555. pedites, equites verò 66 sed non semper plena erat cohors, sed minor multitudo gerebat nomen cohortis, sicut nunc sæpe vocamus manum militum , quanquam vix dimidiū vexilli cōtineat. Lucas nōnullos etiam ex summis sacerdotibus, & senioribus, & magistris templi cōgressos fuisse ostendit, vt scilicet populus eorū auctoritate à seditione retraheretur , & compesceretur. *cum gladijs & fustibus*, habebant omne genus armorum illius temporis. *Qui autē tradidit eum, dedit eis signum, dicens* : Hieronymus putat Iudam signū dedisse, quia audierat Christum in monte transfiguratum fuisse, ideoq; timebat ne simili transformatione ex manibus cohortis elaberetur. Theophylactus causam signi dati affert, quia nox erat, & ab alijs dignosci nō poterat. Sed probabilior causa videtur esse, quod Romani milites deridebant legem & cæremonias Iudaicas, vixq; Christum nouerant qui semper in tēplo & in diuinis versabatur. *Quemcunq; osculatus fuero ipse est, tenete eum* . Elegit signum osculi, quia moris in Iudæa fuisse videtur, vt amici conuenientes statim sese mutuo oscularētur. Vt ergo scelus suum tegeret, nam plenus erat malitia, amicitiae signum præstitit. Additur apud Marcum (& ducite cautē) quia sciebat Christum quandoq; insidiantium manus euasisse: & signa eius non diuinæ

uinæ virtuti, sed magiæ tribuebat, vt annotat Hieronymus. Putabat ergo cautela ducentium magiæ illud posse. *Et confestim accedens ad Iesum dixit: Aue Rabbi.* Quidam putant Iudam prius esse osculatū Dominum antequam ipsam turbā interrogaret quēnam quæreret: ita vt Iudas solus Christum adierit procul relicta turba, & post datum osculū redierit ad turbam: cui Christus obuiam ierit interrogans quē quæreret. Sed probabilius videtur quod Christus processerit obuīā cū discipulis antequā Iudas eū oscularetur. Percussit autē Dominus Iudā, & totā turbam cœcitate, quēadmodū & Sodomitę percussi fuerūt, ad ostendendum nihil iuuare prorsus traditoris signū quo agnosceretur, nisi ipsemet agnosci vellet: sicuti cū prostrauit omnes ostendit tantā cateruā, tantamq; ad capiendū eū missam potentiā nihil prodesse, nisi se eorū manibus traderet. Ex voce autē (Ego sum) 2. prolata, ipso volente à Iuda cognitus est. Atq; probabile est Iudæorū ministros ante Iudæ osculū nouisse Christū, sed ex solo osculo cognouerunt eum Romani milites, quibus prius ignotus erat. Quum primum igitur Iudas eū agnouit, cōfestim accedēs, osculatus est eū. Hūc ordinē ponit Cyrillus & Dionysius Carthus. in Lucā: Quia verò Lucas dicit Iudā antecessisse ipsam turbā, nō sic intelligendū est, quasi loco antecessisset, sed quia dux eorū (vt testatur Petrus) erat, qui cōprehēderūt Iesum. *Et osculatus est eū,* Hieron. Impudēs quidem, & scelerata cōfidentia magistrū vocauit, & osculū ei iungere nō metuit quē tradebat: tamē adhuc aliquid habet de verecūdia discipuli, cū nō eū palā tradat persecutoribus sed per signū osculi. Ambr. in Luc. Suscipit osculū traditoris, nō quo simulare nos doceat, sed ne prodicionem fugere videatur: & illud Psalmi cōplet. Cum his qui oderāt pacem, eram pacificus. Quanta autem pœna fuerit

Cap. 33. lib.
II. sup. 103.

A 17. 1.

Christo Domino, suscipere osculum à traditore, satis ex odio quod gerebat aduersus hypocrisim, discordiam, & ingratitude intelligi potest. Atque ex Psalm. qui in horto completus est, vbi vehementi affectu dixit. Si inimicus meus &c. *Dixitque illi Iesus, Amice ad quid uenisti?* Per Antiphrasim eum amicum vocat, quasi dicat. Tu te amicum simulas, sed noui quàm sis amicus, & quorsum, qua intentione quâue causa ades, & mihi osculum prebes: non certè ex amicitia sed vt me tradas. Clariùs hoc explicuit Lucas, vbi Christus interrogat: Iuda osculo filium hominis tradis? id est, tradis me Iuda signo amicitiae, me, inquam, qui filius hominis sum mansuetus, & mitis: qui etiamsi non essem pater, & Dominus tuus, quia tamen tam humaniter erga te me habui, non eram certè à te prodendus. Sic Hieronymus. Quidam tamen aliter intelligunt, vt videlicet Christus amicum eum vocet, quia tot beneficia illi impenderat, & adhuc paratus sit, si poenitentiam agere velit, eum recipere. *Tunc acceperunt*, postquam ex osculo cognouerunt eum. Non autem statim post osculum, nam inter osculum Iudae sermonemq; Christi ad Iudam, & captionem Christi intercessit amputatio auriculæ Malchi, & admonitio Petri quod ex Ioanne, & Luca patet: Dicit enim Lucas discipulos videntes quid futurum esset, id est, iam hostes imminere Christo, vt eum caperent interrogasse Christum. Domine, si percutimus in gladio. Ergo futurū videbatur, vt Christus caperetur. Similiter ante captiuitatem ad ostensionem diuinitatis suæ, & charitatis etiam erga inimicos, & confirmationem discipulorum Malcho restituit amputatam auriculam. Id quoque ante captiuitatem protulit: tanquam ad latronem existis &c. nam per illud quod dixit: Hæc est hora vestra, & potestas tenebrarū, se com-

Psal. 54

Ex cap. 10.

C. 12.

se comprehendi permisit. Ideo autem hæc omnia captiuitatem Christi præcesserunt, vt multis modis declararetur voluntariè captus, sicut Propheta dicit: Oblatus est, quia ipse voluit, dū enim agnoscitur Christus, non necessitate, sed voluntate propria passus, aufertur crucis scandalum: ratione enim humana valde absurdum videtur illum esse Deum, qui tanquam latro crucifixus est. *Et manus iniecerunt in Iesum*, maximam diligentiam adhibuerunt omnes, vt eum caperēt. Super quod dicit Cyrillus: Vincula omnium reorum Domino immittunt, qui ad naturam nostram descendit, vt à peccato, & diaboli vinculis nos eriperēt. *Et ecce*. Tanquam nouum ponit istud Euangelista, non enim habebant discipuli Domini pro consuetudine pugnare, sed in omnibus mites erant. *Vnus ex his*, scilicet Simon Petrus, qui audaciam sumpserat, ex hoc quod viderat Dominum iam illos prostrauisse, & sciebat eū multa miracula fecisse. Ideoq; ipse amore Domini, quod suum erat præstare volebat.

Tract. 66.
Or 123.
cap. 9.

Et emit gladium suum, quo vsus in scindendo agno paschali fuerat. Qui secundum quosdam nihil aliud erat quam magnus culter aliquis. Cyrillus in Ioannem dicit eum habuisse propriè gladium, ad abigendas feras, vel cōtra insultus nocturnos, Iudæorum more. *Et amputauit auriculam eius dexteram*, quia cæteris ferocius instabat ad capiendum Christum, Petrus exacerbatu eum occidere voluit. Mysticè Cyrillus dextram aurem amputatā, dextero, probòq; auditu caruisse Iudæos significare putat. Augustinus verò vetustatem literæ amputatam, sic inquiens. Malchus interpretatur regnaturus. Quid ergo auris pro Domino amputata, & à Domino sanata significat, nisi auditū amputata vetustate renouatum, vt sit in nouitate spiritus & non in vetustate literæ? Quod cui præstitū fuerit à Christo, quis dubi-

Tract. 12.
in Ioan.

IN MATTHAEI

dubitet regnatum cum Christo &c. Hieronym. vtrumq; commentarium cōiunxit. Alium sensum habet August. lib. de agone Christiano cap. 29.

omnes enim qui acceperint gladium. Omnes qui vfi fuerint gladio, vt Augustinus interpretatur. Ille accipit gladium, vel illo vtitur, qui nulla superiore, aut legitima potestate, vel iubente, vel concedente cōtra sanguinem alicuius armatur. Istud intelligi debet extra necessitatem defensionis, nam tunc gladio defendere se licet: nec peccasset Petrus si Christus voluisset defendi, aut inuitus fuisset mortuus. *gladio peribunt.* Apud Deum videlicet, vt interpre-

tatur Augustinus propter peccatum quod cōmittunt in vsu gladij. Theophylactus intelligit istud esse dictū legis, quasi diceret: Qui aliū gladio occiderit, ipse etiā reus est, vt gladio occidatur. Et hæc videtur cōgruentior textui interpretatio, vt Christus significet ipsos Iudæos Romanorū gladio perituros, quia contra eū gladiū sumpserunt. *an putas quia non possum rogare patrem, & exhibebit mihi modo &c.*

Ostendit se non egere defensione hominum, nā si vellet maximam angelorū cohortem conuocaret, vel vnico angelo omnes hostes prosterneret, sicuti vnanocte in castris Assyriorum centum octoginta quinq; hominum milia prostrauit. Legio vt minimū continet sex milia teste Hieronymo: vel vt quidam volunt, sex milia sexcēta sexaginta sex aut ad summum 7. milia militum. Ex hoc loco rectē colligitur Deum multa posse quæ nunquam facit, sicut rectē colligit Augustinus lib. de spiritu & litera, tamen sunt qui insipiēter putant eū omnia facere quæ potest. *Quomodo ergo implebuntur scripturæ?* Si per angelos me protegam, non implebuntur scripturæ significātes, vel prēnūciantes quod sic oportet fieri. *in illa hora.* i. in illo tēpore, dixit Iesus turbis. non omnibus præsētibibus, sed prācipuis de turba illa

1. id. 12. c. 3.

8. iust. c. 7.

1. it. 1. de
serm. dom.
in monte.

4. Reg. 19.
in cōment.
cap. 1.

illa, sacerdotibus scilicet, magistris tēpli, & senioribus, quos dicit Lucas cū turba venisse: nā ad milites Romanos nō dixit: Quotidie apud vos sedebā docens &c. cū illi tēplū, & legē Iudæorū deriderēt.

Tanquā ad latronē existis cōprehendere me cū gladijs, & fustibus: Quid ita armati ad me capiendū venitis nocturno tēpore extra ciuitatem, quasi latro essem, & summa vi me defendere cuperē. Ego certē nō tanquā latro qui nō ausim prodire in publicū, qui vite hominū insidier, sed apertē in loco maximē publico, & sanctissimo apud vos versatus sum, *dixēs* ad docendū, & benefaciendū oībus. *Quotidie.* More vulgi istud dictū est, nō quod absolutē quotidie fuerit in tēplo Hierosolymitano, sed quia frequenter. *Et nō me tenuistis.* Istud eleganter explicat Cyril. qui citatur in cathena aurea super Luc. Nō (inquit) culpat hic Dñs p̄sides Iudæorū, quia sibi nō maturē p̄parauerint insidias mortis, sed eos arguit qui temerē opinabātur se eū inuasissē ipso inuito, q.d. Tunc nō cōepistis me quia uolebā, sed neq; nūc nisi spōtē vestris me subijcerē manib', possētis. Vnde sequitur in Luc. Sed hęc est hora vestra, & potestas tenebrarū. i. parū tēporis vobis cōcessum est exercēde in me vestre superbix à patre meo. Atq; per hęc verba quæ protulit se ab impijs Iudæis capi permittit. Pro eo autem quod Lucas dicit: Hęc est hora vestra, refert Marcus, Christum dixisse. Sed vt impleantur scripturæ, permitto me capi, quod hoc loco Euangelista expressit dicens: Hoc autē totū factum est, vt adimplerētur scripturæ prophetarū. Quāuis quidam quod dicitur: (Hoc autē totū factū est) putēt esse verbū Christi, nō Euāgelistæ: secūdū quorū expositionē Christ' dixisse fertur istud post captiuitatē: quod sup. dixim' nō esse cōueniēs. *Hoc autē totū factū est, ut adimplerētur scripturæ prophetar.* quod Christus. s. à proprio discipulo est traditus, quod à Iudæis

IN MATTHAEI

Iudæis captus, nullo eum defendente, factum est non necessitate aliqua siue potentia Iudeorum, sed Deo permittente: vt hoc modo per malitiam eorū complerentur scripturæ prophetarum, quæ prædixerunt Christum à discipulo tradendum, à Iudæis capiendum, & occidendum.

psal. 87

Tunc capto Christo, cum viderent eum crudeliter à Iudæis tractari, *discipuli omnes*, sine vlla exceptione, *relieto eo*, in manibus Iudæorū, *fugerunt metu mortis, & carceris*. Tunc completum est illud: Longè fecisti notos meos à me: & illud: Elongasti amicum, & proximum, & notos meos à miseria. Non sunt autem Apostoli capti, non quia noluerūt eos capere, & occidere, sed quia nō potuerunt imperio Christi impediti: qui dixerat, Sinite hos abire. *At illi tenentes Iesum duxerunt ad Caypham*, prius tamen ad Annam socerum Cayphæ, *ubi scribæ*, scilicet in domo Cayphæ conuenerant. Iosephus vocat Annam Annabem, cuius omnes filios pontificatu functos esse dicit: Emebat enim iste Annas nunc pro se, nunc pro filiis suis pontificatum. Diciturq; Caypham proprio nomine vocatum fuisse Iosephum, cognomento verò Caypham. *conuenerant* scilicet ad consultandum, quomodo impetrarent à Pilato Christi necem. *Petrus autem sequebatur eū a longe, usque in atrium*, id est, aulam vel palatium, nimio Christi amore. Quomodo intrauerit, latius narrat Ioannes, qui dicit etiam alium discipulum sequutum esse Christū. Et Marcus quendam adolescētē. Mysticè sequelam Petri exponit Augustinus dicens: Quod ad passionem euntem Dominum à lōge sequitur quidem, id est, imitatur passionē Domini sed longè differenter, Ecclesia enim pro se patitur, at ille pro Ecclesia. *omne conciliū tota congregatio* *Querebāt falsum testimonium contra Iesum*, scilicet idoneum ad hoc vt possent eum morti tradere

in fine lib.

1. quæ: enā.

dere. Prius tamen ipse Cayphas conatus est expiscari ex verbis Christi: interrogauit enim de doctrina eius qualis esset, & de discipulis eius, quare eos congregaret, an ad occupandum regnum: vel simile. Et vtrique quæstioni Dominus obiter respondit doctrinā suā omnibus palā propositam esse. Cū igitur manifesta esset doctrina, satis patebat quid Christus doceret discipulos, an doceret eos rebellare Romanis, & occupare regnū an nō. Cū autem pontifex ex ore Christi nihil posset criminis elicere cogitauerunt omnes per falsos testes Christum aggredi. *Et non inuenerunt* aliquod testimonium conueniens & idoneū, quod Pilato proponerent. Vnde Marcus: Et conuenientia testimonia non erant, id est, non habebant colorem aliquem propter quē Pilatus videretur curaturus. Sic Origenes: quanquam Augustinus intelligit testimonia non conuenisse testibus. quia testes non erant cōcordes in verbis suis, sicut legitur de duobus senibus populi iudicibus, Susannæ accusatoribus. *cum multi falsi testes accessissent.* Quæ mendacia hi confinxerint non constat, nisi fortē eum dixisse accusarint non oportere ante prandium lauare manus, nec eum qui in Sabbato fameret debere sabbatum seruare, non oportere lapidari adulteros, quæ tamen nō dixerat. Tunc completum est illud Psalmi: Surrexerunt in me testes iniqui, & mentita est iniquitas sibi: & illud: Surgentes testes iniqui quæ ignorabam interrogabant me. *Novissime autem uenerunt duo falsi testes,* tanquam præ cæteris aliquod singulare crimen Christo obiecturi, dicentes: *hic dixit,* Possum destruere templum Dei, scilicet, in Hierusalem, & post triduum reedificare illud, id est, illud intra triduum suę pristinę integritati reddere. Et si Christus dixisset: Possum destruere templum hoc, adhuc tamen verus fuisset eius sermo, si illo soluto

incoe-

*Lit. 3. de
conf. euadg.
cap. 5.
Dan. 13.*

Psal. 44

Psal. 34

incoepisset, ipsum die tertio reedificaret. Nā reedificare nō significat iā aliquid perfectū facere, sed incipere, vt tādē ad perfectionē perueniat. Marcus habet paulō aliter: Ego destruā, seu dissoluā templū hoc manufactū, & post triduū nō manufactū reedificabo. Dixerūt enim illi falsi testes vtrūq; Ego possum, & ego destruam, volētes hoc testimonio Christi accusare, q̄ sibi diuinā v̄surpasset potētiam, q̄ nullū erat crimē in ipso. Deinde hoc testimonio eū accusabant, quod Deo aduersarius esset, vtpote qui vellet insigne Dei tēplū destruere; ac promissū illud quo se post triduū reedificaturū pollicit' fuerat, vt vanū reputari volebāt. Sed istud testimoniū (vt ait Marc^o) nō erat cōueniēs, quod primi testes à secūdis discordarēt. Fuerūt autē testes illi falsi, quia aliter Christū dixisse retulerūt, quā dixerat. Dixerat enim: Vos soluite, non ego soluā; & tēplū hoc, nō (tēplū Dei manufactū, & Excitabo) nō reedificabo, Vt de viuo & spirāte corporis sui templo loquutus intelligeretur. *Et surgēs Princeps sacerdotū. Irē ac furoris impatiēs quo calūniā locū nō inueniret exilit ē sede sua, quo vesaniā mentis, motu corporis demonstraret. Et qui Iudex animo quietus, & ab affectibus alienus esse debet.* *Ait illi.* Redit ad prius consilium, vt aliquis crimen ex ore Christi exquireret, cū ex falsis testibus non inueniret. *Iesus autem tacebat,* sicut agnus corā tōdente se, sciebat enim quicquid respōdisset trahendū ad calumniam. Tacuit vt nobis linguæ continentia largiretur, & impias, dicaces, scurriles & ineptas fabulas nostras aboleret: vt excusationes nostras quibus peccata excusamus auferret. Taciturnitas (ait quidā) Christi excusationē siue apologiā Adā excusat. Tacuit, vt fiduciā nobis loquēdi, quādo loquendū pro Christi gloria & eius Ecclesia foret largiretur. *A diuro te per deū uiuū. Mādo tibi sub attestatōe dei uiui ut dicas nobis si tu es christus filius dei* quē prænūciauerūt Pro

1047. 2.

2. saia 54

Genes. 4.

1. 2. qu. 90.

phetæ; De adiuratione quid sit, quomodo liceat; patet apud Tho. *dicit illi Iesus*, Christus reuerentia paterni nominis, & quia diuinitas ei⁹ quodāmodo irridebatur respōdit hōi alioqui responsione indignissimo. *Tu dixisti*. Aug. Mar. inquit, tātum valere ostēdit, quod ei dicit Iesus; Tu dixisti, quantū si diceret, Ego sum. Theoph. in sequēs cap. Matth. & in Lucā pntat Christū ambiguē respondiſſe, hoc modo, Tu dicis, vt res sese habet; vel tu dicis, non aut ego: aut, tu solo ore interrogas an sum filius Dei, corde aut me cōtemnis. Lucas verò legit: Dicitis quia ego sum, impropertis mihi quod sim Deus. Huic sensui bene cōuenit quod subditur. *veruntamē dicite vobis*, quāuis me nūc derisui habeatis, quod videbitis me veniētē in nubibus cœli, & vniuersum mūdū iudicantē. Hūc sensum subindicat Iuuenius hoc carmine: *Isthec sola tibi procedūt oēctore uerba. vera tamē ueniet vobis uisenda per auras. maiestas hominis*. Hæc expositio etiā adaptari potest responsioni Christi, qua Iudæi interrogāt. Nūquid ego sum Rabbi, respōdit. Tu dixisti. i. tu interrogas nū me sis proditurus subsannando, quasi nescirē te illū esse. Similiter quod Christus respondit Pilato: Tu dicis quia rex sum ego, potest hūc habere sensum; Tu improperas mihi quia rex sum deridēdo; in hoc peccas, ego enim verē rex sum; In hoc enim nat⁹ sum, vt testimoniū perhibeā veritati. Simile quid dicit Iudæis alibi; Ego honorifico patrem, & vos inhonorastis me. Sic poterat dicere Pilato: Ego sum rex, & tu derides me, & Cayphæ. Ego sum filius Dei, & derides diuinitatē meā. Hæc expositio cōfirmari videtur ex eo quod Christus in passione sua nō legitur respōdiſſe inimicis, nisi ijs qui deriserunt vel patris sui diuinitatē, vt quādo Pōtifex interrogauit de doctrina eius, & hoc loco, & quādo Pilatus arroganter dixit. Nescis quia habeo potestatem, &c.

*Libr. 1. de
conf. au. 12.
cap. 6.*

1o ann. 6.

IN MATTHAEI

À modo, id est, post modicum tempus, *videbitis filiū hominis sedentem à dextris uirtutis Dei*, Sedere à dextris patris conuenit Christo secundum humanam naturam, & significat sessio illa esse eum collocatū super omnem creaturam, tanquam omnium Dominum, & gubernatorem. Græca exemplaria nō habent (Dei) sed tantum (virtutis) nec D. Augustinus legit. Theophylactus per virtutem intelligit patrē, nec immeritō patrem suum hic appellat virtutem quia nunc in vinculis & passione constitutus, nō videbatur filius esse omnipotentis. Dicit autem istud, vt ostendat iudices prae oculis semper debere habere extremum illud iudicium, in quo is qui pro nobis iniuste iudicatus est, iustum iudiciū sine personæ cuiusquam acceptione iudicabit: & respicit ad illud quod ait Daniel filium hominis peruenisse vsque ad antiquum dierum, & datum .ei esse regnum, & quod tanquam filius hominis venerit in nubibus cœli, quasi dicat. Vos in me scandalizamini, quia me Christum esse filium Dei assero, sed recordemini illius quod de filio hominis dixit Daniel, quod perueniret vsq; ad antiquū dierum, quod nunquam completum fuit in alio, sed nunc in me complebitur: nunc enim tempus est, vt à dextris æterni patris cōsideat ille filius hominis.

Tunc princeps sacerdotum scidit uestimenta sua. Iudæi audita in Deum blasphemia in signum displicentiæ scindebant uestimenta sua, quod etiam signū erat pœnitentiæ. Sed hoc signum (sicut multæ aliæ cæremoniæ) hypocriticè seruātū est à Iudæis quibus dictum fuit. Scindite corda vestra, & non uestimenta vestra. Porro singulariter prohibitum erat ne vnquam summus sacerdos scinderet vestes suas. Cayphas autem vt auget inuidiam criminis in Dominum, neglecto legis præcepto in signū magnæ displicentiæ scidit vestes suas. Mysticè hic des-

Dan 7

4. Reg. 9

Act. 14.

4. Reg. 22.

1. Cor. 10.

1. Cor. 10.

Leuit. 10

1. Cor. 21.

designatur quod à gente Iudaica sacerdotalis dignitas, cum ipsa lege esset auferenda. Dum enim sibi vestem scidit quo tegebatur, ipsum velamentū legis abruptit. Surrectio ipsius etiam ex sede vacuā significauit apud Iudæos cathedram Pōtificis māsuram. Hoc annotārūt Hieronymus, & Leo. Nec aliena est ista significatio à scriptura: sicut enim verba Cayphæ fuerunt prophetica ita & facta eius. Manifestè etiam patet scissionem vestis Samuelis, & vestis Ahijæ prophetæ designasse abruptionem regni Saulis, Salomonis, & Roboam, & translationem ad alios vt Ieroboam &c. *dicens: Blasphemauit. Iniuriosè contra Deum loquutus est, dum dixit se esse Christum filium Dei, & sessurū à dextris Dei, & venturum ad omnes iudicādum. Quid adhuc egemus testibus? Quibus eum Dei aduersarium, & inimicum mortēq; dignissimum esse conuincamus.* Exaggerat Christi crimen, quasi dicat. Ecce nunc etiam dum in manibus nostris est, & coram tribunali nostro, audet blasphemare Deum coram omnibus nobis, quid ergo fecisse eum putabimus cū liber apud discipulos suos esset. *reus est mortis, dignus est mori, magna est horum cœcitas, & amentia, contra enim iustitiam omnem accusant, & ad mortem condemnāt, iidem ipsi accusatores & iudices esse volunt.* Blasphemauit: O Caypha si tuæ calumniæ respondere liceat? nōne satis magna miracula ostendit? nonne Messix tempus aduenerat? Hæc certè te admonere debebant vt maturiùs deliberares an ne verum dixerat, quando se esse Dei filium confessus est. Cur non vocastis ipsum blasphemum quando allegauit vobis P̄salm. dicens: Dixit Dominus Domino meo &c. Cur etiam nō ipsum Dauidem dum filium suum sedentem Dominum à dextris Dei vocat? Cur non & Danielē tanquam blasphemum arguitis? Rectè verò dixi-

*serm. 6. de
pass. Domi.*

P̄sal. 109

IN MATTHAEI

sti: Quid adhuc egemus testibus? quia semper ijs eguistis nec inuenire potuistis quēquā qui aliquod crimē ei verē imponeret. Manebitis igitur etiā nūc egeni non intelligentes testimonia prophetarum quibus illi gloriam Christi testati sunt. In hoc consilio est illud impletum: Circundederunt me vituli multi tauri pingues obsederunt me, & illud: Facta est mihi hæreditas mea quasi Leo in sylua. Augustinus libro de consensu Euangelistarum capite septimo putat: Principis sacerdotū admirationem cōtigisse mane sicut ponit Lucas mane Christum interrogatum an esset Christus. Sed quia Matthæus & Marcus duo consilia ponunt, nocturnum vnum, alterum matutinum, meliūs videntur sentire, qui Christum bis interrogatum fuisse dicunt an esset Christus, primo nocte, secundo mane.

Tunc expuerunt in faciem eius, scilicet postquam fuit condemnatus morte. Qui autem fuerint illi expuentes, non satis cōstat ex hoc Euangelista, sed Marcus videtur dicere quod non fuerint ministri soli, nam seorsim de illis subdit (& ministri colaphis eū ceciderunt.) Et Lucas quosdam viros deputatos ad eum tenendum dicit illufisse Christo, vnde non solum ministri, sed & iudices hæc faciebant. In faciem autem non velatam, sed apertam conspuerūt iuxta illud: Faciem meam non auerti à conspuentibus, & increpantibus me, id est, non habui oculos auersos dum conspuerent me.

Et colaphis eum ceciderunt, id est, pugnis clausis. A lū autem palmas, id est, manus apertas: qui eū uelauerunt eum, vt possent ei illudere tanquam prophetæ. Mysticē designabatur per velamen illud, super cor Iudæorum ponendum esse velamen in lectiōne veteris testamenti, vt claram Christi faciem non possent intueri. *Prophetiza nobis christe, quis est, qui*

Psal. 11.

Jerem. 12

Esai. 50.

qui te percussit? Dixisti te esse Christum, ac Prophetam, dic ergo quisnam tibi infringat colaphū? Declara nunc te nosse occulta. Ex Esaia capit. 50. satis constat quod etiam ei barbam euulserint: Genas enim meas (ait) dedi vellentibus. Lucas addit multa alia eos blasphemantes in eum dixisse, prout videlicet malitia suggerebat eis, proque varietate affectuum varias in eum effundebāt blasphemias. Ex Luca durasse videtur hæc illusio vsque mane. Pulchrè commentarius inscriptus Hieronymo causas assignat, ob quas ista passus sit Christus. Condemnant (inquit) eum reum esse mortis quo reatu suo reatum nostrum solueret, & velamine faciei suæ velamen cordium nostrorum auferret, & sputaminibus exceptis faciem animæ nostræ lauaret, & colaphis quibus in caput percussus est, caput humani generis (quod est Adam) sanaret, & alapis quibus expalmatus est, maxima laus eius nostris manibus, & labijs plauderet.

Augustinus. Quod dictum est (inquit) spuerunt in faciem eius, significauit eos qui præsentiam gratiæ respuerunt. Item tanquam colaphis eum cædunt, qui honores suos ei præferunt palmas in faciem eius dant, qui perfidia cœcati eum non venisse affirmant, tanquam præsentiam eius exterminantes, & repellentes. Venerabilis Beda. Cæditur etiam Christus nunc blasphemijs falsorum Christianorum. Hæretici quoque Iudæi, & mali Catholici, qui eum reprobis actibus exacerbantes quasi ei illudentes dicunt: Quis est qui te percussit, dum ab illo cogitationes suas, & opera tenebrarum cognosci non æstimant, qui eius doctrinam & Ecclesiæ sacramenta violant. *Petrus uero sedebat foris in atrio, nam Dominus erat intus in penetralibus supernis, sicut satis patet ex Marco, qui dicit Petrum fuisse deorsum in atrio, id est,*

cap. 7.

Tract. 113.
in Ioan.

Iud. 11.

vestibulo domus. Sedebat calefaciens se non tam frigoris causa quam vt non putaretur esse de familia Christi. *Et accessit ad eum una ancilla*, scilicet ostiaria ipsius Cayphæ, quæ dum vidit eum sedentem ad lumen diligentius est eum intuita dicens: *Et tu cum Iesu Galilæo eras?* quod vel interrogatiuè, vt apud Ioannem, vel assertiuè legi potest. Erant autè Galilæi apud Iudæos contempti, vt patet ex Ioanne præsertim ex tunc quando Iudas Galilæus cepit rebellare Romanis. *At ille negauit coram omnibus dicens.* Nimio timore præterritus, coram omnibus negauit, se fuisse discipulum Iesu dicens: *Nescio quid dicis*, id est, non noui hominem istum, neque vnquam sum cum eo conuersatus. Augustinus. Sanè in ista negatione Apostoli Petri aduerte-
re debemus nō solū ab eo negari Christum, qui dicit eum non esse Christum, sed ab illo etiam qui cūm sit, negat se esse Christianum. Dominus enim non ait Petro, discipulum meum te negabis, sed (me negabis) negauit ergo ipsum, cū se negauit eius discipulum. *Exeunte autem illo ianuam*, dū præ nimio metu subtrahere se conatus est ex domo Cayphæ. *vidit eum alia ancilla*, *et ait his qui erant ibi*, *et hic erat cū Iesu Nazareno*. Et post pusillum accesserunt qui stabant, *et dixerunt Petro*, qui simulata rursū audacia ad focū redierat, vbi ex suggestionē vnus ancillæ dixerūt ei astantes: *vere et tu ex illis es*, nam *et loquela tua manifestum te facit*. Ex idiomate & certa pronuntiatione sermonis, te Galilæum esse colligimus, non quin & ministri, & Petrus Hebraicè seu Siriacè loquerentur, at quia in vna lingua aliter Galilæi aliter Hierosolymitani loquebantur. Vnde idiomatis proprietate Galaaditæ, ab Euphratæis distinguebantur. Ioannes etiam aliā tentationē Petri in hac tertia negatione ponit, nēpe quod cognat⁹ Malchi dixerit Petro: Nonne ego te vidi in horto cum eo?

Tunc postquam tot modis conuictus esset *cepit* detestari execrari dicens: Dehiscat me terra si noui hominem. Notanda est hic diligenter sanctorum virorum fragilitas. Item quod Petrus in aula Ecclesiastica, & societate impiorum Christum negauit; vt discamus impiorum aulas, & societates vitare. Aduertendum etiam est Petri malitiam semper creuisse, nam primo simpliciter negauit, secundo periurium addidit, tertio iurantentum execratorium, vt intelligamus quod grauitas peccati, & diaboli tentatio peccatorem non statim resurgentem, semper ad grauiora trahant. Obseruandū tertio est, quod post primā negationē cantauit gallus, & non est conuersus Petrus. Rursum quod inter secundam & tertiam negationem horæ vnius tēpus intercesserit. Et non est recordatus Petrus verbi Domini, quia nondum respexerat eum Dominus, nec ab ira furoris sui erat auersus: demum autem secundo gallicantu verbi Iesu recordatus est, quando eum respexerat spiritualiter, non autē corporaliter teste Augustino. Non solum autem respectus Dei misericordiæ necessarius est, quando agitur pœnitentia, verum etiam vt illa exequatur prœuenire debet, quemadmodum pulchrè declarat Augustinus, & Ambrosius alludens ad istam historiam in hymno matutino: A Eterne rerum conditor, sic deuotè precatur, Iesu labentes respice & nos videndo corrige, si respicit lapsi stabunt fluctuq; culpa soluitur. *At egressus foras fleuit amare* Quamdiu in societate impiorum fuit, peccatū suū non defleuit, misericordia autem Domini eum ante omnia respiciens hoc ei præstitit, vt illam relinqueret, & sic præ magnitudine amoris diuini corde perplexo, & amaritudine pleno peccatum suum defleuit. Vnde Ambrosius hortatur dicens: Si imitatus es peccantem, imitare amare flentem.

*Lib. 3. de
conf. euen.
cap. 6.*

anch. c. 81.

IN MATTHAEI

Erubescant hic hæretici Nouatiani, qui eos negāt absolueudos qui post baptismum in scelera relabuntur, cū tantus Apostolus, qui iam recenter corpus, & sanguinem Domini acceperat, in tantū scelus incidit: & nihilominus non solum Deo est reconciliatus, sed etiam toti Ecclesiæ præfectus. Hæ tres negationes Petri in domo Cayphæ contigerunt, quemadmodum cæteri testantur Euangelistæ: Nec aliud dicit Ioannes qui Petrum in aula Pontificis negasse dicit, quoniam Cayphas Pontifex erat.

Videtur autem Ioannes dicere quod in domo Annæ Christum negauerit, propterea quod textus Ioannis, prout nos eum legimus, integer non fit, sed corruptus: nam post illud (Adduxerunt illum ad Annam primū erat enim socer Cayphæ qui erat pontifex anni illius) istud legendū est (Et misit eum Annas ligatum ad Caypham pontificem) vt inde sequatur, Erat autem Cayphas &c. & quod postea dicitur (Si autem bene, quid me cædis.) Et vt istud (& misit eum Annas ligatum ad Caypham pontificem) sit illius quod supra dixit repetitio, ita videlicet vt Ioannes orationem ad priora reducat, quoniam negationem Petri secundo & tertio factam exponere voluit. Atque hoc pacto textum legit, & interpretatur Cyrillus, & Effrem diaconus. Augustinus has tres negationes Petri mysticè exponit hoc modo. In trina (inquit) Petri negatione error hæreticorum de Christo tribus generibus terminatur, aut enim de diuinitate eius, aut de humanitate, aut de vtroque falluntur.

*In Ioannē.
ser. 14. de
pass. Dom.
Lib. 1. quæ.
Euan. ca. 45
¶ 46.*

IN CA-

MAne autem facto, mane ipsius feriæ sextę denud inierunt cōsiliū quomodo cōmodē possent eum occidere. Latiūs prosequitur Lucas quid in isto consilio egerint. Videntur autē Iesum liberum statuisse in consilio suo, vt non si se Christū cōfiteretur, prętere dēre posset, vi ac pœnarū acerbitate se confessum fuisse. Deinde vt his blādi-
 tijs quasi non quęrentes mortem eius aliquid amplius ex ore eius expiscarentur. Quod autem nocte factum erat, actū erat eo vincto. *Et vinctum adduxerunt eum, tanquam iam damnatum ab eis, & morti addictum: pro more enim habebant, vt quē morti adiudicassent, ligatum traderent iudici Romano. Eduxerunt autem eum omnes sacerdotes, cæteri- que qui erant de consilio, ex domo Cayphæ.*

Cap. 22. sub
finem.

Et tradiderunt Pontio Pilato pręsidi. Pontius prænomen est, sicut Marcus. Pilatus autem verum erat eius nomen, describiturque vtroque nomine, vt de tempore quo Dominus noster passus sit satis cōstet pręsidi, id est, gubernatori prouincię Iudęę. Defuncto enim Herode magno, & Archelao in exilium misso, non amplius reges in Iudæa à Romanis, sed pręsides tantum & gubernatores constituti sunt, quos pro libito amoueant.

Tunc uidens Iudus qui eum tradidit, quod damnatus esset ad mortem à Iudæis, ac nihil iam agi aliud quā vt per Pilatum occideretur, pœnitentia ductus non salubri, sed tali qualis erat Cain, & qualis est hominum damnatorum in inferno, qui magis propter dolorem & vermen ac remorsum conscientię, quam propter peccatum dolent.

Genes. 4

Hoc enim diaboli artificium est, vt peccatum

nondum admissum extenuet, ac intellectum obscure, ne sceleris turpitudinem videat, scelere autem perpetrato, turpitudinē eius ob oculos ponit, atque obtenebrat, & obscurat intellectum, ne aliud præter peccati malitiam, & turpitudinem consideret, atque hoc pacto ad desperationem adigit. *Retulit 30. argenteos principibus sacerdotū.* Restituit iniquum pretium per quod eum spiritu sancto dirigente iustum confitetur, iuxta illud Ioannis: Quis arguet me de peccato &c. *Quid ad nos, tu uideris.* Hoc dixerunt à diabolo instigati: & sic Iudam ad desperationem adigebant. Hoc enim primū esse solet quod impij retribuunt socijs suis, qui cum ipsis peccauerunt: derident eos dum sua dilapidauerūt, ac in magna sunt anxietate constituti. Tu videris ergo, nostra non refert tui: si peccasti, cura ut peccatum tuum corrigas: Docemur hic dum tristes sumus & anxij, non ad socios quibuscum peccauimus, sed ad pios & prudentes viros, Deūque timentes esse cōfugiendū. Si enim infelix hic Iudas sic se coram Apostolis, vel alijs Christi discipulis, imò matre eius Maria, sicut coram impijs humiliasset, aliud consilium accepisset, imò si ad vinctum ipsum Iesum confugisset spe veniæ, fuisset erectus. Leo putat Iudā mortuū ante Christum quare videtur sacerdotibus, & senioribus occupatis ad occidendum Dominum retulisse triginta argenteos. *Et proiectis argenteis in templo,* tanquam in pio loco, volebat enim iniquam pecuniam restituere. *A hiens laqueo se suspendit,* ubi longè grauius quam cū Deum tradidit, peccauit: Et suspensus crepuit medius, & effusa sunt omnia viscera eius. Tunc completū est illud Psal: In hoc cognoui, id est, alios cognoscere feci quod voluisti, id est, dilexisti me, quia inimicus meus Iudas, nō gaudebit super me, neq; populus Iudaicus, Iudas enim post traditū Christū
tanta

1047.8.

serm. II. de
pass. Domi.

Psal. 43

tantatristitia directus fuit, vt seipsum occiderit, & Iudæi ex signis factis in morte Christi; & post mortem vsque adeo perterriti, & consternati per Apostolos, varijsque perturbationibus exagitati fuerunt, vt dixerint, Quid faciemus viri fratres? A^{ctor.} 1.

Non licet eos mittere in corbonam. Corbona significat donum & hic ponitur pro gazophylacio, miram sanè sanctitatē hic simularunt quod non ausi erant mittere pretium quo Christum emerant cum alijs donis in arcam, cū tamē non exhorruerūt eum crucifigere. *consilio autem inito emerunt ex illis agrum figuli,* quasi hanc pecuniam expēdentes, in pios vsus in eleemosynā scilicet vt pauperes & peregrini locum haberent in quo sepelirentur. Sed Deo sic dirigente cessit hoc ad æternum impietatis eorum monumentum, dum enim Iudæ suspensio omnibus in Hierusalem habitantibus nota facta est, eūquē argenteos proiecis- se in templo scirent, omnes nouerunt & Christum pro triginta argenteis ab ipso traditū esse. *Propter hoc uocatus est ager iste a cel- dema, hoc est ager sanguinis,* quia triginta argēteis quibus emptus fuit sanguis Christi, emptus est & ager ille. *vtq; ad hodiernum diem,* quo scilicet ego Matthæus hunc librum scribo. *Tunc impletum est quod dictum est* in commē.
per Ieremiam Prophetam, dicentem: et acceperunt 30. argēteos pretium appretiati. id est, empti a filiis israel. id est, à Iuda sicut constituit, id est dixit, mihi Ieremiæ, dominus. Et quia istud in Ieremia non legitur ideo laborant hic Commētatores. Hieronymus dupliciter se expedit: Primū intelligit istud esse sumptū ex apocrypho Ieremiæ, quod tamen in parte hac Matthæus sciuit non esse apocryphum. Scripsisse autem Ieremiam, plura quā nos habeamus patet ex libro Machab. Secūdo putat istud sumptum esse ex Zacharia Propheta, & Euangelistam citasse sensum, non verba Prophetæ: Et hoc putat probabilius. L. 2.

bilius. Iuxta hanc explicationem, mendosus esset
 textus Matthæi, & nomen Ieremiæ omitti de-
 beret, & legi (per Zachariam Prophetam) vel
 simpliciter per Prophetam, Zachariæ vndecimo,
 istud habetur, quantum ad sensum; quod enim
 Christus dicitur ibi proiecis-
 se 30. argenteos in
 domo Domini, id est, in templo hætenus ve-
 rum est, quia curauit, vt eos Iudas projiceret
 in templo, instinctu, & directione sua. Quod
 verò textus noster habet ad statuarium, Hiero-
 nymus dicit à se quondam ita versum, sed postea
 se cognouisse vocem esse ambiguam; & putat sic
 transferendum esse, Projice ad figulum; & quan-
 quam interpretetur figulum illum esse Deum, non
 fuerit tamen improbabile per figulum hominem
 intelligere cuius agrum emerunt 30. argenteis
 vt sit sensus Zachariæ: Proieci 30. argenteos in
 domo Domini ad figulum, id est, vt peruenirent
 ad manus figuli. Augustinus verò omnino putat
 legendum esse nomen Hieremiæ, & dupliciter se
 expedit. Primò, vt iste locus sumptus sit ex Zacha-
 ria Propheta, tribuatur tamen Ieremiæ propter v-
 nitatem spiritus in omnibus sanctis Prophetis, qui
 ita eos direxit, vt magis inter se consentiant, quàm
 si omnia dicta eorum, vno, vniusque ore diceren-
 tur. Et idè quæcunque per eos dixit Spiritus san-
 ctus, & singula sunt omnium, & omnia singulo-
 rum. Secundò dicit Ieremiæ caput tricesimum se-
 cundum citari, vbi Ieremias legitur emisse agrum
 septedecim stateribus argenteis, & misisse librum
 emptionis in vas fictile, non quidem secundum sen-
 sum literalem, sed secundum sensum mysticū, quia
 scilicet ager emptus à Ieremia idem significat quod
 ager hic figuli, à Iudeis emptus, vt hic dicatur im-
 pletum quod à Ieremia factum dicitur, quia ibi fa-
 ctum est signum illius rei quæ etiam hic signifi-
 catur,

catur & fortè 17. stateres apud Ieremiam, 30. argenteos valent, quorum hic fit mentio. Significat autem ager figuli emptus in sepulturam peregrinorum pretio sanguinis Christi, sanguine Christi emi requiem eorum æternam, qui in hoc sæculo peregrinantes consepeliuntur Christo per baptismum. Per emptionem verò agri apud Ieremiam significatur, quod liberati de captiuitate habitarent in terra sua possidentes agros, siue terram, de qua ait Christus: Mites possidebūt terram, id est, regnum cœleste. Cap. 5. Matt.

Iesus autem stetit ante præsidem. Cum adductus fuit Dominus ad aulam Pilati, non introierunt Iudæi domum Pilati, sed Pilatus exiuit ad eos, & videns Iesum altare vinctum tanquam ab eis condemnatum interrogauit eos: Quam accusationem affertis aduersus hominem hunc. Responderunt, si non esset hic malefactor, non tibi tradidissimus eum, & dixit Pilatus accipite eum vos, Responderunt, nobis non licet interficere quemquam. Hæc narrat solus Ioannes. Deinde cū viderent Pilatum nolle Christum condemnare causā non cognita, cœperunt accusare de tribus. Primò de subuersione gentis. Secundò de prohibitione tributorum, & tertio quod se regem diceret. Subuersionem gentis non admodum curauit Pilatus parum aciens Iudaicam legem. Secundum vero crimen sciebat ab eis confictum, quia quando tentatus est Christus de quæstione tributi, aderant Herodiani, qui eius responsum ad Pilatum retulerunt. Fuisse autem illos ministros Pilati vel familiares satis patet ex Luca, qui dicit insidiatores ad Christum missos, vt caperent eum in sermone, & traderent eum principatui & potestati præsidis, id est. Pilato. Tertium crimen, quia dixerat se regem aliquo-

Matth. 11.

Cap. 10.

IN MATTHAEI

aliquousque Pilatū mouit . Poterat enim hoc ver-
gere in detrimētum imperij Cæsaris Tyberij ma-
gistri & domini sui. Vocauit igitur Iesum in præ-
torium, vt ait Ioannes, *et interrogauit eum. Tu es Rex*
Iudeorum, Horum verborū meminerunt & cæteri
tres Euangelistæ. *Dicit illi Iesus*, à temetipso hoc di-
cis an alij tibi dixerunt de me? Respondit Pilatus
quasi indignans. Nunquid ego Iudæus sum, gens
tua, & pontifices tui tradiderunt te mihi, quid feci-
sti? Respondit Iesus regnum meum non est de hoc
mundo, dixit itaque ei Pilatus, ergo Rex es tu? Re-
spondit Iesus. Tu dicis quia rex sum ego, quæ ver-
ba posuerunt 4. Euangelistæ. Et subdit Christus:
exponens regnum suum esse regnū iustitiæ & ve-
ritatis, & mysticum: Ego in hoc natus sum, & ad
hoc veni in mundum, vt testimonium perhibeam
veritati, & omnis qui est ex veritate audit vocem
meam. Dicit ei Pilatus quid est veritas? quæ quæ-
stio potest etiam intelligi à deridente esse prolata,
& cū hoc dixisset, iterum exiuit ad Iudæos, & di-
xit eis. Ego nullā inuenio in eo causam: Hoc apud
Ioannem, & Lucam: At illi inualescebant, dicentes:
Com mouit populum, & c. quod vsque ad reditum
Christi ab Herode, seu vsque ad particulam illam
inclusiue & illudum veste alba remisit ad Pilatū,
ponit solus Lucas. Apud Pilatū in multis adhuc
accusatus fuit, & nihil respondit. *Tunc dicit illi Pila-*
tus. Non audis quanta aduersum te dicunt testimonia, id est.
Non respondes quicquam? vides in quātis te accu-
sant? *Et non respondit ei ad ullum uerbum*, ita ut miraretur
præses uehementer. Et hæc interrogatio Pilati facta est
foris coram Iudæis: sicut ex Luca clarum euadit.
Deinde Pilatus conuocauit Principes sacerdotum
& Magistratus, & plebem, & dixit ad illos. Obtuli-
stis mihi hunc hominem, quasi auertentem po-
pulum, & ecce coram vobis interrogans nullam cau-

Lucæ 13.
Iohann. 18.

causam, id est crimē inuenio in homine isto, ex his in quibus eū accusatis. Sed neq; Herodes, nam remisisti vos ad illum & ecce nihil dignū morte actū est illi. Emendatū ergo illū dimittā. (Hoc apud solū Lucā legitur. Incidebat enim Pilato cōsiliū satisfaciēdi furori Iudæorū per flagellationē Christi, sed antequā Christū flagellaret incidit ei longē cōuenientior (vt ipsi videbatur) modus dimittendi Christū, nēpe per consuetudinē in Paschate reum mortis quēcunq; petiissent plebæi dimittēdi. Quā consuetudinē introduxerāt Romani ad captādā gratiam populi, quasi ipsi eorum sacra & solennitates magnificisset. Igitur dixit Pilatus eis. *Quē uultis dimittam uobis*, quasi dicat: hanc ego consuetudinem infringam nisi vnum ex duobus eligatis, *vel Barrabam, uel Iesum, qui dicitur Christus. sciebat enim quod per inuidiam tradidissent eum.* Pontifices autem & seniores persuaferunt populo. vt peterent Barrabam. Cum igitur turba consultasset, ac persuasa esset, vt peteret sibi donari Barrabam, venit ad Pilatum, vt antiquam seruet consuetudinem postulans. Hoc Marcus: Respondit igitur Pilatus. Quem uultis de duobus dimitti? Hoc Matthæus: Regem Iudæorum? hoc Marcus. Exclamauit vniuersa turba non hunc, sed Barrabā (quod omnes Euangelistæ conformiter habent) Respondit Pilatus, Quid igitur faciam de Iesu, qui dicitur Christus. Dicunt omnes: crucifigatur. ait illis Præses. Quid enim malefecit. At illi magis clamabāt, dicentes: crucifigatur. Hoc duo priores Euangelistæ, Matthæus, & Marcus, & ex parte Lucas. Respondit Pilatus. Nullam causam mortis inuenio in eo. Corripiā ergo illum & dimittam (hoc Lucas) redijt enim Pilatus tunc ad priorem conceptum de flagellatione Christi, dū videret non successisse consiliū de dimittendo Christo per consuetudinē paschalē. Tunc ergo ap-
prehen-

IN MATTHAEI

prehēdit Pilatus Iesum & flagellauit, sicut latē prosequitur Ioannes, qui multa dicta hinc inde ponit vsq; ad partē illā: Nō habemus regē nisi Cæsare. Se dēte aut illo pro tribunali misit vxor ad eū, & lauit manus corā populo, clamatūq; est à Iudæis: Sanguis ei' super nos & super, &c (quę ponit sol' Matthæus) & tunc dixit eis: Ecce rex vester, sicut latē prosequitur Ioānes. Tunc dimisit eū crucifigendū. Hic est ordo Euangelistarū. Iesus autē interea stetit tanquam reus, & iudicandus intus in prætorio. *Dicit illi Iesus, non statim, sed multis interpositis. Tu dicis. Tunc dicit illi Pilatus: Non audis quāta aduersum te dicāt testimonia.* id est, sic te geris quasi non accusareris, aduerte quanta scelera tibi imponant, quotq; testibus te conuincant; quocirca purga te, & causam tuam foue. *Et non respondit ei ad ullum uerbum, ita ut miraretur Præses uehementer.* Mirabatur Præses Pilatus eius constantiam, quod tam imperturbatæ mentis esset, vt non conaretur repellere mortem, præsertim cū sciret ipsum esse doctorem legis, aded eloquentem, vt responsione sua facillimè posset accusationes omnium infringere. Istud autem factum est, vt omnes agnoscerent Christum volūtariè, nō inuitè subiisse mortē: qui enim inuiti occiduntur, etiāsi maximè meriti sint mortē, multas solent adferre excusationes, & suppliciter pro mitigatione sententiæ iudices rogare. *Per diem autem solennem* scilicet circa tempus paschale. *Consueuerat præses dimittere,* scilicet plebeis popularibus (ij enim gaudēt huiusmodi priuilegijs) *insignem uinctum,* scelere, & malitia infamē, & notum: *Qui dicebatur Barrabas* hic erat seditiosus, & in seditione homicidiū, seu latrocinium perpetrarat, totamq; perturbauerat ciuitatem. Barrabas interpretari solet (inquit Hieronymus) filius matris corū, & hoc bene quadrat huic historiæ. (Est enim mater Iudæorū) diabolus

bolus, vel Antichristus: Sicut igitur pro filio Dei,
 filiū diaboli elegerunt, ita nūc nō Deus, sed diabo-
 lus est mater eorū, non Christus, sed Antichristus.
cōgregatis ergo illis. Cōuocauerat enim populū Pila-
 tus ad istud proponendū studio Christū liberādi.
 Deus autē ad hoc direxit Pilati desiderīū, vt manife-
 stior fieret impietas Iudæorū, qui latronē & homi-
 cidā viuere maluerūt, quā authorē vitę, qui aufere-
 bat languores corporis & animę. Pilatus autē ipsos
 putabat certō electuros Christū, eumq; (etsi nocen-
 tē probassent) nullo pacto cōparandū esse Barrabę
 in malo. *Qui dicitur christus.* scz. ab accusatorib⁹. Alij
 loco (Christi) ponūt (Rex Iudæorū) quod teste Cyr.
 ironicē legēdū est quasi Pilat⁹ voluerit risu Iudæo-
 rū rabiē mitigare. Notat hic Chrysō. ordinē inuer-
 sum fuisse. Nā petitio pro cōdēnatis solet esse plebis
 & concessio principis, nunc verō princeps petit à
 plebe, & plebs feroēiter respōdit. *sciebat enim quod per
 inuidiā tradidisset eū.* Euāgelista causam reddit cur Pi-
 latus tā fuerit sollicitus ad Christū liberandū quia
 vcz. sciebat quod nō propter aliquod crimē, sed so-
 la adducti inuidia tradidissent eū. Inuidebāt Chri-
 sto oēs ferē etiā plebei, præcipuē tamen summi sa-
 cerdotes. Vnde Marc. De eis tantū loquitur, dicēs:
 Sciebatautē quod per inuidiā tradidissent eū, summi
 sacerdotes plebei inuidebāt Christo, quod cū ho-
 mo pauper esset, & filius, vt apparebat, fabri, sic ab
 oībus glorificaretur. Inuidebant sacerdotes quod
 totus populus sequeretur eius doctrinā, & celebra-
 ret eius miracula Dicunt enim. Ecce totus mūdus
 post eum abit. *sedente autem illo pro tribunali misit uxor
 eius ad eum.* Ad declarandum quanta mouerint Pila-
 tum ad liberādum Christum, & quot modis Iudęi
 reuocati sint ab hoc scelere. rursus, quot modis
 Christi innocētia probata sit adiūgitur hæc de vx-
 ore Pilati hīstor. Deo dirigēte autē venit hic nūcius
 ab v-

IN MATTHAEI

ab vxore quando sedebat pro tribunali Pilatus, vt omnibus innotesceret istud nuntium, & valde verisimile est quod Pilatus populo aperuerit si per literas expositum ei fuit, si verò viua voce, tunc omnes astantes audiuerūt. *nihil tibi & iusto illi.* Non agas quicquam contra iustum illum, *multa enim passa sum.* Multa terriculamenta, multas minas. *per uisum* in somnis *propter eum*, vt eius impediatur occisio pertuli. In somnijs, & visionibus gentilis vxor intellexit, quod Iudæi vigilantes nec credere, nec intelligere voluerunt. Ideo autem potius datum est somnium istud vxori, quam Pilato, quia (vt ait Chrysostomus) fortè Pilatus non retulisset somnium. Ideo ergo mulier vidit, vt omnibus manifestaret. Hieronymus, & Chrysostomus à Deo dicunt istud somnium fuisse reuelatū mulieri gentili sicut Pharaoni, Nabuchodonozor, & alijs gentilibus quandoque reuelata sunt somnia à Deo. Quidam putant istud somnium vxori Pilati venisse à diabolo, quasi videlicet diabolus nunc demum intelligens per Christum se spolia sua amissurum, sicut primum per mulierem mortem intulerat, ita per mulierem voluerit Christum de manibus Iudæorum liberare, ne per eius mortē amitteret imperium. Sed quodam in loco dicit Christus venisse diabolum ad occidendum se, quanquā nullum haberet in se mortis meritum. Et Augustinus Christū à diabolo occisum dicit, & Leo similiter de his loquēs asserit diabolū nō intellexisse consiliū misericordiæ Dei, sed perstitisse in furore suo, & instigasse eos vt eum tā crudeliter occiderent. *Principes autem sacerdotum persuaferunt populo, ut pererent barabam, iesum uero perderent.* Notandum hic quod omne genus hominum cooperatum est ad mortem Christi: Iudæi & gentiles, viri & mulieres, nobiles & ignobiles, sacerdotes & Laici, re-
ctores

in cōment.

1047.14

ctores & subditi, docti & indocti, imò & pueri, ad designandum neminè esse pro cuius peccatis Christus non sit mortuus, & ad omne genus hominū peruenire fructum passionis eius. Quantò autem in excellentiori gradu fuerunt tantò magis egerūt ad mortē Christi, magis sacerdotes quā Laici, magis Iudæi quā Gētiles, magis senatores quā plebēi, ad designandū, quod quātò quis grauius peccet, tantò magis causa sit mortis Christi. *At illi dixerunt Barrabam.* Vsq̃ue in hodiernum diem habent Iudæi, quod petiuerunt, nempe Barrabam, id est, latronē diabolū, & post Christi mortem aded̃ seditionibus, & latrocinij studuerunt, vt à Romanis penitus euerterentur, & hactenus apud omnes gentes pateant cædibus, & direptionibus. *Quid igitur faciam de Iesu, dicunt omnes: plebæi, & magistri crucifigatur non simplicem mortem patiatur, sed crudelissimā.*

At illi magis clamabant, crucifigatur, nullam reddentes rationem, sed sicut feri leones sine ratione postulantes crucifigi Iesum. Tunc illud impletum est: facta est mihi hæreditas mea quasi Leo in sylua, Et illud, filij hominum dentes eorū arma, & sagittæ, & illud, lingua eorū gladius acutus. *videns autem Pilatus quia nihil proficeret, videlicet in studio liberandi Christum, & tumultum (quem latiùs explicat Ioannes) crescere. Accepta aqua lauit manus corā populo, vt ostenderet se immunem esse à scelere, & iniquissima cæde Christi, eo quod quantum in se fuit (vt putabat) voluit Christum liberare. innocens ego sum a sanguine iusti huius.* Si ô Pilate hic est iustus, & potestatem (vt dixisti) habes dimittendi eum, quomodo non es nocens eum condemnando ? tu scis eum ex sola inuidia traditum, negligis reuelationem diuinam vxori tuæ prius factam. Etsi in comparatione Iudæorum videaris innocens, grauiissimum est peccatum tuum, nec in hoc sæculo

ierem. 23
psal. 56.

IN MATTHAEI

Lib. 1. eccl.
bist. cap. 6.
7.

cap. 9.

Psalm. 68.

Thren. 4

A ct. 1. 3. 7
14.

euades vindictam diuinam. De ipso eiusque morte tradit Eusebius, & quomodo sit in hoc sæculo punitus à diabolo pro iniqua hac in Christum prolata sententia. Quomodo etiam ex illo tribunal unde voluit Iudæis complacere, grauissime Iudeos afflixerit iusta Dei ultione. non solum pontifices dixit: *sanguis eius super nos*. Hæc imprecatio perseverat vsque in præsentem diem super Iudæos, & vindicta sanguinis Christi non aufertur ab eis nec in hoc sæculo; nec in futuro: completurque illud Danielis: Occidetur Christus & non erit eius populus, qui eum negaturus est, & infra: Vsque ad consummationem, & finem perseverabit desolatio, & illud Psalmi: Dorsum eorum semper incurua, & furor iræ tuæ comprehendat eos. *Et super filios nostros*. Optimam hæreditatem reliquerunt filijs suis, non enim fuerunt contenti sibi ipsi solum maledicere, sed & filijs maledicunt, ut impleatur illud: Diuiserunt reliquias suas paruulis suis, & illud: Sed & lamia nudauerunt mammas lactauerunt catulos suos, filia populi mei crudelis quasi strutio in deserto. Chrysostomus. Misericors Deus sententiam eorum non confirmavit omnino, sed ex eis, & eorum filijs suscepit, qui poenitentiam egerunt, etenim Paulus ex eis fuit, & multa milia, quæ Hierosolymis crediderunt. Notanta est hic stultitia eorum qui audacter perpetrant mala, quando quis eis dicit: Quicquid feceritis, ego illud in me accipio, sic enim dicebant Iudæi Pilato, quasi scilicet propterea Christi sanguis non esset à Pilato exquirendus. Rectè autem dicitur illud: Ego peccatū omne in me accipio, ab eo qui aliquid scit non esse peccatū, ut aliū liberet à timida, & anxia conscientia. Pij Christiani contrario sensu istud orant: Sanguis eius super nos & super filios nostros, id est, placet sanguis eius patrem, & eum

& eū nobis faciat propitiū. Hieron. mysticè interpretatur. In manib⁹ (inquit) Pilati lotis, designatur gētiliū opera esse mundāda, & sanguinē Christi ab eis nō requirendū, sicut in hoc quod Pilatus & eius vxor consentientur Christum esse iustū mysticè designatur gētilē populū Christū esse glorificaturū, & iustitiā eius prædicaturū. *tunc* quando Iudæi noluerunt recipere eum, neq; spes amplius placādi Iudæos vlla erat, *dimisit illis barrabam* in gratiam populi petentis, *iesum autem flagellatum tradidit eis*, Cōdemnavit eum in gratiam Iudæorum petētium vt crucifigeretur, non per Iudæos quidē, sed per milites ipsius Pilati autoritate Romana siue Præfidis. Iudicatur hic omnium Iudex, & ad crucem cōdemnatur illo ore, quo totus iustus pronunciatus fuerat, vt nos euadamus iustam illam, & terribilem sententiam: *Ite maledicti in ignem æternum.* *Psalm. 34*

Tunc impletum est illud Psalmi: Aduersum me lætati sunt, & conuenerunt. Et rursum: Dilatauerunt os suum super me, & dixerunt: Euge, euge, viderunt oculi nostri, scilicet quæ semper optauimus. Omnino videntur magnificas gratias acclamasse Pilato. Tunc Christus orabat: Vidisti Domine, ne fileas Domine, ne discedas à me. Exurge, intēde iudicio meo Deus meus, & Dominus meus in causam meam, Iudica me in tua iustitia &c. Hierony. opinatur, Christum post sententiam flagellis cæsum, quia legibus humanis sancitū erat, vt crucifigendus prius flagris caderetur: Sed si respiciamus ad Euangelium Lucæ & Ioannis, inueniemus Christū prius flagellatū fuisse, quam cōdemnatū ad mortē, hoc cōsilio, vt miserabili Christi afflictione Pilatus, Iudæorum iracundiam mitigaret: atq; ita postea Christū liberum dimitteret. Vnde Matthæus & Marcus per repetitionem meminerunt flagellationis Christi, & hoc satis verba

IN MATTHÆI

cap. 10.

Matthæi ostendunt: non enim dicit Christum cōdemnatum, & postea flagellatum, sed iam flagellatum in prætorio, condemnatum eum esse asserit. Vnde illud (Tunc milites Præsidis) ordinem temporis non dicit, sed perinde est ac si diceretur circa illud tempus, vel illo tempore. Porro quantis, & qualibus Christus fuerit flagris cæsus non vsque adeo ex scriptura patet, sed tamen ex eo grauius fuisse flagellatum perspicuum est, quod Pilatus ad commiserationem cupiens illos trahere dixit Iudæis: Ecce homo, indicans miris modis flagellatū fuisse, & concisum Christi corpus. Ex eo etiam patet quod flagellationem tanquam singulare malum supra prædixit. Præterea ex illo: Congregata sunt super me flagella: quod magnam multitudinē flagellorum significat, gaudet enim crudelitate genus militum præsertim gentile: nec acceperant milites illi mādātum istud legis, ne cuiquam vltra 40. plagas imponerēt. Causam flagellationis dicit Esaias: Disciplina (inquit) id est, flagrum pacis nostræ, quo Deo reconciliamur, & euadimus debita flagella, super eo, & liuore eius, siue vibicibus, quas ex flagris contraxit, sanati sumus. Quia igitur multa flagella peccatoris, vt sperantem in Domino misericordia circumdaret, etiam Christus multis flagris cæsus est, vt æternis flagellis amotis, vulnera peccatorū nostrorū sanaret. Et quanquā omnia peccata nostra portauerit, propriè tamen illa hic tulit quæ libidinosi actibus committimus, nimium fouendo carnem nostram. Similia enim peccata vocantur flagitia, id est, flagris digna. Tunc milites Præsidis, id est, tortores quorum officium erat reos occidere, quos 4. fuisse scribit Ioannes. *suscipientes*, id est, Susceperunt Iesum à præside, qui eum flagellari iussit, & illudi, vel saltem illudi permisit. Quam illusionem futuram per gentiles ipse prædixerat.

Tra-

Tradetur gentibus ad illudendum. Tunc & illud Psalmi impletum est · Opprobrium insipientium dedisti mihi. *in prætório, in domo iudicis.* Prætoriū (Beda teste) est sedes, vel domus in qua prættores, vel præfecti sedebant ad decernendas populi controuerſias: *congregauerunt ad eum uniuersam cohortem,* id est, totum exercitum Pilati cōuocant isti 4. tortores, vt ab omnibus illudatur, vtque ad similitudinem regis, videatur multis militibus, & ministris stipari: Id enim totum factum est quia se regē Iudæorū dixerat. Tota autem ista cohors Pilati gentiles erant, maximo odio Iudæos persequentes ideoq; sœuissimè tractârunt Christum, tū quod Iudæus esset, tum quod legem Iudæorū docuisset. *Et exuentes eum* proprijs vestimentis, ad flagellandum eum (sicut satis patet si conferatur Ioannes cum Matthæo.) Ante oculos gentilium impudicorum nudatus est Christus, castitas virginea, & filius virginis dignatus est erubescere, vt impudiciam, atque impudentiam nostram auferret à nobis.

Chlamidem coccineam, Ioannes & Marcus dicūt Christum indutum fuisse veste purpurea. Sunt quidam qui putant vestem istam fuisse purpuream, sed tali colore, qui accedit ad coccineum, inuenitur enim purpura rubra, cocco simillima. Alij putant fuisse coccineam, sed habuisse purpureos limbos. Hieronymus dicit Reges veteres limbos rubros, seu coccineos habere solitos, sic fortè vestis erat purpurea, sed limbos habens coccineos. Eratq; purpura, insignè Romanorum magistratuum. Chlamys vestis est militaris, breuis & arcta. *circumdederunt ei,* id est, circumposuerunt in signum dignitatis regiæ. *Et plectentes coronam de spinis,* loco diadematis regalis. Videntur istæ spinæ tales fuisse, quales communiter in Iudæa crescunt, nec videtur hæc corona facta per modum pilei, sed certi cuiusdam,

Matth. 26.

Luc. 18.

Marc. 14.

IN MATTHAEI

siue diadematis. Et arundinem tanquam sceptrū regale, genu flexo, quasi adorantes eum, quomodo reges adorari solent. Illudebant ei, dicētes: aue rex iudeorū percutientes eum arundine, vt spinæ altius infigerentur. Et, vt ait Ioannes, dabant ei alapas, dum eū salutarent. Improperantes ei crimen impositum, quod se regem Iudæorum diceret. Sed nescientes magna nobis sacramenta tribueunt. In chlamyde enim coccinea cruenta gentilium opera sustentat.

Genes. 3.

Matth. 13.

Luc. 8.

Genes. 23.

Lib. 5. hist.

eccle. gentis

Anglorum

cap. 22.

In spinea corona maledictum illud antiquum: Spinæ, & tribulos pariet tibi terra, soluit. Quod spiritaliter intellectū significat Christum sustulisse spinas peccatorū, quibus cor nostrū erat oppressum. Spine (testibus Math. & Luc.) sunt peccata, ex curis huius vitæ prouenientia. Dū spinis coronatus fuit Christus impleta est figura de ariete, qui capite hærebat, in veprib' dū iā immolādus esset. In huius coronæ representationē & dominicæ passionis memoriā hodie adhuc in vertice capitis coronā gestant sacerdotes vt ex quadā Cleophrydi abbatis epistola quam citat Venerabil. Beda patet: quæ sic habet: nō ob id tantum in corona attondemur, quia Petrus ita attonsus est, sed quia Petrus in memoriā dominicæ passionis, ita attonsus est, idcirco & nos qui per eandē passionē saluari desideramus, ipsius passionis signū cū illo in vertice, summa videlicet corporis nostri parte gestamus. Sicut enim ois Ecclesia quæ per mortē sui viuificatoris Ecclesia facta est, signū S. crucis eius in frōte portare consuevit, vt crebrō vexilli huius munimine à malignorū spiritūū defendatur incutibus, & crebra huius admonitione doceatur se quoq; carnē suā cū vitijs, & cōcupiscētijs crucifigere debere, hinc etiā oportet monachos vel gradū clericatus habētes arctioribus pro dono continētiæ frenis astringi, formā quoq; coronæ quā ipse in passione sua spineā portauit in capite, vt spi-

nas

nas ac tribulos peccatorū nostrorū tolleret, id est, exportaret, & auferret à nobis, suo quēq; in capite per tonsurā præferre, vt se etiā irrisiones & opprobria pro illo libenter ac prōpto animo sufferre designet, ac sic vitæ æternę coronā cōsequatur, quam repromisit Deus diligentibus se. Aliā huius spinæ coronæ significationē habet Cyril. per quā significari intelligit idololatrarū multitudinē, quę per fidē in diadema Christi suscepta est, nā gentes instar steriliū spinarū nullū pietatis fructū producebant, sed igni solūmodo erāt nutrimentū. Chlamys coccinea, naturā nostrā significat, quā cū sanguinaria esset, & cedis rea; suscepit tñ, & induēs sanctificauit. Et quāquā Christus hic oīa peccata nostra tulerit, tñ in chlamide coccinea videtur tulisse superflūū nostrū ornatū, multāq; curiositatē, & ineptā vestiū ostētationē, ac designasse, Theop. teste, Christianos qui sunt corpus Christi mysticū, regalē cōuersationē agere debere, tāq; reges calcātes super serpētes, & scorpiones. Cyril. per purpureā vestē intelligit significatū regnū totius mūdi, & per fidē Christi accepturus erat. Per hoc & aurib' suscepit ignominias sanauit serpētis sibilū, per aures Euę ingressum, vt ait Theo. In arūidine multiplex hoīm vanitas ac pīcipuē in reb' trāsitorijs vana fiducia significatur. in adoratione deridētū, irreuerētia nostra erga diuinā maiest. In salutatiōe oratiōes, quas solis labijs ei effundimus: per has videtur rex agnosci: cū nihil minus agatur corde. Notādū quod Iudēi in domo Cayphę velauerūt eū, & deriserint vt prophetā: gentiles autem in domo Pilati non velauerint faciem eius, sed intuentes eum, & deridentes salutauerint vt regem: quia Christus apud solos Iudæos tunc agnoscebatur dū venturus prophetabatur: at postquā venit & regnat, velatus est ab eis, & apud solos gentiles agnoscitur. Aptissimē etiam hic appella-

IN IOAN.

IN MAR.

IN MATTHAEI

tur rex Iudæorum, id est, rex omnium fidelium, qui spiritu sunt Iudæi, quia in hac illusione nihil apparuit in eo nisi quod à subditis suis, super quos regnare voluit, accepit, nempe pœna peccati. Vnde manifestum euadit quod subditos suos quibus sic se assimulauit, multum dilexit, & meritò dum nihil nisi suum in eo conspiciunt, hilariter eum suscipiunt, & salutant dicentes: Aue rex Iudæorum.

Et xuerunt eum chlamydem, & induerunt eum uestimentis eius, vt agnosceretur ab omnibus iam condemnatus, & quia fortè id solum ad tortores pertinebat, quo reus exiens indutus erat, sicut & hodie moris est.

An corona spinea rursus capiti Christi imposita sit, postquam proprijs uestimentis indutus esset, an non: Rursus, an capiti infixæ remanserit dum indueretur non vsqueadè certum est. Origenes putat quod Christus baiulâs crucem habuerit spineam coronam. Sanè si expendamus quod Dominus ad derisionem regis maiestatis patibuli sui quasi fascium regalium iussus est esse gestator (sicut dicit Leo) probabile videtur eos etiam ad derisionem regis reliquisse spineam coronam in capite, vel rursus imposuisse. *Et duxerunt eum ut crucifigeretur*

A prætorio Pilati extra portas scilicet vsq; ad montem Caluariæ, insequente multa turba populi, & inimicis omnibus & mulieribus plangentibus eum, & Cœtutione cum militibus suis loco præfidis. Quâ cõueniēter Christus sit passus extra ciuitatē & circa Hierusalem pulchrè tractat Thomas vbi tres assignat rationes ob quas extra portam passus sit: quibus quartam adijcere possumus vt scilicet ostenderet iam cessaturum cultum tabernaculi, & templi cæremonias. Hanc subindicat Apostolus: Habemus, inquit, altare de quo edere non habent potestatem qui tabernaculo deseruiunt, id est, qui obseruât cæremonias veteres, quasi per eas saluandi

non

serm. 8. de
pass. Dom.

3. par. q. 46
art. 10
Hæb. 13.

non sunt participes gratiæ & altaris nostri, quod est Christus. Ac deinde subdit eum passum extra portas. Hanc rationem assignat Leo. *ex euntes autē inuenerunt hominem cyrenæum.* Non est intelligendū quod exeuntes domum Pilati, Lucas enim clarè ostendit in ipso itinere Simonem apprehensum: dum ducerent (inquit) illum &c. Cū igitur exirent prætorium Pilati imposuerūt humeris Christi crucem (sicut habet Ioannes) quam solus portauit, donec Simonem inuenerunt, qui tunc eam solus portauit sequens Christum. Portat igitur Christus crucem, quia portat peccata nostra, mysticè designans quod corpus eius mysticum abnegaret seipsum, & tolleretur crucē suā. Hic impleta est figura de Isaac, qui ligna portauit ad suā immolationē. August. Portat crucē suā Iesus, grande spectaculū, sed si spectat impietas, grāde ludibriū, si pietas grāde mysteriū, si spectet impietas, grāde ignominie documentū: si pietas, grāde fidei munimentū. Rursum si spectet impietas, ridet regē pro virga regni lignū sui portare supplicij, si pietas, videt regē baiulantē lignū ad semetipsum figendū, quod fixurus fuerat etiā in frōtibus regū, in eo spernedus oculis impiorū, in quo erāt gloriatura corda sanctorū. Cyrenæus iste dicitur à Cyrene ciuitate, quæ est circa Aphrycā. *Nomine simonem* Erat hic Simō pater duorū discipulorū Christi, Alexādri, & Rufi scilicet, & *hunc anpariauerunt*, id est, vi coēgerunt, vt portaret crucem Christi ipsi enim portare noluerunt tanquam lignum maledictum, & ignominiosum. Simon quoq; ferre recusabat. Mysticè (inquit) Hieron.) crucem Iesu suscipiunt nationes, & peregrinus obediēs portat ignominiā saluatoris. Vnde pulchrè dicitur esse Cyrenæus, siue alien⁹, nō ex Iudæa natus: & apud aliū Euāgelistā, venire dicitur de villa, gentiles enim siue pagani alieni erant à ciuitate

serm. 6. de pass. Dom.

Genes. 22. super 10ā.

in commē.

IN MATTHAEI

tate Dei, nec promissionis spem habebant sicut Iudæi: Notandum autem illum portare Christi crucem, qui de villa versus Hierusalem proficiscebatur, quia ille mysticè crucem Christi portat qui relictis terrenis, toto corde ad supernam Hierusalem suspirat. Idcirco autem milites hunc coegerunt portare crucem, quia Christum fessum videbant, atque oneri succumbere, & Iudæi cupiebant accelerari eius mortem. *et uenerunt in locum qui dicitur Golgotha, quod est caluarie locus.* Singularis numerus pro plurali positus est, quasi dicat, Caluariarum, id est, locus ubi iacebant multæ Caluarie, eorum videlicet qui damnati fuerant ad mortem, sicut iuxta vrbes frequentes in loco suppliciorum multa iacent capita damnatorum. Hieronymus hic refutat eorum errorem, qui dicunt caput Adæ ibi esse, & Christum ideo ibi mori voluisse. Quod autem Adam ibi non sit sepultus, patet ex Iosue. Et sicuti Christus pro nobis sceleratorum supplicium subire voluit, ita etiam in loco reorum mori voluit, multo conuenientiùs quàm iuxta Adæ sepulchrum, ut ostenderetur crux Christi non solum esse remediù contra peccatum originale, sed contra omnia omnino peccata totius mundi: quare in loco foetido crucifigitur, ut in naribus & odoratu pro nobis affligeretur. *et dederunt ei utrumque bibere cum felle mystum.* Marcus ponit myrrhatum vinum, quod Augustinus dupliciter conciliat cum verbis Matthæi, ut hoc loco (felle) pro (amaritudine) positum sit, vel quia myrrha est amarissima, vel quia utrumque sit poculo impositum & fel, & myrrha. Theophylactus diuersos obtulisse dicit, quosdam vinum fellitum, alios verò myrrhatum. Hieronymus, & Theophylactus legunt hic (acetum cum felle mixtum) quod cum Marco dupliciter conciliari potest: vel quia utrumque porrectum est Christo, & acetum cum felle

cap. 14

1^a mar. ii.

felle mixtum, & vinum myrrhatum : vel quia vinum erat acidum , vt meritò à Matthæo acetum fuerit appellatum. Quia verò præceptum erat à Salomone, vt tristibus daretur vinum exhilarans, & potus ad confortandum valens, Iudæi soliti erant dare talem potum vel sorbitiunculam ad mortem condemnatis (quod & hodie apud Christianos pie seruatur:) Hinc etiam verisimile est, simile quid datum Christo à pijs mulieribus , sed milites hoc ei subtraxerunt, ac quasi imitantes pietatem, dederūt Christo potum ex felle, myrrha, & acido vino confectum : addideruntque huic simulatæ pietati illusionem suam , vt videlicet Christus tanquam rex haberet etiam pincernam , sicut annotauit Theophylactus, & satis indicat Lucas dicens: milites illudentes obtulisse ei acetum in cruce pendenti. Putat etiam Theophylact. istud poculum mortiferū, fuisse procuratum arte Iudæorum, vt si fortè eum liberare vellet populus à cruce, vel ipse facere miraculum, & effugere, nihilominus moreretur: sed qui morte crucis mori volebat , recusauit mortiferum poculum bibere, gustauit tamen. Videtur autem poculum istud confectum fuisse per modū sorbitiunculæ , quæ sumi potest, vt cibus, vel vt potus, quia de hoc dicit Psalmista : Dederunt in escam meam fel, id est, dederunt mihi fel pro cibo, & videtur propriè dictum fel fuisse impositum. Tale poculum decebat proferri à vinea illa, quæ plenè conuersa esset in amaritudinem, de qua Hieremias : Ego plantaui te vineam electam, omne semen verum, quomodo ergo conuersa es mihi in prauum vinea aliena? & rursus. Quid ultra facere debui vineæ meæ, & non feci? expectaui vt faceret vinas, & fecit labuscras. Gustauit autem istud Saluator, vt sanaret corruptos gustu arboris vetitæ, vt peccata gulæ extirparet à nobis. Nolunt
autem

super Luc.

Psal. 68.

Ierem. 2.

Esa. 5.

IN MATTHAEI

autem bibere ad ostendendum se non imbibisse
venenum antiqui serpentis, prauam scilicet concu-
piscenciam, sed tantummodo poenam peccati, sine
interna macula assumpsisse pro nobis. Pro sensu
mystico consulatur Augustinus. *Postquam autē cru-
cifixi sunt eum.* Euangelistæ non describunt modum
crucifixionis Christi, sed tantum crucifixum esse à
Iudæis memorant, quia tunc temporis cum hæc
scriberent, notum omnibus erat supplicium cru-
cifixionis, sicuti nunc nota est suffocatio suspendij.
Affixerunt autem eum cruci clavis transfixis per
manus & pedes, sicut clarum est historia resur-
rectionis à Ioanne descripta, & Luca, & ex hoc
Psalmi: Foderunt manus meas, & pedes meos, quo
etiā describitur quod Christus fuerit valde exten-
sus in cruce: Dinumerauerunt (inquit) oīa ossa mea.
Nō potuit melius (inquit Augu.) describi extensio
Christi in ligno, quā dicēdo: Dinumerauerunt &c.
Quam autem acerba sit mors crucifixorum tra-
ctat Tho. vbi simul habet, quod crux longē Chri-
sto fuerit acerbior, quā cæteris, quia scilicet cor-
pus eius optimæ & tenerrimæ complexionis vt
pote formatum per spiritum sanctū in vtero vir-
ginis, efficacissimè percepit omnia lædentia, tum
etiam quod seipsum consolatus nō sit nec mitiga-
uit dolorem per redundantiam rationis ad partes
inferiores, sed permisit unicuique virium quod erat
eius proprium. Maximus etiam dolor non sic stupe-
fecit eum vt minus perciperet dolorem minorem
quod sit in alijs. Vnde non minus siti afflictus est,
quam si nihil aliud passus fuisset. Quam cōueniē-
ter etiam Christus sit passus & per crucem mor-
tuus ostendit idem, & B. Augustinus. Atque præter
eius rationes, possunt & istæ adijci, quia scilicet
concupiscencia nostra clavis timoris Dei est trāsfi-
genda: dicit enim Psalmographus. Confige timore
carnes

sup. Psal.
68.

3. par. q. 46
art. 6.

3. par. q. 46
art. 3. & 4.
Lib. de ago.
christ. c. 11.
Or. 13. & de
trin. cap. 9.
Or. sequent.
Psal. 118

carnes meas &c. Vt autem hoc præstaret nobis Christus, clavis cõfigi voluit vnde dicit Apostolus: vetus noster homo simul crucifixus est cū Christo, quia virtute crucis comprimitur concupiscentia nostra, sed semper cum labore, & ignominia opprimi, & contineri debet, donec plenè per mortē corporis extingatur quicquid enim in hac vita agitur nihil est aliud quàm crucifixio carnis. De quo vide Augustinum de sacratissimo triduo crucifixi sepulti, & resuscitati. Rursum, maximè conuenit illi expansio manuum, quia amore nimio omnes attrahere volebat, iuxta id quod promiserat: Ego si exaltatus fuero à terra oīa trahā ad me ipsum. Theophilactus: Extēdit manus, vt in vlnas suscipiat, & congreget filios Dei dispersos. Similiter exaltatio in altū & expansio manuum illi conuenit ad quem de toto mundo in profundo peccatorū demersi, pro sanitate clamaturi erant. Quæritur inter doctores quomodo Christus sit crucifixus nudatus, an velatus; Ambrosius dicit nudū Christum pependisse in cruce, qualis erat Adam in paradiso, & quales nos nascimur: sic Chrysostomus dicit quod denudauerunt Christum. Hinc factis consonat figura de Noë nudato, quam pulchrè tractat Augustinus: Consonat etiam figura de Dauid qui dū ex nimia deuotione nudaretur à Michol sterili, id est, synagoga Iudæorum irrisus est. Sic iussu Domini nobilis vir Esaias nudus incescit: Examinandum relinquitur, anne psalmista dum dicit: Ipsi verò considerauerunt, & inspexerunt me & statim subdit: diuiserunt sibi vestimenta mea &c. (quod omnes Euangelistæ studiōse annotauerunt esse completum) respexerit ad impudicam Iudæorum inspectionem, qua pudibundam nuditatē castissimi corporis Domini viderunt. Quamuis autem Dominus non haberet carnem peccati, vel

Epist. 119.
cap. 14.

IOAN. 12

IN LUCAM.

HOM. 88.

IN MATH.

LIB. 12. cõt.

FAUSTUM

cap. 23. &

sequent.

1. REG. 5

2. REG. 10

rebel-

IN MATTHAEI

rebellem spiritui & pudor nuditatis inde fit ortus quia caro rebellat spiritui, tamen æquè erubuit Christus imo amplius quam quilibet nostrum de ipsa similitudine carnis peccati. Cum enim verecundia sit timor vituperij, & inhonationis, cūque quo ad hominum ignorantium æstimationem nihil differant malū apparens, & quod vere existit, & malum false apparens, non minus oritur verecundia de specie carnis peccati, quam de ipsa carne peccati Nudatus est igitur Christus, & erubuit, vt nos ad eum statum reduceret, in quo nudi nō erubescēbamus, quia ante peccatum nihil rebellionis contra spiritum erat in carne humana. Erubuit itē vt ad salubrem pudorem reduceret, Nudatus est, vt spiritalem vestem qua spoliauerant latrones, id est dæmones, Adam eiusq; posteros, ipsis restitueret: nudatus est deniq; , vt pudibunda peccata nostra (quæ omnia aperta sunt oculis Dei) sua nuditate tegetet. *diuiserunt uestimenta eius.* Milites interiora eius vestimenta in quatuor partes diuiserunt, vt quisq; partem vnā acciperet, *sortem mittentes.* super tunicam superiorem quisnā videlicet eam haberet integram, quia non erat confuta, sed à Maria contexta quapropter diuidi commodè non poterat. Passus est Christus ablationem rerum suarum vt in huiusmodi iniurijs nobis patientiam tribueret, & cupiditatem alienorū à nobis auferret. Ex isto loco constat non esse simpliciter necessarium, vnicam tantum vestem habere: etenim vnā superiorem quasi talem, & multas inferiores habuit Christus. *vt impleretur quod dictū est per prophetā.* Nō videtur esse istud de textu Matthæi sed ex Ioāne trāslatum esse in Matth. vnde in multis codicibus nō reperitur, nec Hieronymus nec Augustinus legūt. Cyrillus in Ioāne mystice interpretatur, intelligēs per 4. partes vestimētorū 4. partes orbis quæ ad sa-

ad salutē reductæ indumētū verbi .i. carnē Christi impartibiliter inter se partitæ sunt . Similiter Augustinus nisi quod per tunicā incōsutilē caritatē intelligat, quæ sorte obuenit: quia gratuito & misericorditer infunditur. *Et sedētes seruabāt eū diligentia militū, & sacerdotū nobis profecit, vt maior & apertior resurgētis virtus appareat.* Sedentes igitur scilicet milites seruabant, id est, custodiebant eum, donec cōpleretur sentētia omnia Pilati, & moreretur Christus, ne aliquis eum de cruce deponeret. *Et imposuerunt ipsi milites ex iussu Pilati causam ipsius scriptam, titulum seu asserculum in quo erat crimen ipsius scriptum, propter quod fuit crucifixus. Hic est iesus rex iudeorum.* Iste est crucifixus, quia ipse est rex Iudeorum. Scripsit Pilatus titulum hunc vt sciretur quare crucifixus esset, neue putaretur crucifixus tanquam latronum socius, vel princeps sicut cupiebāt hoc credi Iudæi impetrantes à Pilato, vt cum Christo crucifigerētur duo latrones. Quamuis ergo Pilatus in gratiam eorum permiserit Christum suspendi in medio duorum latronum, voluit tamē quodammodo honorē Christi defendere per hunc titulum. Rursus scripsit illum in derisionem Iudeorum sicut ante per risum vocauit eum regem Iudeorum, vt quasi per iocū diceretur à Romanis, Iudæi regē suum crucifixerunt, nunc igitur Romanis parebunt, quia non ultra iactabunt regem illum ex sua stirpe venturum. Narrat Ioannes, quomodo acri turbati inuidia ipsi pontifices dixerūt Pilato: Noli scribere: Rex sum Iudæorū, sed quia ipse dixit rex sum Iudæorum, quasi videlicet verbū Christi arrogās mēdaciū fuisset. Hic aduerte quod pōtīfices reuera metuerit ne Christus crederetur rex Iudæorū, quia etsi malitia excœcauerat eos vt eū occiderēt, tot tñ habebāt argumēta quibus ipse esse cōprobabatur, vt penitus non

IN MATTHAEI

non possent remorsum conscientiae extinguere, quamuis vehementer omnem scrupulum, extinctum cuperent: alioqui fatuum erat metuere ne in veritate crederetur aliquis crucifixus esse rex Iudaeorum. Literis autem trium linguarum hunc titulum conscripsit Pilatus, vt non solum populus Iudaicus, sed etiam nobiles extranei qui veniebant in Hierusalem, Iudaeos regem suum crucifixisse agnoscerent. Hae tres linguae praecipuae erant tunc temporis, & nullus erat aliquo loco, seu estimatione habitus, qui non aliquam ex istis intelligeret. Hebraea eminebat propter populum Iudaicum: Graeca propter Philosophos & sapientes gentilium: Latina propter Romanos. Hieronymus. Non possum (inquit) dignè admirari pro rei magnitudine quod redemptis precio falsis testibus, & ad seditionem, clamoremque infelici populo concitato nullam aliam inuenerunt causam eius interfectionis, nisi quod rex Iudaeorum esset. Deo igitur dirigente tribuendus est iste titulus, qui omnibus notum esse vult quod Christus per crucem suam rex est omnium spiritualium Iudaeorum, nempe à vitijs circuncisorum & confitentium Christum esse saluatorem suum: Iudaeus enim interpretatur confitès. Vnde bene dicitur crucifixus, quia est rex Iudaeorum, haec est enim vnica causa cur sit crucifixus, quia regnare voluit, & dominari credentibus, spoliato tyranno diabolo, quod sine cruce fieri non poterat. Diuinitus autem (inquit Cyrillus) factum est vt trium linguarum (quae praecipuae sunt) literis titulus scriptus fuerit, omnium enim gentium regnum Christo attributum esse significauit: ipsi enim (inquit Propheta) honor, & regnum datum est, vt omnes tribus, & linguae ipsi seruiant. Et Paulus: Vt omnis lingua confiteatur &c. Titulus igitur iste per praecipuas linguas omnium linguarum Iesum

Iesum futurum principem prædicabat, & impietatis crimine Iudæos arguebat, quia Dominum regemq; suum crucifixissent. A Pilato etiam positus fuit, non à Iudæis, nec ad Iudæorum petitionem est immutatus, ad designandum regnum Christi esse stabile, & super firmam columnam consistere, quodq; gētiles laudaturi essent Christum regem etiam inuidentibus Iudæis. *Tunc crucifixi sunt cum eo duo latrones.* Quare cum Christo crucifixi sint duo latrones, & quàm conuenienter hoc factum sit, habet Thomas, vt videlicet hac ratione Christus præcipuè potentiam crucis suæ ostenderet in conuersione & saluatione vnius scelerati, & vt in maximam gloriam verteret, quod inimici in summam eius ignominiam parauerant: non enim minus fuit latronem in cruce conuertere, atque in paradysum ducere, quàm petras concutere & solem obtenebrare. Aduerte quàm grauis pœna iustissimo fuerit cum sceleratissimis reputari, & sceleratissimorum, & latronum princeps haberi. *Præter euntes.* Abiectissimi quiq; ex plebe, qui vel à ciuitate ad pagos, vel contra, à pagis ad urbem Hierosolymitanam diuertebant crucem circuibant post crucifixionem. *Blasphemabant eum,* id est, ridebant, mouentes capita sua, præ gaudio scilicet & in signum subsannationis dicentes: *Vah,* deridētis est cum gaudio, qui destruis templum Dei, Nunc apparet potestas tua quam arrogaueras. *salua te metipsum.* Videntur hoc dicere ad detrahendum prioribus signis, & operibus spiritus sancti, quasi dicat. Tu voluisti destruere tēplum Dei, & in triduo reædificare illud, tu etiam alios sanasti, vt ostenderes te filium Dei, si ita esset, neque virtute diaboli alios sanasses, nūc te ipsum saluares. *si filius Dei es,* vt dixisti, *descende de cruce.* In istis blasphemijs Christus supra modum afflictus fuit, vnde Psalmista frequēter harum bla-

3. Parte qua
45. art. 14.

Psal. 22.
Psal. 68.

IN MATTHAEI

sphemiarū meminit, vt : Omnes videntes me, deriserunt me. Rursum: Quē tu percussisti persequuti sunt, & super dolorem meum addiderunt. i. nec iam vulnerato, & morienti pepercerunt, sed cū nihil amplius manū in me possent, lingua sua ipsi me persequuti sunt. *similiter & princeps sacerdotū*, quorum erat aliorum blasphemias compescere & prohibere ne afflictioni adderetur afflictio. *Alios saluos fecit seipsum non potest saluum facere.* Hierony. nolentes confitentur quod alios saluos fecerit. Itaque vos o scribæ vestra condemnat sententia, qui enim alios saluos fecit, utiq; seipsum si vellet saluare poterat. *sirex israel est*, id est, populo Israëllico promissus, *descendat nunc de cruce.* Athanas. Dominus verē saluator non saluando seipsum, sed creaturā liberādo volebat agnosci saluator, neq; enim medicus quia sibi medetur medicus esse cognoscitur, nisi erga lāguidos artē probet. sic Dñs saluator existēs nō habebat opus salute: neq; descēdēdo de cruce cognosci volebat saluator, sed manendo: multo nāq; maiorē hoibus salutē saluatoris mors affert, quā descēsus eius de cruce. Putat Hieron. hoc loco demones exegisse, vt Christus de cruce descēderet, quia videlicet intellexerūt ex tūc fractas esse vires suas. Sed sicut dicit Leo: Si crudelis & superb^o inimicus cōsiliū misericordiæ Dei nosse potuisset, Iudeorū aīos māsuetudine potius tēperare, q̄ iniustis odijs studuisset accēdere. Deinde si hac ratione hęc diabolus Scribis inspirasset, ser. ò nō illudēdo dixisset: Descende & c. *et credimus ei.* Leo: de quo (ait) erroris fonte Iudei, de quo inuidiæ lacu taliū blasphemiarū venena potastis? quis vobis magister tradidit? quæ doctrina persuasit quod illū regē Israël, illū Dei filium credere deberetis qui se crucifigi non sineret, aut à cōfixione clauorū liberū excuteret? non hoc vobis legis mysteriū, nō paschalis obseruatiōis sacramenta

in cōment.

*serm. 11. de
pass. Dom.*

*serm. 3. de
pass. Domi.*

mēta, nec vnquā vlla prophetarū ora cecinerūt, sed illud verè abūdeq; legistis, quod ad detestabilem vestri sceleris impietate, & ad volūtariā Dñi pertinet passionē: ipse enim per Esaiā loquitur: Dorsum meū ad flagella dedi, maxillas meas ad palmas, facie meā nō auerti à cōfusione sputorū. *confidit in eo,* deridēdo hoc dicūt: Et hāc subsannationē singulariter, & ad verbū prēdixit David tanquā maximā, & intolerabilē prē ceteris. Cū enim homo ab omnibus desertus appropinquat morti, & vndiq; afflictionibus torquetur, nemoq; ei subuenire potest, hoc adhuc habet reliquū, vt spē suā ad omnipotētē Dei misericordiā erigat, & in illo refugiū suū ponat, vt exēplo Iosaphat regis patet. Hoc refugium istis quantū valuerūt à Christo abstulerūt, nolentes eum in Domino Deo confidere, q.d. frustra in Dño confidis qui nullo pacto tibi subuenire vult. Stultissimè hoc tibi persuades quod aliquid auxilij tibi à Domino esse posset; quātū velis spera, spe tua frustraberis. *Liberet nunc eū si vult.* Psalmus prēdict^{us} habet (Quia vult eū) hoc modo, Sperauit in domino eripiat eum, saluum faciat eum quoniā vult eum, id est, quia diligit eū, q.d. stultè persuadet sibi quod Dominus curā eius gerat: dixit se prē omnibus à Domino Deo maximè diligi, ostendat quod Dominus eum liberet. Aduerte hic more carnaliū hominum eos loquutos, qui omnes eos Deo non placere existimant, neq; ab eo diligi, qui temporalibus malis affliguntur. Passus est istud opprobriū Christus, vt in extremo vitæ Constituti, spem nostram in Domino figere possemus, & nullo pacto à tā tuto refugio recedere: Passus est carnalium istorum illusiones, vt ab ore Christianorum omnia impropria, & omnē maledictionem auferret, doceretq; nos neminē ob terrena bona laudare debere, neque ob terrnas calamitates contēnere.

2^a ad. 53^o

Psal. 22.

2. Paral. 20

IN MATTHAEI

Improperant ei omnes quod timore superbię, sibi diuinitatem, regiamq; maiestatem arroguerit, quia cum genus humanum per superbiam vitiatum sit, atq; hoc ipsum sit maximum generis humani vulnus, Christus maximè pati voluit, vt superbiam in nobis contereret: sic meritò non cò-muni aliqua arrogantia, sed omnium sceleratissima, supèrbus ac arrogans reputari debuit, quia diuinitatem sibi v surpauit. *Id ipsum autem & latrones qui crucifixi erant cum eo, improperant ei.* Si rex Isrēal es descende de cruce, sicut satis patet ex Luca. Istud est intolerabile malum vt qui cum eo in ijsdem miserijs est ipsi insultet, quem propria pœna meritò totum deberet occupare, aut saltem ad compassiō-nem, non autem ad derisionem prouocare. Augustinus, & Hieronymus putant posuisse Matthæum pluralem numerum, pro singulari: quæ loquutio frequens est in scripturis. Hieronymus dat etiam secundam rationem, vt Lucam cum Matthæo cō-ciliet, & dicit quod primo vterq; blasphemauerit, postea alter, conspecta Christi patientia, & mirabilibus quæ fiebant, confessus sit eum Dominum, & regiam dignitatem eius, sociumq; suū redarguerit. Vtraq; expositio probatur.

A sexta autem hora tenebræ factæ sunt super uniuersam terram, usque ad horam nonam Causam tenebrarum assignat Lucas, quia sol obscuratus est non regulari Eclypsi, qualis solet circa nouilunium contingere nam tunc Luna erat plena, celebrabatur enim paschalis solennitas in plenilunio, & tunc naturaliter non potest esse Eclypsis solis, neque per tres horas naturaliter durare potest, vt tradunt Physici: nec potest etiam vniuersalis esse Eclypsis solis, propterea quod luna multò minor sit, quàm tota terra. Hanc autem Eclypsim fuisse vniuersalem satis patet ex verbis ipsius Matthæi, qui dicit tenebras factas

etas esse super vniuersam terram : quæ verba non videntur satis bene intelligi de tota terra Iudææ, cùm etiam gentiles longè à Iudæa positi hanc Eclypsim animaduertunt. Dionysius enim Areopagita (de quo in Actis) in Aegypto se eam aduertisse testatur, & Phlego Olympiadum supputator (sicut de eo in Chronicis ait Eusebius) Olympiade (inquit) ducentesima secunda, magna & excellens inter omnes quæ acciderant antea, defectio solis facta est, & dies hora sexta, ita in tenebrosam noctem versus est, vt stellæ in cælo visæ sint, terræq; motus in Bithinia, & Nicænæ vrbs multas ædes subuerterit. Lucianus quoque presbyter dicit in animalibus gentilium hanc Eclypsim annotatam esse. Nec mirum si Eclypsis ista fuit vniuersalis, cùm Dominus Deus ad mandatum Iosue, fecerit lunam & solem quiescere, vt communi cursu non procederent, & solem contra consuetum cursum ad petitionem Ezechiae retrocedere, ita vt non tantum in Iudæa, sed etiam à Babylonijs animaduertetur. Quid ergo mirum si totus orbis caruerit lumine solis, quâdo creator solis talia patiebatur. Ex hoc aut quod Eclypsis ista vniuersalis fuerit, consequitur quartum miraculum, id est, dictam Eclypsim, non esse factam per solius lunæ interpositionem inter solem, & aspectum nostrum, seu terram, sed etiam per radiorum solarium retractionem. Sicut sentit Hieronymus in Commentarijs huius loci. Sol (inquit) retraxit radios suos, ne aut pendentem videret Dominum, aut impij blasphemantes sua luce fruerentur. Luna enim, quia corpus minus est quam terra, non potest interpositione sua inter solem & terram efficere vniuersalẽ Eclypsim solis. Dicit quidem Dionysius Areopagita, lunam fuisse interpositam inter terram, & solem, quia videlicet etiam luna quodammodo cupiuit creatori suo cõ-

A. d. 17.

2 lib. 9. ecclesiast. cap. 7.

cap. 10.

IN MATTHAEI

pati, & omne lumen auferre mundo (sicut etiam elementa innaturale aliquid passa sunt, præstititque quod potuit, sed ipsa sola obscurare totum solem, totique mundo subtrahere non valuit.

Miracula quæ facta sunt ex parte Lunæ recenset Thomas ex Dionysio, tertia parte quæstione 44. articulo secundo, & Franciscus Titelmannus libro septimo circa finem. Hoc miraculo ostendit se Christus Dominum esse solis, & cælorum, seque potuisse solo nutu suo totum mundum perdere, lumine ei subtracto; miracula enim quæ circa corpora inferiora fecit quamuis eius diuinitatem ostenderent, ab ipsis tamen alijs causis tribuebantur, mutare verò cursum cœlestium corporum non ita facile alteri tribui potest, præterquam soli Deo. Debit autem hæc mutatio fieri, Domino maximè afflicto, quia tunc præcipuè oportuit diuinitatem Christi per miracula ostendi, quando in eo maximè apparebat infirmitas.

Vnde etiam in natiuitate, quando infantulus fuit, stella insignis apparuit in cælo: In passione verò quando incomparabilis fuit infirmitas, & miseria, non circa stellam miraculum contigit, sed circa clarissimum mundi iubar fieri debuit, denique istud est signum de cælo quod dandum Judæis non fuit, donec Christus sicut Ionas, absorberetur in aquis tribulationum. Designabatur autem hic sol iustitiæ Christus, tenebras afflictionum nostrarum subire, quæ tribus horis durauerunt; quia Christus horis tribus in cruce pependit, tribusque diebus in morte, & sepulchro, permanfit.

Mortuo autem eo redijt Lux, quia labor omnis transierat. Videntur istæ tenebræ tales fuisse quales

les in crepusculo matutino, vel vespertino sunt, quando apparent stellæ. Et omnino videntur Iudæi ad huc blasphemasse Christum in istis tenebris, nihil enim mouebat eos miraculum, tam grāde, & circa horam nonam adhuc eum derisisse: dicentes: Videamus an veniat Helias &c. Nihil enim mouet miracula omnia, nisi Dominus singulari gratia spiritus sui cor nostrū illustrauerit. Porro hora sexta diei vocatur tempus illud quod est inter duodecimam & primam. Vnde Christus pependit in cruce ab hora duodecima vsque ad tertiam viuus. Nox quoque apud Hebræos in quatuor vigilias diuidebatur, quæ vocantur apud Marcum (vespere, media nox, gallicantus, & mane) ita etiam dies in quatuor horas siue stationes apud Iudæos diuidebatur: quarum quælibet complectebatur tres horas vsuales, sicut aduertere possumus ex parabola patris familias operarios conducentis in vineam suam. Matth. 20

Prima statio vocabatur mane seu primum mane, secunda statio tertia hora, eo quod prima hora secundæ stationis vocabatur tertia, propterea quod tertia hora vsualis ipsius diei erat transacta tertia pars diei simili ratione vocabatur sexta quarta pars, nona. Ex quibus patet quo sensu dicat Marcus Christum crucifixum hora tertia, quia videlicet Christus crucifixus est in fine secundæ stationis diei, quæ vocatur hora tertia, ita vt milites iam crucifixionem Christi omnino compleuissent, & Christus iam penderet in cruce, quando sonuit sexta hora diei, siue quando erat duodecima hora. Sic etiam quod dicit Ioannes fuisse horam quasi sextam parasceues, quando Pilatus sedit pro tribunali potest hoc sensu dictum intelligi, quia maior pars secundæ stationis diei iam transierat, & instabat tertia diei pars, seu

statio: quanquam adhuc fortè vna hora vsualis superesset de secūda, vt circa vndecimam sederit pro tribunali. Quod si cui id minimè placeat in Ioanne, quia non solet Ioannes tempus per spatiū triū horarum, sed longè exactius per spatium vnus horæ describere, sicut cap. 1. (hora erat quasi decima) & cap. 4. (heri hora quasi septima) reliquit eum febris &c. examinet an hora sexta parasceues apud Ioannem ponatur, non pro illa hora quæ agitur dū completa est, & sonuit hora sexta, sed pro illa hora, quæ agitur antequam detur signum transactæ sextæ: quæ reuera est sexta hora diei, & apud nos est illa quæ agitur inter vndecimam & duodecimam. Si igitur ad mediū vndecimæ Pilatus sedisset pro tribunali, rectè diceretur sedisse hora quasi sexta.

De mysterio istarum horarum tractat Hieronymus, & Cyprian. *Et circa horam nonam clamauit iesus.* Antequam istud diceret quod sequitur, orauit pro crucifigentibus se, latroni paradysum promisit, Ioanni matrem commendauit: vt ex Ioanne & Luca patet. Atque omnino cōuenienti ordine sic egit, quia pro alijs magis quā pro se fuit sollicitus. *Voce magna*, vt se illum esse ostenderet propter quem sol obscuratus esset. *eli eli lamaſabachtani*, hoc est, *Deus meus, Deus meus*, ut quid dereliquisti me? O Deus quem præ omnibus omnino hominib⁹ singulariter semper colui, & colo, quam ob causam non subuenis mihi in omnibus afflictionibus meis, & improperijs? quare à morte me non liberas? quare sine omni consolatione me derelinquis? aut cur saltem illam mihi non impendis consolationem, quam soles sanctis tuis in tribulatione constitutis impendere? Non istud profert ex impatientia, vel murmure contra Deum. Neque etiam putandum est vlla ratione diuinitatē fuisse à Christo separatam, vel ab anima aut à corpore eius, cū mortuus esset,

Hieromy. in
ca. c. Dani.
Cyp. in fine
tract. de o-
rat. Domi.

set, quia nō fuit ibi alia persona, vel hypostasis quā increata, & æterna, nēpe filius Dei: Sed hæc Christi quærimonia prolata est ex parte sensitivæ, & naturalis voluntatis Christi, quæ consequitur illud iudicium, quo non attenditur causa rei, sed tantummodo consideratur res secundum seipsam: & correspondet illi petitioni quam in initio passionis suæ protulit: Transeat à me calix iste, vt propter quas causas illam petitionem fudit in principio passionis, propter easdem causas ex simili affectu conqueratur se non adiutum in fine passionis, Derelictus est igitur Christus sine auxilio in corpore, & sine cōsolatione in aīa, vt nos digni deserī nō derelinquamur à Deo. Interrogat aut causam magna voce, vt omnibus notum faceret quod in se causa non erat cur sic affligeretur, & à Deo derelingeretur, sed in nobis voluit derelinqui (vt ait Leo) & cōqueri de derelictione magna voce, vt ostendat deinceps tempore noui testamenti, nō expectanda à Deo bona terrena, & visibilia, sed celestia: & hæc caduca contemnenda esse, nec in huiusmodi nostris desiderijs debere exaudiri, sicut etiam pulchrè docet D. Augustinus: atq; in omnibus notum faceret omnia mala, quæ iam contingerant sibi, lōgè ante prædicta esse à propheta: Vnde Ioannes dicit Christum dixisse, Sitio, vt consummaretur scriptura: Ostenditq; hoc clamore suo de nullo alio intelligendum esse Psalmum 21. præterquam de seipso. Quando verò Augustinus dicit Christum hæc dicere in persona Ecclesiæ, Deus, Deus meus &c. non sic intelligendus est quasi neget competere personæ Christi, sed quia Christus non propter se ista passus est, sed propter nos & ne putaremus nos derelictos à Deo, quando temporaliter affligimur. Damascenus intelligit (cur dereliquisti me?) id est, cur habes me odio, & contemnis me:

ser. 17. de
pass. dom.
cap. 16.

1. pist. 110.
c. 5. 4. & 6.

psal. 11.
psal. 68.

Lib. 3. de
orth. fide c.
cap. 24. &
25.

IN MATTHAEI

in cōment.

nis me: nō quasi Deus vnquā odio habuerit Christū, sed quia Christus gerebat personā peccatorum quos Deus odio habet: sicut ipse dicitur pro nobis factus peccator, & in Psalm. allegato vocat peccata sua. Quidā autē illic stantes, nō oēs (inquit Hiero.) sed quidā (quos arbitror milites fuisse Romanos) non intelligētes Hebraici sermonis proprietatē, sed ex eo quod dixit heli, heli, putāt Heliā ab eo inuocatū. Sin autē Iudēos qui hoc dixerūt, intelligere voluerimus, hoc more sibi solito fecerūt, vt Dñm imbecillitatis arguant Helix auxiliū deprecetur. Cēterū si milites hoc dixerūt, hoc sensu dixisse intelligendi sunt: Ideo Heliam inuocat quia se liberandi potestatem nōn habet: vel deridendo hoc pacto: frustra iste Eliam vocat, quia ab eo non iuuabitur.

Et continuo currens unus ex eis etc. Hoc Ioannes dicit factum ad verbum Christi; Sitio: quod Christus statim subiunxit seruans in verbis suis ordinem Psalmorum in quibus istud prædictum erat. *impleuit aceto.* Hieronymus sentire videtur hac ratione milites porrexisse acetum Iesu, vt acceleraretur mors eius, & sic liberarentur à custodiendo Iesu: potus enim aceti accelerat mortem. *ceteri uero dicebant sine uideamus an ueniat helias etc.* Derisorie dictum puta, quasi dicat: Expecta donec veniat Helias, & ipsum liberet. Istud à porrigente acetum & ab alijs dictū est, Marcus enim habet quod qui porrexit acetum dixerit alijs: Sinite, videamus an veniat Helias. Hic insinuat nobis Euangelista qua occasione istud dictum sit, Eliam vocat iste: atque ideo posuit verba Hebraica Heli, Heli, nam si tantū dixisset semel, Deus meus, non aduerteremus similitudinem duarum vocū. Heli, & Helias atque ita nesciremus qua occasione dictū istud esset, Eliā vocat iste. *Iesus autem iterum clamans uoce magna euasit spiritū,* scilicet postquā accepisset acetū, & dixisset:

Con-

Consummatū est. Hanc magnā vocē explicat Luc. his verbis : Pater in manus tuas cōmendo spiritū meū. Ideo autē in morte emisit hanc magnā vocē, vt ostenderet se voluntariē aīam suā ponere, quæ nec violentia clauorū, nec verberū à corpore separata fuerat, imō vsq; ad mortem in suo vigore vitā cōseruauit temporalē. Vide Aug. dicitur etiam Emisit spiritū, vt significetur hic diuinæ potestatis non defuisse cōsortiū: sicut enim dixerat, nemo potest tollere animā meā, sed ego pono illā, ita quando voluit, emisit spiritū. De hac re vide D. Thom. Mortuus est Christus vesperē Paschæ hora nona tanquam verus agnus paschalis: eodē enim tēpore quo in cruce moriebatur occidebāt Iudæi agnum post occasum solis comedendū. mortuus est vesper e, quia ad vesperā peccauerat Adā, mortuus est rece dēte sole, & eo oriēte resurrexit, quia mortu' est propter delicta nostra, & resurrexit propter iustificatiōē nostrā. Et ecce in Christi morte. *s. uelū tēplū scissū est in duas partes, a sūmo usq; deorsū.* Scissum est uelū tēplī, vt manifestaretur, q̄ is q̄ moriebatur esset ille qui in tēplo inuocabatur & colebatur, quiq; in sancto sanctorū adorabatur. In tēplo Hierosoly. 2. erāt vela: vnū pēdebat ante tabernaculū primū, & Exo. 36. & 40. tentoriū nūcupatur: Alterū pēdebat ante sancta sanctorū, eratq; priore illo preciosius, quod simpliciter uelū dicebatur: de quo, teste Cyril. sup. Ioan. hic loquitur Matth. Dicitq; inter cætera Cyril. tēplū Iudæorū cōsuetudine qua audita Dei blasphemia vestes suas scindere solent quodāmodo vsum fuisse cū expirasset Christus, ad Iudæorū impietate declarādā, & lugēdā cæcitatem, quēadmodū sol, terra, petrę cū Dño suo luxerunt. Velū aut̄ istud dicit Ap. Paul. carnē Christi significasse, & S. sanctorū coelū ipsum: sic enī epi. ad Heb. ait: habētes itaq; fratres fiduciā in introitu sanctorū in san-

2 lb. 4. de
trin. c. 13.

3. Parte qu.
50. art. 1. &
sequentib.

Rom. 4.

Heb. 10.

IN MATTHAEI

in sanguine Christi, quā initiauit nobis viam nouam & viuentem per velamen, id est, carnem suā &c. Significabat igitur scissio veli Christi carnem quodammodo ab anima ruptam fuisse, vt sic ipse per mortē suam tanquam primus sacerdos & summus cœlum introiret ad interpellandum pro nobis, vt postea nos per eius carnem pro nobis mortuam tanquam per scissum velum introiremus in cœlum tanquam in sancta sanctorum. Sic Leo ser. 17. de passione Domini. Velum istud etiam significabat sanctorum viam nondum esse apertam, sed clausam, hoc est, occultam adhuc esse gratiā Christi, & obscuris figuris salutis mysteria velari, nondumq; generis humani redemptionem toti mundo effulxisse, scissio verò gratiæ illius reuelationē mysteriorumq; apertionem. Sic Hieronymus in Commentarijs, Cyrillus in Ioannem, & Augustinus de spiritu & litera cap. 15. Significabatur insuper per diuisionem & veli destructionem, vniuersas legis caremonias esse auferendas, vt liquet ex prædicto serm. Leonis: in quo sic ait. A lege ad Euangelium, à synagoga ad Ecclesiam, à multis sacrificijs ad vnā hostiam quæ est Deus, euident est facta translatio, figuras veritas auferebat, & superflui erant nuncij sub præsentia nunciati. Hilaris etiam ad Iudæos veli significationem refert, & ait: Ideo velum scinditur, quia exinde populus diuisus est in partes, & veli honor cum custodia angeli protegentis aufertur. Hieronymus admonet in lectione Hebraica legi superliminare, id est, frontispitium templi quod infinitæ erat magnitudinis, in morte Domini fractum, atque diuisum fuisse. *Et terra mota est*, non solum in Iudæa, sed & alibi, vt testatur Phlegon. *Et petra scissæ sunt*, id est, ipsa rupes Golgoltana, vt ait Lucian. *Et monumenta aperta sunt* ex terræ motu. Significatur secundum literam

sc. n. 17.

in cōment.

teram quod qui mortuus erat, Dominus esset terrarum, petrarum, templi, solis, viuorum, & mortuorum domitorq; inferni: cui hæc omnia quadam ratione compatiiebantur. Hieronymus ait mysticè terræ motum & reliqua, credentium typum gessisse, qui relictis pristinis errorum vitijs cordisque duritie emollita ad Deum confugerunt, & creatorem receperunt. *Et multa corpora sanctorum*, id est, bonorum *qui dormierant*, id est, pridem mortui fuerant, *surrexerunt* ad vitam redierunt. *Et exeuntes de monumentis post resurrectionem eius, uenerunt in sanctam ciuitatem*, id est Hierusalem. Huius partis sensus duplex esse potest. Primo namque hoc modo intelligere possumus quod sancti isti mortui reuixerint, & de sepulchris suis exierint post Christi resurrectionem, quanquam prius ipso sepulchra patuerint: atque ita (post resurrectionem) coniungatur cum (Exeuntes:) Secundò possumus coniungere istud, post resurrectionem, cum verbo, uenerunt & sensus erit iste: Surrexerunt quidem in morte Christi, sed non uenerunt in Hierusalem sese manifestaturi nisi post resurrectionem eius. *Et apparuerunt multis non omnibus*, inquit Hieronymus, sed

in cōment.

in cōment.

Quod probabilius dictum uidetur. *Centurio autē & qui cum eo erant, custodientes Iesum, uiso terræ motu.*

que

IN MATTHAEI

1047.11.

cap. 8.

quæ stebant timuerunt ualde. Agnoscentes in Christum magnum commissum esse scelus: dicentes: uere filius Dei erat iste, id est (Luca teste) uerus & sanctus. Hic impletur scriptura: Si exaltatus fuero à terra omnia traham ad meipsum: traxit enim Centurionē & socios eius ad timorem, & agnitionem iustitiæ suæ, quanquam ad eam cognitionem non peruenerint ut eum Dei filium naturalem agnoscerēt: traxit præterea latronē, eosq; qui pectora sua feriebāt. Centurio cū socijs suis typum gentiliū refert, qui Christū passum & crucifixū à Iudæis libera voce unicū Dei filiū confitentur. *erant autem ibi mulieres multæ a longe quæ sequutæ erant Iesum a Galilæa ministrantes ei.* De facultatibus suis necessaria uitæ, de quibus Lucas habet quod à Christo fuerūt curatæ, ubi nominat Ioannam vxorē Chusæ procuratoris Herodis & Susannā Iudaicæ, inquit Hieron. nam cōsuetudinis fuit nec ducebatur in culpa more gētis antiquæ, ut mulieres de sua substantia victum atque vestitū præceptoribus ministrarent, hoc quia scandalū facere poterat in nationibus Paulus se abiecisse memorat. *Inter quas Maria Magdalene soror Marthæ, ac Lazari. Et Maria Iacobi minoris. Et Ioseph mater quæ erat soror virginis matris Christi, quā Ioannes nominat Mariā Cleophe quoniā fuit Cleophae filia. Et mater filiorū zebedei.* Ioannis scilicet, & Iacobi. Ioannes legit, quod stabant iuxta crucem Christi, hic autē Euangelista refert quod erat à longè quos hoc modo cōciliat Augu. Stabant à longè (inquit) respectu turbæ cōprimētis, & propè, quia non ita remotè stabant quin poterāt uerba Christi audire vel primo stabant propinquius, deinde paululum recesserunt, & stabant remotius.

cum autem sero factum esset, id est, cū iam adueniret uespera, & sol ferè occideret uenit quidā homo merito mortis Christi tractus, sicut & Nicodemus, ad conf-

confitendum publicè quod prius tantum occultè audebat. *Diues*, non hoc dixit Euangelista, si voluerit iactare Christum quod diuitem discipulum ac nobilem habuisset, sed vt ostēderet eum potuisse facile impetrare corpus Christi à Pilato, quòd diuitibus ac nobilibus rarò aliquid negetur. Videtur hic Ioseph fuisse de consilio Iudeorū etiā si in istud scel' nō cōsenserit: quod patet ex Luc. *Ab Arimathæa* Ciuitas hæc in lib. Regū vocatur Ramatha: *Qui est ipse discipulus*, scilicet occultus (vt ait Ioannes) propter metum Iudæorū. *erat Iesu*. hic accessit *etc.* Marcus dicit audacter introiuit: magna enim erat audacia corpus omnibus magnatibus odiosum petere ad honorificam sepulturam ei-exhibendam à præside, qui eum crucifixerat. Ex quo etiam patet quod non occultè, sed apertè ad Pilatum introiuerit quamuis Ambros. sic venit intelligi Ioannem, vt dicat ipsum Ioseph occultè rogasse Pilatum.

*I. Reg. 12.
et 7.
Cap. 19.*

Et petiit corpus Iesu, scilicet singulariter sibi donari alioqui eum fuisset proiectum cū alijs corporibus reorum aut cum corporibus latronum sub cruce suffosum. *Tunc Pilatus*, scilicet quando à Centurione accepit mortuum esse Christum, quod ideo cognoscere voluit (quia crucifixi diu viuebant, nolebat autem ipsum viuum deponi, ne sententia non sortiretur effectum) *iussit reddi corpus* mandauit militibus, vt non tenerent amplius corpus in sua potestate, sed permitterent ipsi Ioseph auferre, quo vellet. *Et accepto corpore*, Iesu de cruce deposito. Probabile est Ioseph etiam manus adhibuisse ad deponendum & recipiendum Christi corpus ex patibulo, sicut ipse in propria persona præsens fuit, & proprium sepulchrū dedit ei: Et (sicut Nicodemus) in propria persona venit afferens aromata, & vnguentapretiosa.

Ioseph inuoluit illud prius tamen lotum cētū libris myrrhæ

IN MATTHAEI

myrrha, & aloes, quā obtulerat Nicodemus. in
syndone munda, id est, puro linteo, quod ad hoc mer-
 catus fuerat ipse Ioseph. Non affuit autem vnica
 syndon, sed plures (vt ex Ioanne & Luca patet) fuit
 enim & super caput Christi positum sudarium, ita
 vt sepultus fuerit sicut diuites & honorati Iudæi,
 quanquam non ita sumptuosè: diuitum enim am-
 bitionem vitandam docere voluit, qui ne in tu-
 mulis quidem carere possunt diuitijs. Pro syndo-
 nis mystica significatione, vide Commentarium
 Hieronymi. Videntur festinaſſe admodum in se-
 peliando Christo, quia imminebat solis occasus
 post quem non licebat operari, quod sabbatum es-
 set, & Paschæ festum: vnde dicit Ioannes quod in
 monumēto propinquo posuerūt Iesum propter pa-
 rasceuen Iudæorum, quasi videlicet alio transla-
 turi fuissent si tempus procul ferendi nō defuisset.

Et posuit illud in monumento suo nouo, recenter exciso,
 in quo nunquam aliquis fuerat positus, quod pro
 corpore suo cōstruxerat: moris enim fuit apud di-
 uites Iudæos, vt sibi pararent sepulchrum, seu cer-
 tum locum sepulchri sibi deligerent, sicut in patri-
 archis patet & apud Esaïam, vbi ad Sobnam præ-
 positum templi à Domino dici iubetur: Quid tu
 hic aut quid hic: quia excidisti tibi hic sepulchrum
 excidisti in excelso memoriale diligenter in petra
 tabernaculum tibi &c.

Hæc diligentia in eis erat ad cōmendandam fi-
 dem resurrectionis, vnde etiam nunc sepultura li-
 bera est apud Christianos. *quod exciderat in petra*, id
 est, in rupe, sic vt vnus tantum esset lapis, commo-
 dè ad sepulchrum excauatus. Quomodo verò fue-
 rit excisum sepulchrum Christi in petra, pulchrè
 habet Beda in hystoria gentis anglorum. *Et aduol-
 uit saxum magnum*, per ministros multos, *ad ostium
 monumenti*, id est, introitum, *Et abiit*, Saxum magnū
 inquit

cap. 11.

lib. 5. c. 17

inquit Hieronymus ostio appositū ostendit absq; in cōment.
 auxilio plurimorū sepulchrū non potuisse referari.
 Quare autem Christus sit sepultus, cur etiam tali,
 & tali sepulchro pulchrè declarat Thomas. Præter 3. p. arte qu.
 rationes autem quas assignat cur in monumento § 1. ar. 1. c. 2.
 nouo exciso in petra sit reconditus. Est & alia, vt
 videlicet sepulchrum Christi esset immobile, & in
 perpetuum testimonium mortis, & resurrectionis
 eius. Hinc etiam patet magna eius virtus quia tot
 sæculis sepulchrum suum inter suos hostes seruat
 gloriosum. *erat autem ibi maria magdalene, & altera*
maria scilicet iacobi, & ioseph mater. Dicit altera,
 quia duæ tantum erant hoc nomine (Maria) com-
 munitè appellatæ, nam mater Christi ferè appella-
 batur mater Iesu. *sedentes contra sepulchrum, id est, ex*
 opposito monumenti interea temporis, quo cor-
 pus sepeliebatur non enim poterant commodè si-
 mul ingredi cum viris dum sepeliretur Christus:
 sed postquam sepultus est, & egressi sunt viri intra-
 uerunt mulieres, videruntq; monumentum in-
 tus, & quomodo positum esset corpus Iesu, sicut
 habet Lucas: & postea aduolutus est lapis magnus
 statimq; reuersæ mulieres in Hierusalem paraue-
 runt aromata, & vnguenta. Tres Euangelistæ prio-
 res non fecerunt mentionem matris Domini,
 quia istas mulieres ad hoc tantum introducunt, vt
 melius intelligatur historia resurrectionis Christi
 vnde Matthæus hic non nisi duas ponit, quia iu-
 dicauit satis esse illas ponere, quæ præcipuæ fuerūt
 pro testimonio resurrectionis: sub illis utiq; in-
 telligens, & alias. Cū igitur mater Christi non
 venerit ad vngendum Christum nō fecerunt eius
 mentionem. Ioannes autem qui voluit ostende-
 re se ex latere Christi fluxisse sanguinem & aquam
 vidisse, & qua ratione habuerit curam matris
 Iesu, nominatim se & matrem Iesu introducit in

IN MATTHAEI

passione altera autem die, quæ est post parasceuem, hoc est ipso vespere passionis post solis occasum: quæ vocatur altera dies non artificialis sed naturalis, nam dies naturalis à Iudæis inchoatur post solis occasum. Vtque hoc significaret Euangelista non dixit simpliciter (altera die) nam hoc potuisset etiam intelligi de die artificiali, sed adiecit (quæ est post parasceuem, hoc est illa parte sequētis diei quæ immediate sequitur parasceue, alioqui superflue additur hæc particula quæ est post parasceue: Cui enim potest esse dubiū quin altera dies sequatur parasceue. Vnde Marc. sic legit: Et cum iā fero esset factum (quæ erat parasceue quod est ante sabbatum) venit Ioseph ab Arimathæa, nobilis decurio quia & ipse erat expectans regnum Dei, quia agebatur extrema pars parascheues quæ immediate præcedit sabbatum: nā nisi sic intelligatur frustra videbuntur principes sacerdotum & Pharisæi dicere ad Pilatum. Iube custodiri sepulchrum vsque in diem tertium cum sufficeret custodire vsque in secundum, si sabbato die venissent ad Pilatū. Deinde nō debuissent cōmisisse illud mendaciū de quo in sequenti capite habetur, sed lōgè probabilius finxissent quod antè aduentū custodum, prima nocte corpus Iesu fuisset è monumēto sublatū à discipulis. Parasceue (quæ latinis est præparatio) apud Iudæos dicebatur omnis feria 6. quæ ideo sic appellabatur quia tūc præparabāt cibos pro sabbato sequēti in quo non licebat quicquā præparare. Rectè autē Christus passus est feria 6. quia primus homo 6. die cōditus eodē die per passionē Christi ad primæ cōditionis honorē est restitutus, deinde quia per passionē Christi præparat' est nobis cœlestis cib' & verū illud māna per quod saluabimur in seculo æternæ quietis, quā hic meritō passionis Christi inchoamus à vitij abstinētes & quiescentes.

CON.

Exod. 16.

conuenerunt principes sacerdotū, & pharisæi ad Pilatum. Hieronymus: Nō suffecerat principibus sacerdotū scribis ac pharisæis crucifixisse Dominū saluatōrē nisi sepulchrū custodirēt, cohortem acciperent, signarent lapidē & quantū in illis est manū opponerēt resurgēti, vt diligētia eorū nostræ fidei prodesset: quātō enim amplius, & actiūs seruatur, tāto maior virtus resurgētis ostenditur. Domine recordati sumus. Benè intellexerūt verba quę Christus antē resurrectionē portulit quæ Mattheus & Ioannes referunt quamuis vt eum possent occidere ea peruerterint, atque in peiorem partē interpretati sint: exagitabatur autem nunc à propria cōscientia quę dictabat eis istū esse Mesiam, terrebatur signis quę facta erant, in morte eius vehementer metuebant ne verum esset Christi verbū quod de sua resurrectione prædixerat, & cupiebāt omnino, etiā si verū esset, à populo nō credi: *quia seductor ille etc.* Ipsi qui dem hoc dicunt ad Christi infamiā nō dignantes eum vel proprio nomine appellare sed quasi omnibus notū seductorē illū vocāt. At spiritus sanctus loquebatur per os illorū, Christus enim est seductor hominū nā seducit & abducit à sceleribus ad virtutes, à peccatis ad gratiā, à terrenis ad cœlestia à miseria ad fœlicitatē, à morte ad vitā: sicut dicit ei Ieremias, Seduxisti me dñe & seductus sum: fortior me fuisti, & inualuisti. *Post tres dies resurgā die tertio, tūc ergo custodiri sepulchrum usque in diē tertiū.* q. dicat. Non dubitamus quin falsum sit quod se resurrectorum die tertia dixit, sed metuiamus, ne forte ueniant discipuli eius, ne ad gloriā magistri sui contentur docere vera eius esse verba quæ prædixit, atque ita plebeculā decipiāt corpus eius auferētes, *Et dicant plebs surrexit a mortuis: & erit nouissimus error peior priore,* quia multo magis adhærebit ei plebs si credat eū resurrexisse à mortuis quā ynquā adhæsit

in cōment.

Matth. 22

Ioan. 2

Cap. 10.

IN MATTHAEI

& ita melius fuisset ipsum non fuisse crucifixum. Nescientes prophetant, longe enim latior fuit fides post Christi resurrectionem quam Christo viuente, longè plures & longè feruentius adhæserunt Christo. Error etiam Iudæorum quo credere noluerunt, toto mundo credente longè deterior fuit, quam antea dum adhuc humilis appareret: longè etiam magis contabuerunt inuidia Iudæi ex gloria quam consequutus est Christus post Pentecosten, quam ob eam quam habuerat in vita. *Ait illis Pilatus habetis custodiam, ite custodite sicut scitis.* Cōcedo vobis ipsam turmam custodum. Custodia vocabatur certi quidam milites ad ciuitatem, vel locum alium deputati. Et videtur hoc derisorie dictum à Pilato, vel quia pro ridiculo habebat ipse resurrectionem mortuorum, vel si fortè ex resurrectione Lazari, & similibus æstimabat esse resurrectionem mortuorum, deridendo dixit eis: Custodite sicut potestis, quasi dicat, Vanus est vester conatus: si resurgere possit, vestram non curabit custodiam. *illi autem abeuntes munierunt sepulchrum signantes lapidē, apponentes sigillum Pilati, ne quis auderet referare sepulchrum, cum custodibus.* Potest istud coniungi, vel cum (munierunt) vt sit sensus munierunt sepulchrum sigillo principis, & apposita custodia militum, vel cum Signantes vt sit sensus: Ipsi sigillauerunt sepulchrū per ipsos custodes ita vt quādo milites ex parte Pilati apposuerunt sigillum ipsi sacerdotes simul affuerunt, adducentes custodes ipsos non solū vt custodirent sepulchrū, sed vt ipsis videntibus sigillum apponerent: quod Deus ita direxit, ne fortè si soli custodes sigillassent sepulchrum sacerdotibus non præsentibus dicerent Iudæi custodes ante sigillationem sepulchri fuisse corruptos & corpus Christi extraxisse, ac discipulis vendidisse.

IN CAP.

Vespere autem sabbati, quæ luceſcit in prima ſabbati. Duplex eſt hic interpretatio ſecūdū duo diuerſa opera quæ fecerunt iſtæ mulieres diuerſis temporibus. Nam veſperè ſabbati, id eſt, dū ſabbatum tranſiſſet poſt occaſum ſolis emerunt aromata, vt venientes vngerent Ieſum, ſicut ait Marcus, & valde mane videlicet diei Dominicæ venerunt cum aromatibus ad monumentum orto iam ſole. Quidam igitur referunt iſtud ad præparationem mulierum ſabbato poſt ſolis occaſum factam, atque hoc pacto iſtud intelligunt, veſpere ſabbati quæ luceſcit in prima ſabbati, id eſt, veſpera illa ſabbati quādo incipiebat lux ſiue dies naturalis vigintiquatuor horarum. Incipiebat autem dies apud Iudæos à veſpera & durabat vſq; ad ſequentis diei veſperā. Hac de re eruditè tractat Aug. Dicitur autem prima ſabbati quia prima ſeptimana, ſicut & apud Lucam: Ieiunabis in ſabbato, id eſt, in ſeptimana: non enim poteſt quis, vno & eodem die (propriè loquendo) bis ieiunare. Vocabāt autem Iudæi dies hebdomadę à ſabbato tanquam principaliori die, ita vt dies immediatè ſequens ſabbatum, diceretur prima ſabbati: ſecunda, ſequēs ſecunda ſabbati, atq; ita deinceps. Sic Chriſtiani quando eis ſemper feriandum ſiue ceſſandum eſt à peccatis, nominibus feriarum dies ſuos appellāt. Sic & gentiles appellationibus planetarum atque deorum ſuorum (vt eorum memoriam ſemper habeant) dies ſuos appellant. Alij referunt ad matutinum aduentum mulierum ad ſepulchrum, & veſperam pro nocte poni autumant ſicuti hic ponitur. factum eſt veſpere, & mane dies vnus, Genes. 1. & tunc iſte ſenſus habetur: Veſpere ſabbati, id eſt,

Lib. 4. de
conſen. euā.
cap. 23.
cap. 18

IN MATTHAEI

nocte sabbati, extrema videlicet noctis parte quando nox terminabatur & dies auspicabatur. *venit Maria Magdalena & altera Maria.* Conuenerunt istae mulieres inter se tractantes quomodo uisitarent sequenti diluculo sepulchrum. Secundum priorum intellectum, illud quod sequitur (& ecce terrae motus &c.) coniungitur à Matthæo quasi eodem tempore praescripto esset factum cum tamen mane factum sit dum mulieres irent ad monumētum. Quod mirum videri non debet, Cōstat enim Euangelistas in historia resurrectionis, quaedam coniungere quasi eodem tempore facta essent, cum tamen diuersis temporibus contigerint sicut manifestum euadit ex Luca ubi sic describitur apparitio facta in die Paschæ, & apparitio in die ascensionis, quasi eodem die contigissent. Idem faciunt tres priores Euangelistae in describendo itinere mulierum ad sepulchrum, ita loquentes nimirum quasi mulieres solum semel iuerint ad sepulchrum cum tamen ex Ioanne constet Magdalenam bis apud sepulchrum fuisse.

Et ecce terrae motus factus est magnus, sicuti in passione ad compatiendum quodam modo auctori suo mota est terra, ita resurgente Christo praelæticia subsiliit. Fuit autem terrae motus iste magnus, ut supra modum admirabile, & magnum aliquid tunc fieri intelligerent homines, & fideles confirmarentur in fide agnoscentes tunc Christum resurrexisse quando terra mouebatur. Mystice isto terrae motu designatur corda hominum terrena mutanda esse resurrectione Christi, quod etiam supra modum est admirabile, sicut ipsa Christi resurrectio. *Angelus enim Domini descendit de caelo.* Causa efficiens huius terrae motus fuit Angelus Domini, obedit enim moles corporalis quantum ad motum localem spectat, ipsis Angelis ad nutum teste Thoma. An vero hic angelus vnicus mouerit lapidem

lapidem an plures non constat, tamen sicut in Dominica natiuitate vnus Angelus à pastoribus visus est, maxima vero multitudo audita est laudare Deum, ita maximè videtur Christo resurgenti exercitus Angelorum occurrissè. Descendit de cœlo visibiliter & primo vt apparet visus est à longè &, ab alto descendere ab ipsis custodibus, sicut Daniel vidit Gabrielè à longè ad se volatè: nō autè propterea descendit quia nullus in sepulchro corpori Christi aderat nuquā enim destitutum fuit caterua Angelorum custodiētum, & adorātium dominū.

*Hom. 1. inter
et actuales
de temp.*

Et accedēs. Nuntij primi, mysterij salutis humanæ fuerunt Angeli, nō homines, quia corrupti & lapsi erāt ac gratia Dei ad illustrationē & vitæ emedationē egebāt ipsiq; erāt, cōtra quos iratus erat Deus. *Reuoluit lapidē* Beda; nō ei egressuro dño ianuā pādat, verū vt egressus eius iā facti hominibus prætet indicium: qui enī mortalis clauso virginis vtero potuit nascēdo ingredi mundū ipse factus immortalis clauso sepulchro potuit resurgendo exire de mundo, sicut etiam eodem die clausis ianuis intrauit ad Discipulos: Hæc Beda. *Et sedebat super eum,* nō tanquam lassus, sed tāquam doctōr & magister annuntiaturus hominibus nouum vitæ immortalis gaudium. Sedebat ad terrorem custodum imperterritus defensor sepulchri Christi contra omnes violatores: potuissent enim ex inolita malitia alium fortè mortuum inferre in sepulchrum, vt mentirentur Christum non resurrexisse. Sessio significat Christum superata morte iam esse in sede quietis æternæ vbi stabiliter sine metu ruinæ regnat. *Erat autem aspectus eius si ut fulgur* ad terrorem impiorum custodum, *Et uestimentū eius sicut nix,* ad blandiendum mulieribus, & mulcendum affectum earum in vestitu suo, & aspectu significat gloriam suæ resurrectionis in qua

apparbit supra modum terribilis impijs, blandissimus autem pijs, & iustis. *Præ timore autem eius exterriti sunt custodes, & facti sunt sicut mortui.* Merito facti sunt velut mortui qui resurrectionis veritatem noluerunt credere, & qui in mortis impietate manserunt. *Respondens autem angelus.* Olim diabolus primo loquutus est mulieri, quâdo mors ingressa est mundum, nunc verò sanctus Angelus redeunte vita immortali, mortem expulsa, primum mulieres alloquitur. *Nolite timere vos, q. d. timeât illi custodes qui infideles permanēt, & ad obscurandâ gloriam saluatoris huc venerunt, vos autē quæ studio pietatis quæritis corpus Christi ne terreamini, sed absque timore accipite letum nuntium. scio enim quod resum qui crucifixus est, qui eritis, non est hic.* Non est in monumento secundum corporalem præsentiam. Non erubescit Angelus crucem saluatoris, sed quasi à præcipua gloria ipsum describit à cruce, sciēs quod Christus per crucem ad gloriam resurrectionis peruenerit, quâquam omnis gloria hominum quorum se sciebat agere ministrum debeat esse in cruce, si resurrectionis Christi voluerint esse participes. *surrexit enim,* redijt ad vitam nunquam moriturus. *sicut dixit, q. d. Recordamini verborū eius quibus prædixit se crucifigēdū, & die tertia resurrecturum, & si verbis meis non creditis, credite verbis ipsius quod latius explicuit Luc: Recorda, &c.*

cap. 14. *venite & uidete locum ubi positus erat dominus, hoc est, penitus locū sepulchri introspicite qui vacuus est: attendite quomodo linteamina, & sudarium quibus Christus inuolutus fuit iaceāt seorsim, & agnoscite corpus mortuum non esse à quoquam ablatum: non enim Christi sepulchrum ubi positus erat Dominus violari permisisset angelus. Melius dixit, ubi positus erat Dominus quasi dixisset, ubi positum erat corpus Domini, eadem enim semper*

per persona erat quæ corpus viuum ante mortem, & corpus mortuum in sepulchro habebat, quia idē filius Dei. Porro in oībus alijs magis propriē corpus reperiri dicitur, vt puta Petri, vel Pauli, quam Petrus vel Paulus. *Et cito euntes dicite discipulis eius* non solū vndecim verumetiā cæteris. Latissimū nuncium à discipulis supra modum dilectis abscondi minimè potuit. Huius etiam mulieres nunciæ factæ sunt, vt per eundem sexum duceretur vir ad salutem, per quem deductus fuit in peccatum: & vt scirent mulieres non obesse sibi sexum, sed si viris feruentiores fuerint accepturas esse mercedē ampliorem. *Et ecce præcedit vos in Galilæam.* Priusquam vos ex Hierusalem domum perueneritis se viuum vobis ostendet. *Ibi eum videbitis* non prius mulieribus & Apostolis ipso die Paschæ apparuit.

Cæterum apparitiones factæ in Ierusalem clam & rarò factæ sunt & coram paucis sed in Galilæa Dominus familiariter sæpe pluribus discipulis in multis argumentis apparuit, idēq; apparitiones in Galilæa factas & ipse Dominus in passione, & post resurrectionem ipse angelus singulariter prædixerunt. Maximè verò in Galilæa apparere voluit, vt se illum eundem esse ostenderet qui in Galilæa versatus fuerat, & quia plerique discipuli erant Galilæi habitantes in Galilæa, ac maximi discipulorum persequutores in Ierusalem habitarent, vt absq; eorum incommodo cum ipsis versaretur. deniq; vt absq; timore Iudæorum eum libere conspicerent, & resurrexisse agnoscerent. *Et ecce prædixi vobis.* Tria noua dixit Angelus, primum quod resurrexerat, secundum quod conspiciendū se in Galilæa daret, tertium quod ipsemet Angelus hoc dixerat: ecce prædixi vobis. quasi dicat non parui faciatis nuntium meum: ego enim cœlestis Spiritus Angelus Domini ad hoc vobis deferendum

Luc. I.

dū missus sum. Sicut enim Gabriel dignitatē suam Zachariæ nolēti credere declarauit, ita istis mulieribus quę nō statim crediderūt declarat Angelus dignitatē suā. Sciuisse verò mulieres esse Angelū dñi ex narratiōe Cleophę apud Lu. patet. Marc^{us} hoc modo legit (Sicut dixit vobis) vtrūq; enim Angelus & Christū dixisse, & se dicere pronunciauit, vt cōfirmaret mulieres in fide. Mysticē explicat Au. quō Christus discipulos suos p̄cessit in Galilæā, ibiq; visus fuerit ab eis. Cur verò nō surrexit vidētibus discipulis tractat Tho. Ex Ioā. manifestū est, q̄ M. Mag. bis ad monumētum iuerit, atq; postea duos angelos in monumēto sedētes viderit: Quō aut cū hac narratione Ioānis cōsonēt reliqui Euāgelistę, quō etiā inter se cōsentiāt de angelica apparitiōe de quo etiā itinere mulierū loquātur, primo an secūdo difficultas est: tñ quid nobis probabilius videtur paucis dicamus. In primo igitur itinere viderūt mulieres angelū sedentē supra lapidē extra sepulchrū nā inuitauit eas ad intrādū sepulchrū, et fulgurātē facie terruit custodes, q̄ extra sepulchrū errāt, audierūtq; illi verba eius ad mulieres facta, quēadmodū liquet ex narratiōe custodū. Huius igitur angeli voce inuitatē mulieres ad intrādū monumētū, introierūt, & corp^{us} dñi minimē reppererūt, quare plurimū cōsternatę fuēre: Factum est aut dū cōsternatę esēt quod inuenē viderūt, sedētē à dextris corporis Iesu qui cū angelo altero sibi sociato surrexit vt eas alloqueretur, manuq; eis linteamina & sudariū demōstrauit. Atq; hic ferē eadē cū priore locutus est. Verūtāmē angelis nō credidit Magdalena, nō obstāte quod verborum Christi, quibus se resurrecturum p̄dixerat recordaretur, quēadmodum ex Ioan. liquet vbi ipsa discipulis refert corpus Iesu esse ablatū. Nec mirū videri debet quod angelus fidē nō adhibuerit cū ipse Zacha. sacerdos in re multo mi-

nore

Lib. 3. de
consen. euā.
cap. ult.
3. Parte qu.
5. ar. 1.

nore angelo nō crediderit, nec Sara angelo cōceptū Luc. I.
 Isaac annūciāti: imò nec ipsi Apost. Christo primū
 viso eū resurrexisse vix crediderūt. Porro regressæ
 mulieres 11. Apost. verba angelorū retulerunt, q̄q̄
 sepulchrū vacuū inuenissent. Quo audito, Petr⁹ &
 Ioan. cū mulieribus ad monumētū accurrerūt: atq;
 nō reperto corpore domū redierūt Apostoli. Maria
 Magda. rursus in monumētū cōspiciēs vidit duos Ioan. 20
 in monumēto sedētes. Quod aut in primo itinere,
 seu primo ad monumētū accessu mulieres angelū
 viderint ex narratione Cleophę apud Luc. clarum
 est: ait mulieres dixisse, se vidisse angelos, atq; ad ea
 rū nūciū Apostolos cucurrisse ad monumētū. De-
 inde si primo angelos nō vidissent mulieres Apo-
 stoli per nūciū angelicū ad Christi nūciū recipiē-
 dū p̄parati nequaquā fuissent, nā per mulieres vtrūq;
 nūciū, Dñi videlicet & angelorū simul accepissent.
 Præterea custodes post primū mulierē accessū, seu
 post primū nūciū angelorū audita voce angeli re-
 cesserūt: Apost. aut nullatenus ad monumentū ve-
 nire ausi fuissent, si custodes ibi adhuc delituis-
 sent, simulatū enim esse custodū timorē metuis-
 sent. *Et exierūt cito de monumēto.* De primo itinere loquitur hic
 Math. c. *ū timore.* s. ne fortè falsum foret angelicū nū-
 ciū. Ex Ioan. enim cōstat Magdalenā nō credidisse
 oībus angelis donec Dñm vidisset, vnde dicebat
 dño sibi apparēti in forma hortulanij: Dñe si sustu-
 listi eū dicito mihi vbi posuisti eū. *Et gaudio magno*
de nūtio angeli. Et fortè Maria Iacobi, fidelior fuit,
 quā Maria Mag. & sicuti gaudiū fidei maius in ea
 fuit, sic timor infidelitatis in Maria Mag. quę post
 oē nuntiū angelicū adhuc flebat ablatū esse corpus
 Dñi. *curretes nūciare discipulis eius.* s. ea quę audiuerāt
 ab angelo, & quę viderāt. *Et ecce Iesus occurrit illis* nō
 quidē in hoc itinere cū cucurrerūt ad Apost. sed cū
 rediissent ad sepulchrū cū Apost. & cū abeūtib; ijs
 aliquan-

IN MATTHAEI

aliquamdiu mansissent iuxta sepulchrum etiā reuerterentur: sicuti constat ex Ioanne: Occurrit autem illis Iesus vt iam secundo nō angeli nuntium, sed suum deferrent ad Apostolos. Ideo autem angelicum nuntium præcessit vt non omnino insperata esset Christi apparitio, sed præparati essent per illud & Apostoli, & mulieres ad videndū Dominum. *Dicens: A uete*, quod est verbum consolatoriū, & amicabile. *Ille autem acceperunt*, sumpta audacia, & fiducia, non sunt amplius territæ, sed appropinquauerunt ad Christum. *Nolite timere*. Hieronymus. Et in veteri & in nouo testamēto hoc semper obseruandū est, quod quando aliqua angustior apparuerit visio, primum timor pellatur, vt sic mente pacata, quæ dicuntur possint audiri. Rarius tamen in veteri testamento dicitur noli timere, frequentius verò in nouo.

In cōment.

Ite, nunciate fratribus meis, ut eāt in cālis, & ibi me videbūt. Nūc eos vocat fratres, quia per passionē, & resurrectionem suā eos patri suo cœlesti adoptauit in filios; quos sibi cohæredes fecit, cum omnia peccata eorum per passionem abstulit, & per resurrectionem ad nouam vitam reformauit. Ante mortem quidem occasione quadam sumpta vocauit eos fratres sed regulariter discipulos appellabat: nunc verò mutat illud familiare nomen & fratres suos vocat: Sicut Psalmista prædixerat in persona Christi. Narrabo nomen tuum fratribus meis quod non solum de Apostolis vñdecim, sed de omnibus omnino christianis intelligi debet. Doctorum pleriq; (inter quos est Augustinus) putant Hanc apparitionem diuersam esse ab ea quam recensent Marcus & Ioannes, ac posteriorem esse à Matthæo positā, priorem autem soli Magdalenzæ esse factam, At in hoc posteriore dissentit Augustinus, putat enim hanc non soli Magdalenzæ sed pluri-

psal. 22.

pluribus esse factam. Posset fortasse quibusdam vna & eadem videri apparitio cuius meminerant Matthæus & Ioannes. Quamuis enim dicat Ioannes, Conuersa est retrorsum, & vidit Iesum stantem &c. quod de Maria stante & de Iesu non occurrente sed stante intelligi videtur, potest tamen intelligi de ea cōuersione qua se conuertebat & abire iam incipiebat. Simili modo quando Christus sedisse dicitur de illa statione intelligi potest qua stetit ad salutandum mulieres postquam eis occurrisset. Sed parum refert eadem ne sit an diuersa apparitio quam describit Matthæus. Quare saluo iudicio melius sentientium ponam concordiam Ioannis & Matthæi. Tangere igitur siue tenere in scripturis propter notā significationē etiam significat ad hoc tangere vt aliquid accipiat siue impetretur ab eo qui tenetur vel tangitur: Quemadmodum Iacob luctans cum Angelo in persona Christi apparente, eum tenuit vt benedictionem obtineret: Ait enim, Non dimittam te nisi benedixeris mihi. Sic & Sunamitis 4. Regum 4. in monte Carmeli apprehēdit pedes Helizæ, nec dimisit donec petitionē suam obtinuit. Vnde etiam in Canticis cap. 3. dicit spōsa tenui eam nec dimittam. Et Luc. 8. dicit Christus tetigit me aliquis, id est, apprehendit me aliquis ad aliquid à me impetrandum. In eadem significatione dicit Esaias propheta: Non est qui inuocet nomen tuum, qui cōsurgat & teneat te: vbi tenere Deum nihil aliud significat quam cōstanter eum inuocare. Quia igitur mulieres istæ audierunt Christum dicentem: Venite ad me omnes qui laboratis, & onerati estis & ego reficiam vos: Et: Si quis sitit veniat ad me & bibat. Et qui credit in me, sicut dicit scriptura, flumina de ventre eius fluent aquæ viuæ. Item à Ioanne baptista: Ipse vos baptizabit spiritu sancto & igne.

Genes. 33

cap. 34

Matth. 11

Ioan. 7.

& igni. Et ipse satis clarè dixerat se non *missurum* spiritum sanctum nisi mortuus esset & resurrexisset. Et Luc. 12. Ignem veni mittere in terrā, & quid volo nisi vt accendatur & ardeat. Hoc est spiritū meū volo effundere, sed prius debeo gustare mortem. Et verisimiliter frequentius promiserat spiritum sanctum. Quia, inquam, hæc audierant mulieres, & Christum resurrexisse sciebant, memoresq; erāt promissionum Domini post resurrectionem implendarum: quodq; ad pedes Domini consolationem sæpius acceperant præsertim Magdalena, statim prociderunt, & apprehenderunt pedes eius, eosq; tenuerunt quasi ipso facto dimittere nolentes vel etiam verbis dicentes: Domine promittere solebas ante mortem tuam, quod post resurrectionē magna dōna acciperemus, nunc igitur nisi promissa impleueris te nō dimittemus. Porro Christus ad pium cōtactum mulierū, & petitionē Magdalene, & in ea cæteris respōdit: Noli me tãgere, id est, noli tenere pedes meos ad hoc vt promissa facta obtineas, nōdum enim tēpus ea implendi aduenit, licet enim resurrexerim nōdum tñ ascēdi ad patrem meum: sicura sis, & vade ad fratres meos, referesq; lætissimum nuncium resurrectionis meæ, & ascensionis cōplendę: propediē enim ad patrē meum ascendam & patris promissum, de quo toties locutus sum tibi, & fratribus meis mittam. Nec de hoc dubitatis quoniā pater meus per passionē meā vobis nunc est reconciliatus & amicus factus, & ita Deus vester sicut Deus meus, & pater vester sicut meus. Nō igitur prohibet Christus simplicē tactū sed tantummodo admonet nōdū tēpus adesse donādi spiritum sanct. atq; proinde nō ita vrgendum esse vt modo imperretur spiritus san. *Quæ cū abisset. s. ab angelo, & sepulchro: Ecce quidā de custodibus venerūt in ciuitatē, s. Hierusalē, & nūciauerūt principibus sacer-*

*sacerdotū omnia quę facta fuerāt reuolutionē lapidis. s. terrę motū, angeli descēsum, & terrorē ei⁹: præterea nūtiū quod mulieribus angelus detulerat. et cōgregati cū senioribus, cōsilio accepto pecuniā copiosam militibus dederūt dicētes, dicite &c. Diuulgate apud oēm populū istud videlicet quod discipuli eius venerint noctu, & clam furati sunt eū, sed apertū erat mēdaciū eorū de ablatione corporis Christi per discipulos eius nocte facta, nā quō tanta militū multitudine præsentē ausi fuissent Christū mortuū auferre quē prius oēs viuū deseruerūt. Deinde quū fures quęcunq; possunt auferre nō reliquunt, nō sudariū, nec lintamina in sepulchro reliquissent quę difficulter à corpore Christi auelli poterant, quod myrrha & aloë corpora erāt cōglutinata: prodest nihilominus fidei nostrę mendaciū istud, nā ex eorū cōfessione cognoscimus sepulchrū fuisse vacuū, neq; ibi corp⁹ Christi remāsisse. vobis dormiētib⁹. Si dormiebāt quō factū sit nesciebāt, vt Aug. Quō verò nullus ex tāta militū multitudine qui vigilijs erāt assueti ad reuelationē tāti lapidis & cōcursu discipulorū euigilauit? Cur saltē mulieres nō apprehenderunt, vt per illas innotesceret veritas? Si dicāt quod viderūt discipulos currētes cū cadauere, & quod nō potuerint hoēs rudes & pugnæ non assuetos, ac corpore mortuo grauatos assequi, cur nō in domibus discipulorū quæsiuerūt corpus Iesu, vt oībus demonstraretur figmentū discipulorum? cur hac de causa nullus discipulorū captus est? et si hoc fuerit auditū a præside. Metuebant custodes ne mendaciū eorū deprehenderetur à Pilato: videbant etiā suo mēdacio se ipsos accusare negligentia. Ideoq; fortē à Pilato puniri mētiebāt: Oculos autē supremi iudicis Dei nō mētiebāt quod cōmune est oīb⁹ terrenis hoīb⁹. Contra metū Pilati muniūt eos dicentes: Et si hoc &c. s. quod angelus Dñi terruerit vos amoue-
ritq;*

Lif. 50. bo.

Hom. 36. et

17.

IN MATTHAEI

ritque lapidem , & dixerit ipsum resurrexisse *suade-*
bimus ei quod falsum sit, & securos uos faciemus. libe-
 ros ab omni periculo. Credebāt enim se facile per-
 suasuros homini gentili non esse resurrectionem
 mortuorum. O magnam mentis humane cœcita-
 tem, Non dixerunt, credamus nunc eum surrexis-
 se à mortuis qui tam efficacia signa perspeximus:
 aut examinemus ea quæ fecit viuus & mortuus, re-
 spiciamus successum discipulorum, ane aliquid
 diuinum sit in his omnibus, sed omnibus conati-
 bus suis vti sunt, vt resurrectionis fidem impedi-
 rent. *At illi accepta pecunia fecerunt sicut erant edocti.*
 Quod milites hi pecuniam veritati præponāt mi-
 rari minimè debemus, hoc enim ipsum fecit qui
 reliquerat omnia & sequutus erat Christum Iu-
 das Iscarioth, quem pecunia optimi magistri sui fe-
 cit proditorem. *Et diuulgatum est uerbum istud apud Iu-*
deos Aduerte quod dixit (apud Iudæos) non autem
 apud Christianos, nam Iudæi Christo malè affecti
 procliues erant ad recipiendos errores. Sed quod
 apud Iudæos Iudæus obscurabat auro, fide mox
 in toto mundo claruit. Aduerte hic quàm facile
 seducuntur, qui in timore Dei non vigilant. *vsque*
in hodiernum diem scilicet quo ego Matthæus hoc E-
 uangelium scripsi: non statim enim post Christi
 ascensum scripsit. Facile autem perseverat apud
 vulgus quod ei persuasum est, quantumuis absur-
 dum. Facti igitur sunt Iudæi hæredes huius men-
 dacij, sicut facti sunt hæredes reatus effusionis san-
 guinis Christi, quem sibi & posteris suis impiè ad-
 modum imprecati sunt. Mysticè verum est ver-
 bum custodum, quod dormientibus Iudæis nocte
 infidelitatis & negligentiae venerūt gentiles Chri-
 stiani, & fide apprehenderunt Christum non mor-
 tuum sed viuum & cum in extremo iudicio au-
 ditum fuerit à præfide Christo Apostoli, qui nos
 ista

ista docuerunt securos nos facient: quod pulchrè
 Hylarius, & Hieronymus explicat, Hilarius enim
 sic ait: Emitur ergo resurrectionis silentium &
 mendacium furti argento, quia honore seculi qui
 in pecunia est, & cupiditate Christi gloria denega-
 tur. Hieronymus verò in Commentarijs: Omnes,
 inquit, qui stipe templi, & his quæ conferuntur ad
 vsus Ecclesiæ abutuntur in alijs rebus quibus
 suam expleat voluntatem, similes sunt Scribarum
 & sacerdotum redimentium mendacium, scilicet,
 à militibus & saluatoris sanguinem scilicet à Iuda
 Apostolo eius. *vndecim autem discipuli abierunt in Ga-*
lileam. Augustinus libro de consensu Euangelista-
 rum ostendit istud contigisse post omnes appari-
 tiones quæ scriptæ sunt in euangelijs ante ascensio-
 nem. Per hoc (inquit) cogimur intelligere post om-
 nia factum esse quod eum in monte Galileæ disci-
 puli vndecim viderunt. Nam Ioannes dicit Chri-
 stum tertio apparuisse discipulis suis ad mare tybe-
 riadis, quod non ad numerum apparitionum seu
 manifestationum, sed ad numerum dierum quibus
 apparuit referendum est. Primò enim apparuit in
 die Paschæ mulieribus Petro Cleophe, & socio eius
 decem ite Apostolis. Octauo die apparuit vndecim:
 Tertio apparuit septem ad mare tyberiadis. Quod
 ergo hic dicitur apparuisse in monte vndecim di-
 scipulis, in Galilæa, post omnes apparitiones factas
 & scriptas in Euangelijs ante ascensionem eius post
 tertiam illam contigit: Alioqui enim non ter-
 tio, sed quarto apparuisset ad mare Tyberiadis.
 Quidam putant hanc esse apparitionem illam cu-
 ius meminit Apostolus dicens, deinde apparuit
 plusquam quingentis fratribus simul &c. sed hoc
 non est certum. Verisimile etiam est multos alios
 cum illis vndecim iuisse, nam dictum erat ab An-
 gelo, & Christo ipso, vt fratres eius, scilicet omnes

*Hilar. in fi-
 ne Commē.
 in matth.*

1. cor. 15.

IN MATTHAEI

irent in Galilæam, vbi nō soli intelliguntur Apostoli. Quando verò abierint in Galilæam non satis constat, forte non improbabiler diceretur quod postridie resurrectionis Domini, vel tertio die, ita vt apparitio facta in octauo die, contigerit in Galilæa, reuersis iam discipulis domum, & absoluto itinere. *in montem ubi constituerat illis Iesus.* In scriptura nō exprimitur quem montem ipsis præscripserit. In montem autem apparuit eis Dominus, vt significaret quod corpus de communi generis humani terra nascendo susceptum, resurgendo iam super terrena omnia subleuaret; & vt admoneret fideles si illic celsitudinem resurrectionis eius cupiunt videre, hic ab infimis voluptatibus ad superna studeant desideria transire. *Et videntes eum adorauerunt.* Ipsi vndecim & qui cum illis erant. *Quidam autē dubitauerunt.* Græci legūt, Hi autem dubitauerunt. Quod dupliciter intelligi potest, vel de aliquibus alijs qui fuerant cum Apostolis vndecim sicut dicimus; Homines in festis diebus Deū landant, hi autem inebriantur. Vel potest intelligi de vndecim apostolis vt illud verbum (dubitauerunt) nō referatur ad tempus istius apparitionis sed ad prius tēpus, quasi diceret Euangelista: Nūc adorauerunt ipsi vndecim nō temere, sed cū benè perspexissent quod esset ipse Iesus, nam ipsi iidem ante dubitauerant nec ipsum resurrexisse crediderāt. Potest autem secundū hāc expositionem istud referri vel ad omnes vndecim apostolos, qui mulieribus Angelicū nuntiū deferentibus credere noluerunt sicut dicit Lucas: vel ad multos ex ipsis vndecim, sicut ad Thomā, & ad aliquot alios de quibus dicit Lucas, quod cōturbati & cōterriti existimabāt se spiritū videre: *Data est mihi potestas omnis in cælo &c.* Hoc intelligitur de Christo secundū humanā naturā, sicut apud Ioan. dicit sibi datā potestatem omnis

carnis

Ioan. 17.

3. Par. 9. 13.

art. 2

carnis, id est, omnium hominum electorum vel iustorum, ubi petit se secundum humanam naturam glorificari. Thomas intelligit istud de omni potentia Christi absolute, secundum quam Christus homo est &, vere dicitur omnipotens quia ille homo est Deus. Sed magis puto hic per potestatem intelligendam esse prefecturam, & Dominium, sicut apud Ioannem dicit Christus datam sibi potestatem omnis cap. 17. carnis, Paulus Christum dicit esse caput totius Ecclesiae, & praelatum constitutum super omnes Angelos, & omnia subiecta sub pedibus eius, Et Petrus Christum esse constitutum omnium Dominum & iudicem mortuorum & viuorum. Omnis ergo potestas, id est, perfecta & integrum seu plenum dominium. *in caelo et in terra*, id est, super omnes qui sunt in caelo, & qui sunt in terra, siue super omnem omnino creaturam; nomine enim caeli, & terrae, quae sunt extrema in corporali creatura, intelligitur vniuersa creatura. A principio quidem conceptionis hoc dominium secundum humanam naturam habuit Christus, unde dicitur natus rex Iudaeorum, & angeli agnouerunt eum Dominum omnium, Natus est (inquit) vobis Christus Dominus, scilicet omnium: similiter id ipsum & aliqui homines confessi sunt, & in sanatione hominum exercuit aliquantulum suam potestatem; sed quia conuersatio eius communis erat & similis aliorum conuersationi, atque communibus hominum miserijs obnoxius, ita ut modicum in comparatione humilitatis esset exercitium istius dominij & pauci agnouerunt eum dominum omnium. Post resurrectionem vero ipse in seipso ostedit potestatem suam, donando corpori suo victoriam contra mortem, & omnem miseriam: & cepit ex tunc se paulatim subtrahere ab humili conuersatione: & quia intra breuissimum tempus ascensus erat super omnes Angelos ab eis etiam secundum humanam naturam tanquam dominus glorificandus, quia etiam in inferno hac potestate

aphe. 1.

tradenda iam baptizatis, docet ex scripturis & antiquissima Ecclesiæ Christi cōsuetudine, vtrumq; id est, & fidem & doctrinam bonorum morum tradendam esse hominibus antequam baptizentur. Item in lib. de catechizandis rudibus. Et Hieron. contra errores Ioannis Hierosolymitani. Quod autem hic dicit Christus baptizandis tradendam esse doctrinam bonorum morum post baptismum, non sic intelligendum est quasi ante baptismum non debeant tradi hominibus præcepta bonæ vitæ sicut ante suum baptismum etiam fecit Ioannes Baptista, sed quia homines iam baptizati adhuc egent quotidiana doctrina, exhortatione, admonitione, correptione, vt opere perficiant id quod in baptismo professi sunt. Sensus igitur est: Antequam baptizabitis homines, docebitis eos doctrinam fidei & morum, postquam verò baptizastis, vobis non est cessandum, sed perpetuò adhuc ipsis docendis & corripiendis instandum. Nomine doctrinæ intelligenda sunt hic veritatis prædicatio exhortatio & correptio &c. Porro ex hoc quod dicitur (Docete omnes gentes) patet iuris esse diuini quod cathecismus siue doctrina seu institutio præcedat baptismum, non quin verus sit baptismus, si tradatur sine doctrina præuia, sed quia nihil prodest baptizatis sine fide si adulti fuerint, fides autem non habetur nisi ex doctrina. In necessitate tamen sufficit tanta verba profiteri quibus omnia continentur prætermisso cathecismo pleniori, & sic accipere baptismum. Sicut iure diuino tenetur quidem baptizandus fidem suam cōfiteri per se ipsum, si tamen non possit sufficit si per alium. Argumentantur hic Anabaptistæ: Paruuli non possunt doceri, ergo nec baptizari. Sed consequentia non valet, quamuis enim vtrumq; requiratur ad salutem fides & baptismus, Deus tamen vbi adest vnum, al-

terum quod necessitate excluditur supplet, sicut iā diximus quod in necessitate supplet defectum plenae doctrinae, quae tamen extra necessitatem omnino requiritur. Sic Augustinus. & Bernardus. Rursus antecedens non est verum, quia paruuli antiquissimo ritu ab Apostolis instituto, & baptizantur, & cathecizantur, & abrenunciant Sathanæ, & credunt per Ecclesiam, quae ipsis & os & cor maternum præbet, & commodat. De quo pulchrè Dionysius Areopagita, & Augustinus. baptizantes id est, abluentes eos corporaliter, siue tangentes aqua, in nomine patris &c. id est, inuocato super eos nomine patris & filij, & spiritus sancti. Quid per hoc intelligatur (inuocato &c.) satis patet ex Actibus Apostolorum, vbi Ananias dicit Paulo: Exurge, & baptizare, & ablue peccata tua inuocato nomine ipsius, hortans eum ad baptismum. Quod verò inuocatio ista debeat fieri sub præscripta forma verborum non habetur necessariò ex grammatico sensu istorum verborum, quae hic ponit Matthæus, nec ex Actis vbi dicit Petrus: Pœnitentiam agite & baptizetur vnusquisque vestrum in nomine Iesu Christi in remissionem peccatorum vestrorum & accipietis donum spiritus sancti, nā ista verba (quantum ad grammaticum sensum spectat) sic intelligi possunt: Baptizate eos in nomine patris, &c. id est, ad honorem patris & filij &c. aut vice & autoritate patris &c. Cæterum significari certam verborum formam habemus ex traditione Ecclesiæ, & veterum Doctorum. Cyprianus enim in epist. ad Iubaian. Basi. in lib. de spi. sanct. Epiphanius in præfatione ante hæreses. Didimus lib. 2. de spiritu sancto, qui habetur inter opera Hieronymi, & Augustinus lib. 3. de baptismo contra Donatistas, formam verborum qua in baptismo vtimur dicentes: Ego baptizo te in nomine pa-

nepa-

in fin. lib.

cont. dona.

de baptism.

Epist. 77.

ad Hugon.

in fine lib.

bielar. cccl.

Epist. 2.

3. item li. 1.

de pec. mer.

cap. 19. 20.

et 25.

Act. 22.

cap. 2.

Basil. ca. 10

et sequent.

et lib. 3. cō

Eunon. in

fine.

Aug. contr.

dona. c. 14

et 15. et li.

6. ca. 26. a-

lias 25.

ne patris & filij & spiritus sancti , intelligunt præscribi hoc loco à Christo. Id etiam satis constat ex locis citatis non esse baptismum si non exprimantur tres personæ distinctæ . Qua de re vide Augustinum, Innocentium primum, & Theophylactū. Quæ quidē personarum trium expressio quam rectè nobis fieri specialiter præcipiatur , manifestum ex eo euadit, quod baptismus sit ianua sacramentorum, quo fideles primo aggregantur Christo, ac filij Dei fiunt: nec cuiquam conferatur nisi in has tres personas, à quibus omne bonum prouenit credenti. Vide Basilium de spiritu sancto, & Augustinum. Nomen ponitur hic pro re nominata. Nomen (inquit Hieronymus) trinitatis, vna diuinitas est. Sic & Augustinus: Sic in Deuteronomio. Nisi timueris nomen eius gloriosum atque terribile, id est, Dominum Deum tuum. Est ergo sensus huius: Baptizo te in nomine patris, & filij, & spiritus sancti: Ego te corporaliter abluo aqua inuocando super te vnā diuinitatē, potentiam, sapientiam, bonitatem, patris & filij & spiritus sancti, vt ipsi per suam diuinitatem & pietatem mudent & lauent te à peccatis. Quibus verbis refutatur hæresis Sabellij dicentis, non esse distinctos patrem, filium, & Spiritum Sanctum, nam hic apertè distinguuntur. Refutatur etiam hic hæresis Aërij, & Eunomij docentium filium & spiritum sanctum esse creaturas: quomodo enim filius & spiritus sanctus habent vnū nomen cum patre, si non sunt vnus Deus cum ipso? Et cum connumerentur hic ipsi patri tanquam origo regenerationis, remissionis peccatorum, & totius sanctitatis nostræ, clarè consequitur quod sint vnus & verus Deus. Vnde ex isto loco statuit diuinitatem sancti spiritus Basilius lib. de spir. san. ca. 10. Et fusissimè M. Sent. lib. 1. sent. dist. 10.

*Aug. lib. 1.
cont. maxi.
ca. 17. In
nocē. in epi.
ad episco.
Macedonie
Theo. in ul.
cap. Luc.
Basil. ca. 12
Aug. lib. 6.
cont. Dona.
cap. 3.
Lib. 3. cont.
Max. 16.
Dut. 28.*

Porro relatiuam oppositionem quæ est inter patrem & filium aliquousq; quamuis valde modicè intelligimus ex creaturis. Relationem verò illam quam habet spiritus sanctus ad patrem & filium non ita ex creaturis intelligere possumus, quòd tertia persona non habet nomen ita relatiuum, sicut duæ personæ priores. Tribuitur enī ei nomen hoc spiritus sanctus propter nominis specialis penuriā. Idq; conuenientissimè, Spiritus enim maximè ipsam diuinitatem, quæ est omnino incorporea, nec loco, nec tempore circumscripta infinitæ magnitudinis, & virtutis significat.

Sanctus verò eam ab omni malo puram, naturaliter bonam, à qua omnia suam sanctitatem, & bonitatem habent designat. Quare ex eo quod tanquam distincta persona, connumeratur spiritus sanctus patri & filio, satis nobis indicatur distincta eius relatio, quam habet ad patrem, & filium, quæ nobis est incomprehensibilis. In baptismo autem specialiter præcipitur vt exprimantur tres personæ diuinæ, quia est ianua sacramentorum, per quā fideles primò aggregantur Christo, & per fidem fiunt filij Dei. Cum igitur fides propriè circa tres personas sit quemadmodum ex symbolo liquet, & verum totumq; bonum quod habemus & speramus à patre filio, & spiritu sancto proueniat meritò in primo sacramento fidei à Ioanne Baptista tres personæ exprimuntur, & si fieri potest etiam à baptizando in suæ fidei confessione. Vide Basilium lib. de spiritu sancto cap. 12. & Augustinum lib. 6. de baptismo contra Donatistas cap. 25. vbi dicit symbolum nostrum constare his angelicis verbis. In nomine patris, & filij, & spiritus sancti, quia videlicet tres sunt partes symboli iuxta tres personas. Iisdem de causis Ecclesia dum Dei laudes decarat tres personas exprimere nō cessat vt dum

CAP. VIGESIMVM OCTA. 285

hæc frequentat, Gloriapatri, & filio, &c. & Te
 Deū laudamus &c. & in sacrificio, Sanctus, Sāctus,
 Sanctus. Et generaliter in omni oratione, eam hoc
 pacto concludens, Qui tecum viuit, & regnat in
 vnitate spiritus sancti Deus &c. Sicuti autem
 Christus hic modum baptizandi tradidit, ita qua-
 draginta illis diebus ante ascensionem dum mul-
 ta de regno Dei loqueretur etiam de cæteris sacra-
 mentis locutus est. Vnde Ioannes dicit eum Apo-
 stolis suis dedisse potestatem remittendi, & reti-
 nendi peccata: omnibusque præfecisse Petrum. Et
 Lucas eum aperuisse sensum Apostolis vt intelli-
 gerent scripturas. Ita quoque verisimile est eum
 de baptismo infantum de Eucharistia, de non ite-
 rando baptismo, alijsque similibus ad gubernatio-
 nem Ecclesiæ pertinentibus multa locutum fuisse,
 quæ demum adueniente Spiritu Sancto plenius
 intellexerunt Apostoli. *doctes eos seruare omnia.*
 Omnia dicit, quia vnus præcepti transgressio sa-
 lutem auferre potest (teste Iacobo Apostolo dicente,
 Qui offendit in vno factus est omniū reus). Aduer-
 tendum est Christum Apostolos suos de omni-
 bus instruxisse, quæ requiruntur ad qualescunque
 status omnium hominum, saltem post missum
 spiritum sanctum, & occurrentem hominum ne-
 cessitatem: Et ideo illud (*quæcunque mandauimus vobis*)
 non sic intelligendum est quasi nihil mandare de-
 berent Apostoli præter id quod Christus expressè
 præceperat; sed intelligendum etiam est de his quæ
 Christus implicite tantum præceperat, vel ad quæ
 præcipienda ipsis Apostolis dederat auctoritatem:
 sicut Apostolus Paulus præcepta sua quæ ipse sta-
 tuerat obseruanda in conuentu Ecclesiæ, Domini
 dicit esse mandata. Sub mandatis intellige etiam
 consilia quæ non minus vult Dominus proponi,
 & doceri, quam ipsa præcepta. *Et ecce ego vobiscum
 sum*

cap. 10.

cap. 1. epl.

1. cor. 14.

IN MATTHAEI

sum omnibus diebus. Res maxima consideratione digna & omnis consolationis plena. (Ego) magnam habet emphasim quasi dicat. Ego Deus & homo, Dominus cœli & terræ, ego qui pro vobis homo miser fieri, & per crucem mori volui, ego qui nūc ago vitam immortalem vobiscum sum scilicet cum vobis vndecim, & omnibus discipulis meis, qui sequentur fidem vestram: Loquitur enim omnibus fidelibus tanquam vni corpori, omnes enim vnum corpus sunt vnitæ continuæ successionis sicut ciuitas multis sæculis vna permanet, etsi homo nullus sit in ea qui fuit cum fundaretur. Sic dicit etiam apud Marcum saluator Apostolis loquens: Quod vobis dico, omnibus dico: Vigilate. Nam ipsi Apostoli non erant permansuri vsq; ad consummationem sæculi: & de animabus Apostolorum non videtur esse Christus sollicitus, nam etsi statim Apostoli fuissent mortui, & multi fideles fuissent subsequuti, potuissent dicere quod cum animabus eorum esset futurus vsq; ad consummationem sæculi, hoc autem non vult: sed sentit perpetuo vsque ad diem iudicii extremi, futuros qui credent in eum, & feruenter diligunt, quasi diceret: bene confidite vos facturos in gentibus, nec vobis metuatis in hoc periculoso sæculo, propter meam corporalem absentiam, quia ego vestræ progeniei quam per euangelium gignetis, adero, vt non deficiat. *usq; ad cōsummationem sæculi.* Hoc dicit nō quod postea non sit futurus cū illis, sed quod minus verisimile videbatur explicat, vt muniat eos ac roborret contra pericula quæ in hoc sæculo imminere non in futuro. Nobiscum est Dominus Christus non secundum propriam speciem humanæ naturæ, sed secundum diuinitatem suam & corporalem præsentiam in sacramento Eucharistiæ. Nobiscum inquam est tanquam rex & gubernator, & protector

Et electorum suorum, qui eos à peccatis præseruat, & peccatorum concupiscentias vincere facit, tanquam propitiator peccatis eorum ignoscens, precesq; misericorditer exaudiens: Vnde Moyses; Deut. 4.
 Non est alia natio tam grandis quæ habeat Deos appropinquantes sibi sicut Dominus Deus noster adest cunctis obsecrationibus nostris Ex his dictis manifestum euadit in quantis versentur tenebris Lutherani, & Calvinistæ, asserentes Christianos plus mille annis in religione Christiana errasse, ac nunc primum verum scripturæ sensum sibi reuelatum esse. Cæci certè sunt, & cæcorum duces, nā si ita esset, Christus hic mentitus esset, aut etiā in religione errasset, nequaquam enim vsq; ad consummationem sæculi suis adesset, imò neq; vsque ad hæc nostra sæcula. Aut si ipsi eius discipuli esse volunt, & hæc promissionem sibi attribuunt, ostendāt doctores suos qui suum Lutheranismum aut Calvinismum ad hæc vsque nostra tēpora docuerunt continua successione, & fideles eos esse demonstrēt qui eis crediderunt. Cæterum licet Christus habiturus sit semper fideles seruos, non tamen sequitur nos perpetuò permanfuros fideles, aut in his regionibus semper mansuram fidem. Quare cum timore & tremore debemus semper nostram salutem operari, ac dicere: Ne derelinquas nos Domine Deus noster. Mane nobiscum Domine, ne nos inducas in tentationem. Adiutor meus esto Domine Deus meus, Et spiritum tuum ne auferas à me.

Redde mihi lætitiā salutaris tui, &
 spiritu principali confirma me.

F I N I S.

Commentarius D. Hesselij in Matt. xum, uidetur mihi eruditus, catholicus, & dignus qui excusus distrahatur.

Molanus.

ERRATA.

fol. 8. lin. 10. seruat, fol. 9. b. lib. 32. trinominis, fo. 14.
lin. 4. suscipit, fol. 33. lin. 32. de lege sua, fol. 52. lin. 25.
præcipit Christus, fo. 61. lin. 12. damnati videant, ait,
fol. 73. b. lin. 29. Iacobo, fol. 74. lin. 11. est de quo, fol.
liu. 1. Vel sicut primis, Ibidem lib. 3. commendare, fo
78. lin. 7. circumeundo, Ibid lin uli. honore populū
deser, fol 78, b lin 28. tum fortiores, fol. 89. lin. 14. Si-
doniorum, fo 82 lin. 11 ex Ioannis dubit. Ibid. b lin.
dominis, 116. b. lin. 4. dicit saluator, 127. b. lin. 3. infi-
deles, 133. lin. ult. tactu, 132. b, 10 peccatiorem, 137 lin, 21
adiutorium, 153. lin. 13. dicitur. 158. lin. 25. folijs 165. li.
to. dialecticam 166. lin. 21. dignatur, 1bi. lii. 2. & bonis
per bonos & malos, 171. b. lin. 18. destitutæ, 175. b. lin.
29. præsentium 181. lin. 26. fundamenta, 183. b. li. fieri
185. lin. 27. impedirent, 188. lin. 32. tumore 190 b. lib.
30. & quod postea, 192. lin. 31. septemplex, 196. b. li.
3. ætas quæ. Ibid. lin. 15. accepere, 197. lin. 34. vide in
Ibid. lin. 11. quia id eum sensisse hinc liquet in tert.
&c. 199. lin. 1. vbi, Ibid. 15 nam in 200. lin. 33. omni
tempore, Ibid, 17 proportionem, 201. lin. 5. fidelitas
prudentia &c. Domino vocatio, 204. b. 15 emptas
205. lin. 12. inordinatione, 206 b lin, vnde scit, Ibid.
26 uobis & vobis, 207. b lin. 18. etiam impij, Ibid. 32
32. petentium, 211. lin. 1. timentium Deum, 214. b. lin.
lin. 17. 215. lin 25. serum foret. 216. b lin quoque 217.
lin, 19. Ego, Ibid. 26 alibi, 218. lin 8. eis, Ibi. 9. perpetua
scio, 220. reducant filios Israel, 224. lin 29 vbi in, 231.
lin. 19. non autem, 237. lin 21. ne quibusuis alijs & ip-
fica, 241. b lin 18. perderet, 247 b lin 21. quum cal.
251. lin 1, deiectus, 259 lin ult. ferti, 262. lin vlti. & vt
Ibid. Noluit, 264. lin 28. vltimr 266. b. lin 2 arrogau-
erit, 272 lin 2 quasi, Ibid 17 velit, Ibid 2 enim, 275.
lin 18 ieiuno bis, 277 b lin penult angelis, 208 lin 21
reolutionem. Ibidem concursum.